

Coll. Com. Soc. Sc. Cat. mscr. ex bibl. Mureti

• VOLUME SECOND DES
CHRONIQUES

D E N G V E R R A N
D E M O N S T R E L E T
GENTIL-HOMME IADIS DEMEVRAINT
A CAMBRAY EN CAMBRESIS.



A P A R I S,

Al'Oliuier de Pierre l'Huillier, rue saint Laques.

1 5 7 2.

Auèc Priuilege du Roy.

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷

第 一 卷



N trefrenommé Philofophe uommé Vegece recite en vn
 fien liure qu'il feift de la vaillance & prudence de cheualerie,
 que l'exercite des armes & la continuation de batailler que
 eurent iadis les Rommains furent caufe qu'ils fubiuguerent
 & dominerent la plus grand partje du monde . Laquelle re-
 citation & qu'il ayt ainfi esté il femble estre veritable, par ce
 que engin subtil induftrie & exercité d'armes fait plus sou-
 uent obtenir victoire que grande afsemblée ne multitude de combatans. Et à di-
 re la verité peu de chole eust esté le petit nombre d'iceux Romains en leur temps
 au regard de toutes autres nations, s'ils n'euffent eu en autre maniere subtilité &
 inſtruction de combatre que n'auoient leurs aduerſaires: mais ils eſtoient à ce du
 tout ordonnez & de iour en iour continuoient en icelle exercite par laquelle ils
 acquirent durant leur regne grand renommée & inestimable louenge qui au
 iourd'huy demoure par eſcript en pluſieurs liures: leſquels clerks, ſages & elo-
 quens philoſophes & poëtes ont fait & compoſé tant en metes comme en pro-
 ſe, & qui ſouuent deuant les Princes & grans ſeigneurs ſont alleguez & voulen-
 tiers veuz & ouyz pour les vertueuſes entreprinſes & hardieſſes d'armes qui y
 ſont eſcriptes & trouuées . Si peult on conſiderer en ceſte partie que le trefpuif-
 ſant Dieu createur du ciel & de la terre de ſa grace donne à vn chacun entende-
 ment par ſoy ſeparer de tous autres, par lequel aucunesfois ſe ferment en aucu-
 nes perſonnes diuerſes imaginations d'une meſme chole, car nous voyons que
 les liures de pluſieurs ſciences compoſées par les ſages anciens ont esté & ſont
 adiouiſſées aucunes choles, qui eſt à ſuppoſer icelles auoir eſté precedentes à l'en-
 tendement d'iceux: leſquels n'en voulurent pour lors mettre n'eſcrire ſinon ce
 qu'il leur ſembloit que ſa matiere requeroit . Et ceux qui ce ont quis & trouué
 ſoit par entendement naturel, eſcripture ou experience entant que l'intentiō ſoit
 vtile & raiſonnable, le doiuent benignemēt & agreablement retenir ſans pour
 ce reprouer l'auteur . Et auſſi nul ne ſe doit pas trop eſmerueller ſi les hommes
 ayans leurs engins appliquez à la guerre trouuent ou imaginent ſelon la qualité
 du temps aucunes nouuelles manieres qui leur ſemblent eſtre neceſſaires & con-
 uenables à la conduicte d'icelle . Et qu'onquesmais ils ne veirent ne ſceurent les
 parolles qui leur viennent de leur propre entedement & imagination par l'ardant
 deſir qu'ils ont aux beſongnes, comprenans & conſideras en eux meſmes les ma-
 nieres qu'ils parçoient eſtre pour eux aduantage d'enuahir leurs ennemis, &
 eux deſſendre d'eux tant par art & maniere louable comme par proeſſe & vai-
 llance de corps: dont tous hommes de noble courage qui ſe mettent à hanter &
 pourſuiuir icelle guerre par ordonnance, contraincte ou neceſſité conuenable, ſe
 doiuent de leur pouoir inſtruire & employer vaillamment & honnorablement
 au bien de la chole publicque & auſſi en particulier pour leur honneur & corps
 garder & deſſendre, & en ce faiſant peuuent acquerir grande recommendation .
 Et ſans aucunement vouloir deſroguer à la vaillance & proeſſe des anciens preux
 en armes, ne diminuer leurs excellēs & nobles faits: Selon mon opinion on trou-
 ue auſſi haultes & excellentes vaillances de pluſieurs manieres auoir eſté faiſtes
 au temps dont ceſte preſente hyſtoire ou chronique fera mention qu'en icelles,
 que par auant on peult auoir veu & ouy recorder: car par vſage & continuation

P R O L O G U E .

ont esté mis en cours moult de cruels & diuers habillemens de guerre desquels par auant n'estoit aucune memoire : pourquoy à l'occasion & ayde d'iceux avec autres subtilitez ont esté commises & sont aduenues diuerses manieres de soy conduyre entre la dessu'dicte guerre. Pour lesquelles r'amener à memoire, recordation veritable, ie Enguerran de Monstrelet faisant ma residence en la cité de Cambrai qui autresfois ay prins laborieux plaisir à faire mettre par escript par maniere de chronique les merueilleuses aduentures & vaillances d'armes dignes de louéage & recordation aduenues au treschrestien Royaume de France, és païs voisins & és marches loingtains tant de la chrestienté comme d'autre loy, au mien petit entendemēt sans polir les choses, ne iisir hors de la maniere, mais mettant le fait directement, en ensuiuant les recitations qui faictes en ont esté à moy par plusieurs hommes nobles & autres notables personnes, & aussi par Roys d'Armes, Heraulx & poursuiuans dignes de foy & de credence, qui ont esté presents aux besongnes: me suis remis à continuer & poursuivre ce que de long temps auoye & ay encommencée & à entendre les besongnes, pour compiller ces presentes hystoires, qui se comprennent comme on pourra veoir à elles lire & ouyr en batailles mortelles, desolations de plusieurs Eglises, citez, villes & forteresses, depopulation de moult de païs & autres merueilles piteuses à recorder, dont les vaillans & prudens hommes tant nobles comme autres qui longuement y ont exposé corps & biens & souffert & enduré peine & travail en perils de leurs corps, & que grād partie d'iceux y ont par vaillance ou par pitoyable aduenture miserablement finé leurs iours, doivent estre bienheurez & guerdonnez, en racomptāt leurs vaillances, bonnes renommées & nobles faits, tant pour eux que leurs successeurs, & doit estre denoncé par les viuans à durable memoire. A laquelle ouyr reciter toutes nobles personnes de vaillance & hardy courage se peuuent & doivent reueillir à vouloir loyaument seruir leur Prince & seigneur droicturier, en gardant sa querelle & bon droit. Et pour ces raisons ay voulu mettre & par exposer mon temps, comme dit est, en perseuerant en icelle occupation: car avec ce ay assez apperceu & veu par experience ce que aucuns Princes & seigneurs de grandes auctoritez & de diuers estats ont prins plaisir à en veoir & ouyr aucune chose, jaçoit ce que ce ne soit pas sans peine d'enquerir, veiller & trauailler que tels faits se puissent aussi par ordre assembler. Toutesfois de tant peu griesue le trauail comme l'auteur y prend plaisir quand il le fait liberallement. Si commencera iceluy mon second liure au mois d'Octobre mille cccc. xxij. qui est la fin du premier volume par moy autresfois composé des hystoires precedentes. Et aussi le commencement du regne de tresnoble memoire Charles le bien instruit par la grace de Dieu Roy de France septiesme de ce nom, & finira ou mois de May l'an mille cccc. xliiij. Auquel mois & an se prindrent & fermerent les tresues d'entre les Royaumes de France & d'Angleterre en la ville de Tours en Touraine.

*S'ensuit la table de ce present deuxiesme volume d'Enguerran de Monstrelet.
Et premierement.*



COMMENT les nouuelles de la mort du Roy Charles le bien-aymé furent apportées au Duc de Touraine Dauphin son seul fils & plusieurs autres matieres.

Fuillet 1

Comment Charles Duc de Touraine Dauphin fut couronné apres la mort du Roy Charles son pere. 1

Comment les Parisiens enuoyerent leur ambassade en Angleterre deuers le Roy Henry & son conseil & autres matieres. 1.

Comment les capitaines du Roy Charles s'assemblerent en grand nombre pour leuer le siege de Meulan. Et comment le Duc de Bethfort traita à ceux dudit pont. 2.

Comment les Francois eschellerent & prirent la forteresse de Dommar en Ponthieu & plusieurs autres matieres. 3.

Comment les Ducs de Bethfort, de Bourgongne & de Bretagne vindrent à Amiens & firent alliance entre eux. 4.

Comment Pothon de sainte Treille & Lyonnel de Vrandonne firent armes en la presence du Duc de Bourgongne. 5.

Comment le Comte de Salsbery assiegea la forteresse de Montaguillon, laquelle se rendit à luy & autres matieres. 6.

Comment le Roy Charles de France fit assieger la ville de Crenant par le Connestable d'Escoce & le Comte de Vantadour Auvernois. 7.

Comment mesire Jacques de Harcourt tint parlemēt avec mesire Raoul le Bouteillier pour la reddition du Crotoy. 8.

Comment la ville de Compiengne fut remise en la main des Anglois. Et comment la ville & chastel du Crotoy furent rendus au Duc de Bethfort. 11.

Comment deux maistres en ars furent enuoyez en la cité de Tournay pour admonester & entretenir le peuple en l'amour du Roy Charles & autres matieres. 11.

Comment mesire Jean de Luxembourg assiegea le chastel de Viege. Et comment

il fit une embusche où Pothon de sainte Treille & ses compaignons furent desconfits. 12.

Comment en cest an grand quantité d'Anglois arriuerent à Calais, & autres matieres en brief. Et comment mesire Jean de Luxembourg assiegea la ville de Guise & plusieurs autres matieres. 12.

Comment le seigneur de Longueval & plusieurs autres seigneurs se tournerent de la partie du Roy Charles. 13.

Comment le Duc de Bethfort alla à grand puissance tenir la iournee deuant Tury: laquelle ville & forteresse luy furent rendues. 13.

Comment le Duc de Bethfort poursuivit les Francois & les combatit deuant Vernueil. 14.

Comment ceux de la ville de Tournay sefermeurent l'un contre l'autre. 15.

Comment ceux de Guise traiterent avec mesire Jean de Luxembourg & mesire Thomas de Rampston. 15.

Comment les Ducs de Bethfort & de Bourgongne prirent peine à appaiser les Ducs de Clocestre & de Brabant. 17.

Comment les Ducs de Clocestre & la Duchesse sa femme allerēt de Calais en Hainault prendre l'obeissance des bonnes villes. Et comment le Duc de Bourgongne se prepara pour aller en l'ayde du Duc de Brabant son cousin. 18.

Comment le Duc de Clocestre enuoya vnes lettres au Duc de Bourgongne. Et la copie d'icelles. 19.

Copie des premieres lettres du Duc de Bourgogne enuoyees au Duc de Clocestre. 19.

Copie des secondes lettres enuoyees par le Duc de Clocestre au Duc de Bourgogne. 20.

Comment le Duc de Bourgongne retourna en Flandres. Et comment il renuoya vnes secondes lettres au Duc de Clocestre & la copie d'icelles. 21.

Comment la ville de Braine en Hainault fut destruite & desolée par les commis de

TABLE DES CHAPITRES

Brabant & autres matieres.	21.	Comment la forteresse de la Malle-maison qui estoit à l'Euesque de Cambray fut prinse par mesire Jean Blondel, & autres matieres.	33.
Comment le Pape Martin enuoya vnes bulles au Duc Jean de Brabant & la teneur d'icelles.	23.	Comment mesire Jean Blondel rendit la forteresse de la Malle-maison qu'il auoit prinse à l'Euesque de Cambray.	33.
Comment apres le departement du Duc de Cloestre la guerre se fust en Hainault, & comment la Duchesse Isabelle de Bauiere escriuit au Duc de Cloestre pour auoir secours & le contenu d'icelles lettres.	23.	Comment le Duc de Bourgogne retourna au pais de Hollande où il feut assaillir la ville de Hermonfort & autres matieres.	34.
Comment le Duc de Bethfort & le Duc de Bourgogne se trouverent ensemble en la ville de Doullens & autres matieres en suiuant.	25.	Comment en ce temps le Souldan de Babylone escriuit lettres aux Princes Chrestiens, & la teneur d'icelles.	34.
Comment le Souldan & les Sarrazins delibereurent d'aller conquerre tout le royaume de Chippre.	25.	Comment les Anglois vindrent en la Duché de Bretaigne où ils firent moult de maux & de grans dommages, & autres matieres.	34.
Comment le Duc de Bourgogne feit grandes preparacions pour combattre le Duc de Cloestre & autres matieres.	26.	Comment mesire Jean de Luxembourg assiegea Beaumont en Argonne.	36.
Comment la Duchesse Isabelle de Bauiere se partit & embla de la ville de Gand & s'en alla au pais de Hollande.	26.	Comment le traité se fit entre le Duc de Bourgogne & la Duchesse Isabelle de Bauiere pour la guerre de Hollande, & le contenu d'iceluy.	36.
Comment le Duc de Bethfort meit ius le champ des Ducs de Bourgogne & de Cloestre & autres matieres.	27.	Comment le Comte de Salsbery vint en France à tout grans gens en l'ayde du Duc de Bethfort, & comment le Duc de Bourgogne ramena la Duchesse Isabelle de Bauiere en Hainault.	36.
Comment le seigneur de Siluatiere vint au pais de Hollande en l'ayde de la Duchesse Isabelle de Bauiere.	27.	Comment ceux de Tournay se fireurent de rechief l'un contre l'autre.	37.
Comment le Duc de Bourgogne retourna en Hollande & assiegea la ville de Zeuuerberche, laquelle se rendit à luy, & autres matieres.	28.	Comment le Comte de Salsbery conquist Languedoc & plusieurs villes deuers Orleans, & comment le Duc de Bethfort voulut auoir les rentes des eglises.	37.
Comment les Sarrazins retournerent en Chippre & eurent bataille aux Chipriens. En laquelle bataille le Roy fut prins & mené au Souldan.	29.	Comment le Comte de Salsbery assiegea la cité d'Orleans où il fut occis.	37.
Comment la forteresse de Moynes en Champagne fut reprinse des François, & comment sentence fut rendue pour le Duc Jean de Brabant & la forteresse d'Oripette en Prouence.	31.	Comment un prestre nommé frere Thomas conuertit plusieurs personnes & abatis les boumbans & auoirs des femmes en plusieurs paries.	38.
Comment le Duc de Bethfort se assiegea Montargis. Et comment le siege fut levé par les François & autres matieres.	31.	Comment grans tournoiemens se firent en la ville de Bruxelles.	39.
		Comment le Comte de Namur trespassa & fut le Duc de Bourgogne son heritier.	40.
		Comment	

Comment les Anglois allans au secours du
siegé d'Orleans rencontrèrent les Fran-
cois qui les assaillirent. 40.
Comment une pucelle nommée Ieanne vint
deuers le Roy Charles à Chinon où il se
tenoit. Et comment ledit Roy Charles la
retint avec luy. 41.
Comment de par le Roy Charles & ceux de
la ville d'Orleans vindrent ambassa-
deurs en la cité de Paris pour faire trai-
té au Duc de Bethfort, affin que ladicte
ville d'Orleans demourast paisible. 42.
Comment la pucelle Ieâne & plusieurs no-
bles capitaines Francois & de grand re-
nom raffreschirent la noble ville & cité
d'Orleans de viures & de gens d'armes:
& depuis leuerent le siege. 42.
Comment le Roy de France à la requeste de
la Pucelle Ieanne & d'autres nobles ca-
pitaines estans en la ville d'Orleans leur
enuoya grâs gens d'armes pour aller sur
ses aduersaires. 43.
Comment la Pucelle Ieanne, le Connestable
de France & le Duc d'Alencon & leurs
routtes cōquirent la ville de Iargueaux.
Et la bataille de Patay où les nobles
Francois desconfirent les Anglois. 44.
Comment le Duc de Bourgongne à la reque-
ste du Duc de Bethfort s'en vint à Paris
où de nouuel ils reconfermerent leurs al-
liances. 45.
Comment le Roy Charles de France se meid
sur les champs à tout grand foison de
gens d'armes & de chevaliers, auquel
voyage meit en son obéissance plusieurs
villes & chasteaux. 46.
Comment le Roy Charles de France à tout
grande & noble cheualerie, & à tout
grand nombre de gens d'armes s'en vint
en la cité de Reims où il fut sacré par
l'Archeuesque de Reims. 46.
Comment le Duc de Bethfort fît moult grād
assemblée de gēs d'armes pour aller com-
battre le Roy Charles. Et comment il luy
enuoya vnes lettres. 47.

Comment le Roy Charles de France & le
Duc de Bethfort & leurs puissance ren-
contrèrent l'un l'autre vers le Mont Es-
piloy. 48.
Comment le Roy Charles de France enuoya
ses ambassadeurs à Arras vers le Duc de
Bourgongne. 49.
Comment le seigneur de Longueval print le
chasteau d'Ammarle sur les Anglois. 49.
Comment la ville de Compiengne se rendit
au Roy Charles. Et du retour des ambas-
sadeurs de France qui estoient allez vers
le Duc de Bourgongne. 50.
Comment le Duc de Bourgongne enuoya ses
ambassadeurs à Amiens pour entretenir
les habitās d'icelle ville de sa partie. 51.
Comment le Roy Charles de France s'en re-
tourna en Touraine & en Berry. 51.
Comment le Duc Philippe de Bourgongne
en grand appareil ramena sa sœur en la
cité de Paris au Duc de Bethfort son
mary. 51.
Comment les Francoiſ & les Bourgongnons
courroient l'un sur l'autre, nonobstāt les
tresues qui y estoient. 52.
Comment le seigneur de Sauces & le ba-
lard de saint Pol furent prins deuant
Paris par les Francoiſ. Et comment par
d'autres Francoiſ la ville de S. Denys
fut prinſe & eschellée. 53.
De plusieurs conquestes que firent les An-
glois. 53.
Comment le Duc de Bourgongne se remaria
la tierce fois à ma damoyſelle Isabel fil-
le au Roy de Portugal. 54.
Comment Estienne de Vignolles dit la Hire
eschella & print la ville de Louiers
en Normandie. 54.
Comment en cest an le Duc de Bourgongne
miſt sus vne ordre qui fut nommée l'or-
dre de la Thoison. 54.
Comment le seigneur de Creuencœur & Ro-
bert de Sauces furent rencontrez des
Francoiſ en allant à Clermont en beau-
uoisis. 55.

TABLE DES CHAPITRES

Comment cinq François feirēt armes à Arras contre cinq Bourgongnons & autres menues matieres.	55.	siège des Bourgongnons	61.
Comment le Duc de Bourgongne à tout sa puissance alla loger deuant Gournay sur Aronde.	56.	Comment le Marechal de Bouffac alla assieger le chasteil de Clevermont en dennois.	65.
Comment le Duc de Bourgongne alla mettre le siege deuant le chasteil & forteresse de Choisy. Lequel eüquist en briefs iours.	56.	Comment plusieurs Anglois & Bourgongnons rucillans au commandement du Duc de Bourgongne aller assieger Garmignay furent rencontrez & vaincus des Francois.	65.
Comment Jeanne la Pucelle rua ius François d'Arras & luy feit trencher la teste.	57.	Comment les Francois demaderent à auoir bataille cōtre le Duc de Bourgongne & à sa puissance, laquelle ledit Duc par son cōseil ne voulut accorder & autres matieres.	66.
Comment René Duc de Bar mist le siege deuant Chappes empres Troyes en Champagne.	57.	Comment le gens mesure Jean de Luxembourg prindrent le fort de S. Martin auquel ils furent tous morts & prins.	68.
Comment Jeanne la Pucelle fut prinse des Bourgongnons deuant Compiengne.	57.	Comment Pothon de sainte Treille & mesure Loïs de Vaucourt furent prins des Anglois.	68.
Comment le ieune Roy Henry d'Angleterre vint en Frâce & descendit à Calais.	58.	Comment Maillotin de Bours & mesure Hector de Flauy se combattirent l'un contre l'autre en la ville d'Arras.	68.
Comment apres la prinse de la Pucelle le Duc de Bourgongne & ses gens se logerēt deuant la ville de Compiengne.	58.	Comment les gens du Roy Charles voulurent prendre la ville de Corbie.	69.
Comment les Liegeois se merēt sus à puissance de communes & vindrent en la Comté de Namur.	58.	Comment le seigneur de barbazan mist siege deuant le chasteil d'Anglure que tenoient les gens du Duc de Bourgongne.	69.
Comment le Duc de Bourgongne enuoya le seigneur de Croi en la Comté de Namur contre les Liegeois.	59.	Comment Jeanne la Pucelle fut condānte d'estre arse & mise à mort dedans la ville de Roien.	70.
Comment le Comte de Hontidon vint deuant Compiengne en l'ayde du Duc de Bourgongne.	59.	Comment le Concile fut remis & ordonné à Basle par la mēte & induction de l'Empereur.	71.
Comment un homme nommé Thomelaire & ceux de Reims merēt le siege deuant Champigneux.	60.	Comment le Duc de Bar vint en la Comté de Vaudemont pour la conquerre à force.	71.
Comment le Duc Philippe de Brabant trespassa. Et comment le Duc de Bourgongne print la possession de ladite Duché.	60.	Comment le Duc de Bar qui auoit assiege la ville de Vandemont fut cōbatu du Comte de Vaudemont & desconfit par luy & ses aydants.	73.
Comment mesure Jean de Luxembourg entreprint le gouvernement du siege de Compiengne, & des ordonnances qu'il y feit & autres matieres.	61.	Comment le ieune Roy Henry d'Angleterre vint à Paris à grand compaignie pour estre consacré à Roy de France.	75.
Comment le Prince d'Orange fut rut ius par les Francois.	62.	Comment ceux que le Duc de Bar auoit lais-	75.
Comment les Francois vindrent deuant la ville de Compiengne où ils tenerent le			

- setz deuant Vandemont se departirent apres la bataille dessusdictée. 76.
- Comment mesure Iean de Luxembourg assembla gens & sen alla en Champaigne contre les Francois où il eûquist plusieurs forteresses & autres matieres. 76.
- Comment le Duc d'Alencon print prisonnier le Chancelier de Bretagne. 77.
- Comment les Francois cuiderent prendre le chastel de Roüen. 77.
- Comment les Francois prindrent le chastel de Dommart en Ponthieu, & emmenerent le seigneur prisonnier. 78.
- Comment mesure Thomas Kiriel Anglois fut commis capitaine du chastel de Clermont en Beauuoisis. 78.
- Comment les habitants de Channy sur Oise destruirent & desolerēt le chastel de leur ville. 79.
- Comment la ville de Chartres fut prinse par les gens du Roy Charles. 79.
- Comment le Cardinal de sainte Croix vint en France de par le S. pere pour appaiser la guerre des parties dessusdictes. 80.
- Comment le Bouleuer de Laigny sur Marne fut prins des Anglois. 81.
- Comment Philebert de Vaudray gouverneur de Tonnoirre & le seigneur Damone alerent seruir le Duc de Bethfort. 81.
- Comment le Duc de Bethfort vint à grand puissance deuant la ville de Laigny sur Marne pour ayder & conforter les Anglois & bourgongnons qui l'auoient asiegée, lesquels en fin sen partirent sans nul conquest. 82.
- Comment les Gantois sefmeurent contre autēs des gouverneurs de leur ville. 83.
- Comment mesure Iean bastard de saint Pol & le seigneur de Humieres furent prins des Francois. 83.
- Comment plusieurs malesces furent fais & perpetrez es pais d'Amiennois, Santhois & Vimcu. 83.
- Comment le Damoisel de Commeris print la ville de Ligny en Barrois appartenāt à mesure Iean de Luxembourg. 83.
- Comment la forteresses de la bove vers Laon fut prinse des Bourgongnons lesquels se contrefirent Anglois & autres matieres. 84.
- Comment frere Thomas alla à Rome où il fut ars. 84.
- Comment la Duchesse de Bethfort mourut. 84.
- Comment aucuns capitaines Francois passerent la riuere de Somme pour courir en Arthois. 85.
- Comment un Moyne d'ordre S. Benoist voulut prendre le chasteau S. Ange à Rome. 85.
- Comment la paix fut traitée entre le Duc de Bar d'une part & le Comte de Vandemont. 85.
- Comment la Duchesse de Bourgongne accoucha d'un fils en la ville de Gand. 85.
- Comment la paix fut traitée entre le Duc de Bar d'une part & les Côtes de saint Pol & de Ligney d'autre part. 86.
- Comment la guerre sefmeut entre mesure Iean & mesure Anthoine de Vergy d'une part & le seigneur de Chasteau-Villain d'autre part. 86.
- Comment la paix fut traitée entre le Duc de Bourgongne & les Liegeois. 86.
- Comment le Duc de Bethfort qui se disoit Regent de France efpousa la fille du Cōte de saint Pol. 87.
- Comment la ville de S. Vallery en Ponthieu fut prinse des Francois. 87.
- Comment les Ducs de Bethfort & de Bourgongne vindrent à S. Omer. 87.
- Comment en la cité de Tournay eut grand trouble & dissentio pour l'Euesché d'icelle à cause de la mort de l'Euesque dudit lieu mesure Iean de Torfy. 87.
- Comment les Francois firent plusieurs conquestes sur les marches de Bourgongne. 88.
- Comment le Duc de Bourgongne reconquist plusieurs forteresses que les Francois

TABLE DES CHAPITRES

auoient conquises en son pais de Bourgongne. 89.	à mettre le siege deuant Moreul & luy fut donnée la Comté d'Estampes. 94.
Comment Gilles de Passelles fut accusé de trahison dont il fut decapité. 89.	Comment le Pape Eugene fut en discord contre les Rommains qui le voulurent tenir à Rome outre son gré. 94.
Comment les Francois esbellerent la ville de Cressy en Vallois & plusieurs autres matieres. 90.	Comment le fort de saint Vincent empires Laon fut demoly. Et comment plusieurs forteresses furent conquises par les Bour- gongnons. 94.
Comment le Duc de Bourgogne tint la iour- née de Passy. Et comment il fist assieger la ville & forteresse d'Analou. 90.	Comment le seigneur de Thalebot vint en France où il conquist plusieurs villes & forteresses. 95.
Comment Pierre de Luxembourg comte de S. Pol assiegea la ville de saint Valery où, auquel voyage il mourut. 90.	Comment le comte d'Estampes reconquist la ville de saint Valery. 95.
Comment le seigneur de la Trimouille fut pris en l'hôtel du Roy Charles & ren- dit la Vicomté de Thoisars. 91.	Comment les Francois prirent la ville de Han sur Somme en Vermandois. 95.
Comment Guillaume de Corvaingua ius- le en de Beaumain. Et comment la forte- resse de Haplaincourt fut reconquise par messire Jean de Luxembourg. 91.	Comment la ville & forteresse de Chateau- Villain furent mis en l'obéissance du Duc de Bourgongne. 96.
Comment les Comtes de saint Pol & de Li- gny tindrēt la journée de Villiers le Car- bonnel. Et depuis ruerent ius les Fran- cois de la garnison de Laon. 91.	Comment à l'occasion de la guerre grans rail- les furent faictes & cueillies sur le pais d'Arthois & autres à l'enuiron. 96.
Comment la Hire & plusieurs autres Fran- cois coururent en Arthois & en Cam- bresis, mais ce fut deuant l'aduanture deussusdite. 92.	Comment les capitaines du Duc de Bour- gogne vindrent deuant Ville-franche où estoit le Duc de Bourbon. Et comment apres ils assiegerent Belle-Ville, laquelle se rendit. 96.
Comment le Duc de Bourgongne tint la feste de la Thoison d'Or en la ville de Dijon. Et comment il alla aux nopces du fils du Duc de Sauoye. 93.	Comment le seigneur de Villeby & Matha- go Anglois meirent le siege deuant saint Sellerin. Et comment ils conquerirent pre- miers les francois, & depuis iceux An- glois furent ruez ius & desconfits. 97.
Comment les Concile de Basle fut in cest an en grand estat tenu. 93.	Comment la Hire print malicieusement le seigneur d'Offemont. 97.
Comment la ville & le chaste de Prouins en Brie que tenoient les Francois furent pris des Anglois & Bourgongnons. Et aussi comment la ville & forteresse de saint Valery fut reprise des Francois. 93.	Comment les communes de Normandie se- leuerent contre les Anglois & leurs gar- nisons. 98.
Comment le Duc de Bourgongne retourna en ses pais de Bourgongne en Fladres & en Arthois & emmena avec luy Jean fils du Comte de Neuers & autres ma- tieres. 94.	Comment la Hire print le fort de Breucil en Beaunois par force d'assault. 98.
Comment ledit Jean de Neuers fut ordonné	Comment les Ducs de Bourgongne & de Bourbon conuindrent ensemble en la ci- té de Neuers sur traité & conuension de paix. 98.
	Comment aymé Duc de Sauoye se rendit her- mite en un manoir nommé Ripaille. 99.
	Comments

- Comment les communes de Normandie se
r'assemblerent en grand nombre & al-
lerent deuant la ville de Caen. 100.
- Comment le Duc Philippe de Bourgongne
auec la Duchesse sa femme retourna du
païs de Bourgongne en Flandres & en
Artois. 100.
- Comment les Francois prindrent la ville de
Rue sur les Anglois. 100.
- Comment la Hire, Pothon, Philippe de la
Tour & le seigneur de Fontaines descō-
firer le Comte d'Arondel Anglois deuant
le chasteil de Gerberoy. 101.
- Comment le Duc de Bourgongne fut mal
content & indigné sur ceux de la ville
d'Anuers. 102.
- Comment les Francois prindrent sur les
Anglois la ville de saint Denys en Frā-
ce. 102.
- Comment les Francois apres qu'ils eurent
fait vnes lettres de trefues aux Bourgō-
gnons sur les marches de Beauuois alle-
rent courre le païs de Boulenois & au-
tres. 103.
- Comment les Cardinaux de S. Croix & de
Chippre vindrent à Arras pour estre au
grand Parlement. 103.
- Comment Loïs de Luxembourg Comte de
S. Pol espousa Ieanne de Bar Comtesse de
Marle & de Soissons. 104.
- Comment les Francois furent ruez ius vers
Retbels du bastard de Humieres. 104.
- Comment les ambassadeurs du Roy Henry
d'Angleterre vindrēt à Arras pour estre
au grand parlement auec le Duc de Bour-
gongne. 104.
- Comment les ambassadeurs de France vin-
drent en grand nombre en la ville d'Ar-
ras pour estre au parlement dessus-
dit. 104.
- Comment messire Iean de Marle cheualier
d'Espagne & le seigneur de Chargny
furent armez l'un contre l'autre. 105.
- Comment les Francois & Bourgongnons es-
sans en la ville d'Arras estoient cordial-
lement ensemble l'un avec l'autre. 107.
- Comment le Cardinal de Vincestre vint à
Arras pour estre en la conuention qui là
estoit assemblée. 107.
- Comment durant le temps du parlement
d'Arras la Hire & Pothon vindrent
iourrir & fourrager le païs du Duc de
Bourgongne. 107.
- Comment les Roys d'Arragon & de Na-
uarre furent prins & desconfits de-
uant Gayette par l'armée du Duc de
Millan. 108.
- Comment le Cardinal de Vincestre à tou-
te l'ambassade d'Anglois se partit de la
ville d'Arras. Et comment autres am-
bassadeurs de plusieurs lieux vindrēt en
ladite ville. 108.
- Comment la paix fut faicte & confirmée
entre le Roy Charles de Frāce & le Duc
de Bourgongne en la ville d'Arras. 108.
- Comment les Anglois assiegerent la ville de
S. Denys en France, laquelle en fin leur
fut rendue par traité. 116.
- Comment I. Isabel Roïne de France trespas-
sa en la ville de Paris. 117.
- Comment les Cardinaux & plusieurs au-
tres ambassadeurs se departirent de la
ville d'Arras. Et comment le Duc de
Bourgongne constitua ses officiers & bon-
nes villes & forteresses à luy données &
accordées par le traité dessusdit. 117.
- Comment apres la paix d'Arras le Duc de
Bourgongne enuoya aucuns de ses offi-
ciers d'armes deners le Roy d'Angleterre
& son conseil pour monstrer les causes
de la paix qu'il auoit faicte au Roy de
France. 117.
- Comment le commun peuple de la cité d'A-
miens s'esmeut pour les impositions qu'on
voulait mettre sur. 118.
- Comment les Francois coururent & pille-
rēt les païs du Duc de Bourgongne apres
la paix d'Arras. Et ausi comment le
Mareschal de Rieux print villes & for-
teresses en Normadie sur les Anglois. 119.

TABLE DES CHAPITRES

- Comment les Anglois se commencerent à doubter des Bourgongnons qui menoiēt guerre avec eux contre le Roy de France. Et ne voulurent plus conuerſer en leur compagnie & plusieurs autres matieres en brieſ. 121.
- Comment le Roy Henry d'Angleterre enuoya ſes lettres à ceux du païs de Hollande pour les attirer de ſa partie & la copie de ſes lettres. 121.
- Comment apres la paix d'Arras le Duc de Bourgongne conclud de faire & mener guerre aux Anglois. 122. 123.
- Comment le Duc de Bourgongne avec aucuns de ſes priuez conſeillers ſe conclud d'aller aſieger & conquerre la ville de Calais. 123.
- Comment la ville de Paris fut reduite en l'obeiſſance du Roy Charles de France. 125.
- Comment Artus Comte de Richemont Conneſtable de France ſe fit guerre au Damoiſeau de Commerais. 125.
- Comment l'Eueſque du Liege & ſes Liegeois deſtrouiſſerēt Bouſeure & plusieurs autres fortereſſes qui les guerroyoient. 126.
- Comment les villes & fortereſſes d'Othimont furent deſtruites & demoles par le Damoiſeau Euerard de la Marche. 126.
- Comment les Anglois de Calais coururent vers Boulongne & Gravelines & deſconfirent les Flamens, & de la Hire qui gaigna Gisors & tantost le perdit. 127.
- Comment les Gantois & ceux du païs de Flandres firent grand appareil de guerre pour aller deuant la ville de Calais. 127.
- Comment meſire Iean de Croi Baillif de Hainault à tout plusieurs autres capitaines aſſaillit les Anglois dont il fut vaincu. 128.
- Comment les Flamens allerent aſſieger la ville de Calais, & comment ils ſ'en partirent. 129.
- Comment meſire Florimont de Brimeu ſe neſchal de Ponthieu conquiſt la ville du Crotoy. 134.
- Comment Humfroy Duc de Gloceſtre arriva à Calais à tout grand nombre de gēs d'armes & entra en Flandres & en Arthois & és autres païs du Duc de Bourgongne où il ſe fit moult de dōmages. 134.
- Comment les Flamens ſe remeirent en armes depuis qu'ils furent retournez de Calais en leurs villes. 135.
- Comment la Hire print la ville & fortereſſe de Soiffons & autres matieres. 136.
- Comment la Duchefſe de Bethfort ſœur au Comte de ſainct Pol ſe remaria de ſa franche volenté. Et comment Charles de Secille traicta avec le Duc de Bourgongne à cauſe de ſa deliurance. Et comment les Anglois reprindrent la ville de Ponthoiſe. 136.
- Comment le Roy d'Eſcoce fut meurdry par nuit en ſa chabre par le Comte d'Arthel ſon oncle & autres matieres. 137.
- Comment la Hire, Poſſon & plusieurs autres capitaines du Roy de France cuiderent auoir la ville de Roien. Et comment ils furent aſſaillis & deſconfits des Anglois qui les ſurprindrent en leurs logis. 138.
- Comment ceux de Bruges ſe ſeuererent contre leur Prince & ſes officiers, & y eut grand debat & grand occiſion. 139.
- Comment le Bourg de la Hire courut & ſe fit moult de maux és marches de Peronne, Roye & Montdidier. 140.
- Comment plusieurs capitaines Francoiſ au commandement du Roy Charles de France allerent reconquerre plusieurs villes & fortereſſes que tenoient les Anglois. Et comment ledit Roy en ſa propre perſonne alla deuant la ville de Meſtreau-ou-faut-Tonne laquelle il reconquiſt. 141.
- Comment ceux de Bruges iſirent par plusieurs fois hors de la ville & allerent fourrager le plat païs. 142.

Comment

- Comment les Anglois reconquirent la ville de Fescamp en Normandie. 142.
- Comment le seigneur d'Offemont print la Hire prisonnier où il iouït à la paulme en la cité de Beauvais. 142.
- Comment le Roy Charles de France feit sa premiere entrée en la ville de Paris depuis qu'elle fut reduite en son obeissance & les preparatiōs qu'on y feit. 143.
- Comment les Brugelins se commencerent à amoderer & enuoyèrent leurs ambassadeurs deuers le Duc de Bourgogne pour auoir paix. 144.
- Comment le seigneur d'Auxi, mesire Florimont de Brimen Seneschal de Ponthieu & d'Abbeuille allerent assieger le Crotoy. 144.
- Comment plusieurs capitaines Francois à tout grand nôbre de gens de guerre qu'on appella escorbcheurs vindrent au pais de Hainault. 146.
- Comment grans pestilences & famines furent en cest an. 147.
- Comment les Gantois firent nouuelle mutation & se meirens en armes dont les Fèvres furent les principaux. 147.
- Comment le traité se fist entre le Duc de Bourgogne & ceux de la ville de Bruges. 150.
- Comment la guerre se fissent entre la Duché de Bar & la Comté de Vaudemont. 151.
- Comment la famine, la guerre & la pestilence fut grande & merueilleuse en plusieurs pais. 151.
- Comment le seigneur Thalebot, mesire Thomas Kiriel & aucuns autres capitaines Anglois conquirent Longueville & plusieurs autres forteresses sur les Francois. 152.
- Comment le traité du mariage fut fait entre l'ainé fils du Roy de Nauarre & la damoiselle de Clenes niece au Duc de Bourgogne. 152.
- Comment les villes & chasteaux de Montargis & Cheureuses furent mis en loyance du Roy Charles de France. 152.
- Comment il y auoit grand discord entre le Pape Eugene, entre le conseil de Basle & autres matieres. 152.
- Comment le Comte d'Eu qui estoit prisonnier en Angleterre retourna en France, & des armes qu'il feit. 153.
- Comment la Hire, Blanchefort & plusieurs autres capitaines du Roy Charles coururent es Allemaignes. 153.
- Comment le Comte d'Estampes reprist la forteresse de Raoulles sur les gens du seigneur de Moi & autres matieres. 154.
- Comment une assemblée se feit entre Calais & Gravelines du Cardinal d'Angleterre & de la Duchesse de Bourgogne pour trouuer maniere d'auoir paix finale entre les parties de France & d'Angleterre. 154.
- Comment le Roy de France contraignit Rodigue de Villadras lequel gastoit & trauailloit son pais d'aller guerroyer sur les Anglois. 155.
- Comment le Pape Eugene enuoya ses lettres en plusieurs lieux de la Chrestienté & la teneur d'icelles. 155.
- Comment mesire Jean de Luxembourg enuoya ses lettres aux cheualiers de la thoison de ce qu'il se sentoit en l'indignation du Duc de Bourgogne. 159.
- Comment le Comte de Richemont Conneftable de France print la ville de Meaux en Brie sur les Anglois. 162.
- Comment mesire Jean de Luxembourg enuoya lettres deuers le grand conseil du Duc de Bourgogne & la teneur d'icelles. 163.
- Comment le Roy Charles de France enuoya Dame Katherine sa fille deuers le Duc de Bourgogne pour l'accomplissement de la promesse du mariage d'icelle dame & du Cōte de Charrolois fils audit Duc. 165.
- Comment le bastart de Bourbon print la ville de la Morthe en Lorraine. 165.
- Comment plusieurs notables ambassadeurs

TABLE DES CHAPITRES

fassenblerent entre Grauelines & Calais sur le fait du parlement qui se devoit tenir & faire entre les Roys de France & d'Angleterre.	166.	Comment les gens du Comté de S. Pol destroufferent aucuns des seruiteurs du Roy de France qui ramenoient des habillemens de guerre tant de la cité de Tournay comme d'ailleurs, & l'amende que ledit Comté de S. Pol en feit.	179.
Comment les Anglois vindrent au pais de Santhou où ils prindrent le chasteil de Volenille & y firent moult d'autres maux & cruautés.	166.	Comment la Duchesse de Bourgogne vint à Lion deuers le Roy pour faire aucunes requestes & autres matieres.	180.
Comment le Dauphin, le Duc de Bourbon & plusieurs autres seigneurs se departirent du Roy Charles de France.	167.	Comment la Duchesse de Bourgogne se partit du Roy Charles estant à Lion, & retourna au Quefnoy où alors estoit le Duc de Bourgogne son mary.	181.
Comment les Francois coururent en la terre de Néelle appartenant à messire Jean de Luxembourg.	169.	Comment la forteresse de Montagu appartenant au Damoiseau de Commercy fut abbatus & desolée par le commandement du Duc de Bourgogne.	182.
Comment le Comte de Sombreffet à tout grand puissance d'Anglois assiegea la ville de Harfleur.	169.	Comment le Roy de France alla mettre le siege devant la ville de Creil, laquelle il conquist.	182.
Comment un grand seigneur du pais de Bretagne nommé le seigneur de Raix fut accusé d'heresie.	171.	Comment le Roy de France alla assieger la ville & forteresse de Pontoise laquelle en fin il conquist d'affault.	182.
Comment Pierre Regnault frere bastard de la Hire alla fourrager les pais d'entour Abbeville.	171.	Comment le Duc d'Orleans souverain gouverneur de Normandie pour le Roy d'Angleterre vint vers la ville de Pontoise pour euider leur le siege du Roy de France.	184.
Comment les ambassadeurs de France d'Angleterre & de Bourgogne vindrent à Calais pour traicter la paix finale.	172.	Comment le Duc d'Orleans retourna de France deuers le Duc de Bourgogne.	186.
Comment les barons & Lorrains coururent en la Comté de Vaudemont où ils firent moult de maux & de grans desrois.	172.	Ensuit la copie des instructions enuoyées au Roy Charles de France par les seigneurs qui festoient assemblez à Nevers. Es les responses faictes par ceux de son grand conseil, & les requestes faictes par les dessusdits.	186.
Comment le Duc d'Orleans fut deliuré de la prison d'Angleterre par le moyen du Duc de Bourgogne & eispousa la damoiselle de Cleus niece au Duc de Bourgogne.	173.	Responses faicte par le Roy ausdictes articles.	187.
Comment le Roy de France alla à Troyes en Champaigne, & comment plusieurs villes & forteresses se mourent en son obeissance & autres matieres.	178.	Comment le Roy Charles de France feit grand assemblee de gens d'armes avec lesquels alla tenir la journée de Taras, & laquelle journée les Anglois ne comparurent point.	191.
Comment les Anglois qui se tenoient au chasteau de Follemille faisoient moult de maux en Amiennois & es pais d'environ & desconfirent aucuns seigneurs Picards & leurs gens qui les assaillirent.	178.	Comment le Roy de France apres la journée de Taras s'en alla loger devant sainti	

DU SECOND VOLUME.

- Seuer chief du pais de Gascongne, & cōquist ladicte ville & chastel & autres plusieurs places audis pais. 192.
- Comment Pierre Regnault fut par force debouté de la forteresse de Milly. 193.
- Comment le Roy de France feit grād assemblée de gens d'armes pour aller en Normandie. Et d'aucunes courses & conquestes que le Comte de Sombreffet feit au pais d'Aniou & ailleurs sur les Frācois. 193.
- Comment aucūs cheualiers & gentils-hommes de la court du Duc de Bourgongne entreprindrent un fait d'armes par la maniere cy apres declairée. 194.
- Comment du mandement dessusdis les armes furent faictes & les noms de ceux qui deuoiēt faire lesdictes armes. 194.
- S'ensuit les articles sur le fait des armes de pied. 194.
- Comment le Duc de Bourgongne enuoya le comte d'Estampes à tout grand puissance de gens d'armes en la Duché de Luxembourg. 195.
- Comment le Duc de Bourgongne meit la Duché de Luxembourg en son obeissance. 196.
- Comment aucuns des gens du Daulphin se tirerent vers le pais de Bourgongne, lesquels furent ruez ius par le Marechal de Bourgongne & les siens. 198.
- Comment vnes trefues furent faictes & données entre les Roys de France & d'Angleterre & tous leurs parens & amis, alliez & subiectz. 199.

Cy finist la table des Chapitres du second Volume
d'Enguerran de Monstrelet.





LE SECON

VOLUME DES CHRONIQUES

D'ENGVERRAN DE

MONSTRELET.

*Comment les nouvelles de la mort du Roy Charles le bien-aymé furent
apportées au Duc de Touraine Daulphin son seul fils, & autres
plusieurs matieres.*



N l'an mille quatre cens xxij. au mois d'Octobre des-^{1422.}
susdit, furér portées les nouvelles du trespas du Roy
Charles le bien-aymé au Duc de Touraine Daul-
phin son seul fils, lequel estoit empres le Puy en Au-
uergne en vn petit chastel nommé Espally, qui estoit
à l'Euesque du Puy. Lequel Daulphin oyant les
nouuelles dessusdictes, en eut au cuer grand tristesse,
& plora treshabondamment. Et prestement par
l'ordonnance de son conseil fut vestu de noir pour la
premiere iournée: & le lendemain à sa messe fut ve-
stu d'une robe de vermeil, & y auoit plusieurs officiers d'armes vestus de leurs
blasons: si fut lors leuée vne banniere de France de la chappelle: & adonc lesdits
officiers commencerent à crier haut & cler, *vine le Roy*. Apres lequel cry fut fai-
ct l'office de l'Eglise, & n'y fut fait pour lors autre solennité. Et de ce iour en a-
uant tous ceux tenans son party le nommerent Roy de France.

Item apres ce que le Duc Philippe de Bourgogne fut retourné en Ar-
thois depuis la mort du Roy d'Angleterre, il assembla plusieurs de ses capitai-
nes dedans Arras: & fut conclud que messire Jean de Luxembourg assemble-
roit gens pour subiuguer les Daulphinois de la Comté de Guise, & du pays en-
uiron: lesquels traualloient grandement les marches de Cambresis & de Ver-
mâdois, & sur ce les assembla autour de Petonne. Et en ces iours fut le seigneur
de l'Isle Adam mis à plaine deliurance à la requeste du Duc Philippe de Bour-
gogne, lequel parlong temps auoit esté detenu prisonnier dedans la bastille
S. Anthoine par l'ordonnance du Roy Henry d'Angleterre deffunct, & fut re-
mis & restitué en ses biens & avec ce en partie de ses offices. Item en ce mesme
temps furent enuoyez plusieurs cheualiers & escuyers de Picardie à la journée

de S. Vvalery, pour sommer messire Jaques de Harcourt de le rendre comme promis l'auoit: Lequel apres ladicte sommation leur fait faire ouuerture de ladicte ville de S. Vvalery, & en demoura capitaine messire Iean Blôdel. La nuit de S. Martin d'hiuer de cest an par certain moyen fait par auant, la ville de Rue fut rendue en la main de messire Jaques de Harcourt: auquel ceux de la ville feirent serment & feauté pour & au nom du Daulphin, en violant la paix finale qu'autresfois auoient iurée, & y commeit ledit messire Jaques pour capitaine le seigneur de Verduifant. Et pource qu'il auoit pou de gens pour fournir les fortresses, manda aucuns de ceux de la Comté de Guise: lesquels gens venus par deuers luy trauaillerent moult le pays par leurs courses. Item en ce mesme tēps fut prins dedās le chastel de Thoyū sur Oyse le seigneur Bosqueaux, lequel par grand tēps auoit eu tresgrand regne en tenant le party du Daulphin & d'Orléas. Si fut mené à Paris, où il fut decapité & escartellé: pource que long temps par auāt il auoit occis & mis à mort par haine qu'il auoit à luy, messire Guy de Harcourt Baillif de Vermandois.

Comment Charles Duc de Touraine Daulphin fut couronné apres la mort du Roy Charles son pere.



P R E S la mort du Roy Charles de France dessusdit, son seul fils Charles Duc de Touraine Daulphin, par le conseil de ses Princes se fait couronner & eleuer à Roy de France, en la ville de Poitiers. Et de ce iour en auant par tous ceux tenans son party fut nommé Roy de France, comme estoit son pere en son viuant. Et vn pou par auant auoit il esté en grand peril de sa vie en la ville de la Rochelle: car en tenant ton conseil avec ses Barons, cheut vne partie de la chambre où il estoit, & y fut mort Iean de Bourbon seigneur de Pteaux & aucuns autres. Et mesmement ledit Daulphin y fut vn pou blessé: mais ses gens le tirerent hastiement hors du peril, & le menerent en autre lieu plus seur, où en brief temps il fut réparé & mis en bonne santé. En cest an fut prins messire Manshart d'Esue dedans le chastel de Vitry, dont il fut capitaine & gouuerneur, & fut prins par la Hyre tenant le party du Daulphin cōme faisoit ledit Manshart: & nonobstant que par long temps ils eussent esté bien amis ensemble par semblant, si fut ledit messire Māhart desleüré de tous ses biens, de sa forteresse: & avec ce fut mis à rançon à tresgrand somme de deniers, & si fut par long tēps detenu prisonnier bien destroictement. Et comme il fut commune renommée, Iean Raoulet avec la Hyre fut consentant de luy bailler ceste gabe de Puille. Item messire Iean de Luxebourg & tous les gens d'atmes qu'il auoit assemblez autour de Peronne (comme dit est) en la Comté de Guise & és marches d'entour, où il conquist en assez brief temps les fortresses de Buissy sur fontaines, Proilly & aucunes autres, & apres s'en retourna à tout ses capitaines, ausquels il donna congé, & s'en retournerent chacun en leurs propres lieux.

Comment les Parisiens enuoyerent leur ambassade en Angleterre deuers le ieune Roy Henry, & son conseil & autres matieres.

En c'est



N cest an & en ce temps enuoyerent les Parisiens & ceux du grand cōseil du ieune Roy Henry d'Angleterre au cōseil dudit Roy, & de la Roynne, vne ambassade solēnel pour faire requeste que brief ensuiuant fut enuoyé en France vn certain nombre de combattans, pour resister aux entreprinſes que chacun iour faisoient les gens du nouuel Roy Charles nagueres Daulphin de Viennois. En laquelle ambassade allerent l'Euesque de Terrovvane, maistre Jean de Mailly, messire Bourdin de Salignies, Michault Lailler & aucunes autres notables personnes: & allerent par l'Isle où ils parlerent au Duc de Bourgogne, & delà par Calais nagerent en Angleterre où ils furent ioyeusement receuz: & leur fut du conseil du Roy & de ladicte Roynne promis bon & brief secours. Et apres qu'ils eurent accomplie leurdicte ambassade ils retournerent en France. Le quatorziesme iour de Ianuier audit an, fut prinſe par subtilité la forteresse du pont de Meulan par les François: desquels estoit chief messire Jean de Grasuille. Et avec luy auoit plusieurs notables hommes de guerre, iusques au nombre de cinq cens combattans, lesquels meirent à mort ce qu'ils y trouuerent d'Anglois: & apres se preparerent en toute diligēce pour tenir ladicte ville & forteresse du pont en les pouruoiant de viures & habillemens de guerre, & en reparant la fortification d'icelle. En ce temps la Comtesse de Hainault douāgere fut deſſiée d'un pauvre saquemain, lequel estoit nommé l'Eſcremot Castel, natif de Ligny en Cambresis pour lors capitaine de la tour de Beaumont, sous messire Jean de Luxembourg. Apres lesquelles deſſiances luy courut aucunes de ses villes & feit guerre à ses hommes & subiects par longue espace de temps. En ce temps ou enuiron le Noël y eut plusieurs bourgeois de Paris, qui feirent conspiration ensemble contre le Roy Henry en intention de liurer ladicte ville en la main de Charles Roy de France: desquels bourgeois y eut vne partie prins dont les aucuns furent decapitez, & vne femme à ce consentant fut arſe. & les autres se rendirent subiects: entre lesquels se partit Michault Lailler & tous leurs biens furent prins de par le Roy Henry & confisquez. Item en ces iours mesmes fut prinſe la ville de Lafferté Milon des François par le consentement des habitans d'icelle: mais le chastel fut deſſendu par ceux qui le gardoient, lesquels manderent hastif secours au seigneur de l'Isle Adam, au seigneur de Caſtillon & au bastard de Tyan: lequel de l'Isle Adam assembla de cinq à six cens combattans, & les mena par derriere audit chastel: & tantost à certaine heure qu'ils auoient conclud ensemble, assaillirent vigoureusement ceux de la ville, qui en brief temps sans grand deſſence furent deſconfits & plusieurs prins & occis cruellement, & tous leurs biens ravis & emportez sans auoir nulle pitié. Item assez brief ensuiuant la prinſe de Meulan deſſusdicte, le Duc de Bethfort qui se diſoit regent en France, assembla grand nombre de combattans tant Anglois, Normans comme Picards, à tout lesquels il alla mettre le siege deuant ledit pont de Meulan à vn lez à l'autre costé de la riuere, & là feit dresser contre les portes & murailles grans engins pour icelle confondre & abbatre. Et en ce continua par grand diligēce, & fut là assiégé depuis l'entrée de Ianuier iusques au mois de Mars ensuiuant que lesdits assiegez commencerent à traicter. Ce siege durant au mois de Feurier, furent conquis par messire Jean de Luxembourg les

forts de Franquemez Neufuille, Endorās, Viroufonce & Canaple. Auec lequel de Luxembourg estoït le seigneur de Saueuse, messire Dauiod de Poix & plusieurs hommes d'armes experts & esprouuez en armes : apres laquelle conquēte retournerent deuant la ville de Guise & la liuerent à ceux de dedans vne tresgrande escarmouche. Et ce fait par deuāt Oyſi en Tbrace retourna ledit de Luxembourg en son chastel de Beureuoir, & donna congé à tous ses capitaines & autres gens d'armes.

Comment les capitaines du Roy Charles s'assemblerent en grād nombre pour leuer le ſiege de Meulan, & comment le Duc de Bethfort traitta à ceux dudit lieu.



N la fin du mois de Feurier s'assemblerent en tresgrand nombre les gens du Roy Charles vers le païs de Berry, sous la conduicte du Comte de d'Aumarle, du Comte de Bouquen Escosçois, du Vicomte de Narbonne, de d'Anechy le Chastel Breton & plusieurs autres capitaines à tout six mille combattans ou enuiron: lesquels ils menerent & conduirent iusques à six lieües pres dudit Meulan, & eux venus audit lieu ils ordonnerent leurs batailles: mais il se meut dissention entre eux, parquoy ils retournerent en trespetite ordonnance & sans riens faire, & à leur retour perdirent de leurs gens trespassement des garnisons qui estoient à Chartres, & es païs d'environ de par les Anglois, qui se ferirent entre eux quand ils apperceurent qu'ils s'en alloient ainsi à destroy: laquelle chose venue à la cognoissance des assiegez de Meulan leur fut moult desplaisant, quand ils veirent qu'on leur faillloit d'enuoyer secours au iour qu'on leur auoit promis, dont par courroux & desespoir iecterent la banniere du Roy Charles qu'ils auoient mise sur leur porte du haut en bas. Et puis monterent plusieurs gentils hommes à la veüe des assiegeans & là despecerent, deschirerent leurs croix & enseignes, qu'ils portoiēt du Roy Charles dessusdit, en despitant à haute voix ceux de delà qui leur auoient enuoyées comme faulx pariures. Et brief apres commencerent à parler avec les gens dudit Comte de Bethfort, & sur ce furēt gens esleuz des deux parties pour traicter: C'est à ſçauoir du costé de Bethfort qui se disoit Regent, le Cōre de Salfebery, messire leā Falcot, messire Pierre de Fōtenay, messire Jean de Poulligny seigneur de la Motte, Richard de Vvydeuille, Nicolas Bourdec grād bouteiller de Normandie, & Pierre le Verrad. Et de la partie des assiegez furent commis messire Jean de Grauille, sire Loÿs Martel, messire Adam de Croisines cheualiers, Jean d'Estainbourg, Jean de Mirot, Roger de Boissie, Oudin de Boissie & Jean Marle escuyers: lesquels commis & traicteurs des deux parties dessusdictes conuindrent ensemble par plusieurs fois, & en fin furent d'accord par la forme & maniere cy apres declairé.

S'ensuit la coppie du dessusdit traité de Meulan.



Remierement tous les assiegez deuant dits rendront & deliureront ledit pont & la forteresse en la main de monseigneur le Regent, ou de ses commis & deputez ainsi reparee, fortifiée & garnie de canons, pouldres & arbalestres & autres habillemens de guerre comme elle est en present, sans à icelle faire fraude, mal engin ne deception, & sans faire

faite ausdits habillemens de guerre & autres choses deffensables pour ladicte forteresse aucun gäst, fraction ou aucune empirance de viures ou autres choses pour corps humain : laquelle forteresse & pont ils rendront dedans demain tierce qui sera le second iour de ce present mois de Mars. Item est traicté & appointé que tous ceux qui à present sont audit pont de Meulan & forteresse de quelque estat qu'ils soient, se rendrôt & mettront du tout à la voulenté de monseigneur le Regent en la plus grand humilité & obeissance qu'ils pourrôt : pour cause de laquelle humilité & obeissance lesdits commis & deputez dudit monseigneur le Regent de sa haure grace, en vñant de misericorde & en l'honneur & reuerence de Dieu & du saint temps de Karesme qui est de present, les receuera & leur laissera les vies sauues, excepté ceux qui autresfois ont esté en l'obeissance de feu le Roy d'Angleterre heritier & Regent de France, auquel Dieu pardoint, & ceux qui ont fait le serment de la paix finable des Royaumes de Frâce & d'Angleterre, & ceux qui ont esté consenrans & coupables de la mort de feu Iean le Duc de Bourgogne detnieremēt trespaslé, & Gallois, Irois & Escossois l'aucuns en y a, & excepté avec ce Iean Dourdaz, vn nommé Sauary seruant & Bernabanz, Oliuier de Lannoy, & les canonniers & ceux qui furēt en la premiere embusche qui entrerent premierement audit pont, lesquels demourront à la voulenté de monseigneur le Regent. Item est appointé que l'aucuns gentils hommes & autres dessusdits non exceptez, comme dit est, le veulent rendre & mettre en l'obeissance du Roy nostre souuerain seigneur Roy de Frâce & d'Angleterre, & de monseigneur le Regent comme ses vrais hommes liges & faire guerre à l'encontre de les aduersaires, cōme nagueres ils faisoient contre le Roy nostredit seigneur & mondit seigneur le Regent, iceluy monseigneur le Regēt de sa grace les receura sans ce qu'ils payent finance ne rançon, pourueu toutesfois que de ce faire & accomplir ils bailleront plaige & caution. Item que tous ceux qui à present sont en ladicte forteresse & pont de Meulan, qui ont ou tiennent ou autres pour eux aucunes villes, places ou forteresses au Roy nostredit seigneur, & à monseigneur le Regent les rendront & deliureront à mondit seigneur le Regent, ou à seldits commis & deputez : & avec ce feront toute leur puissance & deuoir par deuers leurs parens & amis qui aucunement en tiennēt, qu'ils les rendront à monseigneur le Regent ou à ses commis. Et iusques à ce qu'ils auront fait & accomply les choses dessusdictes, ils demourrôt en la voulenté de mondit seigneur le Regent, lequel les choses dessusdictes accomplies deuēment les receura commē dessus est dit. Item que s'aucuns estans audit pont & forteresse de Meulan, ont ou tiennent en quelque lieu que ce soit aucuns prisonniers Anglois, François, Bourguignons ou autres marchans de l'obeissance & serment de mondit seigneur le Regent, ils les rendrôt & deliueront franchement & quictēmēt sans prendre desdits prisonniers ou de leurs plaiges rançons. Item est appointé que ceux qui sont en la forteresse du pont de Meulan dedās le iour de lendemain, mettront ou ferōt mettre en vn ou deux lieux certains de ladicte forteresse tous leurs harnois de guerre sans aucune chose rompre, froïser ne despecer : & aussi feront mettre en vn autre lieu certain tout l'or & l'argēt, vaisselle, ioyaux & autres biens de valūe estans en ladicte forteresse sans en retenir, receler ne destourner aucune chose en quelque lieu ne par quelque ma-

niete que ce soit, & les deliureront & denonceront aux commis de monseigneur le Regent sur peine de perdre le benefice de ce present traicté, & la grace de mondit seigneur le Regent. Item mettront en vn ou deux lieux de ladicte forteresse les cheuaux estans en icelle & leurs harnois, pour icelle estre deliurez en l'estat qu'ils sont de present, avec les autres choses aux commis de mondit seigneur le Regent sur la peine dessusdicte. Item sur ladicte peine est traicté & accordé, que ledit temps durant ils ne laisseront ne souffriront partir de ladicte forteresse & pont de Meulan, n'entrer en iceux quelque personne que ce soit sans le congé & licence de mondit seigneur le Regent. Et sur icelle mesme peine denonceront, bailleront & deliureront à luy ou à sesdits commis tous les deuantdits, excepté ceux dont ils n'auront cognoissance. Et afin que toutes les choses dessusdites & chacunes d'icelles soient interinées & accomplies fermement & vaillablement, les dessusdits commis & deputez d'une partie & d'autre, ont mis leurs seaux à ce present appointement le premier iour de Mars l'an mil le quatre cens & vingtdeux.

APRES que tout le contenu de ce present traicté fut accompli en la maniere dessusdicte, à cause de ce furent rendues en la main dudit Regent les forteresses de Marcouffy, de Montlehery & plusieurs autres, estans lors en l'obeissance des desdits assiegez: lesquels furent trouuez au iour de ladicte reddition en nombre de cent gentils hommes & deux cens autres combattans, dont les plusieurs firent le serment cy dessus deuisé, & iurerent d'estre bons & loyaux enuers ledit Regent, & mesmement leur promett & jura ledit seigneur de Grauille: & furent menez à Roüen prisonniers iusques au plain accomplissement de tout le traicté. Et fut certifiée par ledit de Grauille aux commis du Regent, que le Roy Charles estoit en vie quand il se partit de luy dernièrement pour venir à Meulan: mais il auoit esté blessé en la ville de la Rochelle d'une maison qui estoit cheuë où il tenoit son conseil, dont cy dessus est fait mention.

Comment les François eschellerent & prindrent la forteresse de Dommart en Ponthieu, & plusieurs autres matieres.



Le vingtiesme iour de Mars de ce present an, les François eschellerent & prindrent la forteresse de Dommart en Ponthieu: dedans laquelle estoit le Borgne de Fosseux Cheualier, & Jaques de Craon son beau fils: lesquels se sauuerent à petite compagnie secrettement par vne poterne quand ils ouyrent l'effroy: & messire Symon de Boulenuiller, Jean de Douceure & plusieurs autres estans audit chastel, furent detenus prisonniers avec la femme dudit de Fosseux: & generallyment tous les biens d'iceluy furent prins, rauiz & butinez: desquels biens y auoit grand habondance tant de ladicte ville de Dommart comme du païs. Et brief ensuiuant le seigneur de Crotoy à tout trois ou quatre cens combattans, sen alla loger en vne forteresse appartenant à l'Euesque d'Amiens nommée Pernois seant à vne lieue aupres dudit Dommart, pour là tenir frontiere & garder ledit païs contre lesdits François. Et apres aucuns iours ensuiuans fut vn traicté fait avec iceux François, par condition qu'ils rendroient ladicte forteresse & sen retourneroient au Crotoy à tout leur gaignage, & estoit le chef d'iceux vn nommé Dandonnet. En ceste saison

faïson le Duc de Clocestre eut en mariage la Duchesse Jacqueline de Bauiere, Comtesse de Hainault & de Hollande: laquelle long temps par auant (comme dit est dessus) estoit allée en Angleterre: nonobstant que ladicte Jacqueline auoit espousé le Duc Iean de Brabant, qui pour lors estoit encores viuant: pour lequel mariage moult de gens furent grandement esmerueillez. En l'an dessusdit alla le Roy d'Arragon en Italie à la requeste de la Roïne Ieanne femme à Iaques de Bourbon: laquelle auoit esleu pour son hoir & heritier ledit Roy d'Arragon, & luy venu audit païs dechassa le Duc d'Anjou, qui se nommoit Roy de Cecille & tous ses gens. Et apres atrahit vers luy & à son accord tous les capitaines de ladicte Roïne: c'est à sçauoir Fortebrace, Tartaille & aucuns autres anciens & des plus principaux de toute Italie. Lesquels brief ensuiuant tous d'un commun accord, iceux & ledit Roy d'Arragon feirent tenir prisonniere ladicte Roïne Ieanne. Et par ainsi fut punie de telle punition qu'elle auoit puny son seigneur & mary Iaques de Bourbon. Et demoura ledit Roy d'Arragon seigneur & maistre de la plus grād partie d'Italie, certaine espace de temps. Et le Pape mesmes s'accorda à luy & y enuoya le Cardinal de Saint Ange pour faire ledit accord: lequel Cardinal en faisant son voyage, sicomme il entroit par vne planchette en vne forteresse, cheut du hault en bas és fosses, & se blessa tellement que brief ensuiuant il en mourut.

A v temps dessusdit vindrent les nouuelles és marches de France des hereses & rebelles contre la foy chrestienne, estant à Pragues & és marches de là enuiron, lesquels se mettoient en peine de acquerir & mettre en subiection chasteaux & forteresses sur les Chrestiens: & estoient iceux hereses en plus grand erreur & plus puissans que parauant n'auoient esté. Et tant que l'Empereur ne pouoit resister contre eux, & sen retourna en son païs de Hongrie sans eux riens meffaire. En l'an dessusdit les gens de messire Iaques de Harcourt feirent secrettement plusieurs courses és païs de Vimeu, de Ponthieu, d'Arthois & des marches à l'enuiron. Et mesmement prindrent & emmenerent plusieurs charres aux censiers du Mont saint Eloy empres Arras. Si les menerent vendre & butiner dedans la ville du Crotoy, pour lesquelles courses les riches laboureurs du païs n'osoient coucher en leurs lieux & hostels ne faire labours. Et d'autre part les François qui se tenoient en la Comté de Guise alloient & venoient souuent audit Crotoy & à Rue, parquoy le païs estoit alors moult trauaillé tant d'une partie comme d'autre, & n'estoit iustice en riens obeïe. En cest an furent les bourgeois & communauté de Tournay en grand dissension l'un cōtre l'autre, & s'assemblerent en armes à tout les bannieres de leurs mestiers par maniere de commotion: c'est à sçauoir les grans contre les petis, & receurent le seigneur de Moÿ qui tenoit le party du Roy Charles, & leur bourgeoisie, & plusieurs hommes de petit estat feirent leurs capitaines en doubtant les preuosts, iurez & autres gouuerneurs: & tousiours la plus grand partie d'iceux soubstenoient la partie dudit Roy Charles: toutesfois ils se appaiserent pour icelle fois sans coups ferir, & depuis par plusieurs fois se meirent en armes en faisant pareilles mutations à celle dessusdicte. Auquel an aussi s'assemblerent en Normãdie deux mille & cinq cens Anglois sous la conduicte du seigneur de la Poule, de Thomas Bourry & aucuns autres chefs de guerre: lesquels se meirent à

chemin, & passerent le païs du Maine. Et de là en degastant païs, allerent iusques deuant Angiers, où ils feirent de grans dommagés, & prirent audit païs grand nombre de prisonniers, bestail & autres biens, à tout lesquels ils s'en retournerent loger par plusieurs iournées à vne grosse ville nommée Busignes de la Grauelle. Durant lequel temps, Iean Comte d'Aumars qui par ceux du païs sçauoit ceste cheuauchée, & avec luy le Baron de Colilouure, le seigneur de Fontaines du païs d'Anjou & messire Pierre le Porc, feirent grand amast de gens d'armes & de communes, & les attendirent assez pres d'illec audit lieu de Grauelle en tresbonne ordonnance. Et lors que les Anglois les apperceurent descendirent tous à pied & meirent tout leur bagage ariere d'eux. Si les assaillirent les François tres vigoureuement & de grand courage, & en estoit la plus grand partie à cheual. Et les Anglois se deffendirent assez vaillamment, & y eut vn tresdur estour. Mais finalement iceux Anglois furent tous desconfits, & en demoura lors sur la place douze eens largement. Et y fut prins le seigneur de la Poule, & avec luy bien trente gentils-hommes. Et des communes de la partie François moururent six vingts personnes sur tout.

De l'an mille cccc. & xxij.

Comment les Ducs de Bethfort, de Bourgongne & de Bretagne vindrent à Amiens & feirent alliance entre eux.

1423.



V commencement de cest an mille quatre cens vingt & trois, asssemblerent à Amiens les Ducs de Bethfort, de Bourgongne & Bretagne avec eux de chacune partie grand nombre de cheualiers & escuyers. Et avec ledit Bethfort qui se nommoit Regent de France, estoit le grand conseil du ieune Roy Henry d'Angleterre. Et avec le Duc de Bretagne estoit Artus Comte de Richemont son frere: lesquels Princes venus audit lieu d'Amiens feirent l'un à l'autre grande reuerence & semblant de toute amour. Et donna le Duc de Bethfort royalement à disner aux autres princes en l'hôtel episcopal de l'Euesque d'Amiens, où il estoit logé. Et apres ces choses traicterent l'un avec l'autre, & feirent alliances par la forme & maniere contenue en vnes lettres, sceillées de leurs seaux & signées de leurs signes manuels, desquels la copie mot apres autre s'ensuit.

JEAN gouverneur & Regent du Royaume de France Duc de Bethfort, Philippe Duc de Bourgongne, & Iean Duc de Bretagne. A tous ceux qui ces presentes lettres verront & orront salut. Sçauoir faisons que pour la consideration des amitez & prochaineté de lignage, qui ja sont entre nous moyennant les mariages concluds, accordez & confermez entre nous Iean Duc de Bethfort Regent de France, & nostre treschere & tresaimée compagne & cousine Anne de Bourgogne d'une part, & nostre treschier & tresaimé frere Artus Duc de Touraine Comte de Montfort & d'Yury, & de nostre treschere & tresaimée seur & cousine Marguerite de Bourgogne d'autre part, & pour le bien du Roy nostre sire & de ses Royaumes de France & d'Angleterre, de nous & de nos dominations & seigneuries: de nos terres païs & subiects nous & chacun de nous, iurons & promettons estre & demourer tant que nous viurons en vraye fraternité, bonne amour & vrsion: & nous entreaimerons & entretiendrons
comme

comme freres, parens & bons amis: garderons & deffendrons l'honneur l'un de l'autre tant en couuert comme en publicque, sans fraction ne quelconque dissimulation: aduertirons l'un l'autre de tout ce que nous sçaurons & entendrons estre au profit, dommage, honneur ou blasme l'un de l'autre & de noz seigneuries, terres, païs & subiects. Et se aucun ou aucuns nous faisoient mauuais rapport l'un de l'autre, nous n'y adiosterons point de foy: mais retiendrons seurement chacun deuers nous ceux qui feront lesdits rapports: & par vraye amour & chatité ferons sçauoir incontinent à celuy de qui telle relation aura esté faite, pour en faire ainsi comme raison sera. Et se nous ou l'un de nous auons affaire pour nostre honneur, ou noz païs, terres & seigneuries garder & deffendre contre aucuns autres, qui nous voudroient greuer ou endommager: nous & chacun de nous serons tenus d'aider & seruir celuy de nous qui aura à besongner si de ce sommes requis, & à cinq cens hommes d'armes ou de traitç valant ledit nombre, en la maniere que cil qui aura à besongner voudra. Et sera tenu celuy qui sera requis payer ses gens à ses despens pour le premier mois. Et celuy qui les requerra, sera tenu de les payer du sien au temps qu'ils seruiron outre. Et se aucun de nous veult auoir plus grand puissance pour ayde, celuy qui sur ce & de ce sera requis, sera tenu d'ayder le requerant le plus habondamment qu'il pourra ses païs demourez garnis. Item que de toute nostre puissance & par les meilleures voyes & manieres que nous sçaurons aduiser, nous nous employerons pour le relieuement du poure peuple de ce Royaume, qui tant à souffrir & tant seuffre de pourtet, à debouter les guerres hors de ce Royaume & le mettre en paix & tranquillité: affin qu'en iceluy Royaume Dieu soit seruy & honnoré, & que marchandise & labour y puissent auoir cours. Nous & chacun de nous promettons loyaument & en parole de Prince, faire, tenir & accomplir toutes les choses dessusdictes par la maniere dessusdicté, autant que nous viuerons, sans doresnauant faire ne aller à l'encontre par quelque maniere que ce soit, sous l'obligation de noz biens tant meubles que immeubles presens & aduenir. En tesmoin de ce, nous auons fait mettre noz seaux à seldictes presentes: lesquelles nous auons seellées & signées de noz propres mains: & auons escript au dessous noz propres noms, en la ville d'Amiès le xvij. iour d'Auril. L'an mille quatre cens vingt & trois.

A V E C iceluy traitç & accord dessusdict, furent parconfermez les deux mariages dessus declairez: c'est à sçauoir du Duc de Bethfort Regent & de Anne seur au Duc de Bourgogne. Et avec ce de Artus de Bourgogne, & de Marguerite seur au Duc dessusdit: laquelle par auant auoit eu espouzé le fils aisné du Roy Charles Daulphin de Vienne & Duc d'Aquitaine. Et fur verité que le Duc de Bourgogne donna à sa seur Anne avec le Duc de Bethfort sa Comté d'Artois, avec toutes les appendances heritablement, en cas toutesfois qu'il n'y eust nul hoir de sa chair nez en loyal mariage. Apres tous lesquels traitchez se departirent de la ville d'Amiens les Ducs de Bethfort & de Bourgogne: lesquels retournerent ensemble à Paris, & le Comte de Richemont s'en alla à Arras. Et le Duc de Bretagne receut premier six mille escus pour les despès de son voyage, que luy feit deliurer ledit Regent, & puis retourna en son païs avec ses Bretons. Durant le tēps que les Ducs de Bethfort, de Bourgogne, & de Bretagne

furent ensemble à Amiens, requist iceluy Duc de Bourgongne audit Bethfort, qu'au cas que les chastellenies de Peronne, de Roye & de Mondidier seroient remises au dommage du Roy, qu'en ce lieu luy fussent deliurées les villes d'Amiens & d'Abbeuille, Monstreil, Dourlens, Beauquesne & toutes les appartenances. Surquoy luy fut respondu qu'on en parleroit au grand conseil du Roy. En apres le Duc de Bethfort Regent à tout grande puissance de ses Anglois, s'en alla à Troyes en Champagne: auquel lieu luy fut amenée honnorablement du païs de Bourgongne Anne seur au Duc Philippe, & luy amena en gracieux appareil la dame de Rochefort & la dame de Salins, accompagnées du seigneur de Saint George & aucuns autres Barons & seigneurs de Bourgongne. Avec lesquels estoit vn nommé Iean de Quielong, qui de par le Duc de Bourgongne auoit esté enuoyé deuers la Duchesse Douagiere pour faire apprestre les besongnes. Lesquels venus audit lieu de Troyes, le Duc de Bethfort espousa ladicte damoiselle de Bourgongne. Et furent les nopces faictes tant sollempnellement comme royellement. Apres lesquelles aucuns iours ensuiuans passez, se departirent lesdictes dames l'une d'auec l'autre non mie sans pleurs retournans en Bourgongne. Et le Duc de Bethfort à tout fa femme la Duchesse, print son chemin vers Paris: auquel chemin il assiegea puissamment la ville de Pons sur Seine, laquelle en brieu fut par force d'assaux prinse des Anglois, & la plus grande partie des François qui dedans estoient furent mis à mort cruelle. Et de là passa oultre & alla sejourner vne espace de temps à Paris en l'hostel des Tournelles, lequell pour sa demeure il feit grandement reparer.

Comment Pothon de Sainte Treille & Lyonnel de Vvandonne firent armes à Arras en la presence du Duc de Bourgongne.

EN ces propres iours furent faictes armes à Arras en la presence du Duc de Bourgongne, iuge en ceste partie de Pothon de Sainte Treille d'une part, & de Lyonnel de Vvandonne d'autre part. C'est à sçauoir que ledit Pothon auoit requis Lyonnel, qu'ils peussent courir l'un contre l'autre tant qu'ils eussent assis l'un sur l'autre six coups de lance, ou icelles rompues. Et à l'opposite ledit Lyonnel auoit requis à Pothon de combattre apres de haches, tant qu'elles pourroient durer. En apres quand le iour fut venu & qu'ils se furent preparez, Pothon entra premier au champ comme appellant accompagné de ses gens bien gentement, & alla faire la reuerence au Duc de Bourgongne qui estoit en son eschauffault, & puis se retrahit. Et assez tost apres entra ledit Lyonnel de Vvandonne accompagné de messire Iean de Luxembourg, qui le seruit tout le iour de lances, & aucuns autres de ses seigneurs & amis: & comme auoit fait ledit Pothon alla faire la reuerence au Duc, & puis se mit à son lez au bout des lices: & assez tost apres ils se preparerent à courre l'un contre l'autre. Si coururent plusieurs coups moult roidement, entre lesquels y eut de chacune partie aucunes lances rompues & froissées l'un sur l'autre. Toutesuoyes fut la fin le heaulme Lyonnel fut vn petit cassé du fer de son aduersaire, & de ce eut la teste blecée non mie grandement. Et pourtant le Duc de Bourgongne de ce aduert, les feit cesser de plus courre l'un contre l'autre ce iour, touchant les armes à cheual. Le lendemain le Duc de Bourgongne

gne reuint en son eschauffault enuiron dix heures, accompagné du Comte de Richemont & des seigneurs de son conseil pour attendre les champions qui deuoient faire leurs armes à pied. Et assez tost apres entra Lyonnel de Vvandonne tousiours accompagné de messire lean de Luxembourg; & alla comme il auoit fait le iour de deuant faire la reuerence au Duc Philippe: & puis retournadedans son pauillon, & là attendit son aduersaire, lequel vint tantost apres. Et apres qu'il eut faicte la reuerence audit Duc se retrahit dedans son pauillon. Et tantost comme il est de coustume en tel cas, fut crié par vn herault que tout homme vuidast les lices, & que nul ne donnast empeschement aux champions sur peine capital. Et adonc Lyonnel de Vvandonne qui estoit appellant issit de son pauillon sa hache en son poing, & marcha le grand pas sur son ennemy: lequel quand il le veit approcher issit hors de son pauillon, & alla à l'encontre dudit Lyonnel: lequel Lyonnel le assaillit vigoureulement, en iettant plusieurs coups de sa hache à bras tourné contre iceluy Pothon. Et aucunes fois frappaot d'estoc sans cesser ne refrener son alaine. Et en ce faisant Pothon receuoit troisdement ses coups sur sa hache, en les destournant à son pouoir arriere de luy. Et quand il veit son point il approcha ledit Lyonnel & le ferit plusieurs coups de la poincte de sa hache par dessoubz sa visiere de son bacinet, & tant fait qu'il luy leua ladiete visiere, tant qu'on veoit plainement le visage dudit Lyonnel: lequel se voyant en ce danger, fait tant qu'il print la hache de Pothon d'une main dessoubz son bras. Et Pothon print Lyonnel d'une main par le bort de son bacinet & le esgratigna de son gantelet au visage. Et en ce faisant & hardiant l'un l'autre Lyonnel referma sa visiere à pou pres. Et tantost le Duc de Bourgongne les feit prendre en ce point par ceux qu'il auoit commis à garder le champ, desquels ils furent menez deuant le Duc: lequel presentement leur ordonna à demourer bons amis ensemble, tant comme il touchoit leurs armes cy dessus declairées, & sur ce retournerent chacun en leurs hostels. Et feit là ledit Pothon de grans boubans avecques ses gens. Et le lendemain coururent de fer de lance l'un contre l'autre Risslard de Champremy, tenant le party du Roy Charles contre le bastart de Rosbecque, & rompirent l'un sur l'autre aucunes lances: mais en conclusion ledit Risslard fut enterré tout parmy son harnois qu'on vit vers le costé, & neantmoins ne fut point percé au vif. Pour lequel coup le Duc de Bourgongne les feit cesser & retournerent en leurs hostels chacun accompagné de ses gens. Et dedans briebs iours s'en retourna ledit Pothon avec les siens en la Comté de Guise.

Comment le Comte de Salsbery assiegea la forteresse de Mont-Aguilon: laquelle se rendit à luy. Et autres.



N ce temps alla le Comte de Salsbery à tout grand puissance assieger la forteresse de Mont-Aguilon en Champaigne par l'ordonnance & commandement du Duc de Bethfort, qui se disoit Regent de France: lequel Salsbery estoit pour lors Gouverneur du pays de Champaigne, & de Brie: lequel siege il continua par moult longue espace de temps en faisant plusieurs assaux par diuers engins & autres instrumens de guerre, & y fut bien six mois ou enuiron. Toutesfois ce temps durant, furent liurez

plusieurs assaux à la forteresse & par diuerses manieres de les assieger furent moult oppressez. Et pouoient estre dedans iusques à six vingts combattans, desquels estoient capitaines le seigneur de la Bourbe, le seigneur de Cortigny & vn homme d'armes nommé Bourghenon: desquels six vingts combattans se departirent grand partie & en la fin n'y demourerent que trente ou enuiron, lesquels en conclusion furent contraincts de manger leurs cheuaux: & en la fin se rendirent audit Comte de Salsebery par cōdition, qu'ils payeroient pour sauuer leurs vies vingt & deux mille saluts d'or, dont pour ladicte somme fournir demourerent en hostage quatre des principaux iusques à l'accomplissement d'icelle. Et se partirent les compagnons en pur leurs pourpointeaux sous bon saufconduit, reserué ceux qui autresfois auoient fait serment de la paix finable, qui auoit esté iurée entre les Roys de France & d'Angleterre. Et quand tous s'en furent partis (comme dit est) la forteresse fut abbatue & du tout demolie. En ces mesmes iours fut prins dedans Arras par le commandement du Duc de Bourgogne messire Mauroid de Saint Leger, pour plusieurs plaintes qui de luy estoient venues audit Duc, tant pour auoir pillé la ville d'Auchin, comme pour plusieurs autres faits. Si fut mené prisonnier au chastel de Chauetignes, où il fut par l'espace d'un an entier. Et puis fut deliuré par le pourchats de ses amis. En ce mesme temps le Duc de Bethfort feit par ses Anglois assieger puissamment & de force la forteresse d'Orsay, entre Paris & Montleheri. Laquelle tenoient les François: lequel siege lesdits assiegeans continuerent enuiron six semaines. Et en la fin se rendirent les assiegez à la voulenté du Duc: desquels les vns furent amenez à Paris les testes nues, en purs leurs pourpointeaux, vne corde liée entour leur col, & les aucuns tenans leurs espées nues les pointes appuyées à leurs poitrines. Et en tel point furent menez à l'hostel des Tournelles en la presence dudit Duc de Bethfort & de sa femme: lequel Duc commanda tantost qu'on les menast au chastel: mais la Duchesse meue de pitié pria tant pour eux à son seigneur & mary, qu'ils furent deliurez sans auoir autre peine, & s'en allerent où bon leur sembla. Les vns au party dont ils estoient venus, & les autres demourerent du party des Anglois. Item au mois de May furent enuoyez de Roüen & du territoire de Caux de six à sept cens Anglois: lesquels menoit le Baillif de Caux, & passerent parmy Abbeuille, & assiegerent le chastel de Noëlle sur la mer appartenant à messire Jaques de Harcourt. Et dedans briefs iours apres ceux qui estoient dedans doubtrains non auoir secours, rendirent ausdits Anglois leur forteresse en eux departant sauf leurs vies & leurs biens. Et adonc ledit messire Jaques de Harcourt remanda hastiuement ses gens qui estoient à Rue, & laissa la ville habandonnée à ses ennemis sans y mettre quelque prouision. En laquelle sans faillir les Anglois entrerent tantost apres, où par moult de manieres trauaillerent les simples gens qui y estoient demourez. Et lors fut mise frontiere à l'encontre du Crottoy de la gent Anglesche, ainsi que vous pourrez ouïr. Audit mois de May fut faicte vne grosse bataille empres Naples, entre Alphons Roy d'Arragon d'une part, & le pere au Comte François, & autres capitaines du pays d'Italie d'autre part: lesquels de rechef festoient trouuez contre le Roy d'Arragon, & pour verité la desconfiture fut lors faicte si grande sur les Arragonnois, qu'il faillut par force que le Roy Alphons d'Arragon se sauast

uast à bien petite compagnie en luy departant de la bataille, autrement eust il esté mort ou prins de ses aduersaires. Enuiron la saint Iean Baptiste ensuiuant, fut assiégée par mer & par terre la ville & forteresse du Crotoy par les Anglois. Desquels estoit principal capitaine messire Raoul Bouteillier, qui trespuißamment & en grãd diligence feit son ost fermer & loger les gens trespauitagueusement. Et messire Jaques de Harcourt se prepara trespugoureusement pour luy deffendre, & feit assoir plusieurs canons & autres engins pour ietter contre ses ennemis, affin de les garder qu'ils ne peussent approcher de ladicte ville. Pour lequel siege les habitans du païs furent moult ioyeux.

Comment le Roy Charles de France feit assieger la ville de Creuant par le Conestable d'Escoffe & le Comte de Ventadour Auvergnois.

AL'entrée du mois de Iuillet le Roy Charles feit passer ses gens la riuere de Loire, & assieger à grand puissance la ville de Creuant, laquelle tenoit le pary du Duc de Bourgongne. Et estoit chef dudit siege le Conestable d'Escoffe, lequel auoir avec luy plusieurs grãds seigneurs, qui vaillamment se combattirent contre lesdits assiegez par diuers engins & habillemens de guerre qu'ils auoient: pour lequel siege ne furent mie tant seulement troublez les bourgongnons, mais avec ce les Anglois: & pourtant la Duchesse Douagiere de Bourgongne manda hastiuement les plus grans seigneurs de Bourgongne, & leur requist instamment pource & au nom de son fils le Duc, qu'ils assemblassent diligemment leurs gens pour donner secours aux dessusdits assiegez de Creuant: lesquels seigneurs avec le seigneur de Toulongon Marechal de Bourgongne, se meirent ensemble à toute puissance, & cheuaucherent iusques à Auxerre: auquel lieu vint de par le Duc de Bethfort Régent le Comte de Salsebery, le Comte de Suffort, le seigneur de Vvilleby & aucuns autres seigneurs Anglois, tant qu'ils furent iusques au nombre de quatre mille combattans ou enuiron gens d'élite & esprouuez en armes, à l'encontre desquels Anglois: allerent pour les honnorer le Comte de Iogny Bourgongnon, le Borgne de Toulongon, le seigneur de Vergy, messire Iean & messire Guillaume de Vienne, messire Regnier Pot, le seigneur de Rochefort & plusieurs autres notables seigneurs. Et eux venus & assemblez ensemble, firent grand reuerence l'un à l'autre & puis cheuaucherent l'un avec l'autre en belle ordonnance iusques en la ville: & fut logé ledit Comte de Salsebery en l'hostel de l'Euesque. Et quand ils furent vn peu refectionnez de boire & de manger, se assemblerent lesdits seigneurs tant Anglois que Bourgongnons en l'Eglise cathedrale de la ville: & là prindrent leurs conclusions telles que cy apres seront declarées. Apres les Anglois & Bourgongnons se meirent à chemin pour aller vers Creuant combattre leurs aduersaires, & descendirent à pied à enuiron vn grand quart de lieuë d'iceux. Alors il faisoit moult grand chault: & pource furent grandement trauallezz ranc d'aller à pied pour la pesanteur de leurs armes comme de l'ardeur du soleil. Erce propre iour furent faits cheualiers de ceste partie Guillaume de Vienne, fils au seigneur de saint George, Iean seigneur d'Auxi, Philippe seigneur de Trenont & Copin de la Vieuille.

PREMIEREMENT fut ordonné par lesdits seigneurs, que lendemain qu'il

estoit vendredy se partiroyent avec tous leurs gens à dix heures du matin pour aller loger vers Creuant. Item ordonnerent deux Mareschaux pour auoir regard sur leurs gens : c'est à sçauoir pour les Bourgongnons le seigneur de Vergey, & pour les Anglois messire Gillebert de Halletal. Item fut crié que les Anglois & Bourgongnons fussent d'accord & amis ensemble en bonne vnion, sans faire debat ne remors sur peine d'estre punis à la volenté des capitaines. Item fut ordonné qu'ils cheuaucheroient tous ensemble en vn ost. Et y auroit six vingts hommes d'armes : c'est à sçauoir soixante Anglois & soixante Bourgongnons, avec autant d'archiers qu'il y appartenoit pour descouurir deuant. Item fut ordonné que quand on viendrait au lieu, où on se deuroit combattre qu'incontinent qu'il sera dit & publié, que chacun descende à pied, & ceux qui en feront refus soient mis à mort, & tantost les cheuaux soient menez arriere l'espace de demie lieuë. Et ceux qui seront trouuez plus pres soient prins comme confisqueuz. Item fut ordonné que chacun archier feit vn penchon aguillé à deux bouts pour s'icher deuant luy quand besoing en seroit. Item fut ordonné que nul de quelque estat qu'il fut, ne fut si hardy que de prendre prisonniers au iour de la bataille iusques à ce qu'on voye plainement que le champ soit gagné : & que si on en prend aucun, tantost soit occis, avecques luy celuy qu'il aura prins s'il en fait aucun refus. Item fut ordonné que chacun se pourueust de viande pour deux iours : & avecques ce que ceux de la ville d'Auxerre enuoyassent viures apres l'ost, entant qu'ils en pourroient finer, & ils seroient bien payez. Item fut ordonné que nuls ne cheuauchassent deuant ne derriere sans l'ordonnance des capitaines sur peine cappital, mais se tienne chacun en l'ordonnance où il sera mis : lesquelles choses dessusdictes furent en ce iour proclamées & publiées au son de trompe en la ville d'Auxerre. Et le lendemain (comme dit est) quand ils eurent ouy la Messe en grande deuotion & beu vn coup, ils se departirent de la ville en grand fraternité & allerent loger tous ensemble en la vinchelles à vne petite lieuë de leurs ennemis. Et le samedi ensuiuant enuiron dix heures du matin, se deslogerent & allerent à belle ordonnance deuant leurs ennemis : lesquels sans faillir ils trouuerent ordonnez en grande & noble compaignie : & auoient prins place sur vne montaigne deuant ladicte ville de Creuant, laquelle ils auoient tenue nuit & iour en attendant leurs gens. Mais lesdits Anglois & Bourgongnons allerent passer par l'autre lez de la riuere d'Yonne, du costé vers Coulongne lez Vimeus ou Vigneufes. Et adoncques descendirent les François de leur montaigne, & vindrent contre leurs ennemis en monstrant grand semblance de hardiesse, & se meirèrent en bataille l'un contre l'autre, où ils furent bien trois heures sans autre chose faire : & estoit la riuere d'Yonne entre deux. Et apres se aduancerent les Anglois & Bourgongnons, & gaignerent vn pont sur leurs ennemis, par lequel ils les commencerent fort à greuer & enuahir. Et d'autre part ceux qui estoient en la ville, les assaillirent par derriere moult roidement. Et adonc commencerent de toutes parts à combattre les vns contre les autres tresasprement. Mais en conclusion les dessusdicts Anglois & Bourgongnons obtindrent la victoire contre leurs ennemis & gaignerent le champ, auquel furent motts & prins la plus grand partie des Escoçois, qui estoient au front deuant la bataille, desquels y auoit enuiron

trois mille. Toutesfois le Connestable d'Escoce se rendit prisonnier au seigneur de Chastelluz : mais il eut vn œil creué. Et pareillement fut prisonnier le Comte de Ventadour au seigneur de Gamaches, & eut aussi vn œil creué. Estienne & Jean de Farimeres Cheualiers Escoçois, avecques plusieurs autres notables hommes iusques au nombre de quatre cens : & furent morts sur la place tandis le nepueu du Comte de Bouquignon, messire Thomas Secron, messire Guillaume Hambon & son fils tous cheualiers d'Escoce, Jean Pillot capitaine Escoçois & le Bastard du Roy, avecques plusieurs autres iusques au nombre de douze cens ou enuiron. Apres laquelle victoire s'assemblerent les capitaines Anglois & Bourgongnons en grande vnion, & entrerent dedans la ville de Creuant, en remerciant & regraciant le createur de leur victoire, où ils furent moult ioyeusement & honnorablement receuz, & leurs gens se logerent au plus pres. Toutesfois Perrinet & aucuns autres chasserent les fuians assez longuement, si en prindrent & occirent plusieurs en faisant celle poursuite. Et le lundy ensuiuant que lesdits capitaines eurent assemblez leurs gens, ils se partirent l'un d'avecques l'autre. Et puis s'en allerent les Bourgongnons en leurs propres lieux. Et les Comtes de Salsebery & Suffort retournerent au siege de deuant Mont-Aguillon du lieu mesmes dont ils festoient partis, & y auoient laissé aucune partie de leurs gens pour garder ledit siege. Et fut verité qu'au iour de la bataille dessusdicté, ledit Comte de Salsebery feit bien quatre viingts cheualiers ou plus. Et puis apres la dessusdicté bataille de Creuant, ledit Comte de Suffort alla assieger la ville de Couffy : laquelle se rendit à luy dedans certains briefs iours ensuiuans. Et de là alla au pays de Masconnois, où se meirent en obeissance plusieurs forteresses que les François tenoient. Si feit par vn de ses capitaines nommé Claidas le fort chastel de la Roche, qui en fin se meit en son obeissance.

Cy parle de plusieurs matieres en brief.

Environ le temps dessusdit, le Duc de Bourgongne se partit de son pays d'Arthois & s'en alla à Paris, & de là en son pays de Bourgogne, où il seiourna iusques au mois de Feurier ensuiuant : & mena avecques luy le Comte de Richemont, qui espousa lors sa seur, dont le mariage estoit fort long temps deuant, comme dessus est dit. A l'issue du mois de Iuillet s'assemblerent plusieurs François des marches de Maussion, de la Comté de Guise & d'ailleurs : lesquels encloyrent soubdainement dedans Bethleem le Bailly de Vermandois & le Bastard de S. Pol : mais messire Jean de Luxembourg & le Comte Marechal Anglois, se meirent tantost ensemble avec grand nôbre de leurs gens & cheuaucherent hastiuement pour leuer le siege que tenoient lesdits François : lesquels François quand ils en furent informez, se partirent & tirent en grand haste vers leurs marches : & les dessusdits Comte Marechal & messire Jean de Luxembourg les poursuivirent roidement bien xx. lieues, pour les cōbattre. En cest an arriuerent les Arragonnois & les Castellans en grand puissance au pont de Naples : & illec prindrent de force icelle ville de Naples, laquelle fut pillée & courue : & prindrent la plus grand partie des puissans hommes, iusques au nôbre de huiet cens, lesquels ils enuoyerent prisonniers en Arragon, &

en y eut grand partie de morts : & fut bien le tiers de la ville arse & destruite, dont le Roy Loys fut moult troublé. Mais brief ensuiuant par l'ayde que luy enuoya le Duc de Milan, il reconquist icelle ville de Naples & plusieurs. Au mois d'Aoust ensuiuant, messire Jean de Luxembourg conquist par force d'assault la forteresse d'Arise dedans laquelle estoient environ trente Sacquemaïns tenans le party du Roy Charles, dont les aucuns furent mis à mort & penduz, & ladicte forteresse fut arse & du tout demolie. Et de là ledit de Luxembourg alla assieger Landouillies, où il fut iusques au mois d'Octobre, en combattant iceux de ses engins tresfort. Mais en conclusion ceux de dedas rendirent la forteresse par tel si, qu'ils s'en allerent sauf leurs corps & grād partie de leurs biens : laquelle forteresse comme celle de dessus, fut demolie & abbatue. En ce tēps mesmes le Comte Marechal Anglois estoit à tout six cens combattans ou enuiron sur les marches de Laonnois : pour lequel ruer ius & destrouuer l'assemblerent les gens du Roy Charles, mais ledit Côte de ce aduertie alla contre eux, & les fait fuir & departir l'un de l'autre. Et en les poursuivant tout chaudement, se bouterent vne partie dedans la forteresse. Auquel lieu ils furent dudit Comte assiegez sans arrest, & tant approchez qu'en la fin ils se rendirent à sa volenté. Si en y eut grand partie de pendus & fut ladicte forteresse desolée. Au mois d'Aoust dessuldit le capitaine de Lebuissier entre Tornus & Malcon tenant le party du Roy Charles, meit iournée pour deliurer la forteresse au seigneur de Thoulougon Marechal de Bourgogne pour vne somme d'argent, dont ils estoient ensemble d'accord : mais à icelle iournée leur capitaine auoit fait deux embusches pres de la forteresse : lesquelles apres ce q' ledit Marechal fut entré en icelles luy douziesme, ses gens faillirent auant sur ledit Marechal & ses gens : si les desconfirent si que pou en eschappa, & par ainsi ledit de Thoulougon fut detenu prisonnier luy & ses gens dedans le chastel. Et depuis certaine espace de temps fut deliuré pour le Comte de Vantadour, qui auoit esté prins en la bataille à Creuant, dont dessus est faicte mention. En c'est an messire Jean de Luxembourg meit en son obeissance les forteresses de Cambresis en Terrace, Proisy & autres, lesquelles les gens du Roy Charles tenoient. En l'an dessuldit furent mises en la main du Comte de Hainault toutes les terres du Comte de Pontieuuere, qu'il auoit en la dessuldicte Comté par le seigneur de Harech gouverneur de celuy pays, pource qu'on auoit soupçon, qu'iceluy Comte de Pontieuuere ne voullist mettre garnison en ses forteresses qu'il auoit audit pays : telles comme Landrecy, Auesnes & autres.

Comment messire Jaques de Harcourt tint parlement avec messire Raoul le Bouteiller pour la reddition du Crotay.



Tem apres ce que messire Raoul le Bouteiller eut tenu son siege par mer & par terre, iusques au my mois d'Octobre. Il eut parlement avecques messire Jaques de Harcourt. Et ordonnerent de chacune partie leurs commis, pour traicter & donnerent trefues les vns aux autres. Et en fin furent d'accord par la maniere declairée cy apres. Duquel traité la copie ensuit.

C E S T le traité fait entre Raoul le Bouteiller cheualier, & Guillaume Miners

ners escuyers commis & deputez de par le tres excellent Prince le Duc de Bethfort Regent de Frâce d'une part, & messire Jaques de Harcourt cheualier lieutenant general en Picardie pour le Roy Charles: ledit de Harcourt soy faisant fort du clergie, des nobles & des manans & habitans en la ville & chastel du Crotoy d'autre part. Premièrement le premier iour de Mars prochain venant: Le second & le tiers soleil leué depuis l'heure de prime, monseigneur le Regent ou ses commis, seront iusques à trois heures apres midy chacun desdits trois iours armez dessus les champs entre la ville de Rue & le Crotoy. Et s'ils ne sont combatus par ledit messire Jaques, ou par autres tenans son party durant les trois iours dessusdits si puissamment, que le champ luy demeure: ledit messire Jaques ou ses commis bailleront & deliureront realement & de fait à mondit seigneur le Regent, ou à celuy qu'il y commettra ladicte ville & forteresse du Crotoy. Et s'accompliront presentement à trois heures apres midy au tiers iour dudit mois de Mars. Item ledit messire Jaques & generallyment tous ceux de la compagnie de quelque estat ou condition qu'ils soient, se pourront partir avecques tous leurs biens dudit Crotoy au iour de la reddition: excepté les consentans de la mort de feu lean Duc de Bourgogne, qui demoureront en la volenté de mondit seigneur le Regent aucuns en y a. Item ledit messire Jaques sera tenu de laisser audit chastel toutes les pouldres, arbalestres & traitz sans riens gaster ne despecer, reserué neuf veuglaires, deux cacques de pouldres, vingt & trois arbalestres, & neuf coffres de traitz. Et toutes les gens emporteront harnois, habillemens & autres biens. Item au cas qu'aucuns de ladicte ville & chastel de quelque estat qu'ils soient, voudroient demourer en faisant le serment à mondit seigneur le gouverneur & Regent, ou à ses commis leurs biens meubles & heritages leur demourront, & de ce on leur baillera lettres suffisantes. Item ledit messire Jaques aura du navire pour le port estant au Crotoy: c'est à sçavoir la grande Hulque & la Barge, Colin l'Anglois, Plumetierre, Balenier, Jaques, & Martinet, & il sera tenu de laisser l'autre navire, & les vaisseaux des pecheurs demourront à ceux à qui ils sont, moyennant qu'ils feront le serment comme dit est. Item messire Jaques sera tenu de rendre tous les prisonniers, qu'il a de present en ladicte ville & chastel de Crotoy, & on luy rendra pareillement vn de ses gens que tient messire Raoul le Bouteiller. Item durant le temps dessusdit tous ceux de ladicte ville & chastel, cesseront de faire guerre en appert & en couuert, par quelque maniere que ce soit, sauf que ledit messire Jaques durant ledit iour pourra faire guerre se bon luy semble outre l'aire de Seine. Item ne pourront lesdits monseigneur le Regent ne nuls de ses gens ce temps pendant, faire enuahie n'entreprinse sur ladicte ville & chastel du Crotoy par quelque maniere que ce soit, ne pareillement ses alliez. Item durant ledit temps iusques au premier iour de Mars, pourront ceux du Crotoy aller en marchandise es villes de Rue, & d'Abbeville, & de S. Vallery moyennant qu'ils en ayent congé des capitaines d'icelles villes & non autrement. Et aussi pourront aller par mer en marchandise: & aussi pourront amener vins & toutes autres denrées pour vendre, sauf qu'ils n'en mettront tiens dedans ladicte ville & chastel pour le rautailier, sinon pour la quotidiane du temps qu'ils y doiuent estre. Item toutes les gens de mondit seigneur le Regent, & aussi ceux tenans son party pourront aller en

la ville du Crotoy pour besongner, ce qu'ils auront à faire par le congé du capitaine. Item s'il aduenoit durant ledit temps dessusdit, qu'aucuns vaisseaux ou gens d'armes atriuaissent au Crotoy ils n'y seront receuz: & n'auront aucune ayde ou secours par les vaisseaux d'icelle ville, & ne pourra ledit messire Jaques durant ledit temps, fortifier, ne demollir ladicte ville & chastel. Item mondit seigneur le Regent ou ses commis bailleront saufconduit à ceux qui serot dedans la ville & chastel au temps de la reddition, où bon leur semblera pour aller tenir leur party, & à tous leurs biens, & auront quinze iours de vuidenge: & apres auront saufconduit autres quinze iours. Item aura ledit messire Jaques saufconduit pour luy, ses enfans & toutes ses gens durant ledit temps, soit par mer ou par terre pour aller où bon luy semblera. Item pour accomplir toutes les choses dessusdictes & entretenir, ledit messire Jaques baillera en pleges messire Pierre de Hergicourt cheualier, Boort de Fiehez, Iean Sarpe & Perceual Cambiet escuyers, Iean d'Estampes, Gilles le Roy & Iean de Gonne bourgeois de ladicte ville du Crotoy. Lesquels pleges seront quittez apres la reddition de ladicte ville & chastel du Crotoy: en cas que celuy qui se dit leur Roy les secourroit ou ses commis en demourant victorieux sur la place, seroient aussi quictes les pleges dessusdits. Lequel traité fait & lesdits pleges baillez se departit le siege. Et ledit messire Jaques feit vendre toutes ses provisions en Abbeuille & ailleurs, & remanda ses enfans qui estoient en Hainault au chastel de Hamelche. Et quand ils furent à luy venus il les enuoya à Monstreul Bellay. En apres messire Jaques de Harcourt, comme dit est, vendit toutes ses provisions & à tout infiniz biens se meit en mer avec partie de ses gens, en laissant au Crotoy son lieutenant general messire Choquart de Combionne. Et puis sen alla nageant au mont S. Michel, où il fut receu moult honorablement: & de là alla à Monstreul Bellay veoir ses enfans, & là meit la plus grand partie de ses biens. Et aucuns iours apres ensuiuans alla deuers le Roy Charles qui le receut tresbenignement, & luy donna aucuns dons comme Roy: & puis se departit pour aller deuers le seigneur de Partenay, qui estoit oncle à la femme que ledit messire Jaques auoit espousée. Lequel de Partenay tenoit & auoit tousiours tenu le party du Duc de Bourgongne. Et apres qu'iceluy messire Jaques eut esté receu dudit seigneur de Partenay liberallement & à grand honneur, iceluy messire Jaques luy requist d'auoir sa fortetesse en garde, & aussi qu'il voulüst laisser la querelle du Duc de Bourgongne qu'il auoit tousiours maintenue, & il se faisoit fort de faire la paix au Roy Charles, & si auroit son estat ainsi qu'il auoit accoustumé. Dequoy ledit seigneur de Partenay luy respondit, que son intencion estoit de demourer seigneur de sa fortetesse & de ses seigneuries: & que ceux à qui elles appartenoient apres la mort les prinsrent sil leur plaisoit. Adonques ledit messire Jaques assez pourueu de son fait, comme il cuidoit, meit la main audit seigneur de Partenay, & le feit prisonnier du Roy Charles. Et ses gens leuerent le pont du chastel: & en ce faisant fut la noise ouie de la ville, dont les gens tous esmeuz en grand nombre vindrent au chastel, & tirerent le pont qui n'estoit cliqué ne verouillé: & lors tout soudainement monterent amont & occirent cruellement ledit messire Jaques, Iean de Herselames, Iean de Fronssieres, Philippe de Neuuille & plusieurs autres de ses gens. Ainsi trouua ledit messire Jaques

ques sa mort aspre, cruelle & hastiue par vn petit de couuoitise:iaçoit-ce qu'on le compte en plusieurs autres manieres .

Cy parle de plusieurs autres matieres en brief.

EN ce temps ceux de la Cōré de Hainault furent en moult grād effroy & tribulation, pour doubte de la guerre des Ducs de Clocestre & de Brabant, don ilz veoyent l'apparence, par ce que tous deux auoient espousé leur dame & heritiere. Et se disoit chascū d'eux estre seigneur du païs ayant la meilleure querelle. Et aussi que les seigneurs du païs estoient diuisez & renoient les vns le party du Duc de Brabant, & les autres le party de la dame & du Duc de Clocestre. Nonobstant que par auāt tous eussent fait serment de loyauté à iceluy Duc de Brabant, & s'auoient tenu long temps pour seigneur. En ce temps s'assemblerēt à Amiens les Ducs de Bethfort & de Bourgogne avecques leur grand conseil de chacune partie, pour traicter de la paix entre les deux Ducs dessusdits de Clocestre & de Brabant. Mais en conclusion au dernier ils se departirent l'un de l'autre sans riens pouoir concorder: & prindrent iour pour estre à Paris sur la besongne dessusdicte. En ce temps le Duc de Bethfort feir assieger trespuissammēt par les Anglois, & avecques eux le seigneur de l'isle Adam, & le bastard de Thyan le chastel d'Iury. Pour lequel siege leuer s'assemblerent en grand nombre, le Comte d'Aumale, le bastard d'Alençon & plusieurs autres capiraines. Lesquels cheuauchant par deuers ledit siege, trouuerent le capitaine d'Auranches frere au Comte de Suffort qui venoit de courre, & auoit donné congé à vne parrie de ses gens: lequel fut assailly desdits François & desconfit, & fut de sa personne prisonnier. Pourquoy iceux François esperans trouuer ladicte ville desgarnie, se meirent à chemin pour la conquerre. Et ce fait eux venus deuant, y liurerent vn grand assaut: mais les habitans se deffendirent vigoureusement, tellement qu'ils occirent & naurerent plusieurs de leurs ennemis, lesquels demourerent en leurs fossez. Et apres iceux François saichans que le Duc de Bethfort venoit pour les combattre, se departirent de là en cheuauchant hastiument vers la Duché de Touraine, toutesfois furent ils poursuiuis de leurs gens. Item le troisieme iour d'Octobre audit an, fut prinse la ville de Han sur Somme par les gens du Roy Charles, que menoit Pothon de STreille par eschelles par faute de guet. Pour laquelle prinse messire Jean de Luxembourg fut fort troublé, par ce que c'estoit à luy. Et pourtant en grand diligence assembla ce qu'il peust assembler de gēs d'armes: tous lesquels au tiers iour de la prinse il cheuaucha iusques à ladicte ville. Et en grand hardiesse tout soubdainement feit icelle assaillir & passer ses gens d'armes parmy la riuiere avec son estandart. Lequel porta ce iour tresvaillamment vn homme d'armes nommé Iacotin de Cambray. Finablement le dessusdit Jean de Luxembourg reconquist en brief la ville sur ses ennemis & en print & meit à mort cruelle grand partie. Et ledit Pothon au plustost qu'il peur avecques aucuns de ses gēs s'en refuit en Terace. Toutesfois ils furēt poursuiuis par ledit de Luxembourg & ses gens, & y en eut en icelle poursuite de prins grand foison. Auquel iour sur prins dedans ladicte ville & nauré terriblement, comme en peril de mort vn homme d'armes nommé messire Jean de Fōtenelle & Valerien de S. Germain :

auquel ledit meſſire Iean de Luxembourg brief enſuiuant ſeit trencher la teſte, c'eſt à ſçauoir audit Valerien .

Item en ce temps la Royne femme du Roy Charles accoucha d'un fils, lequel fui nommé ſur les ſons Loÿs premier Dauphin de Viennois . Pour la nariuite duquel fui fair grand lieſſe & grand ioye part oute ſon obeïſſance, & par eſpecial en ſa bonne cité de Tournay:& furent fais grans feux par toute la ville, & ecriou le commun Noël à haute voix en menant grand ioye & lieſſe. Item en l'an deſſuſdit les François prindrent le chaſtel de Beaumôr ſur Oyſe, lequel brief enſuiuant fut aſſiéé par le cômmandement du Duc de Bethfort, & en fin recôquis & tout demoly & abbatu. Lié en ce réps ſe reſmeurét ceux de la ville de Tournay, & ſe meirét en armes l'un côté l'autre à bânier deſployée:& fut la cauſe de ceſte eſmeute, pource que la cômunauté doubtoit que les ſeigneurs de Moÿ & de Conſlâs qui eſtoient en leur ville & auoient grâd audiéce, ne leur baillaſſent garniſon plus puiſſant d'eux. Neâtmoins ſoubdainement ils ſe rappaiſerent ſans coup ferir:& allez toſt apres ſe departirét les ſeigneurs deſſuſdits de ladiète ville de Tournay doubtâs la fureur d'iceluy cômun, & alla ledit ſeigneur de Moÿ demourer en Liege. Item en ce temps la ville de Champagne fui eſchellée par ſaute de guer des gës du Roy Charles. Leſquels eſtoiet enuiron ccc.côbattâs, deſquels eſtoient conducteurs Yuon du Puis, Angerot de Laux & Brouſſart: leſquels ſans delay prindrét & emprisonnerent tous ceux de la ville qui tenoiet le party des Anglois & des Bourgongnons, avecques tous leurs biens. Et brief enſuiuant vindrent deuant ladiète ville de Champagne pour icelle reconquerre le ſeigneur de l'Île Adam, Lyonnell de Bernouille, le ſeigneur de Thyant & aucüs autres, qui pou ou neant y feirent: & pourtant tout le paÿs d'enuiron fut de rechief pour icelle prinſe en grâd ſoucy & tribulation. Item en ces meſmes iours ſur reprinſe ſur les gens du Roy Charles la ville de la Charité ſur Loire, par vn aduanurier tenant le party du Duc de Bourgongne nommé Perrinet Craſſet: lequel par auant & long temps apres ſeit forte guerre au Roy Charles ſur les marches de Berry, & au paÿs d'enuiron. Pour laquelle prinſe les François furent moult fort dolens & courroucez, pourtant qu'ils perdirent le paſſage de l'eauie qui leur eſtoit fort duiſable. Item en ceſt an Atihus Côte de Richemont, apres ce qu'il eut eſpouſé Marguerite ſœur au Duc de Bourgongne: Nonobſtât le ſerment & les alliâces, qu'il auoit faiçtes par auant avec le Roy Henry deſſunct & ſes ſucceſſeurs, ſ'en alla par deuers le Roy Charles pour aucun diſcord, qui fut entre le Duc de Bethfort & luy: duquel Roy Charles il fut moult fort ioyeuſement receu, & brief enſuiuant il fut fait Côneſtable de Frâce par ledit Roy Charles. Pour le departement duquel Côte moult de gës furent emerveilleez atôdu l'alliance ſi nouuelle qu'il auoit eüe avec ledit Duc de Bourgogne. Au mois de Ianuier en ceſt an aſſemblersét en la ville d'Amiês les Ducs de Bethfort, & de Bourgongne, le Comte de Conuerſan, l'Eueſque de Tournay ſon frere, meſſire Iean de Luxembourg, avecques grand nôbre de notables perſonnes & conſeilliers de chacune partie, & les ambaffadeurs des Ducs de Cloceſtre & de Brabât. Et toutes ſois iacoit ce que pluſieurs fois ſur ces propos furent en conſeil, ils ne peurent riés concordet. Et pourtant aſſignerét à iceux ambaffadeurs vn iour à eſtre enuiron la Trinité enſuiuant. Et apres ſe departirent les notables Princes deſſuſdits.

Comment

Comment la ville de Compiègne fut remise en la main des Anglois. Et comment la ville & le chasteil du Crotoy furent rendus au Duc de Bethfort.



Item en ce temps alla le Duc de Bethfort en la ville de Montdidier, où il fut cinq ou six iours : & là ordonna capitaines tant Bourgeois comme Anglois pour assieger la ville de Compiègne, desquels fut le chief le seigneur de Saueuse. Et si y furent commis le Baillif de Rouën, le capitaine de Gisors nommé Malbery, le seigneur de l'Isle Adam, messire Lyônel de Bournouille, le Bastard Thyan, le seigneur de Creuecueur, Robert de Saueuse & plusieurs autres. Lesquels apres icelle ordonnance mandèrent tout soubdain leurs gens en grand diligence, & s'assemblerent au pont S. Maxence. Et de là cheuaucherent en ordonnance iusques à Compiègne : c'est à sçavoir le seigneur de Saueuse & les Anglois du costé vers Montdidier : & se logerent tous ensemble au bout de la prée en vne ville nommée Venuette, & de l'autre costé de l'eau à l'abbaye de Royal-lieu, le seigneur de l'Isle Adam, Lyônel de Bernouille & aucuns autres capitaines : lesquels tant d'un costé que d'autre continuerent leur siege environ trois semaines. Lequel temps durant y eut de grandes escarmouches entre les parties : Mais neantmoins en conclusion les François non ayans esperance de secours, seirent traitéz aux Anglois par condition, qu'ils s'en iroient sans leurs corps & leurs biens : & auoient trois semaines de iour d'eux partir, en cas qu'audit iour le Roy ne leur liurast bataille, & sur ce baillèrent leurs hostages. Et aussi rendroient le seigneur de Soral, qui auoit esté prins par iceux assiegez deuant ladicte ville. Apres lesquels traitéz, se departirét & retournerent chacun en leurs propres lieux. Et le iour venu auquel ils auoient promis de rendre ladicte ville, se departirent tous ensemble pource qu'ils n'eurent point de secours : & meirent icelle ville de Compiègne en la main des Anglois par le Duc de Bethfort, qui se disoit Regent. C'est à sçavoir en la main de monseigneur de Montferrant, lequel y commist capitaine le seigneur de l'Isle Adam.

Item environ l'issue du mois de Feurier alla ledit Duc de Bethfort à tout moult grand nombre de gens d'armes en la ville d'Abbeville, en intention de tenir la iournée qui pieça auoit esté prinse pour la reddition du Crotoy. Mais pource que ledit Bethfort fut aduertý seurement, que les François ne se comparoistroient point à puissance, il enuoya querir ladicte iournée à messire Raoul le Bouteiller & demoura à Abbeville : lequel messire Raoul se tint entour le Crotoy, le premier, second & tiers iour de Mars. Quand ce vint audit iour à heure de midy ou environ, fut rendue ladicte ville & forteresse du Crotoy par messire Cloquart de Cambronne en la main dudit messire Raoul : lequel luy rendit ses hostages, & luy bailla saufconduit pour luy & pour ses gens aller deuers le Roy Charles, & outre l'eau de Seine par tout où bon luy sembleroit. Et apres iceluy messire Raoul le Bouteiller, quand il fut entré dedans le Crotoy, print les sermens des bourgeois & habitans, qui estoient demourez en ladicte ville & chasteil. Et avecques ce fut constitué ledit messire Raoul Bouteiller de par le Regent, general capitaine de ladicte ville : pour la reddition de laquelle plusieurs seigneurs du pays d'environ : & aussi le pauvre commun furent petitement resci

iouïs, doubtans qu'au temps aduenir les alliances qui estoient entre les Anglois & le Duc de Bourgogne se rompiſſent, & que par le moyen d'icelle forteresse, fuſſent en voye de totale destruction : iacoit ce que ceux qui y estoient de present leur eussent fait de grans martyres. En cest an mourut le Pape Pierre de la Lune, qui se nommoit Benedic : lequel tout son temps auoit desobey à l'Eglise Romaine depuis le concille tenu à Constance, & voulut mourir Pape. Et encores en sa mort aux Cardinaux qui estoient avecques luy, feit faire election entre eux. Mais assez tost apres sa mort se meirent à l'obeissance de nostre saint Pere le Pape Martin. Et par ainsi fut l'Eglise en bone vnion par toute Chrestienté.

Comment deux maistres en Ars furent enuoyez en la cité de Tournay, pour admonnester & entretenir le peuple en l'amour du Roy Charles & autres matieres.

EN l'an dessusdit vindrent en la ville de Tournay deux maistres en ars illecques enuoyez par le Roy Charles, pour admonnester les bourgeois & le commun, qu'ils se voulussent entretenir tousiours en leur bon propos vers ledit Roy, siccomme ils auoient fait long tēps par auant : promettant par la bouche des dessusdits qu'ils en seroient moult bien guerdonnez au plaisir de Dieu si le Roy retournoit en sa seigneurie. Lesquels ambassadeurs furent treshonorablement receuz des nobles & du commun : & leur furent faits beaux dons, & leurs despens administrez & payez aux despens de la ville tressargement. Et apres qu'ils eurent esté en icelle ville & cité de Tournay certaine espace de temps, l'un retourna en Berry & l'autre demoura encores à Tournay, en faisant plusieurs predications, en attrayant tousiours iceux que bien ils s'entretenissent au party du Roy : mais en fin son estat fut amoindry, & se refroidirent ceux de Tournay de luy faire si grans biens, qu'ils luy auoient fait de premiere venue. Au mois d'Auril ensuiuant messire Iean de Luxembourg assembla ses gens d'armes, & avecques luy sire Thomas de Rauiston cheualier Anglois : lesquels allerent mettre le siege deuant Oysi en Terace. Et dedans briefs iours ensuiuans traicta le Cadet, qui en estoit capitaine avecques ledit de Luxembourg, par telle condition qu'il luy rendroit la forteresse au cinquiesme iour de May ensuiuant. Et par ainsi se departit le siege, & luy fut rendu au iour dessusdit. Auquel an ledit de Luxembourg assiegea l'Eglise de Broissi, laquelle auoient fortifiée aucuns Saquemens tenans le party du Roy Charles, qui moult faisoient de dommages au pays. Et pareillement assiegea la tour le Borgne, & furent prins en ces deux places bien quatre vingts d'iceux : entre lesquels estoit vn nommé le gros Bretō, vn de leurs capitaines. Et furent tous pendus aux arbres assez pres de Sery lez Mazieres. Item en cest an furent arſes de feu de meschief six cens maisons ou enuiron, en la ville de saint Amand, avecques la porte de la basse court de l'abbaye & deux chambres de deux moines dudit lieu : & ne demoura que deux pauures maisons entre les deux portes de la ville : dont le menu peuple de ladicte ville fut tout desolé, & eut grand tristesse & troublement. Item en cest an se rompirent les trefues qui auoient duré enuiron l'espace de treize iours, entre le Souldan de Babiloine & le Roy de Chippre par le rapport d'aucuns faulx Chrestiens, qui rapporterent au Souldan que les Chippiens occioient ses gens quand ils les pouoient

pouoient ataindre. Sur lequel rapport sans autre deffiance faire au Roy de Chippre, ledit Souldan enuoya six gallées plaines de Sarrazins descendre en Chippre, & faire guerre par feu & par espée. Et premierement ardirent & destruirent du tout la ville de Lymecô, avecques grâd foison d'autre païs. Et lors le Roy de Chippre de ce aduert, afin de resister enuoya vn sien cheualier messire Philippe Preuost à tout grans gens: lequel venu aux dessusdits Sarrazins en escarmouchant à eux, fut seru d'une fleche au visage, duquel coup il cheut. Et tãtost lesdits Sarrazins luy trencherent incontinent le chief, & prindrent ses espérons dorez avecques ladicte teste, & se retrahirent en leurs gallées & puis retournerent en Surie.

Comment messire Jean de Luxembourg assiegea le chastel de Vviège: & comment il feit vne embusche, où Pothon de sainte Treille & ses compagnons furent desconfits.

EN ce temps messire Jean de Luxembourg assiegea la forteresse de Vviège trespuissamment: lequel siege dura enuiron trois sepmaines, continuant tousiours ledit de Luxembourg de faire abbatre & desrompre par les engins icelle forteresse. Et en fin lesdits assiegez non esperans auoir secours, feirent traicté avec ledit de Luxembourg par tel si, qu'ils s'en iroient sauf leurs vies en delaissant tous leurs biens, promettans d'eux non plus armer deçà la riuiera de Loire, sinon en la compagnie du Roy Charles. Apres lequel traicté se departirent en allant à Guise, & la forteresse fut demolie & abbatue. Et apres le premier ou second iour ensuiuant, ledit messire Jean de Luxembourg se deslogea avec aucuns de ses plus feables. En ce temps fut Pothon de Sainte Treille prins sicomme vous orrez. Le vous dy que messire Jean de Luxembourg, durant ledit siege, se meit en embusche derriere vne petite Eglise enuers les marches de Guise, pour veoir & pour attendre se aucuns de ses ennemis feroient aucune enuahie apres ses gens, laquelle chose aduint comme il l'auoit proposée: car ledit Pothon de sainte Treille, l'Estandart de Mailly, le seigneur de Verduisant & aucuns autres experts & esprouuez en armes, faillirent hors la ville de Guise en venât vers ladicte embusche. Et adôcques ledit de Luxembourg voyant sur eux son aduantage à tout les siens, alla vigoureusement contre eux. Et tantost par grand vigueur les meit en grâd desroy. Et y fut prins ledit Pothon, le seigneur de Verduisant & aucuns autres en petit nombre. Mais ledit Estandart de Mailly de plaine venue, assist sa lance dessus Lyonnel de Vandonne, si le porta ius de son cheual, & le blessa tresdurement vers l'espaule: tant que ledit Lyonnel tout son viuant en fut assolé de bras & de iambe. Apres lequel coup iceluy Estandart voyant que proesse n'y pouoit riens valoir, & que ses ennemis estoient trop forts se retrahit vistement dedans la ville de Guise. Et messire Jean de Luxembourg avec ses gens chassa longuement les autres qui s'en fuioient en plusieurs parties. Et apres retourna & assambla ses gens en menant grand liesse de la bonne aduature qui luy estoit aduenue: & ainsi à tout ses prisonniers retourna en son chastel de Beurevoir, donnant congé à ses capitaines iusques à son rappel.

De l'an mille cccc. & xxiiij.

Comment en cest an grand quantité d'Anglois arriuerent à Calais. Et autres matieres en brief. Et commēt messire Jean de Luxembourg assiegea la ville de Guise & plusieurs autres matieres.



V commencement de cest an, vindrent d'Angleterre nageāt par mer en la ville de Calais seize cens combattans Anglois ou enuiron: dont la plus grand partie allerent à Paris deuers le Duc de Bethfort, & les autres deuers messire Jean de Luxembourg sur les marches de la Comté de Guise. En apres messire Jean de Luxembourg traicta avec Pothon de Sainte Treille & autres ses prisonniers, par condition qu'eux & leurs gens se departiroient de la ville de Guise & s'en iroient outre l'eau de Loire sans faire guerre ne dommage: promettans de non retourner, sinon en la compagnie du Roy Charles. Par le moyen duquel traicté, & aucuns autres finances que ledit Pothon paya, fut mis en plaine deliurance luy & ses gens: & s'en alla outre la riuere de Loire, comme dit est. En cest an s'assemblerent sur les marches de Champaigne, la Hyre, Jean Raoulet & aucuns autres capitaines tenant le party du Roy Charles, avec grand nombre d'autres gens: lesquels ils menerent & conduirent sur les marches d'Ardenne & de Retelois, & assiegerēt en sa forteresse Oliuier d'Estaneuelle.

En ces propres iours par l'ordonnance du Duc de Bethfort & du Duc de Bourgogne, messire Jean de Luxembourg feit grandes preparations de gens & d'habillemēs de guerre, pour assieger la ville de Guise en Teraçe. Apres lesquelles preparations en sa compagnie, le seigneur de Piquigny Vidame d'Amiens, les seigneurs d'Anthoing, de Saucuses, messire Colard de Mailly, Ferry son frere, messire Dauiod de Poix, Maufroy de saint Legier, messire Lyonnel de Barrouille, le Bastard de saint Pol & plusieurs autres en grand nombre vindrent deuant ladicte ville de Guise. Et avec luy estoit messire Thomas de Rampston Anglois à tout certain nombre de combattans: lesquels venus deuant icelle ville, trouuerent grand resistance, de la garnison qui estoit dedans; laquelle garnison afin que leurs ennemis ne les peussent approcher, ardirent leurs faulxbourgs, où il y auoit moult belles habitations, excepté deux maisons qui ne furent point arses. Mais ce ne leur valut riens. Car tantost ledit messire Jean de Luxembourg feit loger ses gens en plusieurs lieux à l'enuiron de la ville: & feit dresser ses engins contre la porte & muraille vers les faulxbourgs. Duquel siege ainsi mis (comme dit est) furent en brief enuoyées les nouuelles au Duc Regnier de Bar & Comte de Guise, & aussi au Duc de Lorraine son beau pere, par Jean seigneur de Proisy gouverneur & capitaine d'icelle ville de Guise. Lequel par ses lettres & messages supplioit humblement, en notifiant la necessité où il estoit au dessusdit Duc de Bar son seigneur, qui luy voulsist donner secours, lesquelles nouuelles despleurent moult à iceux Ducs. Et pourtant assembla plusieurs conseils & grand nombre de gens, pour à ce mettre pourueüe: mais pour doubte qu'ils ne meissent leur pays en guerre contre le ieune Roy d'Angleterre & du Duc de Bourgogne, ils se deporterent d'y proceder par voye de fait: Et par ainsi se continua ledit siege assez paisiblement par certaine espace de temps, si
non

non des asiegez qui souuentefois feirent plusieurs faillies en greuât à leur pouoir leurs ennemis. Lesquelles faillies chacune à par soy feroient trop longues à racompter. En cest an enuiron la S. Iean Baptiste, le Comte de Salsebery gouverneur de Champaigne & de Brie, homme tresrenommé en armes, expert & subtil, asiegea en la Comté de Vertus vne bonne petite ville nommée Sodune, laquelle en conclusion fut prinse par force d'assault par vne mine. Et ceux qui estoient dedans pour la plus grand partie furent cruellemēt occis, & en y eut de morts enuiron deux cens tout du moins, & les autres furēt prins prisonniers. Et avecques ce tous leurs biens furent ravis & piliez : leurs femmes violées, & ladicte forteresse demolie. Et si auoit ledit Comte de Salsebery deuât icelle le seigneur de Chastillon, qui fut fait cheualier dedās la mine par la main dudit Côte. Et estoit le capitaine d'icelle ville vn tresvaillant homme d'armes nommé Guillaume Marin, lequel fut occis avec les autres de ladicte prinse d'icelle. En ce temps le Duc de Bethfort feit asieger le chastel de Gaillon, qui estoit à l'Archeuesque de Roien moult forte place, laquelle tenoiet les gēs du Roy Charles. Et finalement fut tant battu par les engins des asiegeans, qu'en la fin les asiegez se rendirent & se departirent sauues leurs vies, & fut icelle forteresse demolie. Enuiron ledit mois de Iuing ledit Duc de Bethfort, feit asieger la ville du chasteau d'Iury. En brief apres le siege, fut la ville gaignée par puissance : Et le chastel qui estoit fort & bien garny de gens d'armes tint enuiron vn mois : au bout duquel les asiegez feirent traicté avec les Anglois, promettant à liurer ladicte forteresse la nuit de l'Assumption nostre Dame, en cas qu'ils n'auoient secours du Roy Charles puissant assez pour les combattre & demourer victorieux sur la place. Apres lequel traicté & les seuretez prinſes de chacune partie, se deffist ledit siege. En ce tēps les Anglois & les Bourgongnons, tenoient plusieurs sieges sur les marches de Normandie. Et estoient pour ce temps les François fort au dessous. Et pour lors fut mise en l'obeissance du Roy Henry Neelle en Tardenois. Et feit Alardin de Monsay traicté avec le Duc de Bethfort, pour la forteresse de la Fere, par condition qu'il ne feroit point de guerre si elle demouroit en sa main: Sinon que le Roy Charles retournast à puissance outre l'eüe de Seine en venant vers la Champaigne.

Comment le seigneur de Longueval, & plusieurs autres seigneurs tournerent de la partie du Roy Charles.

EN cest an le seigneur de Longueval, Regnault son frere, Iean Blondel le seigneur de saint Symon, Iean de Mailly, le seigneur de Maucourt & plusieurs autres cheualiers de Vermandois, & d'environ, qui tousiours auoient tenu le party de Bourgongne, s'assemblerent en la ville de Roie en Vermandois pour auoir aduis & deliberation ensemble, comme ils pourroient resister aux gens d'armes qui souuent degastioient aucunes de leurs villes, de leurs amis & de leurs gardes. Et viuoient indeiement sur lo païs, dont moult leur desplaisoit apres qu'ils estoient retournez des courſes, sieges & assemblées que par auant auoit faictes messire Iean de Luxembourg pour la conqueste de la Comté de Guise : lesquels venus audit lieu de Roie en y eut aucuns qui s'allierent ensemble, & feirent alliances pour resister contre

lesdits gens d'armes. Les autres doubtrant ledit de Luxembourg, s'excusèrent en conseillant qu'une autre journée fut prinse: dedans laquelle fut enuoyé message propice deuers messire Jean de Luxembourg, sçauoir son opinion, & se c'estoit de son gré que tels destroits feussent faits à ceux qui sur ce se départiroient. Neantmoins les aucuns n'entendirent point à la besongne si auant que depuis elle apparut: & pourtant se retrahirent tout coyement d'estre à telles assemblées. Toutesfois ledit seigneur de Longueval, Regnault son frere, messire Jean Blondel, le seigneur de Maucourt, Pierre de Recourt & plusieurs autres leurs alliez continuerent en celle besongne. Et si conclurent ensemble de eux tourner du tout du party du Roy Charles, & meirèrent dedans plusieurs villes & forteresses, dont les vns estoient seigneurs & les autres capitaines gens de par eux les plus forts: mais brief ensuiuant leur intention vint à cognoissance, pourquoy assez brieuement ils furent en grand cache. Et toutes leurs villes terres & seigneuries furent mises en la main du Roy d'Angleterre: & avec ce la plus grand parrie appelée à Ban. Si se rendirent tous subiects, & tindrent tout plainement le party du Roy Charles menant guerre de nuict & de jour au pays du Roy Henry & du Duc de Bourgogne: dont moult de gens furent esmerueillez, pource que ledit seigneur de Longueval & aucuns des autres dessusdits, auoient tout le temps seruy le Duc de Bourgogne & tenu son party: mais ils s'excusèrent en disant que c'estoit par les desplaisirs que leur auoient faits & faisoient encores chacun iour les gens du dessusdit sire Jean de Luxembourg: puis disoient que mieux aimoient mettre en aduerture de perdre tous leurs biens, que de viure en telle subiection: iacoit-ce que depuis eurent moult à souffrir. Et y eut pour les causes dessusdites d'executez à mort, comme cy apres vous sera declairé.

Comment le Duc de Bethfort alla à grand puissance tenir sa journée deuant Iury: laquelle ville & forteresse luy furent rendus.

CY dit l'histoire qu'environ huit iours en Aoust de cest an, le Duc de Bethfort assembla plusieurs hommes d'armes, archiers & capitaines Anglois: c'est à sçauoir les Comtes de Salsebery & de Suffort, le seigneur de Villeby & plusieurs autres capitaines tant de Normandie comme d'ailleurs, iusques au nombre de dixhuit cens ou environ homes d'armes, & huit mille archiers: lesquels il conduisit & mena iusques à Iury pour estre à la reddition d'icelle, dont par auant est faicte mention: & tant cheuaucha à tout son arroy qu'il vint deuant Iury la nuict de l'Assumption nostre Dame. Et tout ce iour se tint en bataille attendant ses ennemis, lesquels estoient tresgrand nombre, & bien dixhuit mille combattans sous la conduicte du Duc d'Alençon, les Comtes d'Aumale, de Ventadour, de Tonnoire, de Douglas & de Bosquen & de Moiry, du Vicomte de Mardonne, du seigneur de la Fayette & plusieurs autres seigneurs & Princes de grand renommée, & estoient à trois lieues pres dudit lieu d'Iury ou environ: lesquels enuoyerent quarante des mieux couras & plus experts de leur ost, & les mieux montez pour aduiser le cottenement de leurs aduersaires. Lesquels couras voyans de loing le Duc de Bethfort

&c

& ses gens en moult belle ordonnance, retournèrent en leur ost: & furent chassiez & poursuivis des Anglois. Et eux venus dirent ce qu'ils auoient trouué & veu. Et adonques les seigneurs dessus nommez du party du Roy Charles, non voyans pour lors leur aduantage, retournerent trestous ensemble iusques à la ville de Vernueil au Perche, qui pour lors tenoit le party du Roy Henry: ausquels ils firent entendant qu'ils auoient desconfits tous les Anglois, & que leur Regent s'estoit sauué à petite compagnie. Et sur ce propos ceux de ladicte ville de Vernueil leur firent ouuerture & grand obeïssance, pour ceux & au nom du Roy Charles. Apres laquelle reddition, comme le traicté le contenoit baillèrent saufconduit à aucuns Anglois estans leans, & les renuoyèrent à tout leurs haches enuers le Duc de Bethfort. Gerard de la Pailliere qui estoit capitaine d'Iury, voyant que l'heure estoit venue & passée que son secours deuoit venir, alla deuers le Duc de Bethfort qui estoit en bataille deuant pour attendre ses ennemis: & luy presenta les clefs de la forteresse, en luy requerant saufconduit pour luy en aller selon le contenu du traicté tant pour luy comme pour ses gens, lequel luy fut accordé. Et lors ledit Gerard present ledit Duc tira vne lettres, lesquelles il luy monstra en disant: Or voy-ie qu'au iourd'huy m'ont failly dixhuit grans seigneurs du party du Roy nostre sire, lesquels m'auoient promis de moy donner secours: ausquelles lettres estoient attachez leurs seaux. Et incontinent furent seurement au dessusdit Duc quatre gentils-hommes des gens dudit Gerard. Item apres ledit Duc de Bethfort print conclusion de poursuiuir les François, qui à ceux d'Iury auoient promis de donner secours, & qui pres de là estoient venus, comme dit est. Si enuoya le Comte de Suffort deuant à tout seize cens combattans, pour les cheuaucher & aduïser. Lequel Comte alla à Dampville & à Vasseux, & de là à Bretueil au Perche à deux lieues pres de Vernueil, où estoient lesdits François à toute leur puissance. Et ledit Duc de Bethfort alla à Eureux à tout son ost: auquel lieu le Comte de Suffort luy enuoya certain message pour luy faire scauoir, que lesdits François estoient aupres dudit Vernueil tous ensemble. Et pource iceluy de Bethfort se mit à chemin pour y aller, & tant fait qu'il y paruint à tout ses gens pour combattre leurs ennemis: Lesquels par auant leur venue auoient eue obeïssance de ladicte ville de Vernueil, que souloient tenir les Anglois, par ce qu'ils leur auoient donné à entendre que le dessusdit Duc de Bethfort & tous les siens auoient esté desconfits deuant Iury. Et fut ladicte bataille par vn ieudy dixseptiesme iour d'Aoust en la maniere comme vous orrez de present.

Comment le Duc de Bethfort poursuiuit les François. Et comment il les combattit deuant Vernueil.



R est verité comme ie vous ay ja dit, que le Duc de Bethfort avec ses Barons & cheualiers & gēs d'armes estoit (cōme dit est) deuant Iury. Et là luy furent apportées les nouuelles veritables, que ses ennemis se retrayoiēt vers Vernueil au Perche. Et adonques pource que le iour de la reddition d'Iury estoit venu, fait sommer ceux de dedans qu'ils acquitassent leur promesse. Lesquels non ayans esperance de secours, firent obeïssance.

sance audit de Bethfort, & luy deliurerent ladicte forteresse, en prenant de luy sauueconduict pour eux en allet avecques tous leurs biens, sans emmener nuls des prisonniers qu'ils auoient. Et lors commeit ledit Duc, capitaine de ladicte ville vn cheualier de Galles, renomé en armes, accompagné de plusieurs soul-doyers. Et apres les dessusdictes choses accomplies le propre iour de l'Assumption, se partit ledit Duc de Bethfort à tout sa puissance de deuant Yury & se meit à chemin pour poursuiuir ses ennemis, & alla loger en vne grosse ville en tirant vers le Perche nomme Dainuille en Vaisseux: & le lendemain trefmarin se deslogea en belle & tresgrande ordonnance, & cheuaucha iusques assez pres de Vernueil. Auquel lieu & à l'environ estoient logez les François ses ennemis: lesquels sçachans sa venue se preparerent bien diligemment, & meirent leurs gens en bataille pour assembler à l'encontre d'iceluy Duc. Et firent seulement vne grosse bataille sans faire auantgarde. Et avecques ce ordonnerent les Lombards, & aucuns autres à demourer à cheual sous la conduicte du Borgne Cameran, du Roussin, Pothon & là Hire, pour rompre & enuahir leurs ennemis par derriere ou au trauers. Et en ce faisant la grosse bataille de François dessusdicté estoit à pied. Pareillement le dessusdit Duc de Bethfort avecques les siens, descendit à pied: & feit mettre ses gens en baraille en vn ost tant seulement, sans aussi faire auantgarde ne laisser homme à cheual. Et furent mis les archiers, au front deuant, ayant chacun vn penchon deuant eux aguisé & fiché en terre. Et estoient les plus grans sols desdits archiers des deux bours de la bataille par maniere d'aelles. Et derriere les hommes d'armes estoient tous les pages, les cheuaux & les meschans gens non puissans de combattre. Lesquels cheuaux furent par lesdits archiers liez rous ensemble par les hastereaux, & par les queuës en plusieurs lieux les vns aux autres: afin que leurs ennemis de pied & de cheual ne les peussent surprendre. Et pour lesdits cheuaux & bagages garder, furent commis de par le Duc de Bethfort deux mille archiers. Afin que ladicte bataille ne peust par derriere estre enuahie. Et adonc de chacune partie furent faits cheualiers nouveaux en tresgrand nombre. Et apres lesquels, & toutes les ordonnances dessusdictes faictes en iceluy iecudy sixiesme iour d'Aoust, enuiron trois heures apres nonne, s'assemblerent ces puissantes batailles l'une contre l'autre. Et à l'approcher esleuerent les Anglois tous ensemble vn grand cry, comme ils ont accoustumé faire, duquel s'esmerueillerent moult les François. Laquelle bataille ainsi assemblée dura enuiron trois pars d'une heure moult terrible, cruelle & sanglante. Et n'est point memoire qu'onques fut veu deux parties à si grand puissance, par si grand espace sans veoir lequel auroit victoire. Et en ce faisant les François qui auoient esté ordonnés à cheual pour ferir sur les Anglois par derriere, vindrent iusques aux cheuaux liez ensemble dont dessus est faicte mention: lesquels ils ne peurent trespencer ne passer outre. Et aussi pour la resistance que y meirent les deux mille archiers dessusdits: pourtant iceux François à cheual à rour aucunes bagues & cheuaux qu'ils emmenerent, se meirent à fuir & laisserent tous les autres gens combattans de pied en ce danger. Et adonc ces deux mille archiers Anglois, eux voyans descombres de leurs ennemis, se trouuerent frais & nouueaux avecques leurs gens au front deuant en la bataille, & en esleuant de rechef vn grand cry. Et lors assez brief ensuiuant se commencerent

rent les François à desconforter. Et les Anglois en grand hardiesse se boutèrent en eux, si les separerent & ouvrirrent leur bataille en plusieurs lieux. Et tant continuerent lesdits Anglois, qu'en ce faisant, ils obtindrent la victoire & gaignerent la bataille non pas sans grand peine & effusion de sang de chacune partie. Car comme il fut sceu par Roy d'armes, heraux & poursuiuans, & autres gens dignes de foy des François dessusdits, y eut de morts sur la place de quatre à cinq mille combattans : desquels y eut grand partie d'Escoçois & enuiron deux cens prisonniers. De la partie des Anglois furent morts enuiron seize cens, tant de la nation d'Angleterre comme de Normandie : desquels furent les principaux deux capitaines, l'un nommé Dodelay & l'autre Charleton. Et de la partie des François y furent morts des gens de nom ceux qui sensuiuent : c'est à sçauoir Jean le Comte d'Aumale, le fils au Comte de Harcourt, le Comte de Tonnoirre, le Comte de Ventadour, le Comte de Donglas, & messire Jaques son fils, le Comte de Boufquen qui alors estoit Connestable du Roy Charles, & le Comte de Moiry, le seigneur de Grauille ancien, le seigneur de Montenay, messire Anthoine Beaufault & Hugues de Beaufault son frere, le seigneur de Belloy & son frere, le seigneur de Manny, le seigneur de Combrest, le seigneur de Fontenay, le seigneur de Bruneil, le seigneur de Tumblet, & le seigneur de Poisy : en la Dauphiné, le seigneur de Mathe, le seigneur de Rambelle en Languedoch messire Gaultier de Lindsey, messire Gilles de Gamaches, Godefroy de Malestroit, James Donglas, messire Charles de Boin, messire Jean de Vretasse, messire Gilles Martel, le fils de Harpedame, messire Brunet d'Auuergne, messire Raoul de la Treille, Guy de Fourchoniere, messire Pochart de Vienne, messire Jean de Murat, le seigneur de Vertois, messire Charles de Gerammes, Dragon de la Salle, le seigneur de Rambouillet, le bastart de Langlan, le Vicomte de Narbonne, lequel apres ce qu'il fut trouué mort en la bataille fut escartellé, & son corps pendu au gibet, pource qu'il auoit esté consentant de la mort du Duc de Bourgogne deffunct, le seigneur de Guictry, messire François de Gangeaux, sire Robert de Laire, messire Loys de Teyr, le seigneur de Foregny, Morant de la Mothe, messire Charles d'Ancbal & Robinet son frere, Pierre de Courcilles, sire Aimery de Grefille, Andrieu de Clermont, sire Tristan Coignón, Colinet de Vicomte, Guillaume Ramon, Messire Loys de Champagne, Peron de Lippes, sire Loys de Braquemont, le seigneur de Tionuille, le seigneur de Rochebaron, messire Philippes de la Tour, & messire Anselin de la Tour. Et y furent prins prisonniers le Duc d'Alençon, le bastart d'Alençon, le seigneur de Fayette, le sire de Hormit, messire Pierre Herisson, messire Loys de Vvaucourt & Rogier Broussier, Huchet de saint Mare & Yuon du Pays. Ceux furent les principaux, mais moult en y eut d'autres que ie ne puis pas tous nommer.

ITEM apres que ledit Duc de Bethfort eut obtenu la victoire de la bataille de Vernueil (comme dessus est dit) si rassembla ses princes autour, & en grande humilité remercia son createur ses mains iointes, & les yeux leuez vers les cieux de la bonne aduenture qu'il luy auoit enuoyée. Apres furent desnuiez & deuesus grand partie des morts, & fut prins ce qu'il y auoit de bon. Ledit Duc de Bethfort se logea celle nuict autour de Vernueil & feir tresbien guester son ost, que ses ennemis ne feussent aucunement assemblez. Et le lendemain ceux

qui festoient retraicts dedans la ville & chastel : c'est à scauoir lesdits François furent sommez de par ledit Duc, qu'ils rendissent la ville & forteresse. Lesquels arrains de paour sachans la grand moralité & desconfiture de leurs princes, feirent traité, & rendirent ladicte ville & forteresse en la main dudit Duc par condition, qu'ils s'en iroient sauf leurs corps & leurs biens. Si y estoit le seigneur de Rambures. Et apres que ledit Duc eut regarny ladicte ville & chastel de Vernueil de ses gens, il retourna à tout son ost en Normandie. Item le propre iour de la bataille deussuicte, se departirent de la compagnie dudit Duc de Bethfort certain nombre de Cheualiers & escuyers de Normandie, & des marches conquises à l'enuiron, qui autresfois luy auoient fait serment de loyauté, & se rendirent fugitifs. Pour laquelle offence les aucuns furent depuis grandement punis par ledit Duc, tant par punition corporelle : tant de leurs terres comme autres biens, qui furent prins comme confisquez & mis en la main du Roy Henry. Si y fut entre eux le seigneur de Choisy, & messire Charles de Longueual. En ce temps fut prins le seigneur de Maucour, qui estoit complice du seigneur de Longueual, & des autres dessus declairez par maistre Robert le ieune Baillif d'Amiens. Et fut par le conseil du Roy Henry decapité en ladicte ville d'Amiés, & son corps mis au gibet. Ses biens & heritages confisquez au Roy : & pareillement vne autresfois fut prins Pierre de Recomp, qui estoit des complices, par vn nommé Raoul de Gaucourt, lequel l'enuoya à messire Jean de Luxembourg : & ledit de Luxembourg l'enuoya à Paris où il fut escartellé comme trahistre, & ses membres furent pendus en plusieurs lieux. Item brief ensuiuant furent portées les nouvelles d'icelle douloureuse iournée deuers le Roy Charles : lequel pour la destruction de ses Princes & de sa cheualerie, eut au cuer tresgrand tristesse & relle que plus n'en pouoit. Et fut par long temps en tresgrand ennuy, voyant que de toutes parts les besongnes luy venoient au contraire.

Comment ceux de la ville de Tournay se resmeurent l'un contre l'autre.



L'entrée du mois de Septembre se rebellerent, & armerent l'un contre l'autre les bourgeois & commune de la ville de Tournay. C'est à scauoir ceux du marché & de la vieille Fermete, contre ceux d'entre deux murs. Et fut icelle esmeute faicte pour vne chaine descendue par nuit enuers la boucherie, par vn feure qui demouroit entre deux murs : & pour celle cause fut banny de la cité de Tournay. Apres lequel bannissement, ceux d'entre deux murs se croiserent de droictes croix en tresgrand nombre. Et les autres du marché leuerent ponts, & feirent barriere contre eux & grans bouleuers. Et apres commencerent à ietter & traire l'un contre l'autre : mais en la fin prindrent trefues ensemble pour l'amour de leur procession. Et en conclusion se rappaiserent pour ceste fois, sans porter grand dommage les vns aux autres.

Comment ceux de Guise traisterens avecques messire Jean de Luxembourg, & messire Thomas de Rampston.

Item

LTèm apres ce que messire Jean de Luxembourg, & messire Thomas eurent par bonne diligence & grand labeur continué leur siege deuant la ville & chastel de Guise, iusques au my mois de Septembre ou enuiron : les assiegez voyans les viures faillir & non ayans esperance de secours, commencerent à traicter avec les deux seigneurs dessusdits. Et en fin furent d'accord par les conditions cy apres declairées. A tous ceux qui ces presentes lettres verront ou orront, Jean de Luxembourg seigneur de Beau-reuoir, & Thomas de Rampston cheualier Chambellan de monseigneur le Regent, capitaine commis & député en ces marches de par le Roy de France & de Angleterre nostre souuerain seigneur : par monseigneur le Regent & par monseigneur le Duc de Bourgongne salut. Sçauoir faisons qu'auourd'huy auons traicté, appoincté & accordé es noms que dit est, avec Jean de Proisy gouverneur & capitaine des ville & chastel de Guise, les gens d'Eglise, gentils hommes, compagnons de guerre manans & habitans d'iceux ville & chastel. Et par ces presentes traictons, appoinctons & accordons soubz les conditions, moyés, conuenances & promesses cy apres declairées. Premièrement lesdits gouverneurs, gens d'Eglise, gentils-hommes, compagnons de guerre, bourgeois manans & habitans de ladicte ville & chastel de Guise, se sont mis & par nous ont esté receuz à aucune composition : moyennant qu'ils ont promis, iuré & enconuenancé, rendre, bailler & deliurer franchement & absolument lesdits ville & chastel à nous, ou à l'un de nous aux deputez de l'un de nous ou à autre que le Roy de France & d'Angleterre y aura commis & ordonné, au premier iour de Mars prochain venant. En cas qu'à cé iour prins pour ce faire, ne soient secours : & que les seigneurs ou princes de party que ceux de Guise tiennent ou aucuns autres par eux commis ou deputez à ce, ne combattroient l'un de nous ou autres commis de par le Roy & toute nostre puissance : c'est à sçauoir entre la ville de Sains & la maison de Fouquausains, où nous auons à ceux de Guise esleu & aduisé ensemble, plait pour tenir ladicte iournée. Item se les Princes & seigneurs du party que lesdits de Guise tiennent ou leurs commis & deputez, venoient pour combattre ainsi que dit est, & ils estoient desconfits ou se tournoient en fuite : lesdits de Guise seroient tenus de nous rendre & deliurer iceux ville & chastel. Item au cas que l'un de nous ou autres commis de par le Roy de France & d'Angleterre, seront desconfits en bataille, ou que comparer n'y oserions sur ledit lieu & place pour cōbattre au premier iour de Mars : nous serons tenez de rendre, bailler & deliurer ausdits de Guise sans aucune difficulté les hostages & seuretez que pour la reddition desdits ville & chastel nous auront par eux esté baillez. Item mondit seigneur le Regent & mondit seigneur de Bourgongne, ou l'un d'eux & les commis d'eux ou l'un d'eux : nous ou l'un de nous seront tenez d'estre & comparoir en la place en telle puissance que bon luy semblera, & tenir iournée tout le premier iour de Mars. C'est à sçauoir depuis l'heure de Prime, iusques à soleil couchant cedit iour. Et si combatus ou vaincus n'estoient lesdits de Guise, seront tenus incontinent apres soleil couché sans aucune difficulté, fraude ou mal engin nous bailler & deliurer lesdits ville & chastel de Guise, en receuant de nous lesdits hostages. Item ce pendant ladicte composition, ou vn mois apres, que ledit gouuerneur & tous autres esléz

esdits ville & chastel, gens de quelque estat qu'ils soient, s'en veuillent partir pour aller ensemble ou à part outre la riuere de Seine deuers leurs Princes, ou ailleurs en places tenans leur party, ils pourroient faire & emporter & faire emmener avecques eux tous leurs cheuaux & armeures, bagues & autres biens meubles. Et pour tout ce faire seurement, leur baillerons & ferons bailler par mondit seigneur le Regent (si requis en sommes) bons saufs-conduits, suffisans & vallables avecques conduit, fils se partoient ensemble outre la somme de vingt personnes. Et se aucuns vouloit aller hors du Royaume fut en Hainault ou autre part, faire le pourroient à leurs perils. Item & si apres icelle composition, aucuns des dessusdits de Guise veuillent demourer sur leurs lieux, & ailleurs es lieux & païs obeissans au Roy & à mesdits seigneurs le Regent & le Duc de Bourgogne, ils y seront receuz en faisant le serment de la paix finale entretenir, faicte entre les royaumes de France & d'Angleterre. Et iouyront franchement de tous leurs heritaiges & possessions non donnez. Et fils se veulent partir (comme dit est) ils emporteront avec eux leurs biens meubles tant seulement. Item lesdits de Guise & chacun d'eux en ayant bulette, ou saufconduit des conserveurs ordonnez sur l'entretenement de ce present traicté, qui seront tenus de leur bailler, pourront aller en aucunes villes que nous leur auons ordonnées & ordonnons : & en icelles entrer par le congé des capitaines où gardes desdictes places, ou de leurs lieutenans. C'est à sçauoir saint Quentin, Riblemont, Laon, Bruyeres, Crespy, Marle, Aubenthon, Vertus, & es villages d'environ pour recouurer & auoir pour leur argent tous viures raisonnablement & autres denrées, qui seroient leur besoing, pour leur vie & sustentation le temps durant d'icelle composition tant seulement. Item lesdits de Guise pourront poursuivre leurs debtes licites & raisonnables par deuant les conserveurs, qui en auront la cognoissance, & seront tenus de faire raison aux parties icelles ouyes. Item si pendant icelle composition, aucuns tenans le party du Roy, prenoient par eschelles ou autrement lesdits ville & chastel de Guise, nous ferons faire à nostre loyal pouoir de les en faire vuidier, & mettré iceux ville & chastel, ensemble lesdits de Guise à leur premier estat & deu : lesquels aussi ne les prendront ne feront prendre ledit temps durant. Item pendant icelles compositions, lesdits de Guise, pourtant qu'ils soient residens esdits ville & chastel ne prendront ou feront prendre couuertement n'en appert aucunes places de l'obeissance du Roy & de ses seigneurs, & ne feront guerre à leurs subiets en nulle maniere. Item abolition generale est faicte ausdits de Guise & toutes gens de quelque estat qu'ils soient & de tous cas : excepté à ceux qui sont coupables de la mort monseigneur de Bourgogne que Dieu absolve, ceux qui ont iuré la paix finale des coupables de la trahison commise sur la personne du Duc de Bretagne, tous Anglois & Irois se aucuns en ya esdits ville & chastel, lesquels demourront en iustice. Et pour en auoir plainement cognoissance, lesdits de Guise nous bailleront par escript les noms & surnoms de ceux qui de present sont demourans esdictes villes & chastel gens de guerre & autres. Item ce pendant icelle composition aucuns de nostre part ou de la part desdits de Guise, se commettront aucune chose ou contraire ou preiudice de ce present traicté, ou des dependences iceluy ne sera ja rompu, enfreint ne violle : mais
pourront

pourront & Teront tenus les conseruateurs dudit traicté faire prendre & punir les malfaiſteurs, & auſſi de faire faire la reſtitution là où il appartiendra. Item leſdits de Guiſe pendant icelle compoſition, ne feront guerre pourtant qu'ils ſoient demourans en icelle ville & chaſtel, n'en ceux ne receurent ne ſouſtiendront aucuns de leur party qui vueillent faire guerre. Et ſil aduenoit que aucuns faiſans guerre ſenſent par ceux du party du Roy, & deſdits ſeigneurs pourſuiuis à veuë d'œil & mis en chace iuſques dedans ladicte ville & chaſtel: iceux de Guiſe ſeront tenus les bailler & deliurer à ceux qui ainſi les auront pourſuiuis & chasſez, pour en faire comme de leurs priſonniers. Item pendant icelle compoſition leſdits de Guiſe ne pourront, ou deuront demolir iceux ville & chaſtel ne fortifier autrement qu'ils ſont de preſent: & avecques ce ne demoliront point les approches de dehors. Item incontinent que nous aurons fait retraire en ſeureté tous les canons, artillerie, engins, habillemens de guerre & autres biens eſtans en noſtre dit oſt, nous leuerons noſtre ſiege & partirons de deuant leſdits ville & chaſtel pour aller où bon nous ſemblera. Item ledit gouuerneur & autres gentils-hommes & boutgeois deſdits ville & chaſtel iuſques au nombre de xxiiij. perſonnes, iurerent ſolennellement tenir & faire entretenir ce preſent traicté ſans enfreindre en aucune maniere. Et ceux qui aurôit ſeel, le ſcelleront de leurs ſeaux. Item avecques ce pour plus grand ſeureté, leſdits de Guiſe nous bailleront huit perſonnes en hoſtage: c'eſt à ſçauoir Iean de Regnault de Hamel, Iean de Cadeuille, Iean de Beauvoir, Iean de ſainct Germain, l'ancien Vvautiet, meſſire Valerant du Mont, & Iean de Flangin de Voulbes. Et en cas que aucuns iroient de vie à trespas ou ſ'en fuiront pendant icelle compoſition, leſdits de Guiſe nous bailleront & fourniront touſiours de huit perſonnes hoſtaigiers auſſi ſuffiſans ou plus. Item que nous & leſdits de Guiſe auons eſleu & ordonné enſemble d'un commun accord & conſentement: & par ces preſentes eſliſons & ordonnons conſeruateurs de ce preſent traicté: c'eſt à ſçauoir de noſtre coſté meſſire Dauiod de Poix cheualier. Et du coſté de ceux de Guiſe Collard de Proiſy eſcuyer ou ſon commis. Auquel meſſire Dauiod ou à ſon commis, auons donné & donnons plain pouoir & auctorité de bailler auſdits de Guiſe ſauſconduicts ou bulletes neceſſaires, de cognoiſtre & determiner de tous cas qui eſtoient approchez: qui tant d'une part comme d'autre, ſe pourront mouoir pendant ladicte compoſition ſur les promeſſes & conuenances cy deſſus declairées & chacunes d'icelles. Item auons promis & iuré, iurons & promettons loyaument ſur noſtre honneur accomplir toutes les choſes cy deſſus declairées, au regard de celles que tenus ſommes d'accomplir de tout noſtre royal pouoir, & chacune d'icelles garder & entretenir par tous les ſubiects & obeïſſans au Roy & à meſdits ſeigneurs le Regent & de Bourgogne ſans enfreindre en aucune maniere. Item pour la plus grande ſeureté de ce, ſetons le plus diligemment que faire ſe pourra louer, ratifier & approuver ce preſent traicté par mondit ſeigneur le Regent en la forme & maniere cy deſſus declairée. En teſmoing de ce nous auons fait mettre noz ſeaux à ces preſentes: donné en noſtre ſiege deuant leſdits ville & chaſtel de Guiſe le dixhuitieſme iout de Septembre, l'an mille quatre cens xxiiij. Apres le quel traicté fait & accompli comme deſſus eſt contenu, les hoſtages baillés, ſe departit le ſiege de deuant

Guise, & retourna messire Jean de Luxembourg en son chastel de Beurevoir, en donuant congé à ses capitaines. Et messire Thomas de Rampston à tout ses Anglois alla deuers Paris, où estoit le Duc de Bethfort où il fut receu moult ioyeusement.

EN ce temps fut traicté fait entre le seigneur de Montagu tenant party du Duc de Bourgogne d'une part, & Estienne de Vignolles dit la Hire d'autre part. C'est à sçauoir que ledit de Montagu deust auoir l'obeïssance de Vitry en Paroïs, & autres forteresses en Champaigne que tenoit ledit la Hire, dedans le premier dimenche de Karesme ensuiuant en cas qu'il n'auoit secours du Roy Charles audit iour: lequel secours ne luy fut point enuoyé. Et pource ainsi que promis l'auoit, bailla audit seigneur de Montagu l'obeïssance des dessusdites villes & forteresses qu'il tenoit en Champaigne. En ces iours messire Mansfroy de sainct Leger & le bastart de sainct Pol, assemblerent de quatre à cinq cens combattans, lesquels ils conduirent au pays de Barrois: & là feirent maux inestimables, & acueillirent grans proyes, à tout lesquels ils retournerent hors d'iceluy pays sans auoir empeschement. En cest an au mois d'Octobre le Duc de Clocestre & Jacqueline de Bauiere, Comtesse de Hainault, de Hollande & de Zelande: laquelle ledit Clocestre auoit espousée par auant en Angleterre, comme dessus est dit: nonobstant que le Duc Jean Duc de Brabant son premier mary fut encores en vie, à tout cinq mille combattans Anglois ou enuiron vindrēt nageant par mer du pays d'Angleterre à Calais, en intention d'aller en puissance d'armes au pays de Hainault: lequel, comme dit est, appartenoit à ladicte Jacqueline pour d'iceluy auoir l'obeïssance & gouuernement. Et estoit lors avecques eux principal gouuerneur de leurs gens d'armes le Comte Marechal Anglois.

Comment les Ducs de Bethfort & de Bourgogne prindrent peine à appaiser les Ducs de Clocestre & de Brabant.



L'issue du mois d'Octobre conuindrent ensemble en la cité de Paris les Ducs de Bethfort & de Bourgogne, chacun à tout son conseil ainsi que promis l'auoient à la dernière conuention par eux tenue à Amiens, pour traicter de la paix & diffence qui estoit meüe entre le Duc Jean de Brabant & le Duc de Clocestre. Et là en ladicte ville de Paris practiquerent, & debattirent la matiere en grand deliberation de conseil par plusieurs iournées selon les propositions, allegations & probations d'une partie & d'autre: jaçoit ce qu'icelles parties eussent proces en court de Rome deuant le Pape. Et en fin traicterent tant lesdits Ducs de Bethfort & de Bourgogne, que ils feirent appointement selon leur aduis & de leurs conseils entre icelles parties. Lequel traicté ils enuoyerent par leurs ambassadeurs deuers les Ducs de Brabant & de Clocestre. Et alla en ceste ambassade deuers ledit Duc de Clocestre à Calais, où il estoit luy & sa femme, messire Raoul le Bouteiller & l'Abbé Fouquans. Lesquels là venus, monstrerent audit Duc les articles dudit appointement & de leur ambassade. Lesquels eurent dudict de Clocestre & de la Dame responce negatiue, disans ainsi que point ne tiendroient celle ordonnance. Mais dirent qu'ils iroient en Hainault à puissance prendre l'obeïssance de leur pays. Et sur ceste responce se departirent lesdits ambassadeurs. Et ceux qui surēt enuoyez

enuoyez deuers le dit Duc de Brabant, eurent de luy responce avecques son conseil, que l'appoinctement que auoient fait les Ducs de Bourgongne & de Bethfort, il auoit bien pour agreable & en estoit content: lesquelles responce des deux Ducs dessusdits, furent portées à Paris deuers les Ducs de Bethfort & de Bourgongne qui de ce furent fort troublez, pource que le dit Duc de Clocestre n'auoit voulu tenir le dit appoinctement qu'ils auoient fait. Et par especial le Duc de Bourgongne en fut tresmal content, & tant qu'il dit tout plainement à son beau frere le Duc de Bethfort: puis qu'il veoir que son frere le Duc de Clocestre ne vouloit condescendre à nul traité de raison, qu'il ayderoit de toute sa puissance à son cousin le Duc de Brabant à garder son honneur, & sa seigneurie contre le dit Duc de Clocestre: par lesquelles tribulations, le dit Duc de Bethfort fut trescourroucé en cuer contre son frere, doubtant que par telles diuisions & dissensions, les alliées qu'ils auoient en France avecques le dit Duc de Bourgongne, ne fussent du tout corrompues & adnichillées. Item lesdits Ducs de Bethfort & de Bourgongne, firent la feste de Toussaincts & le iour des ames dedans Paris sollemnellement, chacun en leurs hostels. Et lors aucuns iours ensuiuans le dit Duc de Bourgongne feit en son hostel d'Artois à ses propres despens, les nopces de messire Jean de la Trimouille seigneur de Ionuelles & de la damoiselle de Rochebaron seur au seigneur d'Amboise, qui pour ce temps se tenoit avecques la Roynie de France, femme au Roy Charles defunct en la compaignie de la dame de Lafferté. Aufquelles nopces furent ladicte Roynie, le dit Duc de Bethfort, sa femme la Duchesse seur au Duc de Bourgongne: avecques eux le Comte de Salcebery & la Comtesse sa femme, le Comte de Suffort, l'Eueque de Theroüane, le seigneur d'Estable, avecques tresgrand nombre de notables cheualiers, escuyers, dames & damoiselles, & autres gens de grand & noble estat, qui tresgrandement furent festoyez & receuz par le dit Duc de Bourgongne & les siens. Et furent adonc grans resolutions & esbatemens, tant en boire comme en mangiers riches & precieux, comme en dances, ioustes & autres esbatemens. Et mesmes iousterent les Ducs de Bethfort & de Bourgongne, & aucuns autres Princes avecques grans nombre de leurs cheualiers. En apres le dit Duc retourna de Paris en son hostel de Bourgongne, & là print en mariage par dispensation apostolicque, la vesue de son oncle Comte de Nevers iadis mort à la bataille d'Azincourt. Laquelle dame estoit moult renommée de viure sainctement, & auoit du dessusdit Comte de Nevers deux enfans. Et si estoit seur germaine au Comte d'Eu, qui pour lors estoit prisonnier en Angleterre & demie seur à Charles de Bourbon Comte de Clermont. En ce mesme temps rendit son esprit Jean de Bauiere iadis Eueque de Liege, oncle au Duc de Bourgongne & à la Duchesse laqueline de Bauiere. Et pourtât qu'il n'y auoit nul enfant de la Duchesse de Bourgongne sa femme, il declaira en son derrain le dit Duc de Bourgongne son hoir & successeur. Et meit du tout en oubly la dessusdicte laqueline de Bauiere sa niepce.

Comment le Duc de Clocestre & la Duchesse sa femme allerent de Calais en Hainault, prendre l'obeissance des bonnes villes: & comment le Duc de Bourgongne se prepara pour aller en l'ayde du Duc de Brabant son cousin.



N la fin du mois de Novembre, le Duc de Clocestre auecques son grand ost qu'il auoit amené à Calais, comme dit est dessus, & la Duchesse Iaqueline sa femme en sa compagnie se meit à chemin. Er par Houdain & au dehors de Lens en Arrhois alla en Hainault. Et en passant parmy le pays du Duc de Bourgongne, ne souffrit faire nul desroy, sinon prendre viures courtoisement. Et alla premier à Bouchain & à Mons, où il fut obey assez liberallement. Auquel lieu vindrent deuers luy plusieurs des seigneurs & gentils-hommes du pays pour à luy & à sa femme faire seruice & obeissance. Et brief ensuiuant firent serment audit Duc de Clocestre toutes les bonnes villes de la Comté de Hainault appartenans à la Duchesse Iaqueline, qu'il disoit estre sa femme: & aussi tous les seigneurs & gentils-hommes du pays, sinon seulement la ville de Halz, qui tint le party du Duc de Brabant. Et pareillement le tindrent le Comte de Conuersan seigneur d'Anghien, & messire Angilbert d'Anghien, & Jean de Lumont auecques toutes leurs villes & fortresses. Et les autres, comme dit est, tant nobles comme bonnes villes en rôpant & adnichillant le serment que autresfois auoient fait au Duc de Brabant, teindrent plainement le party d'iceluy Duc de Clocestre & de la Duchesse Iaqueline. Item aucuns iours apres que ledit Duc de Bourgongne eut espousé sa femme, comme dit est dessus, il se partit d'icelle, & alla à Mascon, où il tint parlement auecques le Duc de Sauoye & les ambassadeurs du Duc de Bremaigne: Desquels estoit le principal Artus Comte de Richemont: lequel parlement durant, vindrent audit lieu de Mascon enuoyez de par le Roy Charles de Bourbon Comte de Clermont, l'Archeuesque de Reims, l'Euesque du Puy & aucuns autres notables ambassadeurs. Lesquels entre autres choses traicterent le mariage dudit Comte de Clermont, & d'Agnes seur germaine du Duc de Bourgongne. Et là promet ledit Duc de Bourbon en parolle de Prince en la main dudit Archeuesque, de l'espouser dedans certain temps qui par les parties fut conclud. Et apres sans planré d'autres grandes besongnes accomplir, se departirent l'un de l'autre & retourna chacun en son propre lieu.

ITEM Philippes Duc de Bourgongne scachant la venue de Honfroy Duc de Clocestre en Hainault, de ce moult indigné, enuoya ses mandemens patens en ses pays de Flandres, d'Arrhois & à l'environ par toutes ses dominations. Lesquels sans delay furent publiez es lieux accoustumez. Contenans que tous nobles & autres de quelque estat qu'ils fussent, qui se auoient accoustumé d'armer, se meissent sus en armes pour aller en l'ayde du Duc de Brabant, contre le Duc de Clocestre en la compagnie de messire Jean de Luxembourg, des seigneurs de Croÿ, de l'Isle-Adam & autres capitaines, qui à ce seroient commis pour les conduire & mener. Apres laquelle publication s'assemblerent tresgrand nombre de gens d'armes sous la conduicte desdits seigneurs, qui tous ensemble se tirerent deuers Philippe Comte de saint Pol, frere au Duc Jean de Brabant. Auquel de par ledit Duc fut baillé la charge de faire guerre, & resistance contre ledit Duc de Clocestre. Auec lequel Comte de saint Pol estoit principal gouverneur Pierre de Luxembourg; Comte de Conuersan & Braine, seigneur d'Anghien. Et si y estoit messire Angilbert d'Anghien Damoiseau de Villesmale, de Rosbarre & aucuns autres grands seigneurs Bannerets du pays de Brabant,

bant, avec grand multitude de commun du païs de Brabant & infinis habillemens de guerre. Et adonc commença de toutes parts la guerre de Hainault moult dommageuse par feu & par espée: parquoy le poure peuple fut moult oppressé, car le dessusdit Duc de Clocestre mit grand garnison de ses Anglois audit païs de Hainault en plusieurs villes & forteresses à luy obeïssans. Et pareillement le feit le Comte de S. Pol sur toutes les frontieres de son obeïssance. Lesquelles garnisons souuentesfois couroient sur les marches de l'un l'autre, en faisant (comme dit est) grans & innombrables dommages.

Comment le Duc de Clocestre enuoya vnes lettres au Duc de Bourgogne & La coppie d'icelles.

ITem apres ce qu'il fut venu à la cognoissance du Duc de Clocestre, que le Duc de Bourgogne par ces mandemens auoit fait assembler gens d'armes par ses païs, pour aller contre luy à l'ayde du Duc de Brabant, il fut de ce grandement malcontent. Et pourtant escriuit vnes lettres: lesquelles lettres il enuoya en Bourgogne deuers ledit Duc, & contenoient mot apres autre ce qui s'ensuit. Hault & puissant Prince, trescher & tresaymé cousin: nouuelles me sont venues qu'en voz terres & seigneuries par deça on a publié, & fait cry de par vous, que toutes gens disposez aux armes soient prests pour aller en la compaignie de messire Iean de Luxembourg & autres au seruice de mon Cousin de Brabant, à l'encontre de moy, mes amis, bienuueillans & subiects en donnant à entendre contre verité plusieurs choses: au tant ou plus en ay apperceu par vne coppie de certaines lettres, qui se dient de vostre part escriptes en vostre ville de Dijon le vingtiesme iour de Decembre: lesquelles publications & lettres, comme ie croy, viennent de vostre sceu & ordonnance: pourtant que assez sçaez ce que le temps passé ay fait à vostre priere, contemplation & requeste. Et par quantes fois soubz mon beau frere le Regent, & à vous me suis soubmis pour cuider appaiser le disferend & discord, dont en icelles lettres est fait mention, ce qui est entre mondit cousin de Brabant & moy: quantes journées en ay acceptées, & que les offres en mon preiudice en fait faire: ausquelles, comme vous sçaez, ceux de la partie du Duc de Brabant ne voulurent oncques condescendre ne prendre aucun traité, supposé qu'icelles lettres soient couloutées au contraire, ainsi que par la coppie d'icelles (si vous la voulez visiter) apparoir vous pourra. Et ie sçay aussi que ce que fait en ay, n'est ellongné de vostre bonne memoire. Et si sçaez que si proximité de lignage vouloit vous mouuoir d'aucune chose faire, plusloist deuriez estre enclin de ayder à ma partie que l'autre, veu que ma compaignie & espouse est deux fois vostre cousine germaine, & que mondit cousin de Brabant de tant ne vous appartient. Et encores oultre y estes obligé par le traité de la paix par vous & moy solemnellement iuré, ce que oncques ne iura ledit Duc de Brabant: mais (comme vous sçaez) a fait alliances contraires qui contre luy vous deuroient mouuoir. Lequel traité n'a esté par moy enfreint ne ja ne sera: ains de l'auoir pensé ce me seroit moult grief, & me sembleroit, si fait l'auoye, que depuis ne me pourroit bien venir ainsi qu'il ne feroit. Et aussi me tiens- ie certain qu'en vostre vie ne ferez le contraire. Et d'autre part, n'avez en-

cores peu apperceuoir qu'e auant ne depuis que ie suis par deça, n'aye tousiours esté desirant de à vous & aux vostres complaire: ne que i'aye fait, procuré ou porté, ne souffert procurer à vous ne à voz subiects aucuns griefs ou dômage: mais leldits subiects ay traitié & eu aussi pour recommandez comme les miens propres, côme de ce völdits subiects vous peuuent donner cognoissance. Auecques ce sçauiez, comment pieça vous ay escript que vray est, que par deça ne me suis entremis de demander autre chose: ains suis content d'auoir ce qui me appartient à cause de madicte compaignie vostre cousine: & qu'à l'ayde de Dieu garderay tant qu'elle viura, qui bien est assez suffisant. Et se aucune chose me a conuenü & conuient faire contre mondit cousin, cômme vous sçauiez, n'en suis en coulpe: mais par contraincte par ses emprinses pour mon honneur garder & mon pays deffendre, le m'a conuenü faire selon que sçauoir le pouez. Quand à la verité (cômme ie riens) vous la sçauiez desia, qui sont assez notiffiantes choses par lesquelles ie ne puis croire, que oncques leldictes publicatiōs & lettres precedēttes de vostre sceu ou certaine cognoissance ayent esté faictes. Pour ce hault & puissant Prince, mon trescher & tresaimé cousin: ie vous prie tres à cerres que ce que dessus est dit, vous vucillez bien considerer. C'est à sçauoir, ce que i'ay fait à vostre contemplation & requeste; le refus de l'autre partie, la prochaineté de lignage, le traitié de paix que n'ay fait à l'encontre d'aucune chose du vostre, & leldictes entreprinſes de mes aduetſaires. Et ie croy que supposé ores quād ainsi seroit, qu'on m'a donné à cognoistre que ne puis encores croire, se bien y pēsez prendre conseil, & serez d'opinion contraire. Quand autrement faire le voudrez, Dieu à qui on ne peut riens celer gardera mon bon droit, & le sermēt qu'auiez ie y appelle. Hault & puissant Prince, trescher & tresaimé cousin, par ce porteur me faictes sçauoir de vostre intention, avec fil est aucune chose q pour vous faire puisse, ie m'y emploiray de bon cuer, nostre seigneur le ſcet qui soit garde de vous. Escrip en ma ville de Mons, sous mon signet le douziēme iour de Ianuier. Hault & puissant Prince mon trescher & tresaimé cousin, ie vous enuoye en ces presentes lettres enclōſes la ſemblable coppie d'icelles lettres, ainsi signēes de Croÿ: desquelles lettres la superſcription estoit: A hault & puissant Prince mon trescher & tresaimé cousin le Duc de Bourgongne. Et l'infraſcription: vostre cousin le Duc de Cloceſtre Comte de Hainault, de Hollande, de Zelande, de Pennebourg & seigneur de Friſe: lesquelles dessus declairēes & receuēs du Duc de Bourgongne, les viſita en grand declaration de cōſeil. Et apres reſetiuit par la maniere cy apres declairēe audit Duc de Cloceſtre.

Coppie des premieres lettres du Duc de Bourgongne enuoyēes au Duc de Cloceſtre.

HAult & puissant Prince Honfroy Duc de Cloceſtre: ie Philippe Duc de Bourgongne, Comte de Flādres & d'Arthois, ay receu voz lettres à moy addreſſans, escriptes à Mons en Hainault sous vostre ſigne le xij. iour de Ianuier dernier paſſé, contenans pluſieurs choses: & entre les autres, qu'auiez ouÿ nouuelles qu'en mes tettes & ſeigneuries par delà on a fait publier & crier de par moy, que toutes gens diſpoſez aux armes, fuſſent preſts pour aller en la compaignie de nostre trescher & tresaimé cousin meſſire Iean de Luxemboutg & autres, pour aller au ſeruite de mon trescher & tresaimé

aimé cousin le Duc de Brabant à l'encontre de vous & de voz bienueuillans & subiects, en donnant à entendre plusieurs choses contre verité, comme portent vosdictes lettres. Et que autant ou plus que auez apperceu par la coppie qu'enuoyée m'auez de certaines lettres, qui se dient de ma part escriptes en ma ville de Dijon le vingtvnième iour de Decembre. Sur ce hault & puissant Prince, de la plus grand partie d'icelles voz lettres ie me passe de faire recitation & response: car gueres ou riens ne m'en est, fors de ce qui touche à mon honneur que ie ne vueil ou dois souffrir blâmer ne charger contre droit & raison. Et pourtant vous escripts & signifie, que les lettres & publications d'icelles sont semblables en substance en ladicte coppie que m'auez enuoyée, procedant de mon sceu & les ay ordonnées, mandées & commandées estre faictes. A quoy ay esté meü du refus par vous fait, de obtemperer aux articles & points dernièrement par beau frere le Regent, & moy à grand deliberation du conseil à Paris aduisées, & depuis à vous presentées, pour l'appaïsement du contends & discord d'entre mô trescher & tresaimé cousin le Duc de Brabant d'une part, & vous d'autre. Lesquels articles iceluy mondit cousin le Duc de Brabant (pour Dieu mettre de son coûté, & cōplaire audit beau frere & à moy) auoit octroyées & accordées: mais ce nonobstant vous apres vostredit refus & sans vouloir attendre la fin du proces pendant en la Court de Rome sur ledit contends, estes à puissance d'armes & de guerre entré au païs de Hainault, vous efforçant d'en debouter mondit cousin de Brabant & de luy en oster sa possession. Et desdictes choses sont mesdictes lettres causées, qui sont certaines & veritables, si comme vous pouez sçauoir & ignorer, ne nier ne le pouez. Si n'ay en ce riens donné à entendre contre verité, comme mensongierement & à tort me mettez sus, & voulez charger, comme il me semble, par voz lettres dessusdictes. Lesquelles ie garde par deuers moy, pour enseigner quand temps sera. Allez voy & trop m'est deshonneur, que fait auez & efforcez faire à mondit Cousin de Brabant sans vouloir charger mon honneur & renomée, que endurer ne voudroye ne vueil de vous ne de nuls autres. Aussi croy-ie que ceux à qui ie attiens & qui me tiennent de sang, lignage & affinité: & mes loyaux, feaux, vassaux & subiects, qui si grandement & si loyaument ont seruy messeigneurs, mes predecesseurs & moy ne le voudroient pas ainsi passer ne souffrir. Pource est il, que ie vous somme & requiers par ces lettres, que vous rappelez & desdictes ce que m'auez escript, que i'ay donné chose à entendre contre verité, comme dit est: & selon ce que contiennent vosdictes lettres és escripts patens. Et se faire ne le voulez, & que vueillez maintenir la deuantdicté parolle qui peut charger mon honneur & renomée: ie suis & seray prest de m'en dessendre de mon corps contre le vostre, & de vous cōbattre à l'ayde de Dieu & de nostre Dame, & prenâr iour raisonnable & cōpetant par deuant treshault, tresexcellent & trespuissant Prince l'Empereur mon trescher seigneur & cousin. Et affin que vous & tout le monde voye, que ie vueil abbreger ceste chose & garder mon honneur estroictement. Si mieux vous plaist ie suis content que nous prenons à iuge mon trescher & aimé cousin: & aussi vostre beau frere le Regent Duc de Bethfort, leq̃l par raison ne deurez refuser: car il est tel Prince que ie sçay, qu'à vous & à moy & à tous autres il voudroit estre droiturier iuge. Et pour l'honneur & reuerence de Dieu,

& pour euitier effusion de sang Chrestien, & de la destruction du peuple dont en mon cuer ay compassion: il doit à vous & à moy qui sommes cheualiers adolefcens, estre plus conuenable (au cas que les parolles dessusdictes voudriez parmaintenir) par mô corps sans plus ceste querelle mener à fin sans y aller par voye de guerte, dont il conuiendroit maints gentils-hommes & autres tant de vostre ost comme du mien finer leurs iours piteusement: laquelle chose me desplaïroit sain si le faillloit faire. Et aussi deuroit il faire à vous veu que la guerre des Chrestiens doit desplaïre à tous Princes Catholiques. Et à moy & elle desplaïst & desplaïst autrement se pouoit faire. Hault & puissant Prince, sur le contenu de cestes me vueillez faire responce par voz lettres patentes, & par le porteur de cestes, ou par autres le plus brief que faire se pourra sans proroguer ceste chose par escritures ou autrement: car i'ay desir besongne, preigne briefue conclusion pour mon honneur. Et ne doy laisser ne laisseray qu'elle demeure en ce point. Et sur ceste matiere apres la reception de voz lettres dessusdictes, vous eusse plustost fait responce & rescrit, n'eussent esté plusieurs grandes occupations qui depuis me sont suruenues & m'ont retardé. Et affin qu'il vous apparaisse que ce vient de mon sceu & propre mouuement, i'ay escrit mon nom en ces presentes, & à icelles fait mettre mon signet. Escrit le troisieme iour de Mars, l'an mille quatre cens & vingt & quatre. Lesquelles lettres furent de par ledit Duc de Clocestre lées, & assez les visita tout au long avec son conseil. Et sur icelles pour faire respôce escriuit de rechief au Duc de Bourgongne en telle forme que cy apres s'ensuit.

Coppie des secondes lettres enuoyées par le Duc de Clocestre au Duc de Bourgongne.

Hault & puissant Prince Philippe Duc de Bourgongne, Côte de Flandres, Comte d'Arthois & de Bourgongne: Je Honfroy, fils, frere & oncle des Roys d'Angleterre, Duc de Clocestre, Comte de Hainault, de Hollande & Zelande & de Penneburg, seigneur de Frize & grand Chambellan du Roy d'Angleterre: ay receu voz lettres en forme de plaquart à moy adressans, escrites le troisieme iour de ce mois: lesquelles affin qu'il m'apparaisse, que le contenu vient de vostre sceu & propre mouuement: auez signé & escrit vostre nom, & à icelles fait mettre vostre seel. Desquelles pour la greigneur partie reciter, m'est aussi pou ou moins, qu'il est à vous des miennes à vous adressées escrites en ma bonne ville de Mons, en ma Comté de Hainault soubz mon signet le douzieme iour de Ianuier dernier passé. Si n'est entant qu'elles font mention du refus, que vous dictes par moy estre fait pour nō vouloir appaiser le discord, qui est entre mon cousin le Duc de Brabant d'une part, & moy d'autre part, qui est moins que verité: car mon treschier & trefaymé frere le Regent Duc de Bethfort, & tout le conseil de France, sçauēt que i'en ay fait & aussi faictes vous. S'ignorer le voulez ne pouez: & que dictes, que mensongiere ment & à tort vous ay mis sus aucune chose par mesdictes lettres: & vous semble qu'assez trop du deshonneur & outrage vous estoit, que m'imposez auoir fait à mondit cousin de Brabant sans vouloir changer vostre honneur & renommée: pourquoy me sollicitez & requerez par vosdictes lettres, de rappeler & desdire ce par les miennes escrit vous ay, ou sinon vous estes prest de desdire vostre

vostre corps contre le mien & de moy combattre. Vous laissez sçavoir que le contenu de mesdictes lettres : ie dis & tiens estre vray & d'encosté iceluy vueil demourer, & desia est approuvé par ce que voz gens & à vostre mandement ont fait & perpetré en madiète Comté. Ne pour vous ne pour autre ne sera par moy rappellé ains à l'ayde de Dieu & de nostre Dame & de môseigneur saint George le contenu en mesdictes lettres vous seray de mon corps contre le vostre cognoistre & iehir, estre verité par devant quelques des iuges qu'avez esleuz, car tous deux me sont indifferens. Et pource que desirez la chose estre briefue comme ie fais pareillement : par ce que môdit beau frere est plus prest, ie suis content de parfaire la chose par devant luy & l'accepte pour iuge. Et le iour que meistes en mon election, ie vous assigne le iour monseigneur S. George prochain venant, ou autre à la discretion de mondit frere. Auquel au plaisir de Dieu ie seray prest & ne faudray. Et en cas que mondit frere ne voudra emprendre la chose, ie suis content que ce soit devant treshault & puissant Prince l'Empereur. Et pareillement se l'Empereur ne le veult, beau frere Oldeberth ou autre iuge indifferent : mais pource que ie ne sçay si vous voudrez demourer d'encontre vostre signetie vous somme & requier que par le porteur de cestes m'envoyez autres lettres, qui soient seellées de vostre seel, pareillement que du mien sont ces presentes. Et quand audit de Brabant se vouldrez ou osez dire qu'il ait meilleur droit que moy en ceste presente querelle, ie suis prest de le vous faire iehir mon corps contre le vostre au iour & devant ceux que dessus est dit, que j'ay mieil leur droit & autay à la grace de Dieu, nostre Dame & S. George, Et affin qu'il vous apparre ce que dessus est dit, & vueil entretenir, faire & accomplir, j'ay escript mon nom en ces presentes & à icelles fait mettre mon seel. Escriit en ma ville de Songnies le seiziesme iour de Mars l'an mille quatre cens vingt & quatre.

Comment le Duc de Bourgogne retourna en Flandres. Et comment il envoya vnes secondes lettres au Duc de Clocestre. Et la coppie d'icelles.

U Tem entre-temps qu'aucunes des lettres dessusdictes s'envoyèrent par iceux Princes l'un à l'autre, retourna le Duc de Bourgogne en son pays de Flandres : & feit grand partie de ses gens aller en l'ayde du Duc de Brabant, comme dit est dessus. Et aussi rescrivit au Duc de Clocestre vnes lettres seellées de son seel, en acceptant le iour apres ledit Clocestre, desquelles la teneur s'ensuit. Hault & puissant Prince Honfroy Duc de Clocestre : ie Philippe Duc de Bourgogne, Comte de Flandres & d'Arthois, ay aujourdhuy receu voz lettres parentes escrites & signées de vostre main, respondant aux miennes que dernièrement vous envoyay, escrites le treiziemes iour de ce present mois : lesquelles faisoient mention que vous avez reffusé le traité par grande deliberation, aduisé par le beau frere Regent & moy, sur le discord estant entre beau cousin de Brabant & moy. Et vous y respondes que c'est moins que verité : mondit beau frere le Regent & tout le conseil de France sçavent bien que fait en avez : & aussi fais-je, ie ne le vueil ignorer : & signorer le vouloye, si ne puis-je, si comme vosdictes lettres le contiennent. Sur ce vous fais assavoir que sur ce seray trouué veritable, & vous non : comme apparoir pour-

ra par le rappott des ambassadeurs enuoyez deuers vous, à tout la cedulle de l'accord aduisé par le dessusdit beau frere, moy & ledit conseil, lequel auez refusé, & contre la teneur d'icelle de fait entré au pays de Hainault, combien que beau cousin de Brabant l'eut plainement accordée. Et à ce qu'auoye escript, que mensongierement & à tort m'auiez mis sus aucunes choses. Et qu'assez m'estoit deshonneur & outrage qu'auiez fait audit beau cousin de Brabant & moy, sans vouloit charger mon honneur & renommée: parquoy vous sommoye, & reuoyoye de rappeler & desdire ce que par voz lettres auez escript, que i'auoye contre verité plusieurs choses donné à entendre, ou si ce non, i'estoye prest de m'en deffendre: & le mien corps contre le vostre deuant l'Empereur ou beau frere le Regent, me laissez scauoir que le contenu en vofdictes lettres tenez estre vray: & d'encosté icelles voulez demourer, & que desia est approuué, par ce que mes gens ont perpetré audit pays de Hainault, que pour moy & autre ne rappellerez: ainçois le contenu en icelles voz lettres me ferez de vostre corps contre le mien recognoistre & reiehit estre verité par deuant quelque des deux iuges deuant nommez. Et que pource que desirez la chose estre briefue, pareillement comme ie fais: & que ledit beau frere le Regent est plus pres, vous estes content de faire la chose deuant luy & l'acceptez à iuge, & assignant la journée le jour S. George, ou autre à la discretion dudit beau frere. Je vous respons que du iour & du iuge ie suis tresbien à l'ayde de Dieu & de nostre Dame me deffendray, & maintiendray le contraire par mon corps contre le vostre, en faisant à tous apparoir que mensongierement & à tort m'auiez mis sus les choses dessusdictes: & y garderay ma loyauté & mon honneur. Et quant à ce que mes gens ont fait au pays de Hainault, s'ils auoient aucune chose, qui fut au bien & à l'honneur du beau cousin de Brabant, i'en seroye bien ioyeux & bien lié. Et pource que vous faictes doubte se ledit beau frere acceptera ceste besongne, i'enuoyeray premierement deuers luy mes ambassadeurs notables le prier chierement: & l'accepter ne le veut, ie suis content de l'Empereur: ainsi que par mesdictes lettres vous ay escript. Et à ce que m'escriuez que se ie veul n'ose dire que mondit beau cousin de Brabant, ait meilleur droit que vous, vous me ferez ie-hir de vostre corps contre le mien au iour, & deuant ceux que dessus le contraire. Je vous respons que par la sentence de nostre S. Pere le Pape (deuât qui ceste cause est pendant) pourra ce clerement apparoir qui aura droit ou tort. A la puissance & auctorité duquel, ne voudroye pour riens desloguer ne desobeir. Aussi n'est il point en nous deux d'ordonner ne determiner à qui le droit en appartient. Et si ay esperance en nostre seigneur Iesus-Christ, & en sa glorieuse Vierge mere, qu'auant que nous departons de la iournée, par vous ainsi entreprinse de tellement deffendre ma bonne querelle, qu'il ne vous sera ja besoing d'autre nouuelleté mettre en auant. Et quand à ce que me requerez, que sous mon seel ie vueille enuoyer la coppie de mes lettres, qu'enuoyées vous ay sous mon signet. Je vous les enuoye ainsi que requis le m'auiez. Et ce que i'ay escript vueil franchement tenir & accomplir.

Comment la ville de Braine en Hainault fut destruite & desolée par les cōmis de Brabant & autres.

Item



Tem durant les tribulations & haines dessus declarées, les Ducs de Bourgogne & de Clocestre se meirent sus à tresgrand puissance, Philippe Comte de Ligny & de saint Pol, frere au Duc de Brabant en sa compagnie, le Comte Conuersan seigneur d'Anghien, les seigneurs de Croÿ & l'ille Adam, messire Andrieu de Malignes & le Bastard de S. Pol, & plusieurs autres capitaines de guerre avec autres bannieres, & gentils hommes, & enuiron de trente à quarante mille communes, comme dit est dessus. Lesquels dessusdits Comte de saint Pol mena deuant Braine-le-Comte au pays de Hainault. En laquelle ville estoient enuiron deux cens Anglois des gés du Duc de Clocestre, avecques la communauté d'icelle. Si furent leans assiegez de tous costez, & fort combatus par les engins qu'ils auoient là amenez sans nombre. Pourquoy apres que les dessusdits assiegez eurent veu la puissance de leurs ennemis par l'espace de huit iours, commencerent à traicter. Et en fin furent d'accord par tel li, que les Anglois qui dedans estoient iroient sauues leurs vies & aucunes parties de leurs biens, Et la ville avec les habitans demoureroiēt en l'obeissance du Duc de Brabant, en faisant serment à luy ou à ses commis, moyennant qu'ils payeroient certaine somme d'argent, en rachepant leur ville & leurs biens. Apres lequel traicté ainsi fait, & que les dessusdits Anglois furēt prests à tenir leur sauconduit pour eux en aller, entrerent les communes dessus en tresgrand nombre dedans icelle ville par plusieurs lieux: & occirent grand partie d'iceux Anglois avec aucuns bourgeois de la ville: & prindrent, rauirent & frustrerent tous les biens & puis bouterent le feu en plusieurs lieux & maisons, tant finablement que la ville fut toute arse & desolée. Ainsi & par ceste maniere rompirent & enfraindirent lesdictes communes l'edict, qu'auoient fait leurs capitaines. Et ne fut pour prieres ne pour messages que de ce on leur peust faire retarder, dont les dessusdits seigneurs & nobles furent tresmal contents. Neantmoins aucuns d'iceux Anglois furent sauuez & renuoyez sauues leurs vies, ainsi que promis leur auoir esté par le moyen des seigneurs & nobles dessusdits. Et alors estoient en la compagnie du Comte de S. Pol audit siege de Braine Pothon de S. Treille, Regnault de Lōgueual & aucuns autres à tout leurs gens tenans le party du Roy Charles.

ITEM apres que ladiete ville de Braine fut du tout desolée, comme dit est, se tint l'ost des Brabançons au lieu où ils estoient. Et adōc par le moyen des lettres enuoyées par le Duc de Bourgogne l'un à l'autre: & le iour accepré, comme dit est, de combattre de leurs personnes par deuant le Duc de Bethfort, qui estoit la guerre mise comme en suspens entre le Duc de Clocestre & le Duc de Brabant: & ne deuoient plus ne leurs gens porter aucun dommage l'un à l'autre, ains attēdoient à celuy qui auroit victoire de ladiete iournée. Et sur ce propos se deslogerent ledit Comte de S. Pol & ses gens deuant Braine, pour retourner en Brabant. Et pourtant que ledit Duc de Clocestre avec sa femme & toute sa puissance, comme haineurs estoit à Songnies, eurent les Brabançons grand doubte d'estre aucunement enuahis d'iceux. Et pource tous les nobles se meirent avec leurs Princes en ordonnance, cheuaucherent par ordre tous armez prests, comme s'ils d'eussent entrer en bataille. Et aussi feirent aller lesdictes communes en belle & grandē ordonnance, & ainsi se departirent de deuant Braine:

& quand ils eurent cheu au ché vne partie de leur chemin, ils eurent nouuelles par leurs arriere-coueurs, qu'ils auoient laissé derriere que les Anglois estoient sur les champs : laquelle chose estoit veritable : car aucuns des capitaines du Duc de Glocestre à tour huit cens Anglois, se meirent sus par le congé dudit Duc pour veoir iceux Brabançons desloger. Et tant s'approcherent les parties l'un l'autre, qu'ils se pouoient plainement veoir : mais il y auoit bonne espace & fosse entre icelles parties. Toutesfois ledit Côte de S. Pol, feit mettre ses gens en ordonnance sur vne môtaine : c'est à sçauoir ses gentils-hômes & archiers, & pareillement sy meirent iceux Anglois. Et entre-réps y eut plusieurs coueurs tât d'un costé cômme d'autre, qui s'escarmoucherent tresfort les vns côté les autres. Et tant qu'en ce faisant de chacune partie y en eut aucuns morts ou naurez, & portez ius de leurs cheuaux non mie en grand nombre. Et demourerent en l'estat que dit est, chacune partie en bataille par treslongue espace, & iusques à ce que chacune desdictes parties contendans, que ses compagnons ennemis s'en deussent partir premiers. Et entre-temps qu'ils estoient ainsi en bataille, cômme dit est, vindrent certaines nouuelles au Comte de S. Pol de par le Duc de Bourgogne, de sa iournée acceptée entre luy & le Duc de Glocestre, & ainsi que la guerre deuoit cesser entre icelles parties. Apres lesquelles nouuelles venues, cômme dit est, & qu'il estoit desia bien tard vers la nuit, se commencerent à retraire les Anglois dessusdits vers leur seigneur Duc de Glocestre, qui estoit à Songnies. Et d'autre part le Comte de S. Pol & les siens se departirent, & allerent loger à Halx, & à l'enuiron, auquel lieu ils feirent faire tresbon guet. Or est verité que la plus grand partie des communes de Brabant dessusdit, avec aucuns autres doubtrains l'enuahie & bataille desdits Anglois, s'estoient departis d'avec ledit Comte de saint Pol, en fuyant par grand desroy en leur païs, laissant par les champs leurs armeures cheoir sans nombre, avec leurs chars & charrettes & autres habillemens de guerre : iacoit-ce qu'ils fussent de trente à quarante mille hommes desdictes communes, si en demoura il assez pou avecques leurs chiefs : & n'en tint pas à eux que ce iour ledit Comte de S. Pol & les autres seigneurs & capitaines, qui estoient avecques ne receussent grand deshonneur & grand dommage.

I T E M le xxvj. iour de Feurier de cest an, auquel le premier iour de Mars se deuoit rendre la ville & chastel de Guise, auoit tant traicté messire Jean de Luxembourg avecques le d^e de Proisy gouuerneur d'icelle, que ladicte ville & chastel luy furent renduz audit vingt & sixiesme iour de Feurier, auant que ledit iour fut venu. Et pareillemēt luy fut baillé & deliuré la forteresse d'Irechon. Et fut par ces moyens du tout obéy par toute la Comté de Guise, dont il despleut grandement à René d'Anjou Duc de Bar, qui d'icelle Comté estoit seigneur & vray heritier. Et par ainsi ceux qui s'estoient assemblez pour estre à la reddition d'icelle au premier iour de Mars, tant Anglois cômme Picards, quand ils sceurent les nouuelles d'icelle reddition retournerent en leurs propres lieux. Et le dessusdit de Luxembourg rendit les hostages des François, qui estoient dedans : lesquels à tout bon fausconduir s'en allerent où bon leur sembla : & lors fut cômmiss à Guise nouuel gouuerneur messire Dauod de Poix.

I T E M apres que Philippe Comte de S. Pol, avecques les nobles de Brabant se furent

se furēt retraits à Brucelles depnis le siege de Braine: & que les Picards se furent mis en plusieurs forts sur les marches de Hainault, le Duc de Clocestre, sa femme en la cōpagnie à tout son armée, alla de Sōgnie à Mons, où il trouua la Cōtesse de Hainault doüagiere: avec laquelle & plusieurs nobles cōclud de retourner en Angleterre à tous les Anglois, affin de luy preparer de sa personne pour cōbattre le Duc de Bourgogne, cōme par leurs lettres cy dessus escrites estoit conclud & accordé par eux deux. Et lors sur le point de son departement, fut requeste faicte au Duc de Clocestre tant par sa belle mere Comtesse de Hainault, comme par les nobles & bōnes villes du païs, qu'il voulsist laisser la Duchesse laqueline, qu'il disoit sa femme leur dame & heritiere: lequel leur accorda moyennant qu'ils promeirent & iurerent solennellement audit Duc de Clocestre, qu'ils la garderoient & deffendroient contre tous ceux, qui nuire ou greuer luy voudroient. Et par especial le iurerent & promeirent les bourgeois & habitans de la ville de Mons, dedans laquelle elle demoura. Et adonc ledit Duc de Clocestre & sa femme departans l'un de l'autre en grand gemissemens, se departit à tout quatre ou cinq mille combattans Anglois de S. Gillant, & alla vers celle premiere nuit à Yuins empres Bohaing: & apres par Vy en Arthois, & au dehors delez alla en plusieurs iours iusques à Calais en passant luy & ses gēs paisiblement, en prenāt viures sans faire nul desroy. Et remena avec luy au païs d'Angleterre Alienor de Combattre, laquelle il eut depuis espousée: & l'auoit amenée d'Angleterre avec sa femme au païs de Hainault, c'est à sçauoir avec la Duchesse laqueline de Bauiere. A l'issue de cest an, allerent à Romme deuers nostre saint Pere les ambassadeurs du Roy Charles: desquels le principal estoit l'Euesque de Leon en Bretagne: lesquels ambassadeurs feirent de par ledit Roy toute obeissance audit Pape Martin. Et les receut liement: car par auāt ledit Pape festoit absent y & Benedic avec les Espaignols & Arragonnois.

Comment le Pape Martin enuoya vnes bulles au Duc Jean de Brabant, & la teneur d'icelle.



V commencement de cest an furent enuoyées vnes lettres, & publiées de la partie du Duc Jean de Brabant, par maniere de vidimus des lettres du Pape à luy enuoyées sur la bulle, dont la teneur ensuiuit. Martin Euesque le seruiteur des seruiteurs de Dieu. A chier fils noble homme Jean Duc de Brabant, salut & benediction apostolicque: n'agüeres par relation par aucuns dignes de foy, est venu à nostre cognoissance (dont nous desplait grandement) qu'aucunes cedulles ont esté diuulgüées, & lües publicquement en certaines lettres sur nostre nom & bulles, demonstrées au peuple es païs de Hainault & es Eueschez d'Vtret, de Liege & de Cambray: esquelles (sicomme on nous asserme entre les autres choses) estoit contenu, que nous auions confirmé le mariage contraiēt par chier fils noble homme Honfroy Duc de Clocestre, avecques chiere fille en Iesus-Christ Iacqueline noble femme Duchesse de Bauiere: & que le mariage ainsi cōtraiēt par foy avecques ladiēte Duchesse, nous auions reprouué & iugé de nulle valeur. Et combien que telles choses qui n'issent point de nous aucunement, sont publiées esdictes parties en nostre escandale, & contre tout hōneur, qui voulons la cause dudit ma-

riage estre terminée selon la dispositiō & forme du droit commun. Et à toy notifs par ces presentes pour les choses dessusdictes, que tu ne preignes aucune rancune ou tristesse en ta pensée : mais tiens fermement que leſdictes lettres & autres choses, qui ont esté dictes & publiées esdictes parties par les hommes plains de scandale, ue viennent point de nous : mais d'autres, qui n'ont point Dieu deuant le yeux & quierent nouuelletez, mouuemens & scandalles, dissences & faulsetez. Si voulons que les trouueurs de telles escandalles & faulsetez, pour l'honneur de nous & du siege Apostolique, soient deüement puniz selon l'agresse & grandeur du peché commis. Et pource escriuons à noz venerables freres les Euesques d'Vâret, de Liege & de Cambray, & à chacun d'eux : & mandons par escrits Apostoliques pour oster cest scandale & faulseté, que noz lettres & le contenu d'icelles facent publier en leurs Eglise & sermōs publicques au peuple : & ayent pour excommunié celuy qui telles lettres fait publier ou lire en leur puissance : & le saichant tenir en nostre prison, iusques à tant qu'ils auront receu autre mandement de nous. Donné à Romme aux saincts Apostres és ides de Feurier, l'an huiſiesme de nostre Papalité.

Comment apres le departement du Duc de Clocestre, la guerre seſmeut en Hainault. Et comment la Duchesse laqueline de Bauiere escriuit au Duc de Clocestre pour auoir secours, & le contenu des lettres.



Tem apres le departemēt du Duc de Clocestre de la Comté de Hainault, commencerent les gens du Duc lean de Brabant, & les Picards à mener forte guerre audit pays à toutes les villes qui obeissoient au Duc de Clocestre : & aussi à icelles qui avec leurs seigneurs auoient tenu & tenoient son party : pourquoy le pays fut fort moleſté & mis à destruction. Et pour y resister & y auoir pourueance, la Comtesse de Hainault doüa-giere, eut plusieurs parlemens avec le Duc Philippe de Bourgogne son nepueu, & avec les ambassadeurs du Duc de Brabant, tant à Douay & l'Isle, comme en Audenarde : en la fin desquels estoit conclud que ledit pays de Hainault seroit remis en l'obeissance du Duc de Brabant. Lequel Duc feroit aux bons & habitants du pays abolition generale. Et la Duchesse laqueline seroit baillée en garde au Duc de Bourgongne, par tel si qu'il auroit pour tenir l'estat d'elle certaine pecune : & elle demoureroit en son gouuernement iusques à ce que le proces durant touchant ceste besongne, & pendant en court de Romme, seroit finé. Durant lequel traicté, se tournerent en l'obeissance des Ducs de Bourgongne & de Brabant contre leur dame les villes : c'est à ſçauoir de Vallenciennes, Con-dé, Bouchain & aucunes autres. Et demoura à pou pres la ville de Mons exilée du party de leur dame : pourquoy de toutes parts furent approchez de leurs ennemis, & leur furent les viures ostez & deffenduz, qu'ils n'en pouoient auoir sinon assez petit. Et adonc eux voyans en ce dangier, furent fort troublez & esmeuz contre leur Dame : & tant qu'ils dirent plainement que s'elle ne faisoit paix, ils la mettroient entre les mains du Duc de Brabant, & avec ce emprisonnerent aucuns de ses gens, & feirent mourir par iustice les aucuns, comme cy apres sera declairé : dont ladiſte Ducesse fut en grand doubte & deſespoir, tant pour les mutations dessusdictes, comme pour les nouuelles que luy rapporta
la dame

sa dame sa meſſe : c'eſt à ſçauoir qu'elle ſeroit miſe en la main du Duc de Bourgogne & menée en Flandres, comme cy apres peut apparoir par ſes lettres closes, qu'elle enuoya au Duc de Cloceſtre: lesquelles furent trouuées en chemin & portées au Duc de Bourgogne, deſquelles lettres la reueur l'enſuit. Mon trefredoubté ſeigneur & pere, tant humblement comme ie puis & ſçay en ce monde me recomande à voſtre benigne grace. Et vous plaiſe ſçauoir mon trefredoubté ſeigneur & pere, que i'eſcris maintenant à voſtre glorieuſe domination, comme la plus dolente femme, la plus perdue, la plus faultiſſement trahie qui viue: car mon trefredoubté ſeigneur le dimanche treizième iour de ce preſent mois de Iuing, les deputez de voſtre ville de Mons retournerent & apporterent vn traité fait & accordé par beau couſin de Bourgogne & beau couſin de Brabant: lequel traité fut fait en l'abſence de ma dame ma mere, & ſans ſa cognoiſſance, comme elle meſmes m'a ſignifié & certifié par maistre Gerard le Grand ſon chappellain. Pourquoy mon trefredoubté ſeigneur, ma dame de mere m'a eſcrit ſes lettres, faiſant mention dudit traité: ſur lequel elle ne ſcet n'oſe moy conſeiller, car elle meſmes ne ſçauoit que faire: mais me prioit que ie vouliſſe prier mes bonnes gens de ceſte ville, pour ſçauoir quelle conſolation & ayde ils me voudroient faire. Sur laquelle choſe, mon trefdoux ſeigneur & pere, il vous plaiſe ſçauoir que le lendemain j'allay à la maiſon de la ville: & leur feiz remonſtrer comment à leur requête & priere vous auoir pleu à moy laiſſer en leur protection & ſauuegarde, comme à ceux qui vous auoient fait ſerment d'eſtre voz vrayſ & loyaux ſubiects, & qu'ils feiſſent de moy bonne garde pour vous en rendre bon compte: lequel ſerment ils feirent deuant le ſacrement de l'Autel, & ſur les ſainctes Euangiles. Surquoy mon treshonorable ſeigneur & pere, ils reſpondirent tout à plain, qu'ils n'eſtoient point aſſez forts dedas la ville pour moy garder: & en ce faiſant de fair à penſée ſeſmeurent en diſant, que mes gens les vouloient meurdrir. Et tant, mon trefredoubté ſeigneur, qu'en mon deſpit ils prindrent vn de voz ſubiects ſergent nommé Maquart, & preſentement luy feirent preſtement coupper la teſte: & feirent prendre tous ceux qui vous ayment & tiennent voſtre party, comme Bardoul de la Porte, Collart ſon frere, Gillet de la-Porte, Jean du Bois, Guillaume de Leur, Sanſon voſtre ſergent, Pierre, Baron, Sandart, Dandre, & pluſieurs autres iuſques au nombre de deux cens cinquante de voſtre party. Et de rechief vouloient prendre ſire Baudouin treforier, ſire Loys de Montfort, Haulnere, Jean Frefne, & Eſtienne d'Eſtre: lesquels ils n'ont point encores prins, ne ie ne ſçay qu'ils feront. Auſſi mon trefredoubté ſeigneur, ils me dirent tout à plain, que ſe ie ne faiſoye traité, ils me liureroient es mains de beau couſin de Brabant: & n'ay plus de dilation à demourer en ceſte ville que huit iours que ne ſoye contraincte d'aller en Flandres, qui m'eſt douloureux choſe & dure: car ie doubte que tant que ie viuray plus ne vous verray, ſ'il ne vous plaiſt moult en haſte moy ayder. Helas mon trefredoubté ſeigneur pere, toure ma vraye eſperance & toure ma conſclusion eſt en voſtre domination: veu mon trefredoubté ſeigneur & ma ſeulle & ſouueraine lieſſe, que i'ont ce que ie ſeuſſe eſt pour l'amour de vous. Dont treshumblement ie vous ſupplie tant & ſi trefcherement que ie puis en ce monde: pour l'amour de Dieu, qu'il vous plaiſe auoir compaſſion de moy, & mes beſongnes,

& à moy vostre dolente creature venir tout en haste en ayde si ne me voulez perdre perdurablement. l'ay espoir qu'aussi ferez: car mô trefredoubté seigneur & pere, ie ne desleruis oncques par deuers vous ne ia ne feray tant que ie viuray aucune chose qui vous deust desplaire, ainçois suis toute preste à recevoir mort pour l'amour de vous & de vostre noble personne: car vostre noble dominatiô me plaist tresgrandement: par ma foy mô trefredoubté seigneur & Prince, toute ma vraye consolation & esperance, il vous plaise pour l'amour de Dieu & de monseigneur S. George coudesiderer tant en haste comme faire pourrez mô trefdouloureux affaire qu'encores n'avez vous point fait: car il me semble qu'entierement m'avez mis en oubly. Autre chose ne vous sçay pour le present que rescrire, fors mon trefredoubté seigneur & pere, que i'ay moult tost enuoyé par deuers vous messire Loys de Montfort: car il ne peut plus estre avecques moy, nonobstant qu'il m'a accompagnée quâd tous les autres m'ont failly, qui vous dira tout plus à plain que ie ne vous sçauroye escrire. Pource vous supplie mon trefschier seigneur & pere, qu'il vous plaise luy estre bon seigneur & à moy mander & commander voz bons plaisirs, lesquels ie feray de tout mô cueur. Ce fect le benoist fils de Dieu qui vous doint bonne vie & longue, & grace que ie vous voye à tresgrâd ioye. Escrit en la faulse & traistre ville de Mons de trefdouloureux cueur le sixiesme iour de Iuing. L'infracription estoit vostre dolente & trefaymée fille, souffrant tresgrand douleur pour vostre commandemêt, vostre fille, de Quienebourg. A icelles les dessusdictes en furent trouuées vnes autres dont la teneur s'ensuit.

TRESCHIER & bien-aymé cousin ie me recommande à vous: & vous plaise sçauoir qu'à l'heure que ces presentes furent escrites, i'estoye trefdolente en cuer comme faulsellement & loyaument trahie, & se vous voulez sçauoir aucune chose de nouuel: mon trefschier & aymé cousin sçachez qu'encores pour le present ne vous sçauroye que rescrire: Mais vueillez demander à nostre trefschier & redoubté seigneur qui vous en dira plus que n'en voudrez oïr. Autre chose ne vous en sçauroye que rescrire, excepté que vous tenez la main à ce que vous sçavez, affin que mon redoubté seigneur vueille venir, ou autrement ne luy ne vous iamais ne me verrez. Et quant à ce q̄ vous m'avez escrit de venir deçà la mer c'est trop tard. Mais hastez vous à tout si grâd puissance q̄ vous me puissiez deliurer des mains des Flamens, où ie seray dedâs huit iours: Trefschier & bien-aymé cousin, ie prie à Dieu qu'il vous doint bonne vie & longue. Escrites à la faulse & traistre ville de Mons, le sixiesme iour de Iuing, laqueline de Quienebourg. Par la teneur de cestes appert que moult cremoit ladicte Duchesse à aller en Flandres.

ITEM apres que les deputez de la ville de Mons en Hainault, furent retournez deuers les Ducs de Bourgogne & de Brabant en leur ville: & que plusieurs choses eurent sur ce esté traitées à grand desplaisance de leur dame la Comtesse de Hainault douagiere, & la Duchesse laqueline sa fille: neantmoins le tresiesme iour de Iuing de cest an, ladicte laqueline non pouant à ce cōtract, se departit de la ville de Mons en la cōpaignie du Prince d'Orège & autres seigneurs à ce commis de par le Duc de Bourgogne, qui la conduirent & menerent à la ville de Gand: & se logea en l'hostel dudit Duc, où elle fut administrée honnorablement

rabliemēt selon son estat. Et le Duc Iean de Brabant son mary eut le gouuernement, comme dit est, de tout le dessusdit païs de Hainault. Et lors feit on departir dudit païs toutes gens de guerre. Et fut faicte abolitiō de toutes besongnes par auant passées. Ainli & par celle maniere que dessus est declairée, liurerent & cōtraignirent ceux de la ville de Mons en Hainault leur dame & vraye heritiere, outre son gré en la main du Duc de Bourgogne: nonobstant que par auant auoient iuré & promis au Duc de Clocestre de la garder, & defendre contre tous ceux qui nuire ou greuer la vouldroient.

Comment le Duc de Bethfort & le Duc de Bourgogne, se trouuerēt ensemble en la ville de Dourlens & autres matieres suiuan.



A vigille de saint Pierre & de saint Paul, arriua le Duc de Bethfort Regent avecques sa femme en la ville de Corbie, accompagné de huit cens cheuaucheurs ou enuiron. Et estoient avecques luy l'Euesque de Theroüenne Chancelier de France, pour le Roy Henry le president en Parlement & moult d'autres nobles hommes, comme gens de conseil, qui tous estoient ensemble avecques ledit Duc de Bethfort qui le disoit Regent, & de là vindrent à Dourlens le second iour ensuiuant auquel lieu, alla pour veoir iceluy Regent & sa sœur, le Duc de Bourgogne. Et feirēt iceux Princes grād reuerence & ioyeuse chiere l'un à l'autre: & par especial ledit Duc de Bourgogne à sa sœur la Duchesse. Et brief apres sen alla ledit Duc de Bourgogne loger à Luchan, où estoit le Comte de saint Pol son cousin germain. Et lendemain enuiron quatre heures apres midy, retourna avecques luy ledit Comte de S. Pol en la ville de Dourlens: & mena ladicte Duchesse sa sœur, & toutes leurs gens loger en son chastel à Hesdin: auquel lieu ils furent de par ledit Duc receuz & festoyez moult noblemēt. Et là demourerent par l'espace de six iours faisant grand ioye & grand liesse les vns avecques les autres, en boire, en mangiers, chasseries, dances & autres esbattemens de plusieurs & diuerles manieres. Apres lesquels six iours se departit ledit Regent, sa femme la Duchesse & toutes leurs gens. Et allerent dudit lieu de Hesdin à Abbeville, où ils se ioutnerent aucune espace: & de là par le Crotoy où estoit lors le Duc d'Alençon prisonnier, lequel fut dudit Regent araisonné en luy enhortant, qu'il voullist faire serment & fidelité au Roy Henry de l'Enclastre: & par ainli il seroit mis hors de prison & de seruage, & luy seroient rendues toutes ses terres & seigneuries: disant ledit Regent en outre, que si ce ne vouloit faire il demourroit en tresgrād dangiet tous les iours de sa vie. A quoy ledit Duc d'Alençon feit response qu'il estoit ferme en son propos, de non en toute sa vie faire serment cōtre son souuerain & droicturier seigneur Charles Roy de France. Laquelle response oüye par ledit Duc de Bethfort, le feit tātost apres oster de deuant luy & remener en prison, & apres par le païs de Caux sen alla à Paris. Et audit lieu de Hesdin estoient Iean Bastard de S. Pol & Andrieu de Humiers: lesquels portoient chacun sur son bras dextre vne rodelle d'argent, où il y auoit painct vne raye de soleil. Et l'auoient entrepris, pource qu'ils vouloient soustenir contre tous Anglois & autres leurs alliez, que le Duc Iean de Brabant auoit meilleure querelle de demander & auoir les païs & seigneuries de la Duchesse laqueline

de Bauiere sa femme, que n'auoit le Duc de Clocestre. Lesquelles rondelles le Duc de Bethfort leur voulut faire oster par aucuns de ses gés: pource qu'on luy auoit donné à entendre, qu'ils les portoient sur autre querelle pour vouloir combattre contre seldits Anglois: mais à la fin fut assez cōtent d'eux, & ne fut sur ce procedé plus auant. Item apres que le Duc de Clocestre fut retourné du païs de Hainault en Angleterre, vn iour en la ville de Londres en la presence du ieune Roy Henry & de son conseil, luy fut remonstré par ledit conseil l'impeditiō qu'il auoit faicte en la Côte de Hainault, en maniere qu'il auoit tenu le contend contre le Duc de Bourgogne, le plus puissant Prince du sang Royal de France, en le blasmant de ce tresfort: & disant que par telle maniere tenir pourroiet refroidir & adnuller les alliances, qu'auoit fait ledit Duc avecques eux: & par consequēt se poutroit perdre la cōqueste que sur ce auoient en France. Et mesmement fut dit audit Duc de Clocestre, que pour ceste besongne n'auoit point ayde de gens ne d'argent du Roy son nepueu, dont il fut grandement mal content: mais pour le present il n'en pouoit auoir autre chose.

Comment le Souldam & les Sarrazins delibererent d'aller conquerre tout le Royaume de Chippre.

Etem apres que les Sarrazins (dont dessus est faict mention) furent retourné du Royaume de Chippre en Surie, ils allerēt deuers le Souldam. Et en signe de victoire porterent la teste & les esperons du cheualier, qu'ils auoient occis sur vne lance. Et crioient en hault par toute la ville du Kaire, que c'estoit la teste du frere du Roy de Chippre nommé Henry, Prince de Galilée, dont ils mentoient. Neantmoins pour ceste victoire tous les complices du Souldam & luy monterent en tel orgueil, qu'il se delibererent du tout de faire si grande armée, qu'ils destruiroient tout le Royaume de Chippre. Or est verité qu'en la ville de Damas, estoit vn Sarrazin grand, riche & puissant, lequel par toute la Surie estoit tenu & reputé estre saint homme. Et l'auoit le Souldam en reuerence: & d'autre part estoit bon & cordial amy du Roy de Chippre. Et quand il vint à sa cognoissance de la destruction qu'auoient fait en Chippre les six gallées dessusdictes, il alla au Kaire deuant le Souldam, & le reprint & blasma de ce qu'il auoit commencé la guerre: & tant feit que le Souldam fut moult repentant de ce qu'il auoit fait, & accorda qu'un bon accord y fut traicté. Pour lequel faire & attraire, se chargea ce saint homme Sarrazin d'enuoyer son fils deuers le Roy de Chippre, pour traicter ladicte paix: & de fait luy enuoya: mais quād il fut venu au païs, le Roy de Chippre n'eut point cōseil de parler à luy de sa personne. Ains pour ouïr ce qu'il demandoit y enuoya ses ambassadeurs: ausquels en cōclusion l'ambassadeur dessusdit, ne vouloit dire nulle chose de son ambassade: & feit respōce absolue q'il pouoit parler au Roy la paix se feroit à l'honneur de luy & de son Royaume. Les cōmis de par le Roy de Chippre luy remonstretēt, comment le Souldam auoit fait vne folle entreprinse de commencer la guerre: pource qu'il auoit à faire à toute Chrestienté: & adonc respōdit iceluy ambassadeur, que le Souldam estoit bien informé du gouuernemēt des Chrestiens: & que le Roy de Frāce qui pour
le

le temps passé auoit tousiours esté le plus mortel ennemy dormoit pour le present, & que pour neant les doubtoit le Souldam. Apres lesquelles parolles s'en retourna ledit ambassadeur à Damas deuers son pere, & luy recita la maniere comment le Roy de Chippre ne l'auoit voulu ouir. Pourquoy ledit saint homme fut trefinal-content & demoura ennemy mortel du Roy de Chippre. Et depuis ce iour continuellement conforta le Souldam, en luy enhortant de faire cruelle & forte guerre au Roy de Chippre. Disant en outre qu'il n'eust nulle doubte & qu'il demoureroit victorieux contre tous ses ennemis.

Comment le Duc de Bourgogne feit grandes preparations pour combattre le Duc de Glocestre & autres matieres.

EN ce mesmes tēps le Duc de Bourgogne feit grandes preparations, tant en armeures pour son corps cōme en paremēs & harnois de cheuaux, pour bien estreourny à la iournée prinse par luy contre ledit Duc de Glocestre. Et feit forger la plus grand partie desdictes armeures au chasteil de Hesdin. Et avec ce s'exercita en toute diligence de sa personne tant en abstinence de sa bouche, cōme en prenant peine pour luy mettre en alaine. Et pour vray il estoit moult desirāt que le iour veint, qu'il peust venir cōtre son ennemy & fournir ledit champ: iāçoit-ce que son beau frere le Duc de Bethfort & son conseil fussent moult desirās, que bon traicté sy trouuast. Et pareillement se prepara en Angleterre ledit Duc de Glocestre. En ce temps par le cōmandement du Duc de Bethfort, assiegea le Comte de Salsebery le chasteil de Ramboüillet, que tenoient les gens du Roy Charles: lesquels courouient souuēt iusques bien pres de Paris, en faisant moult de trauail au peuple: toutesfois en conclusion ils rendirent à iceluy Comte de Salsebery ladicte forteresse en emportant tous leurs biens. Enuiron la S. Iehan Baptiste se resmeurent l'un contre l'autre ceux de Tournay, & leuerent les cōmunes gens plusieurs bannieres en leurs frāchises: & si rendirent la ville, pour regner & gouverner avec eux comme aytresfois auoient fait à vn nommé Passcarte, & à vn autre nommé Blarie avec aucunes gens de petit estat, qui pour leurs demerites estoient bannis de ladicte ville, & furent remis dedans à banniere desployée & en armes, en trefgrād nombre outre le gré & consentement des gros bourgeois & gouverneurs d'icelle cité: & mesmement par lesdictes conimunes en furent aucuns emprisonnez, & en trefgrand dangier de leurs vies: mais neantmoins apres ils se rappaisèrent. En cest an requist le Souldam de Babylonne ayde au Roy de Thunes en Barbarie, pour mener guerre au Roy de Chippre, lequelluy fut accordé. Et lors manda par toutes ses seigneuries tous les nauires & vaisseaux d'armes, qui y estoient: lesquels il assembla trefgrand nombre, & les feit trefbien garnir de viures & de gens. Et apres sous la conduicte de ses Admiraulx & autres capitaines, les enuoya descendre au Royaume de Chippre par deuers Famagose: & lors commencerent à entrer au païs & tenir les champs à grand puissance, en faisant maux irreparables. Et pour ce temps le Roy de Chippre estoit trefduement aggraué de maladie: Pourquoy il ordonna son frere qui estoit Prince de Galilee chief, & capitaine general de son armée: lequelluy Prince assembla toute la puissance d'iceluy Royaume de Chippre: & se retrahit par deuers le lieu,

où estoient iceux Sarrazins pour les combattre & rebouter: lesquels sçachans la venue se retrahirent deuers leurs nauires: mais il les poursuiuit. Et quand il fut d'eux approché pour les combattre, trouua que les deux parts de ses nauires l'auoient laissé: & par ainsi fut contrainct de retourner à Nicosie, & lesdits Sarrazins s'entrentrent audit pays en perseuerant de mal en pis, & trestout le desolent. Et apres qu'ils furent plains & rassiez de tous biens à tout grans rappines & grand foison de prisonniers Chrestiens, s'en retournerent en Surie, & emmenèrent avecques eux en leurs pays de Sarrazinesme vn moult notable & grand gentil-homme & de grand renom, nommé Ragonnet de Pieul: lequel auoit esté prins en la grosse tour de Lymeson, & le presenterent au Souldam, pource qu'il estoit vaillant homme, & festoit moult vigoureuement deffendu. Lequel Souldam l'admonnesta grandement de regnier la loy de Iesus Christ, & luy promet de le faire grand seigneur: mais oncques il n'y voulut entendre, ainçois à la presence d'iceluy Souldam blasmoit moult fort la loy des Sarrazins: pourquoy ledit Souldam de ce moult indigné, le feit sier par le meillieu du corps, & mettre à mort cruelle. Et depuis fut certiffié par plusieurs personnes dignes de foy, que sur le lieu où il auoit esté enterré, auoit on veu vne couronne de feu descendant du ciel en terre, & reposer sur le lieu dessusdit.

I T E M apres que le Comte de Salsebery eut conquis la forteresse de Ramboilet, comme dit est dessus, il alla mettre le siege entour la ville du Mans S. Iulian, où il fut certain espace de temps combattans ceux qui dedans estoient de toutes parts à force de ses engins: & tant que les habitans d'icelle ville & cité non esperans auoir secours, commencerent à traicter avec ledit Comte de Salsebery. Et mesmement pour ledit traicté auoir, alletent par deuers luy l'Euesque de la ville & avec luy aucunes gens d'Eglise: & en grande humilité supplierent audit Comte, qu'il les vouldist prendre à mercy pour escheuer l'effusion du sang Chrestien. Et lors iceluy Comte s'enclina à leurs prieres & requestes, & conclud avec eux par tel si qu'aubout de huit iours ensuiuans, ils rendroient leur ville en son obeissance avec tous les habillemens de guerre que dedans auoient, ou cas qu'à ce iour n'auoient secours du Roy Charles ou de ses commis: & ceux qui vouldroient faire serment & demouret en l'obeissance du Roy Henry, auroient franchise tous leurs biens: & sur ce bailleient bons hostages d'entretenir ledit traicté: mais pourtant qu'au iour dessusdit ne furent secours, rendirent ladicte ville en la main du Comte de Salsebery, lequel la garnit trespas de ses gens: & puis tetoutna à Roüen par deuers le Duc de Bethfort.

Comment la Duchesse Iaqueline de Bauiere se partit, & embla de la ville de Gand, & sen alla au pais de Hollande.

A Pres que la Duchesse Iaqueline de Bauiere estant en la ville de Gand, comme dit est, eut esté certaine espace de temps non contente de ce que ainsi estoit detenue outre sa vouldenté, vn iour regarda, & aduisa enuiron l'entrée du mois de Septembre comment elle se pourroit de là partir: Et en la fin tandis que ses gens souppoient, elle vestue en habit de homme, & vne femme pareillement habillée & deux hommes avec elles, se departit de ladicte ville de Gand à cheual, & cheuaucha bien en haste iusques à Anuers,

Anuers, où elle reprint habit de femme, & sur vn char s'en alla à Breda: & depuis à la Garide où elle fut obeïe & receuë honnorablement comme Dame. Et adonc ordonna le seigneur de Montfort son principal gouuerneur, & manda plusieurs nobles barons du païs de Hollande pour auoir conseil avec eux sur ses affaires. Ce lors assez brief ensuiuant vint à la cognoissance du Duc de Bourgongne, dont il fut grandement troublé: & pourtant hastiuement manda gens de toutes parts, & assembla & feit assembler nauires pour icelle poursuirir en Hollande, & mesmement y alla en personne. Et luy venu audit païs fut receu de plusieurs bonnes villes d'iceluy païs, comme Herlan Dourdrech, Roëtre-dame & aucunes autres. Et adonc commença la guerre entre ledit Duc de Bourgongne d'une part, & la Duchesse Iaqueline de Bauiere sa cousine germane d'autre.

Comment le Duc de Bethfort meit ius le champ des Ducs de Bourgongne & de Clocestre, & autres matieres.



N ce mesme temps le Duc de Bethfort qui se disoit Regent de France, feit assembler en la ville de Paris plusieurs nobles hommes dudit Royaume de France, avec aucuns sages des trois estats. Et les ambassadeurs d'Angleterre, pour ensemble auoir secours & deliberation, sur la iournée & champ de bataille entrepris entre le Duc de Bourgongne & de Clocestre. Toutesfoi apres ce que la querelle eut par plusieurs iournées esté visitée & debattue en conseil, fut conclud toutes choses veuës & considérées, qu'il n'y auoit point de iuste cause entre eux d'appeller l'un l'autre en champ. Et pourtant fut ordonné que celle iournée seroit mise de tout à neant, & qu'ils ne feroient d'amendise l'un à l'autre. Et estoient lors à Paris, au conseil dessusdit de par le Duc de Bourgongne, l'Euesque de Tournay, & de par le Duc de Clocestre l'Euesque de Londres, & avec eux de chacune partie aucun de leur conseil. Le dixseptiesme iour du mois de Septembre en cest an, furent en la cité d'Autun faictes les nopces solemnellement de Charles de Bourbon Comte de Clermont, fils & heritier du Duc de Bourbon prisonnier en Angleterre, & d'Agnes seur au Duc de Bourgongne: ausquelles nopces fut la Duchesse de Bourgongne seur au Duc de Bourbon: apres laquelle feste passée, & que icelle Duchesse de Bourgongne fut retournée en Dijon trespasla de ce siecle, & fut enterrée en l'Eglise des Chartreux au dehors de ladicte ville de Dijon en grand tristesse & gémissemens des Bourgongnois, qui moult l'aimoient: car elle estoit dame prudente tant enuers Dieu, comme enuers le monde. En l'an dessusdit furent enuoyez de Paris à Rome, deuers nostre saint Pere le Pape de la partie des deux Royaumes de France & d'Angleterre certains ambassadeurs: c'est à sçauoir pour le Royaume de France l'Abbé d'Orcamp Docteur en Theologie, & deux Cheualiers. Et pour le Royaume d'Angleterre l'Abbé de Beaulieu, avecques deux cheualiers pour sommer audit Pape, comment on auoit sommé au dernier Concile general fait à Constances, affin qu'il conuocast & assemblast Concile pour parfaire & accomplir les choses qui n'auoient esté parfaites audit dernier Concile, en luy notifiant qu'il estoit trop prolongué, que c'estoit contre l'utilité de la sainte Eglise vniuerselle. En cest an y eut grand

discord en Angleterre entre le Duc de Clocestre d'une part, & le Cardinal de Vincestre son oncle d'autre part. Et fut la cause du discord, pource que iceluy Duc de Clocestre vouloit auoir le gouuernement du ieune Roy Henry son nepueu: lequel auoit esté baillé en garde par Henry Roy d'Angleterre son pere audit Cardinal: neantmoins par la force & puissance dudit Duc de Clocestre, conuint que ledit Cardinal son oncle se retrahist dedans la grosse tour de Londres: & y fut par six iours qu'il n'estoit issir, & si furent occis huiet ou dix de ses gens: mais en la fin la paix se feit, & furent les trois estats du pays assemblez pour sur ce auoir pourceance. En la presence desquels fut par plusieurs fois porté le ieune Roy Henry, & feit en siege Royal. Et entre les autres choses, feit vn Duc du Comte Marechal, & dura cestuy parlement par treslongue espace de temps: esquels furent deliberées plusieurs grandes besongnes sur les affaires dudit ieune Roy, & des Royaumes: c'est à sçauoir de France & d'Angleterre. Enuiron le mois de Decembre se departit le Duc de Bethfort & la Duchesse sa femme avec luy, à tout cinq cens combattans ou enuiron de Paris & vint à Amiens, où il fut par aucuns iours. Durant lesquels estoient sur les champs aucuns saquemens iusques à mille cheuaux: desquels estoit le chief & conducteur vn nommé Sauuage de Fermanuille, lequel n'estoit point aimé du dessusdit Duc. Et pourtant ledit Sauuage qui estoit logé à Esclusiers vers Peronne, sçachant le departement d'iceluy Duc allant d'Amiens à Dourlens petitement accompagné, esperant iceluy soudainement enuahir & ruer ius, se departit à tout les gens de ladicte ville d'esclusiers: & de là bien en haste cheuaucha à Beauquesne, & là se logea: mais ledit Duc par auant estoit passé & logé à Dourlens, & de là à saint Pol, & par Theroüanne s'en alla à Calais, & de là en Angleterre pour blâmer & corriger son frere Honfroy Duc de Clocestre, des entreprinthes qu'il auoit faictes contre le Duc de Bourgongne. Pour laquelle poursuite & enuahie dessusdicte, ledit Sauuage de Fermanuille fut en la tresgrande indignation dudit Duc de Bethfort, quand il vint à sa cognoissance ce qu'il auoit fait contre luy: & tant qu'en fin tant pour ce comme pour autres demerites, il en fut vaillamment puny comme cy apres orrez plus plainement declairer.

Comment le seigneur de Siluatier vint au pais de Hollande en l'ayde de la Duchesse Iaqueline de Bauiere.

EN ces iours le Duc de Bourgongne estant au pays de Hollande, menant forte guerre à la Duchesse Iaqueline de Bauiere sa cousine: & à ceux tenant son party, arriuerent assez pres de Serixée au pays de Zelande enuiron cinq cens Anglois gens d'eslite: desquels estoit capitaine le seigneur de Siluatier, loy disant lieutenant du Duc de Clocestre es pays de Hollande & de Zelande: lesquels Anglois allerent deuers la Duchesse Iaqueline pour luy ayder à maintenir sa guerre. Et lors le Duc de Bourgongne qui estoit à le Leyde en Hollande oyant les nouvelles d'iceux Anglois, se partit de là à tout quatre mille combattans qu'il auoit de plusieurs de ses pays: & alla à Rotterdam, où il se meit en l'eau en intention de trouuer iceux Anglois pour les combattre. Et iceux attendans y eut aucuns des gens du Duc de Bourgongne, qui rencontrerent partie des dessusdits Anglois, li les desconfirent, prindrēt & occirent.

& occirent. Apres ledit Duc de Bourgongne sçachant que ses ennemis Hollandois & Zelandois & Anglois, estoient de deux à trois mille combattans armez au port de Branuers en vne aduene, où estoient lesdits ennemis & sen vint illec. Si furent tost & victorieusement par ledit Duc de Bourgongne & les siens assaillis, combattus & en brief desconfits. Et demourerent morts sur la place tant Hollandois, Zelandois comme Anglois enuiron de sept à huiët cens combattans. Et les autres se meirent à fuir en grand desfroy, & furent chassez iusques à la mer où il sen sauua grand partie dedans leurs vaisseaux. Entre lesquels se sauuerent ledit seigneur de Siluatier capitaine desdits Anglois & le seigneur de Hantredée. Et de la partie du Duc de Bourgongne, furent morts sur la place des gës de nom, messire Andrieu de Valines tant seulement, & Robert de Brimeu fut rapporté de la place blessé, & en fin mourut de ladicte blesseure. Apres laquelle victoire ledit Duc de Bourgongne r'assembla ses gens, & regracia humblemēt son Createur de sa bonne aduventure. Et brief ensuiuant laissa en plusieurs villes au païs, lesquelles estoient à luy obeïssans garnison de ses gens : & puis sen retourna à son païs de Flandres pour de rechief faire assemblée de gens, pour mener guerre audit païs de Hollande : c'est à sçauoir à ceux tenans le party de la Duchesse Iaqueline. Item apres que ledit Duc de Bourgongne fut retourné des païs de Hollande & de Zelande, & qu'il eut laissé ses garnisons audit païs : ladicte Duchesse Iaqueline de Bauiere assembla tresgrand nombre de gens d'armes, & les mena deuant Herlam : laquelle ville elle assiegea trespuissamment tout à l'enuiron : & estoit dedans de par le Duc de Bourgongne le Damoiseau Ysambergue, & messire Rolland ce Hultquerre cheualier avec certain nombre de combattans. Durant lequel siege messire Iean de Hultquerre fils dudit messire Rolland, assembla de sept à huiët cens combattans tant nobles comme communauté du païs de Flandres : lesquels il emmena hastiuemēt au païs de Hollande, en intention de secourir son pere, mais sa venue fut secüe par la dessusdicte Duchesse : laquelle enuoya de ses gens au deuant d'eux & les trouuerent en vn desfroy vers la mer : si les combattirent & desconfirent ou la plus grand partie sinon aucuns, qui se sauuerent avecques ledit messire Iean de Hultquerre : de laquelle besongne fut moult ioyeuse la Duchesse Iaqueline. Et feit mettre à mort cruelle ceux qui auoient esté prins prisonniers. Et apres pour doubte de la venue du Duc de Bourgongne qui faisoit vne grande assemblée de gens en ses païs de Flandres & d'Arthois, leua son siege deuant Herlam. En cest an le Comte de Salsbery assiegea la forteresse de Moyennes en Champaigne : laquelle estoit forte oultre mesure & si bien garnie de gens & habillemens de guerre, que c'estoit merueilles. Lequel siege durant y eut plusieurs grandes & fortes escarmouches entre les parties, tant d'un costé comme d'autre. Entre lesquelles en y eut vne, où fut mis à mort Valerien de Bernonuille frere de messire Lyonnell de Bethonuille d'une lance, qui luy trauersä oultre le corps. Toutesfois nonobstant la grande resistance que feirent les assiegez par longue continuation, furent contrains d'eux rendre & en fin se departirent à tout leurs biens, & ladicte forteresse fut demolie & abbatue. Item le Duc de Bourgongne estant en son païs de Flandres, eut plusieurs parlemens avecques le Duc de Brabant son cousin & ceux de son conseil sur les affaires de Hollande. Et entretemps assembla

gens de plusieurs lieux, & vint deuers luy grande cheualerie de Bourgogne: desquels estoit chief le Prince d'Orenge, à tout lesquels & foison de Picards & Flamens vers la my Karefme, retourna en Hollande. Et commença de rechief à mener forte guerre à la Duchesse laqueline de Bauiere & ses bienueillans. Et brieuement se rendirent à luy plusieurs bonnes villes d'iceluy païs de Hollande. En ce mesme temps s'assemblerent les gens de la Duchesse laqueline de trois à quatre mille cōbattans, & allerent deuant la ville de Hornes sur les marches de Frise, pour icelle enuahir & prendre: dedans laquelle estoit en garnison le seigneur de l'Isle Adam, le bastard de saint Pol à tout cinq cens combattans ou enuiron, qui en moult grand hardiesse issirent contre leurs aduersaires & ennemis, & se ferirent en eux de moult fort & grand courage: & en fin & conclusion les vainquirent & meirent en fuite, & en demoura sur la place de morts enuiron quatre cens sans les naurez, dont il y en eut grand nombre: & de la partie du Duc de Bourgogne furent morts le bastard de Vieffuille, & enuiron dix archiers pour laquelle desconfiture grād partie du païs de Hollande se rendit au Duc de Bourgogne. Durant toutes ces tribulations au païs de Hollande, y eut plusieurs rencontres & grandes escarmouches par plusieurs fois entre les parties, qui trop longues seroient à racompter chacune à par soy. Neantmoins la plus grande partie d'iceux rencontrez, estoient à la cōfution des gens de ladicte Duchesse laqueline de Bauiere. Et estoit la cause, pource que les gens du Duc de Bourgogne estoient tous exercez & excitez en armes, & fais de guerre. Et avec ce auoient grand foison de traict, duquel les Hollandois n'estoient point accoustumez.

De l'an mille cccc. & xxvj.

Comment le Duc de Bourgogne retourna en Hollande & assiegea la ville de Zeneuberche: laquelle se rendit à luy & autres matieres.



V commencement de cest an le Duc de Bourgogne assembla tresgrand nombre de gens d'armes de ses païs de Flandres, d'Archois & de Bourgogne: lesquels apres qu'il eut preparé son armée, il la mena en Hollande deuant vne forte ville nommée Zeneuberche, qui avecques le seigneur d'icelle tenoient le party de la Duchesse laqueline de Bauiere, & faisoit forte guerre par terre & par mer à tous ceux qui auoient fait obeissance audit Duc de Bourgogne: mais en brieuf ladicte ville fut tresfort enuironnée, assiegée & combattue par iceluy Duc de Bourgogne & ses gens. Et d'autre part les assiegez qui avecques ledit seigneur estoient en tresgrand nombre, se tindrent & defendirent tres vaillamment: mais apres que ledit Duc de Bourgogne eut par long temps continué son siege, ledit seigneur de Zeneuberche feit traicté avecques luy par tel si, qu'il luy deliureroit la ville & forteresse avec la seigneurie & subiects d'icelle. Et avec ce rendit la personne & tous les gentils-hommes qui estoient avecques luy en la voulenté dudit Duc, sauues leurs vies, promeitans de tenir prison honneste par tout où il leur seroit ordonné. Item furent deliurez és mains dudit Duc de Bourgogne tous les habillemens de guerre estans dedans lesdictes ville & chasteau, avec toutes les nauires, & quand aux souldoyers estranges qui estoient dedans, eurent congé en faisant

faïfant serment que iamais ne feroient guerre, en nuls des païs du Duc de Bourgongne. Item furent deliurez franchement tous les prisonniers, qui estoient du party du Duc. Entre lesquels estoit le seigneur de Moyencourt, le Damoyseil Derle & autres. Item tous les bourgeois & habitans de la ville feirent serment audit Duc ou ses commis, & par ainsi demourerent paisibles en payant certaine somme de deniers. Et sur ledit seigneur de Zeneuberche desueu de sa ville, & de ses biens : & avec ce fut amené à l'Isle en Flandres, & ledit Duc garnit lesdictes ville & forteresse de ses gens. Et apres ce leua son siege & retourna avec les siens en Flandres & en Arthois : mais en faisant lesdits voyages moururent d'epidimie le seigneur de Hymbercourt & messire Manfroy de saint Legier, avec aucuns autres. En iceluy an apres que le Duc de Bethfort eut sejourne en Angleterre par l'espace de sept à huit mois avec sa femme & trois mille combattans, s'en alla à Calais & de là à Paris, où il fut certaine espace de temps pour ordonner des affaires de France. Et apres alla à l'Isle, auquel lieu vint deuers luy le Duc de Bourgongne qu'il receut ioyeusement luy & sa femme. Et là eurent plusieurs conseils ensemble pour appaiser le discord, qui estoit entre le Duc de Clocestre & ledit Duc de Bourgongne : mais pour neant y besongnerent. Et pourtant ledit Duc de Bethfort s'en retourna à Paris. En ce temps le Duc de Clocestre feit grand mandement en Angleterre apres le departement du Duc de Bethfort son frere, en intention de venir en Hollande pour secourir la Duchesse Iaqueline qu'il disoit sa femme. Et s'estoit allié avec le Duc de Clocestre contre le Duc de Bourgongne, le Comte de Salsebery & plusieurs autres seigneurs d'Angleterre. Ledit Duc de Bethfort sçachant ceste entreprinse, enuoya hastiuement ses ambassadeurs en Angleterre deuers son frere le Duc de Clocestre : lesquels ambassadeurs traicterent tant avec luy qu'il se deporta de sadicte emprinse, en impetrant trefues entre les parties iusques à certaine espace de temps, esperant de les mettre d'accord : & feirent ceste ambassade l'Abbé d'Orcamp & maistre Jean le Duc.

Comment les Sarrazins retournerent en Chippre, & eurent bataille aux Chippriens : en laquelle bataille le Roy fut prins & mené au Souldam.



EN ce temps arriuerent deuers le Roy de Chippre plusieurs Cheualiers, & escuyers de diuers païs : lesquels par auant auoient mandé pour resister à l'armée des Sarrazins que chacun iour il attendoit. Et avec ce il assembla de son royaume ce qu'il peut auoir de gens : auquel il pourueut de viures, logis & argent au mieux qu'il peut chacun selon son estat, & faculté. Et entre temps qu'il attendoit, comme dit est, la venue des Sarrazins : ses gens qui estoient de diuerses nations, s'esmeurent par la maniere que le Roy auoit assez affaire de mettre paix entre eux : & ne sçauoit comment il peust ordonner capitaine qui à eux fut agreable. Durant lesquelles dissentiōs ou diuisions les Sarrazins arriuerent audit royaume de Chippre en tresgrand multitude, & prindrent port à Lymeson & assiegerent la tour, qui estoit tresbien reparée & garnie de gens d'armes : mais nonobstant elle fut prinse par force & le capitaine nommé Estienne de Buysense mort, avecques tous les gens. Et adonques le Roy de Chippre sçachant les nouuelles de ses ennemis, assem-

bla ceux de son conseil, & leur demanda qu'il en auoit à faire. Et là plus grand partie de ceux de son pays luy feirent responce, qu'il se tint en sa ville de Nicosie disant que mieux valoit pays gasté que perdu. Mais tous les estrangers furent de contraire opinion, & luy conseillerent qu'il se meit aux champs, & qu'il combattist tresbien & hardiement ses ennemis : lesquels destruisoient ainsi son pays & mettoient à mort cruelle son poure peuple. Le Roy ce voyant delibera soy mettre aux champs le second iour ensuiuant, & quand le iour vint & qu'il monta à cheual, le premier pas que son destrier feit, il s'agenouilla iusques à terre. Et le Prince de Gallilée son frere en montant à cheual laissa cheoir son espée hors de son fourrel à terre, dont plusieurs eurent petite esperance qu'ils deussent auoir victoire. Et alla celuy iour le Roy loger à trois lieues pres de la cité en vne place moult delectable, nommée beau lieu. Et le samedi ensuiuant dont c'estoit le ieu dy cheuaucha en belle ordonnance iusques à vne ville nommée Citoyte. Et le dimanche ensuiuant sixiesme iour de Iuillet apres que le Roy eut ouï ses Messes, il se assist à table. Et à celle heure que luy & tous ceux de son ost disnoient, fut veu en plusieurs lieux grand fumée des feux que les Sarrazins boutoient, & lors furent au Roy apportées certaines nouuelles qu'ils venoient contre luy. Et adonc le grand Commandeur de Chippre avecques plusieurs freres de Rhodes de sa religion, & aussi le seigneur de Varemboalais Almant & aucuns autres gentils-hommes de la nation de France, demanderent congé d'aller descourir & veoir leurs ennemis. Lequel leur accorda moult enuis. Si allerent si auant qu'ils trouuerent les Sarrazins, ausquels ils escarmoucherent & en occirent aucuns : mais en fin pour la tresgrande habondance d'iceux, ils ne peurent porter la charge : & en y eut de morts trente ou enuiron, & les autres se retrahirent enuers le Roy au mieux que faire le peurent, lequel Roy cheuauchoit grand erre pour trouuer ses ennemis. Et aussi sans faire grand ordonnance, cheuaucha grand espace & tant qu'il trouua les Sarrazins assez pres d'une ville qui s'appelle Domy. Et estoient au plus pres de luy son frere Prince de Gallilée, le Conestable de Hierusalem, deux Comtes d'Allemagne & toute la fleur de sa cheualerie. Et adoncques le dessusdit Roy de Chippre assaillit moult cheualereusement & soubdainement les Sarrazins ses aduersaires, & tant que de plaine venue leur feit grand dommage. Mais ainsi que fortune le voulut aduerser le coursier du Roy cheut des quatre pieds à terre, & se desclauerent les sangles de la selle, & apres qu'il fut remonté, & qu'il voulut faire faits d'armes, la selle retourna & le Roy cheut par terre, & le cheual s'enfuit, & fut de necessité qu'il monta sur vn petit cheual d'un sien escuyer, nommé Anthoine Kaire : car tous les petis s'en estoient souiz de frayeur à tout les grans coursiers. Pour laquelle aduenture grand partie des Chippiens euidèrent certainement que leur Roy fut mort, & demourerent tous elbahis. Et pource les Sarrazins qui ja tornoient en Surie, reprindrent couraige. Si vint leur grosse bataille qui chargea sur la gent chrestienne si puisamment, qu'il fut de necessité au Roy qu'il se retrahist en la Chireotie, dont il estoit party. Et quand il vint assez pres dudit lieu iceluy lieu estoit ja enuironné des Sarrazins, tellement qu'il n'y peut entrer. Et adoncques se meirent les Chrestiens en desroy & commencerent à fouir chacun, où ils peurent pour le mieux. Le Roy se retrahit

retrahit sur vne montaigne assez aduantageuse: & tousiours estoit au plus pres de luy son frere Prince de Gallilée, lequel luy dit ainsi. Monseigneur vous voyez clerement que toutes voz gens vous abandonnent, & que vous ne puez resister contre voz ennemis, veuillez sauuer vostre personne, & ayez compassion de vostre Royaume. Se vous estes prins, nous sommes tous perdus. Presiez aucuns de voz plus feables seruiteurs, si vous retrayez en aucune seure place, & ie demourray cy avecques les bannieres, iusques à ce que ie sentiray que vous setez en lieu seur, & puis feray pour le salut de ma personne ce que à Dieu plaira moy administrer. Le Roy oyant ce le regarda moult doucement & luy respondit: Beau frere ja Dieu ne plaise que ie me parte, allez reconforter & rassembler mes gens en euz admonnestant, qu'à ce besoing se veuillent acquitter au seruice de leur souuerain & naturel seigneur. Le Prince de Gallilée y alla à relle heure, qu'il fut si tresdurement rencontré de la gent Sarrazine, que apres qu'il eut fait tant de faits d'armes que vaillant Prince pouoit faire, il fut occis & là demoura en la place. D'autre part le Roy fut si tresfort empressé de ses ennemis, qu'il se partit tout abandonné de ses gens, & descendit de la montaigne, où il estoit en vne petite vallée. Et là fut tellement assailluy qu'il fut enfermé en quatre lieux, si qu'il fut abbatu de son cheual à terre. Et la gent Sarrazine non cognoissant que ce fut le Roy, de toutes parts commencerent à ferir sur luy pour le mettre à mort, quand vn chevalier de Castelongne du party d'iceluy Roy nommé messire Gasséant Sauary, se coucha sur le Roy en criant à haulte voix en langage de Surien: c'est le Roy, c'est le Roy. Adonques vn capitaine Sarrazin feit vn signe de sa main, auquel tous les autres laissèrent cheoir leurs espées à terre, & ledit capitaine rebouta la sienne au fourrel: & prestement s'en alla deuers le Roy: si le print par la main en luy disant en langage Grec, qu'il auoit pleu à Dieu le deliurer en la main & puissance du Souldan, & luy dit: Vous viendrez par deuers luy, reconfortez vous: car pour certain i'ay bonne esperance qu'il vous fera bonne compagnie, le dessusdit chevalier Chastelan fut prins avecques le Roy, & luy respiterent la vie pource qu'il festoit si vaillamment maintenu. Ainsi & par ceste maniere fut le Roy de Chippre prins de la gent Sarrazine, qui luy meirent vne chaine au col. Et tantost apes arriuerent les gens de pied, qui à toutes fins vouloient occire le Roy: mais Dieu par sa douce misericorde l'en deliura: car il estoit homme charitable & de bone vie enuers Dieu. Et brief ensuiuant tous ceux de la partie du Roy de Chippre furent mis à desconfiture, & se sauuerent ceux qui sauuet se peurent: & la plus grand partie s'en fouyrent par les montaignes, où ils peurent le mieux. Et n'en demoura de morts en la place que environ de seize à dixsept cens. Et assez brief ensuiuant la gent Sarrazine menerent le Roy de Chippre à Salines, où estoit leur nauire: & là le meirent en bonne garde. Si furent en celle bataille deuant-dicte deux Comtes d'Allemagne: c'est à sçauoir le Comte de Humberge, & le Comte de Noorch adoué de Coulongne à tout certain nombre de gens. Et si y estoient de Sauoye le seigneur de Vateinbon, & messire Jean de champains seigneur de Gruffy: lesquels dessusdits ne furent ne morts ne prins.

ITEM apres qu'il fut venu à la cognoissance par le pays de Chippre & à

Nicosie, de la desconfiture de leurs gens & de la prinse de leur Roy, messire Gilles de Lusignan frere du Roy, esleu Archeuesque de Nicosie, avecques messire laques de Cassran Marechal de Chippre, demourez pour la garde de ses enfans, furent moult troublez & desconfortez pour ces piteuses nouvelles: & pourtant iceluy dimenche à heure de minuit, se departirent de la cité & emmenèrent avec eux la seur du Roy & ses enfans: si les conduirent en la fortresse de Chermes, qui est située sur la mer à cinq lieues pres de Nicosie, & là demourerent iusques au retour du Roy. Et le lendemain qui fut le lundy la communauté de la ville courut au Palais, pour sçavoir aucunes nouvelles du Roy. Et quand ils ne trouverent à qui parler, ils s'en retournerent en leurs maisons: & prirent leurs femmes & leurs enfans & aucuns de leurs biens, & se departirent de la ville, laissant icelle du tout abandonnée, sinon de pources gens impotens & aveugles. Et s'en fuyrent les aucuns deuers Famagoce, & les autres à Chermes & en autres villes & par les montaignes, tant que c'estoit trespiteuse chose à les veoir. Et le second iour ensuiuant le capitaine des Sarrazins alla à toute sa gent deuers la cité de Nicosie: laquelle, comme dit est, il trouua du tout abandonnée. Si se logea au Palais Royal, & puis feit crier prestement par la cité que tout homme retournaist en son propre lieu: c'est à sçavoir de ceux de la ville, & on les tiendroit paisibles. Pour lequel cry retournerent dedans ladicte cité environ de dix à douze mille personnes. Or est verité que le Roy de Chippre & le grand maistre de Rhodes auoient vne trefgrosse armée sur la mer: dedans laquelle estoit le bastard de Bourgongne frere au Duc Philippe, le seigneur de Rombaix & moult d'autres notables seigneurs de diuerles marches: lesquels estoient moult desirans de combattre les Sarrazins: mais oncques ne peurent auoir vent propice pour eux monstrer contre lesdits Sarrazins. Et estoit ledit bastard de Bourgongne arriué à Vasse, esperant d'estre à ladicte journée: & entre temps le Roy fut prins, comme dit est. Et pourtant iceluy bastard & les siens, retournerent sur la mer pour de rechief aller contre iceux Sarrazins. Et adonques le vent lena que les Chrestiens desiroient, & tant qu'en pou d'espace arriuerent vers l'armée des Sarrazins, & tellement que les parties se veirent l'un l'autre. Et adonc le capitaine des Sarrazins qui aussi estoient en mer, voyant les Chrestiens en grand nombre, enuoya bastiuement ses messagiers à l'autre capitaine Sarrazin qui estoit à Nicosie: si luy manda destroitement sur peine d'estre reputé trahistre, qu'il retournaist à tout son ost & ses gens en son nauire: laquelle chose ledit capitaine accomplit. Et apres qu'il eut robbe toute la cité de Nicosie & reduy le peuple en chetiueté, il feit bouter le feu au Palais Royal, & en plusieurs autres lieux, & s'en alla à tout les siens à Salines où estoit leur nauire. Et durant le chemin prirent plusieurs enfans allaitans leurs meres, & les iectoient sur les espines & sur les hayes, en les lapidant trefhorriblement: & d'autre part le capitaine Sarrazin qui tenoit le Roy de Chippre prisonnier luy feit escrire vnes lettres à son capitaine general, qui estoit sur la mer, contenant ou en substance qu'il ne portaist nul dommage aux Sarrazins si chier qu'il auoit la vie du Roy. Et les porta sur vne petite galliotte messire Galeran Sauary: auquel les lettres le capitaine des Chrestiens obeïst, ce que faire ne deuoit selon l'opinion de plusieurs: mais parauant auoient les deux parties

fort

fort approché l'un l'autre, & y auoit grand besongne. A laquelle besongne qui fut par mer y eut trespasse escarmouche, par especial de traict: duquel furent tant d'un party comme d'autres plusieurs hommes morts & naurez. Et à celle besongne furent faits cheualiers Guy bastard de Bourgogne frere au Duc Philippe, Simon de Lan, Robert seigneur de Rebecque & aucuns autres de diuerses marches, sans conquerre nauire l'un sur l'autre, sinon la nef des Pellerins dont cy apres est faicte mention. Durant lequel temps se auança vne naüe chargée de Pellerins, voulans acquerre honneur: esperans pour certain que l'armée des Chrestiens qui estoit sur mer d'eust combattre les Sarrazins, allerent si auant qu'ils ne peurent retourner: & nonobstant secours furent prins, & en la presence du Roy de Chippe coupez en pieces comme on coupe la chair au marché sinon aucuns en trespas nombre, qui furent retenuz prisonniers. Et apres aucuns iours se meirent à voye & retournerent à tout le Roy de Chippe en Surie.

I T E M quand lesdits Sarrazins furent arriuez en Surie à tout leurs prisonniers, ils menerent ledit Roy de Chippe au Kaire deuers le Souldam de Babilonne: & les autres chrestiens estoient deux à deux liez comme bestes. Et traïnoient les Sarrazins apres eux la Banniere de nostre Dame le chief en terre: & puis apres le Roy de Chippe cheuauchoit sur vn petit mulet sans selle lié & en chaîné de chaines de fer. Et en iceluy estat fut mené en la presence du Souldam & contrainct à ce faire, fagenouïlla par neuf fois en inclinant le chief tout bas, baïsant la terre à chacune fois. Et quand il fut paruenü par deuant le Souldam, qui estoit assis pompeusement en vne haulte gallerie, le feit estre vne grosse heure en bas ou enuiron sa presence: & depuis le feit mener en vne tour où il tint prison tant qu'il fut en la ville du Kaire, où il se feit seruir trespas abondamment comme Roy de tous viures fors de vin. Mais les marchans Chrestiens luy en faisoient deliurer secrettement à grand planté. Et les autres prisonniers Chrestiens furent menez en diuers lieux.

I T E M entre temps que ledit Roy de Chippe estoit ainsi en prison au Kaire par deuers le Souldam de Babilonne, l'Archeuesque de Nicosie qui estoit frere au Roy, manda messire Pierre de Lusignan Connestable de Hierusalem: & luy bailla le gouuernement du Royaume de Chippe: lequel feit faire de grans iustices en punissant ceux qui s'estoient voulu rebeller depuis les tribulations dessusdictes. Et pou de temps apres retourna ledit esleu en la cité de Nicosie, laquelle pou apres se repeupla: & brief ensuiuant vn marchand Geneuois nommé Benedic Peruessin, meü de pitié requist au conseil du Roy, qu'il enuoyast au Kaire, disant qu'il auoit esperance d'estre occasion de la redemption du Roy. Lequel y fut enuoyé, & tant exploicta que le Souldam meit ledit Roy de Chippe à finance de deux cens mille ducats, par telle condition que perpetuellement il payeroit par chacun an tribut de son Royaume de la somme de cinq mille ducats. Et par ainsi fut la paix faicte du Souldam avec le Roy de Chippe, & fut mis hors des fers le iour de l'Assumptiõ nostre Dame. Et depuis ce le demandoit souuent le Souldam pour deuifer avecques luy: & luy faisoit de merueilleuses questions en le temptant de abandonner la foy Chrestienne. Ausquelles questions le Roy respondit à toutes fois si sagement, que ledit Soul-

dam non sçachant plus que dire, le faisoit prendre avec plusieurs refections de boire & de manger, & puis le r'enuoyoit en prison. Et dedans briebs iours ensui- uans qu'il fut mis en finance, le feit ledit Souldam mettre hors de prison & loger en la ville. Et le faisoit souuent aller en estat en esbatement sur beaux cheuaux noblement accompagné de la gent Sarrazige : & depuis fut payé grand partie de la finance, & baillé leureté du surplus. Et apres le iour de Pasques Flories fut mis à plaine deliurance, & fut mis en vne gallée au port d'Alexandrie sur la mer verte. A tout laquelle compaignie de l'Admiral de Rhodes, il alla descendre à Chermes : & là trouua ses enfans & sa seur & tous les seigneurs & dames de son royaume, avecques toute la Baronnie & toute la noblesse de son païs, qui tous ensemble le receurent moult reueremment en regrant nostre seigneur Iesus Christ treshûblement de sa reuenu. Et aucuns iours ensuiuans se partit de Chermes & retourna accompagné, comme dit est, en la cité de Nicosie, où il fut de tout son peuple receu ioyeusement : & se logea en l'hostel du Connestable de Hierusalem. Auquel hostel il demoura sa vie durant, pource que son palais, cō- me dit est dessus, auoit esté destruit de la gent Sarrazine. Et depuis le trespas de la Roïne Charlotte ne fut remarié, n'eut cōpaignie à nulle fême, cōme ses propres seruiteurs le tenoient veritablement. Et depuis vesquit grand espace de temps.

Comment la forteresse de Moyenes en Champaigne fut prinse des Francois. Et comment sentence fut rendu pour le Duc Jean de Brabant. Et de la forteresse d'Oripelle en Prouence.



En ce temps fut reprinse la forteresse de Moyenes en Champaigne par les gens du Roy Charles, par trahison d'un Anglois qui estoit dedans : & depuis fut r'assiégée des Anglois : c'est à sçauoir du Comte de Salfebery : & avec luy plusieurs Picards, qui audit siege continuerent tant que les assiegez furent contraincts d'eux rendre. Et se departirent les aucuns estrangers sauement, & ceux qui autresfois auoient tenu le party des Anglois & Bourgongnons furent executez & mis à mort. Esquels entre les autres fut l'un d'iceux vn gentil-homme nommé Gilles de Clary, & fut à la reddition messire Jean de Luxembourg : lequel apres qu'icelle forteresse fut du tout desolée, retourna en son chastel de Beaurevoir.

En cest an fut enuoyé par nostre saint Pere le Pape la sentence diffinitive, touchant le proces du Duc Jean de Brabant : par lequel fut ordonné & declairé, le mariage qui estoit fait du Duc de Clocestre & de la Duchesse Jaqueline de Bauiere de nulle valeur, & que s'il aduenoit que le Duc de Brabant mourut, si ne pourroient auoir lesdits Duc de Clocestre & la Duchesse Jaqueline l'un l'autre par mariage. Et pourtant ledit Duc de Clocestre sçachant ceste partie faicte par nostre saint Pere le Pape, espousa & print en mariage vne femme de bas estat au regard de luy, nommée Alienor de Combattre, dont dessus est faicte mention : laquelle ledit Duc par auant auoit tenue en sa compaignie certain temps, auoit comme la dame par amours : & avec ce auoit esté diffamée de aucuns autres hommes que d'iceluy Duc. Laquelle chose feit moult esmerveiller plusieurs personnes de France & d'Angleterre, considerans que ledit Duc en- suiuoit mal en iceluy cas la seigneurie dont il estoit extraict.

EN ces iours messire Jean Blondel accompagné de Jean Blondel son cousin Germain, & huit autres compagnons de guerre, par le moyen d'un Chappellain qui estoit à maistre Jean Cadart, prindrent la forteresse d'Oripecte en Prouence, & ledit maistre Jean dedans qui en estoit gardien: & le firent prendre prisonnier tendant auoir de luy grand finance. Letquelle chose vint en brief à la cognoissance de ceux du païs, qui sans delay les assiegerent: & en fin les contrainquirent si fort, que bel leur fut d'eux departir de ladicte forteresse sans riens emporter, ayans faulconduit pour eux en aller seurement. Nonobstant le quel à l'issir hors de ladicte forteresse, fut ledit Jean Blondel occis des païsans. Et le chappellain qui auoit fait la trahison fut decapité.

Comment le Duc de Bethfort feit assieger Montargis. Et comment le siege fut leué par les Francois: & autres matieres en brief.



Tem en cest an le Duc de Bethfort qui se nommoit Regent de France de par le Roy Henry, feit assieger la ville & forteresse de Montargis par les Comtes de Vvaruich & Suffort: avec lesquels estoit le seigneur de la Poulle frere dudit Comte de Suffort, messire Henry Bisfet & autres capitaines, qui pouoient auoir avecques eux trois mille combattans: lesquels venus audit lieu de Montargis l'environnerent. Ladicte ville fut en assez beau lieu, pource qu'il luy conuenoit faire trois sieges: lesquels assez dangereusement pouoient bailler secours l'un à l'autre: neantmoins ils se logerent tout entour & fortifierent leurdit logis en aucuns lieux: & estoit ledit Comte de Vvaruich logé en vne abbaye de Nonnains à vn des costez de la ville. Et brief apres leur venue firent aucuns ponts & passaiges sur la riuere, pour par iceux secourir les vns aux autres se besoing leur estoit. Et ce fait commencerent vigoureusement à approcher icelle ville de Montargis, & la forteresse & tresfort combattre & adommager de plusieurs engins: mais nonobstant ce les assiegez se deffendirent trespuissamment, & continuerent les assiegeans en ceste besongne l'espace de deux mois ou enuiron. Lequel temps durant les nouvelles furent portées au Roy Charles de France, & luy firent scauoir lesdits assiegez que s'il ne leur enuoyoit secours assez brief, il les conuiendrait rendre es mains de leurs aduersaires. Ces nouvelles venues à la cognoissance du Roy Charles, comme dit est, ledit Roy assembla son conseil: auquel fut conclud & deliberé d'y enuoyer secours ou au moins eux rafraischir de viures & de gens: lequel fut mis sus, & fut faicte pour ceste cause aucune assemblée, qui point ne porta d'effect & se derompit: mais depuis fut ordonné de par le Roy Charles, de faire vne autre assemblée à Orleans pour ceste mesme cause: de laquelle fut baillé charge de par le Roy au Comte de Dunois Bastard d'Orleans. Avec lequel se meirent messire Guillaume d'Albret seigneur d'Orual, le seigneur de Grauille, de Villax & de Gaucourt, Estienne Vignolles qu'on dit la Hire, messire Gilles de sainct Simon, Gautier de Broullart & plusieurs autres capitaines, qui pouoient bien auoir seize cens combattans droits gens de guerre & d'essite: lesquels se meirent à chemin à tout grand foison de viures, en intention de rautailer icelle ville de Montargis & de non leuer le siege. Et quand ils furent venus à vne demie lieüe pres le plus se-

crettement qu'ils peurent, ils prindrent conseil ensemble & conclurent de ferir sur aucuns des logis des Anglois par deux costez, & auoient avec eux gens de la garnison dudit lieu de Montargis, qui les menoïent entre lesquels estoit vn nommé le petit Breton. Si fut la Hire ordonné à conduire l'vne des compagnies : & comme ils auoient conclud le feirent, si ferirent vaillamment & de grand voulenté sur les logis des Anglois, qui de ce ne se donnoient garde eniant Montioye saint Denys : & commencerent à bouter les feux asprement en maint logis & à tuer, prendre & mettre à meschief plusieurs Anglois, & tellement & si vaillamment s'y portèrent, que le logis du seigneur de la Poulle fut en assez briefue espace du tout tourné à desconfiture : mais ledit seigneur de la Poulle se sauua en vn petit bastel enuiron luy huictiesme. Et adonc auoient ceux de la ville renues les eaües si grandes & grosses, que les ponts que lesdits Anglois auoient faits estoient couuerts d'eaüe : parquoy quand ils se cuidoient sauuer, ils cheoïer à costé des ponts & se noyoient. Et tant que ce se faisoit, le Bastard d'Orleans se combattoit vigoureusement de l'autre costé sur les logis de messire Henry Beffet : & là estoit descendu à pied, & y auoit fort à faire quand les autres qui auoient rué ius & desconfit le premier logis, luy allerent puissamment bailler secours : & auoit esté blessé le seigneur de Grauille. Et lors lesdits Anglois apperceuans que la force n'estoit point à eux, se commencerent à retraire pour aller au logis du Comte de Vvaruich : & passoient par vn pont à si grand haste & en si grand presse, que du grand faix le pont rōpit sous eux, & là furent morts & desconfits laidement & en tresgrand nombre : car avec ce ceux de la ville de Montargis, faillirent fierement en l'ayde de leurs gens, & sans espargner en occirent & prindrent plusieurs. Et entre-temps le Comte de Vvaruich assembla ses gens le plus hastiement qu'il peut : mais quand il sceut la grand perte & dommageable destruction de son ost, dont il auoir ja perdu de mille à quinze cens hommes qui furent que morts que prins, se meit en bataille en soy retournant sur vne petite montaigne és vignes au dessous de son ost. Et lors les François qui furent fort trauailliez de ceste besongne, entrerent dedans Montargis. Et entre-temps la nuit vint, & se departirent & meirent à chemin lesdits Anglois à tout le remenant de leurs gens, desquels la plus grād partie estoient de pied eux retrayant au chasteau Landon, en Nemours & és autres lieux de leur obeïssance. Et les dessusdits François demourerent à Montargis faïsans bone & ioyeuse chiere, de ce qu'ainsi par l'ayde de Dieu auoient acheué ce pourquoy ils estoient là venuz. Et apres s'en retournerēt deuers le Roy Charles de France qui les receut trefamiablement.

EN cest an le Duc Jean de Brabant, qui estoit malade de moult griefue maladie, trespassa en son chasteau de Leneure en disant moult deuotement. *Miserere mei Deus, &c.* Et fut enterré en la chappelle de sondir chasteau de Leneure empres son pere. Apres le trespas duquel releua toutes ses seigneuries Philippe Comte de Ligny & de S. Pol son frere. Et par ainsi la Duchesse laqueline demoura abseulée de ses deux maris : car, comme dit est dessus, le Duc de Cloestre auoit prins autre femme : & ledit Duc de Brabant estoit trespaslé, comme dit est. Et durant la vie dudit Duc de Brabant y eut vn nommé Jean Cheualier, qui voulut mettre à iceluy Duc vn carquant au col à la requeste, comme on disoit,

foit, de la Comtesse douairiere de Hainault: lequel cheualier pour ceste cause fut prins à Bruxelles & decapité. En ce mesme temps la forteresse d'Elcandeuure empres Cambray, fut mise en la main de mōseigneur Jean de Luxembourg par le consentement du Duc de Bourgogne: & fut la cause, pource que messire Loys frere bastart de la Duchesse Iaqueline de Bauiere, à qui estoit icelle forteresse feist guerre & tribulation au pays d'enuiron, comme celuy qui tenoit le party de ladicte Duchesse Iaqueline sa sœur, & ainsi perdit il son heritage. En ces iours eut vne terrible & grand rencontre aupres du mont S. Michel, entre les Anglois qui tenoient le mont de Hellem d'une part, & les François & les Bretons d'autre part: Mais en conclusion lesdits Anglois y furent morts & desconfits. Si obtindrent victoire les François, & par consequent gaignerent la dessusdicte forteresse.

De l'an mille cccc. xxvij.

Comment la forteresse de la Malle-maison, qui estoit à l'Euesque de Cambray fut prinse par messire Jean Blondel: & autres matieres. 1427.

AV commencement de cest an, fut prinse la forteresse de la Malle-maison seant à deux lieues pres du chastel en Cambresis: laquelle estoit à Jean de Lens seigneur de Liekaerque & Euesque de Cambray, à cause de son Euesché: & là print messire Jean Blondel tenant le party du Roy Charles accompagné de ses gens, qui estoient en petit nombre. Dedans icelle estoit comme capitaine par ledit Euesque vn bel escuyer, nommé Vvazier de Baillon, lequel fut trouué en son liēt. Et entre-tenips les dessusdits en trauersant les fossiez parmy l'eauë, & montant par eschelles dedans la basse court, audit lieu prindrent le guet, & apres ils s'embuscherent deuant le pont du Donjon. Et au matin quand le portier aualla ledit pont, ils saillirent sus les espées traictes, & occirent & tuerent ledit portier: puis entrerent tout paisiblement dedans sans y trouuer quelque deffence n'empeschement, iacoit-ce que ce fut la plus forte place & mieux gardable qui fut en toutes les marches es pays d'enuiron: pour laquelle prinse tout le pays ce sachant fut mis en grand effroy, & mesmement ceux du chastel en Cambresis, & ledit Euesque qui leans estoit à celle heure furent moult grandement esmerueillez que ce pouoit estre: car pour lors n'estoit audit pays nouuelle de nulle guerre: toutesfoi l'Euesque de Cambray enuoya aucuns de ses gens avec grand partie de la communauté dudit chastel iusques audit lieu de la Malle-maison, pour sçauoir & cognoistre qui c'estoit. Et eux là venuz & arriuez, parlerent aucuns de ceux qui l'auoient prinse: lesquels par malice feirent leur cry de Bourgogne & de Luxembourg: & pourtant les dessusdits enuoyez s'en retournerent en ladicte ville du chastel en Cambresis. Et briefuenfuiuant ledit messire Jean Blondel se pourueust de viures & de gens en grand abondance: & apres commencerent à courir & à fouller le pays de Cambresis & plusieurs autres, en faisant mauix inestimables: avec lesquels s'assemblerent par plusieurs fois à faire lesdictes courses aucuns des gens du Duc de Bourgogne, & de messire Jean de Luxembourg. Et entre-temps iceluy Euesque enuoya par deuers le Duc de Bourgogne, sçauoir si c'estoit de son consentement que la forteresse auoit esté prinse. Auquel fut respondu que

non,ains seroit conforté & aydé par ledit Duc tant qu'il l'auroit saforteresse.

ITEM apres la mort & trespas du Duc Iean de Brabant, fut faicte vne grande assemblée de seigneurs en la ville de Valenciennes : à laquelle furent le Duc de Bourgongne, les Comtes de Namur, de Ponthieuvre & de Conuersam, le Prince d'Orange, messire Iean de Luxembourg, les Euesques de Tournay & de Arras, & plusieurs autres nobles gens d'Eglise : & fut pour la cause de sçauoir qui auroit le gouvernement du pays de Hainault. A quoy par meure deliberation de conseil, fut ordonné & estably que ledit pays demourroit en la main & gouvernement du Duc de Bourgongne, lequel sur ce y pourueut de gouuerneurs & officiers. En cest an le Comte de Vvaruich & plusieurs autres Anglois, tindrent siege deuant la ville de Pont Orson : & tât contraignirent les assiegez qu'ils se meirent en composition : & promeirent de à certain iour rendre le fort en la main dudit Comte de Vvaruich, en cas qu'ils n'auroiēt secours des François & Bretons, si fort & si puissant que pour combattre iceluy Comte : lequel secours ne fut point enuoyé, & pourtant, comme promis l'auoient, rendirent la place aux Anglois.

Comment messire Iean Blondel rendit la forteresse de la Malle-maison qu'il auoit prise : laquelle appartenoit à l'Euesque de Cambray.



N apres le Duc de Bourgongne alla à Mons en Hainault avec luy grand nombre de ceux de son conseil : & là, comme dit est, constitua plusieurs officiers natifs du pays pour gouverner la seigneurie d'iceluy : auquel lieu par sauftconduit alla ledit messire Iean Blondel, qui par ledit Duc fut plusieurs fois sommé & requis de rendre & restituer à l'Euesque de Cambray sa forteresse : ausquelles requestes il ne voulut en riens obeïr : mais en dissimulant s'excusoit aucunement : Toutesfois ledit Duc de Bourgongne & son conseil conclurent, & delibererēt de bailler gens & ayde audit Euesque pour assieger & reconquieser sadiète forteresse. Et pour ce faire ledit Euesque manda ses amis & se meit en armes à tout ce qu'il peut auoir de gens. Pour lequel ayder & reconforter, y furent commis & establis de par le Duc de Bourgongne messire Guillaume de Lalain Baillif de Hainault, le Begue de Launoy chevalier gouverneur de l'Isle, & aucuns autres nobles hommes & certain nombre de gens d'armes : durant lequel temps ledit messire Iean Blondel oyant ces nouuelles, & sachant que ledit Duc de Bourgongne auoit son fait mal agreeable, condescendit à traicté : conclud & delibera de rendre la forteresse, moyennant que sa paix seroit faicte deuers le Duc de Bethfort & le Duc de Bourgongne : & si luy seroient rendues ses forteresses & seigneuries, lesquelles estoient en la main du Roy Henry de l'Enclastre comme confisquez, & avec ce emporteroient luy & ses gens tous leurs biens, & si auroit pour les despés quatre mille escus : lesquelles choses en conclusion luy furent accordées & promises, & de ce baillé seurté. Et par ainsi deliura la Mal-maison en la main de Baltazar bastard du Questroy, qui de par le Duc de Bourgongne y fut commis & institué à le garder à certaine espace de temps. Et pour payer ladiète somme & autres fraiz, fut mise sus vne grande taille par tout le pays de Cambresis, tant sur gens d'Eglise comme autres, lesquels à ce payer furent contraincts tresrigoureusement.

ment. Apres lesquelles besongnes par le consentement dudit Euesque & d'aucuns autres du pays, fut ladicte forteresse de la Malle-maison abbatue & du tout demolie, dont ce fut moult grand dommage : car c'estoit la nompareille & la mieux ediffiee qui fut en tous les pays à l'enuiro, & ou plus fort lieu. Ainsi messire Jean Blondel par force de mal faire, vint à son intention. Et fut, comme dit est, restitué & remis en la possession de tous ses heritages & edifices.

Comment le Duc de Bourgongne retourna ou pais de Hollande, où il feit assaillir la ville de Hermonfort, & autres matieres.

Tem apres que le Duc de Bourgongne eut, comme dit est, ordonné de ses besongnes en Hainault, il retourna à tout grand puissance de gens d'armes en Hollande, pour corriger aucuns qui auresfois luy auoient fait serment, lesquels faisoient rebellion audit pays. Et en ce voyage feit assaillir vne ville fermée de fortes hayes & fossez plains d'eau, nommée Hermonfort : lequel assaut dura assez longuement, & fut moult aspre, cruel & terrible. Et mesmement ledit Duc de sa personne passa l'eau deledits fossez, & alla combattre ses ennemis & aduersaires tresvaillamment, & pour vray il se meit adonc en tresgrand peril & dangier : car les deffendans en grand hardiesse sabandonoient sans eux espargner pour eux deffendre, & sauuer leurs vies : durant lequel assaut fut mis à mort vn tresvaillant & puissant cheualier : c'est à sçauoir le seigneur de Vozdanquin. Et avecques luy estoient aucuns autres experts hommes de guerre : Et si y fut nauré le bon seigneur de Sauueses, tant qu'il le conuint porter hors des fossez comme en peril & dangier de mort, & plusieurs autres. Et adonc ledit Duc & ceux de son party voyant & considerant la perte & dommage de leurs gens, eurent conseil de faire sonner la retraicte arriere, comme ils feirent : & se logerent assez pres de ladicte ville, où ils furent celle nuit assez pauurement pourueuz de ce que mestier & besoing leur estoit. Et le lendemain ledit Duc print autre marche. Et lors festoient aliez avec la Duchesse Iaqueline, ceux de la ville de Verrech : & aussi les Ducs de Gueldres & de Cleues y estoient de la partie dudit Duc, parquoy la guerre & tribulation croissoit & multiplioit oudir pays de iour en iour.

En ce temps s'assemblerent es marches de Picardie enuiron cinq cens combattans, tant hommes d'armes comme archiers de plusieurs terres : lesquels sous la conduicte de messire Charles de Moyencourt, Matthieu de Humiers, Jean de Longueual & aucuns autres gentils-hommes, furent menez par l'ordonnance & comandement du Duc de Bourgongne, à la requeste d'un cheualier nommé messire Phillebert Andrinet, à l'ayde & secours d'Amé Duc de Sauoye bel oncle d'iceluy Duc de Bourgongne, qui auoit lors guerre & dissension au Duc de Millan : Lesquels cinq cens combattans dessusdits chenaucherent par plusieurs iournées, tant qu'ils vindrēt oudir pays de Sauoye, où ils furent ioyeusement receuz dudit Duc. Et de là furent enuoyez sur les marches en tirant vers Lombardie, où ils feirent maux inestimables : & tant que par la renommée d'iceux & par la cremeur que les deux Princes dessusdits eurent pour le pauvre peuple, ayans d'iceux compassion se concorderent & feirent bonne paix, & ladicte paix conclute le Duc Amé de Sauoye, donna cōgé à iceux Picards en eux

grandement remerciant de leur travail, en donnant à aucuns des plus notables draps de Damas & autres ioyaux. Et par ainsi les dessusdits Picards retournerent en leurs propres lieux. La cause de la guerre si estoit, pource que le Duc de Milā auoit prins Novare, & cité de Verseil sur le Duc de Sauoye, lesquelles luy furent rendues. Item apres que le Duc de Bourgogne eut par plusieurs iournées visité le pays de Hollande, & mis ses garnisons sur les frontieres de la Gande, où lors se tenoit la Duchesse Iaqueline, delaisant aucuns de ses capitaines pour la garde & seurté d'iceluy, tels comme le seigneur de l'Isle Adam, messire Lyonnel de Bournouille & aucuns autres hommes d'armes experts & renommez de guerre, s'en retourna en son pays de Flandres. En l'an dessusdit furent es pays d'Espaigne de Castellongne & en Languedoc grâs mouuemens de terre, dont en aucuns diuers lieux plusieurs villes & notables edifices cheurent, dont le peuple d'iceux pays fut par long temps moult troublé & en tresgrand effroy.

Comment en ce temps le Souldam de Babiloine escriptuit lettres aux Princes Chrestiens, & la teneur d'icelles.



En ce temps le Souldam de Babiloine enuoya lettres à tous Roys & Princes Chrestiens, desquelles la teneur s'enluit. Baldadoch fils d'Aïre, Conestable de Ierico, Preuost de Paradis terrestre, nepueu des Dieux: Roy des Roys: Prince des Princes, Souldam de Babiloine, de Perse, de Ierusalem, de Chaldée, de Barbarie: Prince d'Afrique & animal d'Arcadie, seigneur de Siche, des Aïnces, des Payens, & des Maritans: maistre Anchipotel, aduoué d'Amazone, gardien des Isles, Doyen des Abbayes, Comandeur des Temples, froisseur des heaumes, fendeur des escus, perfeur des haubers, rōpeur de harnois & de places: lanseur de glaiues, effondreur de destriers, trespereur de presses, destruisieur de chasteaux, fleur de cheualerie, sanglier de hardiesse, aigle de largesse, cremeur des ennemis, esperance d'amis, recoureur des desconfits, estandart de Machomet, seigneur de tout le monde: Aux Roys d'Allemagne, de France & d'Angleterre: & à tous autres Roys, Ducs & Comtes. Et generallyment à tous ceux, esquels nostre debonnaireté est à aduenir. Salut & dilection en nostre grace. Comme ainsi soit qu'il est bien loisible de relenquir erreur par sagesse qui veult: vous mande que vous ne laissez nullement ne tardez à venir par deuers moy, & releuez voz siefs & terres de ma seigneurie, en reiaint vostre Dieu & la foy Chrestienne, delaisant voz erreurs: esquelles vous & voz deuanciers auez esté enuoloppez trop longuement. Ou autrement mô indignation & la puissance de ma forte espée tournera sur vous assez briefuement: dont i'auray voz testes en rançon sans riens espargner. Ces lettres furent donnees la vigille des Ambassadiens, l'an dixiesme de nostre couronnement: La seconde année apres nostre noble victoire & destruction du malheureux pays de Chippe.

Comment les Anglois vindrent en la Duché de Bretagne, où ils firent mouls de maulx & de grans dommages: & autres matieres.

En cest



N'est an le Comte de Suffort & messire Thomas de Rameſſon, à cause de certaine guerre qu'ils auoient au Duc de Bretagne, enuiron douze cens combattans allerent courre ou païs de Bretagne iusques auprès de la ville de Renes, où estoit le Duc : & y feirēt de tresgrans dommages, & leuerent de tresgrand proyes tant prisonniers comme autres biens, à tout lesquels retournerent en vn gros village du païs nommé Tintenarch. Et le lendemain se meirent à chemin, & rentrerēt és marches de la basse Normandie à tout ce qu'ils auoient gaigné, sans auoir quelque empeschement ne destourbier. Et tantost apres ledit messire Thomas se logea en vne petite ville, nommée S. Iames de Buueron : laquelle autresfois auoit esté desolée, & la fait reparer & fortifier pour y demourer & tenir garnison : afin de faire aux Bretons guerre, car elle estoit à demie lieüe du païs. Et là demoura iceluy messire Thomas lieutenant dudit Comte de Suffort : lequel Comte estoit capitaine de la basse Normandie. Et commencerent les Anglois à mener forte guerre, & faire plusieurs courses & tournoyemens ou païs de Bretagne. Pour auxquelles obuier & resister, le Duc feit moult grād assemblée des nobles hommes de son païs : lesquels il bailla en charge à son frere le Comte de Richemont, qui nouvellement auoit esté fait Connestable de France : Lequel avecques autres gens qu'il auoit les mena dedans ladicte ville de S. Iames de Buueron : & de fait l'assiegea trespuissamment, & y eut de la premiere moult grād escarmouche. Neantmoins ledit Connestable se logea, & feit icelle enuironner tout autour. Si commença à faire iecter & traire plusieurs de ses engins cōtre la muraille, qui moult fort l'endommagerent. Et vne fois entre les autres eut conseil de la faire assaillir, ce qu'il feit. Et dura l'assault par longne espace tresdur & merueilleux. Si estoient les Bretons Bretonnans ja en vn costé bas, où il y auoit vn petit viuier. Et conuenoit qu'il passassent par vne estroicte voye pour aller iusques au mur à grand dangier. Si y auoit à ce costé vn petit bouleuert dont vn cheualier Anglois, nommé messire Nicole Bourdet auoit la charge à tout soixante ou quatre vingts combattans, & d'autre part y auoit vne porte assez bien fournie d'Anglois. Et lors iceux Bretons qui deualloient és fosses en tresgrand nombre pour aller assaillir, ouyrent de deux costez lesdits Anglois iecter vn tresgrand cry, criant Salsebery & Suffort. Pour lequel cry les Bretons se commencerent à retraire en tresgrand desroy. Et adonc ledit messire Nicole l'assaillit apres eux moult vigoureusement, & sans y trouuer gueres grād deffence en furēt mis à mort & noyez oudit estang de sept à huit cens : & de ce en demourerēt prisonniers enuiron cinquāte. Et si furent gaignez par les dessusdits Anglois dix huit estandarts & vne banniere. Et tost apres furent portées les nouuelles audit Connestable de la perte de ses gens, lequel faisoit fort assaillir de l'autre costé. Si fut de ces nouuelles moult grandement esmerueillé, & feit sonner la retraitte : car tout le siege deuers ledit estang estoit ja leué. Apres ces choses se meirent les Bretons ensemble, & prindrent hastif conseil sur ce qu'ils auoient à faire. Auquel conseil fut deliberé qu'attendu la grand perte qu'iceluy Connestable auoit eüe de ses gens, il estoit bon qu'il se departit, & ainsi le feit il : mais il attendit iusques enuiron minuiēt, & s'en retourna en la ville de Fougieres en tresp petite ordonnance, delaisſant audit siege grand foison de bombardes, viures & autres ar-

tilleries. Et ledit messire Thomas à tout six cens combattans qu'il auoit: dont la plus grande partie estoient blesez demoura en icelle ville bien ioyeux de sa bonne fortune. Et seirbouter dedans tous les biens qui estoient demourez de ses aduersaires.

DE PUIS les choses dessusdictes le second iour ensuiuant, vint là le Comte de Suffort à tout quinze cens combattans: lequel mena le lendemain messire Thomas avecques aucuns de ses gens deuant vn fort Monstier, qui tantost se rendit à luy. Et de là se tira plus auant ou pays deuers la cité de Dol, & auoit intention de se ioutner là: Mais entre-temps le Duc de Bretagne enuoya deuers le Comte de Suffort vn sien poutsuiuant à tout ses lettres: Par lesquelles luy prioit d'auoir trefues sur vne forme, que ledit Comte luy accorda. Et sur ce remanda ledit messire Thomas & ses gens, lequel retourna audit S. Iames de Buueton à tout grans proyes. Si fut tant parlementé entre lesdictes parties, que les trefues furent données, qui durerent trois mois ou enuiron, moyennant que pour les accords le Comte de Suffort eut faire quatre mille & cinq cens fracs. Si s'en-trerindrent tresbien icelles trefues iusques en la fin de Iuing qu'elles deuoient faillir: durant lequel temps ne se peurent lesdictes parties accorder. Et pourtant de rechief retournèrent à la guerre, & furent faictes plusieurs choses dommageables par feu & par espée par les Anglois oudit pays de Bretagne: Pour auxquelles obuier le Duc & le Conestable son frere, seirent repater la ville de Pont-Orson, qui depatt Normandie & Bretagne à deux lieues du Mont S. Michel. Et y fut mise grosse garnison pour faire frontiere contre lesdits Anglois. Et certain iour ensuiuant ledit Comte de Suffort fut deporté du gouuernement de la basse Normandie, & y fut commis & institué le Comte de Vvaruich: lequel assembla moult grand quantité de gens & assiegea ladicte ville de Pont-Orson. Et pource que durant le siege, les Anglois assiegeans, auoient viures à grād danger tant pour la garnison du Mont S. Michel comme pour autre. Et fut enuoyé le seigneur de Scalles à tout cinq cens combattans en la basse Normādie, pour conduire & mener les viures dessusdits. Et ainsi qu'il sen retournoit à tout iceux les Bretons qui scauoient son retout, festoiēt mis en embusche bien quinze cens combattans aupres du Mont saint Michel. Et lors quād ils veirent leur point, ils faillirent sur les Anglois, lesquels ils trouuerent en bonne ordonnance: si se deffendirent tresvaillamment, & tant que finalement les Bretons furent mis & tournez à desconfiture. Et y eut de morts en la place bien huit cens: entre lesquels y fut mort & occis le seigneur de Chasteau Geton, le seigneur de Cresquan, le seigneur de Chamboutg, le Baron de Chambouches, le seigneur du Hunaudue, messire Pierre le Porc, le capitaine des Escoçois: Et plusieurs autres nobles hommes, & si fut prins le Vicomte de Rohen, & plusieurs autres grans seigneurs. Apres laquelle besongne les assiegez du Pont-Orson non ayās esperance de secours ne d'ayde, se rendirent sauleurs vies au Comte de Vvaruich, & s'en allerent le baston blanc au poing, & delaisant tous leurs biens: & y fut commis capitaine ledit seigneur de Scalles. Apres ceste besongne lesdits Anglois seirent emmener le Baron de Soulenges, messire Pierre le Porc, & vn autre tous morts à leur siege: & liurerent les corps à ceux de dedans pour mettre en tette, afin qu'ils fussent plus certains de ladicte destouffe & desconfitu-

re: &

re:& qu'ils se rendissent plus hastiuement, comme ils feirent. Enuiron la fin de cest an conuocqua messire Iean de Luxembourg és païs de Picardie & à l'environ, environ mille combattans hommes d'armes, comme archiers en intention d'aller assieger & mettre en son obeissance la ville de Beaumont en Argonne, quelors tenoit Guillaume de Flauy tenant le parly du Roy Charles le quel de Flauy & ceux à luy obeissans continuellement faisoient moult d'oppressions & griefs dommages au païs à l'environ. En ces iours le Duc Philippe de Bourgongne, comme il auoit plusieurs fois, assembla trefgrand nombre de gens d'armes en ses païs de Flandres & d'Arthois & à l'environ, pour de rechief aller en Hollande & assieger la Duchesse laqueline dedans la ville de Gande. Et pour ceste fois escriuoit aux nobles de ses païs, que son intention estoit d'acheuer à ceste fois la guerre dudit païs de Hollande deuant son retour. Pour laquelle ils auoient esté desia fort trauaillees & lassez, & par plusieurs fois. Lesquelles assemblées, come dit est, il mena à l'Escluse & là monterent en mer pour passer au dessud dit païs de Hollande. Durant toutes ses tribulations menoient les Anglois treforte guerre sur les marches de Bretaine:& eurent lors iceux Anglois & les Bretons que conduisoit le Comte de Richemont vne trefgrand rencontre: à laquelle moururent grand quantité de combattans tant d'un costé comme de l'autre, mais en fin lesdits Anglois obtindrent la iournée, & les conduisoit le Comte de Vvaruich.

De l'an mille cccc.xxviij.

Comment messire Iean de Luxembourg assiegea Beaumont en Argonne.

1428.



V commencement de cest an eut esté mis le siege à l'environ de Beaumont en Argonne par messire Iean de Luxembourg, acompagné de plusieurs hommes nobles des marches de Picardie, auquel siege mettre y eut plusieurs escarmouches entre les assiegeans & les assiegez. Esquelles entre les autres, fut prins & mené dedans la ville vn nommé Enguerrant de Brigoual vigoureux & subtil homme d'armes, pour la prinse duquel ledit de Luxembourg fut moult fort troublé, doubtant que le dessud dit ne fut nauré ou mort: car par grand malice Guillaume de Flauy feit mettre vn linseul en terre, vueillant par ce fait donner à entendre que ce fut ledit Enguerrant qui estoit trespaslé. Et luy feit faire vn seruice solennel, tendant comme on pourroit supposé à iceluy fortraire secrettement hors de la ville & mener en lieu secret & leur: pource qu'il scauoit ledit prisonnier estre riche homme pour payer bonne finance: toutesfois, nonobstant, qu'iceux assiegez se messissent trefgoureusement à deffence: si furent ils en brief de toutes parts environnez, & tellement approchez que bonnement ne pouoiert saillir hors de leurdicté ville, sinon en grand peril de leur vie. Et pourtant le dessud dit Guillaume de Flauy, voyant qu'au long aller le conuiendroit estre mis en subiection non esperant auoir secours, feit traité avec ledit messire Iean de Luxembourg environ l'issue du mois de May: par tel si, que luy & les siens s'en iroient sauement en emportant tous leurs biens. Et par ainsi ledit messire Iean de Luxembourg eut l'obeissance dudit Beaumont: dedans laquelle il mit garnison de ses gens, & y constitua capitaine Valerien de Bournouille, & avec luy rendit sain

& sau en vie ledit Enguerrant de Brignonval : durant lequel temps furēt tresues données tant d'un costé comme d'autre entre messire Jean de Luxembourg, & ceux de la ville de Mouson iusques au iour de la S. Remy ensuiuant : dedans lequel iour dessusdit, ceux de ladicte ville deuoient aller deuers le Roy Charles sçauoir se de luy auroient secours, où ils se rendroient audit messire Jean de Luxembourg. Apres lesquels traictez acheuez par ledit messire Jean donna congé à ses gens, & s'en retourna en son chastel de Beaurevoir : & Guillaume de Flauy pareillement donna congé à ceux qui l'auoient seruy & s'en alla à priuée mesnie sous bon saufconduit à Liencourt en l'hostel de mōseigneur son pere : car entre-temps qu'il estoit assiegé à Beaumont, le Duc de Bar feit demollir & abbatre vne forteresse nommée Neufuille sur Meuse, laquelle tenoient les gens dudit Guillaume de Flauy. Et là auoit sa cheuance de sa retraicte.

Comment le traicté se feit entre le Duc de Bourgongne & la Duchesse Iaqueline de Baviere pour la guerre de Hollande: & le contenu d'iceluy.

Tem apres que le Duc de Bourgongne fut retourné, comme dit est dessus, au pays de Hollande, & qu'il eut fait de grandes preparacions tant de gens comme d'habillemens de guerre pour combattre & subjuguer la ville de la Gande, où estoit la Duchesse Iaqueline & ses aydans. Ladicte Duchesse & ceux de son pays considerans la puissance dudit Duc de Bourgongne : & que desia la plus grand partie de nobles & communautiez de son pays, s'estoient tournez contre elle avecques sa partie aduerser, doubtant non pouoir resister audit Duc, print conseil avecques ses plus priuez & feaux seruiteurs, & se conclud de traicter paix avecques son beau cousin & aduersaire le Duc Philippe de Bourgongne : lequel traicté par le moyen d'aucuns ambassadeurs enuoyez entre les deux parties, fut tel qui sensuit. C'est à sçauoir que ladicte Duchesse cognoistra & tiendra son beau cousin le Duc de Bourgongne estre son droit hoir & heritier de tous ses pays : & dès lors le feit gouverneur & mainbrucg des dessusdits pays, promettant icelle mettre en ses mains toutes les villes & forteresses qu'elle tenoit : dedans lesquelles iceluy Duc mettroit capitaines tels qu'il luy plairoit. Promeist aussi icelle dame de non soy iamaiz marier sinon du cōsentement dudit Duc : & avec ce demouroit à iceluy Duc la ville & forteresse de Zeneuberche. Et par ainsi ledit traicté de paix conclud & finé entre les deux parties cōuindrēt ensemble certaines iournées ensuiuas en la ville de Delfe : ouquel lieu apres qu'ils eurent conioy l'un l'autre reuerement, prindrent d'un cōsentement eux deux ensemble ou leurs commis, les fermens de plusieurs villes. Et par ainsi ledit pays de Hollande qui par longue espace auoit esté trauaillé d'icelle guerre, demoura en paix, & retourna ledit Duc de Bourgongne donnant congé à ses Picards en son pays de Flandres & d'Arthois.

Comment le Comte de Salzebery vint en France à tout grand gent en l'ayde du Duc de Bethfort: & comment le Duc de Bourgongne ramena la Duchesse Iaqueline de Baviere en Hainault.

AV mois de May ensuiuant le Comte de Salsebery homme expert & tresrenommé en armes, par l'ordonnance du Roy Henry & de son grand conseil en Angleterre, conuoca iusques à six mille combattans ou enuiron gens d'esslite & esprouuez en armes, par l'ordonnance du Roy Henry pour la plus grand partie amener en France en l'ayde du Duc de Bethfort, qui le disoit Regent: desquels il enuoya premierement trois mille à Calais, & de là allerent à Paris pour tousiours maintenir guerre contre les François. Et enuiron la saint Iean ensuiuant, ledit Comte de Salsebery à tout le surplus de ses gens passa la mer & vint à Calais, & par saint Pol, Dourlens, & Amiens s'en alla à Paris, où il fut ioyeusement receu dudit Comte de Bethfort & de tout le conseil de France là estant, tenant le party du Roy Henry. Apres la venue duquel Comte, furent par plusieurs iours de grans conseils tenus pour le fait de la guerre: entre lesquels fut conclud, qu'iceluy Comte apres qu'il auroit mis en l'obeissance du Roy Henry aucunes meschantes places, que tenoient ses aduersaires, il iroit mettre le siege deuant la ville d'Orleans: laquelle, comme ils disoient, leur estoit moult nuisable. Lequel conseil finé furent de toutes parts euoquez & mandez les Normans, & autres tenans leur party: & fut lors faicte si grand diligence que ledit de Salsebery eut brief ensuiuant iusques à dix mille combattans: entre lesquels estoient le Comte de Suffort, le seigneur d'Escalles, le seigneur de Caloboch, le seigneur de l'Isle Anglois, Classedach & plusieurs autres vaillans & tresexperts hommes d'armes, qui tous ensemble apres qu'ils eurent esté (comme dit est) grandement festoyez & honnorez audit lieu de Paris, se departirent de là & des marches enuiron auecques le Comte dessusdit, & allerent mettre le siege à Nogen le Roy, que tenoient les François: laquelle fut assez tost conquise: & en y eut grand partie d'eux qui la tenoient executez à mort, & les autres eschapperent en payant bones finances: & de là ledit Comte s'en alla vers l'argueaux. En ce temps le Duc de Bourgongne retourna en Hollande accompagné de ses plus feables hommes, pour de rechief conuenir auecques la Duchesse laqueline sa cousine & prendre les sermens de fidelité d'aucuns nobles du pays & bonnes villes, qui point encores ne l'auoient fait. Apres lesquels receuz grand espace de temps vindrent ledit Duc & la Duchesse laqueline au pays de Hainault, où ils allerent par les bonnes villes recevoir les sermens, pareillement comme ils auoient fait en Hollande & Zelande tant des nobles, du clergé comme des bourgeois & communautéz: desquels en plusieurs lieux furent reueremment & honorablement receuz, iacoit-ce qu'aucuns des dessusdits pays fussent de ce petitement contents, toutesfois ils ne voyoient mie qu'à ce ils peussent bonnement remedier.

Comment ceux de Tournay se mesmeurent de rechief l'un contre l'autre.

AV mois de Iuillet de cest an ceux de Tournay se mesmeurent les uns contre les autres. Et furent en armes par plusieurs fois ainsi qu'ils auoient autresfois esté. La cause si fut pource que les gouuerneurs d'icelle cité auoient mis aucun subside sur les ceruoises pour ayder à payer la composition qu'ils deuoient au Duc de Bourgongne: neantmoins par

la diligence d'aucuns des plus saiges, ils se rappaiserent: & brief ensuiuant fut prins vn de leurs capitaines nommé Iean Isaac orfeure pour plusieurs crimes par luy commis:& auoit esté celuy par qui Arnoul le Muli & Loctart de Villeries auoient esté decapitez: lequel Iean Isaac fut pendu publicquement au gibet de Tournay. En ce temps René le Duc de Bar feit assieger le chasteau de Passauant, dedans lequel estoit vn nommé de Varnencourt, qui par long tēps auoit tresinhumainement & sans misericorde trauaillé le pays d'environ.

Comment le Comte de Salsebery conquist Iargueaux & plusieurs villes deuers Orleans & comment le Duc de Bethfort voulut auoir les rentes des Eglises.

Item le Comte de Salsebery allant, comme dit est, deuant Iargueaux à tout sa puissance, le feit de toutes parts environner & tresfort combattre & approcher de ses gens & habillemens de guerre: & pourtāt ceux qui dedans estoient de par le Roy Charles, doubans la puissance d'iceluy Comte, feirent avecques luy traité en luy rendant la place partel si, qu'ils s'en poutoient sauement partir. Lequel Comte apres qu'il eut icelle garnie de ses gens, s'en alla deuant lanuille, & la feit assieger de toutes parts trespuissamment:& les François estans dedans à tout leur puissance, commencerēt à eux deffendre: mais en aucuns pou de iours apres trouuerent maniere d'auoir parlement avecques iceluy Comte, lequel ne se peult à eux concorder. Et pour ce apres que les François se furent retraits dedans leur ville, s'esmeut vne escarmouche entte les assiegeans & les assiegez. Pour laquelle la plus grand partie des Anglois s'armerent tout soubdainement, & sans le commandement dudit Comte leur souuerain allerent en grand hardiesse assaillir la ville: & tant continuerent en iceluy assault, qu'assez brief ensuiuant ils prindrent & conquerirent ladicte ville: dedans laquelle plusieurs François furent prins & morts. Et y furent faits d'autres maulx inestimables, lesquels seroient trop longs à declaier. Item durant le temps dessusdit le Duc de Bethfort Regent, & ceux du conseil du Roy Henry estoit à Paris: requirent tresinstamment à auoir pour le prouffit dudit Roy, toutes les rentes & heritages qui auoient esté données depuis quarante ans par auant aux Eglises. Et pour ce mettre à execution, furent en ladicte ville de Paris tenus plusieurs parlemens en grans conseils, entre ledit Duc de Bethfort & le conseil du Roy d'une part, & ceux de l'vniuersité de l'Eglise d'autre part: toutes fois icelle requeste fut tresfort debattue:& tāt qu'en fin la besongne fut mise au net & demourerent ceux de l'Eglise paisibles quār à ce. Auquel an aussi le Roy de Portugal meit sus vne grosse armée, & avec luy le Duc de Cambray qui faisoit son auantgarde: & pouoit auoir sur tout dix mille cōbatans, à tout lesquels il alla en vne ille sur les mescreans, où estoit le Roy d'Albastre à tout bien vingt mille Sarrazins Turquois, Tartares & Barbatins: desquels la plus grand partie furent morts sur la place, & le dessusdit Roy d'Albastre fut detenu prisonnier. Apres laquelle victoire iceluy Roy de Portugal à peu de perte retourna en son pays.

Comment le Comte de Salsebery assiegea la cité d'Orleans, où il fut occis.

Item



Tem apres ce que le Côte de Salsebery eut conquis & mis en obeissance du Roy Henry de l'Enclastre, lanuille, Meung, & plusieurs autres villes & forteresses au païs d'enuiron, il se disposa tresdiligement pour aller assieger la cité d'Orleans. Et de fait enuiron le mois d'Octobre à tour sa puissance, arriua deuant ladicte cité: en laquelle ceux de dedans long temps par auant attendans sa venue, auoient préparé leurs besongnes tant de fortifications, habillemens de guerre comme de viures & gens elleuz exercitez en armes, pour resister contre ledit Comte & sa puissance & eux defendre. Et mesmement affin qu'il ne se peur loger autour d'icelle luy ne ses gens à leur aise ne eux fortifier, iceux d'Orleans auoient fait abbatre & demollir de tous costez en leurs faulxbourgs plusieurs bons & notables edifices: entre lesquelles furent destruits & abbatus iusques à douze Eglises & au dessus: esquelles estoient les quatre ordres des Mendians, & avec moult d'autres belles & solennelles maisons de plaissance qu'y auoient les bourgeois d'icelle ville. Et tant en icelle euvre cōtinuerent, qu'elsdits faulxbourgs & tout à l'enuiron on pouoit plainement veoir & iecter de canons & autres instrumens de guerre tout à plain. Toutesfoi ne demoura mie que ledit Comte de Salsebery à tout ses Anglois, ne se logeast assez pres de ladicte ville: iacoit-ce que ceux de dedās de tout leur pouoir le meirent vigoureusement en deffence, en faisant plusieurs saillies en tirant de canons, couleurlines, & autres artilleries, occiant & mettant à meschief plusieurs Anglois. Neantmoins lesdits Anglois tresvaillamment & rudement les rebouterent, & approcherent plusieurs fois, tant qu'iceux deffendans auoient merueilles de leurs hardies & courageuses entreprinse. Durant lesquelles ledit Comte de Salsebery feit assaillir la tour du bout du pont, qui passe par dessus l'eau de Loire: laquelle en assez brief temps fut prinse des Anglois, & conquisse avec vn petit Bouleuert qui estoit assez pres nonobstant la deffence des François: & feit iceluy Comte dedans la vieille tour loger plusieurs de ses gens, affin que ceux de la ville ne peussent par là saillir sur son ost: & d'autre part se logea luy & ses capitaines & les siens assez pres de la ville en aucunes vieilles masures là estans: esquelles comme ont accoustumé iceux Anglois, firent plusieurs logis de terre, tauldis, & habillemens de guetre pour escheuer le traict de ceux de la ville, dont ils estoient treslargement seruis. Ledit Comte de Salsebery le troisieme iour qu'il estoit venu deuant icelle cité, entra en la dessusdicte tour du pont, où estoient logez ses gens: & là dedans icelle monta hault au second estage, & se mit en vne fenestre vers la ville regardant tout ententiement les marches d'entour icelle, pour veoir & imaginer comment & par quelle maniere il pourroit prendre & subiuguier icelle cité: & lors luy estant à ladicte fenestre, vint soudainement de la cité auollant la pierre d'vn veuglaite, qui ferit à la fenestre où estoit ledit Comte: lequel desia pour le bruit du coup se retiroit dedans: neantmoins il fut à consuiuy tresgriueusement & mortellement de ladicte fenestre, & eut grand partie du visage emporté tout ius, & vn gentil-homme qui estoit derriere luy, fut d'iceluy coup tué tout mort, pour laquelle blessure dudit Comte, toutes ses gens generalmente eurent au cueur grand tristesse: car d'eux il estoit moult cremeu & aymé: & le tenoiet pour le plus subtil & expert, & heureux en armes

de tous les autres Princes & capitaines du Royaume d'Angleterre : toutes fois ainſi bleſſé il veſquit l'eſpace de huit iours . Et apres ce qu'il eut miâde tous ſes capitaines, & iceux admonneſtez de par le Roy d'Angleterre, qu'ils continuafſent à mettre en l'obeiſſance icelle ville d'Orleans ſans quelque diſſimulation, il ſe feit porter à Meung & là mourut au bout de huit iours de ſadiſte bleſſure: au lieu duquel demoura general capitaine des Anglois aſſigeans le Comte de Suffort: & au deſſous de luy le ſeigneur de Scalles & de Thalebot, meſſire Lancelot de l'Isle, Clacedas, & aucuns autres : leſquels nonobſtant la perte qu'ils auoient fait au deſſusdit Comte de Salſebery, qui (comme dit eſt) eſtoit leur chef & ſouuerain Conneſtable, reſpondirent en eux vigueur: & d'un commun accord en toute diligence, ſe diſpoſerent par toutes voyes & manieres à eux poſſibles de continuer leur ſiege, & ce qu'ils auoient commencé: & de fait feirent en pluſieurs lieux baſtilles & fortifications: dedans leſquelles ils ſe logerent, afin que de leurs ennemis ne peuſſent eſtre ſurpris ne enuahis. Item le Roy Charles de France ſçachant que les Anglois ſes anciens ennemis & aduerſaires, vouloient ſubiuguer & mettre en leur obeiſſance la treſnoble cité d'Orleans, ſeſtoit conclud avecques ceux de ſon conſeil par auant la venue d'iceux, que de tout ſon pouoir il deſſendroic icelle ville : croyant que ſi elle eſtoit miſe entre les mains de ſes ennemis, ce ſeroit la deſtruction totale de ſes marches & païs & de luy auſſi . Et pourtant il enuoya grand partie de ſes meilleurs & plus ſeables capitaines. C'eſt à ſçauoir Bouſſac, & le ſeigneur d'Eu : & avec eux le baſtard d'Orleans cheualier, le ſeigneur de Gaucourt & de Grauille, le ſeigneur de Vilan, Pothon de ſaincte Treille, la Hire, meſſire Theolde de Vualergne, meſſire Loÿs de Vvacourt, & pluſieurs autres treſuaillans hommes renommez en armes, & de grand auctorité : avecques leſquels eſtoient iournellement de douze à quatorze cens combattans, gens d'eſlite bien eſprouuez en armes : ſi aduenoit ſouuent qu'il en auoit l'une fois plus & l'autre moins, car le ſiege ne fut oncques ferme : parquoy iceux aſſiegez ſe pouoient rafreſchir de gens & de viures, & aller en leurs beſongnes quand bon leur ſembloit, & ils auoient volenté de ce faire. Durant lequel ſiege furent faiſtes pluſieurs eſcarmouches, & faillies d'iceux aſſiegez ſur les aſſiegeans : deſquelles racompter chacun à part, luy qui y feit perte ou gaigne, ſeroient trop longues & ennuiables à eſcrire: mais pour les rapports qui m'en ont eſté fais d'aucuns notables des deux parties, n'ay point ſceu que leſdits aſſiegez en toutes icelles faillies feiſſent à leurs ennemis grand dommage, ſinon que par les canons & autres engins iettans de leur ville : deſquels engins à une d'icelles eſcarmouches, il fut occis un treſuaillant cheualier Anglois & renommé en armes, nommé meſſire Lancelot de l'Isle.

Comment vn preſcheur nommé frere Thomas conuertit pluſieurs perſonnes, & abbatit les bobans & atours de femmes en pluſieurs parties.



N ceſt an és parties de Flandres, Tournes, Artois, Cambresis, Ternois, Amiennois, Ponthieu, & és marches enuiron, regna vn preſcheur de l'ordre des Carmes natif de Bretagne, nommé frere Thomas Coneſte: auquel par toutes les bonnes villes & autres lieux où il vouloit faire ſes predications, les nobles bourgeois, & autres notables perſonnages

sonnages des bonnes villes où il estoit, luy faisoient faire és plus beaux lieux & plantureux d'icelles pour faire assemblée, vn grand eschaffault bien planché, tendu & aorné des plus riches draps de tapisseries & autres qu'on pouoit finer. Sur lequel eschaffault estoit préparé vn autel, où il disoit sa Messe accompagné d'aucuns de son ordre, & plusieurs autres ses disciples: dont la plus grand partie le suiuiot de pied, par tout où il alloit, & il cheuauchoit vn petit mulet: & là sur celuy eschaffault apres qu'il auoit dit sa Messe, faisoit ses predications moult longues, en blasfant les vices & pechez d'vn chacun, & par especial le clergé: c'est à sçauoir ceux qui publicquement tenoient femmes en leur compaignie, en enfreignant le veu de chasteté. Et pareillement blasmoit & difamoit tresexcellerement les femmes de noble lignée, & autres de quelque estat qu'elles fussent, portans sur leurs testes haults atours & autres habillemens de parage, ainsi qu'ont accoustumé de porter les nobles femmes és marches & pays dessusdit: desquelles nobles femmes, nulle de quelque estat qu'elle fut à tout iceux atours ne osoit trouuer en sa présence car il auoit accoustumé quand il en veoit aucune, s'esmouuoit apres icelle tous les petis enfans: & les admonnestoit en donnant certains iours de pardon à ceux qui ce faisoient: desquels donner, comme il disoit, auoit la puissance. Et les faisoit crier hault, au hennin, au hennin. Et mesmement quand les dessusdictes femmes de noble lignée se departoient de deuant luy: iceux enfans en continuant leur cry, courroient apres, & de fait vouloient tirer ius lesdits hennins tant qu'il conuenoit qu'icelles femmes se sauassent & missent à sauueté en aucun lieu. Pour lesquels cris & poursuite, s'esmeurent en plusieurs lieux, où ils se faisoient de grans rumeurs & maltalens entre lesdits etians au hennin & les seruiteurs d'icelles dames & damoiselles. Neantmoins ledit frere Thomas continua tant, & feit continuer les cris & blasphemes dessusdits, que toutes les dames & damoiselles & autres femmes portans haults atours, n'alloient plus à ses predications sinon en simple estat & descogneu: ainsi & pareillement que les portent femmes de labeur de petit & pource estat. Et pour lors la plus grand partie d'icelles nobles femmes retournées en leurs propres lieux, ayant grand vergongne des honteuses & iniurieuses paroles, qu'elle auoient ouyes audit preschement, se disposerent à mettre ius leurs atours, & prindrent autres tels ou semblables que portoient femmes de Beguinages: & leur dura ce petit estat aucune petite espace de temps: mais à l'exemple du limaçon: lequel, quand on passe pres de luy, retraict ses cornes par dedans, & quand il n'oyt plus riens les reboute: ainsi feirent icelles, & en assez brief apres que ledit prescheur se fut departy du pays, elles recommencerent comme deuant, & oublierent sa doctrine & reprindrent petit à petit leur viel estat, tel ou plus grand qu'elles n'auoient accoustumé de porter. Pour lesquels estats ainsi mis ius à l'instance & exhortation d'iceluy frere Thomas, & aussi pour ledit blaspheme qu'il disoit communement en special contre tous les gens d'Eglise, il acquist grande amour & renommée de tout le peuple par tous les pays où il alloit: & estoit d'iceux moult honoré & exaucé. Et aussi d'autre part par tous les lieux, où il alloit tant des bones villes comme d'ailleurs: les nobles, le clergé, les bourgeois, & generalmente toutes gens luy faisoient honneur & reuerence, comme on eut peu faire à vn des apostres de nostre seigneur Iesus

Christ, fil fut du ciel descendu sur terre. Iceluy ainsi accompagné de grand multitude de peuple, allant loing aux plains champs au deuant de luy, & de la part les plus notables, tant cheualiers comme autres fils y estoient menez, eux estans à pied & tenans la bride de son mulet iusques à son hostel, qui estoit communement sur le plus riche bourgeois de la ville: & ses disciples dont il en auoit plusieurs, se logeoient en plusieurs lieux des plus honnestes maisons des villes. Si se tenoient pour bien eureux ceux qui luy ou les siens pouoient auoir à hostes. Et quand ledit frere Thomas estoit (comme dit est) à son logis, il se tenoit en vne chambre moult solitairement, sans vouloir souffrir que nulle personne eust repaire auecques luy sinon assez pou, fors tant seulement de sa famille. Et apres qu'il auoit fait ses predications vers la fin, il admonnestoit moult instamment tant sur damnation d'ame, comme sur peine de excommuniement, que toutes gens qui auoient en leurs maisons tabliers, eschiquiers, quarrés, quilles, dez & autres instrumens, dont on pouoit iouer à quelque ieu de plaissance les apportassent à luy. Et pareillement contraignoit lesdictes femmes qu'elles y apportassent leurs hennins: & là deuant son eschaffault il faisoit allumer grans feux & bouter tout dedans les choses dessusdictes. Si regna en iceluy pays par l'espace de cinq ou six mois: & fut en plusieurs notables citez cōme Cambray, Tournay, Arras, Amiens, & Theroüenne, où il feit (comme dit est) plusieurs predications, à la louenge du menu peuple, auxquelles s'assembloient aucunesfoi seize ou vingt mille personnes. Et faisoit mettre les hommes d'un costé & les femmes de l'autre, & tendre vne corde entre deux: pource qu'il disoit auoir veu entre eux aucune faulseté, en faisant lesdictes predications. Pour lesquelles faire, il ne prenoit point d'argent, & ne souffroit qu'on le pourchassast ainsi que on souloit faire aucuns autres prescheurs: mais il estoit assez content qu'on luy donnast aucuns riches aornemens d'Eglise, & qu'on reuestist ses disciples & payast les despens: de laquelle chose faire on en estoit tout ioyeux. Et pour parfaicte perfection & esperance, que plusieurs notables personnes pensoient en luy, cuidant qu'il fut homme prudent & de sainte vie, se meirent à le seruir par tout où il alloit. Et en laisserent plusieurs pource faire pere & mere, femmes enfans, & tous leurs prochains amis. Entre lesquels le poursuiuit & accompagna par longue espace le seigneur d'Antony & aucuns autres nobles. Apres lequel temps sans auoir esté en nul d'iceux pays redargué ne corrigé par aucuns clerics, se departit à la grande louenge du peuple, & au contraire l'indignation de plusieurs gens d'Eglise. Et s'en alla monter sur mer au port saint Vvalery pour s'en aller en Bretagne dont il estoit né.

Comment grans tournoyemens se feirent en la ville de Bruxelles.



En ces mesmes iours le Duc de Bourgogne alla tresgrâdemement accompagné des seigneurs de ses pays en la ville de Bruxelles, pour estre à vn tournoyement, qui là deuoit estre fait le iour des Karesmeaux: duquel tournoyement estoit le chief le fils du Damoisel de Gazebeque: c'est à sçauoir de donner le pris. Auquel lieu le Duc de Bourgogne fut honnorablement receu & festoyé du Duc Philippe de Brabant son cousin germain, & des autres seigneurs du pays, & aussi de ceux de la ville de Bruxelles.

xelles. Et quand ce vint au iour, que le tournoyement se deuoit faire, les deux Ducs dessusdits furent partis l'un contre l'autre: & pareillement grand partie de leurs gens par l'aduis & deliberation d'aucuns sages de leurs conseils & de leurs officiers d'armes, affin d'escheuer toutes rigueurs qui en pourroient aduenir. Et furent ce iour tant d'un costé comme d'autre, de sept à huiet vingts heaumes sur la place. C'est à sçauoir sur le marché de Bruxelles. Et estoit grand noblesse de les veoir, car ils estoient tous moult richement habillez & parez de leurs armes. Et quand ce vint que lesdits officiers d'armes eurent faits les cris en ces cas accoustumez, ils se ferirent de grande volonté l'un parmy l'autre, & y eut maint riche coup feru entre icelles parties: & en fin fut le pris donné à vn gentil-homme de Brabant nommé Iean Linqart. Et le lendemain & second iour furent faictes grans ioustes: entre lesquels pour le premier iour emporta le pris le Duc de Brabant, & pour le second le seigneur de Marnines. Et quand aux dāces & banquets il en y eut fait en tresgrand abondance, & y auoit largement dames & damoiselles moult richement parées selon l'estat du païs. Et au regard des mōmeries tant d'hommes comme de femmes, il en y auoit largement, durant laquelle feste, fut baillée l'espée au seigneur de Croÿ chevalier du Duc de Bourgogne: le quel par le conseil fait de rechief crier vn autre tournoyement à vn certain iour ensuiuant, pour estre assemblée & fourny en la ville de Mons en Hainault lequel pour certaines occupations qui suruindrent dedans ledit iour, ne se fait point. Et apres que le dessusdit Duc de Bourgogne eut seiourné dedans icelle ville de Bruxelles quatre ou cinq iours, il s'en retourna en son païs de Flandres: nonobstant que durant le temps dessusdit il faisoit trefdiuers tēps tant de neiges comme gelées, & les autres seigneurs se retrahirent és lieux, dont ils estoient venuz.

Comment le Comte de Namur trespassa, & fut le Duc de Bourgogne son heritier.



Tem en l'an dessusdit rendit son esprit à Dieu le Comte de Namur, qui auoit grand aage: lequel des auant sa mort auoit vendu au Duc de Bourgogne la Comté de Namur, & ses appartenances. Apres la mort duquel ledit Duc se trahist en iceluy païs, pour auoir la possession des bonnes villes & forteresses d'icelle Comté: lesquelles sans contredit luy feirent plaine deliuration: & fut lors par ledit Duc par tout commis gouuerneurs & capitaines, tels que bon luy sembla. Pour lequel voisinage les Liegeois marchissans à icelle seigneurie de Namur, n'en furent gueres ioyeux: ains leur vint à desplaisir, doubtrāns la puissance d'iceluy Duc: duquel long temps par auant de luy ne de ses deuanciers n'aimoient point la seigneurie: pour ce que le Duc Iean son pere & le Duc Guillaume son oncle les auoient autresfois vaincuz & subiuguez, comme en autre lieu par auant plus aplain dessus est declairé. Si tenoiēt lors en leurs mains iceux Liegeois, vne forte tour située assez pres de Bouuines: laquelle, comme on disoit, estoit de la seigneurie de Namur: & la desiroit ledit Duc de Bourgogne à l'auoir en ses mains, mais lesdits Liegeois estoient à ce opposans & contraires, pourquoy des lors se commencerent entre icelles parties aucunes rumeurs & haynes: dont à l'occasion d'icelles, ledit Duc de Bourgogne retourna en son païs, & feit secrettement assembler certain

nombre de gens d'armes : lesquels il enuoya sous la conduite de messire Jean Blondel & Gerard bastard de Brimeu vers le dessusdit pays de Liege, pour prendre d'emblée ladicte tour de Mont-Orueil. Et eux venus assez pres d'icelle, en eux preparans pour dresser leurs eschelles, furent apperceuz & desconfits de ceux qui estoient dedans: pourquoy sans autre chose faire, s'en retournerent en leurs pays: & lesdits Liegeois firent leurs gardes plus que par auant n'auoient fait, & concurrent de plus en plus grand haine contre ledit Duc de Bourgongne. Item durant le temps que les Anglois tenoient leur siege deuant la noble cite d'Orleans (comme dit est) estoit le Roy Charles tresfort au dessous: & l'auoient au peuples laisse comme abandonné la plus grand partie de ses Princes, & autres des plus nobles seigneurs, voyant que de toutes pars les besongnes luy venoient au contraire. Neantmoins il auoit tousiours bonne affection & esperance en Dieu, desirant de tout son cuer à auoir traité de paix avecques le Duc de Bourgongne: le quel par ses ambassadeurs il auoit requis par plusieurs fois, mais encores ne l'y estoit peu moyen trouue, qui fut au gré des parties.

Comment les Anglois allans au secours du siege d'Orleans rencontrerent les Francois qui les assaillirent.

EN ces iours le Duc de Bethfort Regent estant à Paris feit assembler tant des marches de Normandie comme de l'Isle de France, & à l'environ, de quatre à cinq cés que chars que charrettes: lesquelles avecques la diligence de plusieurs marchas furent chargées de viures, artilleries & autres marchandises, pour mener deuers les dessusdits Anglois, qui estoient au siege d'Orleans. Et apres que ledit charroy & autres besongnes furent prestes, tout fut baillé à conduire à messire Jean Fascot grand maistre d'hôtel dudit Duc de Bethfort: avecques lequel furent commis le Preuost de Paris nommé Simon Mathieu, le bastard de Thian cheualier Baillif de Senlis, le Preuost de Melun & plusieurs autres officiers des marches de l'Isle de France & d'environ, accompagnez de seize cens combattans & bié mille communs: à tout lesquels se departit ledit Fascot de Paris le iour des cendres, & conduit par plusieurs iournées ledit Charroy & ses gens en bonne ordonnance, iusques environ à vn village nommé Rouroy en Beaulle, seant entre Genuille & Orleans. Auquel lieu estoient assemblez pour les combattre plusieurs capitaines Francois, qui long temps par auant sçauoient assez bien leur venue: c'est à sçauoir Charles Duc de Bourbon, les deux Marechaux de France: le Connestable d'Escoce & son fils, le seigneur de la Tour, le seigneur de Chauigny, le seigneur de Grauille, messire Guillaume d'Albreth, le Viconte de Thouas, le bastard d'Orleans, messire Jacques de Chabannes, le seigneur de la Fayette, Pothon de sainte Treille, Estienne de Vignolles autrement appelé la Hire, messire Theolde de Valeperghe, & plusieurs autres nobles hommes, qui tous ensemble auoient de trois à quatre mille combattans: desquels lesdits Anglois sçauoient bien l'assemblée par aucuns de leurs gens des garnisons, qu'ils auoient bien audit pays. Et pourtant en bien grand diligence firent de leur charroy vn grand parc en plain champ, auxquels ils laisserent deux issues ouuertes: & se meirēt tous ensemble dedans iceluy: c'est à sçauoir les archiers gardans icelles entrées, & les hommes

hommes d'armes assez près és lieux necessaires. Et à l'un des costez au plusfort lez, estoient les marchans, charretons, paiges & autres gens de petite deffence, avecques tous les cheuaux: lesquels Anglois en cest estat attendirent bien deux heures leurs ennemis: lesquels en grand bruit se vindrent mettre en bataille deuant ledit parc hors du trait. Et leur sembloit, attendu le moleste & le grand nombre qu'ils estoient, & qu'ils n'auoient à faire qu'à gens de plusieurs terres: & n'y auoit que de cinq à six cens Anglois de la nation d'Angleterre, qui ne pouoient eschapper de leurs mains & seroient tantost vaincus: Neantmoins les aucuns faisoient grand doubte que le contraire ne leur aduint, pource que les capitaines d'eux François ne se concordoient point bien ensemble: car les vns & par especial les Escosçois vouloient combattre & batailler à pied, & les autres vouloient demourer à cheual. Et adonc Charles de Bourbon fut fait cheualier du seigneur de la Fayette, & aucuns autres. Et entre tant ledit Connestable d'Escoce & son fils se meirent à pied, & avecques eux toutes leurs gens. Si allerent en assez brief terme les vns à pied, les autres à cheual enuahir & combattre leurs aduersaires & ennemis, desquels ils furent receuz trespourageusement. Et commencerent les archiers Anglois, qui estoient tresbien targez de leurdit charroy à tirer trespoidement, duquel trait de pleine venue & rencontre, firent rebouter arriere d'eux ceux de cheual, avecques les hommes d'armes. Et lors à l'une de leurs entrées se combattirent ledit Connestable d'Escoce, & ses gens, qui en brief comprendre, furent descohits & morts en la place. Et fut mort messire Jean Estouart, avecques lequel furent morts son fils Messire Guillaume d'Albreth seigneur d'Orual, le seigneur de Chasteau Brun, le seigneur de Mont-Pipel, messire Jean Larigot, le seigneur de Verduisant, le seigneur Diuray, le seigneur de la Greüe, messire Anthoine de Puilly & bien six vingts gentils-hommes & autres iusques au nombre de cinq ou six cens combattans: desquels la plus grand partie estoient Escosçois: & les autres capitaines dessusdits à tout leurs gens se departirent, & s'en r'allerent és parties dont ils estoient venus. Et les dessusdits Anglois qui pour lors estoient aduersaires & ennemis des François (comme ils auoient accoustumé) se rafreschirent & se retrahirent ceste nuit le plustost & le plus diligemment comme faire le peurent en leurdicte ville de Rouuray. Et le lendemain ensuiuant s'en partirent & s'en retournerent les dessusdits Anglois en moult bonne ordonnance à tout leur charroy & leur artillerie, comme brigandines, heaulmes, arbalestres, bastons à feu & plusieurs autres armeures, qu'il fault à gens de guerre par aucuns pou de iours deuant ladicte ville & noble cité d'Orleans moult ioyeusement, tant pour la bonne fortune qu'ils auoient eüe, comme pour les viures qu'ils leurs menoient. Si fut la journée dessusdicte, depuis ce iour en auant en langage commun appellée la bataille des harencs: & la cause de ce nom, si fut, pource que grand partie du charroy desdits Anglois estoient chargez de harencs, & autres viures de Karesme. Pour laquelle male aduenture ainsi aduenue, Charles eut au cuer grand tristesse, voyant de toutes parts ses besongnes venir au contraire & perfeuerer de mal en pis: la dessusdicte bataille de Rouuray fut faicte la nuit des brandons enuiron trois heures apres minuit. Et ny eut mort de la partie des Anglois de gens de nom, qu'un seul homme nom-

mé Bresanteau, nepueu de messire Simon Morbier Preuost de Paris. Et y furent faits cheualiers de la partie des Anglois Galloy d'Aunoy seigneur d'Oruille, le grand Raoulin, & Loys de Luxu Sauoyen. Et pouoient estre les dessusdits Anglois enuiron dix sept cens combattans, de bonne estoife sans les communes. Et, comme dit est dessus, les François estoient bien de trois à quatre mille. Et furent faits cheualiers avecques ledit Charles de Bourbon le seigneur de chasteau Brun, & plusieurs autres : & n'y eut pour ce iour prins qu'un prisonnier qui estoit Escossois.

Comment vne pucelle nommée Ieanne vint deuers le Roy Charles à Chinon, où il se tenoit : & comment ledit Roy Charles la retint avecques luy.

EN l'an dessusdit vint deuers le Roy Charles de France à Chinon, où il se tenoit, vne pucelle ieune fille aagée de vingt ans ou enuiron, nommée Ieanne, laquelle estoit vestue & habillée en guise d'homme; & estoit née des parties entre Bourgongne & Lorraine, d'une ville nommée Droimy, assez pres de Vaucoulour : laquelle pucelle Ieanne fut grand espace de temps chambriere en vne hostellerie, & estoit hardie de cheuaucher cheuaux & les mener boire, & aussi de faire appertises & autres habilités, que ieunes filles n'ont point accoustumé de faire. Et fut mise à voye & enuoyée deuers le Roy par un cheualier nommé messire Robert de Baudrencourt, capitaine de par le Roy de Vaucoulour, lequel luy bailla cheuaux & quatre ou six compagnons. Si se disoit estre pucelle inspirée de la grace diuine, & qu'elle estoit enuoyée deuers iceluy Roy pour le remettre en la possession de son Royaume, dont il estoit enchaîné & debouté à tort, si estoit en assez pouure estat. Si fut enuiron deux mois en l'hostel du Roy dessusdit : lequel par plusieurs fois elle admonnestoit par ses parolles, qu'il luy baillast gens & ayde, & elle rebouteroit ses ennemis & exaulceroit sa seigneurie. Durant lequel temps le Roy & son conseil ne adioustoient point grand foy à elle, ne à chose qu'elle sceust dire : & la tenoit on cōme vne folle desuoyée de sa santé : car à si grans Princes & autres nobles homes telles ou pareilles parolles sont moult doubtables & perilleuses à croire, tant pour l'ire de nostre seigneur, principalement comme pour le blaspHEME qu'on pourroit auoir des parlers du monde : neantmoins apres qu'elle eut esté en l'estat que dit est, un espace elle fut aydée : & luy furent baillez gens & habillemens de guerre, & esleua un estandard où elle feit peindre la representation de nostre createur. Si estoient toutes ses parolles du nom de Dieu : pourquoy grand partie de ceux qui la veoient & oyoient parler, auoient grand credence & variation qu'elle fut inspirée de Dieu, comme elle se disoit estre. Et fut par plusieurs fois examinée de notables clerks & autres sages hommes de grand auctorité, affin de sçauoir plus à plain son intention : mais tousiours elle se tenoit en son propos, disant que se le Roy la vouloit croire, elle le remettrait en sa seigneurie : & depuis ce temps feit aucunes besongnes dont elle acquist grande renommée desquelles sera cy apres declairé. Et lors qu'elle vint deuers le Roy y estoit le Duc d'Alençon, le Marechal du Roy & autres plusieurs capitaines : car le Roy auoit tenu grand conseil pour le fait du siege d'Orleans, & de là alla à Poictiers & icelle pucelle avecques luy. Et brief ensuiuant fut ordonné, que

que ledit Marechal meneroit viures & autres besongnes necessaires audit lieu d'Orleans à puissance. Si voulut Jeane la pucelle aller avec, & feit requeste qu'on luy baillast harnois pour soy armer & habiller, lequel luy fut baillé. Et tost apres leva son estandart & alla à Bloys, où l'assemblée se faisoit: & de là à Orleans avecques les autres, si estoit tousiours armée de plain harnois. Et en ce mesme voyage se meirent plusieurs gens de guerre sous elle. Et quand elle fut venue en icelle cité d'Orleans, on luy feit tresgrand chere, & furent moult de gens resioiuis de sa venue, si comme vous orrez plus à plain bien briefvement.

De l'an mille cccc. xxix.

Comment de par le Roy Charles & ceux de la ville d'Orleans, vindrent ambassadeurs 1429. en la cité de Paris, pour faire traité au Duc de Bethfort: affin que ladicte ville d'Orleans demourast paisible.



V commencement de cest an le Duc de Bourgongne accompagné de six cens cheuaucheurs ou environ, alla à Paris deuers le Duc de Bethfort: duquel il fut assez ioyeusement receu, & aussi de sa seur femme dudit Duc: auquel lieu en assez brief temps vindrent Pothon de sainte Treille, Pierre Dorgin, & aucuns autres nobles ambassadeurs enuoyez de par Charles Roy de France, & ceux de la ville & cité d'Orleans, qui moult fort estoient molestez & contrains par le siege, que les Anglois leurs aduersaires & ennemis y tenoient duquel est faicte mention: affin de traiter avecques le Duc de Bethfort & le conseil du Roy Henry d'Angleterre, que icelle ville d'Orleans, ainsi oppressée, demourast paisible, & qu'elle fut mise & baillée es mains du Duc de Bourgongne pour y mettre gouverneur à son plaisir, & la tenir comme neutre. Consideré aussi que le Duc d'Orleans & son frere le Comte d'Angoulesme, qui estoient droicturiers seigneurs de long temps parauant, estoient prisonniers en Angleterre, si n'estoient point de ladicte guerre. Sur laquelle requeste le dessusdit Duc de Bethfort assembla par plusieurs fois son conseil, pour sur ce auoir aduis & deliberation: lequel conseil quand à ce ne peust cōcorder. Et fut la cause pource que plusieurs remonstrerent audit Duc de Bethfort les grans fraiz & despens, que le Roy Henry auoit soustenus à l'occasion dudit siege, & avecques ce auoit perdu de ses meilleurs hommes de guerre. Disans en outre, qu'elle ne pouoit longuement durer sans estre subiuguée: & qu'ils estoient moult & en grand danger, & que c'estoit vne des villes du Royaume qui leur estoit plus prouffitabile à auoir pour plusieurs raisons, qu'ils y mettoient. D'autre part les autres n'estoient point contents, que elle fut mise es mains du Duc de Bourgongne: & disoient qu'il n'estoit point raison, que le Roy Henry & ses vassaux en eussent eu les peines & soustenu les mises, & iceluy Duc de Bourgongne en auoit les honneurs & les prouffits sans coup ferir. Et mesmement fut dit d'un nommé maistre Raoul le Saige, qu'il ne seroit ja en lieu où on le machast audit Duc de Bourgongne & il l'aualeroit. Et finalement apres que ladicte besongne eut esté de plusieurs debattue & examinée, il fut conclud que iceux Orleanois ne seroient pas receuz, s'ils ne traictoient & rendoient leur ville aux Anglois: & pourtant les dessusdits am-

baſſadeurs ceſte preſente reſponce ouye, dirent que de ce ils n'eſtoient point chargez, & qu'ils ſçauoient bien que leſdits Orleannois ſouffriroient moult de griets auant qu'ils ſe meiſſent en l'obeiſſance & ſubiection deſdits Anglois. Apres lelquelles conſolutions, les deſſusdits ambaffadeurs ſe departirent & retour nerent dedans ladiſte cit   & noble ville d'Orleans: auquel lieu ils rendirent la reſponce de leurdiſte ambaffade: toutesfois le Duc de Bourgongne ſe tint af ſez content d'eux, touchant l'eſtat de ſes beſongnes deſſusdiſtes: & eſtoit bien content au cas qu'il pleuſt au Roy Henry &    ſon conſeil de prendre le gouuernement de la deſſusdiſte cit   & ville d'Orleans, tant de pour l'amour de ſon beau couſin ledit Duc d'Orleans, comme pour eſcheuer les aduentures qui en pour roient aduenir: mais alors iceux Anglois en grande proſperit  , qui n'auoient point conſideration que la rou   de fortune euſt eu puiffance de tourner contre eux. Et jaoit ce qu'en iceluy voyage ledit Duc de Bourgongne ſeit    ſon beau frere le Duc de Bethfort pluſieurs requeſtes, tant pour luy c  me pour ſes gens: neantmoins luy en furent aſſez peu accord  es: & apres qu'il eut ſeiourn   en la noble & royalle ville de Paris enuiron trois ſepmaines, il ſen retourna en ſon pa  ys de Flandres, o   il fut moult oppreſſ   de maladie. Mais par la diligence de bons medecins il recouura ſant  .

Comment la pucelle Ieanne    pluſieurs nobles capitaines Francois    de grand renom r'afreſchirent la noble ville    cit   d'Orleans de viures    de gens d'armes:    depuis leuerent le ſiege.

Etem apres que les capitaines des Anglois deſſusdits avec leurs gens, eurent par l'eſpace de ſept mois ou enuiron continu   leur ſiege entour ladiſte ville & noble cit   d'Orleans: & icelle moult oppreſſ  e & trauaill  e, tant par leurs engins comme par les fortifications, baſtilles & fortereffes qu'ils y auoient faiſtes en pluſieurs lieux, iuſques au nombre de ſoixante: les aſſiegez voyans que par icelle continuation eſtoient en peril & danger d'eſtre mis en ſeruitude, & obeiſſance de leurs ennemis. Si conclur  t & diſpoſerent tous enſemble de    reſiſter de tout leur pouoir, & auſſi de y reme dier par toutes les voyes & manieres que faire ſe pourtoient. Si enuoyerent de uers le Roy Charles, affin d'auoir ayde de gens & de viures: ſi leur fut enuoy   de quatre    cinq cens combattans ou enuiron, & depuis en vindrent bien enuiron ſept mille avecques aucuns viures, qui eſtoient en vaiſſeaux conduits par iceux gens d'armes parmy l'eau   de la riu  re de Loire: & avecques eux vint Ieanne la pucelle, dont deſſus eſt faiſte mention, & iuſques    ce iour auoit fait encores peu de choſe, dont il fut grand renomm  e. Et lors ceux de l'oſt ſ'efforcèrent de conquerre les deſſusdits viures: mais ils furent bien deffendus par ladiſte pucelle, & ceux qui eſtoient avecques elle, & furent mis    ſauuet  : dont ceux de ladiſte ville firent bonne chiere, & furent moult fort ioyeux tant pour la venue d'icelle pucelle, comme pour les viures deſſusdits. Et le lendemain qui fut le ieudy, Ieanne la pucelle ſe leua aſſez matin, & en parlant    pluſieurs capitaines de la ville & autres gens de guerre, les induiſt & admoneſta moult fort par ſes parolles, qu'ils ſ'armaſſent & la ſuiuiſſent: car elle vouloit aller (ſe diſoit elle) ſur les ennemis: diſant en outre, que bien ſçauoit ſans faulte

faulte qu'ils seroient vaincus. Lesquels capitaines & autres gens de guerre estoient tous esmerueillez de ses paroles, dont la plus grand partie se meit en armes, & s'en allerent avecques elle assaillir la bastille de saint Loup, qui estoit moult forte, & auoit dedans de trois à quatre cens Anglois ou enuiron : lesquels assez tost furent conquis & morts, & prins & mis à grand meschef, & ladicte fortification fut toute demolie & mise en feu & en flambe. Si s'en retourna ladicte pucelle Ieanne à rour ses gens d'armes & nobles cheualiers, que elle auoit menez avecques elle dedans la noble ville & cité d'Orleans, où elle fut moult grandement & de toutes gens honorée & festoyée. Et le lendemain ensuiuant qui fut le vendredy issit ladicte pucelle Ieanne de rechef hors de la ville à tout certain nombre de combattans : & alla assaillir la seconde bastille plaine d'Anglois, laquelle pareillement (comme la premiere) fut gaignée & vaincue, & ceux de dedans morts & mis à l'espée. Et apres ce que la dessusdictie pucelle Ieanne eut fait ardoir & embrazer icelle seconde bastille, elle s'en retourna dedans ladicte villè d'Orleans, où elle fut plus que deuant exaulcée & honorée de tous les habitans d'icelle. Et le samedi ensuiuant assaillirent par grande vaillance & de grand voulenté la tresforte bastille & forteresse du bout du pont, qui estoit tresforte merueilleusemēt & puissamment ediffiée, & si estoit dedans la fleur des meilleurs gens de guerre d'Angleterre & droictes gens d'armes : lesquels moult longuement & prudemment se debattirent, mais ce ne leur valut guerres : car par viue force & proesse de combattre, furent prins & conquis & la greigneur partie mis à l'espée : desquels y fut occis vn tresrenommé & vaillant capitaine Anglois, appellé Clafendas : & avecques luy le seigneur de Moulins, le Bailly d'Eureux, & plusieurs autres nobles hommes de guerre de grand & de moult riche estat. Apres laquelle conqueste retournerent dedans ladicte ville Ieanne la pucelle, & les nobles & renommez François à petite perte de leurs gens. Et nonobstant qu'à ces trois assaulx, la dessusdictie pucelle Ieanne la commune renommée dit, en auoir esté la conducteresse : neantmoins si y estoient tous les nobles cheualiers & capitaines, ou aumoins la plusgrand partie, qui durant ledit siege auoient esté dedans ladicte ville & cité d'Orleans : desquels par dessus est faicte mention aux deuant-dits assaux. Et sy gouvernerent chacun endroit soy si vaillamment, comme gens de guerre deuoient faire en tel cas : tellement qu'en ces trois bastilles furent que morts que prins de six à huit mille combattans : & les François ne perdirent qu'environ cent hommes de tous estats. Le dimenche ensuiuant les capitaines des Anglois : c'est à sçauoir le Comte de Suffort, Thalebote, le seigneur d'Escalles : & aucuns autres voyant la prinse de leurs bastilles, & aussi la destruction & desconfiture de leurs gens, prindrent ensemble conclusion & delibererent, qu'ils s'assembleroient & mettroient tous en vne bataille seulle, en delaisant leur logis & fortification, & en cas qu'ils les vouldroient combattre & batailler, ils les attendoient : où sinon ils se departiroient, & s'en retourneroient en bonne ordonnance és bonnes villes & forteresses de leur party. Laquelle conclusion ainsi qu'ils auoient aduisée ils entretindrent : car ce dimenche des le matin ils abandonnerent toutes leurs autres bastilles, & en boutant le feu en aucuns pays, se remeirent en bataille, comme dit est : ils se tindrent as-

sez bonne espace attendans, que les François les allaissent combattre & assaillir, lesquels François n'eurent talent de ce faire par l'exhortation de ladicte pucelle Jeanne. Et adonques les Anglois qui veoient leur puissance mallement affoiblie, & trop diminuée: & aussi qu'il estoit impossible de là plus demourer, se pis n'y vouloient faire. Si se meirent à chemin & s'en retournerent en ordonnance es villes, places, & forteresses tenans leur party. Si feirent lors par toute la noble ville d'Orleans grand ioye & moult grans esbaudissemens, quand ils se veirent & cogneurent ainsi estre deliurez de leurs faux aduersaires & ennemis, & le remanant en aller à leur confusion, lesquels par longue espace de temps les auoient longuement tenuz en danger. Si furent enuoyez plusieurs nobles gens de guerre dedans icelles bastilles & forteresses, où ils trouuerent aucuns viures & trespargement d'autres biens, qui tantost par eux furent portez à sauueté si en feirent bonne chere: car ils ne leur auoient riens cousté: & lesdictes bastilles & forteresses furent prestement arses & demolies iusques en terre, afin que nulles gens de guerre, de quelconque païs qu'ils fussent ne fy peussent plus loger.

Comment le Roy de France à la requeste de la Pucelle Jeanne & des autres nobles capitaines estans en la ville d'Orleans, leur enuoya grand quantité de gensd'armes pour aller sur ses aduersaires & ennemis.

EN ce temps les François estans en ladicte ville d'Orleans: c'est à scauoir les capitaines avecques Jeanne la Pucelle tous d'un commun accord, enuoyerent leurs messaiges deuers le Roy de France par plusieurs, luy raconter les vigoureuses besongnes qu'ils auoient faictes: & comment les Anglois ses ennemis festoient departis & retournez en leurs garnisons. Iceluy Roy admonnestans que sans delay leur enuoyast le plus de gens de guerre qu'il pourroit finer avecques aucuns grans seigneurs, affin qu'ils peussent poursuivre leurs ennemis: lesquels estoient tous esfroyez pour la perte qu'ils auoient faicte, & aussi que luy mesmes en sa propre personne, se tirast auant en la marche: lesquelles nouuelles furent exaulcées, ce fut bien raison, & furent au Roy & à son conseil moult fort plaisantes. Si furent incontinent mandez à venir deuers luy le Connestable; le Duc d'Alençon, Charles seigneur d'Albreth & plusieurs autres moult nobles & grans seigneurs, & de grand renom: desquels la plus grand partie fut enuoyée à ladicte ville de Orleans. Et d'autre part certaine espace de temps apres, le Roy se retrahit à Gien: & avecques luy, trespgrand nombre de combattans. Et iceux capitaines qui par auant estoient à ladicte ville d'Orleans, & les nobles Princes & grans seigneurs qui nouuellement y estoient venuz, tindrent grans conseils tous ensemble l'un avecques l'autre, pour auoir aduis & deliberation s'ils poursuueroient les Anglois leurs aduersaires & ennemis, esquels conseils estoit premiere appellée Jeanne la Pucelle, qui pour ce temps estoit en grand regne. Finalement les François enuiron le quatriesme iour du mois de May, dont le siege auoit esté leué à l'entrée d'iceluy mois, se meirent sur les champs iusques au nombre de cinq ou six mille combattans, à tout charroy & habillemens de guerre, & prindrent leurs chemins droit vers Largueaux, où estoit le

Comte

Comte de Suffort & ses freres, qui ja par auant auoient enuoyez plusieurs messaiges à Paris deuers le Duc de Bethfort, luy noncer la perte de la malle aduanture qui leur estoit aduenue deuant Orleans, en luy requerant que brief leur voulsist enuoyer secours, ou autrement ils estoient en peril d'estre reboutez & de perdre plusieurs villes & forteresses, qu'ils tenoient au païs de Beaufse & sur la riuere de Loire : lequel Duc de Bethfort oyant ses nouuelles, fut moult ennuyant & desplaisant : neantmoins luy considerant qu'il conuenoit pourueoir aux choses plus necessaires, manda hastiuement gens de tous païs, estans en son obeissance, & en fait assembler de quatre à cinq mille : lesquels il feit mettre à chemin & tirer droit vers le païs d'Orleans sous la conduicte de messire Thomas de Rampston, du bastard de Thian, & plusieurs autres : auxquels il promet que brief ensuiuant il iroit apres eux à tout plus grand puïssance qu'il auoit mandée en Angleterre.

Comment la Pucelle Jeanne & le Connestable de France, & le Duc d'Alençon & leurs routes conquerent la ville de Iargueaux : & la bataille de Patay, où les nobles François desconfirent les Anglois.



R est verité que le Connestable de France, le Duc d'Alençon, Jeanne la Pucelle & les autres capitaines François estans tous ensemble sur les champs, comme il est dit dessus, cheuaucherent tant par aucunes iournées qu'ils vindrent deuant Iargueaux, où estoit le desfusdit Comte de Suffort, & de trois à quatre cens de ses gens avecques les habitants de la ville, qui tantost en toute diligence se meirent en ordonnance de desfence : mais en brief ils furent assez tost enuironnez de toutes parts desdits François : & de fait les commencerent en plusieurs lieux à assaillir moult roidement : lequel assaut dura assez bonne espace terrible & moult merueilleux, toutesfois iceux François continuerent si asprement audit assaut, que malgré leurs aduersaires par force d'armes entrerent dedans ladicte ville, & par prouesses les conquerent : à laquelle entrée furent occis enuiron trois cens combattans Anglois, desquels fut l'un d'iceux des freres du Comte de Suffort : lequel Comte avecques luy son autre frere, le seigneur de la Poulle furent faits prisonniers, & de leurs autres gens iusques à soixante hommes ou au dessus. Ainsi doncques ceste ville & chasteau de Iargueaux conquise & subiuguée, comme dit est, lesdits François se rasteschirent dedans icelle tout à leur aise. Et apres eux partans de là allerent à Meung, qui tantost leur feit obeissance : & d'autre part fuirent les Anglois qui tenoient la Ferté Hubert, & se bouterent tous ensemble à Boijency, iusques auquel lieu ils furent chassés & pourfuiuis des François, lesquels se logerent deuant eux en plusieurs lieux, & tousiours Jeanne la Pucelle au front deuant à tout son estandart, & lors par toutes les marches de là enuiron, n'estoit plus grand bruit ne renommée comme il estoit d'elle & de nul autre homme de guerre. Et adonques les plus principaux capitaines Anglois, qui estoient dedans ladicte ville de Boijency voyant par la renommée d'icelle Pucelle fortune estre du tout ainsi tournée contre eux, & que plusieurs villes & forteresses estoient desia mises en l'obeissance de leurs

ennemis, les vns par vaillance d'armes & forces d'assault, & les autres par traictié: & aussi que leurs gens pour la plus grand partie en estoient moult esbahis & espouventez, & ne les trouuoient pas de tel propos de prudence qu'ils auoient accoustumé: ains estoient trefdesirans d'eux retraire sur les marches de Normandie. Si ne sçauoient que faire ne quel conseil eslire: car ils ne sçauoient estre acertenez n'asseurez d'auoir en bref secours. Et pourtant tout considéré les besongnes dessusdictes ils traicterent avec les François, qu'ils s'en iroient à tout leurs biens, saufs leurs corps & leurs vies: par condition qu'ils rendroient la place en l'obeissance du Roy Charles de France, où de ses commis: lequel traicté ainsi fait, lesdits Anglois se departirent prenant leur chemin parmy la Beausse, & tirant vers Paris. Et les François entrerēt ioyeusement dedans Bois-jency ou Boscengy: & prindrent conclusion par l'exhortation de Ieanne la Pucelle, qu'ils iroient au deuant des Anglois, qui des parties vers Paris venoient, pour les combattre comme on leur auoit donné à entendre: laquelle chose estoit veritable. Si se meirent de rechef à plains chāps, & venoient à eux chacun iour gens nouveaux de plusieurs marches. Et furent adonques ordonnez le Connestable, le Marechal de Bouffach, la Hire, Pothon & plusieurs autres capitaines de faire l'auantgarde: & le surplus comme le Duc d'Alençon, le Bastard d'Orleans, le Marechal de Roye estoient conducteurs de la bataille, qui suiuoient assez pres ladicte auantgarde: & pouoient estre de huit à neuf mille combattans. Et fut demandé à Ieanne la Pucelle par aucuns des Princes là estans, quelle chose il estoit de faire, & que bon luy sembloit à ordonner: laquelle Pucelle respondit, qu'elle sçauoit bien pour vray que leurs anciens ennemis les Anglois venoient pour eux combattre: disoit outre qu'au nom de Dieu on alast hardiement cōtre eux, & que sans faillir ils seroient vaincis, & aucuns luy demanderent, où on les trouueroit, & elle leur dit, cheuauché hardiement on aura bon conduict. Et adonques tous les gens d'armes se meirent en bataille, & en bonne ordonnance tirerent leur chemin ayans des plus experts hommes de guerre, montez sur fleur de coursiers allant deuant pour descouurir leurs ennemis iusques au nombre de soixante ou quatre vingts hommes d'armes. Et ainsi par certaine longue espace cheuaucherent & vindrent par vn iour de samedy, à vne grande demie lieüe d'un gros village, nommé Paray, en laquelle marche les dessusdits coureurs François veirent de deuant eux partir vn cerf, lequel adressoit son chemin droit pour aller à la bataille des Anglois, qui ja s'estoient mis tous ensemble: c'est à sçauoir iceux venans de Paris, dont dessus est faicte mention: & les autres qui estoient pattis de Bois-jency, & des marches d'Orleans: pour la venue duquel cerf qui se ferit, comme dit est, parmy icelle bataille fut desdits Anglois esleué vn tresgrand cry: & ne sçauoient pas encores que leurs ennemis feussent si pres d'eux. Pour lequel cry les dessusdits coureurs François furēt acertainez que c'estoient les Anglois: car ils les veirent adonc tout à plain. Et pource renuoyerēt aucuns d'eux vers leurs capitaines pour les aduertir de ce qu'ils auoient trouué: & leur feirent sçauoir que par bonne ordonnance ils cheuauchassent auant, & qu'il estoit heure de besongner. Lesquels prestement se reparerent de tous points, & cheuaucherent bien & hardiement si auant qu'ils apperceurēt l'ost de leurs anciens ennemis: lesquels sachant pareillement la venue des François, se preparerent

rent diligemment pour les combattre, & voulurent descēdre à pied empres vne haye qui estoit assez pres d'eux, affin que par derriere ne peussent estre surprins des François: mais aucuns des capitaines ne furent point de ce bien contens, & dirent qu'ils trouueroient place plus aduantageuse: pourquoy ils se meirent au chemin en tournant le dos à leurs ennemis: & cheuaucherent iusques à vn autre lieu enuiron bien vn demy quart de lieüe ou enuiron, du premier qui estoit assez fort de hayes & de buissons: ouquel pource que les François qui couuoioient iceux moult des pres, mieirent pied à terre & descendirent la plus grand partie de leurs cheuaux. Et alors l'auantgarde des François qui estoient desirās & ardans en courage pout assembler aux Anglois, par ce que depuis peu de temps en ça les auoient assayez & trouuez d'assez meschante deffence, se firent de plains essais dedans iceux Anglois & d'vn hardy courage & grand voulenté, les enuahirent si vigoureulement & tant soubdainement auant qu'ils peussent estre en ordonnance, que mesmement messire Iean Fascoir & le bastard de Thian cheualiers, avecques grand nombre de leurs gens ne se meirent point à pied avecques les autres, ains se departirent enfuyant à plain cours pour sauuer leurs vies. Et entre-temps les autres qui estoient descendus à pied furent tantost de toutes parts enuironnez & combatus par iceux François: car ils n'eurent point loisir d'eux fortifier de poinçons aguisez, par la maniere qu'ils auoient accoustumé de faire. Et pourtant sans ce qu'ils feissent grand domage aux François, ils furent en assez brief terme & legierement ruez ius, descōits & du tout vaincuz. Et y eut morts dessus la place d'iceux Anglois enuiron dixhuiēt cens, & en y eut de prisonniers de cent à six vingts: desquels estoient les principaux les seigneurs d'Escalles, de Thallebot, de Hôgreffort, messire Thomas de Tampleton, & plusieurs autres des plus notables, iusques au nombre dessusdit. Et de ceux qui y furent morts furent les principaux, est à sçauoir & les autres estoient toutes gens de petit estat & moyen, tels & si faits qu'ils ont accoustumé à amener de leur païs mourir en France: apres laquelle besongne qui fut enuiron deux heures apres midy, tous les capitaines François se rassemblerent ensemble en regrant deuotement & humblement leur createur: & menerent grand liesse les vns avecques les autres pour leur victoire & bonne fortune: & se logerent celle nuit en icelle ville de Patay qui est à deux lieües pres d'Anuille en Beaufse, de laquelle ville ceste iournée porte le nom perdurablement: & le lendemain lesdits François retournerent à tout leurs prisonniers, & les riches des Anglois qui morts estoient despoüillez: & ainsi entrerent en la ville d'Orleans, & les autres de leurs gens & marches d'entour & à l'environ, où ils furent grandement receuz de tout le peuple François, & par especial leanne la Pucelle acquist en icelles besongnes si grand louēge, & renommée, qu'il sembloit à toutes gens que les ennemis du Roy n'eussent plus puissance de resister contre elle: & que brief par son moyen le Roy deust estre remis & restably du tout en son Royaume: si s'en alla avec les autres Princes & capitaines deuers le Roy qui de leur retour fut moult resioüy, & fait à tous treshonorable reception. Apres laquelle brief ensuiuant fut prinse par iceluy Roy avecques ceux de son conseil conclusion de mander par tout le païs de son obeissance, le plus de gens de guerre qu'il pourroit finer, affin qu'il se peust bouter auant es marches & poursuirir

ses ennemis. Item à la iournée de la bataille de Patay, auant que les Anglois sceussent la venue de leurs ennemis: messire Jean Fascoi qui estoit vn des principaux capitaines, & qui s'en estoit souü sans coup ferir, s'assembla en conseil avecques les autres, & feit plusieurs remonstrances: c'est à sçauoir comment ils sçauoient la perte de leurs gens, que les François auoient fait deuant Orleans & Iargeaux, & en aucüs autres lieux. Pour lesquelles ils auoient du pire, & estoient leurs gens moult esbahis & effroyez. Et leurs ennemis au contraire estoient moult en orgueil & resingniez: pourquoy il conseilla qu'ils se retrahissent aux chasteaux & lieux tenans son party à l'environ, & qu'ils ne combattissent point leurs ennemis si en haste iusques à ce qu'ils fussent mieüx rassurez: & aussi que leurs gens fussent venus d'Angleterre, que le Regent deuoit enuoyer briefuement: lesquelles remonstrances ne furent point bien agreables à aucuns des capitaines, & par especial à messire Jean de Thallebot: & dit que si ses ennemis venoient qu'il les combattroit. Et par especial comme ledit Fascoi s'en souü de la bataille sans coup ferir, pour ceste cause grandement luy fut reproché quand il vint deuers le Duc de Bethfort son seigneur. Et en conclusion luy fut ostée l'ordre du blanc iaretier, qu'il portoit entour la iambe: mais depuis tât en partie comme pour les dessusdictes remonstrances qu'il auoit faictes, qui sembloient assez raisonnables, comme pour plusieurs autres excusances qu'il meit auät, luy fut depuis par sentence de proces rebaillee ladiete ordre de la iaretiere: iacoit ce qu'il en sourdit grand debat depuis entre iceluy Fascoi & sire Jean de Thallebot, quand il fut retourné d'estre prisonnier de la bataille dessusdictes: à ceste besongne furent faits cheualiers de la partie des François Iaqués de Milly, Gilles de S. Symon, Loys de Marconnay, Jean de la Haye, & plusieurs vaillans hommes.

Comment le Duc de Bourgogne à la requeste du Duc de Bethfort s'en vint à Paris, où de nouuel ils reconfermerent leurs alliances.



ET de rechief en ces iours furent apportées nouuelles au Duc de Bethfort, & au grand conseil du Roy Henry d'Angleterre estant à Paris, de la perte & miserable aduenture & destruction de leurs gens: laquelle leur fut tant ennuyeuse & dure à ouïr dite & raconter, que les aucuns en plain conseil commencerent moult fort à plorer: Et d'autre part furent aduertis comment le Roy Charles à tout sa puissance se cõparoît, & aprestoît pour venir conquerir païs sur eux: pourquoy par le Duc de Bethfort & les Parisiens fut ordonné d'enuoyer vne solennelle ambassade deuers le Duc Phillippe de Bourgogne, affin de luy remonstrer les dessusdictes estranges besongnes: & luy aussi requerre que briefuement il vouldist venir à Paris, pour avec le Regent & le conseil du Roy auoir aduis sur les affaires dessusdits, qui leur estoient suruenus: lesquels ambassadeurs, c'est à sçauoir l'Euesque de Noyon, deux notables Docteurs en Theologie de l'vniuersité, & aucuns des plus puissans bourgeois de Paris vindrent à Hesdin où ils trouuerent ledit Duc de Bourgogne, auquel ils raconterent leur ambassade, en luy requerant tresinstamment de par son beau frere le Regent, & les Parisiens qu'il luy pleust aller à Paris au plustost que faire se pourtoit: pour avec eux auoir deliberation & cõseil, pour

pour resister contre leurs aduersaires. Laquelle requeste iceluy Duc accorda & leur promett qu'en dedans briefs iours, il seroit en ladicte ville de Paris. Et adonc fait assembler de sept à huit cens cōbattans en ses païs d'Arthois & à l'environ: à tout lesquels il alla en ladicte ville de Paris, pour la venue duquel fut faicte grād ioye tant des Parisiens cōme du Duc de Bethfort: & par plusieurs iournées tindrent ensemble de grans conseils sur les affaires dessusdits, en la fin desquels promeirent l'un à l'autre. C'est à sçauoir les Ducs dessusdits que chacun d'eux de toute sa puissance s'emploiroient à resister contre l'intention de Charles de Valois leur aduersaire: & reconfermerent de rechief les alliances & promesses que long temps par auant ils auoient faictes l'un à l'autre. Et apres ces choses faictes & accomplies, le Duc de Bourgogne retourna en son païs d'Arthois, & mena sa sœur la Duchesse de Bethfort avec luy, & la meit demourer & fait tenir en son estat à Lens en Arthois: & ledit Duc de Bethfort manda sans delay en Angleterre, qu'on luy enuoyast gés de guerre les plus experts que l'on pourroit finer: & pareillement fait euoquer toutes les garnisons de Normandie, & d'autres lieux de son obeïssance: & avec tous les nobles, & autres qui auoient accoustumé d'eux armer: duquel païs d'Angleterre ja pieça mandez, furent enuoyez à l'ayde du dessusdit Duc quatre mille combattans ou environ, desquels estoit chief & cōducteur le Cardinal de Vicestre: lequel passa la mer, & s'en vint à Calais, & de là à Amiens: duquel lieu le Cardinal alla à Corbie deuers le Duc de Bourgogne & sa belle niepce la Duchesse de Bethfort: lesquels, comme dit est, venoient de Paris, ou quel lieu de Corbie ils eurent l'un avec l'autre aucunes briefues conclusions: depuis lesquelles s'en retourna ledit Cardinal à Amiens, & de là mena aucuns de ses gens deuers le Duc de Bethfort son nepueu: lequel eut grand ioye de sa venue. En ces iours fut enuoyé Iean Bastard de saint Pol, à tout certain nombre de gens d'armes des marches de Picardie, de par le Duc de Bourgogne vers le Duc de Bethfort. Lequel luy bailla en gouvernement la ville & forteresse de Meaux en Brie, & l'en fait souuerain capitaine pour la garder contre la puissance du Roy Charles, qu'on attendoit chacun iour en iceluy païs.

Comment le Roy Charles de France se meit sur les champs à tout grand foïson de gens d'armes & de cheualiers: ouquel voyage meit en son obeïssance plusieurs villes & chasteaux.



Tem durant le temps dessusdit, Charles Roy de France assemblea à Bourges en Berry tresgrand multitude de gens d'armes & de trait: entre lesquels estoiet le Duc d'Alençon, Charles de Bourbon Comte de Cleremont, & Artus Conestable de France Comte de Richemont, Charles d'Anjou son beau frere & fils au Roy René de Cecile, le bastard d'Orleans, & le Cadeth d'Armignac, Charles seigneur d'Albreth: & plusieurs autres nobles hommes & puissans Barons des Duchez & Comtez d'Acquitaine, de Gascongne, de Puiçtou, de Berry, & plusieurs autres bons païs: avec tous lesquels se meirent sur les champs, & de là vint à Gien sur Loire tousiours Ieanne la Pucelle avec luy & en sa compagnie vn prescheur nommé frere Richard de l'ordre saint Augustin, qui n'agueres auoit esté debouté de la ville de Paris

& d'autres lieux, où il auoit fait plusieurs predications en l'obeïssance desdits Anglois: pource qu'en icelles se monstroït trop plainement estre fauorable, & estre de la partie des François: duquel lieu de Gien print son chemin, en venant vers Auxerre: routesfois le Connestable à tout certain nombre de gens d'armes s'en alla en Normandie deuers Eureux, pour empêcher les garnisons du païs, qu'ils ne se peussent assembler avecques le Duc de Bethfort. Et d'autre part le Cadeth d'Armignac fut renuoyé à garder la Duché d'Aquitaine, & de Bourdelois: auquel chemin iceluy Roy meit en son obeïssance deux petites bonnes villes, qui tenoient le party du Roy Henry: c'est à sçauoir S. Florentin & Largueaux: icelles promettant de faire dorefnauant au dessudit Roy, & à ses commis tout ce que bons loyaux subiects doiuent faire à leur souuerain seigneur: & prenoiēt aussi du Roy seurté & promesse, qu'il les feroit gouuerner & maintenir en bonne iustice & selon leurs anciēnes coustumes, & de là vint audir lieu d'Auxerre: si enuoya sommer ceux de la ville, qu'ils le voulussent recevoir cōme leur naturel & droicturier seigneur, lesquels de ce faire ne furent point contents de plaine venue: neantmoins plusieurs ambassadeurs furent enuoyez d'un costé & d'autre, si fut en la fin traicté fait entre les parties & promeurent iceux de ladicte ville d'Auxerre, qu'ils feroient telle obeïssance au Roy que feroient ceux des villes de Troyes, Chaalons, & Reims: & par ainsi administrerent aux gens du Roy viures & autres denrées pour leur argent, & ils demoureroient paisibles, & les tint le Roy pour excusez pour ceste fois: & de là vint le Roy à Troyes en Champaigne, & se logea tout à l'enuiron: & y fut trois iours auant que ceux de la ville le voulussent receuoir à seigneur: en la fin desquels parmy certaines promesses qui leur furent faictes, ils luy feirent plaine ouuerture, & meirent luy & ses gens dedans leur ville, où il ouït messe: & apres les sermens accoustumez faits d'une parrie aux autres, le dessudit Roy retourna en son logis aux champs: & feit publier par plusieurs fois tant en son ost comme en la ville sur la hart, que homme de quelque estat qu'il fut ne messoit riens à ceux de la ville de Troyes, ne aux autres qui festoient mis en son obeïssance. Et en ce mesme voyage faisoient l'auantgarde les deux Mareſchaux de France: c'est à sçauoir Boullac, & le seigneur de Rais: avecques lesquels estoient la Hire, Pothon de Sainte Treille & aucuns capitaines, durant lequel voyage se rendirent en l'obeïssance d'iceluy Roy Charles tresgrand nombre de bones villes & chasteaux à l'enuiron des marches, où il passoit: desquelles redditions de les declairer chacune à part soy ie m'en passe pour cause de briefueté.

Comment le Roy Charles de France à tout grande & noble cheualerie, & à tout grand nombre de gens d'armes s'en vint en la cité de Reims, où il fut sacré par l'Archeuesque de Reims.



Tem Charles Roy de France, luy estant à Troyes en Champaigne (comme dit est dessus) vindrent deuers luy aucuns deputez de Chaalons en Champaigne, qui luy apportèrent les clefs de leur ville & cité, en luy promettant de par icelle faire toute obeïssance: Apres la venue desquels, ledit Roy vint audir lieu de Chaalons, où il fut benignement & en grand lumilité receu: & là pareillement luy furent apportées les clefs de la ville

ville de Reims, en luy promettant, comme dessus, faire toute obeïssance & le recevoir comme leur souverain seigneur: en laquelle cité de Reims nagueres auoit esté le seigneur de Sauueses de par le Duc de Bourgongne, avec certain nombre de gens d'armes, pour icelle ville tenir en l'obeïssance du Roy Henry & du dessusdit Duc de Bourgongne: lequel seigneur de Sauueses venu à Reims par le gouverneur & grand nombre des habitans, luy fut promis d'eux entretenir du party & en la querelle du Roy Henry, & aussi d'iceluy Duc iusques à la mort: mais nonobstant ce pour la cremeur qu'ils auoient de la Pucelle, qui faisoit de grans merueilles (comme on leur donnoit à entendre) se redirent en l'obeïssance du Roy Charles: iajoit-ce que le seigneur de Chastillô, & le seigneur de Sauueses qui estoient leurs capitaines, leur remontrassent & vouloient donner à entendre le contraire: lesquels deux seigneurs voyans leur voulenté & affection se departirent de ladicte ville de Reims: car en leurs remonstrâces ceux de ladicte ville de Reims n'auoient en riens voulu entendre, & ains leur auoient fait responces dures & assez estrâges. Lesquelles parolles ouïes, iceux seigneurs de Sauueses & de Chastillon retournerent au chasteau Thierry: si auoient deslors iceux de Reims print conclusion l'un avec l'autre de recevoir le dessusdit Roy Charles: laquelle chose ils firent (comme dit est dessus) tant par le moyen de l'Archeuesque de Reims, lequel estoit Chancelier du Roy Charles, comme par aucuns autres: si entra le Roy dedans la ville & cité de Reims le vèdredy sixiesime iour de Iuliet avecques tresgrâd nombre de cheualerie. Et puis le dimanche ensuiuant par ledit Archeuesque consacré & coutonné à Roy dedans ladicte ville & cité de Reims presens les Princes, & Prelats & toute la Baronnie & cheualerie qui là estoit. Là estoient le Duc d'Alençon, le Comte de Cleremont, le seigneur de la Trimouille qui estoit son principal gouverneur, le seigneur de Beaumanoir Breton, le seigneur de Mailly en Touraine: lesquels estoient en habits royaux representans les nobles Pairs de France, qui point n'estoient au fait & noble sacre du Roy, & aussi au noble couronnement dessusdit: si auoient les dessusdits Pairs absens euocquez & appelez deuant le grand autel par le Roy d'armes de France ainsi, & par la maniere qu'il est accoustumé de faire. Apres lequel sacre fait & accomply, le Roy alla dîner en l'hostel episcopal de l'Archeuesque, les seigneurs & prelates en sa compagnie: & se feist à sa table ledit Archeuesque de Reims, & seruirēt le Roy à son dîner le Duc d'Alençon & le Comte de Cleremont, avecques plusieurs autres grans seigneurs: & fait le Roy le iour de son sacre trois cheualliers dedans l'Eglise, desquels le Damoiseau de Cômencis en fut l'un: & à son departement laissa en la cité de Reims pour capitaine Anthoine de Hollande nepueu dudit Archeuesque. Et le lendemain se departit de ladicte ville, & s'en alla en pellerinage à Corbeny, visiter S. Marcou: auquel lieu luy vindrent faire obeïssance ceux de la ville de Laon, si comme auoient fait les autres bonnes villes, & citez dessusdites: duquel lieu de Corbeny ledit Roy alla à Soissons & à Prouuins, qui sans contredit luy firent plaine ouuerture: & constitua lors la Hire nouuel Baillif de Vermandois ou lieu de messire Collart de Mailly, qui par auant y estoit commis & institué de par Henry Roy d'Angleterre. Et apres s'en vint le Roy & ses gens deuant chasteau Thierry, où estoient dedans le seigneur de Chastillon, Jean de Croÿ,

Iean de Brimeu, & aucuns autres nobles grans seigneurs de la partie du Duc de Bourgon que à tout quatre cens combattans ou enuiron: Lesquels tant pource qu'ils sentoient la communauté encliner à faire obeissance au Roy Charles, cōme pource qu'ils n'attendoient mie brief secours: & n'estoient mie pourueuz à leur plaisir, rendirent & restituerent icelle forte ville & chastel en l'obeissance & subiection du Roy Charles, & s'en partirent sauuemēt & sans aucun destourbier, où empeschement à tout leurs biens. Si s'en allerent à Paris deuers le Duc de Bethfort, qui lors faisoit moult grand assemblée de gens d'armes, pour aller combattre le Roy Charles & sa puissance.

Comment le Duc de Bethfort feit moult grand assemblée de gens d'armes, pour aller combattre le Roy Charles. Et comment il luy enuoya vne lettres.

EN ce mesmes temps le Duc de Bethfort Regent vint à tout dix mille combattans ou enuiron, qu'il auoit assemblez d'Angleterre, de Normandie, & d'aucunes autres marches de Frâce se tira de Roüen, Paris: & de là par plusieurs iournées tédant récontrer le Roy Charles pour à iceluy liurer bataille. Si s'en alla par le pays de Brie à Monstriaucourt: duquel lieu il enuoya ses messagiers & ambassadeurs deuers le dessusdit Roy, portât ses lettres sceelées de son seel, desquelles la teneur s'ensuit. Nous Iean de l'Enclastre Regent & gouverneur de France & Duc de Bethfort: scauoir faisons à vous Charles de Vallois, qui vous souliez nommer Daulphin de Viénois: & maintenant sans cause vous vous dictes Roy, pource que tortionneremēt auez de nouuel entrepris cōtre la Couronne & la seigneurie de treshaut & excellent Prince, & trefrenommé mon souuerain seigneur Henry, par la grace de Dieu vray naturel & droicturier Roy des Royaumes de France & d'Angleterre: par donnant à entendre au simple peuple que venez pour donner paix & seurte, ce qui n'est pas, ne peut estre par les moyēs qu'avez tenus & tenez, qui faictes seduire & abuser le peuple ignorant, & vous aydez plus de gens superstitieux & reprouuez, cōme d'une femme desordonnée & diffamée estant en habit d'homme & gouvernement dissolu: & aussi d'un frere Mendiant apostat & seditieux, cōme nous sommes informez: tous deux selon la sainte escriture abhominables à Dieu, qui par force & puissance d'armes auez occupez au pays de Champaigne & autre part, aucunes citez, villes & chasteaux appartenans à mōdit seigneur le Roy, & les subiects demouroient en icelles contrains & induits à desloyauté & pariuremens, en leur faisant rompre & violer la paix finale des Royaumes de France & d'Angleterre, solennellement iurée par les Roys de France & d'Angleterre, qui lors viuoient: & les grans seigneurs Pairs, Prelats, Barons, & les trois estats de ce Royaume. Nous pour garder & deffendre le vray droit de mōdit seigneur le Roy, & vous & vostre puissance rebouter hors de ses pays & seigneuries à l'ayde du tout puissant: nous sommes mis sus & tenons les champs en nostre personne, & en la puissance que Dieu nous a donné: & cōme bien auez sceu & scauez vous auons poursuits & poursuiuons de lieu en lieu pour vous cuider trouuer ou rencontrer, ce que n'auōs encores peu faire, pour les aduertissemēs qu'avez faits & faictes pour nous, qui de tout nostre cueur, desirons l'abregement de la guerre: vous sommons, & requerons que

que si vous estes tel Prince qui querez hōneur, ayez pitié & cōpassion du pauvre peuple chrestien, qui tāt longuemēt à vostre cause a esté inhumainemēt traicté & foullé & opprimé, que briefuement soit hors de ses afflictions & douleurs, sans plus continuer la guerre : prenez ou païs de Brie, où nous & vous sommes bien prochains de vous & de nous aucune place aux chāps, cōuenable & raisonnable & iour brief & cōpetant : & tel q̄ la prochainerā des lieux où nous & vous sommes pour le present, le peut souffrir & demander : auquel iour & place sy comparoir y voulez en personne, avec le conduict de la difformée femme, & apostat dessusdit, & tous les pariures & autre puissance telle que vous voudrez & pourrez auoir : nous au plaisir de nostre seigneur y comparerons, ou monseigneur le Roy en nostre personnes & lors si vous voulez aucune chose offrir ou mettre auant, regardant le bien de la paix : nous laisserons & fetoīs tout ce que bon Prince Catholique peut & doit faire, & tousiours sommes enclins & volontaires à toute bonne paix non fainte, cortompue, dissimulée, violée ne pariurée, comme fut à Monstriaufaut-Yonne celle dont par vostre coulpe & consentement s'enfuit le terrible, detestable & cruel meurdre commis contre loy & honneur de cheualerie, en la personne de feu mon trefchier & trefamé pere le Duc Jean de Bourgōgne, à qui Dieu pardoint : par le moyē de laquelle paix par vous enfreinte, violée & pariurée font demourez & demourent cent nobles, & autres subiects de ce Royaume & d'ailleurs quiēt & exempts de vous & de vostre seigneurie, à quelque estat que vous ayez peu & pouez venir : & tous sermens de loyauté, feauté & subiection les auez absoluz & acquitez, comme par voz lettres patentes signées de vostre main & de vostre scel peut clerement apparoir. Toutesfois se pour l'iniquité & malice des hommes n'y pouoit prouffiter au bien de la paix, chacun de nous pourra bien garder & deffendre à l'espée sa cause, & sa querelle : ainsi que Dieu, qui est seul iuge, & auquel & non autre mondit seigneur à respondre, luy en donnera la grace : & auquel nous supplions humblement, comme à celuy qui sçait & qui cognoist le vray droit & legitime querelle de mondit seigneur, que disposer en vueille à son plaisir, & par ainsi le peuple de ce Royaume sans tel foullément, oppressions pourra demourer en longue paix & seur repos, que tous Roys & Princes Chrestiens qui ont gouvernement, doiuent requérir & demander : si nous faictes sçauoir hastiuement & sans plus delayer ne passer temps par escritures n'argumens, ce que faire ne voudrez : car si par vostre deffaut plus grans maulx, inconueniens, continuatiōs de guerre, pillerie, & ransonnement de gens & occisions, & depopulations de païs aduient : nous prenons Dieu en tesmoing & protestons deuant luy, & les hommes qui n'en seront point en cause, & que nous auons fait & faisons nostre deuoir, & nous mettons & voulons mettre en tous termes de raison & hōneur, soit preallablement par moyen de paix & iournée de bataille de droit de Prince, quand autrement entre puissans & grans parties ne se peuuent faire : en tesmoing de ce nous auons fait sceller ces presentes de nostre scel. Donné audit lieu de Monstriaufaut-Yonne, le septiesme iour d'Aoust. L'an de grace mille quatre cens xxix. Ainsi signé par mon seigneur le Regent du Royaume de France, & Duc de Bethfort.

Comment le Roy Charles de France, & le Duc de Bethfort & leurs puissances rencontrèrent l'un l'autre vers le Mont-Espilloy.

Tem apres les besongnes dessusdictes, le Duc de Bethfort voyât qu'il ne pouoit rencontrer le Roy Charles & sa puissance à son aduantage, & que plusieurs villes & forteresses se rendirent à luy sans coup ferir ne faire quelque resistance: il se retira à toute sa puissance fut les marches de l'isle de France, affin d'obuier que les principales villes ne se tournassent contre luy, comme auoient fait les autres. Et d'autre part le Roy Charles qui ja estoit venu à Crespy, où il auoit esté receu & obeÿ comme souverain seigneur, se retrahit à tout sa puissance parmy le pays de Brie en approchant Senlis, auquel lieu les deux puissances dessusdictes: c'est à sçauoir du Roy Charles & du Duc de Bethfort, trouuerent l'un l'autre assez pres du Mont-Dallés, vne ville nommée le Bar. Si firent de chacune partie grandes preparations, affin de trouuer aduantage pour combattre l'un l'autre, & print le Duc de Bethfort sa place en assez fort lieu, & adossèrent aucuns lieux par derriere, & de costé de tortes hayes d'espines: & au front deuant estoient mis les archiers en ordonnance tous à pied, ayans chacun deuant luy poignons aguisez fichez deuant eux. Et ledit Regent à tout sa compagnie & autres nobles assez pres desdits archiers en vne seule bataille, où il y auoit entre autres seigneurs, deux bannieres, l'une de France & l'autre d'Angleterre: & si estoit avecques icelle l'estandart de saint George: laquelle banniere portoit pour ceïour Iean de Villiers chevalier, seigneur de l'Isle Adam. Et estoient lors avecques ledit Duc de six à huit cens combattans des gens du Duc de Bourgongne: desquels les principaux estoient le seigneur de l'Isle Adam, Iean de Croÿ, Iean de Crequy, Anthoine de Bethune, Iean de Fosseux, le seigneur de Sauueuses, messire Hue de Launoy, Iean de Brimeu, Iean de Launoy, messire Symon de Lalain, le bastard de saint Pol, & plusieurs autres hommes de guerre, desquels les aucuns furent faits nouveaux chevaliers, & le fut fait ledit Bastard de la main du Duc de Bethfort. Et les autres comme Iean de Crequy, Iean de Croÿ, Anthoine de Bethune, Iean de Fosseux, le Liegeois de Humiers par les mains d'aucuns autres chevaliers. Apres lesquelles besongnes ainsi mises & conduictes: les Anglois & ceux de leur nation tous ensemble d'un costé de ladicte bataille de la main fenestre, & les Picards & autres de la nation de France estoient de l'autre costé. Et se tindrent en bataille, comme dit est, par treslongue espace, & estoient mis si aduantageusement, que leursdits ennemis aduersaires ne les pouoient enuahir & assaillir par derriere, sinon à tresgrand dommage & danger, & avecques ce estoient pourueuz & rafraischiz de viures, & autres necessitez de la bone ville de Senlis: dont ils estoient assez pres. Et puis d'autre part le Roy Charles avecques ses Princes & capitaines, fait ordonner en son auantgarde la plus grand partie des plus vaillans & plus experts hommes de guerre de sa compagnie: & les autres demourerent, excepté aucuns qui furent commis sur le derriere au lieu deuers Paris par maniere d'arrieregarde, & si auoit avecques ce le Roy tresgrand multitude de gens d'armes, trop plus sans comparaison qu'il n'y auoit en la compagnie des dessusdits Anglois. Et puis si y estoit Ieanne la Pucelle

Pucelle tousiours ayant de diuerses opinions, vne fois voulant combattre les ennemis, & autres fois non: mais neantmoins toures les deux parties (comme dit est dessus) estans ainsi sans desordonner par l'espace de l'un deuant l'autre tous pres de combattre, furent deux iours & deux nuits ou enuiron: durant lequel temps y eut plusieurs grans escarmouches & assaulx: lesquelles racompter chacune à part soy, seroit trop longue chose: mais entre les autres y en eut vne qui fut moult dure & aspre & ensanglantée, au costé vers les Picards: laquelle dura bien l'espace d'heure & demie. Si estoient au costé du Roy Charles grand party de François & autres gens en tresgrand nombre, qui trefort & alprement se combattoient. Et par especial les archiers d'icelle partie tirerent de leur trait moult courageusement, & en tresgrand nombre l'un contre l'autre. Si euidoient aucuns des plus sachans desdictes parties, voyans la besongne ainsi multiplier & croistre, que point ne se deussent partir l'un de l'autre que l'une des parties ne fut desconfite, & vaincue & mise à neant. Toutefois ils se trahirent detrière les vns des autres, mais ce ne fut mie qu'il n'y eut de chacune partie des morts & blesez largement. Pour laquelle escarmouche & bataille dessusdicte, ledit Duc de Bethfort fut moult grandement content des Picards, pource qu'à celle fois s'estoient portez moult vaillamment. Et apres qu'ils se furent retraits, vint ledit Duc de Bethfort au long de leur bataille les remercier en plusieurs lieux treshumblement, disant: mes amis vous estes trefbonnes gens & auez soustenus grans faits pour nous, dont nous vous mercions trefgrandement, & vous prions s'il vous vient aucuns affaires, que vous perseueriez en vostre vaillantise & hardement: esquels iours en icelles parties estoient en moult grand haine les vns contre les autres, & n'estoit homme de quelque estat qu'il fut prins à finances: ains mettoient tout à mort sans pitié ne misericorde, ce qu'ils pouoient attendre l'un de l'autre, & comme il fut informé à toutes ses escarmouches, eut de morts enuiron trois cens hommes des deux parties, mais ne sçay de quel costé en a le plus. En la fin desquels deux iours dessusdits ou enuiron, les deux parties se deslogerent les vns deuant les autres sans plus riens faire.

Comment le Roy Charles de France enuoya ses ambassadeurs à Arras vers le Duc de Bourgogne.

En ce temps les ambassadeurs du Roy Charles de France vindrent à Arras vers le Duc de Bourgogne, pour traicter de paix entre icelles parties: desquels ambassadeurs estoient les principaux l'Archeuesque de Reims, Christofle de Harcourt, les seigneurs de Dampierre, de Gaucourt, & de Fontaines cheualiers, avecques autres gens d'estat: qui trouuerent audit lieu d'Arras ledit Duc avecques son conseil: apres la venue desquels, & qu'il eurent requis auoir audience vers ledit Duc, allerent iceux ambassadeurs aucuns iours apres leur venue en son hostel, & par la bouche d'iceluy Archeuesque de Reims, fut audit Duc de Bourgogne exposé moult sagement & attentivement l'estat de leur ambassade, presens la cheualerie & ceux de son conseil, avec plusieurs autres là estant: en luy remonstrant entre les autres choses la parfaicte affection & vray desir, que le Roy

auoit de pacifier auecques luy & auoir traité, disant outre que pour y venir, iceluy Roy estoit content de luy commettre & condescendre, en faisant offres de reparations plus qu'à sa majesté royale n'appartenoit. Excusant aucunemēt par sa ieunesse le dessusdit Roy, de l'homicide iadis perpetré en la personne de feu le Duc Iean de Bourgongne son pere, allegant auec ce que lors auec sadiete ieunesse, il estoit au gouuernement des gens qui point n'auoient de regard & consideration au bien du Royaume, ne de la chose publique, & ne les eut pour ce temps oser desdire ne courroucer: lesquelles remonstrances & plusieurs autres assez notables declairées par le dessusdit Archeuesque, furent dudit Duc & des siens benignement ouïes: en la fin desquelles fut dit à iceux ambassadeurs: Monseigneur & son conseil ont bien ouï ce que vous auez dit, il aura sur ce aduis, & vous fera responce dedans brieſs iours: & adoncques ledit Archeuesque retourna en son hostel auecques luy ses compagnons, qui de toutes gens estoient honnorez: & pour lors la plus grand partie de tous les estats du païs estoient tresdesirans, que la paix se feist & concordast entre le Roy & le Duc de Bourgongne: & mesmement ceux du moyen & bas estat y estoient si affectez, que deslors où il n'y auoit encores paix ne trefues, alloient en ladicte ville d'Arras deuers le dessusdit Chancelier de France, impetrer en tresgrand nombre remission, lettres de graces, offices & autres plusieurs mandemens Royaux, cōme si le Roy feist plainement en sa seigneurie, & de ce fussent acertainez: lesquels mandemens dessusdits ou en la plus grand partie ils obtenoient dudit Chancelier. En apres le Duc de Bourgongne auec ceux de son priué conseil, fut par plusieurs iournées en grande deliberatiō, & furent les besongnes entre icelles parties moult approchées.

Comment le seigneur de Longueual print le chasteau Dammarle sur les Anglois.



E temps le seigneur de Longueual, qui long temps auoit esté debouté de sa seigneurie & estoit retourné deuers le Roy Charles, par le moyen qu'il eut d'un prestre demourant à Aumarle, print la forteresse d'icelle ville chief du lieu de toute la Comté, qu'adonc tenoient les Anglois, & furent trouuez dedans quatre ou cinq desdits Anglois, auecques plusieurs des habitans de la ville, lesquels Anglois furent tantost mis à mort. Et lesdits habitans en faisant serment d'estre bons François, furent receuz à mercy en payant aucune somme d'argent: laquelle forteresse fut en assez brief temps apres largement pourueüe, & garnie de viures, & aussi de gens de guerre: qui en brief commencerent à courre à la marche d'environ, à mener forte guerre aux Anglois & à ceux du païs tenant leur party, dont grandement en despleut au Duc de Bethfort: mais nonobstant pour autres plus grans affaires qu'il auoit, n'y pouoit pour lors aller. Et pareillement en ces propres iours fut prinse d'emblée la forteresse d'Estrepagny du seigneur de Rambures & de ses gens. Et d'autre costé aussi fut reduit en l'obeissance du Roy Charles la forteresse de chasteau Gaillard, qui est excellentement située en forte place: dedans lequel estoit prisonnier de long temps parauant, ce vaillant & notable cheualier le seigneur de Barbazan: lequel, cōme dit est, auoit esté prins à Melung par la vertu & puissance du Roy Henry d'Angleterre: par le moyen duquel Barbazan, icelle forteresse

resse fut mise en l'obeissance du Roy Charles, & luy deprisonné, si y commeit en brief aucuns de son patry, & s'en alla au plus tost qu'il peut deuers le Roy Charles: & ausli fut moult ioyeu semēt receu & honnoré. En outre fut prinse & mise en la main de François la forteresse de Torcy, par le moyen d'aucuns du païs, qui auoient tepaire dedans avecques les Anglois: lesquels ils irahirent & meirent és mains de leurs ennemis & aduetſaires. Ainſi docques en assez brief temps furent Françoises les quatre forteresses tenäs le patry des Anglois: & qui estoient les plus fortes à l'eslite de dedans le païs, où elles estoient allises: pour la prinſe desquelles le païs fut moult trauaillé, tant par les garnisons des François, comme de celles des Anglois.

Comment la ville de Compiengne se rendit au Roy Charles. Et du retour des ambassadeurs de France qui estoient allex vers le Duc de Bourgongne.

Apres que le Roy Charles de France fut retourné de la journée de Senlis: où luy & le Duc de Bethfort auoient esté à puissance l'un contre l'autre, comme dit est dessus, & il fut teuenue de Ctespy en Valois, illecques luy furent apportées nouuelles que ceux de la ville de Compiengne luy vouloient faite obeissance. Et poutant sans nul delay alla audit lieu de Compiengne, où il fut des habitans d'icelle ville moult honnorablement receu en grand liesse, & se logea en son hostel royal: auquel lieu retournerent deuers luy son Chancelier & ses autres ambassadeurs, que par auāt il auoit enuoyez deuers le Duc de Bourgongne: avec lequel & ceux de son conseil, ils auoient tenus plusieurs destroirs parlemens, neantmoins ils n'auoient riens concordé: mais en conclusion auoient esté d'accord, que ledit Duc enuoyetoit sa legation deuers le Roy Charles, pour au surplus auoir aduis & entetenement: si furent alors informez que la plus grand partie des principaux conseillets du Duc de Bourgongne, auoient grand desir & affection qu'icelles deux patties fussent reconseillées l'une avec l'autre: routesfois maistre Jean de Tournay Euesque de Tournay, & messire Hue de Launoy, qui presentement vindrent deuers ledit Duc de Bethfort: & auoyent de par luy charge de faite aucunes remonstrances audit Duc de Bourgongne, & en luy admōnestant de ce faire entetenir le serment, qu'il auoit fait au Roy Henry, n'estoient pas bien contents que ledit traitté fut fait: fut laquelle parolle desquels, fut la besongne aratgée, & prinſe autre journée d'enuoyer deuers le Roy Charles legation, comme dit est, pour laquelle faire fut commis messire Jean de Luxembourg, l'Euesque d'Attras, messire David de Brimeu & aucunes autres notables & discrettes personnes. Et ce mesme temps messire Lyonnel de Boutnonuille, qui auoit perdu la ville & forteresse de Creil, requist au Duc de Bethfort qu'il luy baillast des gens d'armes, pour conquerte vn sien chastel nommé Brereiche, que les François auoient prins: laquelle chose luy fut accordée & octroyée, à tous lesquels il s'en alla à ladicte forteresse, & la print d'assault, & meit à mort ceux qui dedans estoient: mais en ce faisant, il fut nauré dont il moutut.

Comment le Roy de France feit assaillir la cité de Paris.



Tem le Roy Charles de France luy estant acompaigné, luy furent
 apportées nouuelles, que le Duc de Bethfort Regent à tout sa puis-
 sance s'en alloit en Normandie, pour combattre le Connestable: le-
 quel estoit vers Eureux & trauailloit fort le païs: & pourtant iceluy
 Roy Charles apres qu'il eust esté dedans la ville de Compiègne douze iours ou
 environ, il se partit de là & laissa Guillaume de Flavy capitaine d'icelle, & à tout
 son ost s'en alla à Senlis: laquelle cité se rendit au Roy par traité: si se logea de-
 dans avecques grand partie de ses gens, & autres se logerent és villages environ:
 esquelz iours aussi firent obeïssance au Roy dessusdit plusieurs villes & forte-
 resses: c'est à sçauoir Creil, Beauuais, le Pont Sainte Maxence, choisy, Gour-
 nay sur Aronde, Remy, la Neuville en Hets, & en l'autre costé Mognay,
 Chantely, Saintines, & plusieurs autres: & aussi luy firent serment les sei-
 gneurs de Mont-Morency & de Moÿ: & pour verité fil à tout sa puissance fut
 venu à saint Quentin, Corbie, Amiens, Abbeuille & plusieurs autres fortes
 villes & fors chasteaux: la plus grand partie des habitans d'icelles, estoient tous
 prests & appareillez de le receuoir à seigneur: & ne desiroient autres choses au
 mode que de luy faire obeïssance & plaine ouuerture: toutesfoi il ne fut point
 conseillé d'aller si auant sur les marches du Duc de Bourgogne: tant pource
 qu'il le sentoît fort de gens d'armes, comme pour l'esperance & attente qu'il a-
 uoit que aucun bon traité & appointement se feît entre eux. Et apres que le
 Roy Charles eut seiourné aucuns iours dedans la ville de Senlis, il se partit &
 deslogea de là, & s'en alla à tout son ost loger à saint Denys qu'il trouua com-
 me abandonné, & s'en estoient allez les gens dudit lieu à Paris: c'est à sçauoir
 tous les plus grans bourgeois & habitans d'icelle ville: & les gens se logerent &
 hebergerent à Aubervilliers & Mont-Martre, & villages de là autour assez pres
 de Paris. Si estoit lors avecques ledit Roy Ieanne la Pucelle, qui auoit moult
 grande renommée: laquelle chacun iour induisoit le Roy avec ses Princes &
 seigneurs, à ce qu'il feît assaillir la ville & cité de Paris: si fut conclud & delibe-
 ré que le lundy douzième iour dudit mois, on liureroit ledit assaut. Apres la-
 quelle conclusion prise, on feît apprester toutes gens de guerre. Et à ce propre
 lundy dessusdit, se meit le Roy en bataille entre Paris & Mont-Martre, ses Prin-
 ces & seigneurs avecques luy: & aussi estoit ladicte Pucelle avec luy, ceux de
 l'auantgarde y estoient en tresgrand nombre: s'en alla à tout son estandard à la
 porte saint Honnoré, faisant apporter avecques luy plusieurs eschelles, sagots
 & autres habillemens d'assaut: auquel lieu, elle feît entrer dedans les fossez plu-
 sieurs de ses gens tout à pied: & commença l'assaut à dix heures ou enuiron
 moult dur, aspre & cruel, lequel dura en continuant de quatre à cinq heures ou
 plus: mais les Parisiens qui estoient dedans leur ville, accompaignez de Loÿs
 de Luxembourg, l'Euesque de Theroüanne & Chancelier de France de par le
 Roy Henry, & d'aucuns autres notables chevaliers, que le Duc de Bourgon-
 gne leur auoit enuoyez: comme le seigneur de Cresquy, le seigneur de l'Isle-
 Adam, messire Simon de Lalaing, messire Valerien de Bonneuil, & aucuns au-
 tres notables hommes accompaignez de quatre cens combattans, se deffendi-
 rent moult vigoureusement & de grand courage: & auoient par auant ordon-
 né par capitaineries à chacun sa garde és lieux propices & conuenables. Durant
 lequel

lequel assaült furent reuetsez plusieurs desdits François : & en y eut tresgrand nombre de morts & de naurez par les canons, couleurines & autre traict, que leur iettoient lesdits Parisiens : entre lesquels Ieanne la Pucelle fut tresfort naturée & blecée, & demoura tout le iour és fosses derriere vn dosdaine iusques au vespre, que Guychard de Thiembronne & autres l'allerent querir : & d'autre party eut nauté plusieurs des deffendans. Finablement les capitaines François voyans leurs gens en tel peril, considerans qu'il leur estoit impossible de conquerre & gaigner la ville par force, attendu que iceux auoient vne voulenté de eux deffendre sans y auoir diuision, feirent incontinent sonner la retraicte. Et en teportant les desludits morts & naurez, retournerent à leurs logis. Et le lendemain le Roy Charles triste & dolent de la perte de ses gens, sen alla à Senlis pour guerir & medeciner les naurez. Et lesdits Parisiens plus que parauant, se reconfermerent les vns avecques les autres, promettans que de toute leur puissance & pouoir, ils resisteroient iusques à la mort contre iceluy Roy Charles, qui les vouloit comme du tout destruire. Et peut bien estre qui le craignoient, comme ceux qui grandement se sentoient forfaits par deuers luy, en le ayant debouté de ladicte ville : & auoient mis à mort plusieurs de ses seables serui-teurs, comme en autres lieux plus à plain est declairé.

Comment le Duc de Bourgogne enuoya ses ambassadeurs à Amiens pour entretenir les habitans d'icelle ville de sa partie.

EN ces iours le Duc de Bourgogne enuoya ses ambassadeurs à Amiens, c'est à sçauoir l'Euesque de Noyon, & d'Arras, le Vidame d'Amiens, & aucuns autres : affin de remonstrier au maieur & aux habitans d'icelle, la bonne amour & affection que luy & ses predecesseurs auoient tousiours avecques eux : disant que s'ils auoient affaire de chose que luy & ses pays peussent, il estoit à leur commandement : requerrât en ou-tre qui leur pleult perseuerer tousiours & eux entretenir de son party, comme ses bons amis & voisins. Lesquels citoyens d'Amiens eux voyant ainsi honno-rer par les messagers de sy hault & sy puissant Prince, ils en eurent grand ioye : & dirent entre eux qui feroit bon de mettre la ville en sa garde, & qu'il meit a-neant toutes aydes & impositions. Et feirent responce ausdits ambassadeurs, qu'ils enuoyeroient briefuement deuers ledit Duc aucuns de leurs gens : laquel-le chose ils feirent, & avecques ce y enuoyerēt ceux d'Abbeuille, de Monstreul, saint Ribier, Doullens : & aucunes autres pour obtenir la mise ius desdictes gabelles & impositions. Laquelle chose ne leur fut point par iceluy Duc accordée : mais il leur fut dit qu'au plus brief que faire se pourroit, ils auroient de luy ayde, assistance de ce impetrer deuers le Roy Henry. Item en ce mesme temps ledit Duc de Bourgogne feit euoquer par toutes les marches de Picardie, tous ceux qui auoient accoustumé d'eux armer : & aussi és pays à l'enuiron pour estre prests chacun iour pour aller avecques luy, où il les vouldroit conduire. Si furent en peu de temps en tresgrand nombre, & passerent à Monstre à Bran-quesne, en faisant serment à mesure laques de Brimeu à ce commis comme Ma-rechal. Si se trahirent & tirèrent vrs Abbeuille. Et saint Ribier, où ils fu-rent moult grande espace de temps attendant que ledit Duc fut prest & appa-

reillé, dont le païs fut moult grandement oppressé.

Comment le Roy Charles de France s'en retourna en Touraine & en Berry.

Lors Charles Roy de France voyant que la ville de Paris qui estoit chief de son royaume, ne se voulut pas mettre en son obeissance: se disposa & conclud avec ceux de son conseil delaisser gouverneurs & capitaines de luy par toutes les bonnes villes, citez & chasteaux qui estoient en son obeissance & gouvernement, & qu'il s'en retourneroit és païs de Touraine & de Berry: laquelle chose conclute (comme dit est) il constitua principal chief sur les parties de l'Isle de France & de Beauuoisis Charles de Bourbon Comte de Clermont, & le Chancelier dessusdit se tenoient le plus en la ville de Beauuois: & ledit Comte de Vendosme à Senlis, & Guillaume de Flauy à Compiègne: messire Jaques de Chabannes à Creil, & le Roy dessusdit avecques luy les grans seigneurs qu'il auoit accompagné au venir, s'en alla de Senlis à Crespy: & delà par deuers Sens en Bourgongne, retourna és païs dessusdits: toutesfois les trefues estoient entre les Bourgongnons & les François iusques au iour de Pasques ensuiuans: & avec ce fut remis le passage du Pont sainte Maxence, que tenoient les François en la main de Regnaut de Longueval pour le tenir, si demoura la marche de France & de Beauuoisis en grande tribulation: pource que ceux qui estoient és forteresses, & garnisons tant du païs de France que d'Angleterre couroient chacun iour l'un sur l'autre: à l'occasion desquelles courses les villages de là entour se commencerent à despeupler, & eux retraire és bonnes villes.

Comment le Duc Philippe de Bourgongne en grand appareil remena sa seur en la cité de Paris, au Duc de Bethfort son mary.

Le vingtiesme iour de Septembre de cest an, se partit le Duc de Bourgongne de Hesdin avec sa seur femme du Duc de Bethfort, grandement accompagnez de leurs gens & s'en allerent au giste à Dourlés, & le lendemain à Corbie: où ils furent aucuns peu de iours en attendant les gens d'armes qui là venoient de toutes parts, duquel lieu de Corbie ils allerent à Montdidier: & puis delà à Chastenay, & tous les gens d'armes se logerent à l'enuiron: desquels il pouoit auoir de trois à quatre mille cōbattans: & eux partans de Chastenay s'en allerēt passer la riuere d'Oize, & au Pont S. Maxence, & delà par empres Senlis allerent au giste au Louure en Paris: si faisoit ledit Duc cheuaucher ses gens en bōne ordonnance, & menoit messire Jean de Luxembourg l'auantgarde, & ledit Duc menoit & cōduisoit la bataille, aupres duquel estoit tousiours sa dessusdicte seur sur vn bō cheual trotier, & avecq's elle estoiet huit ou dix de ses femmes montées sur haquenées, le seigneur de Saueufes & aucuns autres avecques certain nōbre d'hōmes d'armes, cheuauchoit tout derriere par maniere d'arrierregarde: si fut ledit Duc moult grandement regardé des François, qui estoient en grād nombre de pied & de cheual au dehors de la ville de Senlis: & y venoit seurement armez comme bon leur sembloit, par le moyen des trefues qui estoient entre les parties: car celui Duc armé de plain harnois sinon sur la teste, seoit sur les champs sur vn tresbon excellent cheual,

&

& estoit moult gentement habillé & orné de sept ou huit de ses paiges apres luy, chacun monté sur bons courriers. Deuers lequel Duc vint & arriua premier l'Archeuesque de Reims, Chancellier de France à plains champs au dessus de la dessusdicte ville & cité de Senlis faire reuerce & hommage. Et assez brief ensuiuant y vint Charles de Bourbon Comte de Clermont accompagné de soixante cheualiers, ou enuiron: lequel venu iusques assez pres dudit Duc, osterent leurs chappetons, & enclinerent leurs chefs l'un à l'autre en disant aucunes parolles de salutations, non mie en embrassant l'un l'autre par maniere de grand amour & ioyeuseté, ainsi que l'ont accoustumé de faire si prochains de sang qu'ils estoient l'un à l'autre. Apres laquelle salutation & reuerence faicte, ledit de Bourbon alla baïser & embrasser la belle seur de Bethfort, qui estoit assez pres au dextre Jéz de son beau frere le Duc de Bourgongne: si feirent aucune briefue recognoissance. Et tantost retoutna deuers son beau frere le Duc de Bourgongne: duquel quand alors on ne veit point d'apparence ne de cognoissance, qu'il eust grand amour ne desir d'auoir grand parlement avecques iceluy Comte de Clermont son beau frere: ains sans cheuaucher l'un avecques l'autre ne faire long conuoy, se departirent en prenant congé l'un de l'autre au propre lieu où ils estoient abordez & arriuez. Et retournerent lesdits Charles de Bourbon & Chancellier de Senlis à tout leurs gens. Et ledit Duc de Bourgongne (comme dit est dessus) & sa seur s'en allerent au giste à Louures: duquel lieu le lendemain ils se patirent en allant & tirant vers Paris, où desia estoit retourné du pays de Normandie le Duc de Bethfort. A la venue duquel furent faictes grandes acollées & ioyeuses receptions de l'un à l'autre. Si furent assez pres de Paris toutes les gens du Duc de Bourgongne mis en bataille par bonne ordonnance, où ils furent grand espace de temps auant que les fourriers eussent esté dedans ladicte ville pour otôner les logis. Et apres iceux Princes & la Duchesse entretent dedans la ville, & generalement tous les gens d'armes. A la venue duquel Duc de Bourgongne fut faicte moult grād ioye des Parisiens, si y croioit on Noël par tous les carrefours où il passoit, & conuoya ledit Regent, & sa femme iusques à l'hostel des Tournelles. Et puis s'en alla logger en son hostel d'Arthois. Et aucuns iours ensuiuans furent entre iceux Princes & ceux de leur conseil tenus plusieurs grans conseils sur les affaires de la guerre, qui estoient moult pesans. Et entre les autres choses furent par Parisiens requis au Duc de Bourgongne, qu'il luy pleust à entreprendre le gouuernement de la ville de Paris, qui moult auoit à luy grande affection: & estoient de present tous prests, & appareillez de maintenir sa querelle, & de son feu pere. Disant outre qu'il estoit necessité & besoing qu'il accordast leur requeste & demande, considéré les affaires que auoit le Regent tant en Normandie comme ailleurs: laquelle chose ledit Duc de Bourgongne feit, & leur ottroya iusques apres Pasques ensuiuant, mais ce fut tresenuis. Si conclurent & delibererent les dessusdits Ducs de Bethfort & de Bourgongne, que vers Pasques à la saison nouuelle se montreroient sus chacun à tout grand puissance, pour reconquerre & gaigner les villes qui estoient retournées contre elles en la marche de France, & sur la riuiera d'Oize. Apres lesquelles conclusions ledit Duc de Bethfort avec sa femme & ses Anglois, se departit de ladicte ville de Paris. Et ledit Duc de Bourgongne commist

capitaine de Paris le seigneur de l'Isle-Adam à tout petit nombre de gens, & à sainct Denys, au Bois-de-Vinsennes, au pont de Charenton & és autres lieux necessaires. Apres de ladicte ville de Paris ordóna capitaine de ses gens: & apres qu'il eut seiourné dedans icelle ville de Paris l'espace de trois semaines, prenant congé premier à la Roynie de France mere du Roy Charles, s'en retourna par les chemins dont il estoit venu en son pays d'Arthois, & de là en Flandres. Avec lequel se departirent plusieurs bourgeois de Paris de leutdicte ville. En autres gens marchans.

Comment les Francois & Bourguignons couroient l'un sur l'autre, nonobstant les trefues qui y estoient.

Tem durant le temps dessusdit que les trefues estoient accordées entre le Roy Charles & le Duc de Bourgogne iusques aux Pasques ensuiuans: neantmoins icelles parties couroient tressouuent l'une sur l'autre. Et mesmement pour embellir leur querelle aucuns tenans le patty dudit Duc de Bourgogne, se boutoient avecques les Anglois qui point n'auoient trefues aux François, & menoient avec eux plaine guerre ausdits François. Et les François pareillemét couroient & faisoient plaine guerre aux Bourgongnons, & en faignant les dessusdits Bourgongnons d'estre Anglois: & y auoit pour lesdites trefues peu ou neant de seureté. Si en fut entre les auires faicte vne entreprinse d'un vaillant homme d'armes d'Angleterre nommé Foulques, avec lequel festoient mis aucuns hommes d'armes de ladicte partie de Bourgogne, qui se tenoient à la Neufuille le Roy en vn bel chastel qu'ils auoient reparé: & tous ensemble allerent acueillir la proye de la ville de Creil, & auoient laissé vne embusche: affin que si leurs ennemis failloient contre eux, qu'ils peussent surprendre, laquelle chose aduint ainsi que l'auoient imaginé: car messire Jacques de Chambannes qui estoit principal capitaine de la ville de Creil tantost qu'il oÿt l'effroy, s'arma incontinent sans delay & montra à cheual. Et de grand volenté alla fetir de plains ellais en ses ennemis, desquels de premiere venue fut prins prisonnier vn nommé Georges de Croix, & aucuns autres ruez par terre. Et eut entre icelles patties tresgrande escarmouche, mais en conclusion par la vaillantise & secours dudit Foulques, fut le dessusdit Jacques de Chambannes detenu prisonnier: & avecques luy deux autres chevaliers, & aucuns autres des meilleurs gens: toutesfois en ce faisant iceluy Foulques fut fetu à descouvert en la gorge de la poincte d'une espée vn bien petit coup duquel mourut tout prestement: pour la mort duquel tous ceux de son party là estans qui de luy auoient cognoissance, eurent au cueut moult grand tristesse: car ils le tenoient pour le plus vaillant & expert en armes de tout le pays d'Angleterre. Si se s'assemblerent tous les Anglois, desquels pour lors estoient les principaux, Bohort de Bozentin, & Robinet Eguetin: si emmenerent leurs prisonniers en leur forteresse. Et en dedans assez brief iours seirent traité avec messire Jacques de Chambannes, par cy qu'en payant certaine somme, il fut deliuré moyennant ainsi qu'il rendit le dessusdit Georges de Croix. Item en ces iours le Duc de Bethfort considerant, que la forteresse du Chasteau Gaillard estoit située en moult fort lieu & auantageux, pour grandement greuer & guetroyer

royer le païs de Normandie: si conclud que auant que ses ennemis qui dedans estoient, fussent pourueux de viures & fortifiez de gens, de les faire assieger par les Anglois: laquelle chose il feir, & y fut le siege de six à sept mois. En la fin desquels les assiegez rendirent ladicte forteresse par faulte de viures: & s'en allerent à tout partie de leurs biens.

Comment le seigneur de Sauueses & le bastard de saint Pol furent prins deuant Paris par les Francois. Et comment par d'autres Francois la ville de saint Denys fut prinse & eschellée.

EN ce mesme temps le Duc de Bourgogne enuoya le seigneur de Sauueses, & Jean de Brimeu à tout cinq cens combattans ou enuiron en la ville de Paris pour conforter & aydet les Parisiens contre les Francois, qui chacun iour couroient deuant ladicte ville à tous lez, & leur faisoient moult d'oppressions, lesquels se logerent dedans saint Denys: & feirent par plusieurs fois des enuahies contre leurs ennemis: neantmoins vn certain iour iceux Francois de plusieurs garnisons du côté vers Mont-lehery, vindrent courre aupres dudit lieu de Paris, & auoient laissé vne grosse embuche en vn village là enuiron. Si estoient alors dedans ladicte ville le seigneur de Sauueses & messire Jean le bastard de saint Pol: lesquels oyans l'effroy monterent à cheual hastiuement à petite compagnie: & sans attendre leurs gens, allerent incontinent aux champs & poursuuiurent vigouteusement lesdits Francois: lesquels en fuient les attrahirent iusques bien pres de leurdicte embusche. Et là tantost non pouans à ce resister, furent en assez brief terme tous deux prins prisonniers, & emmenez des dessusdits Francois en leur forteresse, avec aucuns de leurs gens non point en grand nombre. Si fut ledit bastard de saint Pol tresfort blecé au prendre d'vne lance au col, dont il fut en grand petil de perdre la vie: neantmoins les deux chevaliers dessusdits retournerent en assez briefs iours en ladicte ville de Paris, parmy grand finance qu'ils payerent à ceux, qui prins les auoient, dont les gens furent moult resiouys quand il les veirent. D'autre côté en ce temps les Francois qui estoient sous Allain Geron, Gaucher de Bruissart, & aucuns autres capitaines, vindrent à vn point du iour en la ville saint Denys: dedans laquelle estoit venu nouuellement Jean de Brimeu à tout certain nombre de compagnons, qu'il auoit amenez du païs d'Arthois, & avec luy estoient les gens du seigneur de Sauueses. Si entrerent dedans par eschelles vne partie d'iceux Francois, & ouurirent vne des portes, par où les autres en tresgrand nombre se bouterent dedans: & commencerent en plusieurs lieux à crier ville gaignée, en abbatant huis & fenestres, & enuahisoient plusieurs maisons où estoient leurs ennemis: lesquels oyans ainsi subdainement si grans cris parmy la ville, furent tous effrayez. Si se trahirent tantost en aucuns fors lieux d'icelle: c'est à sçauoir Jean de Brimeu & plusieurs autres avecques luy en l'abbaye: le bastard de Sauueses en la porte de Paris, & les autres se meirent en aucunes portes & tous à fauneté. Et d'autre part en y eut grand partie qui en issant de leurs logis, contendans à aller deuers leurs capitaines eux assembler, furent prins prisonniers, les aucuns occis: entre lesquels furent prins Anthoine de Vvistre, Thierry de Manlinghem & de douze à seize

autres: desquels il y en auoit vne partie de gentils-hommes: & y furent morts Theuenin de Thenequestes, Iean de Haultecloque & aucuns autres en petit nombre. Durant lesquelles besongnes les gens des dessusdits seigneurs & Iean de Brimeu, reprindrent vigueur en eux, & commencerent à eux assembler en d'aucuns lieux au cry: & par l'introduction d'un vaillant homme d'armes nommé Guillaume de Beauual, lequel en grand hardiesse l'assembla aucuns de ceux de leur party, & enuahist ses ennemis, qui en plusieurs parties sans tenir grand ordonnance entendoient au pillier: finalement ils furent reboutez dehors, & mesmement aucuns de leurs gens iusques au nombre de huit ou dix. Et alors le seigneur de Saueuses qui estoit dedans Paris oyans ces nouuelles, assembla hastiement ce qu'il peut auoir de gens. Et sans delay cheuaucherent vigoureusement deuers ladicte ville de saint Denys, eu intention de bailler secours à ses gens: mais auant qu'il y peust venir, iceux François estoient retraits deuers Senlis, & les autres garnisons, & auoient emmené grand nombre de cheuaux de ceux de la ville. Item en ce temps furent assiegez des Anglois le seigneur de Rambays dedans la forteresse d'Estrepaigny, appartenant heritablement au Comte de Tanquatuille: deuant laquelle iceux Anglois tant continuerent de combattre par leurs engins & autrement, qu'en conclusion ledit seigneur de Rambures non ayant esperance d'auoir secours, feit traicté avecques iceux Anglois en leur rendant ladicte forteresse par condition, que luy & ses gens à tout leurs biens se departirent sauement.

De plusieurs conquestes que firent les Anglois.

Etem en l'an dessusdit le Duc de Bethfort feit assieger par ses Anglois le chastel de Torfy, qui estoit le plus excellent & le mieux ediffié de la marche environ. Si fut constitué chief dedits Anglois le bastard de Clarence: lequel feit dresser autour d'icelle forteresse plusieurs engins continuellement iettans, lesquels dommagerent moult fort la muraille. Et finalement au bout de six mois ou environ, les assiegez voyans que point n'estoient secourus, & que leurs viures commençoient à deffailir, traicterent avecques le dessusdit bastard de Clarence par condition, que aucuns des plus notables s'en iroient où bon leur sembleroit en portant partie de leurs biens: & les autres iusques au nombre de douze ou enuiron, qui autresfois auoient tenu le party d'iceux Anglois, & mesmement aydé aux François à prendre ladicte forteresse demouroient à volenté, lesquels furent cruellement iusticiez. Et apres fut ladicte forteresse du tout demolie & rasée.

Item au mois de Ianuier audit an messire Thomas Kiriel Anglois à tout quatre cens combattans ou enuiron, dont la plus grand partie estoient Anglois, se departit de Gournay en Normandie, où lors se tenoient en garnison, & par deuers Beauuais s'en alla en Beauuoisis vers la Comté de Clermont: auquel pays il feit de tresgrand dommages en prenant prisonniers, bestes & autres bagages, & par especial cheuaux. Si cheuaucha iusques aux faulxbourgs de Clermont: & lendemain print son chemin à retourner vers sa garnison. Et adonques le Comte de Clermont qui estoit à Beauuais, sçachant l'entreprise dudit messire Thomas, assembla promptement de toutes les garnisons de la Marche

Marche enuiron tenant le party du Roy Charles, iusques à huiet cens combattans & plus : auecques lesquels se meirent grand nombre des païsans, tant de la ville de Beauuais comme des villages d'entour : & tous ensemble allerent pour rencontrer & combattre ledit messire Thomas & ses gens, lesquels ils trouuerent à vne grand lieuë ou enuiron dudit lieu de Beauuais, où ils s'estoient mis en bataille pour receuoir leurs ennemis, dont ils sçauoient assez la venue par leurs coureurs, qui leur en auoient fait rapport : & estoient les dessusdits Anglois tous à pied, adossez d'un Boys, & par deuant eux auoient fiché des poinçons, parquoy on ne les pouuoit rompre de cheual, sinon en grand danger : neantmoins ils furent par lesdits François tresfort enuahis & approchez, & eut entre icelles parties tresdure & tresaspre escarmouche : & assez brief les François qui estoient à cheual, furent reboutez par le traict des Archiers Anglois, à cause duquel traict lesdits François se commencerent à desroyer, & iceux Anglois ce voyant, saillirent vistement apres eux, & s'efforcerent de plus en plus les enuahir & combattre, tant qu'en conclusion ils demourerent victorieux sur la place, & occirent vne quantité de leurs ennemis, & en prindrent enuiron vn cent ou plus : c'est à sçauoir des dessusdits païsans. Et ceux de cheual s'en retournerent tous desconfits & enuuez à Beauuais, & iceluy messire Thomas ayant grand ioye de sa victoire à tout son gaignage, s'en retourna sauuement à Gournay en Normandie. En ce temps fut le siege mis par le Comte de Suffort Anglois, deuant le chastel de Dammarle : duquel estoit capitaine le seigneur de Rambures, auecques luy de cent à six vingts combattans. Si fut ledit Chastel de toutes parts enuironné : & tellement furent contrains que apres que ledit siege y eust esté vingt & quatre iours, ledit seigneur de Rambures & toutes ses gens se rendirent sauf leurs vies, reserue trente ou enuiron qui furent pendus, pource que autresfois auoient fait serment ausdits Anglois & tenu leur party. Et brief ensuiuant iceluy seigneur de Rambures fut mené prisonnier en Angleterre, où il demoura prisonnier de cinq à six ans, auant qu'il peust trouuer sa deliurance. Si fut ladicte forteresse regarnie de viures & de gens. Et par ainsi iceux Anglois reconquirent en cest an plusieurs fortes places, que les François auoient gaignées sur eux à peu de perte de leurs gens.

Comment le Duc de Bourgongne se remaria la tierce fois à mademoiselle Isabel fille au Roy de Portugal.



E neufiesme iour de Ianuier de cest an fut tenue la feste de Philippe Duc de Bourgongne, & de Dame Isabel fille au Roy de Portugal en la ville de Bruges, en vne maison faicte toute propice nouuellement pour lesdictes nopces. Si fut icelle feste moult riche & solennelle, & estoient les rues de ladicte ville encourtinées en plusieurs lieux de tapiz, & riches draps de haulte lice : ausquelles nopces furent deux des seurs dudit Duc : c'est à sçauoir Anne Duchesse de Bethfort, & la Duchesse de Cleues, la Comtesse de Namur, la Comtesse de Lorraine & de Conuersan, messire Jean de Luxembourg son frere, & la dame de Beureuoir, & l'Euesque de Liege & moult d'autres grans seigneurs dames & damoisselles. Entre lesquelles

les y furent de grand estat de paremens & d'exquis & diuers vestemens, de gens & de cheuaux chacun iour en diuerses parures: ledit Euesque de Liege, messire Iean bastard de saint Pol, messire Iean d'Hornes & aucuns autres. Et quand ladiſte Duchesse (laquelle auoient amenée par mer vn de ses freres, & les ambassadeurs que y auoit enuoyé le Duc de Bourgongne: desquels estoient les principaux le seigneur de Rombais, & maistre Gilles d'Elcornay Preuost de Harlebecque) vint aupres de la ville de Bruges, les bourgeois en tresgrand nombre, & en grand estat issirent à l'encontre d'elle. Et auoit avecques eux cent soixante quatre trompettes, lesquelles sonnoient moult melodieusement. Quand est à parler des grans estats, qui y furent faits sans nombre, en diuers mets de boires & de mangiers tresplantureusement par l'espace de huit iours ou enuiron, ils seroient trop long à declairer: & y auoient figures de Licornes & autres bestes sauuaiges, qui par engin iestoient clere eüe rose, vin & autres liqueurs en l'abandon de ceux qui estoient de ladiſte feste. Si n'auoit le dit Duc à nulle de ses autres femmes espouser tenu si riche feste, comme il feit à icelle qui estoit la tierce. Si y furent faictes par plusieurs iours grans ioustes, & plusieurs esbatemens de plusieurs notables cheualiers & escuyers. Et cousta icelle feste audit Duc tresgrand finance.

Comment Estienne de Vignoles dit la Hire, eschella & print la ville de Louuiers en Normandie.

EN ces propres iours Estienne de Vignoles, qu'on appelloit la Hire, print d'emblée par eschelle la ville de Louuiers en Normandie: & auoit avecques luy de cinq à six cens combattans, lesquels trouuerent en icelle ville tresgrand abondance de tous biens, dont ils furent moult enrichis. Et y furent morts à entrer dedans tant d'Anglois comme de ceux de ladiſte ville trente. Apres laquelle prinſe plusieurs des habitans pour la plus grand partie, feirent serment audit la Hire. Ausquels habitans fut rendu aucune partie de leurs biens avecques leurs maisons, & les autres se departirent eux mettans à sauueté, où ils pouoient le mieux delaisſans tous leurs biens. Si commencerent dedans briefs iours la Hire, & ses compaignons à endommager le pays enuiron en plusieurs lieux: & couroient souuent iusques bien pres de Rouën, & en estoit le poure peuple mallement greué & opprellé, dont moult grandement desplaisoit aux Anglois: mais pour le present ne le pouoiet amender, considerez leurs autres grans affaires.

Comment en cest an le Duc de Bourgongne meit sus vne ordre, qui fut nommée l'ordre de la toison.

EN cest an le Duc Philippe de Bourgongne meit sus en l'honneur de Dieu & de monseigneur saint Andrieu: duquel en armes il portoit l'enseigne, vne ordre & fraternité de vingt quatre cheualiers sans reproche, gentils-hommes de quatre costez: ausquels il donna à chacun d'eux vn colier d'or moult gentement ouuré de sa deuise, c'est à ſcauoir du fuzil: ausquel colliers pendoit à chacun sur le deuant, en maniere que portent les grans dames & damoiselles images, fermeilletz & autres ioyaux vne toison

toison, que iadis conquist anciennement Iason en l'isle de Colehos, comme on le trouue par escript en l'histoire de Troye de laquelle n'est point trouuée en nulles histoires qu'oncque nul Prince Chrestien on luy eust reuellée ne mise sus. Si fut la dessusdicte ordre à l'imagination de celle que dit est nommée, par ledit Duc, l'ordre de la Toison d'or. Et furent par luy & aucuns de son conseil esleuz & nommez pour porter ladicte ordre vingt quatre cheualiers, desquels les noms s'ensuiuent. Premier y estoit ledit Duc chef & fondateur d'icelle: en apres y estoit Guillaume de Vienne seigneur de saint George, messire Regné Pot seigneur de la Roche, le seigneur de Rembair, le seigneur de Montagu, messire Rollant de Huquerque, messire Anthoine du Vergy Comte de Dampmartin, messire Dauid de Brimeu seigneur de Ligny, messire Hue de Launoy seigneur de Santes, messire Jean seigneur de Communes, messire Anthoine de Thoulongon Marechal de Bourgongne, messire Pierre de Luxembourg Comte de Conuersan, messire Jean de la Trimouille seigneur de Ionuelles, messire Jean de Luxembourg seigneur de Beareuoir, messire Gillebert de Launoy seigneur de Villerual, messire Jean de Villiers seigneur de l'Isle-Adam, messire Anthoine seigneur de Croÿ & de Renty, messire Florimont de Brimeu seigneur de Massincourt, messire Robert seigneur de Mâmines, messire Jaques de Brimeu seigneur de Grigny, messire Baudouin de Launoy seigneur de Moulambais, messire Pierre de Boufremont seigneur de Chargny, messire Philippe seigneur de Ternant, messire Jean de Crequy, messire Jean de Croÿ seigneur de Tours sur Marne: Lesquels cheualiers (comme dit est) au receuoit ladicte ordre, firent & deuoiuent faire leurs successeurs plusieurs solennelles promesses & notables ordonnances pour l'entretienement d'icelles: desquelles cy apres en ce present liure sera faicte mention plus à plain, apres que ladicte ordre sera du tout parfournie en son droit nombre: car depuis que les dessus nommez y furent mis cestaine espace de temps apres en eust adiouste aucuns autres. Si doiuent les hoirs d'iceux cheualiers reuoyer apres leur trespas audit Duc de Bourgongne ledit collier, pour le bailler à autre cheualier.

Comment le seigneur de Creuecueur & Robert de Saucuses, furent rencontrez des François en allant à Clermont en Beauuoisis.



V mois de Feurier en l'an dessusdit, le seigneur de Creuecueur capitaine & gouuerneur de Clermont en Beauuoisis, se partit d'Amiens pour aller audit lieu de Clermont accompagné de Robert de Saucuses & huitz vingts combatans où enuiron, avecques aucuns chars & charrettes menans viures de Karesme & autres leurs besongnes. Lesquels passans empres saint Iust vers saint Remy en l'Aire, furent guettez des François qui bien scauoient leur venue, & incontinent enuahis: desquels François estoient les capitaines, messire Theolde Valeperge, messire Regnault de Fontaines, messire Loÿs de Vvaucourt & autres qui bien auoient plus grand nombre de gens que leur aduerse partie: neantmoins les dessusdits seigneurs de Creuecueur & de Saucuse se mirent à pied avecques leurs gens, dont la plus grand partie estoient archiers: & se defendirent bien & roidement par l'espace de quatre heures ou enuiron: durant lequel temps y eut tant d'une part com-

me d'autre plusieurs hommes & cheuaux blecez : mais en conclusion iceux François se departirent voyant que sans grand perte des leurs, ne leur pourroient riens faire ne conquerre sur leurs ennemis, & retournerent en leurs garnisons : & lesdits seigneurs de Creuecueur & Robert & Sauueuse s'en allerent à Clermont, où ils furent iusques à la saison nouuelle, attendans la venue du Duc de Bourgogne.

Comment cinq François firent armes à Arras contre cinq Bourgongnons, & autres menues matieres.



LE xx. iour de Feurier audit an firent armes dedans la ville d'Arras sur le grand marché en la presence du Duc de Bourgogne, iuge en ceste partie cinq des gens du Roy Charles de France, à l'encontre de cinq des gens du Duc de Bourgogne : lesquelles armes estoient de rompre l'un sur l'autre certain nombre de lances. Et y estoient ceux de la partie du Roy, messire Theolde de Valeperge, Poisson de sainte Treille, messire Philebert d'Abrecy, messire Guillaume de Bes & l'Estandart de Nully. Et de par ledit Duc, messire Simon de Lalaing, le seigneur de Chargny, messire Jean de Vulde, messire Nicolle de Menton & Philebert de Menton. Si furent icelles armes faictes par cinq iour : & estoit préparé vn grand pare couuert de sablon, au milieu duquel auoit vne lice garnie d'aiselles, afin que les cheuaux ne se peussent rencontrer l'un l'autre. Et coururent pour le premier iour, messire Simon de Lalaing & messire Theolde plusieurs beaux coups l'un contre l'autre : mais vers la fin messire Theolde fut porté ius luy & son cheual. Et pareillement pour les autres ensuiuans pour les seconds, tiers, quart & cinquiesmes iours furent faits de beaux coups d'armes & de lances, desquelles de chacune partie en y eut plusieurs rompues. Toutesfois le seigneur de Chargny au treiziesme coup qu'il courut contre ledit messire Philebert, luy leua la visiere de son armet du fer de sa lance, & luy mit tout dedans son visage. Pourquoy sans delay il conuint qu'on le remenast en son hostel, comme en peril de mort. Et au derrier iour & par telle maniere fut ainsi seru l'Estandart de Nully, du dessusdit Philebert de Menton. Si fut comme l'autre remené en son hostel, & fut si griefuement blecé qu'à tresgrande peine se pouoit tenir sur son cheual : jaçoit ce que par auant qu'il eust ce coup, il s'estoit porté ce iour moult deüement, en rompant sur son aduersaire aucunes lances : desquelles lances seruit iceux François vn vifte & appert homme d'armes nommé Alardin de Moulay, & les autres du costé du Duc de Bourgogne & la plus grand partie furent seruis de messire Jean de Luxembourg. Si venoit chacun iour ledit Duc à son eschauffault moult grandement accompagné de sa cheualerie & en noble appareil. Apres lesquels iours iceux passez, les dessusdits François qui auoient esté moult honnorez par ledit Duc & de luy receuz aucuns dons, se departirent de ladicte ville d'Arras tristes & ennuyez des dures aduentures qui estoient tournées contre leurs gens. Et laisserent les deux blecez dessusdits dedans Arras, pour eux faire medeciner par l'alliance dudit Duc de Bourgogne lesquels finalement tournerent à guarison. Et les deuandits François s'en retournerent à Compiengne. En ce temps les François tenans les frontie-

res de la riuere d'Oize & du païs de Beauuois, couroient chacun iour sur ceux tenant le party du Duc de Bourgogne : & pareillement ceux de la partie du Duc de Bourgogne couroient sur les mettes d'iceux François, non obstant les trefues par auant seellées entre icelles parties iusques aux Pasques ensuiuans : à l'occasion desquelles courses, tous les villaiges ou la plus grand partie d'iceux païs se commencerent à depeupler. En après le Duc Philippe de Bourgogne conuocqua de plusieurs ses païs tresgrand multitude de gens d'armes, lesquels estoient & assembla vers Peronne, & luy mesme & sa femme la Duchesse solenniserent la feste de Pasques dedans ladicte ville de Peronne. Apres laquelle passée, il se tira à tout ses gens d'armes à Montdidier, où il fut aucuns iours. Durant ces tribulations se rendirent en l'obeissance du Roy Charles la ville & chasteau de Melun : laquelle parauant auoit esté baillée en garde au seigneur de Humieres, qui pour l'entretènement d'icelle y auoit constitué aucuns de ses freres à certain nombre de gens d'armes, lesquels par les habitans de ladicte ville en furent deboutez & mis dehors : dont le Roy Charles & ceux de son party furent moult ioyeux, pourtant que par le moyen d'icelle ils pouoient par là passer à leur plaisir, par la riuere de Seine. Et auecques ce estoit située & assise au plus fort lieu de tout le païs enuiron.

De l'an mille cccc. xxx.

Comment le Duc de Bourgogne à tout sa puissance alla loger deuant Gournay sur Aronde.



V commencement de cest an, le Duc de Bourgogne luy partant de Montdidier, s'en alla loger à Gournay sur Aronde : & deuant la forteresse d'icelle appartenait à Charles de Bourbon Comte de Clermont son beau frere. Auquel lieu il feit sommer Tristan de Magueliers, qui en estoit capitaine qu'il luy rendit ladicte forteresse, ou sinon il le feroit assaillir : lequel Tristan voyant que bonnement ne pourroit resister contre la grand puissance d'iceluy Duc de Bourgogne, feit traicté auecques ses commis par condition, qu'il luy rendroit ladicte forteresse le premier iour d'Aoust prochainement venant, si audit iour il n'estoit combattu du Roy Charles ou ceux de son party, & auecques ce promet que durant le temps dessusdit, que luy & les siens ne feroient quelque guerre à ceux tenans le party dudit Duc, & par ainsi il demoura paisible iusques audit iour. Si fut telle composition faicte ainsi hastiuement, pource que audit Duc de Bourgogne, & à messire Jean de Luxembourg vindrēt certaines nouuelles que le Damoiseau de Cōmercy, Yuon du Puy & autres capitaines à tout grand nombre de combattans, auoient assiegé la forteresse de Montagu, laquelle chose estoit veritable. Car le dessusdit de Commercy à qui icelle forteresse de Montagu appartenoit, y auoit secretement amené grand nombre de combattans à tout bombardes, vulgaires & autres habillemens de guerre, tendant icelle par soudain assaut ou autrement par force reduire en son obeissance : neantmoins elle fut vigoureusement deffendue par ceux que messire Jean de Luxembourg y auoit commis, au gouvernement duquel elle estoit. Entre lesquels y estoient commis de par luy à la garde d'icelle

comme principaux capitaines deux homes d'armes, dont l'un estoit d'Angleterre & vn autre nommé George de la Croix. Si furent par plusieurs fois sommez & requis de rendre la forteresse, dont point n'eurent volenté de ce faire: car ils n'estoient en nulle doubte que dedans briefs iours ne fussent secouruz. Finablement lesdits assiegeans doubtans la venue dudit Duc de Bourgongne, dont ils estoient ja aduertis, & qu'ils seroient cobatus, se departirēt dudit lieu de Montagu comme espouentez, en delaisant bombardes, canons & autres habillemens de guerre. Et se departirent à minuiēt ou enuiron, & se retrahirēt en leurs garnisons: laquelle departie ainsi faicte, les dessusdits assiegez feirent ascauoir hastiement au dessusdit Duc de Bourgongne & à messire Iean de Luxembourg, qui en grand diligence se preparerent pour aller combattre les assiegeans dessusdits. Apres le quel departement venu à leur cognoissance, ledit Duc de Bourgongne s'en alla à Noyon à tout son exercite. En ces propres iours messire Iean de Luxembourg alla courre deuers Beauuais sur les marches de ses aduersaires & ennemis: à l'instance & du quel departement fut franc messire Loys de Vaucourt & ses gens, qui par longue espace auoient esté durant l'huiuer & bouterent le feu en vn bel chasteau qu'auoient reparé: si se retrahirēt à ladiēte ville de Beauuais, & ledit messire Iean de Luxembourg se logea deuant le chasteau de Prouthelieu, qu'aucuns Anglois auoient reedifié. Et par leurs courses ttauaillerent moult souuent la ville de Montdidier & autres marches à l'environ, appartenant au Duc de Bourgongne. Si furent en brief contrains d'eux rendre à la volenté du dessusdit messire Iean de Luxembourg, desquels en feit grād partie executer, & les autres furēt mis en diuers lieux prisonniers: & de là il s'en retourna à Noyon deuers le Duc de Bourgongne.

Comment le Duc de Bourgongne alla mettre le siege deuant le chasteau & forteresse de Choisy, lequel il conquist en briefs iours.



Pres que le Duc de Bourgongne eut seiourné en ladiēte ville & cité de Noyon huit iours ou enuiron, il s'en alla mettre le siege deuant le chasteau de Choisy sur Oise: dedans laquelle forteresse estoit Loys de Flauy, qui la tenoit par messire Guillaume de Flauy. Et y feit ledit Duc dresser plusieurs de ses engins pour iceluy chasteau confondre & abbatre. Si fut moult ttauillée par lesdits engins, tant qu'en conclusion lesdits assiegez feirent traité avec les commis du dessusdit Duc de Bourgongne tel, qu'ils departirent sauf leurs corps & leurs biens en rendant ladiēte forteresse: laquelle sans delay, apes qu'ils en furent partis, fut tantost demolie & rasée. Si feit iceluy Duc faire vn pont pat dessus l'eau d'Oise, pour luy & ses gens passet vers Compiengne au lez deuers Montdidier: durant lequel temps auoient esté commis le seigneur de Saueuses & Iean Brimeu, à garder les faulxbourgs de Noyon à tout leurs gens avec le seigneur de Mongonniry & autres capitaines Anglois, qui estoient logez au pont l'Euesque, afin que ceux de Compiengne n'empechassent les viures qui alloient à l'ost dudit Duc. Si aduint vn certain iour que les dessusdits de Compiengne: c'est à sçauoir Ieanne la Pucelle, messire Iagues de Chabannes, messire Theolde de Valeperge, messire Regnault de Fontaines, Pothron de sainte Treille & aucuns autres capitaines François accompagnez de deux

de deux mille combattans ou enuiron, vindrent audit lieu de Pont l'Eueſque entre le point du iour & le ſoleil leuant, où eſtoient logez les deſſusdits Anglois:leſquels ils enuahirent de grand courage. Et y eut treſdure & aſpre eſcar-mouche, à laquelle vindrent haſtiuement au ſecours d'iceux Anglois les deſſusdits ſeigneurs de Saueuſes, Iean de Brimeu & tous leurs gens: duquel ſecours les deſſusdits Anglois prindrent en eux grand coutage tous enſemble. Si rebouterent par force leurs ennemis, qui deſia eſtoient bien auant entrez audit logis. Finablement d'iceux Anglois furent que morts que naurez enuiron trente, & pareillement des François: leſquels apres ceſte beſongne ſe retrahirent à Compiengne, dont ils eſtoient venus. Et les Anglois deſſusdits depuis ce iour en auant, fortifierent en grãd diligence leurs logis tout à l'enuiron. Et aucuns brieſs iours enſuiuans, Iean de Brimeu allant à tout cent combattans ou enuiron deuers le Duc de Bourgongne, en paſſant patmy le bois au lez vers Creſpy en Valois, fut ſoubdainement enuahy d'aucuns François qui à ceſte cauſe eſtoient venus deuers Athery en celle marche, pour trouuer aduenture: & en brieſſans grand deſſence fut prins & emmené priſonnier. Si fut la cauſe de ſadiſte prinſe, pource que luy & les gens cheu au chaut en train, ne ſe peurent aſſembler tant qu'ils ouïrent l'effroy: de laquelle prinſe ledit Iean de Brimeu fut depuis mis es mains de Pothon de ſaincte Treille, lequel en fin le deliura en payant grand ſinance. Iré apres que le Duc de Bourgogne eut fait du tout demolir ladiſte fortereſſe de Choisy (comme dit eſt) ſ'en alla loger en la fortereſſe de Condin à vne lieüe de Compiengne, & meſſire Iean de Luxembourg ſe logea à Claroy. Si fut ordonné meſſire Baudo de Noielle à tout certain nombre de gës à loger à Marigny ſur la chaucée, & le ſeigneur de Mongonniry Anglois & ſes gens eſtoient logez à Venete au long de la préee. Si venoient lors audit Duc gens de pluſieurs partie de ſes païs, & auoit intention d'aſſieger ladiſte ville de Compiengne & icelle reduire en l'obeiſſance du Roy Henry d'Angleterre.

Comment Ieanne la Pucelle rua ius Franquet d'Arras & luy ſeit trancher la teſte.

AL'entrée du mois de May fut rué ius & prins vn vaillât homme d'armes nommé Franquet d'Arras, tenant le party du Duc de Bourgongne: lequel eſtoit allé courre ſur les marches de ſes ennemis vers Laigny ſur Marne, à tout trois cens combattans ou enuiron: mais à ſon retour fut rencontré de Ieanne la Pucelle qui avec elle auoit quatre cens François. Si aſſaillit moult courageuſement & vigoureuſement ledit Franquet, & ſes gens par pluſieurs fois: car par le moyen de ſes archiers, c'eſt à ſçauoir dudit Franquet qu'il auoit: leſquels par treſbonne ordonnance ſ'eſtoient mis à pied, ſe deſſendirent ſi vaillamment que pour le premier & ſecond aſſault icelle Pucelle & ſes gens ne gaignerent riens ſur eux, mais en concluſion elle manda toutes les garniſons de Laigny & autres fortereſſes de l'obeiſſance du Roy Charles, leſquels y vindrent en grand nombre à tout couleuſrines, arbaleſtres & autres habillemens de guerre. Et finablement les deſſusdits tenäs le party de Bourgongne apres qu'ils eurent moult adommagé leurs ennemis de gens de cheual ils furent tous vaincus. Et deſconfits & la plus grand partie mis à l'eſpée, & meſmement ladiſte Pucelle ſeit trancher la teſte à iceluy Franquet, qui grande-

ment fut plaint de ceux de son party, pourtant qu'en arme il estoit homme de vaillant econduite.

Comment René Duc de Bar mit le siege deuant Chappes empres Troyes en Champagne.

EN ce mesme temps le Duc de Bar nommé René de Cecile conuoqua de ses Duchez de Bar & de Lorraine, & des marches d'Allemagne & à l'environ tresgrand nombre de gens d'armes: avec lesquels aussi se mit ce prudent & vaillant chevalier le seigneur de Barbarin, lequel (comme dit est dessus) a esté tres long temps prisonnier aux Anglois. Et pouoit auoir iceluy Duc de deux à trois mille combattans, à tout lesquels il alla assieger Chappes à trois lieues de Troyes, dedans laquelle estoient le seigneur d'Aumone & son frere, & avec eux plusieurs gens de guerre qui tres vaillamment se meirent en deffence. Et avec ce enuoyerent deuers le seigneurs de Bourgongne eux prier, qu'ils les voulsissent secourir à ce besoing: lesquels seigneurs, c'est à sçauoir messire Anthoine de Toulougon Marechal de Bourgongne, le Comte de Ioinny, messire Anthoine & messire Iean de Vergy, le seigneur de Ionuelle, le seigneur de Chastelluz, le Beau de Bar, & generallemēt la greigneur partie de la gentillesse de Bourgongne, iusques au nombre de quatre mille cōbattans: s'assemblerent & vindrent assez pres du logis du Duc de Bar pour le combattre. Lequel Duc sachant leur venue se mit en bōne ordonnance de bataille: mais en brief iceux Bourgongnons se meirent en desroy, & retournerent en leur pays. Si fut enuiron que morts que prins bien soixante: entre lesquels le seigneur de Planſi, Charles de Rochefort & pareillement le seigneur d'Aumone en saillāt hors de sa place pour ayder à combattre ses ennemis, avecques aucuns de ses gens fut prins prisonnier. Si conuint qu'il liurast sa forteresse au Duc de Bar, laquelle fut du tout demolie, & son frere fut prins comeluy.

Comment Ieanne la Pucelle fut prinſe des Bourgongnons deuant Compiengne.

UTem durant le temps que ledit Duc de Bourgongne estoit logé à Condin, comme dit est, & ses gens d'armes és autres villages aupres de Condin & de Compiengne: aduint la nuit de l'Ascension à cinq heures apres midy, que Ieanne la Pucelle, Pothon & avecques plusieurs autres nobles & vaillans capitaines François, avec eux de cinq à six cens combattans, saillirent hors tous armez de pied & de cheual de ladicte ville de Compiengne par la porte du pont vers Montdidier, & auoient intention de combattre & ruer ius le logis de messire Baudo de Noielle, qui estoit à Marigny au bout de la chaussée, comme dit est, en autre lieu. Si estoit à ceste heure messire Iean de Luxembourg, avec luy le seigneur de Cresquy & huit ou dix gentils-hommes, tous venus à cheual, non ayans, sinon assez petit, de son logis deuers le logis messire Baudo, & regardoit par quelle maniere on pourroit assieger icelle ville de Compiengne. Et adōc iceux François, comme dit est, commencerent tresfort à approcher iceluy logis de Marigny, auquel estoient ou la plus grand partie tous desarmez. Toutesfois en assez brief terme s'assemblerent

&

& commença l'escarmouche très grande, durât laquelle fut crié à l'arme en plusieurs lieux, tant de la partie de Bourgongne comme des Anglois, & se meirēt en bataille les dessusdits Anglois contre les François sur la prée au dehors de Venete, où ils estoient logez, & estoient environ cinq cens combattans. Et d'autre costé les gens de messire Jean de Luxembourg, qui estoient logez à Claroy, sachans cest effroy vindrent les aucuns hastiuement pour secourir leur seigneur & capitaine, qui entretenoit ladicte escarmouche: & auquel pour la plus grand partie les autres se rallierent: en laquelle fut très durement nauré au visage ledit seigneur de Cresquy. Finablement apres ce que ladicte escarmouche eut duré assez longue espace, iceux François voyans leur ennemis multiplier en grand nombre, se retrahirent deuers leur ville tousiours la Pucelle Jeanne avec eux sur le derriere, faisant grand maniere d'entretenir ses gens & les ramener sans perte: mais ceux de la partie de Bourgongne considerant que de toutes parts auroient brief secours, les approcherent vigoureuement, & se ferirent en eux de plain eslaiz. Si fut en conclusion, comme ie fuz informé, la dessusdicte Pucelle tirée ius de son cheual par vn archier: aupres duquel estoit le Bastard de Vendōne, à qui elle se redit & donna sa foy: & il sans delay l'emmena prisonniere à Marigay, où elle fut mise en bonne garde: Avec laquelle fut prins Porthon le Bourguignon, & aucuns autres non mie en grand nombre. Et les dessusdits François rentrent en Compiengne dolens & courroucez de leur perte: Et par especial eurent moult grand desplaisance pour la prinse d'icelle Pucelle, & à l'opposite ceux de la partie de Bourgongne, & les Anglois en furent moult ioyeux, plus que d'auoir cinq cens combattans: car ils ne craignoient ne redoubtoient nul capitaine ne autre chief de guerre tant, cōme ils auoient tousiours fait iusques à ce present iour icelle pucelle. Si vint assez tost apres le Duc de Bourgongne à toute sa puissance de son logis de Condin, où il estoit logé en la prée deuant Compiengne. Et là s'assemblerent les Anglois, ledit Duc & ceux des autres logis en très grand nombre, faisant l'un avec l'autre grans cris & resbaudissemens pour la prinse de ladicte Pucelle: laquelle iceluy Duc alla veoir au logis où elle estoit & parla à elle aucunes parolles dont ie ne suis mie bien recors, iaçoit-ce que ie y estoye present: apres lesquelles se trahit ledit Duc & toutes gens chacū en leurs logis pour ceste nuit: & la Pucelle demoura en la garde & gouvernement de messire Jean de Luxembourg. Lequel apres dedans briefs iours ensuiuans l'enuoya sous bō conduict au chasteau de Beau-Lieu, & de là à Beureuoir: où elle fut par long temps prisonniere, comme cy apres sera declairé plus à plain.

Comment le ieune Roy Henry d'Angleterre vint en France & descendit à Calais.



N cest an le ieune Roy Henry aagé de huit ans vint d'Angleterre à Calais, & descendit de sa nef environ dix heures au matin le iour de monseigneur S. George. Si fut monté sur vn cheual, & alla ouyr messe en l'Eglise saint Nicolas. Si estoient avec luy Cardinal de Winchester, le Duc d'Iorth, le Comte de Hotidon, le Comte de Vvaruich, le Comte de Stanfort, le Comte d'Arondel, le Comte de Suffort, le Comte de Bonne-terre, le Comte de Hem, les seigneurs de Roye, de Beaumont, d'Escaillon, de Grez & plusieurs autres. Si y estoit maistre Pierre Cauchon Euesque de Beauuais, qui

auoit esté enuoyé pour le querir, & depuis vindrent les gens. Si fût mené à tout sa puissance en la ville de Rouën où il fut long temps.

Comment apres la prise de la Pucelle, le Duc de Bourgongne & ses gens se logerent deuant la ville de Compiengne.



Elendemain du iour de l'Ascension le Duc de Bourgongne s'en alla loger de Condin à Venete dedans l'Abbaye, & ses gens se logerent en la ville d'autre part, & messire Iean de Luxembourg se logea à Marigny. Si fut assez brief ensuiuant commencé vne bastille de terre à vn traict d'arc ou enuiron pres du bouleuert de la ville: & depuis furent faits aucuns taudiz de chesnes plains de terre & autre bois fiché en terre au plus pres du dessusdit bouleuert. Aufquels taudiz se faisoit guet nuit & iour continuellement de certain nombre de gens d'armes: avec lesquels furent faits depuis ladicte bastille iusques aux dessusdits taudiz grans fossez, par où les gens de guerre alloient seurement à leur dit guet, pour la doubte des engins de ladicte ville, dont on estoit seruy treslargement. Si feit iceluy Duc asseoir aucuns grans engins deuant la porte: laquelle par la continuation des grosses pierres qu'ils y iettoient, derompirent & crauanterent en plusieurs lieux les portes, ponts, moulins & bouleuers de ladicte ville. En fin y eut aucune partie des moulins mis en tel point, que plus ne peurent moudre, laquelle chose despleut grâdement aux habitans d'icelle. Et avec ce entre les autres maulx que feirent les dessusdits engins, occirent vn gentil-homme roide & habille, aagé de xxij. ans ou enuiron nommé Loÿs de Flauy, lequel estoit frere de Guillaume de Flauy general capitaine d'icelle ville de Compiengne, & de tous ceux là estans, pour la mort duquel ledit Guillaume fut troublé & ennuyé: mais nonobstant il n'en monstra nul semblant, ains pour resbaudir ses gens, brief ensuiuant feit deuant luy sonner ses menestriers ainsi qu'il auoit accoustumé de faire: & avec ce feit diligemment garder le bouleuert dessusdit, nonobstant q par lesdits engins il fut moult empiré & trauaillé. Et auoit fait faire au fons des fossez d'iceluy bouleuert de petites maisonnettes de bois, où ses gens se tenoient pour faire leur guet, moult subtillement faictes & composées. Si furent par l'introduction de messire Iean de Luxembourg commencées aucunes mines: lesquelles furent cachées bien auant & profond & à grâd coust sans porter effect, ne valeur: duquel temps aussi en faisant lesdictes mines & approches, en y eut plusieurs des assiegeans qui y furent morts, & beaucoup de naurez. Desquels morts furent les principaux: c'est à sçauoir, messire Iean de Belles chevalier, Alain d'Escallines, Thibault de Caitigines, & plusieurs autres, tant de la partie de Bourgongne comme des Anglois.

Comment les Liegeois se meirent sus à grand puissance de communes & vindrent en la Comté de Namur.



En ce temps les Liegeois tant par l'introduction d'aucuns haussaires, tenans le party du Roy Charles: c'est à sçauoir Iean de Beurain, Iean de Saumain, Euerard de la Marche & aucuns autres, comme par la haine & malueillance que long temps ils auoient eüe au Duc de Bourgongne, pour les discords

discords que les predecesseurs & luy auoient eu parauant: dont plus à plain est faicte mention en ce present liure, se disposerent & conclurent de venir à grand puissance sur le païs dudit Duc, & par especial en sa Comté de Namur tout destruire: nonobstant que de ce faire les desenhorta par plusieurs fois Iean de Héberche leur Euesque, en leur remonstrant par plusieurs raisons les grans maulx & inconueniens qui pouoient venir au païs de Liege, s'ils mettoient leur entreprinse à execution. Lesquelles remonstrances iceux Liegeois prenoient tresmal en gré, & ne vouloient nullement attarger de mener à fin ladicte entreprinse. Et pourtant ledit Euesque considerant, que bonnement il ne se pouoit esconduire n'excuser, qu'il ne fait assistance & ayde à ceux de son païs, qu'il ne se meit en peril d'estre enchassé de sa seigneurie, print conclusion avec aucuns de son conseil, que pour son honneur garder auant qu'il ne fait guerre ouuerte au Duc de Bourgongne ne à ses païs, il luy enuoyeroit premier ses lettres de deffiance, desquelles la coppie s'en suit.

TRESHAUT, tresnoble & trespuissant Prince Philippe Duc de Bourgongne, Comre de Flandres, d'Arthois & de Bourgongne, Palatin de Namur, &c. Iasoit ce que Iean de Hemberche Euesque de Liege & Comte de Loz, sur par vertu de certain sur estat par vous & moy pour vous, & les nostres pieça donné l'un à l'autre dont lettres apparent, vous aye plusieurs fois par lettres de bouche, ou autrement, fait supplication, priere & requeste, & sommation d'auoir restitution & reparation selon le contenu dudit sur estat, qui a esté assez petitement tenu de plusieurs grans & horribles dommages commis & perpetrez de voz gens & capitaines & seruiteurs, sur mes païs & subiects: ainsi que vostre tresnoble & pourueüe discretion peut bien auoir memoire que mes complaints & requestes le contenoient plus plainement. Neantmoins tresnoble, treshaut & trespuissant Prince iusques à ores, obstant voz gracieuses responce sur ce contenant, que vostre intention & plaisir dudit sur estat estre entreteñu & qui encores n'ont forté nul effect, se sont si auant entremeslées icelles choses d'un costé & d'autre, que griefue chose m'est à porter, dont il me desplaist tant que plus ne peut. Et routes fois tresnoble & trespuissant Prince vostre tresnoble & pourueüe discretion peut assez sentir & cognoistre, que par raison & serment suis tenu de demourer lez mon Eglise & païs, que sans les eslongner cōsiderées les choses ainsi aduenues, les me conuient assister & deffendre en tous droits & contre tous de toute ma force & puissance. Pourquoy treshaut, tresnoble & puissant Prince moy premierement excusant à vostre tresexcellente personne & haute domination, de rechef vous aduertir d'icelles choses en signifiant, que si plus auant aduenoit, ou estoit par moy & les miens fait par necessité ou autrement, qui de tant vouldroye auoir mon honneur pour bien gardé. Donné soubz mon seel pendu à ces lettres le dixiesme iour de Iuillet, l'an mille cccc. & trente. Ainsi signé du commandement monseigneur propre I. Berrard. Et pareillement le deffendirent plusieurs autres seigneurs alliez d'iceluy Euesque, c'est à sçauoir le Comte de Beaurienne, Picard de la Grace seigneur de Quinquempoit, Rasse de Rabel, Gerard d'Edeuanr, Iean de Valle, Henry le Gayel, Iean de Boilleur, Iean de la Barre, Iean de Gemblais, Corbeau de Belle Goulle, Thierry Ponthey & plusieurs autres.

Comment le Duc de Bourgogne enuoya le seigneur de Croÿ en la Comté de Namur contre les Liegeois.

E Teni apres ce qu'il fut venu à la cognoissance du Duc de Bourgogne, que l'Eueque du Liege & ses Liegeois se preparoient pour entrer en la Comté de Namur: si conclud avecques ceux de son conseil d'y enuoyer le seigneur de Croÿ à tout six cens combattans, pour garder & deffendre ladicte ville de Namur & forteresse dudit pays. Lequel seigneur de Croÿ apres ladicte conclusion se departit de deuant Compiengne, & auoit avecques luy huiët cens combattans qu'il auoit en sa charge, & s'en vint à Namur, où les Liegeois auoient ja commencée la guerre & prins Beau-fort, & bouté le feu: & ledit Croÿ venu audit lieu de Namur, fut dix iours sans faire guerre & depuis print Fosse d'assault: laquelle fut arse referuée le Monstier. Et le lendemain furent mis à fin & morts à Florine bien quarante ou quatre vingts Liegeois, & y eut prins quarante prisonniers: avecques lequel seigneur de Croÿ estoit son frere messire Jean de Croÿ. Si y estoient les seigneurs de Mainfée, de Rembure, de Fauquemberge & de d'Iselle, le Galois de Reuly, le seigneur de Frammesant, Robert de Neufuille & plusieurs autres nobles. Ledit seigneur de Rembure fut enuoyé à Polnache, où il fut à vne saillie nauré à mort & prins prisonnier. Et depuis y fut mis le seigneur de Senlis, lequel rendit la place aux Liegeois: & puis y bouterent le feu & l'ardirent, lesquels Liegeois avecques leur Eueque estoient bien cinquante mille hommes. Et depuis qu'ils eurent prins Polnache, meirent le siege deuant Bouuines, & si prindrent Golefme & l'ardirent: durant lequel temps les gens dudit seigneur de Croÿ feirēt plusieurs enuahies sur eux, auxquelles par plusieurs fois en prindrent & occirent sept ou huiët cens.

Comment le Comte de Hontidon vint deuant Compiengne en l'ayde du Duc de Bourgogne.

E N ces iours vint en l'ayde du Duc de Bourgogne le Côte de Hontidon, de Roberfac Anglois à tout mille archiers d'Angleterre ou enuiron: lesquels se logerent en la ville de Venete, où par auât estoit logé le Duc de Bourgogne, lequel de sa personne s'en alla loger en la Bastille deuant-dicte, entre Marigny & Compiengne. Et ses gens se logerent audit lieu de Marigny, d'ot s'estoit deslogé le capitaine, messire Jean de Luxembourg & ses gens: & s'en estoit allé en la ville de Soissons, laquelle par certains moyens qu'il auoit dedans, luy fut rendue avec aucunes autres places ou pays à l'environ. Si se departirent de deuant ladicte ville de Compiengne le seigneur de Mongoumery & ses Anglois, & s'en retournerent en Normandie apres la venue dudit Comte de Hontidon. Et apres iceluy Duc de Bourgogne feit faire iour & nuët grand diligence, d'abbatre & demollir par ses engins le bouleuert de deuant le pont de la ville: lequel comme en autre lieu est declairé, greuoit moult ses gens: neantmoins il dura bien l'espace de deux mois enuiron: & par soudain assaut qui y fut fait par nuët de la partie dudit Duc, fut prins de huiët à dix homes dedans, avec aucuns habillemens de guerre là estans, qui se deffendirent

dirent assez petit. Apres laquelle prinse furent les fosses remplis & fut iceluy bouleuett fortifié contre ceux de la ville, & gardé songneusement chacun iour à force de gens d'armes: à laquelle prinse furent aussi noyez aucuns de dedans, par ce qu'en eux retrayant en haste, ils cheurēt en la riuere d'Oise. Et d'autre part le dessusdit Duc de Bourgongne feit faire vn pont par dessus l'eauē, à l'encontre de Venete, lequel estoit gardé nuit & iour, Et passoient les Anglois & Bourgongnons tressouuent de pied & de cheual, pour aller escarmoucher les François au lieu vers Pierefons. Si passa vn certain iour le dessusdit Comte Hontidon à tout ses Anglois, & s'en alla courre deuers Crespy en Valois, & delà vint à Sainctines qui se rendit à son obeissance. Et apres il s'en alla loger à Verbric, où il feit tresfort assaillir l'Eglise de la ville que tenoient les paylans: lesquels en conclusion furent contraints d'eux rendre en sa voulenté & eux mettre du tout en sa mercy. Et feit pendre vn homme nommé Iean de d'Ours, qui estoit comme leur capitaine, pource qu'à sa premiere requeste n'auoit voulu obeir. Si furent tous lesdits paylans prins & rançonnez, & tous leurs biens ravis. Et apres s'en retourna ledit Comte à tout aucunes proyes en son logis deuant Compiengne: durant lequel temps se tenoient à Cleremont en Beauuoisis le seigneur de Creuecueur, & Robert de Saueuses à tout leurs gens, pour garder la frontiere contre les François qui se tenoient à Creil & à Beauuais, & auecques ce pour faire acconduire en l'ost des vins & tous viures necessaires. Si se tenoient adonc la Duchesse de Bourgongne à Noyon à tout son estat: laquelle de fois à autre alloit visiter le dessusdit Duc de Bourgogne son seigneur. Esquels iours aussi alla ledit Duc de Bourgogne à toute sa puissance tenir la journée deuant Gournay sur Atonde: laquelle on luy auoit promis de rendre & remettre en son obeissance: & fut auecques luy & pour luy assister & faire compagnie le Duc de Nortflk Anglois à tout mille combattans ou enuiron, & le Comte de Hontidon. A laquelle journée ne vint homme de par le Roy Charles: & pourtant Tristan de Maignelets voyant que point ne seroit secouru, rendre la forteresse en la main dudit Duc de Bourgogne, lequel la bailla en garde au seigneur de Creuecueur. Et apres s'en retourna auecques luy le Comte de Hontidon à son siege de Compiengne. Auquel lieu à son departement il auoit laissé certain nombre de ges d'armes, pour garder son logis. Et le dessusdit Duc de Nortflk s'en alla deuers Paris.

Comment vn homme nommé Toumelaire & ceux de Reims meirent le siege deuant Champigneux.



N ces iours vn Saquement nommé Toumelaire, qui estoit Preuost de Laon de par le Roy Charles, conduisit de cinq à six cens communes de la ville de Reims & des marches à l'environ, & les mena assieger la forteresse de Champigneux: dedans laquelle estoient aucuns Anglois & Bourgongnons, qui moult oppressoient le pays de Champaigne. Si commencerent iceux assiegeans à approcher la forteresse de toutes parts, esperant iceux subiuguer & mettre en leur obeissance, ce que point n'aduint: car dedans briebs iours ensuiuans Guillaume Corain Anglois & Georges de Croix, qui se tenoient à Montagu assemblerent ce qu'ils peurent auoir de gens, & sans

faire long delay allerent combattre les dessusdictes communes: lesquelles sans faire bien grand deffence, furent tantost vaincues & la plus grand partie furent morts & prins. Toutesfois ledit Tournelaire avecques aucuns autres se sauua, si en demoura sur la place de six à sept vingts morts parmy vne partie qui furēt ars en vne mailon, où ils s'estoient retraits: & delaisserent plusieurs canons, arbalestres & aucuns autres habillemens de guerre qu'ils y auoient apportez: apres laquelle besongne, & qu'ils eurent la forteresse reformée, les dessusdits Guillaume Corain & George de Croix s'en retournerēt à Montagu tresioyeux de leur victoire.

Comment le Duc Philippe de Brabant trespassa: & comment le Duc de Bourgongne print la possession de ladicte Duché.



N ce temps mourut en la ville de Louvain le Duc Philippe de Brabant, qui par long temps deuant à mort auoit esté moult greué de maladie langoureuse. Si furent aucuns de ses priuez seruiteurs soupçonnez d'estre coupables de sa mort: & mesmement en y eut aucuns prins & tresdurement questionnez par diuerfes manieres de iehainnes, neantmoins la besongne ne vint plus auant à clarté. Et fut dit par aucuns maistres en medecine, dont il fut visité, qu'il estoit mort de sa mort naturelle par les exces qu'il auoit faits en sa ieunesse tant en ioustes comme en autres choses, si fut enterré avec ses predecesseurs. Et fut la mort dudit Duc tâtost mandée au Duc de Bourgongne, qui estoit à son siege deuant Compiengne: pource que la plus grād partie de la Duché de Brabant & des appartenans, & par especial les nobles en disoient iceluy Duc de Bourgongne estre vray heritier, pourtant que le deuant dit Duc de Brabant n'auoir nul enfant, car il n'auoir point esté marié. Et les autres disoient que la Comtesse de Hainault douïagiere & tâte d'iceux deux Ducs estoit plus prochaine, & qu'à elle appartenoit ladicte succession. Toutesfois iceluy Duc de Bourgongne sçachant la mort dessusdicté, constitua à son siege de Compiengne aucuns de ses plus feables capitaines & cheualiers: c'est à sçauoir messire Jaques de Brimeu Marechal de son ost, messire Hue de Launoy, le seigneur de Sauueses & aucuns autres pour d'iceluy auoir le gouuernement, & l'entretenir avec le Côte de Hontidon & ses Anglois. Et avec ce remanda hastiuemēt & sans aucū delay messire Ieā de Luxebourg, qui estoit au pays de Soissonnois en luy requerant instamment par ses lettres & messages, que sans delay à tout ses gens soubdain il retournast deuant Compiengne pour du tout auoir la charge de son ost, en luy signifiant les affaires qui luy estoient suruenuz. Et comment il estoit de necessité qu'il s'en allast audit pays de Brabant. Apres lesquelles besongnes ainsi faictes, & que le Duc de Bourgongne eut mis prouision, comme dit est, en son ost par la maniere cy deuant declairée, & aussi qu'il eut deuant la porte du pont fait fortifier & garnir de gens d'armes & habillemens de guerre vne grāde & forte bastille, de laquelle fut capitaine messire Baude de Noyelle, prenant premier congé au Comte de Hontidon, il se departit & alla à Noyon: & de là par aucuns iours s'en alla à l'Isle, où il eut conseil avecques ses principaux conseilliers: avec lesquels il s'accorda d'aller audit pays de Brabant prendre la possession & saisine d'iceluy & de toutes les appartenances. Au partement duquel

quel fen retourna la Duchesse sa femme au païs d'Arthois. Et brief ensuiuant fut ledit Duc receu cōme seigneur & Duc de toutes les villes & appartenāces de la Duché & autres païs, que n'aguères tenoit le dessusdit Duc de Brabat defunct. Toutesfois la dessusdicte Comtesse de Hainault douāgiere sa tante y entendoit auoir aucun droit, comme dit est, par dessus: nonobstant ce elle considerant la grand puissāce de son beau nepueu, contre lequel ne pouoit resister: voyant aussi la plus grand partie des nobles & bonnes villes estre desia contre elle, se deporta de plus auant en faire poursuite. Et pourtāt iceluy Duc de Bourgongne en fut par tous les païs plus liberallement obeï. En ce mesmes temps la damoiselle de Luxembourg sœur au Côte Vvaleran moult ancienne: laquelle estoit au chasteau de Beureuoir au gouuernement de messire Jean de Luxembourg son nepueu, apprehenda & feit releuer pour luy & en son nom toutes les seigneuries iadis appartenantes au dessusdit Comte de Vvaleran son frere: lesquelles de nouuel luy estoient escheües comme la plus prochaine heritiere de costé de pere de son beau nepueu le Duc de Brabant naguères trespasé. Si fut par elle que tous les sermens des officiers furent renouuellez: & se nomma depuis ce iour en auant Comtesse de Ligny & de S. Pol sa vie durant, & pourtāt qu'elle aimoit moult cordialement son dit nepueu messire Jean de Luxembourg, luy donna prendre & auoir grand partie d'icelles seigneuries apres son trespas, dont point ne fut bien cōtent le Comte de Conuersan seigneur d'Anghien frere aîné de messire Jean de Luxembourg, & depuis eurent aucune redarguation ensemble, mais en fin se concorderent l'un avec l'autre.

Comment messire Jean de Luxembourg entreprint le gouuernement du siege de Compiengne: & des ordonnances qu'il y feit, & autres matieres.



Tem apres ce que le Duc de Bourgongne fut party, comme dit est, de deuant la ville de Compiengne qu'assez brief ensuiuant vint messire Jean de Luxembourg à tout ses gens deuāt icelle ville, & en print la charge & gouuernement de tout le siege, ainsi que par ledit Duc luy auoit esté requis & ordonné. Si feit sans delay pourueoir & besongner necessairement à la Bastille de deuant le pont: & en commēcer deux autres moindres sur la riuiera au lez vers Noyon, dont Guy de Roye eut la charge de l'une, accompagné d'Aubellet de Folleuille & autres de sa compagnie & de ses gens: & la seconde fut baillée à vn routier de Boullenois nommé Branart: avecques lequel furēt commis aucuns arbalestriers Genneuois, Portugalois & autres d'estrange païs. Et apres ledit de Luxembourg se prepara pour passer l'eauë, & par dessus le neuf pont cōtre Venete, alla loger en l'abbaye de Royaulieu avecques luy messire Jaques de Brimeu Marechal de l'ost, messire Huet de Launoy, le seigneur de Cresquy, le seigneur de Sauueses, le seigneur de Humieres, messire Dauiod de Poix, Ferry de Mailly, messire Florimont de Brimeu & plusieurs autres nobles hommes se logerent tant en l'abbaye comme au village, qui estoit moult desolé & és vignes & iardins à l'enuiron: & demoura le Comte de Honditon à son logis à Venete avecques ses gens. Durāt lequel temps feirent iceux assiegez plusieurs faillies de pied & de cheual: ausquelles tant d'une part comme d'autre furent aucuns prins & naurez non mie en grand nombre. Si fut par

lesdits assiegeans encommencé vne grand bastille à vn trait & deümy d'arc pres ladicte ville, en tirant vers la porte de Pierrefons: dedans laquelle pour la garder, furent commis le dessusdit Marechal de l'hostel, le seigneur de Cretquy, messire Florimont de Brimeu avecques eux trois cens combattans ou environ, qui tous ensemble se logerent dedans ladicte bastille auant qu'elle fut du tout parfaicte ne fortifiée, & y furent par longue espace de temps logez: auquel tēps les assiegez souffrirent moult grand destresse de famine, & ne pouoient pour nulle finance recouurer des viures dedans leur ville: car en l'espace de quatre mois enuers n'en fut dedans icelle ville vendu en public. Si furent adonques enuoyez plusieurs messagiers au Marechal de Boufach, au Côte de Vendosme & aux autres capitaines du Roy Charles, pour eux requérir instāment qu'ils voulussent secourir icelle ville de Compiengne: laquelle estoit moult oppressée par lesdits assiegeans. Item entre-temps que les tribulations dessusdictes duroient, s'assemblerent le Marechal de Boufach, Pothon de Sainte-Treille, Theolde de Valleperge & plusieurs autres capitaines François. Si allerent assieger la ville de Proissy sur Oise: dedās laquelle estoit le Bastard de Cheureux à tout quarante combattans ou environ, qui assez brief furent contrains d'eux rendre à voulenté: & en y eut la plus grand partie mis à mort par les gisarmes dudit Marechal de Boufach. Et depuis qu'ils se furent ainsi rendus, la forteresse fut demolie. Et pareillement furent prinſes par les dessusdicts Cathu le fort moullier, le Chastel & aucunes autres places, esquelles furent executez à mort la greigneur partie des compagnons, qui dedans estoient. Toutesfois ledit Marechal, ne les autres de la partie du Roy Charles ne feirent sur les assiegeans de Compiengne aucune entreprinſe, comme il est accoustumé de faire en tel cas, iusques au derrain que le siege fut leué comme cy apres sera plus à plain declairé. En ce temps le Duc de Nortfolk Anglois se tenoit à tresgrand puissance sur les marches de l'Isle de France, où il meit plusieurs forteresses en l'obeissance du Roy Henry: c'est à ſçauoir Dampmartin en la Gohelle, la Chasse Mongay & aucunes autres. Et pareillement d'autre costé le Comte d'Estanfort print d'assault la ville de Bray comte-Robert, par le moyen de laquelle se rendit la forteresse du lieu, laquelle estoit moult forte. Et de là ledit Comte s'en alla passer l'eau de Seine avecques toute sa compagnie, & fourrager tout le pays iusques assez pres de Sens en Bourgongne: & apres s'en retourna à tout grād proye au lieu dont il s'estoit party, sans ce qu'il trouuaſt nul de ses ennemis qui luy feissent aucun destourbier: & brief ensuiuant print le Quesne en Brie, grand Puy, Rappellon: & en fin feit bien pendre quatre vingts de ceux qui estoient dedans ledit Quesne. Et pareillemēt print la forte tour de Bus: laquelle avec les autres places dessusdictes fut toute desolée. Et estoient dedās Bray-Comte-Robert, quand elle fut prinſe, messire Jaques de Milly & messire lean de la Haye, lesquels furent prisonniers aux Anglois. Et depuis eschapperent de leurs mains parmy payant grand finance.

Comment le Prince d'Orange fut rüé ius par les François.

En l'an



Nl'an dessusdit le iour de la Trinité, se meit sus le Prince d'Orenge à tout douze cens combattans ou environ:lesquels il mena au pays de Languedoch, où il meit en son obeissance plusieurs chasteaux tenans le party du Roy Charles. Et pareillement feit en Daulphiné, dont grandement despleut audit Roy & à ceux de sa partie. Si fut par luy conclud avecques ceux de son conseil pour y resister, que le seigneur de Gaucourt gouverneur de Daulphiné, messire Ymbert de Gauler Seneschal de Lyon sur Rofne, & Rodigue de Villadras feroient leur assemblée des nobles homes du pays, & ce qu'ils pourtoient recouurer de gens de guerre & fleur de droictes gés d'armes d'eflite, pour iceluy pays dessendre & recouurer:lesquels quād ils furēt mis tous ensemble, se trouuerent de quinze à seize cens combattans. Si s'en allerent mettre le siege deuant vne forteresse nommée Coulembier, laquelle en assez brief terme se rendit aux dessusdits capitaines. Et entretēps entra le Prince d'Orenge dessusdit qui festoit retraict en sa marche, sçachant ses ennemis à puissance estre sur les champs, & que desia auoient assiegé icelle forteresse que ses gens tenoient, enuoya hastiuement & sans delay ses lettres & messagiers deuers les seigneurs, nobles & gens de guetre du pays de Bourgongne, & aussi d'autres lieux où il auoit ses amis, alliez & bien-vueillans. Si feit si bonne diligence qu'en assez brieft iours ensuiuans il assembla trefgrand nombre de nobles hommes. Lesquels il conduisit & mena vers le pays où estoient ses ennemis, esperant secourir ladiète forteresse, qui par auant, comme dit est, festoit rendue en la main des François: lesquels François par leurs espies sçauoient la venue des Bourgongnons: & pource festoient preparez en grand diligence pour les recevoir & combattre. Et de fait tous ensemble par tresbonne ordonnance se meirent à chemin pour aller au deuant d'eux, & les rencontrèrent entre Coulembier & Hauton: mais les dessusdits Bourgongnons venoient parmy vn bois, & ne se peurent pas du tout bonnement rassembler ne mettre en plaine ordonnance de bataille, par ce qu'iceux François les enuahirent soudainement & vigoureusement. Toutesfois de premiet venue y eut tresp dure & merueilleuse rencontre. Entre lesquels de ceux de la partie de Bourgongne se meit à pied vn moult vaillant cheualier nommé messire Loys de la Chappelle, & avecques luy aucuns de ses gens: mais il fut tantost mis à mort: & finalement & pour briefue conclusion les François obtindrent & gaignerēt le champ, & demourerent maistres. Si y furent morts sur la place enuiron de deux à trois cēs Bourgongnons largement, & si en y eut de prins six vingts ou plus: desquels prisonniers furent les principaux le seigneur de Busly fils au seigneur de saint George, le seigneur de Varambon, lequel eut le nez abbatu d'une taillade, messire Jean Loys fils au seigneur de Conches seigneur de la Frété, Thibault de Rougemont, le seigneur de Ruppes, le seigneur d'Escabonne, messire Jean de Viennne, le seigneur de Raix, Isā de Baudé, messire Duc de Sicon, Girard de Beauuoir & plusieurs autres iusques au nombre dessusdit. En laquelle iournée se departirent plusieurs Bourgongnons en grand desfroy: lesquels pouoient estre enuiron de seize à dixhuict cens combattans, desquels furent les principaux le dessusdit Prince d'Orenge. Et fut iceluy Prince chassé iusques à Authun, où il se sauua à grand peine, le Côte de Fribourg, le seigneur de Montagu, c'est à sçauoir

messire Isé de neufchastel qui portoit l'ordre de la toison d'or, qui luy fut ostée, le seigneur de Pasmies & moult d'autres notables gentils-hommes, s'en allerent en fuyant par plusieurs parties & en diuers lieux. Et fut ceste besongne enuiron l'heure de tierce: en laquelle se porta tres vaillamment le dessusdit Rodigue de Villandras, qui menoit l'auantgarde des François: lesquels François apres ceste besongne se rassemblèrent & eurent moult grand ioye de leur bonne victoire, en remerciant & louant Dieu leur createur. Et depuis par le moyen de ceste destrouffe, conquirent sur la partie de Bourgogne plusieurs villes & forteresses: dont l'une d'icelle fut Aubrune qui estoit audit Prince d'Orenge, laquelle apres qu'elle fut prinse, fut par iceux François demolie.

Comment les François vindrent deuant la ville de Compiègne, où ils leurent le siege des Bourguignons.

U Tem apres que le Comte de Hontidon, & messire Jean de Luxembourg eurent par grand espace de temps, & à grand labeur continué leur siege deuant la ville de Compiègne, & moult abstraint de famine les assiegez par le moyen des bastilles & approches qu'ils auoient faictes entour d'icelle ville: & qu'ils esperoient en assez brief terme auoir la fin & conclusion de leur entreprinse, & ladicte ville reduire en leur obeissance. Le mardy deuant le iour de Toussaincts les François en nombre de quatre mille combattans ou enuiron: desquels principaux estoient les Mareschaux de Boufach, le Comte de Vendosme, messire Jacques de Chabannes, Pothon de sainte Treille, messire Regnault de Fontaines, le seigneur de Longueval, messire Loys de Vaucourt, Allain Giron & plusieurs autres vaillans capitaines: qui par plusieurs fois auoient esté moult instamment requis de Guillaume de Flauy & des autres assiegez en ladicte ville de Compiègne de bailler secours, vindrent loger tous ensemble au moins la plus grand partie en la ville de Verbrie, à tout foison de viures & grand nombre de païsans qui auoient plusieurs instrumens, coignées, syes, louchez, serpes, hoyaux & autres pareils ostils pour refaire & reparer les chemins parmy forests & autres lieux, que les assiegeans auoient empesché en plusieurs parries: tant de gros bois qu'ils auoient fait abbatre & trauezes esdits chemins: comme de fosses qu'ils auoient fait faire, & autres empeschemens. Laquelle assemblée & logis sceurent assez brief iceux assiegeans: & pourtant quand partie des chiefs de guerre & des plus notables sceurent ce, se meirent ensemble à conseil pour auoir aduis l'un avec l'autre: sçauoir s'il seroit bon qu'ils allaissent au deuant de leurs ennemis pour les combattre, ou s'ils les attendroient à leur siege: laquelle besongne mite en conseil fut de plusieurs debattue: & vouloient les aucuns qu'on les alast combattre deuant qu'il venissent plus auant: & les autres pour plusieurs raisons disoient, qu'il valloit mieux les attendre & eux fortifier & apprestre pour les receuoir. Disant oultre, que s'ils laissoient leur siege pour aller vers les François & leurs bastilles malgarnies: & lors les assiegez qui estoient en grand destresse, desirant estre deliurez du grand dangier où ils estoient, pourroient moult greuer lesdites bastilles, ou à tout le moins s'en pourroient aller & eux mettre à sauueté là où ils pourroient le mieux: & pour tant retourna ce conseil de la plus grand partie. Si conclurent tous ensemble

semble d'un commun accord; d'attendre toutes aduentures & de y resister de tout leur pouoir. Si furent les ordonnances telles qu'il sensuit. Il est à sçauoir que le lendemain tresmatin qui estoit le mercredy, le Comte de Hontidon à tout ses Anglois passeroit l'eau par le neuf pont: & viendroient vers Royaulieu pour luy mettre en bataille avec messire Jean de Luxembourg, & laisseroient en l'abbaye de Venete qui estoit forte la plus grand partie de leurs gens, cheuaux & bagages avec un pou de ses gens, qui seroient commis pour les garder. Et aussi pour garder le Pont. Item fut ordonné que tous les chars, charrettes, cheuaux, marchans, viures & autres telles besongnes fussent mis & retraits en la dessusdicté abbaye de Royaulieu. A laquelle garde fut commis messire Philippe de Fosseux, & le seigneur de Cochen. Item fut ordonné que messire Jacques de Brimeu à tout trois cens combattans ou enuiron demouroient en leur bastille. Et leur fut promis par les seigneurs, que si on les alloit assaillir: & ils auoient affaire on leur iroit seconrir sans point de faulte à certain signe qui fut denommé, lequel ils deuoient faire sil leur sourdoit necessité. Item fut ordonné que la grand bastille qui estoit delez le pont vers Marigny, sentrer en roit pareillement seroient les deux autres, qui estoient sur l'eau au lez vers Cleroy. Apres lesquelles ordonnances tous les seigneurs se retrahirent chacun en son logis, & admonesterent & induirent iceux chacun en droit foy, leurs gens de eux preparer pour le lendemain attendre leurs ennemis. Et avec ce fut ordonné à faire bon guet en plusieurs lieux, où il appartenoit tant de pied comme de cheual. Et le lendemain selon leurs ordonnances dessusdictes, le dessusdit Comte de Hontidon & six cens combattans s'alla mettre en bataille, avec messire Jean de Luxembourg entre Royaulieu & la Forest au lez, où ils pensoient que leurs ennemis deussent venir. Et les autres tant des dessusdictes bastilles comme de ceux, lesquels deuoient garder les dessusdits logis se meirent chacun en bonne ordonnance, pour deffendre ce à quoy ils estoient commis. En apres à ce mesme mercredy les François qui estoient logez à Verberie (comme dit est) se meirent des le point du iour en plains champs: & fut ordonné par le Marechal de Boufach & les autres capitaines, qu'ils iroient enuiron cent combattans vers le lez de Choisy à tout aucuns viures deuant eux, pour mettre dedans Compiengne, & pour resiouyr leldits assiegez: & eux faire hastiement saillir à l'encontre d'eux, & assaillir la grand bastille. Et d'autre part fut commis Pothon de sainte Treille à tout de deux à trois cens combattans ou enuiron, à aller par le grand chemin de Pierrefons, deuers ladicte bastille. Et ledit Marechal, le Comte de Vendosme & les autres capitaines à tout leurs gens s'en allerent passer entre la riuere d'Oise & la forest, & se meirent en bataille deuers ladicte forest à l'encontre de leurs ennemis enuiron à un trait & demy d'arc pres l'un de l'autre: & se tenoient les dessusdits François à cheual pour la plus grand partié, reserué aucuns gismarmiers & menues gens. Et les Anglois & Bourgongnons estoient tous à pied sinon aucuns en petit nombre, qui auoient esté ordonnez à estre à cheual. Et alors de la partie de Messire Pierre de Luxembourg furent faits aucuns nouueaux cheualiers. C'est à sçauoir Andrieu seigneur de Humieres, Ferry de Mailly, l'Aigle saint Gilles, de Saucourt & aucuns autres. Avec lequel de Luxembourg estoit messire Hue de Launoy seigneur de Xaintes, le sei-

gneur de Saueuses, mesire Dauiod de Poix, mesire Jean de Fosseux & plusieurs autres nobles hommes: dont la plus grand partie auoient grand desir d'asssembler à bataille contre leurs ennemis, ce que bonnement ne pouoient faire: pource que (comme dit est) ils estoient de pied & leurs ennemis de cheual, & si leur conuenoit auoir regard de secourir leur logis & la grand bastille se besoing en estoit. Neantmoins il y eut plusieurs escarmouches le iour, à l'une desquelles fut rebouté le Comte de Vendosme: toutesfois d'un costé ne d'autre n'y eut point fait grand dommage: mais entre les autres vn vaillant homme d'armes, qui estoit au Marechal de Boufach, fallà ferir dedans les archiers Picards, pensant que ses compagnons le deussent secourir & suivre ce qu'il point ne feirent, & pource fut tantost d'iceux archiers tiré ius de son cheual & mis à mort cruelle. Et entretant les dessusdits François qui auoient esté ordonnez à aller deuers Choisy, noncerent aux assiegez tout l'estat & ordonnance dessusdicté: lesquels sans delay en ferueur de hardiesse & de grand ioye, desirans sur toutes riens eux venger de leurs ennemis, qui tant de peine & de mesaise leur auoient fait souffrir, faillirent en tresgrand nombre hors de leur ville à tout eschelles & habillemens de guerre: & de grand courage allerent assaillir la grande bastille, où estoit mesire Jaques de Brimeu Marechal, le seigneur de Cresquy & les autres qui tresvigoureuement se deffendirent, & de fait les rebouterent bien arriere de leurdicté bastille: mais assez brief reuindrent nouuelles gens d'icelle ville de Compiengne, qui de rechief allerent avecques les autres recommencer nouuel assaut, lequel dura assez longuement: mais comme ils auoient esté deuant furent pour la seconde fois reboutez hors des fosses, qui estoient moult petites & pou auantageuses, & avecques ce estoit ladicte bastille trespetitement emparée & mise en deffence. Et adonc Pothon de sainte Treille à tout les gens qu'il conduisoit vint issir de la forest, & par empres le grand chemin de pierrefeons, s'en alla ioindre avec les François de la ville, & là tantost ensemble allerent assaillir asprement icelle bastille: auquel assaut estoient Guillaume de Flauy en grand diligence & fier hardement, induisoit ses gens à faire tout deuoir: avec lesquels estoient hommes & femmes, qui sans eux espargner grandement & villainement en tous perils sauanturoient à greuer leurs aduersaires: lesquels (comme dit est dessus) se deffendoient tresvaillamment, & par longue espace: mais finablement les dessusdits François feirent si bon deuoir que ladicte grand bastille fut prinse par viue force d'armes malgré les deffendeurs, & sans remede furent mis à mort dedans icelle huit vingts homes de guerre, desquels estoient les principaux le seigneur de Lignietes cheualier, Archabault de Brimeu, Guillaume de Poilly, Druot du Sonis, Lyonnel de Touteuille & plusieurs autres gentils-hommes. Et les autres furent tous prins & prestement menez deuant Compiengne, c'est à sçauoir ledit mesire Jaques de Brimeu Marechal de l'hôtel, le seigneur de Cresquy, mesire Florentin de Brimeu, mesire Vallerien de Beauual, Arnoul de Cresquy, Collart de Bertancourt seigneur de Relepot, Regnault de Saints, Thierry de Mazingien de Reteslay, le bastart de Remy & aucuns autres nobles hommes: lesquels depuis parmy payant grans finances furent deliurez. Durant lequel assaut mesire Jean de Luxembourg qui aux dessusdits auoit promis de les secourir, oyant & voyant celuy assaut multiplier

eut volenté d'y aller à tout sa puissance:mais pour les grans empeschemens que luy bailloient & pouoient faire ses ennemis, il eut conseil d'entretenir en ordonnance de bataille,pour escheuer toutes mauuaises aduentures qui y pouuoient suruenir: si se commença entretant le iour à passer. Et adonques ledit Marechal de Boufach Comte de Vendosme & les autres capitaines François, se bouterent dedás la ville de Compiengne à tout leurs gens, où ils furēt receuz à moult grand ioye,jaçoit ce qu'en icelle ville fussent moult contrains de famine,& que pour ceste nuit conuint à la plus grand partie souffrir grand disette de viures. Neantmoins pour la bonne aduenture qu'ils auoient eue contre lesdits assiegeans, prindrent tout en gré, & eux esiouillant menerent moult grand liesse les vns avecques les autres: au surplus esperans de totalement debouter leurs ennemis arriere d'icelle ville. Et mesmement firent hastiuement vn pont de bassteaux & d'autres habillemens, par lequel ils passerent: & de fait allerent assaillir vne petite bastille sur la riuere: dedans laquelle pouoit auoir de quarante à cinquante combattans tant d'arbalestriers Geneuois,Portugalois & d'autres brigans d'estranges marches, comme Boulonnois & d'autres lieux:laquelle bastille fut assez briefuement subiuguée & conquise, & tous ceux de dedans mis à mort:reserué vn routier Boulonnois appert homme d'armes nommé Canart,qui estoit capitaine:si fut prins & mené prisonnier dedans Compiengne avecques les autres. Durant lequel temps Aubele de Folleuille & ses gens, qui tenoient la forte bastille sur la riuere doubans estre prins d'assault comme les autres,bouterent le feu dedans & se retrahirent és logis Anglois. Si fur par lesdits François liurée grande escarmouche à la quarte bastille du bout du pont, laquelle estoit grande & puissante durement. Si la tenoit messire Baudouin de Noyelle: mais pour la force d'icelle & pour la grande deffence de ceux de dedans, qui estoient en vne grosse compagnie de combattans & bien pourueuz d'artillerie, ils ne peurent riens faire & se retrahirent pour ceste nuit dedans leur ville. Apres que les François furent entrez en ladicte ville de Compiengne (comme dit est) & qu'il estoit desia bien tard sur le vespre, le Comte de Hontidon Anglois & messire Jean de Luxembourg voyant clerement que pour ce iour ne seroient point combattus de leurs aduersaires, se meirent ensemble avecques eux grand partie de leurs capitaines, pour auoir aduis sur ce qui estoit à faire, pour sçauoir comment ils se pourroient conduire. Si fut conclud entre eux que pour icelle nuit ils se retrairoient en leurs logis & coucheroient tous armez: & le lendemain se mettroient sur en bataille deuant ladicte ville pour sçauoir se leurs deslufdits aduersaires se voudroient combattre à eux, esperans que bonnement ne se pourroient tenir si grand nombre dedans la deslufdicte ville sans isir, attendu que tous viures, comme dit est,y estoient exillez. Apres laquelle question s'en retourna ledit Comte de Hontidon & ses Anglois en son logis de Venete:& promeit de bien faire garder le pont, affin que nuls de leurs gens ne s'en peussent aller sans congé. Et messire Jean de Luxembourg se retrahit aussi à tout ses gens en son logis de Royaulieu, & commeit gens à faire bon guet:mais en celle propre nuit y eut grand partie de ses gens qui s'assemblerent de sa compagnie secretement,& se prindrent à eux desloger sans trompette & eux en aller où ils peurent le mieux. Et pat especial en repassa grand partie au

pont dessusdit, pour eux en aller en leur païs, lequel pont, comme il auoit esté
 promis, ne fut point gardé: & pareillement s'assemblerent aucuns des gens du
 Comte de Hontidon. Et pouttât ce venu à la cognoissance des capitaines muer-
 rent ce qu'ils auoient conclud, c'est à sçauoir eux mettre en bataille deuant la
 ville: & se disposa ledit messire Jean de Luxembourg de luy & toutes ses gens
 repasser l'eauie, & aller avec ledit Comte de Hontidon: laquelle chose il feit le
 iedy bien main, lequel iour les François issirent à grand puissance hors de la
 ville, & enuoyerent leurs coureurs en plusieurs lieux, pour sçauoir nouvelles
 de leurs ennemis: lesquels apperceurent tantost qu'ils s'en estoient partis & re-
 passé l'eauie: si le firent à sçauoir à leurs gens qui de ceste chose eurent moult
 grand ioye. Si s'en allerent prestement en grand nombre à l'abbaye de Royau-
 lieu, où ils trouuerent foison de bons viures & vins, dont ils furent remplis à
 largesse: si en firent tresbonne chere, car ils ne leur auoient riens cousté. Et apres
 s'assemblerent la plus grand partie des plus nobles & mieux habillez, & s'en al-
 lerent deuers le pont contre Venete: & sans ce qu'ils trouuassent grand deffen-
 ce, rompirent ledit pont bien auant & le ruerent en la riuere en plaine veué des
 Anglois & des Bourgongnons, en leur disant plusieurs iniures & villaines pa-
 rolles. Si ne furent plus iceux François en doute que Bourgongnons & An-
 glois les peussent greuer pour celle fois, que ledit pont estoit rompu. Et d'autre
 part ce propre iour assirent tous les gros engins de ladicte ville contre la batail-
 le de messire Baudo de Noyelle, desquels ils le trauaillerent moult fort en plu-
 sieurs manieres. Et finalement pour briefue conclusion le dessusdit Comte de
 Hontidon, & messire Jean de Luxembourg avecques les plus notables de leur
 compagnie, voyans que par nulle maniere ne pouoient surmonter ne vaincre
 leurs aduersaires quand à present: considerant qu'il estoit chose impossible de
 longuement entretenir leurs gens, & delibérerent tout d'un commun accord de
 eux en aller à Noyon, de là en leurs propres lieux, laquelle chose ils firent. Et
 manderent à messire Baudo de Noyelle qu'il boutast le feu en sa bastille, & qu'il
 s'en partit. Et ainsi le feit comme ils luy auoient mandé. Si se deslogerent au ves-
 pre, & s'en allerent par nuit en assez meschant arroy & petite ordonnance ius-
 ques au Pont-l'Eueque, delaisans honteusement en leurs logis & en la grosse
 bastille tresgrand nombre de grosses bombardes, canons, veuglaires, serpétines,
 couleurines & autres artilleries avecques plusieurs engins & habillemens de
 guerre, qui demourerent en la main des François leurs aduersaires & ennemis,
 lesquelles artilleries estoient au Duc de Bourgogne: pour lequel departement
 messire Jean de Luxembourg eut au cuer tresgrand desplaisance: toutesfoies il
 n'en peut auoir autre chose. Si se departirent le samedy ensuiuant luy & le Com-
 te de Hontidon Anglois du logis du Pont-l'Eueque, & s'en allerent à Roye. Et
 de là sans entretenement se retrahirent eux & leurs gens chacun en leurs pro-
 pres lieux & garnisons, dont ils s'estoient partiz. Et pourtant ceux qui estoient
 en la ville de Compiengne sçachans icelle departie, firent incontinent rediffier
 le pont dessus l'eauie d'Oize: & issirent à grand puissance de ladicte ville, cheua-
 chans à estandard desployé par plusieurs compagnies courans en diuers lieux
 sur les marches que auoient tenues leurs ennemis: & le remanant des fuyans
 qu'ils trouuerent, meirent à l'espee. Si ardirent & embrazerent en icelle plu-
 sieurs

sieurs villages, maisons & edifices, faisans en peu d'espace tresgrandes cruauttez: pour lesquelles leurs ennemis eurent grand paur, si qu'à peine les osoient attendre sinon moult doubtablement en quelque forteresse, qu'ils se teinsent: & mesmement pour la cremeur des dessusdits, se rendirent à eux sans coup ferir ne attendre nul assault, les forteresses cy apres denommées: c'est à sçauoir Refsons sur le Mas, Gournay sur Aronde, le pont de Remy, le pont sainte Maxence, Longueil sainte Marie, la ville & le fort chasteil de Berthueil, le chasteil de Guermegil, la Boissiere, le chasteil d'Ireligny les Chastigniers, la tour de Verduel & aucunes autres places: dedans lesquelles ils trouuerent tresgrand abondance de biens & meirent par tout garnison de leurs gens, dont le pays fut en brief terme moult oppresse & travaillé. Et par especial ceux qui tenoient le party des Anglois & des Bourgongnons.

Comment le Marechal Boufach alla assieger le chasteil de Clermont en Beauuoisis.

Durant les tribulations dessusdictes, le Marechal de Boufach rassembla la plus grand partie des François, qui auoient esté à leuer le siege de Compiengne. Si feit charger plusieurs engins & habillemens de guerre, si fen alla mettre le siege autour du chasteil de Clermont en Beauuoisis, par l'introduction & pourchats d'aucuns bourgeois de la ville, dedans laquelle luy & ses gens se logerent: auquel chasteil estoient le seigneur de Creuecueur, son frere Jean de Barentin, le bastard Lamou avec enuiron cinquante combattans, qui tresvigoureuement se deffendirent contre iceux assiegeans, qui par plusieurs fois les assaillirent: mais ce fut sans riens gagner. Et y eut plusieurs de leurs gens occis & blesez, neantmoins ils continuerent leur siege enuiron douze iours: au bout duquel terme entra par nuit dedans le chasteil par la poterne vers les vignes Boort de Barentin, avec luy dix combattans & vne trompette: le quel acertiffia audit seigneur de Creuecueur, qu'il auroit brief secours comme c'estoit verité: car le Comte de Hontidon qui puis n'agueres festoit retraict à Gournay en Normandie, festoit de nouuel remis sur les chaps, avec luy messire Jean bastard de saint Pol & mille combattans ou enuiron, en intention d'aller leuer ledit siege & secourir les assiegez, duquel secours iceux assiegeans furent aduertis, & pourtant se partirent à vn matin moult hastiuement, & y laisserent plusieurs de gros engins, qu'ils auoient amenez de deuant Compiengne. Si retournerent en leurs garnisons & avecques eux plusieurs Bourgongnons de Clermont, qui festoient tournez de leur party. Pour lequel departement ledit seigneur de Creuecueur fut moult ioyeux.

Comment plusieurs Anglois & Bourgongnons vneillans au commandement du Duc de Bourgogne aller assieger Garmigny, furent rencontrez & vaincuz des François.

ED v c Philippe de Bourgogne qui estoit encore en la Duché de Brabant, ouyt les certaines nouvelles comment ses gens auoient esté leuez par les François de deuant la ville de Compiengne, dont il fut moult esmerueillé & troublé tant pour la perte de ses gens qui y auoient esté morts & prins, comme pour les grans fraiz & dommages

que auoit soustenus à l'occasion dudit siege. Et pourtant se prepara à tout ce qu'il peut auoir de gens pour retourner en son païs d'Arthois, où il conuoqua tous les nobles du païs & de la marche enuiron, qu'ils veinsent sans delay deuers luy à tout ce qu'ils pourroient auoir de gens de guerre. Et se trahit ledit Duc à Peronne, & feit partir aucuns de ses capitaines pour aller loger à maniere d'auantgarde deuers Lyhon en Santers: c'est à sçauoir messire Thomas Kiriel Anglois, Jaques de Helly, messire Daviod de Poix, Anthoine de Vienne, & autres accompaignedz de cinq à six cens combattans. Et entretant le dessusdit Duc de Bourgogne en attendant ses gens, se preparoit pour les suiur en intention d'aller loger à Garmigny, où estoient dedans la forteresse les François (comme dit est dessus) qui moult trauaillerent le païs à l'enuiron. Si aduint que les dessusdits capitaines enuoyez, comme dit est, par le Duc de Bourgogne se deslogerent au matin apres qu'ils eurent couché és dessusdits villages vers Lyhon en Santers, & prindrent leur chemin à aller à Garmigny en plusieurs troupeaux, sans eux mettre en ordonnance de bataille ne enuoyer leurs coureurs deuant eux, ainsi que le font & ont accoustumé de le faire droictes gens d'armes experts en fait de guerre, & mesinement quand ils furent pres de leurs ennemis. Et adonc vint deuers eux de la ville de Roye, dont il estoit capitaine Gerard Bastard de Brimeu, à tout enuiron quarante combattans, & cheuaucherent les dessusdits l'un assez pres de l'autre iusques à vne ville nommée Bouchoire. Si trouuerent en leur chemin plusieurs lieures: apres lesquels fut fait grand desfroy de courre & de huer: & n'auoient adonc point lesdits capitaines de regard d'entretenir ne rassembler leurs gens ainsi qu'ils deuoient: & aussi la plus grand partie d'eux n'auoient point tout leur harnois sur eux. Pour laquelle negligence il leur mesaduint villainement: car ce propre iour Pothon de sainte Treille estoit venu du matin audit lieu de Garmigny. Et là à tant de ses gens qu'il trouua audit Chastel comme à tous ceux qu'ils auoient amenez tira aux chainps: & pouoit auoir enuiron douze cens combattans, dont la plus grand partie estoient droictes gens de guerre, experts & esprouuez en armes: à tout lesquels il print son chemin droit deuers Lyhon en Santers, & si feit sagement cheuaucher aucuns de ses coureurs deuant, pour descourir & enquerir nouuelles de ses ennemis: lesquels venuz empres ladicte ville de Bouchoire, oyrent crier & apperceurent l'estat & ordonnance de leursdits aduersaires. Et pourtant sans delay & en grand diligence retournerent deuers leurs capitaines, ausquels ils noncerent ce qu'ils auoient ouï & veu. Sur lequel rapport Pothon dessusdit feit incontinent habiller ses gens de tous points, & moult soudainement les mena & conduit deuers ses ennemis dessusdits en leur admonnestant que chacun facquittast en droit foy & feit bon deuoir de combattre leurs ennemis: lesquels ses ennemis estoient trespetitement preparez pour batailler. Et pourtant Pothon & ses gens venans sur eux d'un vouloir soudain en grand bruit & roideur auant qu'ils se peussent mettre en ordonnance, les eut tantost esparpillez & mis en grand desfroy: & furent la plus grand partie portez ius de fers de lances de leurs cheuaux. Toutesfoiz les capitaines avec aucuns de leurs gens se rassemblerent à l'estandart de messire Thomas Kiriel, & commencerent à eux mettre à deffence vigoureusement: mais ce riens ne leur vallut:

vallut : car, comme dit est, greigneur partie de leurs gens estoient desia tournez à grand meschief & à grand desroy, fuyant en plucieurs & diuers lieux pour eux sauuer. Pourquoy en assez brief tème ceux qui estoient demourez sur les champs, furent tournez à desconfiture morts & ptins & sans nul remede : desquelz morts furent les principaux Jaques de Helly, Anthoine de Vienne & avec eux de cinquante à soixante tant Bourgongnons comme Anglois. Et avec ce en furent ptins de quatrevingt à cent : desquelz estoient les principaux messire Thomas Kiriell dessusdit, & avecques luy de ceux de la famille deux vail-lans hommes d'armes, c'est à sçauoir vn nommé Robin & l'autre Guillaume Courouan. Et de la mesme partie des Bourgongnons furent aussi ptins messire Dauiod de Poix, l'Aigle de Saincts chevalier, l'Hermitte de Boual & aucuns autres avec eux, iusques au nombre dessusdit. A laquelle destrouffe se cuida retraite à Roye, dont il festoit party Gerard le Bastard de Brimeu : mais pource qu'il auoit vestu vne housse d'orfauerie & de grand monste, il fut roidement poursuivy de ses ennemis, & en fin ptins des François & ramené avecques les autres. Apres laquelle desconfiture ledit Pothon remeit ses gens ensemble, & delà à tout ses prisonniers à Garmigny premier despoillez, ceux qui morts gisoient sur les champs : entre lesquels furent trouuez occiz tant seulement quatre ou cinq des gens dudit Pothon. Auquel lieu de Garmigny luy & les siens se rafraeschirent le iour & la nuict ensuiuant. Et le lendemain emmena toutes ses gens, & laissa la forteresse en la main des habitans de la ville : & pateillement feit desgarnir la Boissiere, que ses gens tenoient & icelle mettre au feu & en flambe. Si s'en alla à Reßons sur le Mas : & delà à Compiègne à tout ses prisonniers, où il fut receu ioyeusement pour la victoire qu'il auoit eüe sur ses ennemis. Ouquel temps ledit Jaques de Helly fut là enterré en l'Eglise. Et les autres pour la plus grand pattie furent entetrez en l'Eglise & cymetiere de Bouchoire assez pres de la place, où ils auoient esté ocez.

Comment les Francois demanderent à auoir bataille contre le Duc de Bourgogne, & à sa puissance : laquelle ledit Duc par son conseil ne voulut accorder & autres matieres.



N ce mesme iour que la bataille eut esté des François & des Bourgongnons empres Bouchoire, furent portées les nouuelles au Duc de Bourgogne de la perte & desconfiture de ses gens dessusdits, lequel Duc estoit demouré à Peronne : pour lesquelles nouuelles il fut grandement troublé, & par especial pour la mort de Jaques de Helly & Anthoine de Vienne. Si furent mandez à venir deuers luy les capitaines là estans : c'est à sçauoir messire Jean de Luxembourg, le Vidame d'Amiens, le seigneur d'Antoing, le seigneur de Saeuses & plusieurs autres avec ceux de son hostel : avec lesquels il conclut d'aller loger à Lyhon en Santers, laquelle chose il feit ce propre iour. Et le lendemain il se tira à Roye en Vermandois, & là seiourna environ huit iours, attendant le Comte d'Estaffort, le Comte d'Arondel & aucuns autres Anglois, que parauant il auoit mandez à venir vers luy : durant lequel temps s'assemblerent plusieurs capitaines, tenans le party du Roy Charles : & avec eux seize ceps combattans ou environ, c'est à sçauoir le Marechal

de Boussach, & le Comte de Vendosme, messire Jaques de Chabannes, Guillaume de Flauy, Pothon de sainte Treille, le seigneur de Longueval, messire Regnault de Fontaine, messire Loys de Vaucourt, Allain Guyon, Boussart Blanchefort & plusieurs autres, qui tous ensemble passerent en belle ordonnance aupres de Montdidier : & de là s'en allerent loger à deux lieues pres de Roye en deux villaiges. Et le lendemain tresmatin se meirent tous ensemble & conclurent tous d'un commun accord & affermetent à combattre le Duc de Bourgogne, & sa puissance s'il se vouloit contre eux mettre aux plains champs. Et afin que ledit Duc fut de ce aduerty, ils enuoyerent vers luy un Herault luy signifier ladicte conclusion. Lequel Duc sçachant les nouuelles dessusdictes, feit responce qu'ils seroient combattus : toutesfoi la besongne fut atargée par ceux de son conseil, lesquels luy demonstrent plusieurs raisons : disans qu'il n'estoit mie à luy propice de mettre son corps & son honneur en aduventure contre telles manieres de gens & compagnies, sans y auoir nul Prince ne seigneur de grande auctorité, & aussi qu'il auoit pou de gens, & que ils estoient esbahis & effrayez tant pour la perte qu'ils auoient faicte au siege de Compiègne, comme pour la destrouffe de Jaques de Helly. Et pourrant ledit Duc tresgriefuement au cuer courroucé de ce qu'il ne pouoit faire sa volenté, creut son conseil : lequel feit faire responce absolue ausdits François : que s'ils vouloient attendre iusques au lendemain, on les laisseroit loger paisiblement : & si on leur liueroit certaine quantité de viures, & avec ce les combatroit messire Jean de Luxembourg, & de ce on feroit bonne seurété : lesquels François ceste responce ouye, dirent qu'ils n'en feroient rien : mais si ledit Duc (comme dit est) se vouloit mettre aux champs ils estoient prests de le combattre : durant lequel temps issit ledit Duc de Bourgogne à tout sa puissance, & se meit en bataille au dehors de la ville de Roye, & les François estoient pareillement en bataille : mais à grand peine pouoient ils passer de l'un à l'autre, pour aucunes eaiues de marests qui estoient entre les deux batailles. Neantmoins si furent icelles choses faictes entre iceux deux parties plusieurs escarmouches, durant lesquelles la nuit approcha tresfort. Et pource iceux François se retrahirent vers Compiègne moult indignez, faisans grans mocqueries dudit Duc de Bourgogne & ses capitaines, disant qu'ils ne les auoient osé combattre. Et ainsi s'en retournerent chacun en leurs garnisons. Et ledit Duc avec les siens retourna dedans la ville de Roye. Auquel lieu brief ensuiuant vint deuers luy le Comte d'Estâffort à tout six cens combattans ou enuiron. Et adonc ledit Duc luy partant de Roye alla loger à Leigny les Chastiniers, où auoit vne petite forteresse, dedans laquelle estoit l'Abbé de saint Pharon de meaulx frere au seigneur de Gamaches : & avec luy enuiron quarante combattans François, lesquels furent signifiez d'eux rendre en la volenté dudit Duc, ce que faire ne voulurent : pourquoy on les assaillist prestement, si fut en brief leur basse court prinse de force. Si s'apperceurent tantost qu'ils ne pourroient tenir leur fort ne le defendre, & pource se rendirent en la volenté dudit Duc, lequel les liura à messire Jean de Luxembourg pour en faire à sa volenté, & ladicte forteresse fut arse & demolie. Si feirent ceux de Noyon audit Duc priere & requeste qu'il les voulüst deliurer de la forteresse d'Inc, qui moult les oppressoit : mais

mais pource qu'il estoit hiuer & que ledit Duc n'auoit point gens à son plaisir, s'en retourna à Montdidier & y meit garnison : & par Corbie vint à Arras, & par Arras, en son pays de Flandres : & le Comte d'Éstanfort à tout ses Anglois retourna en Normandie. En cest an fut prinse la ville de Coulombiers en Brie par échelles au point du iour, par ceux de la garnison de Meaux en Brie, qui tenoient le party du Roy Henry d'Angleterre : dedans laquelle ville de Coulombiers estoit de par le Roy Charles cōme capitaine messire Denys de Chally : lequel oyant cest effroy, se sauua par dessus les murs & avecques luy plusieurs autres, en habandonnant tous leurs biens. Si estoit ladicte ville remplie de tous biens, & de toute ceste guerre n'auoit esté prinse de nulle des parties : toutesfoiſ elle fut pillée & les habitans mis à rançon, sinon ceux qui se sauuerent par fuite : En cest an Pierre de Luxembourg Comte de Conuersan & Brayne, successeur de la Comté de saint Pol & des appartenances, feit certain traicté avec ses deux steres : c'est à ſçauoir Loys Eueſque de Theroüenne & messire Iean de Luxembourg, des terres deſſuſdictes, par condition que ledit Eueſque deust auoir le chasteſt de Huelies en Boulonnois, la chasteſtenie de Tingry avec toutes les appartenances. Et ledit messire Iean de Luxembourg eut pour ſa part à luy & à ſes hoirs la Comté de Leigny en Barrois, & les terres de Cambresis iadis appartenans à Vallerian Comte de saint Pol : c'est à ſçauoir, Bohain, Serin, Helincourt, Marçoin, Cautaigne, & aucunes autres notables ſeigneuries. Et pourtant de ce iour en auant on nomma ledit messire Iean de Luxembourg en tous ces tiltres Comte de Leigny, ſeigneur de Beaurevoir & de Bohain. Et tout le ſurplus deſdictes ſeigneuries demourerent au deſuſdit Pierre de Luxembourg, lequel ſe nomma en cas pareil Comte de saint Pol, de Conuerſan, de Brayne & ſeigneur d'Anghien. Item le trentiesme & dernier iour de Septembre de cest an, fut n'ay en la ville de Bruxelles le premier ſils du Duc Philippe de Bourgongne, & la Duchesse Yſabel fille du Roy de Portugal ſon eſpouſe : lequel ſils en ſon baptiesme fut nommé Anthoine, & à ſa venue par toute la ville de Bruxelles fut faicte grand ioye & grand lieſſe. Et estoit lors en icelle ville le Comte de Nuche nepueu de l'Empereur d'Allemagne : lequel tenoit grand & noble eſtat, & alloient luy & aucuns de ſes gens les teſtes nues chacun vn chappel verd ſur ſon chief, en ſignifiant qu'il estoit chaſte, jaçoit-ce qu'il faiſoit moult fort & dur temps. Et tindrent iceluy enfant ſur les ſons ledit Comte & l'Eueſque de Cambray. Et les martines furent la Duchesse de Cleues, & la Comteſſe de Namur. Et y auoit bien trois cens torches tant de l'hoſtel dudit Duc, comme de ceux de la ville : lequel enfant alla de vie a trespas l'an enſuiuant. Et quand les nouuelles en furent portées audit Duc de Bourgongne, il en fut moult deſplaiſant & dit : Pleuſt à Dieu que ie ſeuſſe mort auſſi ieune, ie m'en tiendroye pour bien heureux. En l'an deſſuſdit fut prins dedans ſon chasteſt à Auchel messire Anthoine de Berhune ſeigneur de Mareul, qui auoit enuiron trente combattans : & l'auoit aſſiegé le Comte de Vendosme, de Thomelaire, Preuoſt de Laon, dont i'ay patlé cy deſſus avec grand nombre de communes. Lequel messire Anthoine voyant que bonnement ne pouoit tenir la forterelle, ſe rendit audit Comte par condition, qu'il ſ'en iroit luy & ſes gens ſauuement : mais nonobſtant leſdictes promeſſes à luy faictes

quand ce vint au partir, il fut mis à mort par icelles communes, & avec luy vn gentil-homme nommé Franquet de Beguynes. Pour la mort desquels iceluy Comte de Vendosme fut trefdolent : mais il n'en peut auoir autre chose. Et avec ce fut ladicte forteresse toute arse & demolie, dont messire Jean de Luxembourg fut fort troublé, quand il vint à sa cognoissance, à cause de ce que ledit Anthoine estoit cousin germain de madame Jeanne de Bethune sa femme, fille du Vicomte de Meaulx : & print grande indignation contre ceux de Laon.

De l'an mille cccc. xxxj.

Comment les gens de messire Jean de Luxembourg prindrent le fort de saint Martin, auquel ils furent tous morts & prins.



EN l'an dessusdit : c'est à sçauoir au commencement de cest an mille cccc. xxxj. s'assemblerent aucuns capitaines de messire Jean de Luxembourg Comte de Leigny : c'est à sçauoir messire de Lalaing, Bertrand de Manicain, Enguerrant de Crequy, Enguerrannet de Gribanual & aucuns autres accompagnez de cccc. combattans ou enuiron des frontieres de la marche de Laonnois. Si s'en allerent tous ensemble iusques au fort de l'abbaye de saint Vincent lez Laon, où alors se tenoient aucuns François : & entrerent dedans par subtilité auant qu'ils fussent apperceux & là commencerent à faire vn trefgrand cry : auquel cry s'esueillèrent ceux qui leans estoient en vne forte porte, & vigoureusement se meirent à desfence : durant lequel temps iceluy effroy fut secu dedans la cité de Laon par le seigneur de Pennesac, qui estoit dedans. Lequel s'aualla pour aller querir secours dedans Laon, lequel secours il amena : pourquoy sans delay les gens d'armes avec le tout iré de sçauoir tels voisins pres de luy, se habillerent en grand nombre, & issirent incontinent hors de leur cité pour ayder & secourir leurs gens qui (comme dit est) estoient dedans la forte porte, où ils se desfendoient contre leurs ennemis : desquels vne partie attendoient à piller les biens de ladicte abbaye, & aucuns lieux, & n'auoient point regard à poursuiuir premier, ne mettre à fin leur emprise, ne aussi aux perils qui leur en pouoient aduenir. Si furent tout soudainement enuahis des dessusdits gens d'armes d'vn común accord, & trespresment cōbatutz. Et en conclusion furent mis à grand meschief & à desconfiture, & y en mourut sur la place soixante des plus notables : entre lesquels y furent morts Bertrand de Manicain, & Enguerrannet de Gribanual : lequel Enguerrannet offrant grand finance pour sa rançon ne fut à ce receu, pource que lesdictes communes auoient sur luy grand haine, pour la diuerse & desordonnée guerre qu'il leur auoit long temps parauant faicte. Et messire Jean de Lalaing fut prins prisonnier, & eut la vie sauue par le moyen d'vn gentil-galland de la garnison nommé Archanciel, qui estoit bien aymé desdictes communes : avec lequel messire Symon fut prins Enguerrant de Cresquy, & aucuns autres en petit nombre : & le surplus sçachant ceste male aduature, se retrahirent es lieux dont ils estoient venus : pour laquelle besongne ainsi aduenue, le dessusdit messire Jean de Luxembourg eut au cuer trefgrand tristesse non pas sans cause : car il perdit en ceste destrouffe grand partie de ses plus vaillans hommes de guerre : & y fut aussi mort le frere dudit seigneur de Pennesac nommé Iamet.

En

En ce temps fût conquis le fort chastel de Rambure par les François: & le print par eschelles d'emblée vn nommé Charles des Marests, qui estoit au seigneur de Rambures prisonnier en Angleterre: auquel ledit chastel appartenoit. Lequel auoit en sa garde pour la partie du Roy Henry messire Ferry de Mailly. Et fur par le moyen de ceste prinle grand entrée pour les François au pays de Viemeu en la Marche à l'environ, comme cy apres sera declairé.

Comment Pothon de sainte Treille & messire Loïs de Vaucourt furent prins des Anglois.

Tem en l'an dessusdit le Marechal de Boufach, Pothon de sainte Treille, messire Loïs de Vaucourt & aucuns autres capitaines tenants le party du Roy Charles, accompagnez de huiet cens combattans ou enuiron, se partirent de la ville de Beauuais pour aller querir leurs aduentures & fourter le pays enuers Gournay en Normandie. Auec lesquels y estoit vn que les François nommoient Pasturel: & le vouloient exaucer en renommée, comme & par telle maniere comme par auant auoit esté Ieanne la Pucelle. Si fut sceu leur entreprinse & rapportée au Comte de Varuich, lequel en grand diligence assembla iusques à six cens combattans: & cheuacha en tirant de Gournay à Beauuais, & rencontra ses ennemis qui point ne se doubtoient de sa venue aupres d'une ville nommée Gournay: lesquels de luy & de ses Anglois furent asprement assaillis, & en fin sans ce que par eux fut faite grand deffence, furent desconfits & mis en destroy. Et furent prins de premiere venue Pothon de sainte Treille, messire Loïs de Vaucourt, & auec eux soixante combattans ou enuiron, & les autres reserué huiet ou dix, qui furent morts se sauuerent auec ledit Marechal en retournant à Beauuais. Aupres duquel lieu furent par iceux Anglois poursuiuis & rechassez moult viuement: & apres ledit Comte de Varuich r'assembla ses gens, & retourna à Gournay moult ioyeux de sa bonne aduenture, & depuis à Rouen deuers le Duc de Bethfort duquel ils furent ioyusement receuz.

Comment Maillotin de Bours, & messire Hector de Flauy se combattirent l'un contre l'autre en la ville d'Arras.

LE xx. iour du mois de Iuing en cest an, fut fait à Arras en la presence du Duc de Bourgongne vn champ d'armes, entreptins par auant de Maillotin de Bours appellant contre messire Hector de Flauy deffendant. Et estoit la querelle, pource que ledit Maillotin auoit accusé ledit messire Hector deuers ledit Duc de Bourgongne, en disant qu'il auoit voulenté de soy rendre son ennemy, & se tourner du party du Roy Charles: & luy auoit requis qu'il sen voulüst aller auecques luy, & que d'un commun accord preinsent Guy Guillebault, lequel estoit gouverneur des finances d'iceluy Duc, ou quelque autre bon prisonnier pour payer leurs despens. Sur lequel rapport auoit esté chargé de par le dessusdit Duc audit Maillotin, que luy mesmes print ledit Hector, & l'amenast prisonnier en la ville d'Arras, ce qu'il feit: car luy receu le mandement dessusdit, fut accompagné de gens en nombre competent, & sen alla en vn village empres Corbie nommé Bauray, si

le manda. Et ledit messire Hector vint deuers luy comme non sçachant que ledit rapport eut esté fait de luy. Si y vint à priuée mesgnie: car ledit Maillotin faingnoit qu'il vouloit parler audit messire Hector. Et quand ledit Hector fut venu deuers luy, tantost le print & feit prisonnier: & le mena audit lieu d'Arras, où il fut longue espace: Neantmoins par le pourchats de ses amis fut mené à Hésdin en la presence du Duc. Et aussi ledit Hector s'excusa moult fort de ce qu'on luy mettoit sus: disant que les autres choses que ledit Maillotin mesmes l'auoit requis de pareil cas, dont il l'accusoit: toutesuoyes la besongne fut tant pourparlée entre les paries, que le Maillotin iecta son gage & messire Hector le leua par le congé du Prince. Si leur fut iour assigné au vingtiesme iour de Iuing (comme dit est) & y pouoit auoir enuiron quarante iours de iour. Si baillerent chacun bon & leur respondant de comparoir en personne audit iour: laquelle chose ils feirent, & pourtant en ce mesme iour enuiron deux heures vint ledit Duc de Bourgogne de son hostel d'Arras, grandement accompagné de sa cheualerie & autres nobles à son eschaffault, qui estoit fait pour luy tout propice sur le grand marché, contre le meillieu des lices qui par auant auoient esté faites au lieu accoustumé: dedans lequel eschaffault entrerent avec ledit Duc, le Comte de S. Pol, de Ligny & plusieurs autres notables cheualiers & escuyers. Si auoit dedans ledit parc deux pauillons tendus: & au dehors d'iceux deux grâdes chaires de bois pour les champions. Et estoit celuy de Maillotin au dextre lez du Duc, pource qu'il estoit appellant, & ledit messire Hector au fenestre. Lequel pauillon du dessusdit messire Hector estoit armoyé mout richement de seize manieres de blasons: c'est à sçauoir des costez, dont luy & ses ancestres estoient issus. Et dedans iceluy estoit figuré vn sepulchre, pource qu'iceluy messire Hector auoit esté fait cheualier au saint Sepulchre de Hierusalem. Si fut assez brief ensuiuant le dessusdit Maillotin appelé par le Roy d'armes, à venir comparoir en personne au iour qui luy estoit assigné: Lequel Maillotin enuiron vnze heures isit de son chastel accompagné du seigneur de Chargny, du seigneur de Humieres, & de messire Pierre Quieret seigneur de Ramencourt, avecques plusieurs autres gentils-hommes ses parens & amis: & seoir sur vn cheual couuert de ses armes, & si estoit armé de plain harnois le bacinet au chief, la visiere abbatue, tenant en l'une de ses mains la lance, & en l'autre tenoit l'une de ses espées, desquelles il en auoit deux: & si auoit vne grosse dague pendue à son costé au harnois, & menoient deux des cheualiers dessusdits estans à pied leur cheual par le frain: & ainsi vint iusques à la barriere des lices: au dehors desquelles il feit le serment accoustumé en tel cas en la main de messire Jaques de Brimeu, qui à ce estoit commis & ordonné. Apres lequel serment luy fut la barriere ouuerte: si entra dedans luy & ses gens qui estoient tous à pied: A tout lesquels il fallà presenter au Duc de Bourgogne deuant son eschaffault, & puis retourna à sa chaire où il descendit ius de son cheual: & entra en son pauillon pour luy reposer & attendre son aduersaire. Et avec luy entra aussi le seigneur de Chargny, qui l'introduisoit de ce qu'il auoit à faire & aucuns autres de ses plus priuez. Et assez brief ensuiuant le Roy d'Armes d'Arthois dessusdit appella messire Hector de Flauy, ainsi qu'il auoit fait l'autre: lequel messire Hector enuiron le quart d'une heure apres isit hors de
fon

son hostel, & vint tout à cheual armé & embaïstonné comme auoit fait son aduersaire, iusques à la barriere des lices grandement accompagné de plusieurs gentils-hommes, entre lesquels estoient les deux enfans du Comte de saint Pol: C'est à sçauoir Loys & Thibault, & menoiert tout à pied leurs cheuaux par le frain. Et les autres seigneurs suiuiroient derriere tous à pied: c'est à sçauoir le seigneur d'Antoing, le Vidafme d'Amiens, Iean de Flauy frere dudit messire Hector, Hue de Launoy, le seigneur de Chamy, le seigneur de Sauuefles, messire Iean de Fossus, le seigneur de Creuecueur & tresgrand nombre d'autres notables cheualiers & escuyers: lesquels venus à icelle barriere, fut par ledit messire Hector fait le serment: & puis entra dedans, & fallà presenter au dessusdit Duc de Bourgogne. Et apres retourna en sa chaire où il descendit de son cheual, & puis entra en son pauillon: si allerent assez tost apres tous deux deuant l'eschafault d'iceluy Duc & tout à pied, où ils feirent le serment sur le liure chacun de combattre sur bonne querelle, & apres retournerent en leurs lieux. Et adonques fut crié par le Roy d'Armes dessusdit que sur la hart tout homme voidast les lices, sinon ceux qui estoient commis à les garder. Et lors on osta les chaires & pauillons, & fut crié de rechief qu'on laissast aller les champions, & qu'ils feissent leur deuoir. Si auoit esté ordonné de par le Prince que de chacune partie demourassent dedans les lices huit hommes de leurs plus prochains non armez, avecques les huit qui estoient commis pour les prendre ou leuer, quand ils auoient le commandement du iuge, & leurs cheuaux qui estoient couuers de leurs armes furent laissez aller. Apres lequel cry le dessusdit Maillotin de Bours qui estoit appellant, commença à marcher tout premier, & apres messire Hector vint contre luy chacun d'eux deux paumoyant leurs lances gentement, lesquels à l'approcher les iecterent l'un contre l'autre & point ne sentre-attaingnirent. Et incontinent monstrant signe de grand hardiesse approcherent l'un l'autre, & commencerent à combattre & pousser tresfort de leurs espées l'un sur l'autre: toutesfois en ce faisant messire Hector leua audit Maillotin la visiere de son basinet de coups d'espée par plusieurs fois, tant qu'on veoit son visage plainement: pourquoy le plus d'iceux là estans tenoient messire Hector estre au dessus de sa querelle: neantmoins ledit Maillotin sans luy pour ce esbahir à toutes les fois le referma vistement, en frappant de son espée par dessus & en desmarchant vn pas. Durant lequel temps que les deux champions dessusdits monstrerent signe de grand hardiesse & vaillance l'un contre l'autre, fut dit de par le Duc de Bourgogne qu'on les print en ce point, laquelle chose fut faite sans delay par ceux qui estoient commis à ce faire, & n'auoient point tiré de sang l'un de l'autre. Si fut tantost ordonné que chacun d'eux retournaist en son hostel: laquelle chose ils feirent & isirerent hors des lices aussi tost l'un comme l'autre chacun par son lez. Et le lendemain chacun d'eux dînerent à la table du Duc, & estoit messire Hector au dextre lez: apres lequel dîner leur fut ordonné de par iceluy Duc & sur peine capitale, que iamais ne portaissent dommage ne deshonneur l'un à l'autre ne à leurs amis, alliez & biens vucillans: & avec ce leur feit pardonner la malvueillance qu'ils auoient l'un à l'autre, & les feit toucher ensemble.

Comment le gens du Roy Charles voulurent prendre la ville de Corbie.

EN ce mesme temps s'assemblerent plusieurs des capitaines du Roy Charles: c'est à sçauoir le seigneur de Longueual, Anthoine de Chabannes, Blanchefort, Allain Geron & plusieurs autres. Si cheuaucherent tous ensemble avecques leurs gens vers la ville de Corbie, laquelle ils cuidèrent prendre par soubdain assaut: mais par la diligence de l'Abbé dudit lieu, ladicte ville fut moult bien deffendue & ceux qui estoient dedans: & aussi ils furent confortez de Jean de Humieres, Auieux de Gribanual & aucuns autres gentils-hommes, qui estoient avec eux, & tant qu'en conclusion ils furent reboutez & perdirent de leurs gens. Et mesmement ledit Allain Geron fut nauré moult durement, & mis comme en peril de mort. Si furent ars à l'occasion d'eux vn tresbeaux faulxbourgs au lez vers Feulloy. Et apres se departirent & allerent fourrer le païs sur l'eüe de Somme, & prindrent le chastel de Morcourt, & le Lyon qui estoit au seigneur de Longueual, & firent de grans dommage au païs: mais en assez brief terme ils laisserent ladicte forteresse, & s'en retournerent és lieux dont ils estoient issus, pour doubte qu'ils ne fussent assiegez dedans. Lesquelles forteresses furent demolies & abbatues par l'ordonnance du Duc de Bourgogne.

Comment le seigneur de Barbazan met siege deuant le chastel d'Anglure, que tenoient les gens du Duc de Bourgogne.

EN cest an le seigneur de Barbazan, qui le plus du tēps se tenoit avec le Duc de Bar és marches de Champaigne, met le siege deuant le chastel d'Anglure que tenoient les gens du Duc de Bourgogne: mais par continuation furent fort approchez & combattus, tant de canons comme d'autre artillerie. Et entre-temps que ce se faisoit en furent les nouvelles portées au Duc de Bethfort, lequel par leurdit siege y enuoya le Côte d'Arondel, l'enfant de Varuich, le seigneur de l'Isle Adam, le seigneur de Chastillon, le seigneur de Bonneul & autres capitaines à tout seize cens combattans ou environ: lesquels par aucuns iours cheuaucherent tant qu'ils vindrent assez pres dudit lieu d'Anglure, où ils trouuerent le seigneur de Barbazan, lequel sçachant leur venue s'estoit desia retraict en vn lieu qu'il auoit fortifié assez à son aduantage. Si y eut entre les parties aucunes escarmouches, esquelles furent morts de seize à vingt hommes d'entre eux, & ledit seigneur de l'Isle Adam y fut blessé. Et pource que les Anglois & Bourgongnons veirent que bonnement & sans trop grand dangier ne pouoient combattre leurs ennemis, ils tirerent leurs gēs hors de la forteresse avec la dame du lieu, & meirent le feu dedans: & apres ce se retrahirent vers Paris, & és lieux dont ils s'estoient partis. Ledit seigneur de Barbazan auoit esté commis de par le Roy Charles de France gouverneur & capitaine des païs, de Brie, de Laonnois & de Champaigne. Et auant qu'il assiegeast Anglure auoit conquis Nornuile en Laonnois, Voisines, & autres plusieurs places: & fut audit siege d'Anglure environ vn mois. Si estoient avec luy le seigneur de Conflans, messire Jean Bastard de Dampierre & grand nombre de communes. Et quād ce vint que les Anglois & Bourgongnons dessus nommez,

mez, vindrent pour ſeulement ſiege à vne eſcarmouche que firent les aſſiegez, gaignerent les François icelle baſtille & forterefſe, mais preſtement fut conquiſe par les deſſuſdits Anglois : & pource fut elle miſe en feu & en flambe & du tout demolie, comme dit eſt deſſus.

Comment Jeannie la Pucelle fut condamnée à eſtre aſſe & miſe à mort dedans la cité de Roüen.



Enſuit la condamnation qui fut faicte en la cité de Roüen contre Jeannie la Pucelle, comme il peut apparoir par lettres enuoyées de par le Roy d'Angleterre au Duc de Bourgogne, deſquelles la coppie ſ'enſuit. Trefchier & trefaimé oncle la ſeruente dilection que ſçauons vous auoir (comme vray Catholique) à noſtre mere ſaincte Eglife & l'exaltatiõ de noſtre ſaincte foy, raiſonnablemẽt nous exhorte & admõneſte de vous ſignifier & eſcrire ce qu'à l'honneur de noſtre dicte mere ſaincte Eglife, fortification de noſtre foy & extirpations d'erreurs peſtilencieuſes, a eſté en ceſte noſtre ville de Roüen fait nagueres ſolennellement. Il eſt aſſez commune renommée ja comme par tout diuulgée, comment celle femme qui ſe faiſoit nommer Jeannie la Pucelle erronnée, ſ'eſtoit deux ans & plus contre la loy diuine & l'eſtat de ſon ſexe femenin veſtue en habit d'homme, choſe à Dieu abhominable. Et en tel eſtat transportée deuers noſtre ennemy capital & le voſtre: auquel & à ceux de ſon party, gens d'Eglife, nobles & populaires, donna ſouuent à entendre que elle eſtoit enuoyée de par Dieu: en ſoy preſumptueuſement vantant, qu'elle auoit communication perſonnelle & viſible avecques S. Michel & grande multitude d'anges & de ſaincts de Paradis, comme S. Katherine & ſaincte Marguerite. Par leſquels faulx donné à entendre & l'eſperance qu'elle promettoit de viſitoires futures, diuertit pluſieurs cueurs d'hommes & de femmes de la verité, & les conuertit à fables & menſonges. Se veſtit auſſi d'armes appliquées pour cheualiers & eſcuyers, leua l'eſtandard. Et en trop grãd outrage, orgueil & preſumption demanda auoir & porter les trefnables & excellentes armes de France qu'en partie obtint. Et les porta en pluſieurs courſes & aſſaulx, & ſes freres, comme on dit, c'eſt à ſçauoir vn eſcu à deux fleurs de lys d'or à champ d'azur, & vne eſpée la poincte en haut ſerüe en vne couronne: en ceſt eſtat ſ'eſt miſe aux champs, a conduit gens d'armes & de traitt en exercite & grans compagnies pour faire & exercer cruautez inhumaines en eſpandant le ſang humain, en faiſant ſeditions & commotions de peuple: l'induifant à pariuremens, rebellions ſuperſtitious & faulces creances: en perturbant toute vraye paix, & renouuellâr guerre mortelle en ſe ſouffrant honorer & reuerer de pluſieurs, comme femme ſainctifiée: & autrement dånablement ouurant en diuers cas longs à exprimer, qui toutesfois ont eſté en pluſieurs lieux aſſez cogneuz, dont preſque toute la Chreſtienté a eſté toute ſcãdalizée: mais la diuine puifſſance ayant pitié de ſon peuple loyal, qui ne l'a lōgement voulu laiſſer en peril ne ſouffert demourer es vaines, perilleuſes & nouuelles crudelitez, où ja legierement ſe mettoit: a voulu permettre ſa grand miſericorde & clemence, que ladicte femme ait eſté priſe en voſtre oſt & ſiege que teniez lors de par nous deuant Compiengne, & miſe par voſtre bon moyen en noſtre obeifſſance & domination: & pource que

dés lors feusmes requis par l'Euesque, au diocese duquel elle auoit esté prinse qu'icelle Ieâne notée & diffamée de crimes de leze majesté diuine, luy feissions deliurer, comme à son iuge ordinaire ecclesiastique. Nous tât pour la reuerence de nostre mere sainte Eglise, de laquelle voulons les ordonnances preferer à noz propres faits & voulentez comme raison est: comme aussi pour l'honneur & exaltaion de nostredicte sainte foy: luy feismes bailler ladicte Ieanne, affin de luy faire son procez: sans en vouloir estre prinse par les gens & officiers de nostre iustice seculiere aucune vengeance, ou punition ainsi que faire nous estoit raisonnablement licite: attendu les grans dommages & inconueniens, les horribles homicides & detestables cruautéz & autres mauix innumerables, qu'elle auoit commis à l'encontre de nostre seigneurie & loyal peuple obeissant. Lequel Euesque adioinct avecques luy le Vicair de l'inquisiteur des erreurs & heresies: & appellé avecques eux grand & notable nôbre de solennels maistres & Docteurs en Theologie & droit Canon, commença par grande solennité & deüe grauité le procez d'icelle Ieanne. Et apres ce que luy & ledit Inquisiteur iuges en ceste partie eurent par plusieurs & diuerses journées interrogué ladicte Ieanne, feirent les confessions & assercions d'icelle meuremēt examiner par lesdits maistres Docteurs. Et generallyment par toutes les facultez de nostre treschier & trefaymée fille l'Vniuersité de Paris: deuers laquelle lesdictes confessions, assercions, ont esté enuoyez: par l'opinion & deliberatiō desquels trouuerent lesdits iuges, icelle Ieanne supersticieuse, deuineresse de diables, blasphemeresse en Dieu: Et en ses saints & saintes schismastique & errant par moult de fors en la foy de Iesus-Christ. Et pour la reduire & ramener à l'vnité & cōmun de nostredicte mere sainte Eglise, la purger de ses horribles & pernicieux crimes & pechez, & guerir & preseruer son ame de perpetuelle peine & damnation, fut souuent & par bien long temps trescharitablement & doucement admonestée, à ce que tous erreurs fussent par elle reiectée & mises arriere: voulüst humblement retourner à la voye & droit sentier de verité, où autrement elle se mettoit en grand peril d'ame & de corps. Mais le tresperilleux & diuisé esprit d'orgueil & d'outrageuse presumption, qui tousiours s'efforce de vouloir empescher l'vnité & seurte des Chrestiens: occupa & detint tellement en ses liens le courage d'icelle Ieanne, que pour quelconque sainte doctrine ou conseil ne autre douce exhortation qu'on luy eut administrée, son cueur endurcy & obstiné ne se voulut humilier n'amolir: mais se vanloit souuent que toutes les choses qu'elle auoit faictes, estoient bien faictes: & les auoit faictes du commandement de Dieu & desdictes saintes vierges, qui visiblement s'estoient à elle apparues. Et qui pis est, ne recognoissoit ne ne vouloit recognoistre en terre fors Dieu seullement & les saints de Paradis, en refusant & debouttant le iugement de nostre saint Pere le Pape, du concile general & vniuerselle Eglise militante. Et voyans les iuges ecclesiastiques seldits courage & propos, par tant & si longue espace de temps endurcy & obstiné, l'a feirēt mener deuant le clergé & le peuple illec assemblé en tresgrand multitude: en la presence desquels furent preschez, exposez & declarez solennellement & publiquement par vn notable maistre en Theologie à l'exaltaion de nostre foy, extirpation des erreurs & edification & amendement du peuple Chrestien. Et de

rechief

rechief fut charitablement admonnestée de retourner à l'vniõ de sainte Eglise, & de corriger ses fautes & erreurs en quoy elle estoit obstinée. Et en ce consideré, les iuges dessusdits procederent à prononcer la sentence contre elle en tel cas de droict introduicte & ordonnée. Mais auant que la sentence fut parlute, elle commença par semblant à muer son courage, disant qu'elle vouloit retourner à sainte Eglise: ce que volentiers & ioyusement ouïrent les iuges & le clergie dessusdits qui à ce la receurent benignement, esperât par ce moyen son ame & son corps estre racheptez de perdiion & toutmêt. Adôcques se submist à l'ordonnance de sainte Eglise, & ses erreurs & detestables crimes reuocqua de la bouche, & abiura publicquement signant de sa propre main la cedulle de ladicte reuocation & abiuratiõ. Et par ainsi nostre piteuse mere sainte Eglise foy esiouillant sur la pecheresse faisant penitence, vueillant la brebis retrouver & recouuer par le desert s'estoit elgarée & foruoyée ramener avecques les autres, icelle Jeanne pour faire penitence condamna en chartre. Mais gueres ne fut illecques, que le feu de son orgueil qui sembloit estre estainct en icelle rembrasa en flambes pestillencieuses par les soufflemens de l'ennemy. Et tantost ladicte femme malheurée rencheut és erreurs & és rageries que par auât auoit profetées, & depuis reuocquées & abiurées, comme dit est. Pour lesquelles causes selon ce que les iugemens & institutions de sainte Eglise ordonnerent, affin que doresnauant elle ne contaminast les autres membres de Iesus-Christ, elle fut de rechief preschée publicquement. Et comme elle fut rencheüe és crimes & fautes villaines par elle accoustumées, fut delaisiée à la iustice seculiere, laquelle incontinent la condamna à estre bruslée. Et voyant son finement approcher, elle cogneut plainement & confessa que les esprits qu'elle disoit estre apparus à elle, souuentesfois estoient mauuais & menfongiers, & que les promesses qu'iceux esprits luy auoient plusieursfois faictes de la deliurer estoient faulces: & ainsi se confessa par lesdits esprits auoir esté deceüe & demouée. Si fut menée par ladicte iustice liée au vieil marché dedans Roüen, & là publicquement fut arse à la veüe de tout le peuple. Laquelle chose ainsi faicte le dessusdit Roy d'Angleterre signiffia par les lettres, cõme dit est, au dessusdit Duc de Bourgogne, affin qu'icelle execution de iustice fût par luy comme les autres Princes, fut publiée en plusieurs lieux: & que leurs gës & subiects doresnauant fussent plus seurs & mieux aduertis de non auoir creance en telles ou semblables erreurs, qui auoient regné pour l'occasion de ladicte Pucelle.

Comment le Concile fut remis & ordonné à Basle, par la mort & induction de l'Empereur d'Allemagne.



N cest an fut par nostre saint Pere le Pape & par l'Eglise vniuerselle constitué à tenir vn concille general en la ville de Basle: lequel auoit esté ptoimeu à estre assemblé durant le Pape Martin. Laquelle ville de Basle est vne cité assez puissante & plantureuse de biens, située & assise sur la riuere du Rhin. Auquel lieu se commencerent à assembler les deputes de plusieurs estudes & nations: entre lesquels y vindrent en notable compagnie ceux de l'Vniuersité de Paris, les ambassadeurs de l'Empereur d'Allemagne & plusieurs Roys, Princes, Prelats & collieges en grand nombre. Si aduint

que le Pape Eugene voulut delayer de mettre iceluy concille iusques à an & demy ensuiuant, & le translater à Boulongne la Grasse, affin que les Gregois y peussent venir : mais pource que l'Empereur luy escriuiſt quelles lettres où en substance la teneur sensuit. Premièrement contenoient les lettres de l'Empereur, qu'il desiroit moult que le Concile de Basle ne fut dissipé ne retardé pour l'esperance des Grecs : car on auoit moult de fois labouré sans effect pour les attirer à l'vniõ de nostre mere sainte Eglise : mais conseilloit mieux d'arracher & exuirper les heresies regnans. Item, car ceux du Concile auoient escript à ceux de Pragues appelez Houſſes, qu'ils veinsſent au present Concile : & l'Empereur leur en auoit escript pareillement, & pour y venir donné faufconduit. Et sembloit qu'ils auoient intention d'y venir : car ils auoient eu grand perte contre les Hongres, & si auoient esté repulſez par deux fois du Duc d'Autriche. Item pource que les Pragois ſçauoient, que le saint Concile estoit principalement tenu pour destruire & abolir leurs heresies, pouoit on esperer que par information sans disputation on les conuertiroit à bonne creance. Item s'il aduenoit qu'ils ne se voulsſſent consentir de condescendre à raison, ceux du Concile estãs de tous païs admõnesteroient ceux de leurs contrées, à ce qu'ils voulsſſent destruire ces Pragois. Item pource qu'ils veulent approuuer leur secte par sainte escripture se on delaiſſoit le Concile, ils diroient qu'on ne ſçauoit que respondre à leurs raisons, & que riens n'estoit du Concile. Et par ainsi l'enharditoient en leurs faulſes creances & peruerſes erreurs. Item par ce que renommée couroit, que le saint Concile estoit assemblé presentement pour reformer les meurs du peuple Chrestien : & aussi l'estat de l'Eglise. Si estoit à doubter que les gens lays qui moult parloient sur leur estat, diroient que si on assembloit, & puis que departist le Concile ainsi qu'on auoit ja fait à Pise & à Constantines, que c'estoit sans vilité & proffit : Et que ce n'estoit qu'une moquerie & confusion. Item estoit le Concile commencé pour appaiser les dissensions qui par especial estoient en la foy entre clercs & lays : pourquoy ceux du Concile l'auoient ja escript, & mandé à aucune ville de venir au Concile. Et par especial aucunes villes en Saxongne, dont l'une ville : c'est à ſçauoir Magdebourg auoit bouté hors son Euesque avec le clergié, & autres festoient rebellez à leurs Euesque. Et pource qu'ils estoient enclins aux Pragois, estoit à doubter aucuns, que si le Concile se departist, que ceux cy & autres se mettroient avec iceux Pragois tant qu'à grãd peine on y pourroit remedier. Item iãçoit ce que plusieurs Princes & villes ſituées & assises entour les Pragois, auoient fait trefues avecques iceux : toutesfois la greigneur partie se tenoit encore fermement à eux esperans sur la prouiſion du Concile : mais ſils ſçauoient le departement d'iceluy si feroient aussi trefues comme les autres, dont il sensuiueroit qu'ils se hardiroient avec les Pragois. Item auoit eu aduis sur le Concile de pacifier plusieurs Roys, Princes & autres, & en ce commencé à trouuer moyen de paix : mais si le Concile estoit séparé, ceux Princes estoient taillez d'eux employer à guerroyer & continuer en guerre, & ne remainderoit nulle esperance d'assembler le Concile pour les seditions & cruautés qui aduiendroient : & ainsi seroient attargées plusieurs prouiſions & moyens, seruans au proffit commun de la Chrestienté. Si aduiendroient grans esclandres & destruccions, qui plus euidentement apperoient

roient qu'on ne les pourroit escrire. Lesquelles considerations declairées en l'epistre de l'Empereur, si estoit la cōclusion en icelle comme il fenſuit. Pourquoy nous requerrons à vostre saincteté, qu'incontinent escriueſſe au President & à ceux du sainct Concile qu'en nulle maniere ne se départent: mais bienheuremēt ils accompliſſent ce qu'ils ont encommencé & ce pourquoy ils ſont au nom de nostre ſeigneur assemblez, en rappellant & adnichillant ſ'aucunes choſes auez eſcriptes au contraire. Et vueillez conſiderer que les heretiques armées accoiſſent, & que ſi vous ne les faiſtes deſcharger à l'Egliſe, & remettre au premier eſtat, on n'y pourra remedier par nulle puiſſance, par nul conſeil ne par nul engin. Et certainement ceux qui vous ont conſeillé le departement du Concile, n'entendoient mie ſes griefs maux qui en pourroient naiſtre. Pleuſt à Dieu qu'ils aſſauouraffent & entendiffent la fin comme l'attente, & retagement en ce cas ſoit moult perilleux & nullement à ſouffrir. Et ſe on doubtoit, que par aduantage par les lays peut eſtre uſurpée aucune choſe contre l'eſtat de l'Egliſe, on ſabuſeroit, pource qu'ils ne doubrent ieſter leur ſaulx en autrui lieu, champ ou fruiſts: Mais pour vray ſes ſubtilitez de retarder le ſainct Concile, feront forcer les lays contre l'Egliſe & clergie: laquelle choſe on pourroit par bonne maniere deſtourner: c'eſt à ſçauoir par entretenir le Concile, en quoy les lays ſeroient reſtrenez, quand ils verroient que les clergiez n'entendroient ſeulement au ſingulier proffit. Item deuez conſiderer qu'il eſt à ſuppoſer, que ſainct Cōcile à ſe departement ne ſe voudra nullement conſentir, & les ſuiuitoit la plus grād partie des Roys, Princes, Prelats & communes. Et vostre ſaincteté qui iuſques à maintenant a eſté de bonne reputation en ſaincte Egliſe & ſans tache, cherra par ceſtes euures en ſuſpection, ou rouil. Et par ce departemēt ſans realle cauſe, corromperez vostre innocēce: car on pourra dire que vous nourriſſez les heresies & occasions en terre entre les Chreſtiens, de perſeuetance de mauuiſes meurs & de pechez au peuple. Pourquoy eſt à doubter grandement inobediēce, eſclandre & diſcretion en l'Egliſe de Dieu: car aucuns vous impoſeront que vous auez donē matiere & occasion de ces choſes. Et eſt à preſumer qu'on trouuera aſſez de ceux qui l'accorderont à ce. Item ſe vostre ſaincteté vouloit en propre perſonne eſtre preſent, au ſainct Concile, ce ſeroit bon & vtile: mais ſ'il ne pouoit eſtre, ſi commandez haſtiuement qu'il ſoit entretenu ainſi qu'il eſt commencē: car ces choſes qui touchent ſang, & ne peuuent eſtre ſans bleſſure de Chreſtienté, ne quierent & ne demandent nul retardement. Item ſe vostre ſaincteté deſite au temps aduenir à entendre au fait des Gregeois ou autre choſes, leſquelles ne quierent mie ſi grand haſte. Et pourra bien eſtre celebré vn autre Concile, qui ſera choſe aduenāt & plus acceptable que ne ſeroit pour le preſent le ralongement de ceſtuy Concile: car il eſt bien à doubter que ſe ce Concile ſe depart, qu'on ne pourra faire nulle aſſemblée dedans vn an & demy pour les inconueniens qui aduiendroient. Item toutes leſquelles choſes vueillez votre ſaincteté diligemment conſiderer, ſi que ledit Concile ſoit tātōſt reſtauré. Et vueillez nostre admonition retenir paternellement & debonnairement: car à ce nous contrainct nostre conſcience & noz dernieres neceſſitez, en quoy nous voyōs eſtre miſe l'Egliſe de Dieu, & auſſi nostre magnificēce ne voudroit point volentiers que de ce naſquiſt ſuſpection contre votre ſaincteté: ſi comme plus

clerement vous donnerons à cognoistre, quand nous serons par deuers vous, ce que nous esperons que serons briefuement. Lesquelles considerations deslus touchées par nostredit saint Pere, il restaura & reſtablit le saint Concile deslusdit, où se rassemblerent plusieurs seigneurs ecclesiastiques & ſeculiers ambassadeurs d'Estudes, Prelats & Princes en grand nôbre & en grand multitude.

Comment le Duc de Bar vint en la Comté de Vaudemont pour la conquerre à force.



Rest verité qu'au temps & à l'occasion de la guerre ja pieça esmeüe, & dont en autre lieu est faicte mention entre René Duc de Bar, & Anthoine de Lorraine Comte de Vaudemont son ennemy feit tresgrande assemblée de gens d'armes, tât des Duchez de Bar & de Lorraine comme des pays d'Allemagne & de plusieurs autres lieux, iusques au nôbre de six mille combattans ou enuiron: desquels estoient les principaux les Comtes de Salines, de Saliuines & de l'Image, l'Euesque de Mets, messire Thibault de Barbey & aucuns autres nobles hommes & de grand estat. Et li estoit avecques eux ce gentil & renommé cheualier le seigneur de Barbazan, au plaisir & induction duquel ou aumoins en la plus grand partie, le deslusdit Duc de Bar cōduisoit son armée & exercite, pource qu'il estoit expert, subtil & renommé en fait de guerre: lesquels grandement aornez & pourueuz de grand nombre de charroy, viures, artilleries & autres habillemens de guerre furent par ledit Duc capitaine conduits & menez deuant la ville de Vaudemont, chief lieu & chief de ladicte Comté, laquelle fut en assez fort lieu: avecques ce estoit bié réparée & pourueüe pour attendre guerre tant de viures & d'artilleries comme de gens & autres choses necessaires, pource que par auant ledit Comte estoit assez aduertie pour la venue de ses ennemis. Et y auoit en son lieu constitué capitaine de ladicte ville vn nommé Gerard de Passenchault Baillif d'icelle Comté, & Henry de Fouquencourt: lesquels deux feirent bonne diligence de defendre, & resister contre leurs aduersaires. Neantmoins ils furent en assez brief terme assiegez & enuironnez de toutes parts, par ce que leursdits aduersaires estoient en tresgrand nombre au regat d'eux, & ne les pouoient de ce destourber. Et d'autre part lesdits assiegeans coururent, raurent & degasterent par feu & par espée la plus grand partie de la Comté de Vaudemont, dont grandement despleur audit Comte: mais à present luy conuenoit souffrir & endurer, pource qu'il n'estoit mie assez puissant pour y remedier. Si garnist les forteresses qui estoient en son obeissance de ce qu'il auoit de gens, & li conclud qu'il se retireroit deuers le Duc Philippe de Bourgongne, duquel il auoit tousiours tenu le party, pour luy requerre humblement qu'il luy voulüst blailler ayde de ses gés, afin qu'il peut deliurer sadicte ville de ses ennemis: laquelle estoit assiegée, cōme dit est: lequel Duc il trouua en son pays de Flâdres. Et apres quil luy eut racompté ses affaires & la grande necessité en laquelle estoit la deslusdicte ville de Vaudemont, ledit Duc de Bourgongne luy feit responce que de sa requeste il parleroit volentiers à son conseil, & luy feroit briefuement responce & la meilleur ayde que bonnemét pourroit. Et alors estoit venu des parties de Bourgongne par deuers ledit Duc, n'auoit point encores gramment, messire Anthoine

thoine de Toulongon Marechal de Bourgongne, & aucuns autres notables personnes enuoyez d'iceluy païs, pour remonstrier audit Duc les grans affaires qui estoient en sondit païs de Bourgongne par le moyen des François & Bourbonnois ses ennemis, qui chacun iour incessamment faisoient esdictes parties tresgrandes occisions & dommages par feu & par espée, & auoient desia conquis plusieurs bonnes villes & forteresses au grand dommage & preiudice desdits païs: & estoient bien en voulenté de plus auant conquerre, se par luy n'y estoit pourueu: requerant à iceluy treshumblement qu'il luy pleust pour la saluation de ses païs, à eux faire ayde de ses capitaines de Picardie accompagnez de certain nombre de gens d'armes, & par especial des gens de trait: lesquels (comme ils disoient) leur estoient moult necessaires. Sur lesquelles deux requestes dessusdictes, ledit Duc assemble plusieurs fois avecques luy ceux de son conseil pour auoir aduis, comment il pourroit besongner sur les affaires dessusdictes. Si furent lesdictes besongnes moult debattues: & luy remonstroient on comment les François ses ennemis estoient d'autre partie tout à l'environ des marches de Picardie, prests & desirans d'entrer en son païs d'Arthois: disant que s'il se deffournissoit de ses Picards & sedit ennemis le scauoient, ils luy pourroient porter vn tresgrand preiudice. Nonobstant toutesfois tous les perils qui ensuiuoient ou pourroient ensuiuir, fut en fin conclud pour le mieux faire qu'on bailleroit audit Marechal certain nombre de combattans iusques à mille ou à douze cens: lesquels seroient conduits & menez par aucuns chiefs de la marche de Picardie au dessoubz dudit Marechal à tout les dessusdits: & ceux qu'ils pourroient auoir en Bourgongne, seroit au Comte de Vaudemont le plus grand ayde & secours qu'il pourroit. Apres laquelle conclusion fut aduisé quelles gens on pourroit prendre pour conduire ceste entreprinse: mais il y eut pou de gens d'estat qui en voullissent entreprendre la charge, pource que c'estoit loing & en païs, où leurs ennemis estoient forts: & s'attendoient estre petitement payez de leurs gaiges, ainsi que passé long temps on auoit accoustumé de faire. Neantmoins le dessusdit Marechal de Bourgongne, le Côte de Vaudemont, & aucuns autres de leurs marches qui auoient lesdictes besongnes de Picardie, conclurent ensemble qu'ils prendroient tels gens qu'ils pourroient auoir. Et adonc feirent parler à Matthieu de Humiers, à vn nommé Robinet de Huchechien, le Bastard de Fosseux, le Bastard de Neufuille, Garin Bastard de Brimeu & aucuns autres gentils-hommes & hommes d'armes de moyen estat: lesquels en leur païs n'auoient pas grans reuenues ne tels estats qu'ils desiroient à auoir, scauoir s'ils voudroient assembler gés de guerre pour aller avec eux, là où ils les meneroient pour querir leurs auentures. Lesquels tantost tant pour les dons & promesses qui leur furent faictes par lesdits seigneurs comme par les moyens, d'autres nobles du païs feirent responce qu'ils iroient tresvoulentiers. Si assemblerent à l'entrée de May en plusieurs lieux ce qu'ils peurent auoir de gens, iusques au nombre de mille à douze cens combattans: & eurent congé & mandement patent de par le Duc de Bourgongne d'assembler & entretenir par certaine espace de temps les dessusdits, desquels la plus grand partie estoient pauvres cōpaignons, qui de long temps auoient accoustumé à viure d'auantage & à tenir les champs tant en leur marche qu'ailleurs. Et pource on ne faisoit point grand force s'ils

sen alloient dehors, & aussi fils ne retournoient en long temps: toutesfois il en y auoit la plus grand partie de roides, vigoureux & bien vsitez en fait de guerre. Et apres qu'ils furent assemblez en plusieurs compaignies, ils se tirerent vers le païs de Cambresis, & passerent à monstre à vn grand village nommé Solames, appartenant à l'Abbé de sainct Denys en France. Et de là cheuaucherent ledit Marechal & aucuns autres seigneur de Bourgongne iusques à Rethel, où ils receurent aucun payement pour leurs gaiges, & par sainct Menehault s'en retournerent en Bourgongne, où ils furent aucun petit de temps, en attendant que l'armée des Bourgongnons fut presté. Et entre-temps que toutes ces assemblées se faisoient, le dessusdit Duc de Bar à tout tresgrande puissance de gens estoit (comme dessus est dit) au siege deuant la ville de Vaudemont: & icelle par l'espace de trois mois continuels par plusieurs & diuerses manieres, auoit tresfort combattue & adommagée de ses engins: & tant que les assiegez auoient tresgrand necessité de griefs affaires. Mais par ce qu'ils esperoient auoir aucun brief secours par le moyen du Comte leur seigneur: duquel ils oyoient souuent nouuelles par messages secrets, ils en portoiient plus patiemment leurs aduersitez. Et par le moyen & conduicte des deux chiefs dessus nommez, firent si tresbonne diligence d'eux deffendre, que durant ledit siege ne peurent ne deurent de leurdit seigneur estre reprochez d'aucune negligence.

Comment le Duc de Bar qui auoit assiege la ville de Vaudemont fut combattu du Comte de Vaudemont & desconfit par luy & ses aydants.



Tem apres que le Marechal de Bourgongne eut fait son amas & assemblée es païs de Bourgongne & à l'environ, il se tita à tout iceux vers Langres. Et de là à tout les Bourgongnons & Picards print son chemin deuers le païs de Barrois, où l'assembla avecques luy le Cōte de Vaudemont avecques tout ce qu'il peut auoir de gens: & quand ils furent tous mis en vn seul ost, où ils pouoient estre environ quatre mille combattans: & desquels estoient les principaux le dessusdit Anthoine de Thoulongon Marechal de Bourgongne, le Comte de Vaudemōr, le seigneur d'Auter, Gerard de Marigny, le Comte de Fribourg, le seigneur de Merebeau, le seigneur de Sez, le seigneur de Roland, messire Ymber Marechal Sauoyen, le Bastard de Vergy, Matthieu de Humieres nepueu du deuantdit seignr d'Antoing, messire Jean de Cardonne seigneur de Bichâcourt, Boort de Bazentin & vn gentil chevalier Anglois nommé messire Jean Ladan, & messire Thomas Gergerā. Et estoit ledit sire Jean capitaine de Montigny le Roy, & auoit avecques luy six vingts combattans ou environ, avecques plusieurs notables gentils-hommes d'armes experts & renommez en faits de guerre: & par bonne ordonnance commencerent à cheuaucher parmy le païs de Barrois, & auoient avecques eux de seize à vingt chars & charrettes chargez de viures, canons, artilleries & autres besongnes necessaires à guerre. Auquel païs de Barrois ils firent bouter les feux en plusieurs lieux: & ainsi en degastant païs vindrent loger à vn gros village nommé Sandacourt sept lieües pres de leurs ennemis, & y arriuerent vn samedy au soir. Et le lendemain qui fut le dimenche pourtant qu'ils attendoient

doient à estre combattus de leurs ennemis, se meirent en ordonnance de bataille & y furent la plus grand partie du iour: & auoient leurs archiers chacun vn pieu aguizé, fiché deuant eux. Et pource que leursdits ennemis ne vindrēt point ce iour, ils se retrahirent vers les vespres au village dessusdit pour eux rafraeschir. Et là tous les capitaines se meirent ensemble pour auoir aduis quelle chose leur estoit bonne à faire: si fut conclud pource que bonnement ne pouoit aller iusques à leurs ennemis pour le dangier des chemins, qui estoient trop estroits & hayez en plusieurs lieux. Et avec ce qu'ils n'estoient point en nombre compeant au regard de leursdits aduersaires. Si n'auoient point prouisiō de viures pour illec scioumer, s'en retournerent en degastant ledit pays de Barrois en Bourgogne: & là de rechief feroient plus grand assemblée de gens & d'autres choses à ce conuenables, pour en brieuf combatte leurs ennemis: laquelle conclusion despleur moult à iceluy Comte de Vaudemont, mais il luy conuint souffrir, car il n'en pouoit auoir autre chose. Si fut de par les capitaines ordonné à tout trousser le lundy au matin, qui estoit le iour S. Martin d'Esté. Et ainsi qu'ils festoient mis à chemin pour eux retourner, comme dit est, le Duc de Bar & toute sa puissance qui bien scauoit leur venue, se departit de son siege pour venir trouuer & combattre ses ennemis deuant qu'ils veinssent iusques à luy: & laissa à fondit siege aucuns de ses gens pour garder que les assiegez ne se departissent, si cheuaucherēt en tresbonne ordonnance grande espace: & pouoit biē auoir six mille cōbattās gens de grand patage des mettes de Barrois & de Lorraine, & des Allemaignes: auquel chemin faisant les coureurs q̄ ledit Marechal & seldits capitaines auoient mis vers leurs ennemis, ruerēt ius & prindrēt aucuns de la partie dudit Duc, parquoy ils furent aduertis de la poursuite d'iceluy. Si le noncerent en brieuf à iceux capitaines, lesquels en grād diligence se preparerent & meirent en grand ordonnance de bataille, la plus grand partie par le conseil du dessusdit chevalier Anglois. Si furent mis les archiers & front en vne partie sur les ailes, & fischerent leurs pieux deuant eux. Si vouloient estre les hommes d'armes de Bourgogne à cheval: mais les Picards & Anglois ne le vouloient pas souffrir. Et en fin d'un commun accord fut ordonné que tout hōme de quelque estat qu'il fut, descenderoient à pied: & qui autrement le feroit, il seroit mis à mort. Et furent les cheuaux avecques les chars & charrettes mis par tresbon arroy derriere la bataille, afin que leursdits ennemis ne peussent estre rompuz ou enuahis par derriere. Et entre-temps que ce se faisoit, le Duc de Bar & les siens approcherent tresfort, tant qu'ils furent à vn petit demy quart de lieue ptes des dessusdits. Si leur enuoya par aucuns de ses heraulx & trompettes noncer, qu'ils l'attēdisent & qu'il les combattroit. Ausquels fut faicte responce par les capitaines deuant-dits, qu'il estoient prest & qu'ils ne desiroient que sa venue. Si s'en retournetent deuers ledit Duc dire leur responce: lequel s'approcha de ses ennemis à vn trait d'arbalestre pres ou enuiron, iacoit que le seigneur de Barbazan luy cōseillaist par plusieurs fois qu'il ne combattit mie seldits ennemis à iour nommē: mais les afamast & contraignist de partir de ses pays par autres manieres. Et luy mettoit au deuant plusieurs besongnes & raisons, lesquelles il ne voulut point croire: mais se fioit au grad nobre de gens qu'il auoit avec luy: desquels la plus grand partie n'estoient point accoustumez ne vītez en fait de guerre, ainsi qu'estoient

les Bourgongnons, Picards & Anglois leurs aduersaires & ennemis. Neantmoins iceluy Duc feit moult noblement ordonner ses batailles en partie par le conseil dudit seigneur de Barbazan: & auoit moult grand desir d'assembler avec les ennemis: si estoient en sa compaignie trespou de gens de traict. Apres lesquelles ordonnances furent faits plusieurs nouueaux cheualiers d'icelle partie. Et d'autre part le mareschal de Bourgongne, le Comte de Vaudemont & ceux qui estoient avecques eux, feirent par deuant leur bataille dresser sur les fons deux queües de vin qu'ils auoient amené, & meirent auant pain & autres viures, qui furent deliurez & abandonnez à leurs gens. Si beurent & mangèrent chacun en droit soy de ce qu'ils peurent auoir: & feirent paix & vnion entre aucuns qui auoient hayne l'un à l'autre. Et apres feirent asseoir aucuns canons & couleurines sur les deux bouts, & au meillieu de leurs batailles, & en ceste maniere furent l'un deuant l'autre deux heures. Auquel temps comme ie fuz informé vint deuant leursdictes batailles & assez pres de leurdicté bataille vn cerf, lequel en soy arrestant tout quoy frappa par trois fois du pied de deuant contre la terre: aduisa tout au long icelle bataille, & puis retourna & sen alla ferir tout au trauers de la bataille des Barrois. Si fut lors apres ledit cerf faicte vne tresgrand huée. Et adonques de la partie des Bourgongnons & des Picards furent faits nouueaux cheualiers, Mathieu de Humieres, Gerard de Marigny & son fils avecques aucuns autres. Durant lequel temps ledit Comte de Vaudemont cheuaucha sur vn petit cheual tout au long de la bataille, en remonstrant amiablement à tous ceux là estans qu'ils se combattissent seurement & de bon courage: disant qu'il prenoit sur sa damnation que sa querelle estoit bonne & iuste, & que le Duc de Bar le vouloit sans cause desheriter: & si auoit tousiours tenu le party des Ducs Jean & Philippe de Bourgongne. Pour laquelle remonstration generallyment tous les Bourgongnons & Picards eurent au cueur tresgrand liesse. Si fut conclud de ceste partie qu'ils attendroient leurs aduersaires & ennemis au lieu, où ils estoient, & ne iroient point assaillir: & d'autre part le dessusdit Duc de Bar & ses capitaines qui desia auoient ordonné leurs batailles la plus grand partie à pied, voyans que leurs ennemis ne se bougeoient de leur place, conclurent qu'ils les iroient assaillir & commencerent à marcher auant: & leurs aduersaires & ennemis se tenoient tous cois sans mot dire. Et quand ce vint que les Barrois furent bien pres d'eux, comme à douze ou seize dieftres, ils bouterent le feu tout à vne fois dedans leurs canons & couleurines dessusdictes: & avec ce esleuerent vn tresgrād cry: pour la doubte desquels canons grād partie d'iceux Barrois se plongerent contre terre & furent fort effroyez. Et adonc en assez brief terme comencèrent à assembler en bataille de toutes parts, & pouoit desia bien estre vnze heures de iour. Si tiroient les archiers picards par moult fiere & tresmerueilleuse vigeur contre leurs aduersaires & ennemis: duquel traict ils en occirent & naurerent moult grand nombre. Si dura ceste dicte meslée tresrueille enuiron le temps & espace d'un quart d'heure, & les deux parties combattirent l'un contre l'autre en plusieurs & diuers lieux: mais tantost apres ceux de la partie du Duc de Bar se commencerent à eux desroyer & en fuir en plusieurs & diuers lieux vers leurs marches: & leurs ennemis ce voyant se firent en eux de grand courage, & par especial les archiers Picards si les separe-

rent,

rent, occirent & naurerent terriblement: & en briefue conclusion les tournerent à grand desconfiture, & les meirent à grand meschief. Auquel desroy fut prins iceluy Duc de Bar, par vn nommé Martin Fouiers, qui estoit au Comte de Conuersan seigneur d'Anghien, & en eut l'honneur & profit: jasoit que aucuns dirent qu'il ne le print pas de sa main. Auecques lequel Duc furent prins l'Euesque de Mets, Iean de Rodemaque, messire Eurard de Salebery, le Vicomte de Arcy, le seigneur de Rodemaque, messire Collard de Sautsy, messire Villin de la Tour, & plusieurs autres iusques au nombre de deux cens ou enuiron. Et si en demoura morts sur la place, & en la chasse qui dura biē deux lieues de vingt-cinq cens à trois mille. Desquels furent les principaux les Comtes de Saunies & de Salmenes, Allemands, le seigneur de Barbazan, messire Thibault de Barbey, les deux freres de l'Euesque de Mets, George de Banastre & ses deux freres, Iean de Heraumont & autres iusques au nombre dessusdit, dont la plus grand partie estoient gentils-hommes. Apres laquelle desconfiture qui dura bien de deux à trois heures, deuant qu'ils retournaissent de ladicte chassē: les seigneurs de la partie de Bourgogne auecques le dessusdit Comte de Vaudemont & ses gens, se r'assemblerent ensemble & regracierent humblement leur createur de leur bonne victoire. Et n'auoient perdu morts sur la place qu'enuiron quarante hommes, dont messire Gerard de Marigny fut le principal. Et demourerent celle nuit sur le champ. Et fut ledit Marschal de Bourgogne vn pou nauré au visage. Et aussi estoit le Duc de Bar dessus le nez. Et le lendemain se departirent & prindrent leur chemin pour aller en Bourgogne menans auecques eux leurs prisonniers.

Comment le ieune Roy Henry d'Angleterre vint à Paris à grand compaignie, pour estre consacré à Roy de France.

Enuiron l'issue du mois de Nouembre vint le ieune Roy Henry de Ponthoise à saint Denys en France, sur intention d'aller à Paris pour luy faire enoindre, sacrer & couronner Roy du Royaume de France. Si estoit auecques luy de la nation d'Angleterre, son oncle le Cardinal de Vincerstre & le Cardinal d'Iorth son oncle, le Duc de Bethfort & le riche Duc d'Iorth, les Comtes de Varuich, de Salsbery, de Suffort: & aucuns autres notables cheualiers & escuyers de la nation de France, y estoient les Euesques de Theroüenne nommé messire Loys de Luxembourg, de Beauuais, maistre Pierre Cochon, de Noyon maistre Ieā de Mailly, de Paris & d'Eureux messire Iean bastard de saint Pol, messire Guy le Bouteillier, le seigneur de Courcelles, messire Gilles de Clamecy, messire Iaques Paniel, messire Iean de Pressi, le seigneur de Passy, le bastard de Thian & aucuns autres. Si pouoit auoir ledit Roy Henry tant en sa cōpaignie comme au païs assez pres à l'environ, de deux à trois mille combattans pour la seureté de sa personne: & se partit de S. Denys pour aller à Paris enuiron neuf heures de matin. Et vindrent à l'encontre de luy iusques à la chappelle d'entre Paris & saint Denys, messire Simon Morier Preuost de Paris pour luy faire reuerence & honneur, & plusieurs autres tous vestuz de satin vermeil & chapperons de bleu. Auecques lesquels estoient grand nombre des plus notables Bourgeois de la ville de Paris vestus & affublez de

vermeil. Et apres qu'ils eurent faicte la reuerence, vindrent au deuant dudit Roy les neuf Preux à cheual, chacun armé des armes à luy appartenans. En apres vindrent le cheualier du Guet, le Preuost des marchans, avecques eux les officiers de la court tous vestus de pers & chapperons vermeils. Et vn petit apres ensuiuant vint maistre Philippe de Moruillier premier President en habit Royal, & tous les seigneurs de Parlement vestus de longs habits de vermeils. Et apres suiuoient les seigneurs de la chambre des comptes, les gens des finances, les maistres des requestes & les secretaires & auoient robbes vermeilles. Et ainsi comme ils venoient l'un apres l'autre chacun selon son estat, ils faisoient au Roy la reuerence & aux seigneurs estans avecques luy: & quand est du commun, il y en auoit sans nombre. Et quand le Roy vint à l'entrée de la porte S. Denys, les armes de la ville y estoient si grandes qu'en la nef d'icelles armes y auoit six hommes: l'un en guise d'un Euesque, le second l'vniuersité, le tiers les Bourgeois: & les trois autres estoient comme sergens: lesquels à l'entrée de ladicte porte presenterent au Roy trois cueurs vermeils, dont au premier auoit deux couloms, & au second de petis oiselets, qu'ils laisserent voller par dessus le chief du Roy: & le tiers cueur estoit plain de violettes & autres fleurs qu'ils ietterent sur les seigneurs. Et là tantost le Preuost des marchans & ledits Escheuins apporterent vn ciel d'azur semé de fleurs de lys d'or, & le meirent & porterent tout parmy la ville par dessus le Roy. Si auoit au poncelet S. Denys vn eschaffault, sur lequel estoit comme vne maniere de bois, où estoient trois hommes sauuages & vne femme, qui ne cesserent de combattre l'un contre l'autre tant que le Roy & les seigneurs fussent passez. Et auoit dessoubz ledit eschaffault vne fontaine iettant ypcras, & trois seraines dedans: & estoit ledit ypcras abandonné à chacun. Et depuis le Poncelet en tirant vers la seconde porte de la rue S. Denys, auoit personnaiges sans parler de la natiuité nostre Dame, de son mariage, & de l'adoration des trois Roys, des innocens & du bon homme qui semoit son blé: & furent ces personnaiges tresbien iouéz. Et sur la porte S. Denys fut iouée la legende S. Denys, qui fut volentiers veüe des Anglois. En oultre deuant les Innocens auoit vne maniere de forest en la rue, dedans laquelle auoit vn cerf vif. Et quand le Roy passa deuant on feit courre ledit cerf, & des chiens & veneurs: apres fut grand piece chassé à force, & se vint rendre empres les pieds du cheual du Roy, lequel Roy luy feit sauuer la vie. Et à l'entrée de la porte du Chastelet, auoit encores vn eschaffault: fut lequel auoit en personnaige vn petit enfant en semblance du Roy vestu de fleurs de lys, deux couronnes sur son chief. Et à costé dextre estoit en son personnage le Duc de Boutgogne, & le Comte de Neuers qui luy presentoiert l'escu de France: & au costé senestre le Duc de Bethfort son oncle, & les Comtes de Varuich & de Salsebery, qui luy presentoiert l'escu d'Angleterre. Et estoient tous vestus par personnaiges des cottes d'armes des dessusdits seigneurs: & de là sen alla au Palais où luy furent monstrees les saintes Reliques, & à ceux qui estoient avecques luy: & puis fut mené en l'hostel des Tournelles pour prendre son repas. Et quand il eut disné, il alla veoir la Royne sa grand mere à l'hostel de S. Pol. Et le lendemain fut mené au bois de Vincennes, où il fut iusques au quinziesme iour du mois de Decembre qu'il retourna au Palais. Et le xvij. iour d'iceluy mois se partit de là a

tout grand seigneurie tant de gens d'Eglise comme seculiers, & s'en vint en l'Eglise nostre Dame de Paris pour estre sacré : auquel lieu de nostre Dame de Paris auoit en la nef vn grand eschauffault de bois de quatre vingts pieds de long, & hault iusques au crucifix . Si montoit on dedans iceluy par la nef, & descendoit on par autre lieu dedans le cueur . Et fut ledit Roy sacré par le Cardinal de Vincestre qui chanta la Messe, dont l'Euesque de Paris ne fut point bien content : & dist qu'à luy appartenoit à faire iceluy office. Et quand ce vint à l'offertoire, ledit Roy offrit vin & pain ainsi qu'il est accoustumé de faire en tel cas : lequel vin estoit en vn grand pot d'argent doré : lequel pot fut reprins & osté de ladicte Eglise des officiers du Roy : dont grandement despleut aux chanoines d'icelle Eglise, pourtant qu'ils disoient ce à eux appartenir de droit. Si en firent grand poursuite enuers iceluy Roy & son conseil, & en conclusion apres ce qu'il leur eut beaucoup cousté à faire ladicte poursuite, leur fut rendu & furent faictes en celuy iour toutes les besongnes appartenans audit sacre, & plus ensuiuant les coustumes d'Angleterre que de France : & tousiours les seigneurs cy dessus nommez, estoient au plus pres du Roy en ladicte Eglise chacun seruuant de son office. Et apres que la Messe fut finée, le Roy retourna au Palais, & se feit & disna à la table de marbre enuiron le meillieu d'icelle. Et au costé de la chambre de Parlement à celle table, ledit Cardinal de Vincestre & maistre Pierre Chauchon Euesque de Beauuais, & maistre Iean de Mailly Euesque de Noyon comme Pers de France estoient ensuiuans. Et à l'autre costé les Côtes de Stanfort, de Mortains & de Salsebery . Si estoit grand maistre d'hostel messire Iean bastard de saint Pol . Et avecques luy estoient deuant la viande messire Guy le Bouteillier, messire Gilles de Clamegy, & messire Iean de Pressy . Le seigneur de Courcelles fut pour ce iour grand Eschançon, & messire Iaques Painel fut pour ce iour grand Panetier, & vn cheualier Anglois nommé messire Vvatie de Hongrefort treucha deuant le Roy. Auquel dîner furent presentez quatre entremets deuant la table : c'est à sçauoir, le premier d'vn image de nostre Dame & vn petit Roy couronné empres : le second fut vne fleur de lys couronnée d'or tenue de deux Anges : le tiers vne dame & vn paon, & le quart vne dame & vn cigne. Et quant est à parler des diuers mets de vins & de viandes dont on y fut seruy, ils seroient trop longs à racompter, car il en y eut sans nombre. Et pareillement y fut ioué de plusieurs instrumens de musique . Et le lendemain ensuiuant furent faictes de moult belles ioustes en l'hostel de saint Pol : desquelles ioustes emporterent le cry & eurent la voix des dames le Comte d'Arondel, & messire Iean bastard de saint Pol comme les mieux ioustans : & apres le dessudit Roy seiourna en ladicte ville de Paris aucuns iours, & puis peu de temps apres s'en retourna en la ville de Roüen.

Comment ceux que le Duc de Bar auoit laissez deuant Vaudemont se departirent apres la bataille dessus faicte.

LTem apres ce que la bataille du Duc de Bar fut du tout tournée à desconfiture, ainsi & par la maniere que plus à plain a esté declairée : les François qui estoient demourez deuant la ville de Vaudemont, furent assaz brief aduertiz par les suiuaus qui estoient eschappez d'icelle iournée de la

perte & malle aduerture que leurs gens auoient eüe : & pour ce tout soudainement eurent si grand doubte & paour de leurs ennemis, que briuevement se departirent sans ordonnance en fuyant la plus grand partie vers leurs païs, où là où ils peurent le mieux pour sauuer leurs vies : & laisserent audit siege tous leurs viures & habillemens de guerre qu'ils y auoient en garde, dont il y en auoit sans nombre. Pour laquelle esmeute & departement lesdits assiegez ce voyans, furent assez aduertis que là iournée auoit esté contre iceux Barrois : & pourtant treshastiuelement faillirent de pied & de cheual apres eux, si en prindrent & occirent tresgrand nombre. Et avecques ce gaignerent infiniz biens, desquels ils furent tresgrandement enrichiz. Si fut tost apres publié parmy le païs de Barrois & de Lorraine la perte que auoit faicte leur seigneur le Duc de Bar, dont ils furent en grand doubte & eurent au cueur tresgrand tristesse. Et fut de ce iour en auant icelle bataille nommée la bataille de Villeman. Si estoit le lieu où elle fut faicte entre Barrois & Lorraine. Et le Comte de Vaudemont remercia le Marechal de Bourgongne, & les seigneurs & gentils-hommes qui estoient avecques luy du seruiue qu'ils luy auoient fait : & puis retourna en ladicte Comté. Et ledit Marechal avecques tous les Bourgongnons & Picards dessusdits, s'en alla en Bourgongne & mena le dessusdit Duc de Bar à Dijon, où il fut mis en bonne seure garde.

Comment messire Jean de Luxembourg assemble gens, & s'en alla en Champaigne contre les Francois, où il conquist plusieurs forteresses & autres matieres.



A V mois de Iuillet en l'an dessusdit messire Jean de Luxembourg Comte de Leigny, assemblea iusques à mille combattans ou environ par l'ordonnance du Roy Henry & du Duc de Bourgongne : lesquels il conduisoit & mena au païs de Champaigne, & vers les Retelois pour combatte & subiuguer aucunes forteresses que tenoient les gens du Roy Charles en iceux païs & à l'environ, & que moult oppressoient ledit païs. Avec lequel de Luxembourg se mit le seigneur de Ternât, qui lors estoit accompagné de Rethelois. Et de premiere venue feit loger ses gens autour d'une forteresse nommée Guetron, en laquelle estoient de soixante à quatre-vingts combattans tenans le party du Roy Charles : lesquels assez brief terme quand ils apperceurent la force de leurs ennemis, furent moult esbahis & effraiez, & sans grand deffence laisserent prendre leur basse-court : & assez brief ensuiuant commencerent à parlementer, offrans de rendre ladicte forteresse & eux en aller sauf leurs corps & leurs biens. A laquelle offre ils ne peurent estre receuz, & leur fut dit qu'ils se rendissent à voulenté. Et conclusion le capitaine feit traicter avec les commis dudit de Luxembourg par telle condition, que le quatriesme ou sixiesme demouroient à voulenté. Apres lequel traicté conclud, & que les promesses d'iceluy entretenir furent faictes, le capitaine retourna dedans son fort : mais il ne dit pas à ses compaignons la verité dudit traicté : ains leur donna à entendre qu'ils s'en iroient tous saufs leurs vies. Et quand ce vint à liurer ladicte forteresse tous ceux là estans furent mis prisonniers. Et le lendemain par la sentence & commandement de messire Jean de Luxembourg, furent tous pendus & estranglez à plusieurs arbres referué les quatre ou six dessusdits :

Et

Et fut le bourrel pour eux executer l'un de leurs compaignons . Si aduint à l'un d'iceux vne aduantute , qui bien fait à ramenteuoir : car depuis qu'il fut bouté ius de l'eschelle , la corde qui estoit attachée à l'arbre se ferit cōtre le menton d'iceluy , parquoy il ne se pouoit en haste estrangler : & entretant le bourrel en pendoit aucuns autres : durant lequel temps iceluy dessusdit fut aduisé d'aucuns gentils-hommes là estans , ausquels il en print grand pitié : & en y eut vn qui couppa là corde d'une gisarme & cheut à terre , & fut assez brief reuenu en sa bonne santé & memoire . Et depuis par iceux gentils-hommes fut faicte requeste audit de Luxembourg , que pour-Dieu & pour pitié il peust auoir la vie sauuée : le quel en fin l'accorda , & par ainsi il s'en alla franchement . Et en oultre apres que ledit messire Iean de Luxembourg eust faicte l'execution dessusdicte , il se partit de là à tout son armée : mais premier feir demolir ladicte forteresse de Guetron , & s'en alla deuant le fort de Tours en Parciens , où il fut par aucuns iours : durant lesquels ceux de dedans traicterent par condition , qu'ils rendroient ledit fort & s'en iroient sauf leurs vies sans emporter nuls de leurs biens reserué les canonnières , & ceux qui autresfois auoient fait serment pour la partie du Roy Henry : & en y eut d'aucuns penduz , & ladicte forteresse fut demolie de sons en comble . Et de là ledit messire Iean de Luxembourg s'en alla deuant Bahin , où estoit vn Capitaine nommé Barete , le quel en assez brief terme traicte avec ledit messire Iean de Luxembourg par tel si qu'en luy rendant ladicte ville luy & les siens s'en iroient sauf leurs vies , corps & biens : & par ainsi se partirent . Si vint en ce temps deuers messire Iean de Luxembourg pour luy faire ayde sil en auoit besoing l'enfant de Varuich Anglois , & messire Gilles de Clamegy à tout quatre cens combattans : mais pourtant que les François n'estoient point ou pays de Champaigne n'à l'enuiten à puissance pour resister contre ledit de Luxembourg , les deux dessusdits s'en retournerent en assez brief terme à Meaulx en Brie , & es garnisons dont ils estoient venus . Et adonques de ce mesme voyage furent mises en obeissance de par le dessusdit messire Iean de Luxembourg plusieurs villes & forteresses , qui tenoient le party du Roy Charles avec celles dessus nommées , les vnes par traicte & les autres par force .

En ce temps le seigneur de l'Isle-Adam qui portoit l'ordre du Duc de Bourgogne , fut reconstitué Marechal de France de par le Roy Henry d'Angleterre , & ceux de son conseil . Si assembla iusques au nombre de six cens combattans , dont il y auoit vne partie Anglois , & avec luy estoit messire Iean bastard de saint Pol , & vn sien frere , lesquels il conduisoit : & les mena iusques auprès de Laigny sur Marne , que tenoient les gens du Roy Charles : laquelle ville il cuida ptendre par soubdain assaut , mais elle luy fut bien deffendue par ceux qui estoient dedans .

Comment le Duc d'Alencon print prisonnier le Chancelier de Bretagne.



N cest an le Duc d'Alencon print le Chancelier du Duc de Bretagne son oncle , par ce qu'il ne luy voulut ayder de finance à son plaisir pour la prinse de la bataille de Verneuil ou Perche : laquelle finance il vouloit auoir & recouurer dudit Chancelier . Si le mena en la ville de Ponsfay , mais assez brief ensuiuant ledit Duc de Bretagne de ce non con-

tent, assembla aucuns de ses Barons & grand puissance de gens d'armes, & avecques luy aucuns capitaines Anglois. Si alla assieger ladicte ville de Ponsfay tout à l'environ : de laquelle ville le Duc d'Alençon s'estoit party pour la doubte de ses ennemis. Et y auoit laissé la Duchesse sa femme fille au Duc d'Orleans prisonnier en Angleterre. Lequel temps durant ladicte Duchesse gisoit d'enfant moult ennuyée en cuer de veoir telles tribulations. Si y fut ledit siege par certaine espace de temps, au bout duquel iceluy Duc d'Alençon tant pour ladicte femme comme sa ville & subiects, oster des dangiers dessusdits s'appaisa avecques sondit oncle : & luy rendit son Chancelier & autres prisonniers qu'il auoit. Et par ainsi se departit ledit siege. Ledit Chancelier de Bretagne fui prins en vne maison de plaifance, qu'il auoit empres Nantes. Et la cause de la prinse fut pource que le Duc d'Alençon entendoit par ce moyen estre payé de certaine somme d'argent, que luy deuoit le dessusdit Duc de Bretagne son oncle.

Comment les Francois euidèrent prendre le Chastel de Roüen.



Le troisieme iour de Feurier en cest an par l'entreprinse du Marechal de Boufach, s'assemblerent le seigneur de Fontaines, messire Jean Foulquet, le seigneur de Mouy & plusieurs autres iusques au nombre de six cens combattans ou environ en la cité de Beauvais. Et s'en allerent iusques à vne lieüe pres de Roüen, & là se meirent en embusche dedans le bois. Et enuoya ledit Marechal secrettement vn gentil-homme nommé Richaruille, avec luy de cent à six vingts combattans tous de pied, excepté quatre ou cinq qui estoient sur petis chevaux iusques au chastel de Roüen : dedans lequel iceluy Marechal par auant auoit fait moyens certains d'vn Saquement nommé Pierre Audebeuf Biernois, qui tenoit le party des Anglois : mais par moyens auoit fait traicté, & accord avec luy de liurer ledit Chastel : laquelle chose il feit & entretint sa promesse quant à ce, car le dessusdit Richaruille & ceux qui estoient avecques luy, le trouuerent tout prest. Et de fait entrerent tous dedans referué deux ou trois qui garderent les chevaux. Si conquirent & gaignerent tantost la plus grand partie dudit Chastel, & par especial la grosse tour qui estoit moult bien garnie. Dedans lequel chastel estoit couché le Comte d'Arondel & plusieurs Anglois : lesquels ou la plus grand partie se sauuerent au mieux qu'ils peurent par dessus la muraille, sinon aucuns qui se retrahirent vers la ville, & là se tindrent, & si y en eut aucuns morts & naurez par lesdits François. Et apres que les besongnes furent ainsi aduacées, le dessusdit Richaruille remonta assez tost à cheval, & retourna moult hastiement où il auoit laissé ledit Marechal & ses gens : auquel il racompta tout l'estat & gouuernement de l'entreprinse dessusdicte, en leur disant qu'ils cheuauchassent songneusement & bien en haste pour secourir leurs gens : & que sans doubte en brief temps seroit le chastel tantost parconquis. Mais à brief dire pour chose qu'il sceust remonstrer, onques ne peut tant faire qu'ils se voulsissent conclure ne mettre en voye pour y aller, jaçoit chose que le dessusdit Marechal & grand partie des plus notables de ceux qui estoient avecques luy, leur eussent promis de leur foy à leur departement, qu'ils les secourroient sans point de doubte, si aduenoit que ladicte entreprinse vint bien. Neantmoins ils n'en vouloient riens faire

faite: car quand ils furent ainsi qu'à vne lieüe pres de Roüen, à toutes gens ils se commencerent à debattre l'un contre l'autre, pour audir la plus grand part du butin lequel point n'estoit encores gaigné. Et à cause de ce retournerent sans aller plus auant, & laisserent leurs gens en ce dangier. Pourquoy quand le dessusdit Richarville qui vaillamment auoit acheué son entreprinse, fut retourné, leur dist plusieurs grans iniures & reproches: lesquelles ils souffrirent assez patiemment. Et le departirent de là hastiuement. Si s'en retournerent à Beauuais & és autres lieux, dont ils estoient venus: lequel retour despleust moult grandement à iceluy de Richarville, pourtant qu'il auoit esté meneur des dessusdits entrepreneurs. Et aussi feit il à aucuns autres qui y auoient de leurs prochains amis, pourtant ne demourerent ils mie qu'ils ne s'en retournaissent audit lieu de Beauuais comme les autres. Et entretant les dessusdits qui estoient en iceluy chastel, contendoient de tout leur pouoir à debouter les Anglois leurs ennemis hors de la porte dudit chasteau, qu'ils tenoient vers les champs. Et quand ce vint vers le iour qu'ils n'ouïoient point de nouvelles de leurs gens, ils apperceurent bien qu'ils ne auroiēt point de secours, & qu'ils estoient frauldez de la promesse qui leur auoit esté faicte, si en furent moult esmerueillez & esbahis. Et d'autre part les Anglois s'assemblerent de tous costez en grand diligence, qui les assaillirent moult alprement & durement. Si vindrent avecques grand nombre de combattans de Roüen pour doubte qu'ils ne fussent suspicionnez d'iceux Anglois, qu'ils fussent fauorisables à iceux François: lesquels François voyant que bonnement n'estoiēt point assez puissans pour garder tout ce qu'ils auoient conquis: tout d'un commun accord vers ladicte tour à tout ce qu'ils pouoient auoir de viures, eux vueillans mettre là dedans & le tenir iusques à la mort, laquelle chose ils feirent: mais assez brief ensuiuant ils furent de toutes parts enuiroñnez, & tresfort combattus de plusieurs gros engins que lesdits Anglois feirent asscoir contre la grosse tour. Et tant en ce continuerēt, qu'elle fut moult endommagée en plusieurs lieux. Et avec ce ceux de dedans auoient assez petitement viures & autres choses à eux neecessaires: pour lesquels affaires & aussi qu'ils n'auoient nulle esperance d'auoir secours, furent contraincts d'eux rendre en la voulenté du Roy Henty, & de son conseil en la fin de douze iours apres la prinse dessusdicte. Toutesfois auant qu'ils fussent conquis, ils feirent de grâs dommages aux Anglois, par les engins & artilleries qu'ils auoient attraiēt en ladicte tour. Si furent tous prins prisonniers & mis en bonne garde. Et depuis brief ensuiuant en y eut cent cinquante qui eurent les testes couppees dedans la ville de Roüen, & le dessusdit Pierre Audebeuf Biernois fut escartellé & mis en lieux accoustumez. En ces iours le Duc de Bourgongne se partit de son païs d'Arthois à tout mille combattans ou enuiron, qui mena en son païs de Bourgongne: & là seiourna l'espace de trois iours ou enuiron pour visiter le païs qui moult estoit oppressé de ses ennemis. Si vindrent là deuers luy l'Archeuefque de Reims & autres notables ambassadeurs enuoyez de par le Roy Charles, pour traicter de paix entre icelles parties: mais en fin ne peurent en riens concorder, & s'en retournerent deuers ledit Roy Charles. Et apres que ledit Duc eut ordonné gouuernement en la marche de Bourgongne, il s'en retoutna en Arthois, Flandres & Brabant.

Comment les François prindrent le chastel de Dommart en Ponthieu, & menèrent le seigneur prisonnier.



V mois de Feurier les gens du Roy Charles en nombre de quatre vingts combattans ou environ : lesquels conduisoit vn noble cheualier nommé messire Regnault de Verzeilles, & les auoit prins à Beauuais, à Bretueil, & autres lieux à l'environ, allerent passer l'eäue de Sorne en vn petit bastel assez pres de Piquigny. Et de là furent conduits & menez iusques au chastel de Dommart en Ponthieu : lequell sans ce qu'ils fissent du guet apperceuz, ils prindrent eschelles & entrerent dedans. Si commencerent tantost à crier fortresse gaignée, & abbatre huis & fenestres en plusieurs lieux. Auquel cry & noise sefueillerent ceux de leans, & par especial laques de Craon seigneur d'iceluy lieu, qui estoit couché en sa chambre empres la femme, se leua soudainement cuidant mettre aucun remede à son fait, mais ce tiés ne luy valut car ses ennemis estoient trop fors. Et les gens dont il n'auoit mie grandement, ne se pouoient mettre ensemble. Si fut tantost prins prisonnier, & aucuns des siens avec luy : & les autres au mieux qu'ils peurent, se sauuerent par dessus la muraille. Apres laquelle prinse les dessusdits François assemblerēt tous les biens portatifs, qu'ils peurent trouuer dedans iceluy chastel, comme vaisselle, or & argent, pennes, draps, linges & autres besongnes : lesquels quād ils furent en haste vn peu repeuz, trousserēt & chargerent tout & se meirent à voye à tout leurs prisonniers, pour retourner au passaige par où ils estoient venuz, delaisant ledit chastel tout entier ainsi qu'ils l'auoient trouué. Et entre-temps ceux de la ville de Dōmart oyans cest effroy & ceste noise, s'assemblerent & enuoyerēt hastiuemēt à Piquigny & en aucūs autres lieux, signifier ceste besongne. Si ne demoura point gramment que les dessusdits ne se trouuassent en nombre de deux cens ou environ de toutes manieres de gens : lesquels suivirent bien roidement & en grand haste iceux François, & les acconluirent au passaige de l'eäue, où desia estoient passez ledit messire Regnault & aucuns autres de ses gens, avecques luy & le dessusdit laques de Craon prisonnier : si les assaillirēt & desconfirent presentement & y en eut vne partie prins prisonniers & les autres morts & aucuns qui se noyerent à saillir la riuere de Somme. Et iceluy messire Regnault à tout son prisonnier s'en alla franchement à Beauuais, sans trouuer aucun destourbier n'empeschement. Et depuis ledit prisonnier retourna en payant tresgrand somme de pecune.


Comment messire Thomas Kiriell Anglois fut commis capitaine du chastel de Clermont en Beauuoisis.



N cest an par la subtilité & pourchats de messire Jean de Luxembourg, le fort chastel de Clermont en Beauuoisis fut mis & transporté en la main & gouvernement de messire Thomas Kiriell Anglois : lequell chastel auoir long temps tenu, & encores tenoit de par le Duc de Bourgongne, le seigneur de Creuecueur. Et consentit ledit Duc iceluy transport, pat tel si que ledit messire Thomas luy promeit & audit Jean de Luxembourg : & de ce luy bailla son seel à rendre à certain temps, quand il en seroit

feroit requis. Si assembla ledit messire Thomas brief ensuiuant grand compaignie d'Anglois, lesquels boura dedans iceluy chastel. Et commença à faire treforte guerre aux François qui estoient sur les frontieres aupres de luy; comme Creil, Beauuais, Compiengne, & autres lieux. Et parcellémēt firent grans dommages és chastellenies de Montdidier, & aux autres marches de l'obeissance d'iceluy Duc de Bourgogne. Et pour verité durant les tribulations dessusdictes, prirent plusieurs prisonniers, & emmenerent plusieurs femmes tant de noble lignée cōme d'autres. Lésquelles ils tenoient destroitement enfermées en prenant d'elles grand finance, comme on a accoustumé de faire aux hommes: desquelles les plus qui estoient enceintes d'enfans, trespiteusement & tresinhumainement s'en accouchoient, dont le dessusdit Duc de Bourgogne de tant que roucher luy pouoit pour ceux de sadiete obeissance, en fut tresmal content: mais il ne pouoit auoir autre chose: car quand ce vint qu'il feit requerre ledit messire Thomas qu'il remeit ledit Chastel en sa main, ainsi que promis luy auoit il fut de ce delayant & reffusant par treslong temps, en alleguant aucunes raisons de sa partie, telles que bien le sçauent faire gens de guerre, qui souuent en aucuns lieux vsent de voulenté plus que de raison. Finablement apres plusieurs delais le Duc de Bethfort pour & en faueur de son beau frere le Duc de Bourgogne, feit rendre par ledit messire Thomas iceluy chastel de Clermont en la main du seigneur d'Auffremont.

Comment les habitans de Chauny-sur-Oyse destruirent & desolerent le chastel de leur ville.

E mesme temps messire Collard de Mailly, qui lors estoit Baillif de Vermandois de par le Roy Henry d'Angleterre: & avecques luy messire Ferry de Mailly rous deux demourans ou chastel de Chauny sur Oyse, appartenant heritablement à Charles Duc d'Orleans, qui alors estoit prisonnier en Angleterre pour aucunes parolles non amiables, qui auoient esté dictes par ledit messire Ferry à l'encontre des habitans de la ville: iceux habitans doubtant que par la porte derriere ledit chastel; les deux dessusdits ne meissent garnison d'Anglois ou d'autres gēs de guerre dedans leur ville plus fort qui ne leur plairoit, parquoy ils feussent contraincts & mis en subiection, conplurent tout secretement ensemble aucuns desdits habitans: desquels furent les principaux Jean de Longueual, Mathieu son frere, Pierre Piat: lesquels firent serment l'un à l'autre, de à certain iour, quand les dessusdits messire Collard & messire Ferry de Mailly seroient en la ville de prendre icelle forteresse & la demolir. Apres lesquelles conclusions & sermens par eux faits, vn certain iour meitent secretement aucuns compaignons aduenturiers en petit nombre empres la porte dudit chastel; tous instruits & aduizez de ce qu'ils auoient à faire: lesquels quand ils veirent les deux cheualiers & aucuns de leurs gens issus dudit chastel ainsi qu'ils auoient accoustumé, pout aller iouer en la ville: saillirent hors du lieu où ils estoient, & entrerent dedans le chastel par ce qu'on ne se gardoit point d'eux. Si leuerent tantost le pont contre la ville & se meirent dedans. Laquelle prinse venue à la cognoissance desdits freres, leur fut tresdesplaisant: mais ils n'en peurent auoir autre chose: car tout

incontinent ceux qui estoient du serment dessusdit feirent sonner la cloche du commun, & l'assemblerent en tresgrand nombre atmez & embastonnez, & s'en allerent deuant iceluy fort qui tantost leur fut ouuert. Et adonc aucuns des plus notables de la ville allerent deuant les dessusdits cheualiers : ausquels ils dirent qu'ils ne fussent en aucune doubte de leurs personnes. Et aussi de leur cheuance, & qu'on ne leur messeroit riens : disant que ce qui se faisoit estoit pour le bien & l'anté de ladicte ville : lesquels non puissans de à ce remedié, respondirent que puis que autrement ne pouoit estre qu'ils feissent ce que bon leur sembleroit. Et adonc tous troublez de veoir les manieres dessusdictes, se rettahirerent en vn hostel en la ville, & avecques eux tous leurs familiers. Si leur furent deliutez tous leurs biens : & brief ensuiuant tous les habitans d'un commun accord commencerent à desoler & abbatte ladicte fortetesse : & tant en ce continuerent & par plusieurs iours, qu'elle fut du tout rasée & demolie de fons en comble. Et aucuns briebs iours ensuiuans le dessusdit Baillif de Vetrandois & son frere à tout leus gens, se departirent de ladicte ville de Chauny : auquel lieu desquels leur fut enuoyé pour eux gouuerner de par messire lean de Luxembourg messire Hector de Flauy, & depuis Valleran de Moreul : lesquels, pour l'entreprinse dessusdicte, les trouuerent plus rigoureux & desobeissans qu'ils n'auoient accoustumé deuant la desolation dudit chastel.

Comment la cité de Chartres fut prinse par les gens du Roy Charles.



E vingtiesme iour d'Auril de cest an, fut prinse la noble cité de Chartres par la force des gens du Roy Charles : laquelle cité auoit tenu le party des Ducs lean & Philippe de Bourgongne depuis l'an mille quatre cens & dixsept, qu'elle auoit fait obeissance au dessusdit Duc lean, & pateillement auoit tenu la querelle des Anglois. Si furent caüse d'icelle prinse deux habitans d'icelle ville : dont l'un estoit nommé lean Conseil, & l'autre le Petit Guillemain : lesquels autresfois auoient esté prisonniers aux François, lesquels les auoient euz en gouuernement par longue espace : & par faulseconduit auoient esté à Blois, & Orleans & autres lieux de l'obeissance d'iceux François, mener plusieurs marchandises & ramener autres audit lieu de Chartres. Si les auoient lesdits François tellement instruits, qu'ils festoient tournez à leur volenté. Et auoient avec eux dedans ladicte ville de Chartres de leur accord & alliance vn Iacobiin Docteur en Theologie, nommé frere Jean Sattrazin : lequel estoit principal conducteur de tout la machination dessusdicte, & auoient les autres du tout leur retout à luy. Et quand ce vint au iour qu'ils auoient conclud de acheuer leur emprise, les François festoient assemblez de plusieurs patties iusques au nombre de quatre mille combattans : desquels estoient les principaux le bastart d'Orleans, le seigneur de Gaucourt, Blanchet d'Estouteuille, messire Florent de Lets, la Hire, Girard de Felins, & aucuns autres chiefs de moyen estat. Si se meirent en chemin pour venir deuers la ville de Chartres, & se embuscherent la plus grand partie en vn quart de lieüe pres. Et aucuns autres iusques à quarante ou cinquante furent mis plus pres : & les deux dessusdits nommez qui conduisoient la besongne, amenoient chats & charrettes de vins & autres choses, & avec ce y auoit vne quantité d'alozes.

Si

Si estoient pour conduire les chärs, charrettes & autres en guise de charrettons, aucuns experts faquement armez à la couuerte: lesquels assez tost apres que la porte vers Blois fut ouuerte, vindrēt à tout leur charroy pour entrer dedans: & alloient deuant Jean Conseil & le Petit Guillemain dessusdit. Ausquels les portiers qui bien les cognoissoient, demanderent des nouuelles, & ils respondirent qu'ils ne scauoient que bien: & alors les portiers leur dirent qu'ils fussent les bien venuz. Et adonc pour les mieux abuser, l'un des deux dessusdit print vne paire desdictes alozes, & les bailla à iceux portiers en leur disant: Voyla pour vostre disner, prenez en gré. Nous vous faisons souuent des peines beaucoup de atarger à la porte pour nous attendre, & autres pour ouurer les barrieres. Entre lesquelles parolles & abusemens que iceux faisoient, les dessusdits charretons toutesfois s'assemblerent à coup, & commencerent à ferir sur lesdits portiers: si en occirent vne partie & gaignerent prestement la porte & l'entrée d'icelle. Auquel lieu vindrent soudainement à certain signe, que les dessusdits leur firent la premiere embusche, & de rechief la seconde: si se meirent à entrer en icelle ville par bonne & ordonnée ordonnance tous à pied armez de plaines armes leurs bannieres & estandars desployez avec eux. Et adonc par aucuns des dessusdits portiers qui estoient eschappez & entrez en la ville, & aussi par aucuns autres habitans qui apperceurent ceste besongne, fut tantost en plusieurs & diuers lieux crié à l'arme. Auquel cry prestement toute la bourgeoisie & communaulté s'esmeut: mais que pis estoit pour eux le Iacobin dessusdit à aucuns preschemens qu'il auoit faits parauant en lieu public, les auoit trefamiablement instruits & admonnestez, qu'il leur pleust à estre ce propre iour au matin à vn sien preschement qu'il deuoit faire moult sollempnel & auctenticque, & qui moult prouffiteroit (comme il disoit) pour le sauueement de leurs ames, s'ils le vouloient ouïr & retenir: mais le dessusdit Iacobin auoit à certain propos esleu lieu pour assembler ledit commun à son preschement, tout à l'autre bout de ladicte cité le plus loing qu'il auoit peu de la deuant-dicte porte, par où elle fut prinse. Et à celle mesme heure que le douloureux cry fut ouï parmy la ville, estoient à l'enuiron d'iceluy Iacobin la plus grand partie de la communaulté & bourgeoisie dessusdicte: lesquels sans delay tous effrayez se prindrent à fuir vers leurs habitations. Si en y eut trefgrand nombre qui se armerent & embastonnerent, & se trahirēt deuers leur Euesque & leurs gouuerneurs de ladicte ville, qui les menerent au plus tost qu'ils peurent deuers où ils scauoient lesdits François tendans iceux rebouter hors de ladicte ville: mais à brief comprendre ils ne peurent ce faire, pource que lesdits François estoient en trefgrand nombre bien atmez, & vsitez en fait de guerre: & desia estoient bien auant en ladicte ville, quand ceux de dedans vindrent vers eux: & de rechief pour les mieux abuser, commencerent iceux François à crier à haulte-voix la paix, la paix: & marcherent par bonne ordonnance & en tirant vers eux: & y eut traict tant d'un costé comme d'autre, mais ce dura assez petit: car avecques toutes ces malles aduentures vn nommé Guillaume de Ville-neufue, qui estoit capitaine de la garnison: lequel les deuoit conduire & mener, quand il apperceut la besongne estre si aduancée, il monta à cheual, & avec luy enuiron cent combattans de ses gens: si se partit sans delay par vne

autre porte & avec luy grand multitude de peuple: & par ainsi tout le surplus fut tantost mis en desfroy, sans ce qu'ils feissent quelque resistance. Pourquoy les François ce voyant s'aduancerent de plus en plus, & allerēt iusques au marché. Et quand ils veirent que nul n'arrestoit deuant eux pour eux greuer, vne partie des chiefs se tindrent ensemble, & enuoyerent vne partiē de leurs gens par les rues veoir s'ils trouueroient qui leur contredisist: mais tout fuyoit deuant eux, & se sauuoient où ils pouoient le mieux. Durant laquelle tribulation furēt morts de ceux de la ville environ soixāte ou quatre vingts: desquels fut le principal maistre Iean de Festigny natif de Bourgongne leur Euesque, & si en furēt prins prisonniers de cinq à six cens, dont maistre Gilles de l'Aube espine qui gouuernoit pour les Anglois fut le principal. Et à brief comprendre tant de gēs d'Eglise, comme bourgeois & autres habitans qui peurent estre prins & attains furent mis à finance. Et avec ce generallyment tous les biens qu'ils peurent trouuer à qui qu'ils fussent, puis qu'on en pouoit faire argent tout fut prins & rauy. Quant est à parler de rauissements, violations & autres besongnes extraordinaires il en fut fait selon les coustumes de la guerre, comme en ville conquise. Et le lendemain furent couppees les testes à aucuns de ceux qui parauant auoient gouuerné pour les Anglois: & furent de par le Roy de France dedans icelle cité reconstituez tous nouueaux capitaines de gens d'armes & gouuerneurs. Si y demoura trespuissante garnison pour les frontieres des Anglois: desquels fut le principal chief sur tous les autres le dessusdit bastart d'Orleans.

Comment le Cardinal de sainte Croix vint en France de par le saint pere, pour appaiser la guerre des parties dessusdictes.

EN ce temps fut enuoyé par nostre saint Pere le Pape es parties de France le Cardinal de sainte Croix: pour appaiser le discord qui estoit entre le Roy de France d'une part, & le Roy Henry d'Angleterre, & le Duc de Bourgongne ensemble d'autre part. Pour lequel traité ledit Cardinal feit de grans diligences entres les parties: mais en fin ne pouoit riens accorder à paix. Par son travail & moyen furent accordées vne trefues à durer l'espace de six ans, entre le dessusdit Roy Charles & le Duc de Bourgongne, & baillerent chacun d'eux pour la seurte & entretenement desdictes trefues, lettres scelees de leurs seaux deuillées par la meilleur forme & maniere que faire le pouoit. Par le moyen desquelles en aucuns lieux sur les frontieres, le peuple eut grand consolation esperans que ce se deust entretenir. Et à l'occasion d'icelle se commencerent aucuns des pays sur lesdictes frontieres à remplir de laboureurs, bestail & autres choses: mais ceste liesse ne leur dura point grandement: car en dedans le premier demy an les parties furent si obstinees & entretouillees, qu'ils commēcerent comme deuant à demener tresforte guerre l'un contre l'autre. Si fut la principale cause de celle resmeutte, pource que les François prenoient aucuns tenans le party de Bourgongne, comme Anglois: & pareillement lesdits Bourgongnons: c'est à sçauoir les pauvres Saquemens voulās viure de la guerre se bouttoient avec lesdits Anglois: & en portāt la croix rouge prenoient les François & leur faisoient guerre: par lequel moyen icelles trefues deuant-dictes, furent en brief du tout mises à neant. Si n'estoit lors en nullo

des

des trois parties iustice ne raison entretenue: ains regnoit contre le peuple & gens d'Eglise tresinnumerables & tyranniques pilleries. Et combien que pour viure en paix au destoubz de ceux qui faisoient la guerreils donnassent & promissent du leur treslargement, en prenant d'iceux ou de leurs capitaines sauf-conduits, lettres de gardes ou scellees d'apaciz: neantmoins peu ou neant leur estoit entretenu, & par ainsi n'auoient ils autre recours sinon de crier miserablement vengeance à Dieu.

Comment le Boulleuert de Laigny sur Marne fut prins des Anglois.

ENuiron le mois de Mars de cest an, furent ordonnez par le Duc de Bethfort & le conseil du Roy Henry estant à Paris, certain nombre de gens d'armes pour aller mettre en l'obeissance dudit Roy aucunes forteresses, que tenoient les François ses ennemis sur les marches de l'Isle de France, comme Mongay, Gournay & autres. Et avec ce rompre & demolir le pont de Laigny, qui vient de la ville par dessus l'eau vers l'Isle de France: de laquelle armée furent chief & cōducteurs le Comte d'Arondel, l'enfant de Varuich, le seigneur de l'Isle Adam Marechal de France pour le Roy Henry, messire Iean Bastard de S. Pol, le Galois d'Aunay cheualier seigneur de Oruille & aucuns autres: lesquels tous ensemble partans de Paris à tout douze cens combattans ou environ & foison de chars & charrettes, canons, artilleries & autres instrumens de guerre, vindrent par aucuns iours dedans lesdictes forteresses: lesquelles en assez briebs iours par contraincte d'iceux Anglois, furent mises en l'obeissance d'eux. Et se departirent aucuns desdits François sauue leurs vies & partie de leurs biens, & les autres demourerent à volenté. Si en y eut aussi aucuns executez par iustice, & les autres mis à finance. Apres lesquelles redditions les dessusdits Anglois prindrent leur chemin vers Laigny sur Marne, & se logerent deuant. Si feit le Comte d'Arondel asseoir vne grosse bombarde contre l'arche du pont leuis de la ville, laquelle du premier coup qu'elle icetta rompit ladicte arche par telle maniere, que ceux de dedans ne pouoient bonnement venir à leur boulleuert, qui estoit à l'autre bout du pont qui passe par dessus l'eau. Et adonc ledit Comte d'Arondel & les autres capitaines, avecques leurs gens assaillirent hastiuement iceluy boulleuert & le prindrent sans delay: nonobstant que ceux de dedans qui estoient en bien petit nombre, le deffendoient puissamment & vaillamment. Auquel assaut fut mort Iean de Luxembourg vn des bastards de saint Pol, & aucuns autres avec plusieurs naurez. Et en fin les dessusdits Anglois rompirent le pont en plusieurs lieux: & apres ardirent ledit boulleuert, puis se retrahirēt en leurs logis. Si cōclurent dedans briebs iours ensuiuans d'assaillir la ville en plusieurs lieux, laquelle chose ils feirent. Si demoura ledit Comte d'Arondel à tout certain nombre de gens sans aller audit assaut. Et quand ce vint que le Marechal & les capitaines se departirent pour aller audit assaut ledit messire Iean de Luxembourg bastard de saint Pol, qui portoit en sa deuise, & en son estandard vn soleil, dit tout hault oyant plusieurs, qu'il faisoit vœu à Dieu que si le soleil entroit en la ville qu'il y entreroit aussi. Laquelle parolle fut de plusieurs entendue par diuers propos. Neantmoins ils allerent à l'assaut & s'y porterent assez vaillamment: mais par la diligence de

Huçon Queüe Elcossois, messire Iean Foucault & autres capitaines de la ville, ils furent bien & vaillamment receuz: & en y eut plusieurs des dessusdits assaillans morts & grieuement naurez. Et avec ce perdirent quatre ou cinq de leurs estandars & panons, qui furent tirez à force de bras dedans la ville par les deux bouts, desquelles furent la banniere de l'Isle Adam Marechal, & l'estandard & enseigne du soleil appartenant audit messire Iean Bastard de S. Pol, qui auoit vouë d'entrer en icelle ville. Si conuint qu'ils se retrahissent à grand honte & confusion en leur logis. Et au bout de trois iours ensuiuans s'assemblerent, & s'en allerent secretement grand partie d'iceux compagnons de guerre sans le congé de leurs capitaines, voyans qu'ils perdoient leur temps de là plus seiourner: car ils y pouoient plus perdre que gagner. Si retournerent à Paris deuers le Duc de Bethfort auant qu'iceux Anglois & Bourgongnons feissent iceluy assaut, auoient bien esté huit iours logez deuant la ville & y alis grosses bombardes, dont ils auoient fait battre & trauailler la muraille d'icelle.

Comment Philebert de Vaudray gouverneur de Tonnerre, & le seigneur d'Amont allerent seruir le Duc de Bethfort.



Est verité qu'en ces iours Philebert de Vaudray & le seigneur d'Amont, se departirent du pays de Bourgogne à tout cinq cens combattas ou enuiron, par l'ordonnace de leur seigneur le Duc de Bourgogne seruir son beau frere le Duc de Bethfort. Si prindrent leur chemin parmy le pays de Champaigne, pour aller en Picardie: auquel pays s'assemblerent les François de sept à huit cens combattas pour combattre & ruer ius les dessusdits: desquels estoient les principaux Yuon du pays, le Bastard de Dâpierre, le Borgne de Remon & aucuns autres qui se meirent en bataille contre leurs ennemis, qui festoient tous mis à pied pour eux deffendre: mais à brief dire quand ce vint qu'ils deurent commencer à ferir l'un dedans l'autre, les dessusdits François qui estoient la plus grand partie à cheual se departirent hastiuement en grand confusion, si en y eut aucuns morts & prins en petit nombre. Et apres iceux Bourgongnons par plusieurs iournées cheuaucherēt à tout leurs gens en Picardie, où ils seiournerent certaine espace de temps, en pillant & maignant le pays, & de là s'en allerent à Paris deuers le Duc de Bethfort. En ce temps le Roy de Chippre par longue maladie qu'il auoit eüe depuis son retour de la prison des Sarrazins, apres qu'il eut receu moult deuotement tous les Sacramens de sainte Eglise, il trespassa de ce siecle. Au lieu duquel fut couronné & sacré en la maistresse Eglise de Nicosie Iean de Lusignan, seul fils du dessusdit Roy & de la Roïne Charlotte de Bourbon, par le consentemēt de tous les trois estats d'iceluy Royaume.

De l'an mille cccc. xxxij.

Comment le Duc de Bethfort vint à grand puissance deuât la ville de Laigny sur Marne pour ayder & conforter les Anglois & Bourgongnons, qui l'auoient assiegé. Lesquels en fin s'en partirent sans nul conquest.

Au



V commencement de cest an le Duc de Bethfort qui se disoit Regēt de France, conuoqua de plusieurs parties de son obeissance iusques au nombre de six mille combattans ou enuiron: lesquels il conduir & mena deuant la ville de Laigny sur Marne, que tenoient les gens du Roy Charles. Et pouoient estre dedans ladicte ville de huiēt cens à mille cōbattans droit gens d'armes d'élite accoustumez de guerre: desquels estoient les principaux capitaines, le capitaine Escoçois, messire Ambroise de Loreil & messire Iean Foucault, qui vaillamment se maintindrent & gouuernerent ceux qui estoient sous leurs bannieres. Auecques le Duc de Bethfort estoient de la langue François le seigneur de l'Isle Adam Marechal, messire Iean Bastard de S. Pol, le Bastard d'Aunay cheualier seigneur d'Oruille, Philebert de Vaudray, le seigneur d'Amont & plusieurs autres de bon & notable estat, qui trespassez espace de temps continuerent le siege deuant ladicte ville de Laigny, pour icelle reduire en l'obeissance du Roy Henry. Si furent assis plusieurs engins grans & petis contre les portes & murailles d'icelle ville, qui en diuers lieux les crauantirent & abbatirent, dont les dessusdits assiegez tant pour lesdits engins comme pource qu'ils auoient viures à grand dangier, furent moult contrainsts & eurent de grans tribulations & meschiefs: neantmoins que par le dessusdit Duc de Bethfort fussent par plusieurs fois sommez d'eux rendre, ne se voulurent ils à ce consentir pource que tousiours auoient esperance d'estre secouruz & aydez par ceux de leur party, comme ils furent depuis. Et auoient lesdits assiegez fait vn pont sur la riuere de Marne de basteaux, pour passer à leur ayse de l'un des costez à l'autre. Et à chacun des bouts dudit pont auoient fait bouleuert pour la garde d'iceluy: dedans lesquels estoient commis gens d'armes en certain nombre pour le garder. Durant lequel temps le Roy Charles de France feit assembler de six à huiēt cens combattans: lesquels sous la conduicte du Marechal de Boufach, du Bastard d'Orleans, du seigneur de Gaucourt, de Roudigue de Villandras, du seigneur de sainte Treille & plusieurs autres capitaines gens de grand façon, & vaillās hommes de guerre, il enuoya deuers Orleans pour bailer secours aux assiegez de sa ville de Laigny: & tous ensemble par plusieurs iournées se tirerent à Meleun, où ils passerent la riuere de Seine. Et de là parmy le pays de Brie approcherent ladicte ville de Laigny, & leur venoient de iour des garnisons gens de leur party. Et entre tēps ledit Duc de Bethfort & ses gens auoient si fort destraincts lesdits assiegez, qu'iceux sur la venue des François cōmençoient à traicter: neantmoins ledit Duc se prepara diligēment pour cōbatre les François, qui venoient sur luy: & pource faire manda encores gens de plusieurs lieux de son obeissance: puis enuoya aucuns de ses officiers d'armes deuers iceux François, pour eux signifier qu'il estoit prest d'eux cōbatre avec tous leurs aydants s'ils vouloient prendre iour & lieu de ce faire, à quoy ils ne feirent nulle responce, sinon à leur bel aduantage: & quand bon leur sembleroit au plaisir de Dieu nostre benoist sauueur, ils meneroiēt à fin leur entreprinse. Et sur ce approcherent & vindrent les dessusdits François en tresbonne ordonnance de trois cōpagnies iusques à vne petite riuere, qui est enuiron à vn quart de lieue de la ville. Et d'autre part ledit Duc de Bethfort auoit ordōné faire trois batailles, pour garder le passage d'icelle petite riuere. Et quand ce vint qu'ils furent approchez

assez pres l'un de l'autre, en plusieurs lieux se commencerent de grandes & dures escarmouches : & par especial au costé où estoit l'enfant de Vvaruich & le seigneur de l'Isle Adam, vindrent à grand puissance Rodigue de Villandras, le seigneur de Sainte Treille & aucuns autres chieffs de guerre, qui conduisoient les viures pour ravitailler icelle ville. Et de fait par force & malgré tous leurs aduersaires se bouterent auant, & y en passa certain nombre qui allerēt iusques à la porie, & bouterent dedans de vingt à trenie bœufs & aucune quantité de sacs de farine, & si entrerent dedans enuiron quatre vingts combattās : mais ceste besongne ne fut pas faicte sans grande effusion de sang, car de tous costez en y eut plusieurs morts & naurez. Entre lesquels de la partie desdits François fut mort le dessusdit de sainte Treille frere aîné à Pothon. Et pareillemēt à l'autre costé où estoit messire Ieā Bastard de S. Pol, messire Thomas Kyriel, le seigneur d'Amont & Philebert de Vaudray furent fort approchez, & y eut fait maints haults faits d'armes & vaillantise. Si y furent morts & naurez plusieurs des deux costez : desquels de la partie des Anglois y fut mort vn gentil-hōme Odart de Remy : & durerent ces escarmouches iusques assez pres de vespres, & fui par vn iour S. Laurens en Aoult, qu'il faisoit moult grād chaleur de soleil, dōt les deux parties furēt moult trauaillées & oppressées. Et lors les François voyās que bonnement ne pouoient autre chose faire, par ce que principalement que les Anglois & Bourgongnons estoient en tresfort lieu, se retrahirent tous ensemble, & s'en allerēt loger à Cressy en Brie : & de là se tirerent vers Chasteau Thierry, & puis à Vitry en France, où ils furent l'espace de quatre iours. Et adonc ledit Duc de Beihfort saichant qu'iceux François se trayoient vers l'Isle de France, doutant qu'ils ne preinsent aucunes bonnes villes, se deslogea de deuan l'adictē ville de Laigny en assez peite ordonnance : car ses gens y laisserent plusieurs biēs, si se tira vers Paris. Et depuis rassembla gens & alla vers où estoient lesdits François, pour de rechief eux offrir la bataille : mais comme deuant ils feirent responce qu'ils auoient ce pourquoy ils estoient venus. En estoit avecques eux le seigneur de Gaucourt qui bien seruoit à la besongne, car moult estoit saige & prudent. Et tost apres se deslogerēt dudit lieu de Vitry iceux François, & s'en retournerent deuers l'adictē ville de Laigny, où demoura ledit seigneur de Gaucourt : & les autres capitaines à tout leurs gens s'en retournerent es païs dont ils estoient venus. Et quād aux assiegez ils furent moult resioüis, & non point sans cause quand en ceste maniere se veirent deliurez de leurs ennemis : car moult auoient esté oppressez tant de famine comme d'autres mesaises, car le siege y auoit bien esté par l'espace de quatre mois ou enuiron, qu'ils n'auoient peu auoir aucuns viures pour eux rafraichir. En ce mesme temps fut prins le chastel de Monchaz en Normandie, appartenant au Comte d'Eu prisonnier en Angleterre, lequel long temps par auant tenoient les Anglois, & en estoit capitaine vn nommé Brunelay, lequel pour ce tēps se tenoit avec le Duc de Bethfort au siege de Laigny sur Marne, & là prindrent les prisonniers qui estoient leans de la party du Roy Charles. Si manderent tantost pour estre leur capitaine messire Regnault de Fontaines, qui se tenoit à Beauuais : lequel sans delay y alla à tout quatre vingts combattans ou enuiron. Et par le moyen d'icelle fut faicte forte guerre es marches de Vimeu & enuiron à ceux qui tenoient le party du Roy

Henry,

Comment les Gantois se firent contre aucuns des gouverneurs de leur ville.

EN ce temps se resmeurent en armes les communes gens de la ville de Gand iusques à cinquante mille ou enuiron, contre les gouverneurs d'icelle. Et tous ensemble enuiron dix heures deuant midy, s'en allerent sur le grand marché deuant l'hostel des Remonstrances où ceux de la loy estoient assemblez. Si conuint qu'ils venissent parler à eux incōtinent, ou ils eussent en brief abbātus huis & fenestres pour y entrer. Et quād ils furent venus à eux de prime face, occirent cruellement le grand Doyen des menuz mestiers nommé Iean Boëlle, & vn escheuin nommé Iean Daniel van Zenere, avec vn homme de conseil qui se nommoit Iason Habir. Pour la mort desquels tous les autres gouverneurs là estans, furent en grand doubte de leurs vies pour la cruauté qu'ils veoïent desdictes communes: mais pour loïs ils se tindrent à tant. Et tous ensemble se partirent de là, & allerent à l'Abbaye S. Pierre abbatre vn petir bois qui estoient empres. Et puis se meirent à chemin & s'en allerent à S. Banon, pour les aucuns estre recōpensez de plusieurs rentes hereditables qu'ils deuoient à l'Eglise, lesquelles ils auoïent par auant payées: mais par le sens & doulces parolles de l'Abbé dudit lieu, ils furent contentez & refrenez, & leur deliura prestement tout ce qu'ils demanderent: & avec ce leur feit donner des viures de l'Eglise treshabondamment. Si se partirent de là assez contents d'iceluy Abbé, & allerent rompre trois ou quatre maisons de la ville treshonorables: & dedans icelles prendre des biens largement, & les autres despecer & ruer és tues. En apres allerent aux prisons du Prince, si les rompirent & laisserent aller tous les prisonniers, & entre les autres deliurerent vn nommé George Goscath, qui moult estoit de leur party cōtre les dessusdits gouverneurs. Apres lesquelles besongnes icelles communes deuant dictes au bout de deux iours ensuyans par le moyen d'aucuns notables hommes, se terrahirent en leurs lieux & furent rappaisez. Neantmoins durāt icelle cruauté tous les officiers du Prince se departirent de ladicte ville de Gand, doubrians que par icelles communes ne fussent mis à mort comme les autres: rousesfois le Duc de Bourgogne pour les grans affaires que pour lors auoit, ne fut point conseillé de les corriger ne contraindre d'en faire amendises par sa puissance: mais traicté fut avec eux par ceux de son conseil, qu'en luy requerant mercy & payant aucune finance il leur pardonna: & par ainsi ils demourerent paisibles.

Comment messire Iean Bastard de S. Pol, & le seigneur de Humieres furent prins des Francois.

EVRANT le temps dessusdit se departirēt du pays d'Arthois messire Iean Bastard de S. Pol, & le seigneur de Humieres avec eux soixante combattans ou enuiron, pour aller à Paris avec le Duc de Bethfort. Si allerent par Montdidier à l'Isle Adam. Et de là cuidans aller seutement audit lieu de Paris, furent rencontrez de ceux de la garnison de Creil, qui de leur allée estoient tous aduertis. Et de fait, nonobstāt leur desfence, furent ious deux prins prisonniers, & menez audit lieu de Creil avec grand partie de leurs gens.

Et les aucuns se sauuerent par force de bien fuir. Et depuis les deux cheualiers dessusdits parmy payant grand finance à ceux qui les auoient prins furent deliurez de la prison deldis François.

Comment plusieurs malefices furent faits & perpetréz es païs d'Amiennois, Santhois & Vimeu.

D V R A N T les tribulations dessusdictes, Blanchefort qui se tenoit au chasteil de Bertueil tenant le party du Roy Charles de France, feit moult de dommages es païs de Santhois, Amiennois, Vimeu, & autres lieux par feu, pillages & par espée: parquoy iceux pays furent ou la plus grand partie tous perdus & inhabitez, sinon aupres des bonnes villes & forteresses. Et n'en pouoient plus souffrir & payer les grans tributs, qu'ils auoient acoustumez de liurer pour leurs appactis. Et d'autre part furent reparées par ceux de ce mesme party aucunes forteresses au païs de Vimeu: c'est à sçauoir à Raines, Hornoy & autres, esquelles se boutterent plusieurs gens de guerre dont le païs fut moult oppressé, & pareillement de ceux qui tenoient le party du Roy Henry & du Duc de Bourgongne. Si ne sçauoient les pauures laboureurs où eux bouter, ne où aller à sauueté: & n'estoient aydez ne secouruz d'aucun seigneur de quelque party qu'il fut. Et qui pis fut pour eux, en la marche dessusdicté Philebert de Vaudray & le seigneur d'Amont qui estoient retourpez des marches de France de seruir le Duc de Beihfort, se bouterent à tout leurs gens dedans l'Isle du pont saint Remy, & en debouterent les gens du seigneur de Sauueuses qui l'auoient en garde. Pour laquelle iceluy seigneur de Sauueuses fut tresmal content: & pour iceux debouter hors de la dessusdicté Isle assembla grand partie de ses parens & feables amis: mais en fin pource que les dessusdits estoient trop forts dedans l'Isle dessusdicté, il n'eust point conseil de les aller enuahir. Et pourtant demourerent là certaine espace de temps au grand dommage & preiudice de tout le païs.

Comment le Damoiseil de Commercy print la ville de Ligny en Barrois, appartenant à messire Jean de Luxembourg.

A V mois de Septembre audit an le Damoiseil de Commercy, qui long temps parauant auoit grand haine enuers messire Jean de Luxembourg, tant pour sa forteresse de Montagu qu'il luy detenoit, comme pour plusieurs autres dissentions qu'ils auoient eu l'un avec l'autre, assembla de plusieurs lieux de quatre à cinq cens combattans ou enuiron: lesquels il mena secretemēt aupres de Ligny en Barrois: & icelle par faute de guet print, & entra dedās & tous ceux qu'il auoit amenez par les eschelles. A laquelle prinse ceux de ladicte ville furent tous esmeuz soubdainement, & y en y eut vne grād partie qui se retrahirent hastiuemēt dedans le chasteil, qui ne fut point conquis: mais se deffendirent hardiemēt contre leurs ennemis, qui par plusieurs fois les sommerent & admonesterent d'eux rendre, à quoy ils ne voulurent nullement entendre: ains sans delay enuoyerent deuers messire Jean de Luxembourg, luy racompter la besongne dessusdicté en luy requerant humblement qu'à ce besoing les voulüst secourir. Lequel de Luxembourg sachant ces nouuelles

uelles meit incontinent clerks en euvre: & en grand diligence feit escrire à tous ses amis alliez & bien vueillans euz requerant trefamoureusement, qu'ils luy venissent ayder à deliurer sa ville & ses gens du dangier, où ils estoient sur tous les plaisirs que iamais luy desiroient à faire. Au mandement duquel pour luy accompagner, se commencerent à preparer diligemment plusieurs nobles homes & autres gens de guerre en grand nombre: mais entre-temps le dessusdit Damoisel voyant que bonnement ne pouoit conquerre icelle forteresse de Ligny, doubtant aussi le secours qui leur pouoit venir de par messire Jean de Luxembourg, duquel il cognoissoit assez la puissance & la volenté: li conclut avecques aucuns de ses plus feables qu'ils s'en retourneroient es lieux dont ils estoient venus. Apres laquelle conclusion feit prendre & trourer tous les biens d'icelle ville, c'est à sçauoir qui se pouoient porter: puis feit bouter les feux & embraser toutes les maisons d'icelle ville, dont les habitâs eurent au cuer grâd tristesse. Et ledit Damoisel de Salebrusse s'en retourna à Commerçis en emmenant avecques luy plusieurs prisonniers. Si furent de rechief mandées ces nouvelles au dessusdit messire Jean de Luxembourg: lequel estant de la destruction d'icelle moult dolent & marry, feit contremander ceuz qui de par luy auoient esté mandez, & delaisa son entreprinse.

Comment la forteresse de la Boue vers Laon fut prinse des Bourgongnons, lesquels se contrefirent Anglois. Et autres matieres.



Tem en ce mesme temps les gens du seigneur de Ternant qui se tenoient à Rethers, prindrent la rouge Croix des Anglois faignans du tout retenir leur party, & vn certain iour en l'arrecin prindrent la forteresse de la Boue à deux lieües pres de Laon: & estoit chief & conducteur desdits preneurs vn homme d'armes nommé Nicolas Cheualier. Par le moyen de laquelle prinse ceuz de la ville de Laon & autres lieux tenans le party du Roy Charles, eurent moult à souffrir. Si fut la cause de prendre la rouge Croix dessusdicte, pource que les trefues, dont par auant est faicte mention, n'estoient point encores du tout rompues entre les dessusdits Roy Charles & le Duc de Bourgongne: car iceux auoient tousiours tenu le party du Duc de Bourgongne: & se faisoient lors entre les trois parties plusieurs telles besongnes, qui n'estoient point sans mal engin. En ces propres iours le Comte de Vaudemont feit assembler de trois à quatre cens combattâs ou enuiron es pays & marches de Picardie: Lesquels dessusdits combattans il feit mener & conduire en la ville de Bezelize. Et estoit l'un des chiefs & capitaine qui les conduisoient le Bastard de Humieres. Lesquels gens d'armes arriuez, commencerent à mener forte guerre au pays & contrée de Barrois & de Lorraine: & y feirent moult grand dommage par feu, pillage & par espée, dont le pauure peuple d'iceux pays fut moult trauaillé.

Mo A v mois d'Octobre alla le Duc de Bourgongne au pays de Hollande, & avec luy la Duchesse sa femme. Si auoit en sa compagnie six cēs combattans Picards ou enuiron. Et demoura pour visiter iceluy pays enuiron vn mois: auquel voyage fut traicté par les conseilliers dudit Duc & de la Duchesse de Bauiere, qu'iceluy Duc de Bourgongne auoit de present le nom, iouissance & prouffits

des paÿs de Hainault, Hollāde & Zelāde & de Frise, avec les appartenāces pour en vſer comme de ſon propre heritage à tousiours heritablement : moyennant lequel accord fut deuſſé que ſe ledit Duc alloit de vie à trespas deuant ladicte Duchesse, les paÿs deſſuſdits retourneroient à elle comme vraye heritiere. Et avec ce luy furent ordonnés plusieurs nobles ſeigneuries & profitables, dont elle deuoit iouir avec la Comté d'Oſtreuant, de laquelle Comté tant ſeulement elle ſe deuoit eſcrire Comteſſe, en delaissant les tiltres des paÿs deſſus nommez. Apres leſquels traictéz pazez & promis de l'vne partie à l'autre, ledit Duc conſentit à parconclurre le mariage d'icelle Duchesse ſa couſine & de meſſire Franque de Voſelle: lequel par auant auoit eſté pourparlé ſecrettement entre icelles parties. Et de ce iour en auant ſeſcriuit le Duc de Bourgongne avec ſes autres tiltres, qu'il auoit par auant Comte de Hainault, de Hollande, de Zelande & ſeigneur de Frife. Apres lequel traicté il retourna en ſon paÿs de Flandres.

Comment frere Thomas alla à Romme où il fut ars.

EN ceſt an iceluy le preſcheur deſſuſdit de l'ordre des Carmes, nommé frere Thomas Conneſte, dont pieça cy deuant ay parlé en ceſt liure (comme plus à plain eſt declairé) auoit fait pluſieurs predications en la Prouince de Reims : par leſquelles predications pluſieurs nobles femmes de haultes lignées auoient oſté leurs atours. Apres vint en la ville de Romme, où lors ſe tenoit noſtre ſainct Pere le Pape Eugene, & y arriua avec les ambassadeurs Veniciens. Si ſe logea à ſainct Pol: auquel lieu le deſſuſdit Pape le manda à venir deuers luy non mie pour mal qui luy vouliſt: mais pour le veoir & oüir parler, pource que les nouuelles auoient autresfois eſté rapportées iuſques à luy. Si reſuſa par deux fois à y aller, ſaignant qu'il fut mal diſpoſé. Et à la tierce fois le Pape y enuoya ſon treſorier pour l'amener. Et quand iceluy treſorier vint à l'huyſ de ſa chambre, ledit frere Thomas le voyant ſaillir hors par vne fenestre pour ſoy ſauuer: mais il fut iſnellement pourſuiuy & prins, & de là fut mené deuers noſtre ſainct Pere le Pape en ſon Palais: Lequel chargea pour l'examiner les Cardinaux de Roüen & de Nauarre: leſquels en fin le trouuerent hereſe & coupable de mort. Et apres que ſon proces fut fait, fut condamné à mort & fut ars deuant le peuple en la ville de Romme.

Comment la Duchesse de Bethfort mourut.

ETEM en ce temps Anne femme au Duc de Bethfort & ſœur au Duc de Bourgongne, accoucha malade en l'hoſtel des Tournelles à Paris, & fut par treſlongue eſpace trauaillée d'icelle maladie & tant qu'en fin (nonobſtant qu'elle eut eſté tres diligemment viſitée de pluſieurs Medicins) rendit ſon eſprit, & fut enterrée aux Celeſtins en la chapelle, où iadis fut mis Loÿs Duc d'Orleans dernier trespasſé. Pour la mort de laquelle le Duc de Bethfort ſon mary eut au cuer treſgrand ennuy & triſteſſe, & pareillement pluſieurs autres de ſon party: doubans que pour la mort deſſuſdicte, l'amour & l'alliance qui ſeſtoit entretenue grande eſpace par le moyen d'icelle Duchesse entre ſon dit mary & ſon frere le Duc de Bourgongne, ne ſe refroidit aucunement. Et pour lors les ambassadeurs des trois parties: ceſt à ſçauoir du Roy Char-

les, du Roy Henry & du Duc de Bourgongne furent ensemble en la cité d'Auxerre & à Meleun on pr traicté de paix, mais en fin ne peurent tiens conclurre. Et par ainsi se departirent retournans chacun deuers leurs seigneurs.

Comment aucuns capitaines Francois passerent la riuere de Somme pour couvrir en Arthois.

E Tem enuiron l'entrée du mois de Decembre Blanchefort le capitaine, messire Anihoin de Chabannes, le seigneur de Longueual, messire Karados des Chefnes & aucuns autres du party du Roy Charles s'assemblerent, & avec eux de huiet cens à mille combattans d'enuiron Bretueil, & de là allerēt passer la riuere de Somme à Cappy. Et puis cheuaucherent toute nuit iusques empres la ville de Dourlens, qu'ils auoient pourguerrée par leurs espies pour la prendre & escheller: mais le seigneur de Humietes fut aduerty de ceste cheuauchée. Si enuoya hastiuement certains messages au Maire & aux iurez de Dourlens eux signifier, que les François estoient sur les champs, & auoient intention d'eux porter dommage, & qu'ils fussent sur leur garde: lesquels oyans ces nouuells se preparerent diligemment pour eux deffendre. Et avec ce meirent dehors leur ville vn messagier pour aller au chastel de Beauual, dire à ceux qui le gardoient les nouuelles dessusdictes. Lequel messagier rencōtra à vn quart de lieue d'icelle ville enuiron le poinct du iour les coureurs d'iceux François: desquels il fut prins & examiné, si leur recogneut ce pourquoy il alloit. Et adonc se retrahirent vers leurs gens qui les suiuoient d'assez pres: lesquels saichans par les moyens dessusdits leur entreprinse estre rompue, retournerent tous ensemble en la ville de Beauquesne. Et apres qu'ils se furent repeuz & refreschiz longuement, courans aucune partie de leurs gens parmy le païs, s'en r'allerent audii passage de la riuere de Somme. Et de là à tout foison de leurs prisonniers, cheuaux & autres bagages retournerent en leurs garnisons.

Comment vn Moynes de l'ordre S. Benoist voulut prendre le Chastel. S. Ange à Romme.

E Vrant ce temps vn nommé le petit Moynes, qui auoit esté moult aimé du Pape Martin & eu grand gouvernement durant sa seigneurie. Apres le trespas d'iceluy se retrahit deuers le Pape Eugene & trouua maniere d'estre tresbien de luy, tant qu'il fut en sa grace comme pour en partie auoir gouvernement, comme il auoit eu au temps de son deuancier. Duran lequel temps par tentation diabolique comme on peut supposer, il eut voulenté de faire trahison contre iceluy Pape Eugene. Et pour icelle mener à effect & de tous poinctz accomplir, auoit parlé au Prince de Salerne ou à ses commis pour le mettre à puissance de gens dedans le chastel de saint Ange, & de là dedans Romme: si estoit venu vn certain iour deuers ledit Pape pour prendre congé de luy, disant qu'il s'en vouloit aller demourer en Auignon aucune espace de temps. Et entre-temps requist au chasteillain de saint Ange qu'il luy voulüst garder ses coffres, où estoient ses biens iusques à son retour: lequel luy accorda, non doubtant que ce fut pour quelque mauuaistié faire: si feit ledit petit Moynes faire douze coffres, dedans lesquels deuoit auoir douze hom-

mes, & à chacun coffre encores deux hommes pour les porter. Et quand ce vint que toutes ses besongnes furent toutes prestes, pour mieux fournir son entreprinse, il enuoya vn petit page qui estoit son nepueu porter vnes lettres à vn prisonnier dedans ledit chastel: lesquelles furent d'auenture trouuées au dessuidit chastellain, lequel par le moyen d'icelles sceut & apperceut ladicte trahison. Si les porta sans delay deuers le Pape, lequel feit incontinent par la iustice seculiere prédre iceluy petit Moyne, lequel fut gehainé & cogneut tout son fait. Apres laq̃lle cognoissance il fut pēdu au gibet & fut mis à mort dedās la cité de Rome: leq̃l gibet y fut pour ce fait tout propice & puis fut escartelé au marché. Et par ainsi le dessuidit Prince de Salerne faillit à son intētion: mais pource ne demoura mie qu'il ne feit forte guerre au dessuidit Pape. En ces iours vn Saquement nommé Thomelaire qui estoit Preuost de Laon de par le Roy Charles, print le chastel de Passauant par certains moyens qu'il auoit dedans la forteresse: laquelle prinse despleut moult au Duc, doubtant que par ce moyen son pays ne fut en guerre. Si les feit tantost assieger par ses gens. Et en fin furent les dessuidits preneurs contrains par telle maniere, qu'il leur conuint rendre ladicte forteresse. Et avec ce fut ledit Thomelaire executé & mis à mort & aucuns autres avec luy. Et fut icelle forteresse demolie.

Comment la paix fut traictée entre le Duc de Bar d'une part, & le Comte de Vaudemont.

Tem en cest an par le moyen du Duc de Bourgogne, fut faicte la paix & traictée entre le Duc de Bar d'une part & le Comte de Vaudemont d'autre. Par ainsi que les deux parties promeirent de bonne foy rendre & restituer toutes les villes & forteresses qu'ils tenoient l'un de l'autre. Et avec ce fut accordé que l'aîné fils dudit Comte, prendroit en mariage l'aînée fille au Duc de Bar. Et luy feroit avec elle chacun an six mille francs de rente, & certaine somme pour vne fois. Lesquels traictés conclus & scelez d'eux & d'aucuns de leurs plus feables conseilliers, pardonnerent l'un à l'autre ce qu'ils se pouoient estre entre-meffaits. Et depuis fut ladicte fille deliurée à iceluy Comte entretenant les promesses dessusdictes, dont les subiets de chacune partie eurent au cueur tresgrand ioye: esperans que par le traicté dessusdit demoureroient paisibles, & seroient hors de la grande tribulation où ils auoient long temps esté par la guerre & discord des deux Princes dessusdits.

Comment la Duchesse de Bourgogne accoucha d'un fils en la ville de Gand.

En cest an le quatorziesme iour d'Auril, la Duchesse de Bourgogne accoucha d'un fils en la ville de Gand: lequel fut tenu sur les fons de Baptisme par le Cardinal de Vincestre Anglois & les Comtes de S. Pol & de Ligney freres: & la Comtesse de Meaux fut marraine: & fut iceluy fils sur lesdits fons nommé Iosse, iacoit-ce que nul desdits parrains ne marraines eussent ainsi nom, mais ainsi l'auoient ordonné lesdits Duc & Duchesse. Si donnerent chacun en droit foy moult riches dons à iceluy enfant. En celle meisme iournée fut la monnoye renouuellée par ledit Duc de Bourgogne en ses pays, par le consentement d'iceux. Si fut faicte nouvelle monnoye d'or nommée

nommée riddes, lesquels valloient xxiiij. sols en blâche monnoye nommée vi-relans. Et furent toutes monnoyées ayans cours en iceux païs condannées, & ramenuisées de la quarte ou cinquième partie moins qu'elles ne valloient. Durant lequel temps fut grande dissention entre la ville de Bruxelles d'une part, & la ville de Malignes d'autre, & menerent tresgrand guerre les vns aux autres. Et pareillement furent ceux de Gand en grand dissention l'un contre l'autre, & en furent plusieurs officiers bannis de ladicte ville.

Comment la paix fut traistée entre le Duc de Bar d'une part, & les Comtes de S. Pol & de Ligny d'autre part.

Durant le temps dessusdit, fut fait le traité de paix entre le Duc de Bar d'une part, & les Comtes de saint Pol & de Ligny freres d'autre part, à cause de la guerre & haine qui par un temps avoit esté entre eux. Par la fin de laquelle, toute la Comté de Guise ja pieça conquise par messire Jean de Luxembembourg Comte de Ligny deffendeur: laquelle appartenoit hereditablement au dessusdit Duc de Bar, demoura par ledit traité à iceluy messire Jean de Luxembourg pour en jouir luy & ses hoirs à perpetuité. Et pour en avoir plus grand seurté, se dessaisit le dessusdit Duc de Bar dedans le chastel de Bohaing sans cōtaincte: present plusieurs de ses hommes qui avoient esté mandez avec aucuns officiers d'icelle Comté, & autres notaites imperiaux & apostolicques qui pour ce y estoient: & avec ce fut protesté un autre appoinctement touchant à Jeanne de Bar, fille à messire Robert de Bar Comte de Marle. C'est à sçavoir pour sa part & portion, qu'elle tendoit à avoir à cause de son dit feu pere sur la Duché de Bar. Et pareillemēt fut pourparlé entre icelles parties du mariage d'une des filles mainée dudit Duc, & du second fils dudit Comte de S. Pol. Si demourerent les deux articles dessusdits, à parconclure du tout iusques à une autre fois qu'ils se devoient rassembler l'un avec l'autre. Apres lesquels traitez qui durerēt plusieurs iours, & que ledit Duc eut par les deux freres dessusdits esté grandement & honnorablement receu & festoyé dedans iceluy chastel de Bohaing, il se departit de là tresbien content d'eux cōme il monstroït semblant, & s'en retourna en sa Duché de Bar.

Comment la guerre feseut entre messire Jean & messire Anthoine de Vergy d'une part, & le seigneur de Chasteau-Villain d'autre part.

En cest an feseut grand discord entre messire Jean & messire Anthoine de Vergy cheualiers de Bourgongne d'une part, le seigneur de Chasteau-Villain d'autre part. Par le moyen duquel ils cōmencerent à faire guerre ouverte l'un contre l'autre. Et adonc le seigneur de Chasteau-Villain affin qu'il peust estre plus fort pour greuer les dessusdits, il setourna du party du Roy Charles, avec luy messire Legier de Tousteuille, Jean de Verpelleurs & aucuns autres gentils-hommes qui long tēps par avant estoient ses allies & bien vueillās, en entraînant le serment qu'ils avoient au Duc de Bourgongne leur naturel seigneur: duquel par avant iceluy seigneur de Chasteau Villain, avoit esté moult familier. Et avec ce rēuoya au Duc de Bethfort son ordre qu'il avoit porté longue espace. Pour lequel renvoy iceluy

Duc fut moult indigné vers luy, & le blasma grandement en la presence de ce luy, qui ledit ordre rapporta, pource que ainsi auoit faulxé son serment vers luy. Et pareillement en fut ledit Duc de Bourgongne tresmal content quand ce vint à sa cognoissance. Si rescriuit aux gouuerneurs de ses païs de Bourgongne, que par tous les moyens que faire se pourroit, ils meissent peine de le greuer & subjuguer, lesquels en obeissant audit Duc meirent son mandement à execution. Toutesfoiſ à l'occasion de celle guerre les païs de Bourgongne eurent grans affaires : par ce que ledit seigneur de chasteau Villain auoit plusieurs fortrefesses, lesquelles il garnist de ses alliez qui moult le greuetent : neantmoins par la puissance dudit Duc de Bourgongne & l'ayde des dessusdits seigneurs de Vergy & autres nobles du païs, fut contrainct par telle maniere que la plus grand partie de ses fortrefesses furent conquises & demolies : c'est à sçauoir Graussy, Flongy, Challancy, Villiers le Magnet, Nully, le Chastel saint Urban, Blaise, saint Vorge, Esclaron, Varuille, Cussay, Romay, Vaudemont & de Lafoncourt. Deuant lequel chastel de Graussy le siege y fut trois mois ou environ, lequel tenoit messire Jean de Vergy chief principal de ceste querelle & avec luy messire Guillaume Baufremont, Guillaume de Vienne & messire Charles de Vergy, avec eux douze cens combattans : auquel siege vint pour le leuer ledit seigneur de Chasteau Villain, le Damoyfel de Commercy, & Robert de Vaudicourt à tout seize cens combattans : & y eut trefgrande escarmouche, en laquelle fut mort vn seul homme tant seullement : neantmoins le dessusdit seigneur de Chasteau Villain, voyant que bonnement ne pouoit leuer ledit siege sans grand peril pour la bonne ordonnance & assistance que y mettoient ses ennemis, s'en retourna avec les siens là dont il estoit venu, & brief ensuiuant messire Denys saint Flour qui tenoit iceluy fort, feit traicté avec les commis dudit seigneur de Vergy, par condition que en luy rendant ledit chasteil luy & ses gens l'en iroient sauueement à tout leurs bagaiges : & ce conclud retourna vers le Roy qui luy feit coupper la teste pour aucunes raisons, dont il fut accusé vers luy, & aussi pource qu'il auoit fait mourir sa femme. Item en ce mesme temps aucuns capitaines tenans le party dudit Duc de Bourgongne, prindrent d'emblée par eschelles la ville despatnay, appartenant hereditablement à Charles Duc d'Orleans prisonnier en Angleterte : dedans laquelle furent faictes trefgrandes detisions, comme en ville conquise.

Comment la paix fut traictée entre le Duc de Bourgongne & les Liegeois.



L' I S S V E de cest an, fut faicte & confermée la paix entre le Duc de Bourgongne & les Liegeois. Pour laquelle plusieurs iournées auoient esté tenues entre les parties sans eux pouoir cōcorder. Neantmoins pour les dommages & interests que ledit Duc auoit euz en sa Comté de Namur par iceux Liegeois, s'accorderent de payer audit Duc de ses fortrefesses qu'ils auoient abbatues en son païs desolé, cent cinquante mille nobles avec amendes. Et avec ce parmy le traicté promeirent lesdits Liegeois de abbatre & demolir de fons en comble la tour de Mont-orgueil empres Bouuines, laquelle ils tenoient. Par laquelle en partie le discord estoit meü entre icelles patties : laquelle promesse ils entreteindrent brief ensuiuant & la demolirent

rent du tout. Et furent respondans pour iceux Liegeois, affin que mieux entreteinsent ledit traicté Iean de Hinsberche leur Euesque, laques de Fosseux & aucuns autres nobles du pays de Liege. Apres lequel traicté pour plus grand seureté, furent faictes lettres & baillées à chacune partie: & par ainsi les dessusdits Liegeois qui par auant estoient en tresgrand doubte & cremeur, eurent grand ioye & furent rappaisez, & en grand feu. eté demourerent en leur pays.

De l'an mille cccc. xxxiiij.

Comment le Duc de Bethfort qui se disoit Regent de France, espousa la fille du Comte de saint Pol.

AV commencement de cest an Iean de Lenclastre Duc de Bethfort, espousa en la ville de Theroüanne Iacqueline fille aînée de Pierre de Luxembourg Comte de saint Pol, & niepee de Loÿs de Luxembourg Euesque de Theroüanne Chancellier de France pour le Roy Henry, & aussi de messire Iean de Luxembourg. Si auoit cestuy mariage esté traicté certaine espace de temps parauant par le moyen & sollicitude du dessusdit Euesque, qui pour ce temps estoit vn des principaux gouuerneur & conseillier dudit Duc de Bethfort: duquel mariage le Duc de Bourgongne quand il fut retourné de ses pays de Bourgongne, où il estoit pour lors n'en fut point bien content dudir Comte de saint Pol: pource que sans son sceu & conseil il auoit ainsi alié sadiète fille. Et toutesfois la feste & les nopces furent faictes sollemnellenient en l'hostel Episcopal de ladiète ville de Theroüanne. Et pour la ioye & plaisir qu'iceluy Duc de Bethfort eut & print d'iceluy mariage: car ladiète fille estoit frisque, belle & gracieuse aagée de dixsept ans ou enuiron: & afin que de luy il fut perpetuellement memoire, il donna à l'Eglise de Theroüanne deux cloches moult riches, notables & de grand valeur: lesquelles il feit amener à ses propres cousts & despens du pays d'Angleterre: & aucuns iours apres ladiète feste finée il s'en partit.

Comment la ville de saint Vallery en Ponthieu fut prinse des Francois.

EN ce temps messire Loÿs de Vaucourt, & messire Regnault de Versailles tenans le party du Roy Charles accompagnez de trois cens combattans ou enuiron, prindrent à vn point du iour la ville de saint Vallery en Ponthieu par eschelles. Laquelle ville de par le Duc de Bourgongne, estoit au gouuernement de Iean de Brimeu: & si y furent faits de grans maux par iceux François selon les coustumes de la guerre comme en ville conquise. Par le moyen de laquelle prinse furét les pays de là enuiron en tresgrand doubte & non point sans cause: car briefs iours ensuiuans iceux François se fortifierent de gens puïssamment, & commencerent à courir & faire forte guerre aux pays qui se tenoient du party des Anglois & des Bourgongnons: lesquels pays ou la greigneur partie sallierent à eux, dont ils receurent grandes finances. En ce mesme temps par la diligence de Pertinet Crasset capitaine de la Charité, sur la riuere de Loire, lequel tenoit le party du Roy Henry, fut prinse la ville & forteresse dessusdicte, qui estoit assise en fort lieu: & n'auoit esté prinse ne conquise en toute la guerre.

Comment les Ducs de Bethfort & de Bourgogne vindrent à saint Omer.

A l'issue du mois de May vindrent à saint Omer les Ducs de Bethfort & Bourgogne, par certains moyens qui auoient esté pour parlez entre icelles parties : affin d'eux reconseiller l'un avec l'autre, d'aucunes parolles haineuses qui auoient esté rapportées tant d'un costé comme d'autre. Avec lequel Duc de Bethfort estoit son oncle le Cardinal d'Angleterre, qui estoit moult desirant d'iceux deux Ducs mettre en bonne concorde. Neantmoins jaçoit ce que pour ce faire fussent les dessusdits deux Ducs venus audit lieu de saint Omer : & qu'il eust esté ordonné qu'ils s'assembleroient l'un avec l'autre dedans vn certain lieu, sans ce que l'un fut tenu d'aller deuers l'autre, toutesfois quand ils furent à leur logis, ledit Duc de Bethfort attendoit que le Duc de Bourgogne allast deuers luy ce que point faire ne voulut. Si furent sur ce plusieurs seigneurs enuoyez d'un & d'autre, tendant y remettre moyen : mais rien n'y valut. Et en fin le dessusdit Cardinal vint deuers le Duc de Bourgogne, & parla à luy à part en sa chambre en luy remonstrant amiablement en disant : comment beau nepueu laisserez vous ainsi retourner vn tel prince, qui est fils & frere de Roy, qui pour vous veoir fest trauaillé de venir en vostre ville sans parler à luy, ne aussi l'aller veoir? auquel Cardinal le dessusdit Duc de Bourgogne respondit qu'il estoit prest d'aller au lieu, où il estoit ordonné pour eux conuenir ensemble. Et finalement apres ces parolles & plusieurs autres, le Cardinal dessusdit se departit & sen retourna par deuers sondit nepueu de Bethfort. Et brief ensuiuant se departirent dudit lieu de saint Omer sans autre chose sur ce besongner iceux deux Ducs, moins contents l'un de l'autre qu'ils n'estoient par auant.

Comment en la cité de Tournay eut grand trouble & dissension pour l'Euesché d'icelle, à cause de la mort de l'Euesque audit lieu messire Jean de Torfy.

En cest an mourut en la ville de l'Isle maistre Jean de Torfy moult ancien, Euesque de Tournay & chief du conseil du Duc de Bourgogne : au lieu duquel fut constitué Euesque de ladicte cité par nostre saint Pete le Pape Jean de Harcourt, qui estoit Euesque d'Amiens. Pour laquelle constitution le Duc de Bourgogne ne fut point bien content : poutce que de celle Euesché vouloit pourueoir vn sien conseiller, nommé maistre Jean Cheutot Archediace du Vvelxin en l'Eglise de Roüen. Et mesmeement auoir autresfois parlé audit Harcourt, affin que se celuy Euesché estoit vacquant, qu'il ne le voulüst impetrer. Lequel (comme on disoit) ledit Duc luy auoit accordé de le non prendre : toutesfois apres que le dessusdit de Harcourt en fut en possession, le dessusdit feit deffendre par tous ses pays tant en Flandres comme ailleurs, qu'on ne fait nulle obeissance au dessusdit Duc de Harcourt. Et avec tout ce, luy furent arrestées toutes les rentes & reuenues d'iceluy Euesché : qui, ou la plus grand partie, estoient es pays dessusdits. Et furent données au dessusdit Duc : dont iceluy de Harcourt eust grād dueil en son cuer : neantmoins esperant trouuer ses moyens, demoura longue espace dedans la ville de Tournay, où il vesquit à simple estat : & y estoit obeý & tresbien aymé des bourgeois

bourgeois & habitans d'icelle cité. Durant lequel temps vacqua l'Archeuesché de Narbonne, laquelle (pour l'amour & faueur d'iceluy Duc de Bourgongne) fut donnée par nostre saint Pere le Pape à lean de Harcourt, & ledit Euesché de Tournay fut octroyé audit maistre lean Cheuror. Et feit le Pape ceste translation pour contenter les deux parties, & par especial ledit Duc: dont ledit de Harcourt ne fut bien content: & y meit plusieurs oppositions, disant que le Pape luy faisoit tout ce pour le destituer dudit Euesché de Tournay: & par ainsi iceluy Duc de Bourgongne voyant qu'il ne vouloit obeir au mandement du saint Pere, fut de luy & de ceux de Tournay plus mal content que deuant. Si feit de rechief defendre par tous ses pays, que nul ne portast viures en icelle ville de Tournay sur peine de confiscation de corps & de biens. Et avec ce que tout homme qui pourroit sçauoir les bien d'aucuns des habitans, les noncassent aux officiers dudit Duc, & ils seroient prins comme confisquees. Et furent à l'occasion de ceste tribulation faits plusieurs maulx bien par l'espace de quatre ou cinq ans. Durant lesquels fut de par le Duc le Comte d'Estampes accompagné de plusieurs cheualiers & escuyers enuoyé en ladicte ville de Tournay, où estoit le dessusdit de Harcourt pour prendre possession pour ledit maistre lean Cheuror. Si aduint que quand le dessusdit Comte d'Estampes fut en la ville de Tournay, & qu'il eut ordonné à prendre possession à vn nommé maistre Estienne Viuien: vne grande partie de ceux de la ville ne furent point de ce contens, & s'assemblerent en grand nombre par maniere de commotion. Si allerent en l'Eglise où estoit ledit Viuien assis en la chaire de l'Euesque faissant les ceremonies & apprehensions, qui luy auoient esté commises à faire au nom d'iceluy Cheuror, en prenant la possession de l'Euesché, & le tirerent ius de ladicte chaire tresdurement en luy desrompant son surplis & autres habillemens. Et en y eut plusieurs qui en icelle fureur le vouloient mettre à mort: mais pour les appaiser la iustice de la ville le feit prendre & mettre prisonnier, en donnant à entendre à ces communes qu'il seroit puny par ladicte iustice, & qu'ils fussent contens. Et aussi ledit lean de Harcourt pour qui ladicte commotion se faisoit, les refrena par doulces parolles & amoderées: en eux remonstrant amiablement qu'ils se retrahissent en leurs maisons, disant que tout se feroit bien, & qu'il garderoit son droit par iustice. Apres lesquelles besongnes, & plusieurs autres icelles communes se retrahirent, & se excuserent les officiers: c'est à sçauoir ceux de la loy & autres plus notables enuers le Comte d'Estampes de ladicte commotion: car ils en doubtoient grandement pis valoir au temps aduenir. Et apres toutes ces besongnes ledit Comte d'Estampes & ceux de son conseil voyant que autre chose n'en pourroient faire, se departirent de là, & s'en retournerent à Arras deuers le Duc de Bourgongne. Auquel il racompta l'estat & la maniere de ce qui auoit esté fait en ladicte ville de Tournay: dont ledit Duc en perseuerant de mal en pis, fut tresmal content de ceux d'icelle cité. Et finalement pour & à la cause de la diuision d'iceux deux Eueschez, aduindrent à plusieurs gens de diuers estats de grandes tribulations & miseres. Et mesmement apres la paix faicte à Arras entre le Roy Charles & le Duc de Bourgongne, fut le dessusdit Roy tresmal content des manieres que tenoit iceluy Duc contre ceux de Tournay, voulant soubstenir iceluy de Harcourt. Lequel de Harcourt sçachant que ledit

Duc de Bourgogne estoit du tout conclud & obstiné, de soubstenir maistre Iean Cheurot: & aussi voyant que par nul moyen il ne pouoit iouir paisiblement des biens & fruiſs d'iceluy Eueſché. Et avec ce que les terres de Hainault estoient arreſtées & mises en la main du deſſusdit Duc, il se departit de ladiſte ville de Tournay: & sen alla à priuée meſgnie deuers le Roy, qui luy feit grande reception, & de là sen retrahit en son Archeueſché de Narbonne. Et par ainsi iceluy maistre Iean Cheurot demoura paisible en son Eueſché de Tournay, & feit prendre la possession par vn chanoine de Cambray nommé maistre Robert d'Auclair, qui pour le deſſusdit fut assez courtoisement receu & obeÿ comme son procureur.

Comment les Francois firent plusieurs conquestes sur les marches de Bourgogne.

EN ce temps vindrent deuers le Duc de Bourgogne certains ambassadeurs, enuoyez par les trois estats de la Duché & Comté de Bourgogne: lesquels luy dirent & exposerent les grans desroys & exercions, que les gens du Roy Charles faisoient par feu & par espée en ſeldits paÿs. Et par especial ceux de son beau frere le Duc de Bourbon: disant que delia auoient prins par force plusieurs bonnes villes & forteresses, & chacun iour efforçoient de conquerre plus auant: pourquoy le paÿs estoit en danger d'estre destruit, se biefue prouision n'y estoit mise: luy requerant tres humblement que de sa grace il y voulsist remedier de sa puissance magnifique, & y aller personnelllement à tout ses gens d'armes: lequel Duc ceste requeste ouÿe feit assembler son conseil, & avecques iceluy conclud que brief enſuiuant il feroit assembler toutes les gens de guerre de ses paÿs de Brabant, de Flandres, d'Arthois, de Hainault & autres marches à luy obeïſſans. Et lors furent mis clerks en œuvre à escrire lettres adressans à tous les capitaines: & aussi aux cheualiers & escuyers & autres gens de guerre, qui auoient accoustumé d'eux armer, contenans que sans delay se meïſſent sus pour estre prests & appareillez à l'entrée du mois de May, à tout ce que chacun pourroit finer de gens d'armes, tant hommes d'armes comme archiers à aller en sa compagnie, là où il les vouloit conduire & mener: lesquels capitaines ouÿ le mandement de leur Prince & seigneur, firent leur assemblée & se preparerent diligemment. Et en y eut grand partie lesquels meïrent leurs gens sur les champs: dont le paÿs de Picardie, d'Arthois, Ponthieu, Tournesïs, Ostreuant, Cambresïs, Vermandois & les marches à l'environ furent grandement trauaillées: pourtant que le deſſusdit Duc de Bourgogne n'eut pas si en haste & vïstement appresté ses besongnes pour partir, & faire son voyage, & demourerent iceux gens d'armes par l'espace d'un mois & plus, en mangeant tousiours le paÿs deſſusdit. En la fin duquel mois ledit Duc de Bourgogne, qui de plusieurs parties de ses paÿs auoit fait grandes apprestes & preparations de chariots, artileries & de toutes autres manieres d'habillement de guerre, se partit de la ville d'Arras le vingtiesme iour de Iuing avecques luy plusieurs capitaines. Et y fut sa femme la Duchesse qui auoit avecques elle tant de dames & damoïſelles que autres femmes seruans, tât qu'elles estoient bien iusques au nombre de quarante ou au dessus, & vint au giste iusques à Cambray: en laquelle cité se retrahit vers luy messire Iean de Luxembourg,

xemboutg, qui luy requist d'aller en son chastel de Bohaing lequel luy accorda. Et apres le lendemain incontinent qu'ils eurent ouÿe Messe dedans l'Eglise nostre Damede Cambray, luy & sa femme la Duchesse, & qu'ils eurent prins leur refection: ils s'en allerent audit chasteau de Bohaing, où ils furent moult ioyeusement & honorablement receuz du dessusdit messire Jean de Luxembourg, Comte de Leigny & de la Comtesse sa femme. Si furēt eux & leurs gens seruis trefabondamment de plusieurs viures à eux necessaires & conuenables selon le temps, & demourerent en cestuy lieu par deux iours en prenant leurs esbatemens en chasses & autres deduits. Et entre-temps les capitaines & cheualiers à tout leurs gens d'armes se retrahirent vers le pays de Rethelois. En apres le Duc de Bourgogne & la Duchesse sa femme partans dudit lieu de Bohaing, s'en allerent à Prouins. Et de là parmy la Champagne passerent assez tost pres de la ville de Reims. Si auoit en la compaignie iusques à six mille combattans, tant hommes d'armes comme d'archiers: desquels estoient les principaux conducteurs le seigneur de Croÿ, messire leã de Croÿ son frere, messire Jean d'Hornes Seneschal de Brabant, le seigneur de Cresquy son frere, messire Jean bastard de S. Pol & Loÿs son frere: le seigneur de Humieres, messire Baudo de Noyelle, le seigneur de Creuecueur, Robert de Neufuille, Lancelot de Dours, Harpin de Richammes & plusieurs autres moult nobles hommes tant cheualiers comme escuyers: & alors ledit Duc de Bourgogne cheuaucha parmy le pays de Champagne, lequel auoit auantgarde, bataille & artieregarde. Laquelle auantgarde conduisoit messire Jean de Croÿ au dessonbs de son frere. Et avecques luy estoit le dessusdit Harpin de Richammes. Si estoit chacun iour mis le charroy entre l'auantgarde & la bataille. Et la Duchesse qui lors estoit bien enceinte d'enfant, alloit avecques ses femmes pres de ladicte bataille où estoit le Duc: & cheminerent tenant telle ordonnance iusques deuant Troyes, qui tenoit le party du Roy Charles: deuant laquelle ville passa ledit Duc: & de là print son chemin vers Cappes tirant vers Bourgogne à tout grand nombre de combattans. Et adonc vindrent deuers luy les seigneurs de Bourgogne à tout grand nombre de combattans: ausquels il feit ioyeuse reception: & brief ensuiuant print conclusion avecques ceux de son conseil de ce qu'ils auoit à faire. Si fut ordonné que la Duchesse & sa compaignie s'en iroient à Chastillon sur Seine seiourner: & ledit Duc mena ses gens deuant Mussy l'Euesque, que tenoient les François ses aduersaires, & meit le siege tout à l'environ. Si furent des assiegeans faictes grâdes preparations pour greuer leurs aduersaires & ennemis: c'est à sçauoir, feirent asseoir deuant les portes & murailles plusieurs engins, pour iceux confondre & abbatre. Et d'autre part les assiegez feirent tresgrande diligence d'eux deffendre: neantmoins eux voyans la puissance dudit Duc de Bourgogne estre si grande, & aussi qu'ils n'auoient mie esperâce d'auoir aucun secours feirent traité avecques lesdits commis d'iceluy Duc dedans les huit iours: & apres le siege mis par tel si, qu'ils s'en iroient sans leurs vies, corps & biens en rendant ladicte fortresse: lequel traité conclut se departirent sous bon sauf-conduit, & s'en allerēt à S. Florentin. Et apres qu'iceluy Duc eut de par luy cōmis capitaine en icelle ville, il s'en alla à Chastillon où estoit ladicte Duchesse sa fême, & ses gēs d'armes se departirent sous bon sauf-conduit, & s'en allerent vers la Côté de Tonnerre.

Comment le Duc de Bourgogne reconquist plusieurs forteresses que les Francois auoient conquises en son païs de Bourgogne.

Durant ce temps apres que le dessusdit Duc de Bourgogne eut sejourné aucun pou de iours à Chastillon, il ordonna sa femme la Duchesse à aller à Dijon, où elle fut ioyeusement receüe de la ville & du païs, & il s'en alla apres ses gens. Si feit assieger Lussignes & Passy que tenoient ses aduersaires: laquelle forteresse de Lussignes fut si rigoureusement contraincte, que ceux qui la tenoient la rendirent audit Duc par telle condition, qu'ils s'en iroient sauf leurs vies en delaissant leurs biens. Et les dessusdits de Passy baillerent hostaiges de rendre leur fort le premier iour de Septembre ensuiuant, en cas que iceluy Duc ou ses commis ne seroient combattus par ceux de leur party au iour dessusdit. Et adonc plusieurs autres forteresses que tenoient lesdits Francois, doubans la grand puissance que auoit ledit Duc de Bourgogne au païs, se rendirent à luy avecques celles dessusdictes: c'est à sçauoir Danlermoinne, Herny, Courfain, Secalohoug, Malegny, S. Phalle, Sicry, Sabelly & autres forteresses iusques à vingt & quatre & au dessus. Apres lesquelles redditions ledit Duc s'en alla à Dijon, & ses capitaines à tout leurs gens d'armes se retrahirent vers leurs marches: desquels durant ce voyage fut le chief, messire Iean de Croÿ à tous les sieges qui se meirent en l'obeissance du dessusdit Duc de Bourgogne.

Comment Gilles de Postelles fut accusé de trahison, dont il fut decapité.

En cest an fut accusé de trahison enuers le Duc de Bourgogne vn gentil-homme du païs de Hainault, nommé Gilles de Postelles, lequel auoit long temps esté nourry & seruiteur en la maison de la Comtesse de Hainault douägiere tante audit Duc de Bourgogne. Et fut la cause de ladiete accusation, pource qu'il auoit pourparlé avecques aucuns autres nobles du païs, de mettre à mort le dessusdit Duc par trait ou aucune autre maniere, en allant avec luy au bois à la chasse. Si fut pour ceste cause prins en l'hostel de celle Dame au Quesnoy par messire Guillaume de Lalaing, Baillif dudit païs de Hainault. Et puis apres qu'il eut esté diligemment questionné & examiné, il fut decapité & escartelé au marché de Mons en Hainault, & les quartiers mis au dehors de quatre bonnes villes du païs. Avecques lequel fut ainsi decapité vn sien seruiteur, & Iean de Vendeges, à qui iceluy Gilles de Postelle s'en estoit descouuert se rendit fugitif du païs: & depuis par diuers moyens quist plusieurs fois ses excusations deuers ledit Duc. Si fut pour ceste cause mise aucune suspicion contre ladiete Comtesse de Hainault douägiere, mais en conclusion rien n'en vint à clarté.

Comment les Francois eschellerent la ville de Crespy en Valois, & plusieurs autres manieres.

Durant

D Vrant ces tribulations les gens du Roy prindrent par eschelles à vn point du iour la ville de Crespy en Valois, tenant le party des Anglois : & en estoit capitaine le bastard de Thian, lequel avecques grand partie de la garnison & de ses habitans fut prins, & tous les biens pilléz & rauiz avec plusieurs autres maulx grans & innumerables qui y furent faits, & par la maniere qu'il est accoustumé de faire en ville conquise. La nuit de l'Ascension de cest an se resmeurent les Gantois contre les officiers du Prince & les gouverneurs de la ville : mais le souverain Escheuin de la ville se meit sur le grand marché à tout la banniere du Comte de Flandres bien accompagné, auant que les mouuemens fussent assemblez : lesquels voyans qu'ils ne pouoient mener leur intention à fin, se rendirent fugitifs : & les aucuns furent depuis prins & punis par les souverains gouverneurs de la ville de Gand. En ces iours fut prinse la ville de Bruyeres en Laonnois sur les gens du Roy Charles, par aucuns des gens de messire Jean de Luxembourg Comte de Ligny : desquels estoit l'un des meneurs Villemet de Hainau capitaine de Montagu : pour laquelle prinse ceux de la ville furent en grand effroy, doubtans qu'en icelle ne fut en brief temps mise puissante garnison contre eux. Et pourtant se garnirent & fournirent de gens de guerre au mieulx que bonnement faire le peuuent pour y resister.

Comment le Duc de Bourgogne tint la iournée de Passy. Et comment il feit assieger la ville & forteresse d'Aualon.

E premier iour de Septembre venu le Duc de Bourgogne qui par auant auoit mädé es parties de Bourgogne tous ceux qui l'auoient accoustumé de seruir tint la iournée pour la reddition de Passy dont dessus est faicte mention. A laquelle iournée vindrent en son ayde le seigneur de l'Isle-Adam Marechal de France de par le Roy Henry & messire Jean de Talbot Anglois à tout seize cens combattans ou enuiron : lesquels furent dudit Duc receuz moult ioyeusement, & feit tresbeaulx dons à iceux seigneurs & leurs gens : toutesfois lesdits François ne comparurent pas à ladicte iournée, parquoy ceux de ladicte forteresse de Passy sicomme promis l'auoient la rendirent en la main du dessusdit Duc de Bourgogne : & se departirent sur bon sauſconduit. Et apres ledit Duc enuoya aucuns de ses capitaines mettre le siege entour Aualon : dedans laquelle estoit capitaine vn nommé fort espice à tout deux cens combattans fleurs de gens d'armes roides & instruits de la guerre qui moult vaillamment se deffendirent. Et estoient les principaulx assiegeés, c'est à ſcauoir de Bourgogne le seigneur de Charny, Philebert de Vaudray & aucuns autres : & de Picardie y estoient messire Jean Bastard de ſainct Pol, le seigneur de Humieres & plusieurs autres nobles hommes, lesquels en grand hardiesse approcherent leurs ennemis & se logerent grand partie au plus pres des fosses. Si firent dresser plusieurs engins dont la muraille d'icelle ville fut fort trauaillée & en moult de lieux abbatue. Et tant que iceux assiegeans esperas icel le prendre de force luy liuerent vn grand assaut duquel ils furent par force reboutez & recullez, mais finalement lesdits assiegez doubtans qu'en fin ne fussent prins de force & non ayans esperance de secours seffrayerent si fort que

par nuyt se departirent d'illecques en desroy par vne poterne qui point n'estoit bien gardée. Mais ains qu'ils fussent tous hors furent apperceuz de leurs ennemis lesquels s'armerent & vigoureusement se ferirent en eux, si en prindrent & occirent plusieurs. Et le dessusdit Forte-espice & aucuns des principaulx se sauuerent par fuite. Et adonc fut ladicte ville soudainement assaillie & prinse sans trouuer quelconque deffiance: dedans laquelle fut prinse la femme d'iceluy Forte-espice & plusieurs de ses gens avecques aucuns payfans & tous les biens d'icelle prins & ravis.

Comment Pierre de Luxembourg Comte de saint Pol assiegea la ville de saint Vvalery, auquel voyage il mourut.



V mois de Iuillet Pierre de Luxembourg Comte de saint Pol accompagné du seigneur de Villeby Anglois & douze cens combattans de deux nations, il meit le siege tout à l'enuiron de la ville de saint Vvalery, dedans laquelle estoient de par le Roy Charles messire Loys de Vaucourt, Philippe de la Tour, & messire Regnault de Verfeilles à tout trois cens combattans. Si firent de rechief dresser contre les portes & murailles aucuns engins pour les greuer. Et apres que ledit siege eut duré par l'espace de trois sepmaines les dessusdits chevaliers assiegez firent traité avecques Robert de Sauueses à ce commis de par ledit Comte de saint Pol, par tel si qu'ils deuoient auoir certaine somme de monnoye & emporter tous leurs biens & aussi emmener tous leurs prisonniers, & avecques ce eurent iour de partir de ladicte ville en cas que lesdits assiegeans ne seroient combattus de ceux de leur party. Auquel iour ne comparut homme tenant leur party, & par ainssi se departirent de là & s'en allerent à Beauuais sous bon saufconduit. Et de là brief ensuiuant les dessusdits messire Loys, & messire Regnault furent rencontrez d'un nommé le petit Rolant tenant leur party, lequel pour aucune haine particuliere sur le chemin de Senlis leur courut sus avecques ses gens qu'il auoit amenez à Chantilly, & en conclusion les conquist & destroussa, & mesmement y fut prins ledit messire Regnault de Verfeilles. Et apres le dessusdit Comte de saint Pol refournist de ses gens ladicte ville de saint Vvalery & la bailla en garde à messire Robert de Sauueses. Et de là partant de sondit siege s'en alla loger en un grand village nommé Blangy en la Comté d'Eu en l'intention d'aller assieger le chastel de Mouchas que tenoit pour party du Roy Charles messire Regnault de Fontaines. Lequel messire Regnault non voulant attendre ledit siege, feit traité avecques les gens & commis dudit Comte par tel si qu'il luy rendroit ladicte forteresse le xv. iour du mois d'Octobre ensuiuant, en cas qu'à ce iour les gens du Roy Charles ne seroient puissans pour combattre ledit Comte audit iour deuant le chastel de Mouchas, ou es pays de Santhois empres Villiers le Carboneil à vne lieüe de Haplaincourt. Et pour la seurte de ce traité fait & confirmé par les parties le xxvj. iour du mois d'Aoust furent baillez hostaiges. Et le dernier iour d'iceluy mesme mois d'Aoust iceluy Comte estant en ses tenies empres ladicte ville de Blangy, faisant les ordonnances pour aller assieger le chastel de Rambutes, luy print la maladie de lespidemie, de laquelle il mourut assez soudainement. Pour la mort duquel toutes ses

gens

gens & aussi les capitaines Anglois là estans furent fort troublez & courroucez en cuer. Si s'en retournerēt assez brief chacun en leurs places & propres lieux, dont ils estoient venus. Et ceux de sa famille emporterent son corps en la ville de saint Pol. Et depuis il fut enterré deuant le grand autel du Monstier de Cler Champ l'Abbaye, de laquelle ses predecesseurs estoient fondateurs. Et assez brief ensuiuant Loys de Luxembourg fils aîné dudit Comte aagé de quinze ans ou enuiron, print & apprehenda toutes les seigneuries qu'auoit tenu s'ondit feu pere. Et de là en auant se feist nommer Comte de saint Pol.

Comment le seigneur de la Trimouille fut prins en l'hostel du Roy Charles, & rendit la Vicomté de Touars.

Durant le temps dessusdit le Roy Charles de France se tenoit moult souuent au chastel de Chinon : avecques lequel estoient le seigneur de la Trimouille, par qui toutes besongnes se conduisoient quant à l'estat du Roy, dont n'estoient pas bien contens Charles d'Anjou & aucuns autres grans seigneurs qui l'auoient en haine pour l'amour du seigneur d'Amboise Vicomte de Touars : lequel il faisoit tenir prisonnier dès le temps que le seigneur de Lessay & Anthoine de Viuonne auoient esté decapitez en la cité de Poitiers par son pourchats. Et aussi pource que par luy le Connestable ne pouoit retourner en la grace du Roy, comme iceux entendoient estre vray. Si aduint vn certain iour qu'en comptant des choses dessusdictes entrerent dedans iceluy chastel de Chinon le seigneur de Bueil, messire Pierre de Verfeil, Fregent de Cothiguy, & aucuns autres grans Barons iusques au nombre de seize : lesquels allerent iusques à la chambre d'iceluy seigneur de la Trimouille qui encore estoit en son liect. Si le prindrent prisonnier & l'emmenèrent, & luy fut lors osté tout le gouuernement du Roy. Et puis par traicté qu'il feist avec les dessusdits & autres leurs allies, rendit ledit seigneur d'Amboise. Et avecques ce promet de non plus retourner deuers le Roy, & si rendit plusieurs forteresses qu'il tenoit. Et assez brief ensuiuant retourna ledit Connestable deuers le Roy : lequel Roy fut assez content de luy, jaçoit ce qu'il luy despleust grandement du desapointement dessusdit du seigneur de la Trimouille : neantmoins luy furent baillez nouueaulx gouuerneurs. Au temps dessusdit Philippe le seigneur de Saueuse se tenoit en la ville de Montdidier à tout certain nombre de combattans, pour deffendre le pays & resister contre les François de Compiengne, Reffons sur la mer, Morte Mer, Bretueil & autres places : lesquels estoient allez courre vers le pays de Santhois enuiron eux cinquante combattans : lesquels furent tantost enuahis & la plus grand partie prins prisonniers, & les autres se sauuerent par fuite. En cest an mourut le Comte de Ponthieure en la ville d'Auernes en Hainault, lequel par long temps auoit esté dechassé de Bretaigne comme en autres lieux est assez declairé. Et alors regnoit sur la plus grand partie des marches de France grand mortalité, tant en bonnes villes comme en plain pays. Et d'autre part estoient les seigneurs & nobles hommes fort diuisez les vns contre les autres, & n'estoient Dieu, l'Eglise ne iustice obeyz ne crains. Et par ainsi le poure & simple peuple estoit en plusieurs manieres offensé.

Comment Guillaume de Coroan rua ius Jean de Beaurain. Es comment la forteresse de Haplaincourt fut reconquise par messire Jean de Luxembourg.

LTem en celuy temps Guillaume de Coroan Anglois, & avecques luy Villemer de Hainault, & aucuns autres des gens de messire Jean de Luxembourg acompaigné de trois à quatre cens combattans ou environ, ruerent ius & destroussierent entre Ardenne & Champagne assez pres de Yvvis de cinq à six cens combattans: lesquels auoit assemblez Jean de Beaurain & autres capitaines pour combattre & ruer ius les dessusdits qui là estoient allez courir, toutesfois ledit Jean de Beaurain se sauua & grand partie de ses gens. Et apres au mois de Septembre fut prins le chastel de Haplaincourt, leant sur la riuere de Somme à deux lieües de Peronne par vn tenant le party du Roy Charles nommé Martin le Lombart & ses complices: dedans lequel estoient messire Pierre de Beaufault noble cheualier moult ancien & sa femme, mere de messire Karados de Quesnes. Pour laquelle prinse le pays de Vermandois & autres à l'environ furent en grand effroy & soucy: doubrians que par le moyen d'icelle prinse leurs aduersaires & ennemis n'eussent grâd entrée en iceux pays. Et pourtant sans delay furent incontinent mandées ces nouvelles audit messire Jean de Luxembourg: lequel dedans briefs iours ensuiuant assemblea bien huit cens combattans Picards, & avecques luy le ieune Comte de saint Pol son nepueu, le seigneur de Saueuses, messire Symon de Lalaing & aucuns autres nobles capitaines & sen alla deuant ledit chastel: deuant lequel il feit dresser aucuns engins pour traire à l'encontre. Et tant feirent par lesdits engins avecques les assaulx que y feirent les gens, qu'ils contraingniert tellement ceux de dedans ledit chastel, qu'ils se rendirent du tout en la volenté dudit messire Jean de Luxembourg, dont les aucuns furent penduz & estranglez. Et ledit Martin, lacotin, Clamas furent depuis deliurez par finance: & iceluy chastel fut depuis remis en la main de Jean de Haplaincourt, & en furent du tout deboutez les dessusdits cheualier & dame. Apres lequel exploict sen retournerent les dessusdits Comtes de Ligny & de S. Pol avecques leurs gens és lieux & pays dont ils estoient venuz.

Comment les Comtes de saint Pol & Ligny tindrent la iournée de Villiers le Carbonnel: & depuis ruerent ius les Francois de la garnison de Laon.

LE quinziesme iour du mois d'Octobre le ieune Comte de saint Pol, & messire lea de Luxembourg Comte de Ligny son oncle, avec de quatre à cinq mille combattans que par auant ils auoient enioquez des pays de Picardie & de Hainault: entre lesquels estoient messire Guillaume de Lalaing, messire Symon son frere, le seigneur de Mailly, messire Allard de Mailly, le seigneur de Saueuses, Valleran de Moreul, Guy de Roye & plusieurs autres hommes de guerre expets & renommez en armes. Avecques ce aussi douze cens Anglois ou environ, que conduisoient le seigneur de Villeby & messire Thomas Kiriell, tindrent la iournée au pays de Santhois empres Villiers le Catbonnel, pour la cōposition du chastel de Mouchas en Normandie faicte par messire Regnault de Fontaines avec le feu Comte Pierre de Luxembourg,

xembourg, comme en autre lieu est à plain declairé. A laquelle iournée messire Regnault ne autres de la partie du Roy Charles ne vindrent ne comparurent, ains laisserent leurs hostages en ce dangier. Neantmoins les deux Comtes dessusdits se tindrent en la bataille au lieu, qui auoit esté diuisé entre icelles parties grand partie du iour. En apres eux voyans qu'ils ne ueoient nulle apparence de leurs aduersaires, se logerent à tout leurs gens ceste nuit en aucuns villages pres de ladicte place. Et le lendemain s'en retournerent es lieux dont ils estoient venus par plusieurs iournées. En oultre dedans briebs iours ensuiuans les dessusdits Comtes estans à Guise, leur furent apportées nouuelles que le seigneur de Pennesach alors capitaine de Laon avec luy quatre cens combattans ou environ des garnisons de la marche de Laonnois, estoient venus courre vers Marle, & venoient de cuider prendre Veruins appartenant heritablement à Ieanne de Bar sa belle fille : & desia auoient bouté les feux es faulxbourgs d'icelle ville de Marle. Pour lesquelles nouuelles messire Iean de Luxembourg tout troublé monta à cheual, ledit Comte de S. Pol en sa compaignie, messire Symon de Lalaing & les gens de son hostel. Si manda hastiuement à toutes ses gens qui estoient en ses forteresses assez pres d'illec qu'ils le suiussent sans delay : & avec ce messire Symon manda ses gens qui estoient logez en vn village assez pres de là. Finablement ledit Comte de Ligny meit ensemble trois cens combattans de plusieurs terres, & cheuaucha vigoureulement vers ses ennemis, si les trouuerent qu'ils se retraoyoient vers Laon assez pres de Daillly. Et jaçoit ce qu'ils fussent en plus grand nombre que luy, toutesfois tantost qu'il les aperceut se ferit des premiers dedans eux sans plus attendre apres ses gens : & pour vray il y feit de grans merueilles, & faits d'armes de sa personne : & finablement les François se mirent en fuite en la veüe de leur capitaine dessusdit : & les autres furent desconfits & mis à mort iusques au nombre de huitvingts, dont estoient les principaulx Gaillart de l'Isle, Anthoine de Belle-Garde, de Mouÿ, le Borgne de Vy, Henry Quenof du pays de Brabant & aucuns autres iusques au nombre dessusdit : & en y eut de prins de soixante à quatrevingts, desquels la plus grand partie furent le lendemain pendus : desquels en fut vn nommé Roussellet Preuost de Laon : & si fut prins en la bataille vn gentil-homme d'armes nommé l'Archenciel qui s'estoit rendu à messire Simon de Lalaing dessus nommé : lequel l'Archenciel luy auoit autresfois sauué la vie à saint Vincent comme dit est ailleurs. Et pareillement luy vouloit ledit messire Simon sauuer la vie, ce que faire ne peut : car messire Iean de Luxembourg le feit occire, dont ledit messire Simon fut moult courroucé : mais autre chose n'en peut auoir. En apres les François furent chassez iusques assez pres de la ville de Laon, si en y eut en ladicte chasse plusieurs morts & prins. Si fut ce iour le ieune Côte de S. Pol mis en voye de guerre : car le Comte de Leigny son oncle luy en feit occire aucuns, lequel y prenoit grand plaisir. Apres laquelle destrouffe s'en retournerent tres ioyeux en ladicte ville de Guise pour la victoire qu'ils auoient obtenue.

Comment la Hire & plusieurs autres François coururent en Artois & en Cambresis : mais ce fut deuant l'aduenture dessusdicté.



V mois de Septembre la Hire accompagné de plusieurs capitaines du Roy Charles : c'est à sçauoir Anthoine de Chabannes, Blanchefort, Charles de Flauy, Regnault de Longueval & aucuns autres, avecques bien quinze cens combattans ou enuiron qu'ils auoient assemblez és marches de Beauuais, passerent l'eau de Somme à Cappy au païs d'Arthois, si prindrent iceluy à fourrer : & de premiere venue prindrent grand nombre de païsans, qui de ce ne se donnoient garde : lesquels ils emmenerent en la ville de Beauuais en Cambresis, où ils se logerent tous ensemble. Et de rechief comme ils auoient fait ailleurs, prindrent la plus grand partie des homes d'icelle, lesquels ils cōposerent à grand finance. Et le lendemain se meirent aux champs tous ensemble en vne champaigne : & apres qu'ils eurent cheuaché vn petit encest estat, ils se departirent pour aller en deux lieux : c'est à sçauoir Anthoine de Chabannes & Blanchefort à tout leurs gens s'en allerent passer deuant Cambray, & prindrent leur chemin droit à Haspre, où la franche feste auoit esté le iour deuant la tour d'Yvvis : & pource que ceux de dedans ne se voulerent composer à leur plaisir, ardirent la plus grand partie de la ville & du monstier. Et apres s'en allerent deuers ladicte ville de Haspre, où il y auoit tresgrand nombre de peuple & de biens abondamment. Si se ferirent dedans sans ce que ceux de Haspre en fussent de riens aduertis, si en prindrent plusieurs : mais les autres se retrahirent en vne forte tour avecques les moynes, où ils furent par iceux François longuement assaillis. Et pource qu'ils ne les peurent auoir, apres ce qu'ils eurent prins & rauy des biens d'icelle ville tout à leur plaisir, bouterent le feu en plusieurs maisons, & aussi en l'Eglise saint Akaire & en l'abbaye, & y feirent dommage incomparable. Et apres ce se remeirent aux chāps à tout leurs bagages, & trauerferent le païs de Cambresis : si prindrent plusieurs hommes prisonniers & ardirent plusieurs maisons, & puis s'en allerent loger au mont S. Martin avecques la Hire qui là les attendit. Et en ce mesme iour ledit la Hire auoit fait ardoir & embraser la ville de Beureuoir, le moulin & aussi vne tresbelle maison de plaissance nommée la Mothe, seant assez pres d'icelle ville : laquelle estoit à la Comtesse de Ligny : si coururent lors en plusieurs parties par petites compagnies en faisant mauux & innumerables dommages sur le païs, sans estre occupez de leurs ennemis : car messire Jean de Luxembourg estoit encores avec le ieune Comte de S. Pol son nepueu, pour les affaires qui luy estoient suruenuz à cause de la mort du Comte Pierre son frere. Et pour ceste cause les dessusdits François ne trouuerent quelque destourbier ne resistēce par tout où ils allerent durant ceste entreprinse : & en apres du mont S. Martin prindrēt leur chemin vers Laon : & en accueillant grans proyes de bestail & menant grand multitude de prisonniers, s'en allerent loger à Cressy sur Serre, & de là sans perte de leurs gens s'en retournerent à Laon où ils partirent leur butin : & puis s'en allerent en leurs garnisons chacun dont ils estoient venus. Enuiron le temps dessusdit retournerent des païs de Bourgongne les seigneurs de Croÿ & de Humieres, à tout deux mille cheuaux : lesquels par longue espace auoient esté avec le Duc Philippe de Bourgongne, pour faire plusieurs conquestes audit païs sur les François : auquel temps la Duchesse de Bourgongne se deliura d'un fils en la ville de Dijon, lequel fut fait cheualier sur les fons. Et furent les parrains

Charles

Charles Comte de Neuers, qui luy donna son nom. Et ledit seigneur de Croÿ avec luy. Et auant son departement fut deslors constitué de l'ordre de la confraternité de la roÿson d'or: & avec ce par le dessudit Duc de Bourgogne son pere, luy fut donnée la Comté de Charrolois.

Comment le Duc de Bourgogne tint la feste de la Toison d'Or en la ville de Dijon. Et comment il alla aux nopces du fils du Duc de Sauoye.

En ce temps le Duc de Bourgogne tint sa feste de la toison d'or en la ville de Dijon en Bourgogne: & brief ensuiuant vindrent deuers luy les gens du Duc de Sauoye, luy requerre qu'il voulsist aller aux nopces de son nepueu le Comte de Geneue lequel prenoit à femme la fille au Roy de Chippre, & se deuoit tenir la feste d'icelles nopces à Chambery en Sauoye: lequel Duc de Bourgogne accorda d'y aller: & apres qu'il eut ordonné les besongnes enuiron la Chandeleur, laissa sa femme la Duchesse à Chazons en Bourgogne & son armée enuiron, & se partit à tout deux cens cheualiers & escuyers. Et cheuaucha par plusieurs iournées, tant qu'il vint en ladiete ville de Chambery en Sauoye, & là vindrent au deuant de luy le Duc de Sauoye & son cousin germain le Côte de Geneue, lesquels les receurent moult liement. Et le lendemain furent faictes les nopces moult solennelles & plantureuses: & se firent à la grād table le Cardinal de Chippre oncle de l'espousée, la Roÿne de Cecille femme du Roy Loÿs fille dudit Duc de Sauoye. Et puis ledit Duc de Bourgogne tous trois au droit lez, & au milieu fut assise l'espousée: & apres le Duc de Bar, le Comte de Neuers & le Damoisel de Cleues. Et à la secōde table se firent le Duc de Sauoye, le Comte de Fribourg, le Marquis de Fribourg, le Prince d'Orengē, le Chancelier de Sauoye & autres seigneurs & dames. Aux autres tables furēt assis plusieurs cheualiers & escuyers, dames & damoiselles de diuerses contrées moult richement habillees. Lesquels chacun selō son estat furent moult hautement & richement seruis. Et dura ladiete feste par trois iours moult plantureuse. Durant laquelle furent faictes moult de ioyusetes en dances, & autres esbattemens. Et apres ledit Duc de Bourgogne donna à l'espousē vn moult riche fermail de la valeur de trois mille francs. Et puis les trois iours dessudits passez print congé à toute la seigneurie qui là estoit, & sen retourna en Bourgogne. Si fut à son departement grādement remercié du Duc de Sauoye & de son fils.

Comment le Concile de Basle fut en cest an en grand estat tenu.

Estant ce temps dessudit estoit le Concile de Basle en grand estat tenu: & y estoit venu l'Empereur signifiant Roy des Rommains, & plusieurs autres seigneurs de diuerses nations tāt ecclesiastiques que seculiers: lesquels entendoient diligemment à mettre ambassadeurs sus, pour appaiser les discordes d'entre le Roy de France d'une part, & le Roy d'Angleterre & le Duc de Bourgogne d'autre part. Et entre-temps vindrent nouuelles audit Concile qui leur furent moult plaisāns, c'est à sçauoir que les Pragois auoient esté desconfits & morts de huiet à dix mille personnes par les nobles du paÿs de Behaine, & par avec eux six cēs hommes de guerre, que ceux

du dit Concile auoient enuoyez en leur ayde. Et brief ensuiuans furent occis deux prestres qui estoient capiraines des errans: dont l'un estoit nommé Proteustus du Tabouret, & l'autre Lupus, & avec eux six mille de leur secte. Si fut lors conquise la grand cité de Pragues & nettoyée des mescreans & grand partie du païs: si enuoyerēt ceux de Behaigne leur ambassade au Concile, pour auoir abolition & confirmation de la foy Catholique. Et adonc fut par ledit Concile leuē vn demy dixiesme sur le clergie. Et de rechief vindrent les ambassadeurs du Roy de Castille, & des Espaignols en tresgrand estat audit lieu de Basse. Et estoient bien quatre cens personnes, & deux cens mullets sans les cheuaux. Et furent enuoyez de par iceluy Concile les Cardinaux de sainte Croix & de saint Pierre, deuers Philippe Maria Duc de Millan pour r'auoir la terre de l'Eglise qu'il renoit, mais ce fut à peine perdue.

Comment la ville & le chastel de Prouins en Brie que tenoient les Francois furent prins des Anglois & Bourgongnons. Et aussi comment la ville & forteresse de S. Vvalery fut reprins des Francois.

En ce temps furent prins d'eschelles la ville & chastel de Prouins en Brie, que tenoient les Francois par les Anglois & Bourgongnons: desquels estoient les chefs messire Jean Raillart, Mando de Lusfach, Thomas Girard capitaine de Mōstreau-faut-Yonne, Richard Hugō & aucuns autres: lesquels pouoient auoir environ quatre cens combattans: & fut des eschelleurs vn nommé Grosse-teste. Et fut prins par le chastel environ cinq heures apres minuit. Et estoient dedans enuiron cinq cens hommes de guerre, dont le principal estoit le Commandeur de Gueraines, qui avec ses gens tresvaillamment se gouerna & deffendit l'espace de huit heures ou enuiron: & tant que lesdits entrepreneurs en moururent largement, iusques au nombre de six vingts ou mieux: entre lesquels en fut l'un vn nommé Henry de Hōgrefort Anglois tresvaillant homme d'armes: neantmoins ladicte ville & forteresse furent conquises & du tout mises à saquemē: & furent morts & prins grād partie des dessusdits Francois deffendeurs. Mais ledit Cōmandeur voyant que nul remede ne s'y pouoit mettre, se sauua avec aucuns autres, & depuis en demoura capitaine le seigneur de la Grange. Item à l'entrée du mois de Ianuier reprindrent les gens du Roy Charles: c'est à sçauoir Charlot du Marests capitaine de Rambures la ville & forteresse de S. Vvalery par faute de guer: laquelle Robert de Sauueses auoit en sa garde, mais pour lors n'y estoit pas: & y auoit eu si grād mortalité, que pou de gens s'y osoient tenir: neantmoins le Bastard de Siennes son lieutenant fut prins & aucuns autres avec luy: pour laquelle prinse ceux de Ponthieu & autres à l'enuiron furent en moult grand doubte. Philippe de la Tour fut principal chief à prendre ceste ville de S. Vvalery, avec le dessusdit Charlot du Marests.

De l'an mille cccc. xxxiiij.

Comment le Duc de Bourgongne retourna en ses païs de Bourgongne en Flandres & en Arthois & amena avec luy Jean fils du Comte de Neuers & autres matieres.

Au



V commencement de cest an Philippe Duc de Bourgongne retourna en ses païs de Bourgongne, en Arthois, en Flandres & en ses autres païs six cens combartans avec luy ou enuiron: & laissa audit païs de Bourgongne la Duchesse sa femme & son petit filz. Et avec ses forteresses garnies de ses gens d'armes: auquel retour amena avec luy Iean filz au Comte de Neuers son cousin germain & filz à sa femme precedente. Si visita ses païs & bonnes villes, & prepara pour auoir gens & argent pour retourner audit païs de Bourgongne, & entre-temps les gens de messire Iean de Luxembourg tenans les frontieres de Laonnois, prindrent le fort de l'abbaye S. Vincent lez Laon, que tenoient les gens du Roy Charles: dedas lequel fort fut prins vn notable gentil-homme nommé Anthoine de Cramailles: auquel le dessusdit Duc de Luxembourg feit coupper le chief, & son corps escarreller à Ripelmonde: & demourerent morts à la prinse dudit fort de saint Vincent, Iamet de Pennesach & Eustache Vaude. Et apres ledit messire Iean de Luxembourg garnit iceluy fort de ses gens d'armes, pourquoy ceux de la ville de Laon furent en tresgrand doubte. Et pour mieux y resister garnirent leur ville de droictes gens d'armes. Et par ainsi les parties chacun iour liuroient l'un contre l'autre de grandes escarmouches: ausquelles souuent aduenoit qu'il en y auoit de chacune partie des morts & de naurez. Et entre les autres de la partie dudit messire Iean de Luxembourg y fut mort vn vaillant cheualier, nommé Colart de Forges par vn trait dont il fut seru ausdictes escarmouches au trauers de la iambe.

Comment ledit Iean de Neuers fut ordonné à mettre le siege deuant Moreul. Et luy fut donné la Comté d'Estampes.



Tem apres ce que le Duc de Luxembourg eut ramené es païs de Picardie Iean filz du Comte de Neuers (comme dit est dessus) luy fut par ledit Duc de Bourgongne donnée la Comté d'Estampes: & en porta le nom de ce iour en auant grand espace de temps: & avec ce fut ordonné capitaine de Picardie pour auoir la charge des frontieres. Si assembla gés d'armes pour aller assieger le chasteau de Moreul, que tenoient les François. Avec lequel se meir le seigneur d'Anroing, messire Iean de Croÿ, le Vidame d'Aniens, Valleran de Moreul, le seigneur de Humieres, le seigneur de Sauueses & le seigneur de Neuville, messire Baudo de Noyelle gouverneur de Peronne, Montdidier, Roye & plusieurs autres nobles homes & gens de guerre iusques à mille cōbattans, qui par ledit Comte d'Estampes & capitaines dessusdits furent menez & conduits iusques audit lieu de Moreul. Et là se logerēt deuant la forteresse, où estoient enuiron cent combartans, qui dedans le terme de huit iours furent par les assiegeans contraincts d'eux rendre sauf leurs vies tant seulement, en delaisant tous leurs biens en la voulenté dudit Comte d'Estampes & de ses commis. Apres lequel traitté finy & qu'iceux François se furent departiz sous bon sauconduit, ladicte forteresse fut remise en la main du dessusdit Valleran de Moreul. Et le dessusdit Comte d'Estampes mena ses gens deuant le chasteau de Mortemer empres Reffons sur Mers: lequel chasteau dedans briefs iours ensuiuans luy fut rendu & fut du tout demoly. Et brief iours apres s'en retourna ledit Comte à tout ses gens es païs dessusdits.

Comment le Pape Eugene fut en discord contre les Rommains, qui le voulurent tenir à Rome outre son gré.



N ce temps nostre saint Pere le Pape Eugene qui se tenoit à Rôme, eut volenté d'aller demourer à Florence: & quand ce vint à la cognoissance des Rommains, ils en furent moult troublez. Et allerent en grand multitude deuers ledit Pape, & luy feirent dire que point ne se partiroit de là, & que mieux ne pouoit estre qu'en icelle ville de Rome, qui est la fontaine de Chrestienté. Et lors ledit Pape & ses Cardinaulx voyans la rudesse & folie d'iceux Rommains, monstrerent semblât de non vouloir partir: neantmoins iceux Rommains feirent diligemment garder leurs portes, afin qu'ils ne sceussent partir sans leur sceu. Toutesfois par le moyé de la belle Roynne de Cecille qui enuoya au saint Pere aucunes nauires garnies de gens d'armes, se departit ledit Pape de Rome secretemēt, & s'en alla demourer à Florence: pour lequel partement les Rommains dessusdits furent fort troublez: & inconfinent rour ce que le Pape auoit laissé en leurs villes avec aucuns de ses gens, ils arresterent, desquels en estoit l'un le Cardinal de Venise son nepueu. Et feit son departement en guise de moyne, & ainsi habité s'en alla.

Comment le fort de S. Vincent empres Laon fut demoly: & comment plusieurs fortresses furent conquises par les Bourgongnons.



N iceluy mesme temps le Duc de Bourgongne se partit de ses pays de Picardie à tout deux mille combattâs, pour retourner en ses pays de Bourgongne, avec lequel s'assemblerent messire Symon de Laing, & Robert de Saueuses. Si print son chemin vers Cambresis: & de là à Cressly sur Serre & à Prouins. Et lors les François estoient en grand nombre à Laon venus en intention d'assieger le fort de S. Vincent, où estoient les gens de messire Jean de Luxembourg, comme dit est dessus: lequel Comte de ce aduertey enuoya ses messagers à Veruins deuers ledit Duc, requerant qu'il voulsist retourner à tout ses gens d'armes iusques audit lieu de Cressly: & illec sejourner deux ou trois iours, afin que les dessusdits François estans à Laon se partissent. Laquelle requeste luy accorda & reuint loger audit lieu de Cressly: & entre-temps traictéz se commencerent à faire entre ledit de Ligney & ceux de la ville de Laon: lesquels en fin furent concluds par condition, que ceux qui estoient dedas ledit fort de S. Vincent departiroient saufs leurs vies & leurs biens, & le dessusdit fort seroit demoly: lesquelles besongnes faictes & accordées, le dit Duc s'en alla parmy la Champaigne en son pays de Bourgongne. Et rassembla de rechief avec ceux qu'il auoit amenez grand nōbre de ses Bourgongnons & Picards là estans. Si les enuoya assieger la ville & forteresse de Chaumont en Charrolois, que tenoient les François: lesquels en assez brief temps ensuiuans furent par lesdits assiegeans si fort travaillez & contraincts, qu'ils se rendirent en la volenté d'iceluy Duc de Bourgongne, lequel en feir pendre cent ou au dessus: & estoit lors le chief pour les Picards en l'absence dudit Duc messire leâ Bastard de S. Pol. Et est à sçauoir que de ceux qui furent pēduz, estoit l'un le fils de Rodigue de Vilandras. Et apres se rendirent au capitaine d'iceluy Duc ceux dudit

dudit fort, & furent penduz comme les autres. Apres assiegerent Benam, si se rendirent ceux de dedans sauues leurs vies eux departans le baston ou poing, & de là tant par sieges comme par assaulx meirēt en leur obeïssance plusieurs villes & forteresses que tenoient les François.

Comment le seigneur de Thallebot vint en France, où il conquist plusieurs villes & forteresses.



V meisme an messire Jean de Thallebot retourna du pays d'Angleterre en France, & amena avec luy huiēt cens combattans Anglois, lesquels il mena à Rouē : & de là prenant son chemin vers Paris, print & meit en son obeïssance le fort de loing seant entre Beauuais & Gisors, & furent penduz les François qui estoient dedans. En apres ice-luy messire Jean de Thallebot s'en alla à tout ses gens audit lieu de Paris, où il fut conclud par le conseil du Roy Henry là estant, que luy, le seigneur de l'Isle Adam Marechal de France, & le Galois d'Aunay cheualier seigneur d'Arville, avec eux l'Euesque de Theroüanne Chancelier de France pour le Roy Henry à tout leurs gens iroient assieger le chastel de Beaumont sur Oise: lequel auoit reparé Amadour de Vignolles frere de la Hyre. Si se meirent sus à tout bien seize cens combattans gens de bonne estoffe les trois cheualiers dessusdits, & allerent deuant le chastel dessusdit lequel ils trouuerent tout vuide: car desia par auant leur venue ledit Amadour de Vignolles & ses gens l'auoient abandonné, & festoient tous retraicts à Creil à tout leurs biens. Auquel lieu tantost le suivirent les dessusdits apres que du tout ils eurent desolé ledit chastel de Beaumont: si se logerent autour de la ville tant d'un costé comme d'autre, & y liuerent plusieurs grandes escarmouches: ausquelles lesdits assiegez se defendirent vigoureuement: mais à l'une d'icelles ledit Amadour fut frappé d'un traict d'oc il mourut, si en furent ceux de dedans moult marris, car ils le tenoient de grand conduicte & vaillant homme de guerre: durāt lequel siege vint avec lesdits assiegeans le dessusdit Euesque de Theroüanne Chancelier de France: apres laquelle venue au bout de six sepmaines que ledit siege auoit esté mis, se rendirēt lesdits assiegez par condition, qu'ils s'en iroient sauf leurs corps & leurs biens. Et apres que lesdits Anglois eurent regarny ladicte ville & chastel de Creil de leurs gens, ils s'en allerent assieger le pont sainte Maxence, que tenoit Guillon de Ferrieres nepueu de sainte Treille: lequel en assez briefs iours leur rendit & s'en alla luy & les siens sauf leurs corps & leurs bagues. En apres se rendirent à iceux Anglois à Neufuille en Esmoy & la Rouge-maison. Et puis s'en allerent à Crespy en Valois qui fut prinse d'assault, & y auoit bien trente François, desquels Pothon le Bourgongnon estoit le chief. Et de là retournerent à Clermōt en Beauuoisis qui se rēdit à eux, & le tenoit le Bourg de Vignolles: puis s'en allerent deuant Beauuais: mais ils ne veirent point qu'ils y peussent proffiter aucune chose. Et pource s'en retournerent à Paris, & les autres en leurs garnisons dont ils estoient venuz.

Comment le Comte d'Estampes reconquist la ville de S. Vallery.



En ce mesme temps le Comte d'Estampes accompaigné du seigneur d'Antoing, du Vidame d'Amiens, de messire Jean de Croÿ & plusieurs autres seigneurs, qui par auant auoient esté avecques luy deuant Moreul, alla assieger la ville & forteresse de S. Vallery, deuant lesquelles ils furent enuictō vn mois: au bout duquel Charles de Marels & Philippe de la Tour capitaine, lequel auoit esté principal chief à prendre icelle ville de S. Vallery. Et auoit iceluy Philippe dessoubz luy la plus grand partie des gens d'armes, estans en ladicte ville tenans le party du Roy Charles: si firent traicté avec les commis dudit Comte, par tel si qu'eux & les leurs s'en iroient sauement avec leurs biens: & avec ce auroient vne certaine somme d'argent, au iour qu'ils se partiroyent de ladicte ville. Et prindrent terme d'eux partir au bout de huit iours, en cas que François ne seroient là puissans assez pour eom battre ledit Comte d'Estampes. Auquel iour ne vindrent ne comparurent lesdits François: Ains au iour qui leur estoit ordonné de partir, vint pour secourir iceluy Comte d'Estampes, se besoing luy en eut esté, le dessusdit Loÿs de Luxebourg Euesque de Theroüanne Chancelier de France pour le Roy Henry d'Angleterre à tout cinq cens Anglois, que conduisoient le seigneur de Villeby, messire Guy le Bouteillier & Brunelay capitaine d'Eu. Lequel Chancelier & les dessusdits furent ioyeusement receuz dudit Comte d'Estampes, & les seigneurs estans avec luy. Si se partirent ce mesme iour lesdits François avecques Charles de Marels leur capitaine, qui les mena à Rambures: durant lequel parlement arriua au Haure dudit lieu de S. Vallery vne barge, qui estoit chargée de vins: laquelle venoit de saint Malo pour la prouision desdits François, laquelle fut prestement prise par les mariniers desdits assiegeans. Et en apres ledit Chancelier & ses Anglois retournerent au giste à Eu, & le Comte d'Estampes se logea celle nuit en ladicte ville de saint Vallery: & le lendemain apres qu'il eut commis Jean de Brimeu capitaine d'iceux ville & chastel, il se departit & retourna en Arthois à tout ses gens, lesquels il congea. En outre de la ville d'Eu le Chancelier dessusdit à tout iceux Anglois, alla mettre le siege deuant le chastel de Monchas: lequel dedans briefs iours luy fut rendu moyennant certaine somme d'argent, qu'en receut messire Regnault de Fontaines, qui en estoit capitaine. Et fut iceluy chastel du tout desolé & abbatu, iacoit-ce que ce fut la plus belle forteresse de toute la Comté d'Eu: durât lequel temps le Comte d'Arondel se tenoit souuent en Mante & au païs deuers Chartres. Si print & gaigna pour cest an plusieurs forteresses sur les François tant au païs de Chartrain cōme au païs de Perche. Et lors ledit Duc de Berthfort retourna d'Angleterre à Rouen: & de là à Paris, où il se tint longue espace de temps.

Comment les Francois prindrent la ville de Han sur Somme en Vermandois.



En le mois d'Aoust prindrent les gens du Roy Charles la ville de Han sur Somme, que tenoient les ges de messire Jean de Luxembourg Comte de Ligney. Et la rendirent les habitâs, pource que leur garnison scachans la venue d'iceux François, sestoient partis d'eux & les laisserent en danger. En laquelle ville vindrent le Comte de Richemont Connestable de France, le Bastard d'Orleans, la Hire & plusieurs autres capitaines

taines & avecques eux grand nombre de combattans. Pour laquelle prinse le païs de Vermandois, Arthois, Cambresis & plusieurs autres matches d'environ furent en tresgrand doubte, voyans iceux leurs ennemis estre logez en fort lieu fut le passage de l'eauie: & aussi sçachât leur Prince estre hors du païs. Neanmoins les Comtes de S. Pol, d'Estampes, de Ligney firent grans diligence d'assembler gens, pour resister aux entreprinſes desdits François: mais entre-temps qu'icelles assemblées se faisoient, se commencerent aucuns traictez entre les parties: lesquels en conclusion vindrent à bonne fin & moyennât certaine somme d'argent, montant à quarante mille escus qu'eurent les François, rendre icelle ville de Han en la main de messire Jean de Luxembourg à qui elle estoit. Et la cause pourquoy lesdits traictez furent conduits en douceur, si fut sur l'esperance de venir à paix finale entre le Roy Charles de France & le Duc de Bourgogne: car desia en avoit plusieurs moyens encommencez entre les parties. Avec laquelle ville de Han rendirent le fort de Breteil en la main dudit Comte d'Estampes, que Blanchefort avoit tenu long temps. Et en ce mesme temps le Duc de Bourgogne feit mettre siege deuant Coulongne lez Vigneux par messire Guillaume de Rochefort & Philibert de Vaudray, à tout huit cens combattans ou environ: lesquels se logerent en vne bastille. Et au bout de trois mois se rendirent ceux de dedās par condition, qu'ils s'en iroient sauf leurs corps & leurs biens.

Comment la ville & forteresse de Chasteau-villain furent mises en l'obeissance du Duc de Bourgogne.



Tem apres ce que le Duc de Bourgogne fut retourné en son païs de Bourgogne, comme dit est, il alla deuant Grantſy: lequel long temps par avant avoit esté assiegé par messire Jean de Vergy & ses alliez. Et lors ceux qui dedans estoient non ayans nulle esperance d'avoir aucun secours, firent traicté de rendre & mettre iceluy fort en l'obeissance d'iceluy Duc: lequel fort sans estre desolé, fut mis en la main du seigneur de Thy frere au seigneur de Chasteau-Villain. Apres laquelle reddition furent par ledit Duc enuoyez messire Jean de Vergy, & plusieurs autres capitaines tant du païs de Bourgogne comme de Picardie courre deuant la cité de Langres, & iceux sommer qu'ils se rendissent en son obeissance: laquelle chose ils ne voulurent point faire. Ains retindrent le herault qui de par iceux capitaines leur avoit fait ce message, lequel estoit nommé Germole. Et pource que les dessusdits capitaines voyans que riens ne pouoient exploicter, s'en retournerent devers ledit Duc en degaſtant le païs.

Comment à l'occasion de la guerre grās tailles furent faictes & cueillies sur le païs d'Arthois & autres à l'environ.



N ces propres iours par tous les païs d'Arthois, Vermandois, Ponthieu, Amiennois & autres à l'environ furent levées grans tailles, pour payer la composition dernièrement faicte pour la ville de Han au Connestable de France: dont le pauvre peuple fut grâdemment emerueillé. Si commencerent à murmurer & estre mal contents des gouverneurs

& conseilliers, que le Duc de Bourgogne auoit laissez en iceux païs, mais ce riens ne leur valut: car ceux qui furent refusans de payer on les contraignit par voye de fait, sans tenir nuls termes de iustice en prenant leurs corps & leurs biens, iusques à l'accomplissement du payement dessusdit: durant lequel temps le seigneur de Sauueses qui à ce auoit esté commis par le Comte d'Estampes, feit demolir & abbatre la ville & forteresse de Breteil en Beauuoisis: laquelle luy auoit esté deliurée par Blanchefort qui en estoit capitaine, ainsi que promis l'auoit au dessusdit de Han. Et auoit pour ce faire grād nombre de manouuiers d'Amiens, de Corbie & d'autres lieux: lesquels en icelle euure tant continuerent que du tout fut mis au bas resetué vne forte porte qui estoit audit chastel, laquelle estoit fortifiée. Et en apres que le dessusdit de Sauueses l'eut garnie de viures & d'artillerie, il y laissa vingt ou trente de ses gens pour la garder. Et pareillement feit demolir la tour de vendueil, & aucunes autres meschantes places es païs à l'environ.

Comment les capitaines du Duc de Bourgogne vindrent deuant Ville-Franche, où estoit le Duc de Bourbon. Et cōment apres ils assiegerent Belle-Ville, laquelle se rendit.



Nuiron le temps dessusdit, le Duc de Bourgogne enuoya grād partie de ses capitaines Bourgognons à tout foison de gēs d'armes courre deuant Ville-Franche, où lors se tenoit Charles Duc de Bourbon: entre lesquels coureurs estoit le seigneur de Charny, messire Symon de Lalaing, messire Baudo de Noyelle, le seigneur d'Auxi, Robert de Sauueses, Lancelot de Dours, Harpin de Richammes & aucuns autres accompagnez de seize cēs cōbattans, gens d'élite, qui tous ensemble en bonne ordonnance cheuaucherent en train de tirer vers les parties, où ils tēdoient à aller. Et sur la Brune rencontrerent en leur chemin de cinq à six cens combattans de leurs ennemis, qui tantost se meirent à fuite en retournant vers leur seigneur le Duc de Bourbon. Et en y eut de prins aucuns des pis montez par lesdits Bourgognons & Picards. Lesquels comme dessus cheuaucherent tant qu'ils vindrent, & arriuerent deuant Ville-Franche: & là se meirent en bataille & puis par vn poursuuant enuoyerent signifier leur venue au dessusdit Duc de Bourbon, & qu'il les viensist combattre: lequel non scachant quelle puissance ils pouoient auoir, n'eut point conseil de ce faire: mais il feit dire à celuy qui luy auoit apporté le message & les nouvelles, que puis que le Duc de Bourgogne n'y estoit en sa personne qu'il ne les combattroit point: si feit saillir hors de sa ville plusieurs de ses gens à pied & à cheual. Et mesmement le Duc de Bourbon saillit hors monté sur vn bon & excellent coursier sans armeures, vestu d'vne longue robe, vn baston en son poing, pour faire traire ses gens & tenir ordonnance apres des barrieres: durant lequel rémps y eut moult grand escarmouche non mie à grand perte & dommage de nulle des parties. Et apres que les Bourgognons & Picards eurent là esté en bataille par l'espace de quatre heures ou enuiron, voyans que riens ne pouoient profiter, se meirent à chemin par bonne ordonnance, laissant de leurs meilleurs gens derriere eux par maniere d'arriere-garde: & s'en retournerent par où ils estoient venus deuers leur seigneur le Duc de Bourgogne: lequel Duc brief ensuiuant feit par iceux & autres de ses gēs assie-
ger

ger Belle-Ville, dedans laquelle estoient de par iceluy Duc de Bourbon messire Jaques de Chabannes, & le Baillif de Beauvais à tout trois cens combattans, lesquels en grand diligence se meirent à desfence. Neantmoins par les engins que auoient lefdits assiegeans, & aussi par les approches qui faictes y furent, furent tellement contraincts & pressez qu'au bout d'un mois ou environ, ils se rendirent sauues leurs vies, tant seulement en delaisant tous leurs biens, & se departirent tous de pied le baston au poing, & retournerent deuers le dessuſdit Duc leur seigneur: lequel en eut au cuer grand desplaisance, mais pour lors iis n'en peuvent auoir autre chose. Apres lequel departement le Duc de Bourgogne feit demourer en garnison plusieurs de ses capitaines Picards en ladicte ville: lesquels en continuant & perseuerant la guerre, feirent maulx & dommages inestimables ou païs de Bourbonnois & autres à l'environ. Et d'autre costé ledit Duc de Bourgogne enuoya vne autre armée de ses païs en Dombes en tirant vers Lyon sur le Rofne, lesquels prindrent au païs moult de forteresses: & degasterēt iceluy païs par feu & par espée, & apres en ramenerent tresgrad proye & tresgrand butin. Et furent cōducteurs & meneurs d'icelle armée le Comte de Fribourg, le Bastard de S. Pol, le seigneur de Vaurin & aucuns autres.

Comment le seigneur de Villeby & Mathagou Anglois meirent siege deuant saint Selerin. Et comment premiers les Francois, & depuis iceux Anglois furent ruez ius & desconfis.



V meſme an mille quatre cens trente quatre le seigneur de Villeby accompagné de Mathagou & aucuns autres capitaines, qui tous ensemble pouoient auoir de huiſt cens à mille combattans, meirent le siege deuāt vne forte place nommée S. Selerin ou païs du Maine, à deux lieues pres d'Alençon: dedans laquelle place estoient les Francois. Et auoient à capitaine vn gentil cheualier nommé messire Anthoine de Loreil, lequel de prime-venue à l'ayde de ses gens, se deffendit moult vigoureusement contre les ennemis & aduersaires: mais nonobstant ce les Anglois dessuſdits les environnerent puissamment tout autour, & furēt là environ six sepmaines: durant lequel temps le seigneur de Bueil, messire Guillaume Bleffet, le seigneur de la Varenne & aucuns autres capitaines François s'assemblerent, & vindrent environ quatorze cens combattans sur esperance de bailler secours & ayde à leurs gens. Et se tindrent par plusieurs iours à Beaumont le Vicomte, & là se logerēt vne partie, & l'autre partie se logea en vne autre ville nommée Viuien à quatre lieues de leurs ennemis. Et quand ils furent logez audit Beaumôt, si s'assemblerent tous les capitaines & autres des plus experts de leur compagnie, pour auoir conseil & aduis sur ce qu'ils auoient à faire. Si fut conclud & deliberé apres plusieurs debats & noïses, qu'ils n'estoient point forts & puissans assez pour combattre iceux Anglois, attendu le lieu & la place où ils estoient: mais conclurent & delibererent d'aller par derriere tirer hors leurs gens, qui estoient assiegez. Apres laquelle conclusion lefdits capitaines s'en retournerent à leurs logis: & ordonnerent & establierent leur guet pour la nuit tant de cheual comme de pied. Et estoit ledit seigneur de Bueil en ceste besongne lieutenant de messire Charles d'Anjou, & auoit la charge de son estandard. Et en ceste meſme nuit

les Anglois qui bien scauoient la venue de leurs ennemis & aduersaires, se meirent aux champs grand partie, & se tirerent tout coyement de nuict iusques assez pres dudit logis de Viuien. Et pour espier & guetter lesdits François, enuoyèrent aucuns de leurs gens par deux fois iusques dedans leurs logis, pour veoir & cognoistre leur maniere, lesquels ils trouuerent assez bien en point. Et ce fait se retrahirēt arriere vers leurs gens, lesquels de rechief tous ensemble les allerent assaillir au poinct du iour: & à petite perte les ruerent ius, & desconfirent, & en prindrent plusieurs, & si en y eut aucuns morts & occis: entre lesquels le fut vn tres vaillant homme d'Amiens nommé Iean de Belley, qui estoit d'Auuergne. Apres laquelle destrouffe se meirent aux champs iceux Anglois à tout leldits prisonniers. Et lors lesdits seigneurs de Bucil & de la Varenne, qui estoient audit lieu de Beaumont, comme dit est, scachās les nouvelles dessusdictes par aucuns de leurs gens qui estoient eschappez & fuiz au logis, se meirent aux chāps. Et incontinent tous ensemble tirerent vers où estoient leurs ennemis & aduersaires: lesquels quand ils les veirent & apperceurent venir, furent moult grandement ioyeux esperans de les ruer ius, comme ils auoient fait les autres: & se firent ces deux compagnies de grand volenté l'un dedans l'autre: & y eut fait de moult belles & excellentes proësses entre les deux parties, mais finalement les Anglois furent tournez à desconfiture, en partie par l'ayde des prisonniers qu'ils auoient, & y furent morts de leur partie vn vaillant cheualier nommé Artus, & Mathagou fut prins, mais le bastard de Salsebery s'en fuit. Et y furēt que morts que prins quatre cens Anglois ou plus: & demourerent les dessusdits François maistres & victorieux, lesquels furent tresgrandement ioyeux de leur victoire. Et quand ceux qui estoient demourez au siege deuant S. Sellerin, sceurent la perte de leurs compagnons, se leuerent du siege & se retrahirent en leurs garnisons.

Comment la Hire print malicieusement le seigneur d'Auffemont.

Durant ces tribulations la Hire accompagné d'Anthoine de Chabannes, du Bourg de Vignolles son frere, & autres iusques à deux cens combattans ou enuiron, passa par deuant le chaste de Cleremont en Beauuoisis, où estoit le seigneur d'Auffemont qui en estoit capitaine: lequel ne s'effrayoit en riens ou bien peu des dessusdits: Et pource scachant leur venue pour eux complaire & faire le bien-viengnant, feit tirer du vin & le porter dehors la poterne de la tour, & vindrent iceux boire. Et là contre eux isist le seigneur d'Auffemont avecques luy trois ou quatre de ses gens tant seulement. Et commencerent à parler à la Hire & aux autres en eux faisant courtoisie & reception, pensant qu'ils ne luy voulussent que bien: mais il estoit de ce vehementement abusé, car leur malicieuse volenté estoit bien autre comment ils monstrerent prestement: car en parlant audit seigneur d'Auffemont la Hire le print prestement, & de fait le contraignit incontinent de luy rendre ledit chaste, & avec ce le feit mettre en fers & aualler en la fosse. Si le tint vn mois en prison moult durement & en grand travail, tant qu'il eut le corps & les membres moult travaillez, & fut plain de poux & de vermine: & en fin paya pour sa rançon quatorze mille saluts d'or, vn cheual de vingt queues de vin ou autre tel

tel pris & estimation. Et nonobstant que le Roy Charles escriuit par plusieurs fois à la Hire dessusdicté qu'il le deliurast sans en prendre finance, & qu'il estoit bien content de son seruice, il n'en voulut riens faire pour luy.

Comment les communes de Normandie se fleuerent contre les Anglois & leurs garnisons.

EN cest an les communes gens du pays de Normandie, & par especial ceux du pays de Caulx s'assemblerent : & estoient bien environ deux mille en vne compagnie pour combattre & eux deffendre contre les Anglois estans au pays : lesquels en allât contre les deffences & edits Royaux, auoient esté pillier & fourrager les biens d'iceux communes : iacoit-ce que par auant les dessusdits auoient esté contraincts, & pressez par les baillif & officiers du pays d'estre armez & embastonnez chacun selon son estat, pour resister contre les pillars & autres qui leur dits biens vouloient prendre de force. A l'occasion duquel commandement ils s'assemblerent, comme dit est, & de fait rebouterent les dessusdictes garnisons hors de leurs villes, & en prirent & occirent aucuns, dont les capitaines d'iceux ne furent point bien contens. Néanmoins ils monstrent semblant de les vouloir rappaiser, & par certains voyés furent les traictez fais entre icelles parties. Et se commencerent lesdictes communes à retraire assez follement sans ordonnance, non doubans la malice d'iceux Anglois : lesquels secretemēt les poursuirēt iusques assez pres de sainct Pierre sur Diue empres Tancarville & leur coururent sus : & sans y trouver grand deffence en occirent bien de mille à douze cens, & les autres se sauuerent par les bois où ils peurent le mieux : pour laquelle offence fut faicte grād plainte à Rouen qui pour ceste cause feirent bannir plusieurs de ceux qui auoient faicte ceste emprise : mais assez brief ensuiuant fut la besongne appaiée pour les grans affaires qui estoient au pays.

Comment la Hire print le fort de Bretueil en Beauuoisis par force d'assault.

ETem apres ce que la Hire eut reprins le chastel de Cleremont, comme dit est, il assembla cinq cens combattans des garnisons de Beauuoisis : lesquels il mena deuant la porte du chastel de Bretueil que tenoient les gens de Sauueuses : lesquels il feit assaillir tresaprement par ses gens, & ceux de dedans se deffendirent moult vigoureusement : Si occirent & naurerent plusieurs des assaillans, toutesfois fut tant continué que ceux de dedans voyans partie de leurs gens estre morts & naurer & leur fortification toute derompue, se rendirent en la voulenté de la Hire : lequel en feit aucuns pendre, & les autres feit prisonniers au chastel de Cleremont : & puis regarnit ledit fort de ses gens : lesquels de rechief feirent de grās maulx & innumerables es pays de Santhers & vers Amiens, Corbie, Montdidier & ailleurs à l'environ.

Comment les Ducs de Bourgogne & de Bourbon conuindrent ensemble en la cit de Neuers sur traicté & conuention de paix.



Pres ce que la guerre eut long temps duré moult cruelle & merueilleuse, entre le Duc de Bourgogne d'une part, & son beau frere le Duc de Bourbon d'autre part, y eut aucuns moyens ouuers secretement entre icelles deux parties sur esperance de les appaiser. Et pour le premier commencement, furent enuoyez aucuns ambassadeurs d'un costé & d'autre soubz bon faufconduit en la ville de Mafcon : & là furent par plusieurs journées. Si y eut entre eux de premiere venue aucuns differens, pour sçauoir lequel d'iceux deux Ducs auroit la prerogative & honneur d'estre nommé deuant. Et en fin considerées plusieurs raisons, qui furent alleguées d'icelles parties : fut conclud que ledit Duc de Bourgogne seroit premier nommé, & auroit la preuention de toutes honneurs deuant le Duc de Bourbon. Et ce finé pourparlerent par diuerses manieres de les appaiser : & de fait firent aucuns ap-proches & aduis sur ce : & avec ce prindrent autre iour pour eux assembler au lieu, où deuoient conuenir ensemble les deux Ducs dessusdits en leurs personnes. C'est à sçauoir en la ville Douzi, ou en la cité de Neuers : & prindrent iour d'eux assembler ou mois de Ianuier. Si se departirent de là, & s'en retournerent chacun desdits ambassadeurs deuers leur Prince & seigneur. Et lors ledit Duc de Bourgogne solemnisa la feste de Noël & des Roys en sa ville de Dijon, & tint moult puissant & noble estat. Et apres ces iours passez luy trefgrandement accompaigné du Comte de Neuers, du Marquis de Routelin, de son nepueu de Cleues & de plusieurs autres notables chevaliers & escuyers avec grand nombre de gens de guerre, se tira à Douzi & de là à Neuers : & se logea en l'hostel de l'Euesque attendant aucuns iours le dessusdit Duc de Bourbon & sa seur la Duchesse, laquelle & deux de ses fils treshonorablement accompaignez de chevaliers & d'escuyers, de dames & de damoiselles vint trouuer audit lieu de Neuers son frere le Duc de Bourgogne : lequel alla au deuant d'elle hors de son hostel & la receut & conjouyt tresioyeusement & amoureuxment : car pleça ne l'auoit veüe : & pareillement feit il ses deux nepueux, jaçoit ce qu'ils fussent de bien ieune aage. Si descendit ladicte Duchesse de dedans son chariot, & le Duc son frere la mena par la main iusques à son hostel, où il print congé d'elle & là lassa reposer pour celle nuit : & le lendemain ladicte Duchesse vint à l'hostel du Duc son frere, où elle fut moult honnorablement receüe à trefgrand ioye, & y eut de beaux esbatemens. Si y feit on les dances par longue espace & y eut moult grand foison de mommeurs de la partie du Duc de Bourgogne. Et ce fait apres qu'on eut prins vin & espices chacun se retrahit à son hostel iusques au lendemain qu'on tint conseil, où il fut ordonné & institué qu'on manderait Artus de Bretagne Connestable de France, & l'Archeueque de Reims. Et assez briebs iours ensuiuās vint le Duc de Bourbon accompaigné de messire Christoffe de Harcourt, du seigneur de la Fayette Marechal de France & de plusieurs autres notables & vaillans chevaliers & escuyers. Au deuant & à l'encontre duquel le dessusdit Duc de Bourgogne enuoya aux champs les seigneurs de son hostel : & quand il approcha ledit Duc de Bourgogne, alla moult hastiement à l'encontre de luy au dehors de la ville, & là l'encontrerent les deux Ducs & firent l'un à l'autre trefgrand honneur & reuerence, en monstrât semblant d'auoir l'un enuers l'autre tresfraternelle & trefgrande amour ensemble.

ble. Et lors vn cheualier de Bourgongne qui estoit là dit hault & cler. Entre nous autres sommes bien mal conseiliez, de nous aduenturer & mettre en peril & danger de corps & d'ame pour les singulieres volentez des Princes & grans seigneurs : lesquels quand il leur plaist, se reconseillent l'un avecques l'autre. Et souuentesfois aduient que nous en demourons pources & destruits. Si fut ceste parole bien notée & entendue de plusieurs là estans de toutes les deux parties, & bien y auoit raison : car tresouuent en aduient ainsi : neantmoins apres ceste recognoissance ledit Duc de Bourgongne cōuoya son beau frere iusques à son hostel, & de là se trahit au sien. Et apres ledit Duc de Bourbon luy & la femme vindrent veoir le Duc de Bourgongne en son hostel, & là de rechef furent faictes plusieurs grandes ioyeusetez les vns avecques les autres. Et le lendemain les deux Ducs, & la Duchesse tous trois ouÿrent Messe en vn oratoire. Et apres dîner se tint vn grand conseil en l'hostel du Comte de Neuers, ouquel la paix fut du tout conclue entre iceux deux seigneurs : c'est à sçauoir le Duc de Bourgongne & le Duc de Bourbon : lequel traité fut si bien conclud, qu'à tous les deux fut tresagréable, & pourtant incontinent de mieux en mieux fut par eux & toutes leurs gens generallyment faicte plus grand ioye & semblant de grand amour les vns avec les autres, que par auant n'auoit esté fait. Et en faisant toutes ces festes & esbatemens ou la plus grand partie furent aux despens du Duc de Bourgongne, car bien le vouloit ainsi estre fait. Et oultre durant les besongnes dessusdictes, vindrent audit lieu de Neuers le Comte de Richemont Connestable de France qui aussi auoit espousée la seur au Duc de Bourgongne. Et avecques luy vint Regnault de Chartres Archeuesque & Duc de Reims grād Chancellor de France, accompagné de plusieurs notables gens de conseil & de plusieurs cheualiers & escuyers, au deuant desquels allerent les deux Ducs & grād compaignie de leurs gens. Et quand ils s'entreasssemblerent ils seirent l'un à l'autre tresgrand reuerence & honneur, & tous ensemble allerent moult cordialement iusques en la ville, où ils furent logez chacun à son estat au mieux que faire se peut. Et briefs iours ensuiuans furent tenus plusieurs estroits conseils sur la paix & reconciliation d'entre le Roy de France & le Duc de Bourgongne : & mesmement par ses ambassadeurs dessusdits furent faictes plusieurs offres au Duc de Bourgongne pour l'interest de la mort Iean son pere : lesquelles offres luy furent assez agréables. Et tellement fut traité en ce mesme lieu de Neuers, qu'il fut content de prendre & accepter la journée de conuention, qui depuis se tint à Arras sur intention de paraccomplir le surplus. Et ces besongnes ainsi acheuées, les parties se departirent tresamoureusement : & le fait on sçauoir en plusieurs lieux & diuers Royaumes & contrées : & mesmement à nostre saint Pere le Pape & au concille de Basse : affin qu'un chacun d'eux enuoyast ses ambassadeurs pour le bien & entretenement de la besongne. Et depuis ceste journée de Neuers & que ledit Duc de Bourgongne fut retourné à Dijon, se prepara de tous poincts de retourner en son pays d'Arthois, affin de apprestre ses besongnes pour estre à la dessusdicté conuention d'Arras : & ainsi de ce iour en auant les frontieres des marches de Bourgongne commencerēt à estre assez paisiblement l'un contre l'autre plus que parauant n'auoient esté.

EN ce temps le Damoisel de Richemont à tout sept ou huit cens Anglois

& Picards, que messire Jean de Luxembourg luy auoit enuoyez: alla au pays d'Ardene rauer, auoir & courre plusieurs villes du Damoyseul Eurard de la Marche, & icelle du tout mettre à saqueement. Et apres que oudit pays eurent fait moult de domages par feu & par espée, ils s'en retournerent sans perte à tout grans proyes. Item en cest an René Duc de Bar feit assieger la ville & fortresse de Commercy ou pays de Barrois, sur intention de subiuguier icelle pour aucune obeissance, que ledit Duc disoit luy deuoir estre faicte par ledit seigneur de Commercy: mais en la fin par le moyen du Conneftable de France, qui pour lors estoit en la Marche d'enuiron, fut l'accord fait entre les parties, par tel si que ledit de Commercy promet faire toute obeissance à iceluy Duc de Bar. Et par ainsi feit departir ses gens dudit siege: durant lequel temps le dessusdit Conneftable meit en son obeissance au pays de Champaigne plusieurs fortresses, tant par siege & composition comme par soubdain assaut.

Comment Amé Duc de Sauoye se rendit Hermite en vn manoir nommé Ripaille.



N cest an Amé Duc de Sauoye qui estoit aagé de cinquante six ans ou enuiron, s'en alla rendre Hermite en vn sien manoir nommé Ripaille, seant à demie lieüe pres de Thonnon où par coustume parauant son departement il tenoit son estat: lequel manoir de Ripaille ledit Duc auoit fait edifier grandement. Et y auoit vne abbaye & prioré de l'ordre S Morice, fondée de tresslong temps par les predecesseurs d'iceluy Duc. Si auoit bien dix ans par auant en vouenté, de là se rendre & devenir Hermite par la maniere qu'il feit. Et pour y estre accompagné auoit demâdê à deux nobles hommes de ses plus seables & principaux gouuerneurs, fils luy vouloient tenir compaignie à y estre avec luy quant à son plaisir seroit d'y entrer: lesquels ayans consideration que ceste vouenté luy pourroit nuire, luy accorderent d'y entrer. Et estoit l'un messire Claude de Sexte, & l'autre vn vaillant escuyer nommé Henry de Coulombieres. Et lors iceluy Duc qui desia auoit fait edifier, comme dit est, sa maison & encommencer celles de ceux qui vouloient estre en sa compaignie, se partit par nuict de son hostel de Thonnon à priuée mesgnie: & alla à icelle place de Ripaille, où il print habit de Hermite selon l'ordre de saint Morice: c'est à sçauoir grise robe, long mantel & chapperon gris & courte cornette d'un pied ou enuiron, & vn bonnet vermeil par dessus son chapperon: & par dessus ladicte robe ceinture dorée, & par dessus le mâtrel vne croix d'or, assez pareille ainsi que les portent les Empereurs d'Allemagne. Et briefs iours ensuiuans vindrent deuers luy les deux nobles hommes dessusdits. Lesquels luy remonstrent aucunement la maniere de son parterement, qui n'estoit point bie licite ne conuenable comme il leur sembloit: en luy disant qu'il pourroit estre de sâgreable aux trois estats de son pays, pource que par auant ne les auoit mandez & eux signifier son intention. Et il leur respondit, qu'il n'estoit point loing ne amoindry de son sens, ne de sa puissance: & que bien pouruoyeroit à tout, & qu'ils aduissassent & regardassent eux mesmes de luy entretenir, ce que promis luy auoient, c'est à sçauoir de demourer avecques luy. Lesquels voyans que bonnement autrement ne se pouoit faire, en furent contents. Si les feit prestement vestir de tous pareils habillemens que luy. Et apres manda les trois estats de

de son païs avecques son fils qui estoit Comte de Geneue, lequel il feit Prince de Piémont, & luy bailla presens les dessusdits le gouvernement & administration de ses païs, en retenant plaine puissance de luy oster & de le remettre à son plaisir se mal se gouvernoit. Et son second fils feit Comte de Geneue: nonobstant que ledit Duc de Sauoye eust prins l'habit dessusdit, & baillé le gouvernement de ses païs à ses enfans, comme dit est: toutesfois ne se passoit riens en ses païs de grosses besongnes, que ce ne fust de son sceu & licence. Et quand au gouvernement de sa personne, il retint environ vingt de ses seruiteurs pour luy servir: & les autres qui se meirent prestement avecques luy, en firent depuis pareillement chacun selon son estat. Et se faisoient luy & ses gens servir en lieu de racines & d'eau de fontaine du meilleur vin, & des meilleures viandes qu'on pouoit rencontrer.

Comment les communes de Normandie se rassemblèrent en grand nombre, & allerent deuant la ville de Caen.

A Pres les communes de Normandie qui n'estoient point bien encores r'appaiesées du tort, & mal engin, que les Anglois leur auoient fait, se meirent ensemble de rechef par l'exhortation du seigneur de Mermille, & d'aucuns autres gentils-hommes qui les entreprirent à combattre. Et de fait se trouuerent bien douze mille ou païs de Bessin vers Bayeux: si les menerent deuant la ville de Caen, laquelle ils cuiderent prendre d'assault, mais elle leur fut bien deffendue par les garnisons & communes de ladicte ville. Et pourtant iceux voyans qu'ils ne pouoient riens besongner, se departirent de là en faisant plusieurs destricions sur le païs, & s'en allerent deuant Auranches, où ils furent huit iours, esperans que le Duc d'Alençon veint à eux à tout grand puissance de gens de guerre ce que point ne feit. Et entretemps les Anglois s'assemblerent en grand nombre pour iceux combattre: laquelle assemblée venue à la cognoissance des capitaines des dessusdictes communes, se departirent & s'en allerent vers Bretagne & à Fougieres. Et brief ensuiuant se departirent l'un de l'autre par plusieurs parties sans riens faire. Pour laquelle assemblée les dessusdits capitaines, toutes leurs terres & seigneuries, & avecques ce furent bannis du païs avecques tous leurs complices: mais depuis y eut abolition pour aucuns des dessusdictes communes. Ouquel temps Guillaume Coraon Anglois capitaine de Meure, alla courre deuant Yvvis en la Comté de Leigny, & n'auoit avec luy que trois cens combattans ou environ. Si vint pour le combattre Jean de Beurain à tout vne grosse compaignie, c'est à sçauoir à tout six cens combattans: mais il fut rué ius, & là plus grand partie de ses gens morts & prins, desconfits & mis à grand meschef. Et en ce mesme temps la Hire print d'emblée la vieille fermeté d'Amiens, & y fut environ de huit à dix iours. Et apres qu'il eut pillé les biens qui estoient dedans, s'en retourna à Breteuil dont il estoit party.

De l'an mille cccc. xxxv.

Comment le Duc Philippe de Bourgogne avec la Duchesse sa femme retourna des païs de Bourgogne en Flandres, & en Arthois.

E Tem au commencement de cest an , apres que le Duc de Bourgogne eut deliuré ses païs de ses ennemis à grand labeur. Et aussi que le Duc de Bourbon son beau frere fut pacifié avec luy : & que la iournée du grand Parlement d'Arras fut entreprinse & assignée avec les ambassadeurs du Roy Charles, il feit preparer son estat & celuy de la Duchesse sa femme & de leur petit fils , pour s'en retourner en ses païs de Flandres & de Arthois: lequel parlement fut assigné à estre tenu en la ville d'Arras le deuxiesme iour du mois de Iuillet ensuiuant. Si se departit à tout son armée de sa ville de Dijon, laissant pour gouverner iceluy païs de Bourgongne messire Jean de Vergy, & s'en vint iusques vers Euchoire . Ouquel lieu ou assez pres il trouua mille combattans ou enuiron Picards, lesquels parauant il auoit mandez pour luy compaigner à son retour : & les conduisoient messire Jean de Croÿ Baillif de Hainault, le seigneur de Saueuses, messire Iaqués de Brimeu, Jean de Brimeu & aucuns autres seigneurs : & de là ledit Duc print son chemin vers Paris, passa la riuiera de Seine à Monstreau-fault-Yonne : & puis vint à ladicte ville de Paris, où il fut des Parisiens tresioyeusement receu . Et furent à luy & à la Duchesse sa femme fais de moult beaux presens . Et quand il eut seiourné en ladicte ville aucuns peu de iours, cheuaucha par plusieurs iournées iusques à la ville d'Arras dessus nommée : & lors donna congé à toutes ses gens d'armes tantost qu'il eust passé l'eau de Somme. Si alla assez brief ensuiuant visiter ses païs de Flandres & de Brabant, où il delibera avecques son conseil de conuoquer par tous ses païs les nobles & gens d'estat pour estre & venir à ladicte iournée d'Arras: & avecques ce enuoya vne ambassade en Angleterre deuers le Roy & son grand conseil, eux signifier la dessusdicte iournée : & laquelle estoit entreprinse en intention de traicter paix generale entre les deux Royaumes, de France & d'Angleterre . Et furent les principaux à faire ladicte ambassade messire Hue de Launay, le seigneur de Creuecœur & maistre Quentin Mainart Preuost de S.Omer. Ausquels par le Roy d'Angleterre & ceux de son conseil, fut faicte grande reception. Et en conclusion leur fut dit que par le Roy à ladicte iournée solennellement seroit enuoyée ambassade, apres laquelle responce s'en retournerent vers ledit Duc de Bourgongne.

Comment les Francois prindrent la ville de Rue sur les Anglois.

A L'entrée du mois de May assemblerent messire Jean de Bressay Lieutenant du Marechal de Rieu, Bertrand Martel, Guillaume Braquemont, le seigneur de Longueual, Charles de Marests & aucuns autres tenans le party du Roy Charles de France, iusques au nombre de trois cens combattans droictes gens d'armes & vaillans gens desuite: lesquels alerent passer l'eau de Somme par nuict à la blanche tache. Et de là vindrent à la ville de Rue, & entrerent dedans secretement par eschelles : & de fait auant qu'ils s'en aperceussent, prindrent ladicte ville sans y trouuer quelque deffence. Et adonc quand l'effroy se commença se retrahirent sept ou huit Anglois en vn bouleuert, auquel ils se deffendirent aucune espace : mais en conclusion ils furent contrains d'eux rendre en la voulenté des François par force d'assault. Si en y eut partie prestement mis à mort, & les autres depuis furent enuoyez parmy

parmy ce qu'ils payerent grand finance. Si furent aussi prins grand nombre de ceux de la ville, & les autres se sauuerent par dessus la muraille. Apres laquelle prinse la greigneur partie des habitans furent prins, pillez & robbez: & pour la prinse d'icelle ville, furent les pays de Ponthieu, Marquinentterre, Arthois, Boulenois & aucunes autres terres à l'enuiten en grand doubte, sçachans leurs ennemis estre logez si pres d'eux & bien garniz de viures. Et point n'estoit sans cause, se iceux païsans auoient doubte & paour: car brief ensuiuant ils commencerent à courre en plusieurs & diuers lieux, & à faire forte guerre en portant grans dommages par feu & par espée aux pays dessusdits: & multiplierent de gens en grand nombre, & (comme dit est) feirent moult de maulx: & mesmement vn certain iour allerent à grand puissance en tirant vers Boulongne iusques assez pres de Saumer au boys, où ils prindrent plusieurs prisonniers & fotion de chevaux & autre bestial. Et à leur retour ardirent la ville & le port d'Estaples, où il y auoit grand nombre de belles maisons & edifices. Et depuis que ils furent retournez audit lieu de Rue à tout grans proyes, r'alletent par plusieurs fois courre le pays où ils feirent innumerables maulx & dommages par feu & par espée: mais en aucunes d'icelles courses assez pres de Monstreul fut prins messire Iean de Bressay, de Harpin, de Richammes: & en vn autre lieu fut pareillement prins le petit Blanchefort d'vn des bastards de Reuly. Si estoit à ceste cause ledit Païs mallementtrauailé.

Comment la Hire, Pothon, Philippes de la Tour & le seigneur de Fontaines desconfirent le Comte d'Arrondel Anglois deuant le chastel de Gerberoy.

DVrant le temps dessusdit le Duc de Bethfort estant à Roüen, sçachant la prinse de ladicte ville de Rue: laquelle côme il luy fut remonstré, pouoit porter trop grand preiudice au païs de là enuiron tenans leur party, & par especial à la ville & forteresse du Crotoy: affin d'y pourueoir, escriuit deuers le Comte d'Arrondel qui lors se tenoit à Mante, & en la Marche de là autour: & luy manda destroitement qu'à tout ses gens il se tirast à Gournay en Normandie, & de là au Neuf Chastel d'Azincourt, & puis à Abbeuille, en Ponthieu pour brief ensuiuant assieger la dessusdicte ville de Rue. Lequel Comte d'Arrondel obeissant au mandement du dessusdit Duc, se partit de là, où il estoit à tout huiet cens combattans de ses gens: & vint audit lieu de Gournay, en intention de faire le voyage dessusdit: mais il mua propos, pource que nouuelles luy vindrent que les François teparoient vne grande vieille forteresse nommée Gerberoy entre Beauuais & Gournay: laquelle, comme on luy dit, seroit moult dommageable pour le party des Anglois se ainsi estoit que on leur laissast fortifier, & n'y pourroit on mieux pourueoir que d'y aller chaudement. Et pourtant iceluy Comte d'Arrondel par l'enhortement de ceux de Gournay, de Gisors, & d'autres lieux de leur obeissance pres desdits lieux, se cōclud d'aller audit lieu de Gerberoy & assaillir & prendre tous ceux qu'il y pourroit trouuer se prendre les pouoit de force. Si feit audit lieu de Gournay charger viures & viandes, artilleries & autres plusieurs instrumens de guerre à tout lesquels il se mit à chemin, & aucuns autres de la garnison: & se partit de là tantost apres minuiet, & vint enuiron huiet heures du matin deuant ledit cha-

stel de Gerberoy à tout partie de ses gens , & les autres le suiuiot à tout leur charroy:& pour vray il ne cuidoit pas que dedans y eust tant de gens comme il y auoit, ne tels capitaines. Si se logea en vn cloz de hayes, & feit mettre cent ou six vingt de ses gens assez pres de la barriere dudit chasteil pour garder qu'ils ne faillissent sur eux. Et entre-tamps qu'ils se logerent Pothon, la Hire, messire Regnault de Fontaines, Philippes de la Tour & aucuns autres vailians hommes de guerre, qui estoient là venuz la nuit deuant : & auoient avec eux de cinq à six cens combattans, sçachans la venue de leurs aduersaires prindrent conseil ensemble pour sçauoir qu'ils auoient à faire sur ce,& s'ils les attendoient ou non: si fut la chose moult durement debattue d'aucuns, lesquels mettoient auant, qu'ils estoient mal pourueuz de viures & habillemens de guerre: pourquoy s'ils se laissoient enfermer, ils se bouteroient en tresgrand danger: les autres disoient qu'ils n'attendoient point le siege, mais conseilloyent qu'à leur venue on les combattit à leur auantage. Et finalement ils se conclurent tous à vne mesme volenté, & promeirent l'un à l'autre de les combattre. Et adoncques ordonnerent que les trois capitaines dessusdits seroient à cheual: c'est à sçauoir Pothon, la Hire & Regnault de Fontaines à tout soixante fusts de lance, tous les mieux montez & les plus experts : & les autres hommes d'armes, archiers & guifarmiers seroient de pied & aucuns en petit nombre des moindres demouroient dedans le fort pour le garder. Ordonnerent pareillement qu'à la venue de leurs ennemis, se mostreroient peu affin qu'ils n'aperceussent que leans y eust foison ne planté de gens. Lesquelles ordonnances furent par eux sagement entretenues: l'armerent & meirent leurs besongnes en point. Et lors apres que le dessusdit Comte d'Arrondel fut (comme dit est dessus) venu deuant eux à tout seize vingt combattans ou enuiron, & qu'il eut assis son guet contre la saillie de ses aduersaires, ses gens commencerent à faire leurs logis en attendant leurs gés qui venoient derriere.

DURANT ce temps le guet que les François auoient en leur chasteil, veit venir vne grand compaignie d'Anglois plus grande & plus epesse que la premiere venue, & encores plus loing suiuiot les autres gés avecques le charroy, si en aduertirent lesdits François: lesquels voyans qu'il estoit droit heure de besongner auant que leursdits aduersaires fussent assemblez, feirent saillir hors leurs gens de pied le plus coyement que faire se peut: desquels leurs aduersaires furent vigoureusement assaillis, quand ils les veirent deuant eux. Er furent iceux Anglois ainsi comme demy surprins, & en brief desconfits:& la plus grad partie mis à mort & tournez à grand meschief. Et adonc ceux de cheual (qui estoient saillis pour garder que iceluy Comte d'Arrondel ne secourust ses gens) veirent venir & approcher moult fort la seconde compaignie, dont dessus est faicte mention, qui desia estoient assez pres & ne se donnoiet garde de leurs ennemis, pource que leur chef estoit deuant: si furent par les dessusdits incontinent enuahiz & par force trespercez & derompus par plusieurs fois, parquoy ils ne se peurent rassembler: mais en y eut grand partie qui se prindrent à retourner & à fuir vers Gournay, & les autres si furent assez tost morts, prins & tournez à grand meschief. Et adonc la Hire à tout vne grand partie de ses gens chassa les fuians bien deux lieues: en laquelle chasse plusieurs des Anglois furent
morts

morts & prins. Et d'autre part les gens de pied auoient fort approché le Comte d'Arrondel, lequel à tout les gens s'estoit retiré au coing d'un clos, où il festoit logé: si estoit adossé de hayes, & par deuant fortifié de poinçons, parquoy iceux gens de pied ne pouoient bonnement entrer pour ladicte fortification. Si feirét apporter vne couleurine qu'ils auoient en leur fort, laquelle au secōd coup qu'ils la feirent ietter, ferit ledit Comte parmy la iambe vers la cheuille du pied, dont il fut durement blessé & à grand peine se pouoit soutenir. Et apres la Hite retourna de ladicte chasse, où il estoit allé, amenant avecques luy plusieurs prisonniers: mais quand il apperceut la compagnie du Comte d'Arrondel estre encores entiere, il l'assembla sa force & ses gens, & alla de rechef combattre les dessusdits Comte & ses gens qui en assez brief terme comme les autres furēt tournez à desconfiture, & furent tous morts & prins sans nul remede: entre lesquels furent prins des gens de Renom: premier ledit Comte d'Arrondel, messire Richard de Dondeuille, Mondo Domanferrant, Restandif & autres iusques à six vingts hommes ou mieux, qui tous furent prisonniers és mains des François: & en si eut de morts largement iusques à douze vingts, & le remanant se sauua par bien fuir là où ils peurent le mieux. Apres laquelle destrouffe & desconfiture les capitaines de France rassemblerent leurs gens, & trouuerent qu'ils n'auoient point perdu vingt hommes de leur compaignie. Si furent moult ioyeux de ceste victoire & noble aduenture, & en regracierent deuotement leur createur & puis s'en retournerēt en leur place. Et de là le Comte d'Arrondel fut mené à Beauuais, où il mourut de sa blessure, si fut enterré aux Cordeliers, & les autres prisonniers Anglois furent depuis deliurez par finance. Et par ainsi les François qui estoient à Rue, demourerent seurement & paisiblement quant à lors, & se commencerent de plus en plus à eux gamir & fortifier.

Comment le Duc de Bourgongne fut malcōtent & indigné sur ceux de la ville d'Anuers.

En ce temps Philippe Duc de Bourgongne estant en sa Duché de Brabant, feit assembler tresgrand nombre de gens d'armes du païs de Picardie & autres contrées de son obeïssance: lesquels il auoit en propos de bouter en la ville d'Anuers par certains moyens qu'il auoit en icelle: affin de punir aucuns des gouverneurs & habitās d'icelle ville, qui estoient en son indignation, pourtant que long temps parauāt ils auoient prins ou souffert prendre de force par leurs subiects vn grand nauire, qui estoit au Duc de Bourgongne garny de ses gens: lequel il auoit fait mettre à l'embouschure de l'entrée du haure, par où les marchans de plusieurs païs venoient par mer audit lieu d'Anuers: & là les gens dudit Duc estans dedans iceluy nauire, cueilloient sur les marchans passāns plusieurs tributs, qui grandement estoit au preiudice de ladicte ville comme ils disoient: & aussi contre le serment que leur auoient fait passé à long temps les Ducs de Brabant deffuncts à l'entrée de leurs seigneuries, & mesmement iceluy Duc de present. Parquoy, comme dit est dessus, sans faire sommation à leur Prince n'officiers, furent tous contens de ce prédre: c'est à sçauoir iceluy nauire & amener dedans leur ville & mettre prisonniers ceux de dedans. A l'occasion de laquelle besongne le Duc dessusdit de ce non cōtent, auoit fait l'assemblée dessus declairées pour entrer dedans icelle ville secrette-

ment, & les punir: mais entre-temps son intention fut sceüe & descouuerte par aucuns sçachans sa volenté: & furent ceux d'Anuers aduertis de ce qu'on leur vouloit faire, dont grandemēt furent esmerueillez. Et lors sans delay ils se meirent en armes en grand nombre pour eux deffendre faucunement on les vouloit assaillir, & de fait allerent à l'abbaye de S. Michel seant dedans leur ville, où se logeoit ledit Duc de Bourgogne quand il venoit en leurdictē ville. Et pour ce qu'ils auoient l'Abbē dudit lieu en suspection, chercherent par tous les lieux de leans hault & bas, pour sçauoir s'ils y trouueroient nuls de leurs aduersaires: & apres qu'ils veirent qu'il n'y auoit homme qui mal leur voulüst, rompirent les murs de ladiēte Abbaye en plusieurs lieux: affin que de la ville on peust garder & passer pour faire leurs deffences aux murs, qui estoient à l'encontre de ladiēte Abbaye: apres laquelle besongne se retrahirent de là & feirent grandes preparations pour eux bien garder. Si fut ledit Duc brief enſuiuant bien acertēné qu'ils sçauoient son entreprinſe. Et pource voyant qu'icelle ne pouoit mettre à execution, licencia ses gens d'armes, & feit deffendre sur peine capitale aux bonnes villes de Flandres, Brabant & autres ses pays enuiron, que nul ne portast ne menast viures ou autres biens quelſcōques en ladiēte ville d'Anuers, ne que on ne leur donnast conseil, confort ne ayde. Et adoncques ceux de celle ville sçachans icelle publication estre faicte contre eux, furent en grande tristesse & garderent leur ville diligemment, & demourerent vne bonne espace en ce danger. Puis se feirent traictez entre icelles parties parmy ce que ledit Duc en eut grand somme de deniers, & retournerent les gouuerneurs de ladiēte ville d'Anuers en sa grace.

Comment les Francois prindrent sur les Anglois la ville de S. Denys en France.

Durant le temps dessusdit prindrent les Francois la ville de S. Denys tant de force comme d'emblee. Et estoient en nombre douze cens combattāns ou enuiron: desquels estoient les principaux messire Iean Foulcault, messire Loys de Vaucourt, messire Regnault de S. Iean & aucuns autres capitaines: lesquels meirent à mort aucuns Anglois là estās: pour laquelle prinſe les Parisiens se commencerent fort à esbahir & à doubter, pource qu'iceux Francois couroient souuent deuant leur ville, parquoy viures n'y pouoient venir. Et affin qu'iceux viures en fin ne leur fussent ostez par la riuere de Seine en venant de Normandie, enuoyerent à Roūen par deuers le Duc de Bethfort: & pareillement à Loys de Luxembourg Euesque de Theroüenne & Chancellier de France par le Roy Henry, requerir qu'il leur voulüst enuoyer certain nombre de gens d'armes, pour les secourir & ayder à resister contre les Francois dessusdits: desquels par le pourchats & sollicitude dudit Chancellier leur fut enuoyé messire Iean Bastard de S. Pol, Loys son frere Valeran de Moreul, messire Ferry de Mailly, Robert de Neuf-Ville & aucuns autres gentils-hommes avec cinq cens combattāns des marches de Picardie: lesquels en prenant leur chemin par Roūen, allerent sauuément à Paris où ils furent ioyeusement receuz desdits Parisiens: & par l'ayde & conseil du seigneur de l'Isle-Adam Mareschal de France de par le Roy Henry & capitaine d'icelle ville de Paris, commencerent à faire forte guerre à iceux Francois de S. Denys. Toutesfoiſ
iceux

iceux François nonbstant la resistance des dessusdits, courtoient tressouuent à puissance deuant icelle ville de Paris. Auquel lieu durant ce temps furent faictes dures escarmouches par les parties entre Paris & S. Denys. Et aussi prindrent les François le fort d'Escotian aupres de Montmorency, que tenoient les Anglois: si ptindrent & occirent ceux de dedans, qui estoient environ trente Anglois sur tout. Et puis allerent deuers le chastel d'Oruille empres Louues appartenant à Anglois d'Aunay cheualier tenant le party du Roy Henry de l'Enclastre: lequel au bout de deux iours qu'ils y furent venuz, feit traicté avecques eux par condition, qu'il leur deliureroit ladicte forteresse, en cas qu'à vn iour qui fut prins ceux de son party ne seroient puissans audit lieu pour les combattre. Et entretemps que ce faisoit les seigneurs de Thalebot, d'Escalles & de Varuich & avec eux Georges de Richammes, le Bastard de Thian, messire François l'Arragonnois & aucuns autres iusques au nombre de trois mille combattans ou environ, se meirent ensemble & vindrent à Paris & en icelle marche eux ioindre avec le seigneur de l'Isle-Adam, & les autres dessusdits: lesquels tous ensemble allerent tenir la journée que ledit chastel se deuoit rendre ausdits François, lesquels n'y allerent ne enuoyerent. Et par ainsi icelle forteresse demoura paisible au seigneur dessusdit. Et de là en auant les Anglois tindrent les champs à puissance & meirent en leur obeissance en la marche de l'Isle de France aucunes forteresses que tenoient les François.

Comment les Francois apres qu'ils eurent fait vnes lettres de trefues aux Bourgongnons sur les marches de Beauuoisis, allerent courre le païs de Boulenois & autres.



En ce temps furent faictes vnes trefues de par les gens du Duc de Bourgongne sur les marches de Santhois, & de Montdidier avecques la Hire & les siens: par tel si qu'il feroit du tour abbatre & demolir le fort de Bretueil en Beauuoisis: & pour ce faire en eut grand somme de monnoye, qu'il print volentiers. Apres lesquelles trefues se partirent de la marche vers Beauuais le grand Blanchefort & le petit & Pothon le Bourgongnon, avecques eux six cens combattans ou environ, & s'en allerent en la ville de Rue: lesquels là venuz avecques eux iceux là pieça auoiét esté, s'en allerent tous ensemble courre le païs de Boulenois: & en passant tout coyemér sans faire effroy deuant Estaples, allerent iusques à Desnerue & de là à Saumer le Boys. Esquels lieux ne par tout le païs on ne se doubtoit en riens de leur venue: & y trouuerent les hommes & habitans, avecques leurs biens & maisons lesquels (ou au moins la plus grand partie) furent prins & liez par iceux François & emmenez prisonniers, & aussi emporterent la plus grand partie de leurs meilleurs meubles. Et mesmement rançonnerent à grand somme d'argent la ville & abbaye de Saumer. Et de là en retournant, s'espandirent en plusieurs & diuers lieux du païs, iceluy degastant par feu & par espée, sans auoir quelque empeschement & destourbier de leurs aduersaires & ennemis. Et apres qu'ils eurent ars & brulé plusieurs maisons en la ville de Francq: & fais innumerables maux & dommages audit païs de Boulenois, ils retournerent tous ensemble à tout grand nombre & quantité de prisonniers, & autres biens en ladicte ville d'Estaples, & là se reposerent & rafraichirent petite espace de temps. Et pourtant qu'o

les Bourgeois & habitans de la ville qui estoient retraits au chasteil, ne voulurent payer rançon de leurdicte ville à leur departemēt, embraserent les maisons d'icelle, & y feirent tresgrand dommage : car ce estoit vne ville bien peuplée & bien edifiée. Et de là s'en retournerent seurement iusques à ladicte ville de Rue, jaçoit ce que messire Ieā de Croÿ, le seigneur de Cresqui, le seigneur de Humieres & aucuns autres du pays, assemblerent bien trois cens combattans ou environ esperans iceux aucunement esbahir & assaillir. Mais ce fut pour nean : car les deslufdits François cheuaucherent en si bonne ordonnance, qu'ils n'y veirēt point leur aduantage sur eux : parquoy ils se retrahirent es lieux, dont ils estoient venus. En apres lesdits François retournez en la ville de Rue (comme dit est) ils partirent leur butin : & quand ils furent reposez & refreschis vn peu de iours, ils se remeirent sus & coururent le pays vers Dourlens & Hefdin. Si ardirent en plusieurs lieux & prindrent foison de bons prisonniers, & autres proyes & biens meubles portatifs. Et puis apres s'en retournerent par la Bouë, où ils assaillirent durement là forteresse : mais elle fut si bien deffendue par ceux que y auoit mis le Vidame d'Amiens à qui elle estoit, qu'ils eurent plusieurs de leurs gens blecez. Parquoy voyant qu'ils y perdroient leur temps, se retrahirent à tout leur pil lage à Rue. Et depuis par plusieurs fois feirent de telles courses sur les pays du Duc de Bourgogne, dont à l'vne d'icelles courses fut prins vn de leurs gens : c'est à sçauoir messire Iean de Bressay lieutenant du Marechal de Rieux : & le print Harpin de Richammes vers Monstreul. Et vne autrefois fut aussi prins le petit Blāchefort par l'vn des Bastards de Ranty. Ainsi dōc les Frāçois deslufdits doma gerēt moult le pays à l'environ de ladicte ville de Rue. Et mesmemēt ardirēt & embraserēt là ville de Cressi sur Anthieu, laquelle estoit du ppre demaine du Roy.

Comment les Cardinaux de sainte Croix & de Chipre vindrent à Arras, pour estre au grand parlement.



V mois de Iuillet vindrēt en la ville d'Arras deux Cardinaux enuoyez de par nostre saint Pere le Pape, & par le Concile de Basse avec eux plusieurs notables ambassadeurs de diuerses nations, pour estre au grand parlement qui se deuoit faire & tenir audit lieu d'Arras pour la paix de France : c'est à sçauoir de par nostre S. Pere le Pape le Cardinal de sainte Croix, l'Archediace de Mets & aucuns autres Docteurs en Theologie. Et de par le Concile le Cardinal de Chipre, & avec luy l'Euesque d'Ache, & vn docteur nommé maistre Nicolas ambassadeur du Roy de Poulaine. Et de par le Duc de Millan l'Euesque d'Albigue. Avec lesquels ambassadeurs vindrēt l'Euesque de Vzes & l'abbé de Vezelay, enuoyez par les deux parties, & plusieurs autres notables ambassadeurs de plusieurs seigneurs de loingtrains pays & marches. Et pouoiet tous ensemble estre iusques au nombre de huiet vingts cheuaucheurs ou environ. Ausquels fut faicte grande & honorable reception, tant de l'Euesque d'Arras, de son clergé & bourgeois de la ville, cōme des gens du Duc qui estoiet à ce commis. Et tous ensemble allerent au deuant d'eux aux champs avec grand compaignie de peuple : & les amenerent & conduirent en faisant ioye de ce iusques à leurs hostels : & là leur furent fais plusieurs beaux presens, dont ils se tindrent bien contens.

Comment

Comment Loïs de Luxembourg Comte de saint Pol, espousa Ieanne de Bar Comtesse de Marle & de Soissons.

LE dimenche xvj. iour de Iuillet Loïs de Luxembourg Comte de S. Pol, de Conuerfan, de Brayne & seigneur d'Anghien espousa Ieanne de Bar, qui estoit seule fille de messire Robert de Bar, Côtessie de Marle & de Soissons Dame d'Vneberque, de Varneston & de moult d'autres grandes & notables seigneuries, belle niepce de messire Iean de Luxembourg Comte de Leigny, oncle dudit Comte de S. Pol. Et furent les nopces faictes dedans le chastel de Bohain. Auquel lieu furent environ cent cheualiers & escuyers de la famille & amitié des deux parties, sans y auoir nuls Princes des fleurs de lys, dont icelle Comtesse estoit issue moult prochaine. A laquelle feste furent la Comtesse de S. Pol douägiere, mere d'iceluy Comte Loïs & plusieurs de ses enfans. Le dessusdit Comte de Leigny côme il fut commune renommée, soubstint les fraiz & despens d'icelle feste. Si y fut on seruy tres abondamment: & avec ce y fut faicte tres ioyeuse chere de tous ceux là estans, en boires, mangiers, dances, ioustes, & autres esbatemens.

Comment les Francois furent ruez ius vers Rethers du Bastard de Humieres.

EN ces propres iours les gens du Roy Charles, tenans la frontiere vers Reims, s'assemblerent avec quatre cens combattans, pour aller courre deuant Rethers, & autres lieux tenans le party de Bourgongne: & de fait acueillerent grand nôbre de payfans, vaches cheuaux, & autre bestial: à tout lesquels s'en cuiderent retourner sauüement en leurs garnisons: si estoit leur chief Yuon du puy. Et entre-temps qu'ils faisoient leurs courses, en vindrent les nouvelles au Bastard de Humieres capitaine de Herquery: si assembla gens d'armes, à tout lesquels il poursuiuit vigoureusement iceux François. Et en conclusion les assaillit parti bon arroy, qu'il les tourna à desconfiture: & en y eut environ que morts que prins quarante, & les autres se sauuerent par fuite avec leur capitaine chacun où ils peurent le mieux. Et de la partie dudit Bastard y furent morts environ dix hommes.

Comment les ambassadeurs du Roy d'Angleterre vindrent à Arras, pour estre au grand parlement avec le Duc de Bourgongne.

EN ce temps vindrent en la ville d'Arras les ambassadeurs du Roy Henry d'Angleterre, pour estre au grand parlement avec le conseil du Duc de Bourgongne. Si pouoient estre environ deux cens cheualiers: desquels estoient les principaux l'Archeuesque d'Yorth, le Comte de Suffort, l'Euesque de S. David, messire Iean Rodeclif garde du seel priué d'iceluy Roy, le seigneur de Hongrefort, maistre Raoul le saige, l'official de Cantorbie & aucuns autres docteurs en Theologie. Si se logerent dedans ladicte cité lez Arras. Si furent ioyeusement receuz & administrez de ce q̄ besoing leur estoit par les gens du Duc de Bourgongne. Et pareillement vindrent en ces iours plusieurs notables ambassadeurs de diuerses natiôs pour les trois parties: entre lesquels y vindrent pour iceluy Duc de Bourgogne le Duc de Guelldres, le

Comte de Nassau, l'Euefque de Cambray, le Comte de Vernambourg, l'Euefque de Liege, le Comte de Vaudemont, le Comte de Neuers, le Comte de Salines, le Duc de Bar, & generallyment la plus grand partie de tous les nobles du païs dudit Duc, y furent en noble appareil & en grand estat: & depuis y vindrent les Comtes de S. Pol & de Ligney à belle compagnie. En apres le xxviij. iour de Iuillet vint audit lieu d'Arras le Duc de Bourgongne, lequel auoit couché en sa ville de Lens en Arthois. Et allerent au deuant de luy bien vne lieüe loing: generallyment tous les seigneurs qui par auant estoient là venus pour les dessusdictes ambassades, tant de France comme d'Angleterre & autres païs. Et mesmement y allerent les gens des Cardinaux dessus nommez: lesquels venans deuers iceluy Duc, furent de luy moult honnorablement receuz chacun à son tour. Si entra le dessusdit Duc en la ville d'Arras en moult belle ordonnance. Et auoit deuant luy archiers pour la garde de son corps, tous vestus d'une parure, & mesme sorte & habit. A l'entrée duquel fut faicte moult grand ioye de son peuple, en criant haultement Noël de quarrefourg à autre pour sa venue. Et en cest estat alla faire la reuerence au Cardinal de S. Croix, & puis au Cardinal de Cypre, & de là alla loger à son hostel à la Court-le-Comte.

Comment les ambassadeurs de France vindrent en grand nombre en la ville d'Arras, pour estre au Parlement dessusdit.

LE dimenche ensuiuant dernier iour du mois de Iuillet, vindrent audit lieu d'Arras l'ambassade du Roy Charles de France: lesquels ambassadeurs estans venus de Reims, par Laon à S. Quentin en Vermendois. Auquel lieu leur auoit esté faicte ioyeuse reception par les gouuerneurs & habitans d'icelle ville. Et là auoit esté enuoyé de par le Duc de Bourgongne le Comte d'Estampes, accompagné de plusieurs cheualiers & escuyers, pour iceux conduire iusques audit lieu d'Arras. De laquelle ville de S. Quentin par aucuns briefs iours, cheuaucherent tous ensemble à Cambray: & de là assez pres du bois de Mouf-laine, qui est à demie lieüe pres de la ville d'Arras. Entre lesquels estoient de par le dessusdit Roy Charles, le Duc de Bourbon, le Comte de Richemont Connestable de France. Lesquels auoient espousé deux des sœurs au Duc de Bourgongne, le Comte de Vendosme, l'Archeuefque & Duc de Reims Chancelier de France, messire Christofle de Harcourt, messire Theolde de Valleperge, le seigneur de la Faicte Mareschal de France, le seigneur de saint Pierre, le seigneur du Chastel, messire Jaques du Bois, messire Ieā de Chastillon bastard de Dampierre, messire Paillard du Flé, le seigneur de Raillieq, le seigneur de Rommet, le seigneur de Courselles, maistre Adam de Cambray premier President, le Doyen de Paris nommé maistre Iean Tudart, le Tresorier d'Anjou, le Borgne Blesset, maistre Ieā Charretier, le seigneur de Cletel, le seigneur de la Mothe, maistre Adam le Queux, maistre Ieā de Taifé & plusieurs autres notables hommes tant nobles comme autres, accompagnez en tout de quatre à cinq cens cheuaucheurs, à compter ceux qui estoient allez deuant pour prendre les logis. A l'encontre desquels issit le dessusdit Duc de Bourgongne accompagné du Duc de Gueldres & de tous les autres Princes, qui par auant estoient venus & aussi des gentils-hommes cheualiers & escuyers

euyers de son hostel & de ses païs, reserué les Anglois qui n'y furent pas. Si rencontra les dessusdits à vn quart de lieüe pres de ladicte ville d'Arras. Et là à l'assemblée d'iceux nobles Princes fut monstré moult grand signe d'amour & d'amitié les vns aux autres. Et par especial le Duc de Bourgogne au Duc de Bourbon & au Comte de Richemot Connestable de France dessusdit ses beaux freres: & eux à luy en monstrant signe d'estre tresioyeux: & par grād humilité embrasserent l'un Prince l'autre. Et d'autre part les autres des plus notables de toutes les deux parties faisant tresgrand reuerence les vns aux autres, en monstrant semblant de toutes ioieusetez. Et apres tout ce par belle ordonnance cheuaucherent tout le petit pas iusques à la ville d'Arras. Et là cheuaucherent de front l'un de costé l'autre les trois Ducs: c'est à sçauoir de Bourgogne, de Bourbon & de Gueldres. Et deuant eux auoient six trompettes & clerons, sonnans tresmelodieusement & grand nombre de Roy d'Armes, heraulx & poursuuans vestus des armes des Princes là estans. Auecques lesquels estoit comme chief, Montioye Roy d'Armes du Roy Charles de France. Et vn petit deuant cheuaucherent les Connestable dessusdit, Comtes de Vendosme & d'Estampes, le Damoisel de Cleues & aucuns autres grans & notables seigneurs, & derriere les trois Ducs dessus nommez estoient la plus grand partie de leurs cheualiers. Si allerent tenant ceste ordonnance deuant la maison de la ville au petit marché: Et y auoit par toutes les rues & sur les maisons tresgrand multitude de gēs, qui criaient souuent Noël à haute voix. Et là se departit le Duc de Bourgogne & ceux qu'il auoit amenez avec luy, pour retourner à son logis & hostel. Si le vouloient conuoyer ses deux beaux freres, mais il les feit retourner & sen allerent vers les Cardinaulx. Et de là allerent à leurs logis où leur furent faicts plusieurs grans & tres notables presens, tant par les gens de l'Eglise comme par les gens seculiers. En apres le tiers iour ensuiuant vint la Duchesse de Bourgogne audit lieu d'Arras. A l'encontre de laquelle allerent pour luy honnorer les ambassadeurs du Roy de France, & ceux du Roy d'Angleterre. Et generallemēt avec ce tous les nobles, barons & seigneurs là estās en icelle ville, & les gens des Cardinaulx, si estoit en moult riche & noble estat: Et la portoit on dedans vne belle litiere vestue & aornée moult precieusement de riches draps & ioyaux. Et derriere elle cheuachoient sur hacquenées, six de ses dames & damoiselles moult richement & noblement habillées d'une parure, leurs robes & chapperons chargés & couuerts d'orfauerie. Et apres suiuiōient trois chars de parēment où estoient la Comtesse de Namur & aucunes autres moult nobles dames & damoiselles de la dessusdicte Duchesse: vestue aussi de pareilles & semblables robes & chapperons qu'estoient celles qui estoient sur lesdictes hacquenées. Si estoient aupres de ladicte litiere les Ducs de Bourbon, de Gueldres, le Connestable de France, le Comte de Vendosme. Et generallement toute la seigneurie & gentillesse de ces deux parties cheuachièrent deuant & derrier: car les Anglois prindrent congé d'elle aux champs, & se retrahirent & retournerent en la cité lez la dessusdicte ville d'Arras, où ils estoient logez. Et la dessusdicte Duchesse accompagnée, comme dit est, alla faire reuerence aux Cardinaulx. Et de là sen retourna en l'hostel du dessusdit Duc de Bourgogne son mary: lequel Duc la receut moult ioieusement & honnorablement, & feit aux deux Ducs

dessusdits & aux autres nobles seigneurs là estans tresioyeuse chere en son hostel. Et d'autre part venoient en ces mesmes iours au dessusdit lieu d'Arras aucuns ambassadeurs de plusieurs & diuerses places & côtrées, tant pour les Princes, Eglises, vniuersitez comme pour bonnes ville. Et entre les autres y vindrent de par la ville de Paris l'Abbé du mont de sainte Katherine de Roüen, maistre Guillaume Breton, maistre Jean le Monstardier, maistre Thomas de Courcelles, maistre Robert Poitenin & plusieurs autres notables gens. Aussi y vindrent les ambassadeurs des Roys de Cecille d'Espagne, de Nauarre, de Poulaine, & d'Asie & Rommanie. Et pareillement y vindrent les communes des bonnes villes de Hollande, & de Zelande, de Flandres, de Brabant, de Hainault, de Namur, de Bourgongne & d'autres plusieurs parties qui trop longue seroient à escrire : lesquels assez pres chacun selon son estat furent logez assez suffisamment par les fourriers dudit de Bourgongne, & autres à ce cômde de par luy. Et avecques ce furent durant la conuention seruis abondamment de tous viures, tels que pour lors pouoit recouurer, laquelle dura environ trois mois en payant leurs deniers. Et si ne fut quelque nouvelle durant icelle qu'il y eut grand effroy en ladicte ville d'Arras, tant par feu de meschief comme par debats mouuans entre les parties. Et y auoit certains commis de par la ville à visiter de iour & de nuict les besongnes necessaires à garder que nulles extortions ne se fissent. En apres fut ordonné de par le dessusdit Duc de Bourgongne, qu'il y auroit environ cent gentils-hommes & deux cens archiers pour la seurte de sa personne armez & embastonnez avecques aucuns seigneurs de son hostel, tels comme le seigneur de Croÿ, messire Jean de Horne le Cheualier, le seigneur de Creuecueur, le seigneur de Chargny, Jean de Brimeu & aucuns autres : lesquels fussent prests l'aucun besoing aduenist à resister avecques aucuns des gentils-hommes. Et cinquante archiers qui estoient commis pour la seurte de la personne dudit Duc.

Comment messire Jean de Mer cheualier d'Espagne, & le seigneur de Chargny furent armez l'un contre l'autre.

LE lundy vnziesme iour d'Aoust de cest an furêt faictes armes en icelle ville d'Arras, en la presence du Duc de Bourgongne iuge en ceste partie : avecques lequel estoit dedans son eschaffault sur le grand maiché les Ducs de Bourbon & de Gueldres, le Comte de Richemont Connestable, le Côte de Vendosme, d'Estampes & plusieurs autres grans seigneurs. Si furent lesdictes armes entreprinſes de messire Jean de Merle cheualier Banneret tresrenommé natif du Royaume d'Espagne, appellé sans querelle diffamatoire, pour acquerir honneur contre Pierre de Bauffremont cheualier seigneur de Chargny aussi Banneret & natif de Bourgongne portât l'ordre dudit Duc : & estoit tant seullement pour rompre trois lances l'un sur l'autre. Et apres ceste requeste accordée par ledit seigneur de Chargny : lequel seigneur de Chargny auoit requis audit cheualier d'Espagne à combattre à pied de haches, d'espees & de dagues si longuement que l'un des deux perdist ses bastons, ou meir mains aux genoulx ou à terre sauf en toute la voulenté du iuge : lesquelles requestes des deux cheualiers dessusdits long temps par auant estoiet accordées

accordées l'un à l'autre, comme dit est. Et pourtant à ce mesme iedy entre neuf & dix heures du matin, vint ledit cheualier Espagnol au champ accompagné de quatre cheualiers que le Duc de Bourgogne luy auoit baillez pour luy honorer: c'est à sçauoir le seigneur de l'Or gouuerneur de Rethelois, le seigneur de Ligney, le seigneur de Saucuses & le seigneur de Sainzelles avec quatre ou cinq de ses gés: desquels l'un portoit au bout d'une lance une petite bannière armoyée de ses armes. Et les cheualiers dessusdits portoient ses lances. Et ainsi sans faire grans bonibans, alla faire la reuerence audit Duc de Bourgogne. Et puis se retrahit de ces lices par où il estoit entré au fenestre costé dudit Duc de Bourgogne. Et assez longue espace de temps attendit son aduersaire, lequel vint grandement accompagné des Comtes d'Estampes, de S. Pol & de Ligney, avec eux le Comte de Suffort Anglois qui portoient les lances. Et derriere luy estoient quatre coursiers moult richement couuers de ses deuises: Et les paiges chargez d'orfauerie, & avec eux estoient grand partie de cheualiers & escuyers de l'hostel du Duc de Bourgogne. Et ainsi comme auoit fait ledit cheualier Espagnol, alla faire la reuerence au dessusdit Duc de Bourgogne, & puis il se retrahit à son costé au droit lez. Finablement apres ce qu'ils furent tous deux prests coururent plusieurs coups de fer de lance l'un contre l'autre sans eux atteindre. Et adonques ledit Espagnol monta sur un coursier que luy presta le Duc de Bourbon, pource que le sien fuyoit la lance. Et assez brief apres rompirent leurs lances l'un sur l'autre trespuissamment. Et depuis continuerent tant que les trois coups de lances qu'ils auoient entrepris à faire, fussent feruz sans ce que nuls des deux fussent blesez: routesfois l'armet dudit Espagnol fut un petit cassé. Si se partirent par la licence dudit Duc de Bourgogne, & s'en retournerent en leurs hostels chacun par où il estoit entré accompagné comme dit est. Et auoit iceluy cheualier Espagnol sur son harnois une hucque de drap vermeil, laquelle auoit une croix blanche telle ou pareille que portoient les François. De laquelle aucuns seigneurs de la partie de Bourgogne n'estoient point bien contents, pource qu'il leur sembloir qu'il se monstroir partial d'icelle partie des François: mais depuis quand il en fut aduertý s'en excusa, disant que pour la confederation qu'auoient de long temps l'un avec l'autre les Royaumes de France & d'Espagne, ils ne pouoient porter en iceluy autre enseigne que celle du Roy de France. Le lendemain ensuiuant qui fut le vendredy entre huit & neuf heures du matin, vint le Duc de Bourgogne en son eschaffault grandement accompagné de sa cheualerie. Avec lequel Duc entretent dedans les Princes qui le iour de deuant y auoient esté. Et brief ensuiuant vint le seigneur de Chagny, appellant accompagné des seigneurs qui le iour de deuant auoient seruy: lesquels portoient les bastons, dequoy ils deuoient combattre & iouster. Et seoit sur un cheual couuert de ses armes & derriere luy estoient les quatre pages dessusdits sur quatre coursiers houssez de sa deuise avec la plus grand partie des cheualiers & escuyers de l'hostel dudit Duc de Bourgogne, & aucuns autres nobles hommes: à tout lesquels il entra dedans les lices, si s'en alla descendre droit à son pavillon. Et tantost s'en alla tout à pied faire la reuerence au dessusdit Duc de Bourgogne, & puis se retrahit en sa chaire où il fut bien l'espace d'une heure auant que son aduettaire & ennemy veinst. Lequel vint accompa-

gné comme il auoit esté le iour de deuant tout depuis son hostel iusques à l'entrée des lices. Et portioient les cheualiers & escuyers que ledit Duc luy auoit baillez ses bastons, dequoy il deuoit batailler & combattre. Et derriere luy estoient ses gens, dont l'un d'eux portoit la petite banniere au bout d'une lance ferrée. Et quand il fut venu aux lices, il alla faire la reuerence au Duc de Bourgogne desusdit, & de là se retrahit en son pavillon. Et jajoit ce que par les desusdits cheualiers & escuyers qui l'accompaignoient fut par plusieurs fois admonnésté, en luy donnant conseil à leur pouoir: Toutesfois oncques ne leur voulut descourir son secret n'vsr de leur conseil, ains leur disoit qu'ils ne fussent point en soing de luy, & qu'au plaisir de Dieu il feroit son deuoir. Et apres le Roy d'Armes nommé Toison d'Or cria en trois lieux sur les lices, que tout homme qui n'estoit commis à la garde d'icelle voidast sans delay: & que nul ne baillast empeschemens aux champions sur l'ahart, & de par le Duc de Bourgogne. Si estoient dedans huit gentils-hommes armez pour prendre & leuer les deux champions desusdits, quand ils en auroient le commandement. Apres lequel cry issit hors de son pavillon ledit seigneur de Chargny à tout ses quatre bastons, & tenoit la hache par le meillieu de la dextre main le fer vers son aduersaire, & ainsi marcha un petit auant. Et adonques issit l'Espagnol embastonné, comme dit est, & auoit sur son bacinet iecté un couurechief qui couuroit sa visiere, laquelle estoit comme demie leuée. Et quand il fut issu & sailly hors de son pavillon, un de ses gens osta ledit couurechief. Si commencerent vigoureusement & de grand courage à marcher l'un contre l'autre leurs lances palmoyant. Et tousiours auoit ledit Espagnol, & eut durant ceste besongne la visiere leuée. Et lors à l'approcher ledit seigneur de Chargny iecta premier sa lance & n'en attendoit point son homme: mais iceluy Espagnol l'approcha en luy iectant la sienne, si le ferit & blessa vers le costé, duquel coup il fut nauré & percé au bras tant que la lance se tint dedans son bracelet: mais ledit seigneur de Chargny la secout tantost sur le sablon: Et lors les deux champions approcherent de grand courage l'un pres de l'autre. Si commencerent à batailler & à combattre de leurs lances gentement. Si auoit iceluy seigneur de Chargny grand desplaissance de ce, que son ennemy & aduersaire ne fermoit point sa visiere. Durant lequel temps le Duc de Bourgogne ordonna qu'on les seit cesser, & commanda à ceux qui gardoient le champ qu'ils les prissent: laquelle chose ils firent & furent amenez deuant ledit Duc de Bourgogne. Si estoient tous deux moult troublez au semblant qu'ils monstroient de ce qu'on leur auoit si tost prins sus. Et par especial l'Espagnol venant deuant ledit Duc repeta par deux fois qu'il n'estoit pas content pour si peu de chose faire, attendu qu'à grand despens & à grand trauail de son corps il est venu de moult loingtain pays par mer & par terre pour acquerir honneur & reuerence. A quoy luy fut respondu, que bien & moult honnorablement auoit fait son deuoir, & accomply ses armes. Apres lesquelles parolles furent remenez & conduits à leurs logis & hostels, & issirent des lices chacun par son costé aussi tost l'un comme l'autre. Toutesfois ledit cheualier d'Espagne fut la noté de plusieurs nobles là estans, d'auoir entreptins une grand hardiesse & habilité de combattre par ceste maniere la visiere leuée, pource que pareil cas n'auoit point esté veu. Et apres ceste besongne

le dimenche & autres iouts ensuiuans, iceluy Duc de Bourgongne feit grand honneur & reuerence en son hostel au dessuidit cheualier d'Espaigne, & luy donna de grans dons pour payer plainement ses despens. Et briefs iours ensuiuans print congé dudit Duc & des siens, & se partit d'Arras pour l'en retourner en son pays.

Comment les François & Bourgongnons estans en la ville d'Arras estoient cordialemēt ensemble l'un avecques l'autre.



Le lundy qui fut le iour nostre Dame de la my-Aoust les Ducs de Bourgongne, de Bourbon & de Gueldre, les Comtes d'Estampes, de Richemont & de Vendosme, de S. Pol & de Ligney, de Meurs & de Nassau avecques la plus grand partie des cheualiers & escuyers des deux parties, allerent tous à cheual en grand concorde à l'hostel d'iceluy Duc de Bourgogne ouïr la messe nostre Dame en la cité, vestuz & aornez de moult riches vestemens: dont le pauvre peuple là estant en grand multitude auoient grand liesse esperans brief auoir consolation de paix, que tant & si longuement auoient attendu. Apres laquelle messe retournerent en l'hostel dudit Duc de Bourgongne, & là disnerent la plus grand partie: Si y furent moult richement seruir de plusieurs & diuers mets. Pour lesquels conuis & assemblées ainsi faites par icelles parties, les ambassadeurs d'Angleterre n'estoient point bien contents: pource que desia le Duc de Bourgongne & ceux de son party auoient grand communication avecques iceux François leurs aduersaires & ennemis. Et auoient suspicion & doubte qu'entre icelles parties de France & de Bourgongne, ne se machinast aucun traicté qui fut aucunement à leur preiudice.

Comment le Cardinal de Vincestre vint à Arras pour estre à la conuention, qui là estoit assemblée.



Le dixneufiesme iour d'Aoust ensuiuant vint le Cardinal de Vincestre en la ville d'Arras pour estre au Parlement là estant: & estoient en sa compagnie le Comte de Hontidon & autres notables cheualiers & escuyers d'Angleterre, iusques au nombre de trois cēs cheuaucheurs. A l'encointre duquel allerēt les Ducs de Bourgongne & de Gueldres, les Comtes de saint Pol, de Ligney, de Meurs & la plus grād partie des nobles avecques ledit Duc de Bourgongne. Si fut fait par le Cardinal & Duc dessusdit grand honneur & reception l'un à l'autre, & pareillement des autres seigneurs. Si retournerent tous ensemble avec iceluy Cardinal iusques aupres de la porte d'Arras, où ils prindrent congé l'un à l'autre. Si s'en alia le dessusdit Cardinal loger en l'hostel del'Euesque & ses gens. Si venoient chacun iour ambassadeurs enuoyez de diuerses nations. Et auoit ordonné le lieu ou la conuention se deuoit tenir entre les parties en l'abbaye de S. Vast d'Arras, où il y auoit en la dicte abbaye, salles, chambres, & de notables edifices moult propices pour toutes les parties: Si assemblerent au lieu dessusdit les trois parties en la presence des deux Cardinaulx premiers venus. Lesquels & par especial le Cardinal de S. Croix, & remonstrenterent moult auctentiquement à icelles trois parties les grans maulx & inconueniens qui estoient aduenuz par toute Chrestienté à l'occasion

des guerres, qu'ils auoient si longuement maintenues, eux admōnestant moult doucement & sagement, que pour l'amour de Dieu principalement ils voulsissent entendre au bien de paix entant qu'ils estoient ensemble: & qu'un chacun d'eux feist requestes si courtoises & si raisonnables qu'ils se peussent accorder les vns avecques les autres. Apres lesquelles remonstrances l'assemblerent au lieu de ladicte conuention par plusieurs iournées. Et furent par lesdictes parties mis auant plusieurs traictez, lesquels estoient moult contraires & difficiles les vns aux autres. Entre lesquels requirēt ceux de la partie du Roy Charles, que le Roy Henry d'Angleterre se voulsist deporter & desister de luy nommer Roy de France, moyennant que par certaines conditions luy seroient accordées les seigneuries de Guienne, & Normandie: laquelle chose les Anglois ne voulurent point accorder.

Comment durant le temps du parlement d'Arras, la Hire & Pothon vindrent courir & fourrager le pais du Duc de Bourgogne.



Tem le vingtecinquième iour du mois d'Aoust le Parlement estant à Arras, comme dit est, la Hire & Pothon de sainte Tŕeille à tout six cens combattans, dont il y auoit bien six vingts lances ou enuiron qu'iceux auoient assemblées des frontieres vers Beauuais, cheuaucherent toute la nuict iusques à la riuierie de Somme: laquelle ils passerent à Cappy, & de là se retirent & s'en allerent vers Dourlens & Beauquesne pour fourrager le pays. Si se partirent & s'en allerent en plusieurs lieux & assemblerent grand nombre de payſans, cheuaux, vaches, brebis & plusieurs autres besongnes, à tout lesquelles se commencerent à retraire vers le passage de l'eauie par où ils estoient venus. Durant lequel temps les nouuelles furēt portées à Arras deuers le Duc de Bourgogne par le seigneur de Saueuses. Lequel Duc de Bourgogne en fut grandement troublé, voyant que par telles manieres tenir les besongnes qu'on traictoit au dit lieu d'Arras, se pourroient attarder. Et afin d'y pourueoir feist sans delay monter à cheual ledit Comte d'Estampes, de saint Pol, de Ligney avecques la plus grand partie de chevaliers & escuyers qui là estoient, & ceux de son hostel pour combattre & rebouter iceux François: avecques lesquels allerent aucuns seigneurs d'Angleterre à tout trois cens combattans ou enuiron. Et pouoient estre en tout de douze à seize cens, mais la plus grand partie estoient sans harnois. Si cheuaucherent hastiuement tous ensemble iusques vers Mailly & à Theu. Et auoient par auant enuoyé ledit seigneur de Saueuses & plusieurs autres couteurs pour enquerre nouuelles de leurs aduersaires & ennemis. Lesquels couteurs sceurēt pour vray qu'ils retonneroient à tout grans proyes vers le passage de l'eauie, si le feirēt ſçauoir aux seigneurs dessusdits. Lesquels se hasterent pour les attendre, & feirent si bonne diligence qu'ils les trouuerēt à la ville de Corbie à vne ville nommée Bonnay sur l'eauie de Helly. Et lors les dessusdits François d'icelle poursuite aduettiz, ordonnerent aucuns de leurs gens d'armes à garder le passage de ladicte riuierie. Si s'en allerent mettre en bataille sur vne haute monraigne entre Corbie & Helly. Et entre-temps messire Jean de Croÿ fut enuoyé deuant avecques luy certain nombre de gens d'armes pour gaigner ledit passage, lequel fut assez briefue-

ment

ment prins & conquis. Et y en eut de morts de dix à douze d'iceux François & les autres se retrahirent avecques leurs gens sur ladicte montaigne. Et adoucs ceux de la partie de Bourgongne & les Anglois passerent l'eau & se meirent en bataille au dessoubz de la montaigne dessusdicte contre leurs aduersaires & ennemis, & y furent bien demie heure. Toutesfois ils n'eurent point conseil de les aller combattre, car ils estoient trop petitement atournez de harnois. Et d'autre part ledit Duc de Bourbon & le Comte de Richemont Connestable qui estoient audit lieu d'Arras, auoient enuoyé aucuns de leurs gens deuers les dessusdits François pour les faire retraire & rendre ce qu'ils auoient prins. Finalement apres ce que les deux parties eurent esté grande espace en baraille l'un contre l'autre, ils s'en retournerent chacun dont ils estoient venuz. Et rendirent lesdits François grand partie des prisonniers, qu'ils auoient prins par le moyen & pourchas de ceux que les ambassadeurs dessusdits auoient enuoyez, & aussi le bestail qu'ils auoient accueilliz, mais ce fut bien enuiz. Si perdirent de leurs gens enuiron vingt hommes tant morts comme de prins.

Comment les Roys d'Arragon & de Nauarre furent prins & desconfits deuant Gayeete par l'armée du Duc de Millan.

LE sixiesme iour d'Aoust de cest an furent prins deuant Gayeete au Royaume de Napples le Roy d'Arragon & de Nauarre, le grãd maistre de saint Iaques leur frere, le Duc de Sesse & son fils, le Comte de Fondes, le Prince de Tarenre, le fils messire Christofle Garganeymé renomnié de l'Aigle, le Vice-roy de Cecille & bien quatre cens chevaliers & escuyers, qui auoient avecques eux bien quatre mille souldoyers qui tous furent desconfits: Et tenoient le siege deuant la dessusdicte ville de Gayeete par mer & par terre, pour icelle conquerre à la desplaisance de Philippe Maria Duc de Milan. Pourtant iceluy Duc feit preparer son armée en la ville de Gennes, pour secourir & mener viures à ladicte ville de Gayeete. Si fut principal conducteur d'icelle armée audit Duc de Milan l'Amiral de la cité de Gennes, lequel ayant intention d'entrer en icelle ville ainsi assiegée par mer, si s'approcha d'icelle tant que les assiegeans allerent pour le combattre & subiuguer: toutesfois nonobstant que l'Amiral dessusdit ne fut point en si grand nombre comme les Napolitains & les Arragonnois ses ennemis estoient, la fortune fut pour luy: & desconfit pour ce iour tous ceux qui estoient audit lieu, tenans le siege par mer & par terre: mais nonobstant que les dessusdits Roys d'Arragon & de Nauarre avecques les autres seigneurs dessus nommez eussent esté prins deuãt le port de Gayeete, comme dit est dessus, si furent ils menez prisonniers à Gennes, qui lors se tenoit en l'obeissance du Duc de Millan: mais brief ensuiuant par certains moyens & promesses qu'il feit aux Genneuois, luy furent iceux seigneurs deliurez & mis en sa main, moyennant qu'il promeist de non les deliurer sinon du seu & consentement desdits Genneuois: laquelle promesse il n'entretint point, car tantost apres qu'ils furent amenez deuant luy, & qu'il les eut grãdement festoyez & conioys en sa ville de Millan, il les met à plaine deliurance sans payer finance ne retenir d'eux aucune chose ne promesse, & mesmement leur dona de grãs & precieux dons: dont quãd ce fut venu à la cognoissance des Genneuois ils

en furēt trefmal cōtens & non sans cause: car ils estoient leurs ennemis capitaux, pourquoy ils se departirēt du tour de l'alliāce & obeissance dudit Duc de Millā.

Comment le Cardinal de Vincestre à toute l'Ambassade de Anglois se departit de la ville d'Arras: & comment autres ambassadeurs de plusieurs lieux vindrēt en ladite ville.



Le vij. iour de Septembre le Cardinal de Vincestre se partit de la conuētion d'Arras, & avec luy toute l'ambassade de la partie d'Angleterre, sans ce qu'ils eussent aucune concorde avec les François. Nonobstant qu'ils eussent par plusieurs iours esté ensemble, & qu'à icelles iournées plusieurs traittez eussent esté mis auāt, cōme dit est, qui point n'auoient esté mis à effect: jaçoit- ce que le Duc de Bourgongne & ceux de son cōseil eussent faittes plusieurs diligences, pour appaiser icelles deux parties de France & d'Angleterre. Neantmoins iceux Anglois s'en retournerent à Calais, & de là en Angleterre, & se doubtoient biē de ce qui aduint assez tost ensuiuant: c'est à sçauoir que le Roy Charles & le Duc de Bourgongne ne se cōcordassent l'un avec l'autre: car ils apperceurēt biē des deuāt leur departemēt qu'icelles deux parties auoient l'un avec l'autre grand amour & repairoient ensemble, cōme le deslors eussent esté en cordiale vnion dōt ils n'estoient point bien contents. Itē encorres vindrēt audit Parlemēt d'Arras plusieurs ambassadeurs de plusieurs Royaumes & nations tāt ecclesiastiques cōme seculiers. C'est à sçauoir de par les Roys de Nauarre & de Dache, d'Espaigne, de Chippre, de Portugal, le Connestable Duc de Poulaine, de par le Duc de Millan, de par le Roy de Cecille, de par le Roy de Norueghe, de par le Duc de Bretagne. Si y vindrēt aussi l'Archeuesque d'Aulx, l'Euesque d'Albigue, l'Euesque d'Vzes, l'Euesque d'Auxerre, l'Euesque d'Albanie, l'Euesque de Viscēne, l'Abbē de Vezelay, l'Archediacre de Mets en Lorrāine procureur du S. Concile de Basle, l'Archediacre de Poulaine & moult d'autres gens de grand auctorité.

Comment la paix fut faicte & confermée entre le Roy Charles de France, & le Duc de Bourgongne en la ville d'Arras.



Tem apres que les ambassadeurs du Roy Henry d'Angleterre se furent partis de la ville d'Arras, comme dessus est dit: & qu'ils furēt retournez en Angleterre sans prendre conclusion de paix avec les François, les deux autres parties qui estoient demourées au dessuldit lieu d'Arras: c'est à sçauoir de France & de Bourgongne, s'assemblerēt l'un avec l'autre au parlement au lieu accoustumē par aucun peu de iours. Et là eurent ensemble grand deliberation & aduis sur plusieurs besongnes. Et aussi par l'exhortation des deux Cardinaux de S. Croix & de Chippre, de plusieurs Prelats & autres notables gens de conseil là estans de chacune partie, conclurent à faire paix finale entre le Roy Charles d'une part & Philippe Duc de Bourgongne d'autre: de laquelle la teneur s'ensuit.

PHILIPPE par la grace de Dieu Duc de Bourgongne, d'Autriche, de Brabant & de Lambourg, Comte de Flandres, d'Arthois & de Bourgongne, Palatin de Hainault, de Hollande, de Zelande & de Namur, Marquis du S. Empire, Seigneur de Frize, de Saline & de Malines. Sçauoir faisons à tous presens & aduenir, que comme pour paruenir à paix generale en ce Royaume ayent esté te-

nues plusieurs conuentions & assemblées. Et mesmeiment en nostre ville & cité d'Auxerre, en la ville de Corbeil. Et dernièrement ayt esté accordée de tenir en ceste nostre vilie d'Arras certaine journée & conuention, sur le fait de ladicte paix generale. A laquelle mon tresredoubté seigneur le Roy Charles ayt enuoyez, & y sont venus noz treschiers & tresaymez freres & cousins Duc de Bourbon & d'Auuergne, le Comte de Richemont Connestable de France, le Comte de Vandosme grâd maistre d'hostel, & tresreuerend pere en Dieu l'Archeuesque & Duc de Reims grand Chancelier de France, Christofle de Harcourt, Gillebert seigneur de la Fayeète Marechal de France, maistre Adam de Cambray premier President en Parlemēt, maistre Jean Tudart Doyen de Paris Conseillier & maistre des Requestes de l'hostel du Roy, Guillaume Charretier, Estienne Moreau, aussi les conseilliers, Jean Chastignier, & Robert Marliere, secretares de mondit seigneur le Roy & tous les ambassadeurs. Et de la part mô treschier seigneur & cousin le Roy d'Angleterre, y sont venus tresreuerend pere en Dieu le Cardinal de Vincestre, l'Archeuesque d'Iorth, noz aymez cousins les Comtes de Hontidon & de Suffort. Noz reuerends peres en Dieu les Eueques de Norrowich, de S. David & de Lisieux, & plusieurs autres gens d'Eglise & ambassadeurs de mon treschier frere & cousin le Roy d'Angleterre. Et aussi y sommes venus & comparus en nostre personne accompagnez de plusieurs de nostre sang & autres noz feaux & subiects en grand nôbre. A laquelle iournée & conuention de par nostre saint Pere, ayt esté enuoyé tresreuerend pere en Dieu nostre treschier & especial amy le Cardinal de sainte Croix à tout bô & suffisant pouoir de nostre saint Pere: & de par le saint Cécile de Basle semblablement ayent esté enuoyez & soient venus tresreuerend pere en Dieu nostre treschier & tresaymé cousin le Cardinal de Chippre, tresreuerends peres en Dieu les Eueques de Veronne, d'Albique, Nicolas Preuost, & Calconie Huche Archeidiacre de Mets en Lorraine, ambassadeurs d'iceluy Concile, & ayans pouoir suffisant sur ce dudit Concile: par deuant lesquels Cardinaulx, Legats & ambassadeurs de nostre S. Pere & du S. Cécile sont venus & comparus lesdits ambassadeurs de Frâce d'une part, & ceux d'Angleterre d'autre: & nous aussi en nostre personne toutes les fois qu'il a esté besoings: & par iceux ambassadeurs ayēt esté faictes plusieurs ouuertures, & oblations d'un costé & d'autre. Et combien que finalement de la part de monseigneur le Roy, par lesdits ambassadeurs ayent esté faictes aux gens & ambassadeurs d'Angleterre grandes & notables offres, à fin de paruenir à ladicte paix generale: lesquels comme il semble ausdits Cardinaulx autres Legats. & ambassadeurs de nostredit S. Pere & du Concile, estre iustes & raisonnables: & ne les pouoient ou deuoient raisonnablemēt reffuser lesdits ambassadeurs d'Angleterre. Et que lesdits Cardinaulx de S. Croix, de Chippre & autres ambassadeurs du S. Concile eussent prié & requis à iceux ambassadeurs d'Angleterre, de les accepter en leur disant & remonstrant qu'autrement, & ou cas qu'ils ne voudroient entendre à l'effect de ladicte paix generale, ils auoient charge & comandement de nostre S. Pere le Pape & du Concile de nous exhorter, requierir & sommer d'entendre avec mondit seigneur le Roy à paix particuliere, & reunion avec luy en tant que toucher nous pouoit. Toutesfois lesdits ambassadeurs d'Angleterre n'ont voulu accepter lesdictes offres à eux fai-

Es:mais se sont departiz de nostre ville d'Arras sans aucune cōclusion, & sans vouloir prendre n'accepter iour certain ne competent de retourner. Pourquoy apres leur parlement par lesdits Cardinaulx, Legats & ambassadeurs de nostre dit S. Pere & du Concile ayons esté exhortez, requis & sommez de vouloir entendre par effect à ladicte paix particuliere & reunion avec mondit seigneur le Roy: moyenant que par le cas de la mort de feu nostre treschier seigneur & pere que Dieu pardoint, & pour nostre interest en ceste partie: nous seroient par modir seigneur le Roy, & par ses ambassadeurs dessus nommez à ce souffisamment fondez pour luy, & en son nom faiçtes offres taifonnables affin de satisfaction, recōpensation & autrement qu'en deverions estre contens: lesquelles offres faiçtes par lesdits ambassadeurs de mondit seigneur le Roy, ayent esté baillees par escrit en vn rolle de papier ausdits Cardinaulx & ambassadeurs de nostre dit sainct Pere & du Cōcile, & par eux à nous presenté: duquel rolle la teneur s'ensuit.

Ce sont les offres que nous Charles Duc de Bourbon & d'Auvergne, Artus Comte de Richemont Conneftable de France, Loys de Bourbon Côte de Vendosme, Regnault de Chaitres Archeuesque & Duc de Reims grād Chancellier de France, Guillebert seigneur de la Fayeçte mareschal de France, Adam de Câbray president en Parlement, Jean Tudart Doyen de Paris cōseillier & maistre des Requestes de l'hostel du Roy, Guillaume Charretier, & Estienne Moreau cōseilliers, Jean Chastignier & Robert Maliere sectetaire, & tous ambassadeurs de Charles Roy de France nostre souverain seigneur estans presentement en la ville d'Arras: faisons pour & ou nom dudit Roy à môseigneur le Duc de Bourgongne & de Brabant pour son interest & querelle qu'il a & peult auoir à l'encontre du Roy, tant à la cause de la mort de feu monseigneur le Duc Jean de Bourgongne son pere comme autrement, affin de paruenir à traitté de paix & concorde. Premierement que le Roy dira, ou par ses gēs notables suffisamment fondez feta dire à mondit seigneur le Duc de Bourgongne, que la mort de feu monseigneur le Duc Jean son pere (que Dieu absolve) fut iniquemēt & mauuaisemēt faiçte par ceux, qui perpetrerent ledit cas & par mauuais conseil, & luy en a tousiours despleu & à present desplait de tout son cuer. Et que sil eut scēu ledit cas & eut tel aage & entendement qu'il a de present, il y eut obuï à son pouoir: mais il y estoit bien ieune & auoit pour lots petite cognoissance, & ne fut point si aduisé que d'y pourueoir. Et priera à mondit seigneur de Bourgongne, que toute haine & rancune qu'il peut auoir à l'encontre de luy à cause de ce, il oste de son cuer & qu'entte eux ayt bonne paix & amour. Et se fera de ce expresse mention és lettres qui seront faiçtes de l'accord & traitté d'eux. Item que tous ceux qui perpetrent ledit mauuais cas ou furent consentans, le Roy les abandonneta & fera toutes les diligences à luy possibles de les faire prendre & apprehender quelque part qu'ils pourroient estre trouuez, pout estre puniz en corps & en biens. Et si apprehender ne peuuent estre, il les bannira à tousiours & sans rappel hors du Royaume & du Dauphiné, avecques confiscation de tous leurs biens, & seront hors de tous traittez. Item ne souffrira le Roy aucuns d'eux estre receuz ou favorizez en aucun lieu de son obeissance & puissance. Et sera ctier & publier par tous les

les lieux des Royaumes & Daulphiné accoustumez à faire cris & proclamations, qu'aucun ne les recoiue ou fauorise sur peines de confiscations de corps & de biens. Item & que mondit seigneur de Bourgongne le plus tost qu'il pourra bonnement apres ledit accord passé, nommera ceux dont il est ou sera lors informé qui perpetrerent ledit mauuais cas ou en furent consentans, affin qu'incontinent & diligemment soit procedé contre eux de la part du Roy, comme dit est. Et en outre pource que mondit seigneur le Duc de Bourgongne n'a encorres peu auoir cognoissance vraye de ceux qui perpetrerent ledit mauuais cas ou en furent consentans, toutes les fois que cy apres en sera informé deuëment d'aucuns autres, il les pourra nommer & signifier par ses lettres patentes ou autrement suffisamment au Roy. Lequel en ce cas sera tenu de faire proceder tantost & diligemment à l'encontre d'eux par la maniere dessusdicté. Item que pour l'ame de feu monseigneur le Duc lean de Bourgongne, de feu messire Archambault de Foix Comte de Noailles qui fut mort avecques luy & de tous les autres trespassez, à cause des diuisions & guerres de ce Royaume, seront faictes les fondations & edifices qui ensuiuent. C'est à sçauoir en l'Eglise de Monstreau en laquelle fut premiere-ment enterré le corps de mondit feu seigneur le Duc lean, sera fondée vne chappelle & chappellainie d'une messe basse de requiem chacun iour perpetuellement: laquelle sera rentée & douée conuenablement de rentes admorties iusques à soixante liures parisis par chacun an: & aussi garnie de calice & d'ornemens d'Eglise bien & suffisamment & tout aux despens du Roy. Et laquelle chappelle sera à la collation de môdit seigneur de Bourgongne & de ses successeurs Ducs de Bourgongne à tousiours. Item qu'en ladicte ville de Monstreau ou au plus pres d'icelle que faire se pourra bonnement: sera fait, construit & institué par ledit Roy & à ses fraits & despens vne Eglise, conuent & monastere de Chartreux: c'est à sçauoir pour vn prieur & douze religieux avecques les cloistres, salles & reffectouers, grange & autres edifices qui luy seront necessaires & conuenables. Et lesquels Chartreux, c'est à sçauoir le prieur & douze religieux seront fondez par le Roy & de bonnes rentes & reuenues annuelles & perpetuelles, & bien admorties suffisamment & conuenablement, tant pour le viure desdits religieux & entretenement du diuin seruice, comme pour les soustenemens des edifices dudit monastere: & autrement iusques à la somme de huiët cens liures parisis par an de reueneue, à l'ordonnance & par l'aduis de trefreuerend pere en Dieu monseigneur le Cardinal de sainte Croix, ou de celuy ou ceux qu'il voudra à ce commettre. Item que le Pont de Monstreau au lieu où fut fait ledit mauuais cas, sera faicte & edificée & bien entaillée & entretenue à tousiours aux despens du Roy vne belle croix de belle façon. Et ainsi qu'il sera diuisé par ledit monseigneur de sainte Croix ou ses commis. Item qu'en l'Eglise des Chartreux lez Dijon en laquelle gist & repose à present le corps dudit feu monseigneur le Duc lean: sera fondée par le Roy & à ses despens vne haute messe de requiem, qui se dira chacun iour perpetuellement au grand autel de ladicte Eglise, à telle heure qui sera deuisée. Et laquelle fondation sera donnée & assignée de bonnes rentes admorties iusques à la somme de cent liures pari-

lis de reuenue par an, & aussi garnie de calices & aornemens comme dessus.

Item que ledictes fondations & edifices seront commencées à faire le plus tost que bonnement faire se pourra. En especial commencera on à dire & celebrer ledictes Messes, incontinent apres ledit accord passé. Et au regard des edifices qui se doiuent en ladicte ville de Monstreau ou au plus pres d'icelle faire, on y commencera à ouurer dedans trois mois apres que ladicte ville sera reduite en l'obeissance du Roy. Et continuera on diligemment sans intercupation, que iceux edifices seront tous parfaits & acheuez dedans cinq ans apres ensuiuans. Et quant aux dessusdictes fondations on y besongnera sans delay le plus tost que faire se pourra. Et pour ces causes tantost apres ledit accord passé, sera faicte & assignée la haulte Messe aux Chartreux de Dijon, dont dessus est faicte mention, avec ce qui en despend. C'est à sçauoir de liures, calices & autres choses à ce necessaires. Et aussi y sera dicte & celebrée aux despens du Roy la basse Messe quotidienne, qui doit estre fondée en l'Eglise de Monstreau si tost qu'elle sera reduite en l'obeissance du Roy : & au surplus touchant les edifices & fondations, qui se doiuent faire en la ville de Monstreau. Et aupres d'icelle de la part du Roy sera mise dedans lesdits trois iours apres qu'icelle ville sera reduite en l'obeissance du Roy és mains d'iceluy ou ceux que y voudra commettre monseigneur le Cardinal de sainte Croix, certaine somme d'argent souffisant pour commencer à faire ledictes ourrages & edifices : & achepter les calices, liures, aornemens & autres choses à ce necessaires & conuenables. Et d'autre part serot lors aussi aduisées, assises & deliurées les rentes dessus declairées montans pour ledit lieu de Monstreau huit cens soixante liures parisifs par an bien reuenans seurement amorties, & assises au plus pres que bonnement faire se pourra dudit lieu de Monstreau : sans y comprendre les cent liures parisifs de réte qui doiuent estre assises pour la fondation de ladicte haulte Messe des Chartreux de Dijon. Item que pour & en recompensation des ioyaux & autres biens meubles que auoit feu mondit seigneur le Duc Iean au temps de son decez, qui furent prins & perdus, & pour en auoir & achepter des autres. Et en lieu d'iceux le Roy payera & fera reaulment payer & de fait à mondit seigneur le Duc de Bourgongne, la somme de cinquante mille escus d'or vieux de poix de soixante quatre au marc de Troyes huit onces pour le marc, & à vingt & quatre karas d'aloy ou autre monnoye d'or coursable de la valeur aux termes qui s'ensuiuent. C'est à sçauoir quinze mille au terme de Pasques prochain venant en vn an, qui commencera l'an mille quatre cens trentesept. Et quinze mille aux Pasques ensuiuans qui sera l'an mille quatre cens trente huit. Et les vingt mille qui resteront aux Pasques ensuiuans, qui sera l'an mille quatre cens trente neuf. Et avecques ce sera sauué & reserué à mondit seigneur de Bourgogne son action & poursuite au regard du beau collier de feu mondit seigneur son pere; contre ceux qui l'ont eu & l'ont pour l'auoir & recouurer : & pareillement autres ioyaux à son prouffit en outre & par dessus lesdits cinquante mille escus.

Item & que de la part du Roy à mondit seigneur de Bourgongne pour partie de son interest, seront delaisées & avecques ce baillées & transportées de nouuel pour luy & ses hoirs procrez de son corps, & les hoirs de ses hoirs & descendants tousiours de droicte ligne soient masses ou femelles les terres & seigneu-

ries qui s'ensuiuent. C'est à sçauoir la cité & Comté de Mascon & S. Iangon, & les mettes d'iceux: & auecques ce ensemble toutes les villes, villages, terres, cens, rentes & reuenues quelconques qui sont & appartiennent & doiuent competer & appartenir en domaine au Roy & à la Couronne de France, & par tous les villages royaux de Mascon & de saint Iangon & mettes d'iceux, auecques toutes les appartenances d'icelle Comté de Mascon & autres seigneuries, que tient & doit tenir le Roy en domaine ancien, en & par tout lesdits villages de Mascon & de saint Iangon tant en fief, artierefief, confiscations, patronnages d'Eglises, collations de benefices comme en autres droits & prouffits quelconques, sans y riens retenir de la part du Roy de ce que touche & peult toucher le domaine, la seigneurie, la iurisdiction ordinaire des Comtez & lieux dessusdits. Et est sauué & reserué au Roy semblablement les fiefs & hommages des choses dessusdictes: & le ressort & souueraineté des Eglises & subiects d'icelles de fondations royaux, estans ausdits bailliages & és mettes enclauées en iceux & le droir de Regalle, là où il a lieu & autres droits royaux appartenans d'ancienneté à la couronne de France & bailliages dessusdits: pour à ladicte Comté de Mascon ensemble des villes, villages, terres & domaines dessusdictes iouir & vser par mondit seigneur de Bourgongne & sesdits hoirs & successeurs à tousiours & les tenir en foy & hommage du Roy & de la couronne de France, & en païrie sous le ressort du Roy & de la court de Parlement sans moyen, Pareillement & en telles franchises, droits & prerogatiues comme les autres Pairs de France. Ité auecques ce de la part du Roy seront transportées & baillées à mondit seigneur de Bourgongne, & celui de sesdits hoirs & successeurs legitimez procrez de son corps: ausquels il delaissera apres son decez & trespas ladicte Comté de Mascon, tous les prouffits & emolumens quelconques qui escherront esdits villages royaux de Mascon & saint Iangon, à cause des droits royaux & de souueraineté appartenans au Roy & en iceux bailliages, soient par le moyen de la garde & souueraineté des Eglises, qui sont de fondation royalle & des subiects d'icelles droits de royalle ou autrement, tant en confiscations pour quelque cas que be soit amendes, droits, exploits, iustices & les prouffits & emolumens de la monnoye comme autres prouffits quelconques; pour en iouir par mondit seigneur de Bourgongne & sondit hoir durant leurs vies & deuisiue d'eux tant seulement en & par la maniere qui s'ensuit. C'est à sçauoir qu'à la nomination de mondit seigneur le Duc de Bourgongne & de sondit hoir apres luy, le Roy commettra & ordonnera celui qui sera Baillif de Mascon pour mondit seigneur de Bourgongne, iuge royal & commis de par luy & cognoistre de tous cas royaux & autres choses procedans des bailliages des pays & lieux & enclaués dessusdictes: aussi auant & tout en la maniere & forme, que l'ont fait & accoustumé de faire les Baillifs royaux de Mascon & de saint Iangon qui ont esté le temps passé: lequel bailliage de saint Iangon est & sera aboly par ce moyen: & semblablement seront commis de par le Roy à la nomination de par mondit seigneur de Bourgongne & de sondit hoir, tous autres officiers necessaires pour ladicte iurisdiction & droits royaux tant capitaines, chasteillains, preuosts, seigneurs comme receueurs & autres qui exerceront leurs offices ou nom du Roy au prouffit de mondit seigneur de Bourgongne & de son

hoir apres luy, comme dit est dessus. Item semblablement de la part du Roy seront transportées & baillées à mondit seigneur & à son hoir dessusdit apres luy, tous les prouffits des aydes. C'est à sçauoir des greniers à sel, quatriesmes de vins venduz à destail, impositions de toutes denrées, tailles, fouages, aydes & subuentions quelscôques, qui ont ou auront cours, & qui sont ou seront imposées és élections de Mascon, Chalon, Austun & Langres si auant qu'icelles élections s'estendent en & par le païs & Duché de Bourgongne, & la Comté de Charrolois, & ladiète Comté de Mascon, tout le païs de Masconnois & és villes & terres quelconques enclauées en icelle Duché, Comté & païs pour iouir de la part de mondit seigneur le Duc de Bourgongne & de son hoir apres luy de toutes lesdites aydes, tailles & autres subuentions en auoir le prouffit durant le cours de leurs vies & du suruiuant d'eux. Auquel mondit seigneur le Duc de Bourgongne & à sondit hoir appartiendra la nomination de tous les officiers à ce necessaires, soient elleuz, clerics, receueurs, sergens ou autres & au Roy la commission & institution comme dessus est dit. Item & aussi sera par le Roy à mondit seigneur le Duc de Bourgogne transporté & baillé à tousiours pour luy ses hoirs legitimes procréés de son corps, & les hoirs de ses hoirs soiét mâles ou femelles descendans de droiète ligne en heritage perpetuelle, la cité & Comte d'Auxerre avecques toutes les appartenances, & appendances quelconques tant en iustice, domaine, fiefs, patronnages d'Eglises, collations de benefices comme autrement à les tenir du Roy de la couronne de France, & de sa court de Parlement, sans moyen & en telles franchises & droits de prerogatiues comme les autres Pairs de France. Item & avecques ce seront transportées & baillées par le Roy à mondit seigneur de Bourgongne & à iceluy de ses hoirs, à qui il delaissera apres son decez ladiète Comté d'Auxerre tous les prouffits & emolomens quelconques, qui eschertront en ladiète Comté & cité d'Auxerre, & en toutes les villes & terres enclauées en icelles, qui ne sont point en ladiète Comté: soient Eglises ou autres à cause de droits royaux en quelque maniere que ce soit tant en regalles, confiscations, amendes & exploits de iustice le prouffit & emolument de la monnoye, comme autrement durant leurs vies & du suruiuant d'eux tant seulement en & par la maniere dessus declarée. C'est à sçauoir qu'à la nomination de mondit seigneur de Bourgogne & de son hoir apres luy, le Roy commettra & ordonnera celuy qui sera Baillif d'Auxerre pour mondit seigneur de Bourgongne iuge royal & commis de par luy à cognoistre tous cas royaux & autres choses és mettes de la Comté d'Auxerre & és enclauémés d'icelle, aussi auant & tout en la forme & maniere que l'ont fait & accoustumé faire par cy deuant les Baillifs de Sens audit lieu d'Auxerre. Et lequel Baillif de Sens ne s'entremettra aucunement durant les vies de mondit seigneur le Duc de Bourgongne & de son hoir. Mais on en laissera conuenir ledit Baillif d'Auxerre, qui sera commis de par le Roy à la nomination de mondit seigneur de Bourgongne & de sondit hoir. Et semblablement seront commis par le Roy à la nomination de mondit seigneur de Bourgongne & de sondit hoir, tous autres officiers necessaires pour l'exercice de ladiète iurisdiction & droits royaux en ladiète Comté d'Auxerre tous Chastellains, capitaines, preuosts & autres: comme sergens & receueurs, qui exerceront leur office au nom du Roy au prouffit de mondit

mondit seigneur de Bourgogne & de son hoir apres luy. Item d'autre patt de la part du Roy, seront transportées & baillées à mondit seigneur de Bourgogne & à sondit hoir apres luy tous les prouffits des aydes. C'est à sçauoir de grenier à sel, quatriesmes de vins vendus en destail, impositions de toutes denrées: tailles, fouages, & autres aydes & subuentions quelsconques, qui ont ou auront cours & qui sont & seront en ladicte cité, Comté & election d'Auxerre si auant qu'icelle election s'estend en la dessusdicte Comté, & au pays d'Auxerrois & és villes enclauées en iceux, pour en iouir par mondit seigneur de Bourgogne & sondit hoir apres luy: & en auoir les prouffits le cours de leurs vies durans, & du suruiuant d'eux tant seulement. Ausquels mondit seigneur le Duc de Bourgogne & à sondit hoir, luy appartiendra la nomination de tous les officiers à ce necessaires, soient elleuz, clerks, sergens ou autres, & au Roy la commission & institution comme dessus est dit. Item & aussi seront par le Roy baillées & transportées à mondit seigneur le Duc de Bourgogne pour luy & ses hoirs legitimes, procréez de son corps & ses hoirs de ses hoirs: soient masles & femelles descendans en directeligne à tousiours & en heritaige à perpetuité, les chastel, ville & chastellenie de Bar sur Seine, ensemble toutes les appartenances & appendences d'icelle chastellenie tant en domaine, iustice, iurisdiction, fiefs, patronnages d'Eglise, tollaions de benefices comme autres prouffits & emolumens quelsconques à les tenir en foy & en hommage du Roy & en pairrie de France, soubz le ressort de la souueraineté du Roy & de la court de Parlement sans moyen. Item & avec ce appartiendra à mondit seigneur le Duc de Bourgogne, & de la partie du Roy luy seront baillées & trāsportées par luy & ceux de ses hoirs à qui il delaissera apres son decez ladicte seigneurie de Bar, tous les prouffits des aydes tant du grenier au sel si grenier ya accoustumé auoir, & quatriesmes des vins vendus à destail, impositions de toutes denrées, tailles, fouages & autres aydes & subuentions quelsconques, qui ont & auront cours ou sont & seront imposées en la ville & chastellenie de Bar sur Seine, & és villes & villages subiects & ressortissans à icelle chastellenie, pour iouir de la part de mondit seigneur le Duc de Bourgogne & de sondit hoir apres luy d'icelles tailles & subuentions: & auoir les prouffits de la main des grenetiers & receueurs royaux, qui seront à ce commis par le Roy à la nomination de mondit seigneur le Duc de Bourgogne, durant les vies de luy & de sondit hoir apres luy & les suruiuans d'eux deux. Item & aussi de la partie du Roy sera transporté & baillé à mondit seigneur de Bourgogne pour luy & ses hoirs, la Comté de Bourgogne pour tousiours en heritaige perpetuel: la garde de l'Eglise & Abbaye de Luxeuil, ensemble tous les droits, prouffits & emolumens quelsconques appartenans à la dessusdicte garde: laquelle comme Comte à cause de sa Comté de Champaigne dit & maintient à luy appartenir: combien que les Comtes de Bourgogne predecesseurs à mondit seigneur, ayent par cy deuant pretendu en querelle au contraire: disans & maintenans icelle Abbaye qui est hors du Royaume & mettes de la Côté de Bourgogne, deuoit estre de leur garde. Et pour ce pour le bien, vtilité & prouffit du pays & pour obuier à tous debats & noises, sera delaisié par le Roy à mondit seigneur de Bourgogne, & luy en demourra ladicte garde tout entierement. Item aussi seront par le Roy transportées à

mondit seigneur de Bourgongne pour luy & ses hoirs masles legitimez, procreéz de son corps, & les hoirs de ses hoirs masles tant seulement procreéz de leurs corps, & descendans d'eux en ligne directe à tousiours & heritaige perpetuelles chasteaux, villes & chastellenies & preuostez foraines de Peronne, Montdidier & Roye: avecques toutes leurs appartenances & appendences quelsconques tant en demaine, iustice & iurisdiccions, fiefs & arrierefiefs, patronnages d'Eglises, collations de benefices, comme autres droits prouffits & emolumens quelsconques à les tenir du Roy & de la couronne de France en foy & en hommage, & en pairrie de France soubz le ressort & souueraineté de la court de Parlement sans moyen. Ité & avecques ce baillera & transportera le Roy à mondit seigneur le Duc de Bourgongne, & à celuy de ses hoirs desdits masles: auquel il delaissera apres son decez lesdites villes & chastellenies de Peronne, Montdidier & Roye, tous les prouffits & emolumens quelsconques qui elcher rôt en icelles villes, chastellenies & preuostez foraines à cause des droits royaux en quelque maniere que ce soit: tant en regalles, confiscations, amendes, exploits de iustice, comme autrement: pour en iouir par mondit seigneur le Duc de Bourgongne & son dit hoir apres leurs vies & du suruiuant d'eux tant seulement, & par la maniere dessus declairée. C'est à sçauoir qu'à la nomination de mondit seigneur de Bourgogne & de son hoir masle, apres luy le Roy commettra & ordonnera celuy qui sera gouuerneur & Baillif desdites villes & chastellenies, pour mondit seigneur le Duc de Bourgongne iuge royal & commis de par luy à cognoistre de tous cas & autres choses procedans desdites villes, chastellenies & Preuostez foraines & és villes subiectes & ressortissans à icelles aussi auant, & par la maniere que l'ont fait & accoustumé de faire par cy deuant les Baillifs royaux de Vermendois & d'Amiens: Et en outre seront commis, le mestier est, par le Roy à la nomination de mondit seigneur de Bourgongne & de son dit hoir masle, tous autres officiers necessaires pour l'exercice de ladicte iurisdiction & droits royaux: comme chastellains, capitaines, preuosts, sergens, receueurs & autres qui exerceront leurs offices ou nom du Roy & au prouffit de mondit seigneur le Duc de Bourgongne, & de son dit hoir masle apres luy comme dit est dessus. Item & semblablement par le Roy seront transportées & baillées à mondit seigneur le Duc de Bourgongne & son dit hoir masle apres luy, tous les prouffits des aydes: c'est à sçauoir du grenier à sel, quatriesmes de vins vendus en detail, impositions de toutes denrées, tailles, fouages & autres aydes & subuentions quelsconques, qui ont ou auront cours: & qui sont ou seront composées esdites villes, chastellenies & preuostez foraines de Peronne, Montdidier & Roye: & és villages & terres subiectes & ressortissans à icelles villes, chastellenies & preuostez foraines, pour en iouir par mondit seigneur de Bourgongne & son dit hoir masle durant le cours de leurs vies & du suruiuant d'eux. Auquel mondit seigneur de Bourgongne & son dit hoir masle apres luy appartiendra la nomination de tous les officiers à ce necessaires: soient esleuz, clerics, receueurs, sergens ou autres: & au Roy leur commission & institution comme dessus. Item en outre de la part du Roy sera delaisié à mondit seigneur le Duc de Bourgongne à celuy de ses heritiers: auquel apres son decez il laissera là Comté d'Arthois, la compensation des aydes en ladicte Comté d'Ar-

thois ressors & enclauemens d'icelle, montans à present icelles compositions à quatorze mille francs par an ou environ sans ce que mondit seigneur le Duc ou sondit hoir apres luy dutât leurs vies soient abstraincts d'en auoir autre don n'oëtroï du Roy, ne de ses succeffeurs. Et nommeront mondit seigneur & sondit hoir apres luy tels officiers que bon leur semblera, pour le fair de ladicte composition tant elleuz, receueurs, sergens que autres : lesquels ainsi nommez le Roy sera tenu d'instituer & commettre lesdits officiers & leur en faire bailler les lettres. Item que le Roy baillera & transportera à mondit seigneur le Duc de Bourgongne pour luy ses hoirs & ayans cause à tousiours : toutes les citez, villes, forteresses, terres & seigneuries appartenans à la couronne de France dessus la riuere de somme de l'un costé & de l'autre comme S. Quentin, Corbie, Amiens, Abbeuille & autres ensemble toute la Comté de Ponthieu deçà & de là la dessusdicte riuere de Somme, Dourlens, sainct Riquier, Creuecueur, Arleux, Mortaigne avecques les appartenances & appendances quelsconques. Et toutes autres terres qui peuuent appartenir à ladicte couronne de France depuis ladicte riuere de Somme inclusiuement : comprenant aussi au regard des villes entrans du costé d'Arthois, de Flandres & de Hainault tant du Royaume comme de l'Empire. En y comprenant aussi au regard des villes seans sur ladicte riuere de Somme du costé de France, les banlieux & eschaumaiges d'icelles villes, pour en iouïr par mondit seigneur le Duc de Bourgongne seldits hoirs & ayans cause à tousiours, desdictes citez, villes & forteresses, terres & seigneuries en tous prouffits & reuenues tant en domaines comme des aydes ordonnées par la guerre & aussi tailles & emolumens quelsconques. Et sans y retenir de la part du Roy fors les foy & hommages de souueraineté. Et lequel transport & bail se fera (comme dit est) par le Roy au rachapt de la somme de quatre cens mille escus d'or vieux de soixante quatre au marc de Troyes, huit onces pour le marc, & d'aloy à vingt quatre karas, & un quart de karat de remede ou autre monnoye d'or courant : à la valeur duquel rachapt de mondit seigneur le Duc de Bourgongne seront baillées lettres bonnes & suffisantes, pour lesquelles il promettra pour luy & les siens, que toutes & quantes fois qu'il plaira au Roy & aux siens faire ledit rachapt : mondit seigneur de Bourgongne & les siens seront tenus en receuant ladicte somme d'or, de rendre & laisser au Roy & aux siens toutes lesdictes citez villes forteresses, & seigneuries comprinses en ce present traité tant seulement. Et sera content en outre mondit seigneur le Duc de Bourgongne de recevoir le payement des quatre cens mille escuz d'or à deux fois. C'est à sçauoir à chacune fois la moitié : pourueu qu'il ne sera tenu rendre lesdictes villes, citez, forteresses, terres & seigneuries n'aucunes d'icelles, iusques à ce que ledit payement soit accomply & qu'il ayt receu le dernier des quatre cens mille escuz d'or. Et ce pendant seront à mondit seigneur le Duc de Bourgongne les fraiz siens de toutes lesdictes citez, villes forteresses & seigneuries tant des domaines comme des aydes & autrement sans en riens deduire ne rabattre du principal. Et est à entendre que audit transport & bail que fera le Roy (comme dit est) ne seront point comprins les citez de Tournay, Tournesis & S. Amand : mais demourront és mains du Roy reserué Mortaigne, qui est comprinsse & demeure és mains & gouvernement de mondit seigneur le Duc de Bourgongne.

gne ainsi que dessus est dit. Et combien que ladicte cité de Tournay ne doive point estre baillée à mondit seigneur le Duc de Bourgogne: ce nonobstant est reserué à mondit seigneur de Bourgogne l'argent à luy accordé par ceux de Tournay, par certain traité & accord qu'il a avecques eux durant iusques à certain temps & années aduenir. Et lequel argent lesdits de Tournay payeront plainement à mondit seigneur le Duc de Bourgogne. Item & pource que mondit seigneur le Duc de Bourgogne pretend à auoir droit en la Comté de Boulongne sur la mer, laquelle il tient & possède. Et pour bien de paix icelle Comté de Boulongne sera & demourra à mondit seigneur de Bourgogne, & en iouira & possedera en tous prouffits & emolumens quelsconques, pour luy ses enfans & hoirs masles procréés de son corps seulement. Et en apres demourra icelle Comté à eux qui droit y ont ou auront. Et sera tenu le Roy de appaiser & contenter lesdictes parties pretendans auoir droit en icelles Comté: tellemēt qu'en ce pendant ils ne demandent ne quierent riens ne fassent aucune poursuite à l'encontre de mondit seigneur de Bourgogne & sesdits enfans. Item que les chastel ville Comté & seigneurie de Gien sur Loyre, qu'on dit auoir esté donnée & transportée avec la Comté d'Estampes & la seigneurie de Dourdan par feu monseigneur le Duc de Berry, & feu môseigneur le Duc Jean pere de mondit seigneur de Bourgogne: seront de la part du Roy mises & baillées reauement & de fait es mains de nous Duc de Bourbonnois & d'Auuergne. Et tantost apres ledit accord passé pour tenir & gouuerner l'espace d'un an ensuiuant, & iusques à ce que durant ledit an Jean de Bourgogne Comte d'Estampes ou mondit seigneur pour luy, auront monsté ou fait monstier au Roy ou à son conseil les lettres dudit don fait à mondit seigneur de Bourgogne par feu môdit seigneur de Berry: lesquelles veuës si elles sont trouuées suffisans & vallaables, sommairement & de plain & sans quelconque procez nous Duc de Bourbonnois & d'Auuergne, serons tenus de les bailler & deliurer audit Comte d'Estampes ou à mondit seigneur de Bourgogne: pour luy lesdits ville & chastel de Gien sur Loyre comme à luy appartenans par le moyen & transport que luy à fait mondit seigneur de Bourgogne: sans ce que la part du Roy l'on puisse ne doive alleguer au contraire aucune prescription ou laps depuis le decez de feu mondit seigneur de Berry. Et aussi nonobstant quelsconques conditions ou oppositions d'autres qui voudront prendre droit en ladicte Comté de Gien: ausquels si aucuns en ya sera reserué leur droit pour le poursiure par droit de iustice quand bon leur semblera contre ledit Comte d'Estampes. Item que par le Roy sera restitué & payé à mondit seigneur le Comte d'Estampes & mondit seigneur le Comte de Neuers son frere, la somme de trente deux mille deux cēs escuz d'or, que feu le Roy Charles dernièrement trespassé feist, comme on dit, prendre en l'Eglise de Roüen, où icelle somme estoit en deppost: cōme deniers de mariage appartenās à feüe Madame Bonne d'Arthois mere desdits seigneurs, ou cas qu'on en fera directement apparoir que telle somme soit & ayt esté alloüée ou compte & au prouffit dudit Roy Charles: à payer icelle somme de xxxij. mille deux cens escuz à tels termes comme raisonnables, qui seront aduisez apres le payement fait & accomply à mondit seigneur de cinquante mille escuz dont dessus est faicte mention. Et au regard des debtes que mondit seigneur le Duc

de

de Bourgongne dit & maintient à luy estre tenues & deües, par feu ledit Roy Charles, tant à cause des dons, pensions comme autrement montant à moult grand somme de deniers, son droit tel qu'il a & doit auoir pour la recourance d'icelles debtes luy demoura sauf & entier. Item que môdit seigneur de Bourgongne, ne sera tenu faire foy ne hommage ne seruire au Roy des terres & seigneuries, qu'il tient à present où royaume de France : ne de celles qui luy pourroient escheoir cy apres par succession oudit royaume. Mais sera & demoura exempt de sa personne en tous cas de subiections, hommages, ressors, souuerainetez & autres du royaume durant la vie de luy. Mais apres le decez du Roy, mondit seigneur de Bourgongne, fera à son fils & successeurs en la courône de France les hommages, fidelitez & seruites qui à ce sont appartenans. Et aussi se mondit seigneur de Bourgongne alloit de vie à trespas deuant le Roy, ses heritiers & ayans cause, ferôt au Roy lesdits hommages & fidelitez & seruites ainsi qu'il appartiendra. Item & pource que cy apres mondit seigneur de Bourgongne tant es lettres, qui se feront de la paix comme es autres lettres & escriptures : & aussi de bouche recognoistra & nommera & pourra nômer & recognoistre le Roy son souuerain : offrant & presentant lesdits ambassadeurs du Roy, que lesdictes nominations & recognoissances tant par escript comme de bouche, ne portent aucun preiudice à ladicte exemption personnelle de mondit seigneur le Duc de Bourgogne sa vie durant. Et que ladicte exemption demeure en sa vertu selon le contenu en l'article precedent : & aussi qu'icelle nomination, recognoissance ne s'estende que aux terres & seigneuries qu'iceluy monseigneur de Bourgongne tient & tiendra en ce royaume. Item & au regard des feaux & subiects de mondit seigneur de Bourgongne des seigneuries qu'il tient & doit auoir par ce present traicté, & qui luy pourroit escheoir par succession ou royaume de France durant les vies du Roy & de luy, ils ne seront point contraincts d'eux armer au commandement du Roy ne de ses officiers : supposez ores qu'ils tiennent avec ce du Roy aucunes seigneuries & terres. Mais est content le Roy que toutes les fois qu'il plaira à mondit seigneur de Bourgongne mander ses feaux & subiects pour ses guerres, soit ou royaume ou dehors, ils serôt cōtraints d'y aller sans pouoir ne vouloir venir au mandement du Roy, se lors il les y mādôir. Et pareillement sera fait au regard des seruiteurs de mondit seigneur de Bourgongne, qui sont ses familiers & seruiteurs de son hostel supposez qu'ils ne soient point ses subiects. Item & toutes fois s'il aduenoit que les Anglois, ou autres leurs allies facent guerre cy apres à mondit seigneur de Bourgongne, ou à ses pays & subiects à l'occasion de ce present traicté, ou autrement : le Roy sera tenu de secourir & ayder môdit seigneur de Bourgogne & ses pays & subiects : ausquels on feroit guerre soit par mer ou par terre à toute puissance, ou autrement selon que le cas requerra & tout ainsi comme pour son propre fait. Item & que de la part du Roy & de ses successeurs Roys de France, ne sera faicte ne promise ne souffert faire par les Princes & seigneurs dessusdits aucune paix, traicté ou accord avecques son aduersaire & ceux de la part d'Angleterre, sans le signifier & faire à sçauoir à mondit seigneur le Duc de Bourgogne & à son heritier principal apres luy : & sans leur expres consentement & les y appeller & cōprendre, si comprins y veulent estre : pourueu que pareillemēt soit fait du costé

de mondit seigneur de Bourgogne & de son heritier principal au regard & en tant que luy touche la guerre d'Angleterre. Item & que mondit seigneur de Bourgogne & tous ses feaux & subiects & autres, qui par cy deuant ont porté en armes l'enseigne de mondit seigneur: c'est à sçauoir la croix S. Andrieu, ne seront point contraincts de prendre autre enseigne en quelconque mandement ou armée qu'ils soient en ce royaume ou dehors, soit en la presence du Roy ou de ses Connestables, & soient à ses gaiges ou souldoyers ou autrement. Item que le Roy fera restituer & desdommager de leurs pertes raisonnables, & aussi de leurs rançons ceux qui furent prins le iour de la mort dudit feu monseigneur le Duc Iean qui Dieu pardoint, & qui y perdirent leurs biens & furent grandement rançonnez. Item qu'au surplus abolition generale soit faicte de tous cas aduenuz, & de toutes choses dictes, passées & faictes à l'occasion des diuisions de ce royaume, excepté ceux qui perpetrerent ledit mauuais cas ou qui furent consentans de la mort dudit feu monseigneur le Duc Iean de Bourgogne: lesquels seront & demourront hors de tout traicté. Et qu'au surplus chacun de costé & d'autre retourne au sien: c'est à sçauoir les gens d'Eglises à leurs Eglises & benefices, & les seculiers à leurs terres, rentes, heritages, possessions & biens immeubles en l'estat qu'ils sont: reserué des terres & seigneuries estans en la Comté de Bourgogne: lesquelles mondit seigneur de Bourgogne ou feu monseigneur son pere ont eües & tetenues, & ont données à autrui: comme confiscations & conquisées à eux à cause desdictes guerres & diuisions: lesquelles seront & demourront, nonobstant ladicte abolition & accord à ceux qui les tiennent & possèdent. Mais par tout ailleurs chacun reuiendra à ses tetres & heritages, comme dit est, sans ce que pour demolition & empiremens gardes de places ou reparations quelconques on puist riens demander l'un à l'autre: & sera chacun tout quitte de rentes de charges escheües du tēps, qu'il n'aura ioÿ de ses terres & heritages: mais au regard des meubles prins ou euz d'un costé & d'autre, jamais n'en pourra estre aucune chose, poursuite, querelle ne question faicte d'un costé ne d'autre. Item & qu'en ce present traicté soient estainctes & abolies toutes injures, malueillances & rancunes tant de parolles & de fait, comme autrement aduenuz cy deuant à l'occasion des diuisions, partialitez & guerres tant d'une part comme d'autre, sans ce que aucun en puisse aucune chose demander ne faire question ne poursuite par prochaineté ne autrement: ne le reptochet ne donner blasme pour auoir tenu aucun party. Et que ceux qui setont ou diront le contraire soient puniz comme transgresseurs de fait selon la qualité du fait.

Item & en ce present traicté seront comprins de la part mondit seigneur de Bourgogne, toutes les gens d'Eglises nobles, bonnes villes & autres de quelque estat qu'ils soient: qui ont tenu son party & de feu monseigneur son pere, & iourront du benefice de ce present traicté, tant au regard de l'abolition, comme de recouurer & auoir tous leurs heritages & biens immeubles à eux empeschez, tant au royaume qu'au Daulphiné à l'occasion desdictes diuisions: poutueu qu'ils accepteront ce present traicté, & en voudront iouir. Item & renoncera le Roy à l'alliance qu'il a faicte avecques l'Empereur contre mondit seigneur le Duc de Bourgogne, & à toutes autres alliances par luy faictes: avecques quelconques autres Princes ou seigneurs quels qu'ils soient à l'encontre
de

de mondit seigneur le Duc de Bourgogne, pourueu que mondit seigneur de Bourgogne l'efface pareillement: & sera tenu en outre & le promettra à mondit seigneur de Bourgogne de le soustenir & ayder à l'encontre de tous ceux, qui le voudroient guerroyer ou faire dommage par voye de guerre ou autrement. Et pareillement le fera & promettra mondit seigneur le Duc de Bourgogne, sauué toutesfoiſ l'exemption de ſa perſonne à ſa vie comme deſſus eſt déclaré. Item & conſentira le Roy & baillera ſes lettres, que ſil aduenoit cy apres que de ſa part fut enſtraint ce preſent traité, ſes vaſſaux ſeaux & ſubieſts preſens & aduenir ne ſoient plus tenus de l'obeyr & ſeruir: mais ſoient tenus deſlors de ſeruir mondit ſeigneur de Bourgogne & ſes ſucceſſeurs à l'encontre de luy. Et que audit cas tous leſdits ſeaux vaſſaux ſubieſts & ſeruiteurs ſoient abſous & quittez de tous ſermens de fidelitez & autres: & de toutes promeſſes & obligations de ſervices, en quoy ils pourroient eſtre tenuz par auant enuers le Roy Charles, ſans ce que pour le temps apres à venir il leur peult eſtre imputé à charge, & qu'on leur puiſt riés demander. Et que deſmaintenant pour lors le Roy Charles leur commande de ainſi faire: & les quitte & deſcharge de toutes obligations & ſermens ou cas deſſusdits: & que pareillement ſoit fait & conſenry au coſté de mondit ſeigneur le Duc de Bourgogne, au regard de ſes vaſſaux & ſeaux ſubieſts & ſeruiteurs. Item & ſeront de la part du Roy Charles faictes les promeſſes, obligations & ſubmiſſions touchant l'entretenement de ce preſent traité és mains de monſeigneur le Cardinal de Sainte Croix Legat de noſtre ſainct Pere le Pape, & de monſeigneur le Cardinal de Chippre & autres ambassadeurs du ſainct Concille de Baile le plus ample que l'on pourra aduiſer. Et ſur les peines d'excommuniemens, aggrauation, reaggrauation, interdit en ſes terres & ſeigneuries, & autrement le plus auant que la cenſure de l'Egliſe pourra eſtendre en ceſte partie, ſelon la puiffance & pouoir que ont meſdits ſeigneurs les Cardinaux de noſtre ſainct Pere le Pape & du ſainct Concille: pourueu que pareillement ſoit fait du coſté de mondit ſeigneur le Duc de Bourgogne. Item avecques ce ſera le Roy avec ſon ſeellé, bailler à mondit ſeigneur de Bourgogne les ſeellez des Princes & ſeigneurs de ſon ſang de ſon obeiffance, comme monſeigneur le Duc d'Anjou, Charles ſon frere, monſeigneur le Duc de Bourbon, monſeigneur le Comte de Richemont, monſeigneur le Comte de Vandosme, le Comte de Foix, le Comte d'Auuergne, le Comte de Perdiac & autres qu'on aduiſera: eſquels ſeellez deſdits Princes & ſeigneurs ſera incorporelé le ſeellé du Roy. Et prometteront d'entretenir & maintenir de leur part le contenu dudit ſeellé: & ſil eſtoit enſtraint de la part du Roy d'en ce cas eſtre aydés & confortans mondit ſeigneur de Bourgogne & les ſiens à l'encontre du Roy. Et pareillement ſera fait du coſté de mondit ſeigneur de Bourgogne. Item & que pareillement le Roy ſera bailler ſemblables ſeellez de gens d'Egliſe, & autres nobles & bonnes villes de ce royaume de ſon obeiffance & appartenante. Ceſt à ſçauoir ceux deſdictes gens d'Egliſe & bonnes villes que mondit ſeigneur voudra nommer, avecques ſeureté de peines corporelles & pecunielles, & autres ſeuretez que meſſeigneurs les Cardinaux & autres Prelats cy enuoyez de par noſtre dit ſainct Pere le Pape & le Concille y aduiſeront appartenir. Item & ſil aduenoit cy apres qu'il y euſt aucune faute ou obmiſſion, ou aucune in-

fraction, ou attemptaz faits sur le contenu desdits articles d'une part & d'autre: ce nonobstant à ceste presente paix, traité & accordiseront & demourrôt vertueables & en leurs plaine force vertuz & vigueur, & ne sera pourrant icelle paix repurée, cassée ne adnullée: mais les attemptaz seront reparez & amendez, & aussi les deffaults & obmissions accomplies & excurées deuëment selon ce que dessus est escript. Et à ce contraincts ceux qu'il appartiendra par la forme & maniere que dit est. Item comme ayons de rechef esté tresinstamment exhortez, requis & sommes par lesdits Cardinaux ambassadeurs & messagiers du S. Concille, ne vouloir entendre & de nous incliner & condescendre moyennant les sommes dessusdictes, qui leur semblent estre raisonnables & souffisantes: & ne les pouoient ne deuoient par raison refuser, ainsi qu'il nous ont dit à paix & reunion avecques mondit seigneur le Roy Charles, en nous disant & remonstrant en outre que ainsi le deuions faire selon Dieu, raison & pour honneur: nonobstant les sermens, alliances & promesses pieça faictes entre feu mon trescher & tresaimé seigneur le Roy d'Angleterre dernier trespasé, & nous pour plusieurs causes & raisons à nous remōstrées & alleguées par lesdits Cardinaux & autres ambassadeurs dessusdits de par nostre saint Pere, & du Concile. Nous pour reuerence de Dieu principalement pour la pitié & grande compassiō que nous auōs du poure peuple de cedit royaume, qui tant a souffert en tous estats, & aux prieres, requestes & sommations à nous faictes par lesdits Cardinaux, & ambassadeurs de nostredit saint Pere le Pape & le saint Concile de Basle, que nous tenons & reputons pour commandement & comme Prince catholique & obeissant fils de l'Eglise, eu sur ce grand aduis & deliberation de conseil avec plusieurs grans seigneurs de nostre sang & lignage, & autres noz seaux vassaux, subiects, & autres gens de conseil en grand nombre: auons pour nous & noz successeurs seaux, vassaux, subiects & autres gens de conseil adherens en ceste partie, fait & faits bonne & loyalle, ferme, seure & tresentiere paix & reunion avecques mondit seigneur le Roy & ses successeurs, moyennant les offres & autres choses dessus escriptes: qui de la part mondit seigneur le Roy & ses successeurs, nous doiuent estre faictes & accomplies. Et lesquelles offres de nostre part & en tant qu'il nous touche, tenons agreables & les acceptōs. Et desmainrenant consentons & faisons les renonciations, promesses, submissions & autres promesses & choses dessus declairées, qui sont à faire de nostre part. Et recognoissons mondit seigneur le Roy Charles de France nostre souuerain seigneur au regard des terres & seigneuries que auons en ce royaume: promettons pour nous & noz hoirs par la foy & serment de nostre corps en parolle de Prince, sur nostre honneur & l'obligation de tous noz biens presens & aduenir quelconques, ladicte paix & reunion en toutes & singulieres choses cy dessus transcrittes tenir de nostre part: & en tant que toucher nous peult inuiolablement & à tousiours de point en point tout & par la forme & maniere dessus escripte, sans faire ou venir ou souffrir faire au contraire couuertement ou en appert, ou autrement en quelque maniere ou façon que ce soit. Et pour les choses dessusdictes & à chacune d'icelles tenir, entretenir & accomplir: nous submettons à la cohercion, conclusion & contrainte de nostredit S. Pere le Pape, dudit saint Concile & des dessusdits Cardinaux: lesquels & autres ambassadeurs du Concile

cile & à toutes cours tant d'Eglise comme seculiers, vucillans & octroyans icelles & chacune d'icelles estre contrainct & compellé par la censure de l'Eglise, tant & auant qu'il semblera expedient ausdits Cardinaux & ambassadeurs de nostredit saint Pere le Pape & du saint Concile : au cas que faute y auroit de nostre part és choses dessusdictes ou aucuns d'icelles, renouçans à toutes allegations & exemptions tant de droit comme de fait, que pourrions dire ou alleguer au contraire. Et par especial au droit, disant que generale renouciation ne vaulr si l'especialle & tour sans fraude, barat ou mal engin. Et affin que ce soit chose ferme & estable à tousiours : nous auons fait mettre nostre seel à ces presenres. Donnée en nostre ville d'Arras le xxj. iour du mois de Septembre l'an mille quatre ces trente cinq. Ainsi signées par monseigneur le Duc de Bourgogne en son conseil.

ITEM apres que les deux parties dessusdictes furent venues à fin & conclusions de paix l'un avec l'autre : & que toutes les besongnes furent escripées & seelées tant d'un costé comme d'autre, brief ensuiuant fut icelle paix publiée en ladicte ville d'Arras. Pour laquelle ne fault point demander n'enquerir se le peuple eut grand liesse & ioyeuseté. Mais generalmente la plus grand partie des gens d'Eglise, des nobles & des Bourgeois avecques grande multitude & abondance de populaire, qui là estoit venu & arriué, entendirent non mie un iour seulement : mais plusieurs à faire ioye l'un avecques l'autre, chacun selon son estat en criant à haulte voix Noël en plusieurs & diuers lieux de la ville. Et par especial fut faicte en l'hostel dudit Duc de Bourgogne moult grand feste & liesse de plusieurs chevaliers, escuyers, dames & damoiselles des deux parties tant en boires, mangiers & dances comme autres plusieurs esbatemens. Et mesmement au propre lieu où icelle paix se traictoit fut mis par le Cardinal de sainte Croix le saint Sacrement de l'autel, & une Croix d'or sur un couëssin : sur lesquels ledit Cardinal feit iurer & promettre audit Duc de Bourgogne que iamais ne ramentueuroit la mort de son feu pere, & qu'il entretiendrait bonne paix & union avecques le Roy Charles son souverain seigneur & les siens. Et apres le Duc de Bourbon & le Connestable tenans la main sur ladicte Croix, prierent mercy audit Duc de Bourgogne de par le Roy pour la mort de son feu pere : lequel leur pardonna pour l'amour de Dieu. Et lors les deux Cardinaux meirent les mains sur iceluy Duc, & le absolurent du serment qu'il auoit fait aux Anglois. Et pareillemēt furent absous plusieurs autres grans seigneurs de son party. Et adonques feirent serment de leur party d'entretenir icelle paix les seigneurs de la partie du Roy Charles, & plusieurs autres de la partie du Duc de Bourgogne. Entre lesquels le feir le seigneur de Launoy : lequel dit tout hault & cler, voicy le propre qui autresfois à faits les sermens pour cinq paix faictes durant ceste guerre : desquelles nulles n'ont esté entretenues. Mais ie promets à Dieu que ceste sera entretenue de ma partie & que iamais ne l'enfraindray.

Comment les Anglois asiegerent la ville saint Denys en France, laquelle en fin leur fut rendue par traicté.

DVrant le temps dessusdit, les Anglois & leurs alliez qui estoient en l'Isle de France, assiegerent trespuissamment la ville de S. Denys tout à l'environ. Et y estoient comme chefs & conducteurs desdits assiegeés, le Marechal de l'Isle Adam, le seigneur de Thalebot, le seigneur de Villeby, le seigneur d'Escalles, Georges de Richammes, Valleran de Moreul, messire Jean Bastard de saint Pol, Loys de Luxembourg son frere, messire Ferry de Mailly, Robert de Neuville, le Bastard de Thian cheualier François, l'Arragonnois & autres notables & experts hommes de guerre de la nation de France & d'Angleterre, accompaignez de six cens combattans ou environ, qui en grand diligence approcherent leurs ennemis : & dressèrent contre les portes & murailles d'icelle ville de S. Denys plusieurs engins, pour iceux confondre & abbatre. Si estoient souuent visitez & administrez de ce que besoing leur estoit par Loys de Luxembourg Euesque de Theroüanne, Chancelier du Roy Henry : lequel estoit principal gouverneur dedans Paris & es metes de l'Isle de France, pour le dessusdit Roy Henry. Dedans laquelle ville de S. Denys estoient de la partie du Roy Charles le Marechal de Rieux, messire Jean Foucault, messire Loys de Vaucourt, messire Regnault de S. Jean, Artus de la Tour & plusieurs autres vaillans hommes de guerre, avecques eux iusques au nombre de seize cens combattans. Lesquels en tresgrand hardiesse eux voyans ainsi estre approchez de leurs ennemis, se preparerent à resister de toute leur force contre eux. Et de fait grand partie d'eux se logerent sur la muraille, & là se tenoient de iour & de nuict pour estre plus pres de leur deffence. Toutesfois les dessusdites portes & murailles furent fort empirees en plusieurs lieux par les engins d'iceux assiegeans : & tant qu'à l'occasion desdits empiemens, les capitaines prindrent conclusion l'un avecques l'autre d'assaillir la ville en plusieurs parties, esperans prendre & gagner icelle ville de force. Si firent vn certain iour armer leurs gens & diuiserent, auquel costé chacun desdits capitaines deuoit assaillir : & par vne ordonnance à tout eschelles & plusieurs autres instrumens de guerre, allerent iceux iusques aux fosses qui estoient garnis d'eau. Si eussiez peu là veoir les gés d'armes eux employer à passer parmy ladicte eau iusques au col, & porter lesdites eschelles & monter amont en plusieurs & diuers lieux iusques aux murs sans monstrier semblant de paour. Et lors les assiegez consideras que s'ils estoient prins de force, ne seroient point quittes pour seulement perdre la ville : mais entant que touchoit à leurs vies se meirent à deffence tresvaillamment. Et auoient ordonné à chacune de leurs gardes aucuns de leurs capitaines à tout certain nombre de gés : lesquels pour chose qu'ils ouysent & veissent, ne se deuoient partir d'icelle : & le dessusdit Marechal de Rieux auoit certain nombre de gens d'armes allés d'un lez à l'autre, pour ayder à secourir ceux qui en auroient besoing. Si commença l'assault dur, merueilleux & cruel par l'espace de deux heures ou environ : Auquel tant des assaillans comme des deffendants furent faites de grans vaillances. Et furent à iceluy assault faits nouveaux cheualiers Loys de Luxembourg, Bastard de S. Pol : lequel sy gouerna moult vaillamment, Jean de Humieres, Robert de Neuville & aucuns autres : toutesfois apres qu'iceux assaillans eurent audit assault bien perdu quatre vingts hommes ou mieux de leurs gens, qui furent morts aux fosses & aupres des murs,

voyans

voyans que bonnement ne pourroient venir à chief de telle besongne, sans recevoir trop grand exil & perte de leurs gens. Les capitaines feirent sonner la retraite, & emmenerent & emporterēt plusieurs de leurs gens qui estoient morts & naurez. Et pareillement les deffendeurs feirent grand perte de leurs gens, & furent en grand doubte que leurs ennemis ne contraignissent de rechief par continuation de nouveaux assaulx. Neantmoins esperans avoir secours par le Connestable, qui estoit à la conuention d'Arras & autres François de leurs gens, ils renforcerent leurs portes & murailles qui estoient rompues en plusieurs lieux: & s'apprestèrent de nouuel, pour eux deffendre au mieux que faire le peurent. Lequel Connestable apres que la paix fut conclue à Arras (comme dit est dessus) se departit de là à tout grand partie de nobles hommes, qui estoient à ladicte conuention, & alla à Senlis. Et demanda à venir deuers luy les François de plusieurs parties en intention de lever ledit siege: mais à brief dire, il ne trouua point en son conseil qu'il eut puissance de ce faire. Et pourtant ledit Mareschal & les siens qui assez furent aduertiz de non auoir secours, ils traicterent avec les capitaines des Anglois par tel si, qu'ils leur redroient la ville de S. Denys, & s'en iroient sauſ leurs corps & leurs biens, en rendant aussi les prisonniers qu'ils auoient prins durāt le siege: desquels en estoit vn messire Jean de Humieres dessusdit: Lequel traité conclud & accomply se partirent iceux deuant-dits François sous bon sauſconduit, qui estoient bien seize cens cheuaux ou environ. Et pareillement aussi y auoit de tresexpers & tresvillans hommes de guerre & de grand renom: si s'en partirent & allerent es places de leur obeissance & laisserēt en icelle dicte ville de S. Denys aucuns de leurs capitaines & cheualiers morts: c'est à ſçauoir messire Loys de Vaucourt, messire Regnault de S. Jean, Artus de la Tour, vn nommé Iosselin & aucuns autres, dont ils estoient moult dolens. Apres lequel departement ladicte ville de S. Denys fut regardée de par le Roy Henry. Et brief ensuiuant les Picards qui desia estoient aduertiz de la paix faicte à Arras entre le Roy Charles & le Duc de Bourgongne, prindrēt congé au plus tost qu'ils peurent aux dessusdits capitaines Anglois, & s'en retournerent sans perte en leurs païs. Et entre-temps les François prindrent d'emblée le pont de Meulan, & meirent à mort environ vingt Anglois qui le gardoiēt: pour laquelle prise les Parisiens furent fort troublez pource que le passage par où ils venoient à tout leurs viures de Normandie estoit cloz.

Comment Yſabel la Roïne de France trespassa en la ville de Paris.

EN cest an au mois de Septembre Yſabel Roïne de France, mere au Roy Charles pour lors regnant: Laquelle estoit logée à l'hostel du Roy à S. Pol dedans la cité de Paris, où par auant elle auoit vescu en grand paureté pour les tribulations des guerres de ce Royaume, accoucha malade & brief ensuiuant trespassa de cest siecle. Si fut enterrée en l'Eglise de S. Denys en France: non pas en telle solennité & grand estat, que l'on a accoustumé de faire aux autres Roynes de France: laquelle mort venue à la cognoissance du Duc de Bourgongne, luy feit faire vn service trefreuerend & notable en l'Eglise de S. Vast d'Arras, auquel il fut present vestu de noir: & faisoient dueil avec le Duc de Bourgongne le Comtes d'Estampes, le Comte de

Vandosme & le Damoiseau de Cleues, avec plusieurs autres seigneurs ecclesiastiques & seculiers, & l'Euesque d'Arras fait l'office cedit iour.

Comment les Cardinaulx & plusieurs autres ambassadeurs se departirent de la ville d'Arras. Et comment le Duc de Bourgogne constitua ses officiers & bonnes villes & forteresses à luy données & accordées par le traité dessusdit.

A Tem assez briefc enuiuât que la dessusdicte paix d'Arras fut publiée, comme dit est dessus, se partirent d'icelle ville lesdits Cardinaulx & ceux qui avecques eux estoient venuz : lesquels par le Duc Philippe de Bourgogne auoient esté honnorablement receuz & festoyez. Et pareillement se departirent lesdits ambassadeurs du Roy Charles & tous autres, qui là estoient venuz de plusieurs pays. Et adonques ledit Duc de Bourgogne estant en icelle ville d'Arras, constitua plusieurs nouueaux officiers & bonnes villes & forteresses du Roy, tant sur la riuere de Somme côme ailleurs sur les mettes de Picardie : lesquels de long temps estoient du domaine du Royaume. Et estoient par auant icelle paix d'Arras en la main du Roy Henry : & y meit gens à son plaisir, en destituât ceux qui estoient commis de par le Roy Henry, Commettans aussi receueurs à son plaisir. Et prenant tous les deniers & prouision & les sermens des habitans d'icelles villes & forteresses : pour lesquelles besongnes dessusdictes iceux officiers tenâs le party des Anglois, furent sort esmerueillez des manieres que ledit Duc tenoit enuers eux : attendu que par ses moyens en auoit eu iceluy Roy Henry la possession & saisine : & avecques ce nagueres le tenoit & auoit tenu pour son naturel & souverain seigneur. Neantmoins eux voyans qu'ils n'y pouoient mettre prouision, le souffrirent patiemment. Et entre les autres, maistre Robert le Jeune, qui lōg temps auoit esté Bailif d'Amiens & gouverné hautement pour iceux Anglois sur les marches de Picardie : & mesmement à iceluy dernier Parlement d'Arras auoit esté de leur conseil, & à toutes leurs conclusions : quand il apperceut les besongnes ainsi estre retournées contre eux par aucuns moyens qu'il trouua pour son argent (comme on dit) feit tant qu'il demoura en la grace dudit Duc de Bourgogne, & fut retenu & mis à estre gouverneur d'Arras au lieu de messire Dauid de Brimeu, qui par auant l'estoit. Et par ainsi en assez briefs iours les besongnes furent retournées au contraire que par auant n'auoient esté.

Comment apres la paix d'Arras le Duc de Bourgogne enuoya aucuns de ses officiers d'armes deuers le Roy d'Angleterre & son conseil, pour remonstrer les causes de la paix qu'il auoit fait au Roy de France.

A Pres le departement de la paix d'Arras, le Duc de Bourgogne enuoya son Roy d'Armes de la Toison, & vn sien herault avecques luy nommé Franche Comté en Angleterre deuers le Roy Henry à tout lettres de par ledit Duc : esquelles estoient contenues plusieurs remonstrances pour iceluy Roy & son conseil attraire au bien de paix finale avec le Roy Charles : signifiant aussi comment par l'exhortation des Legats de nostre saint pere le Pape & du Concile de Basse, & avecques ce des trois estats de tous les pays, il auoit fait paix & reunion avec le dessusdit Roy Charles son souverain

souuerain seigneur, en delaisant celle de iadis qu'il auoit faicte avec ledit Roy Henry son pere. Avec lesquels alla vn frere mendien Docteur en Theologie, qui auoit charge de par les deux Cardinaulx qui auoient esté à ladicte paix d'Arras, de proposer en la presence dudit Roy d'Angleterre & de son conseil: en eux remonstrant les grans cruautéz & innumerables tyrannies, qui se faisoient par la Chrestienré à l'occasion de la guerre, & les biens qui pouoient aduenir si la paix finale se faisoit entre les deux Roys d'Angleterre. Si l'en allerent les trois dessusdits à Calais & là passerent la mer, & arriuerent à Douures où on leur feit def fence de par le Roy Henry qu'ils ne se departissent de leurs hostels. Si leur furent demandées leurs lettres, lesquelles ils baillerent & firent portées à Londres de uers le Roy Henry. Et depuis furent conduit par diuers lieux iusques à Lōdres. Si rencontrerēt en leur chemin vn officier d'armes & le clerc du tresorier d'Angleterre, qui les menerent loger dedans icelle ville, en l'hostel d'un cordonnier où ils furent par aucuns iours: & n'alloient ouïr messe sinon sous la conduicte d'aucuns heraulx & poursuuians qui là les visitoient souuent. Car on leur feit deffence qu'ils ne partissent de leurs hostels sans congé & licence. Si estoient en tresgrand doubte, qu'on ne leur feit aucune mauuaile compagnie de leurs personnes pour les nouuelles qu'ils auoient apportées. Et jaçoit ce que le docteur dessusdit enuoyé de par les deux Cardinaulx qui auoient esté en ladicte paix, & iceux deux officiers d'armes feissent plusieurs requestes à ceux qui leur administroient, qu'ils les feissent parler au Roy & à son conseil, pour dire & remonstrer la charge qu'ils auoient de leurs seigneurs & maistres: neant moins oncques ne pouoient auoir audience de parler à eux. Toutesfois le tresorier d'Angleterre à qui les lettres dessusdictes auoient esté baillées, assembla deuant le Roy le Cardinal de Vincestre, le Duc de Glocestre & plusieurs autres Princes & Prelats & le conseil Royal là estant en grand nombre de nobles hommes. Et là monstra les lettres que le Duc de Bourgogne escriuait au Roy & à son cōseil: desquelles l'intitulure & superscription n'estoit pas pareille aux autres, que par auant de long temps par plusieurs fois luy auoit enuoyé: pource que par icelle nommoit le Roy d'Angleterre, hault & puissant Prince son treschier seigneur & cousin, en delaisant à le recognoistre son souuerain seigneur ainsi & par la maniere que tousiours l'auoit fair par auant en ses autres lettres, que par moult de fois luy auoit escrites: de la lecture desquelles sans y faire quelque responce tous ceux qui estoient au conseil generallyment, furent moult esmerueillez quand ils les ouïrent. Et mesmement le ieune Roy Henry print en ce si grand desplaisance que les l'armes luy faillirent hors des yeux. Et dit à aucuns de ses priuez conseilliers, qu'il veoit bien puis que le Duc de Bourgogne s'estoit aidé de l'oyauté deuers luy & reconcilié avec le Roy Charles son ennemy, ses seigneureries des parties de France en vaudroient beaucoup pis. En outre le dessusdit Cardinal & le Duc de Glocestre se partirent du conseil tous confus & troublez, & aussi firent plusieurs autres sans en prendre aucune conclusion, sinon d'eux assembler par plusieurs troupeaux & dire l'un à l'autre plusieurs iniures & reproches du dessusdit Duc de Bourgogne, & de ceux de son conseil. Et assez brief ensuivant furent les nouuelles toutes communes auant la ville de Londres. Si n'estoit pas fils de bonne mere, qui ne disoit de grans maulx & villannies

d'iceluy Duc & de ses païs . Si se meirent ensemble plusieurs du commun , & allerent en diuers lieux parmy ladicte ville pour querir aucuns Flamans , Hollandois , Brabançons , Picards , Hamuyers & autres des païs dudit Duc qui là estoient , pour faire leurs marchandises non eux doubtrant de ceste aduenture . Et en ceste fureur en prindrent & occirent aucuns soubdainement : mais brief ensuiuant on les feit cesser de par le Roy Henry , & mettre les dessusdits en iustice . Et aucuns iours apres le Roy & son conseil se meirent pour auoir aduis sur la responce qu'ils deuoient faire aux lettres dessusdictes , & y en eut de diuerses opinions . Car les vns vouloient qu'on feit guerre soubdaine au Duc de Bourgongne : & les autres conseillerent pour mieux qu'on le sommast par lettres ou autrement . Et entre-temps que lesdits conseillers s'entretenoient , vint deuers le Roy nouuelles comment le Duc de Bourgongne en luy pacifiât avec le Roy Charles:deuoit auoir les villes, forteresses, seigneuries & appartenances de S. Quentin, Corbie, Amiens, S. Riquier, Abbeuille, Dourlens & Monstreul : lesquels estoient par auant du domaine & possession d'iceluy Roy Henry d'Angleterre:& que desia en auoit prins les sermens d'icelles , & y auoit commis tous nouueaux officiers . Et pourtant en allant de mal en pis , furent de ce plus mal contens que deuant : & en fin conclurent qu'ils ne rescriroient point . Et adóc le dessusdit tresorier alla deuers les trois dessus nommez à leur hostellerie , & dit à Toison d'or & à Franche Comté son compaignon : comment le Roy acompaigné de son sang & seigneurs de son conseil, auoient veües & visitées les lettres qu'ils auoient apportées: desquelles & du contenu en icelles ils auoient grosses merueilles:& avecques ce des manieres que tenoient ledit Duc de Bourgongne enuers le Roy, à quoy il auoit intention d'y pourueoir sur tout quand à Dieu plairoit . Et nonobstant que les officiers d'armes de par ledit Duc de Bourgogne, feissent plusieurs fois requestes d'auoir responce par escript, oncques ne la peurēt obtenir:mais leur fut dit qu'ils sen retournaissent en leur païs: lesquels voyans qu'autre chose n'en pouoient auoir , rapasserent la mer & rapporterent de bouche au Duc de Bourgongne leur seigneur ce qu'ils auoient trouué . Et le docteur sen retourna aussi deuers eux, qui luy auoient enuoyé sans riens besongner . Si eurent durant ce voyage de grans doubtes qu'on ne leur feit desplaisir , pource qu'en plusieurs lieux d'Angleterre ouyrent de grans murmures & blasphemies faire contre ledit Duc de Bourgongne , & ne leur fut point fait telle ne si amiable reception , comme ils auoient accoustumé qu'on leur feit .

Comment le commun peuple de la cité d'Amiens s'esmeut pour les impositions qu'on vouloit remettre sus .

EN ces propres iours fut enuoyé deuers le Duc de Bourgongne vn aduocat de par ceux de la ville d'Amiens : lequel aduocat estoit appelé maistre Tristan de Fontaines , pour impetrer grace pour icelle ville d'autune somme d'argent en quoy ils estoient redevables enuers ledit Duc ou aucuns de sa partie : laquelle grace ledit aduocat ne pouoit obtenir, ains luy fut baillé nouuel mandement de par le Roy Charles & autres de par le dessusdit Duc : contenans que les impositions & autres subsides anciens

nement accoustumez de payer, fussent mis sus comme autresfois auoient esté : lesquels mandemens le dessusdit maistre Tristan feit publier quād il fut retourné à Amiens au lieu accoustumé : à l'occasion de laquelle publication grād partie des bouchiers & autres de là ville & autre grand nombre du commun de ce non contents, s'esmeurent soubdainement & se meirent ensemble armez & embastōnez selon leur estat. Et allerent deuers leur majeur nommé Iean de Comty, ausquels ils dirent plainement que desdictes subides ne payeroient nulles. Et qu'il sçauoit bien que le bon Roy Charles leur seigneur ne vouloit point qu'ils payassent, non plus que les autres villes à luy appattenans & obeissans. Lequel majeur voyant leur rude & sotte maniere, leur accorda tout ce qu'ils vouloient dire en les rappaisant par doulces parolles. Et comme contrainct conuint qu'il allast avec eux par tout en la ville où bon leur sembloit. Et feirent leur capitaine d'un nommé Honoré Cokin. Si allerent à l'hostel dudit Tristan pour le mettre à mort, comme ils en monstrerent le semblant : mais il fut de ce aduertý par aucuns qui estoient ses amys, si s'estoit mis à sauueté. Et là rompirent plusieurs huis & fenestres pour le querir. Et depuis s'en allerent à la maison d'un nommé Pierre le Clerc Preuost de Beauuois, lequel auoit eu grans gouuernemens en la ville durant le temps que maistre Robert le Jeune auoit esté baillif d'Amiens, & auoit fait plusieurs extortions & rudesces à aucuns des habitans d'icelle cité d'Amiens, & au pays d'enuiron, parquoy il auoit acquis de grans haines : & là le queroient par tout, mais il ne fut point trouué : car luy sçachant ladicte mutation se meit hors de leur voye. Si frustrerent & rauirent tous ses biens, & beurent en vne seule nuit bien dixhuiet queües de vin qu'il auoit en sa maison : & prindrent un sien nepueu qu'ils meirent prisonnier au beffroy. Et de là en auant feirent plusieurs desroys, & allerent par grans compagnies aual la ville & hostels des plus puissans : lesquels comme par cōtraincte falloit qu'ils leur donnassent de leurs biens & largement & par especial vins & viandes : mais entre-tiens ledit Pierre le Clerc qui estoit mussé en la maison d'un pauvre homme au poulier aux gelines, fut accusé aux dessusdits : Si l'allerent querir à grand solennité & le meirent au beffroy de la ville, & brief en suiuit leur feirent couper le hastrel en plain marché, & pareillement feirent ils à son nepueu. Si n'estoit alors homme de iustice ne autre en icelle ville d'Amiēs, qui osast dire mot contre leur plaisir. Si furent ces nouuelles mandées au Duc de Bourgongne, lequel enuoya Iean de Brimeu qui estoit nouuel baillif d'Amiens. Et depuis le seigneur de Sauerues qui aussi en auoit esté capitaine nouvellement, affin qu'ils enquerissent diligemment par quelle maniere on les pourroit chastier, & corriger. Et apres y fut enuoyé le Comte d'Estampes avecques luy plusieurs cheualiers & escuyers, & aussi gens de trait. Et de rechief y alla le seigneur de Croý bien accompagné, & mena les archiers de l'hostel du Prince. Si vindrent là plusieurs parties & à diuerfes fois grād nombre de notables seigneurs des marches de Picardie. Et faisoit on semblant d'aller assieger le chastel de Bonnes, où il y auoit des pillars. Toutesfois Honnoré Cokin n'estoit point bien asseur qu'on ne leur iouast à la faulce cōpagnie : Nonobstant qu'ils auoient esté deuers le Côte & ledit capitaine & Baillif pour luy excuser, & ses gens des malefices passez où il auoit seruy de parolles assez courtoises en luy remonstans, qu'il cessast de

pourfuiure telles emprinses, & on luy feroit son traicté. Finablement les seignrs dessusdits apres qu'ils eurent eue's plusieurs deliberations ensemble sur ceste matiere: Et apres qu'ils eurent garny le beffroy pour sonner la grand cloche de la ville s'il y aduenoit aucun estroy: au son de laquelle se deuoient tous ensemble lesdictes communes accompagner. Si se meirent ensemble iceux seigneurs & s'en allerent grand parie sur le marché. Et d'autre part se meirent en d'aucuns lieux de leurs gens armez & embastonnez pour garder les rues contre lesdi's esmouuemens, s'ils s'assembloient. Et si furent commis le seigneur de Saueuses capitaine de la ville & le Baillif d'Amiens à tout certain nombre de gés, à aller par ladicte ville pour prendre & faire retraire ceux qui se voudroient armer & assembler. Apres lesquelles ordonnances le dessusdit Comte d'Estampes & plusieurs autres grans & nobles seigneurs & cheualiers, avecques luy estans presens sur le dessusdit marché où il y auoit tresgrand multitude de gens, fut publié vn nouuel mandement de par le Roy Charles, & aussi de par le dessusdit Duc de Bourgogne contenant que les subside & impositions deuantdictes seroient mises sus. Et avecques ce toutes les offences par auant passées seroient pardonnées, reserué à aucuns en petit nombre des Princes & cheualiers lesquels seroient denomez & punis cy apres. A laquelle publication estoit present vn nommé Perrinet de Chaalon, qui estoit vn des chiefs. Lequel oyant icelle se departit de là en fuyant pour luy sauuer, & tantost on cria qu'on le print. Si fut pourfuiuy iusques dedans l'Eglise saint Germain empres vn prestre qui chanoit messe, où il festoit agenouillé & fut mené iusques au Beffroy. Et d'autre part le dessusdit Honnoré Cokin qui bien scauoit ceste assemblée, festoit armé & aucuns de ses gens avecques luy pour aller à ladicte assemblée: Mais il fut rencontré dudit seigneur de Saueuses & dudit Baillif d'Amiens avec ses gens, & fut prins incontinent & mené au Beffroy. Avec lequel en fut prins en plusieurs lieux iusques de vingt à trente ou enuiron: desquels en ce mesme iour le dessusdit Honnoré & sept de ses cōpagnons, eurent le hastereaux couppez d'vne doloïere: & pareillement Perrinet de Chaalon avec luy deux de ses cōpagnons s'yrent penduz & estranglez au gibet: & si y en eut vn noyé, & aussien y eut bien iusques à cinquante bannis ou enuiron. Et puis apres pour ce mesme cas en y eut plusieurs executez à diuerses fois. Enire lesquels le fut vn gros Sacquement qui estoit excellent maistre en iceluy instrument. Pour laquelle execution tous les autres bourgeois & habitans furent mis en grand obeissance.

Comment les Francois coururent & pillerent le païs du Duc de Bourgogne apres la paix d'Arras. Et comment le Marechal de Rieux print villes & fortresses en Normandie sur les Anglois.



Pres que les ambassadeurs du Roy Charles dessus nommé furent retournez vers luy: & qu'ils eurent monsté les lettres du traicté, qu'ils auoient fait de par luy en la ville d'Arras avecques le Duc de Bourgogne: lesquelles entre les autres articles contenoient, comment iceluy Duc recognoissoit le Roy dessusdit à son naturel & souuerain seigneur: il fut de ce moult ioyeux, & commanda que la paix fut publiée par tout
où

où il appartiendroit. Et apres brief ensuiuant se departirent les François qui estoient à Rue, si fut la ville deliurée aux commis du Duc de Bourgogne. Lesquels François s'assemblerent avecques plusieurs de leurs gens sur les marches de Santhers & d'Amiennois, & pillerent en plusieurs lieux le païs audit Duc, & de ceux qui auoient tenu son party. Et mesmement distrousserent tout au net ceux qu'ils pouoient atteindre de ceste partie tant nobles comme autres. Pourquoy ledit Duc feist assembler gens d'armes pour resister aux dessusdits, lesquels sçachans ceste assemblée se tirerent arriere. Et adonques les Anglois remeirent le siege deuant le pont de Meulan que nagueres les François auoient mis en leur obeissance, mais pour aucun empeschement qui leur suruint se departirent dudit siege. Et d'autre part le Marechal de Rieux & Charles des Marests prindrent la ville de Dieppe, & plusieurs autres en Normandie: si vous diray comment. Il est verité qu'apres le parrement de la conuention d'Arras aucuns vaillans capitaines François: c'est à sçauoir le Marechal de Rieux, Gaucher de Boussach, le seigneur de Longueval & autres capitaines, qui pouoient sur tout auoir de trois à quatre cens combattans droictes gens de guerre: par le moyen de Charles des Marests ou à son entreprinse, allerent le vendredy deuant la Toussaincts pour escheller la forte ville de Dieppe, seant sur la mer en moult fort lieu au païs de Caulx. Et de fait ledit Charles à tout six cens combattans alla secrettement monter dedans la ville du costé deuers le Haure. Et de là allerent rompre la porte deuers Rouën, par où entra ledit Marechal de Rieux à tout ses gens d'armes & à tout estandard desployé, la plus grand partie de ses gens tout à pied. Si allerent iusques au marché & estoit enuiron le point du iour, & adonques commencerent à crier ville gaignée. Si furent ceux de dedans moult fort esmerueillez quand ils ouïrent ce cry. Et commencerent les autres à iecter pierres & à traire de leurs maisons. Et pource qu'il y auoit grand nombre de gens tant de ville comme de nauire, attendirent iusques à neuf ou dix heures auant qu'ils assaillissent lesdictes maisons: mais en fin fut du tout conquis à peu de dommage pour lesdits François. Si y estoit commis lieutenant du capitaine vn nommé Mortemer qui sen fuit avecques plusieurs autres Anglois, & y fut prins le seigneur de Bloseuille: & à la premiere venue n'y furent morts que trois où quatre Anglois de la garnison, mais plusieurs y furent prins, c'est à sçauoir de ceux qui plus fort auoient tenu la partie des dessusdits Anglois: & au regard de leurs biens en y eut largement prins comme confisque, sinon de ceux qui vouloient faire serment de demourer bons François. Et y auoit au Haure tresgrand nombre de nauires, dont la plus grand partie demourerent avecques les dessusdits François. Et ce mesme iour ou lendemain on feist crier que tous estrangers s'en allassent où bon leur sembleroit, reserué ceux qui vouloient faire serment. Si en demoura ledit Charles des Marests capitaine du consentement de tous les autres pour le Roy de France. Pour laquelle prinse tous les Anglois generallyement du païs de Normandie furent tres fort troublez & marris, & non point sans cause: car icelle ville de Dieppe estoit merueilleusement forte & bien garnie sur vn des bons païs de Normandie. Et outre assez brief ensuiuant vindrent les François audit lieu de Dieppe, au païs à l'environ de trois à quatre mille cheuaux sous la conduicte de

Anthoine de Chabannes, Blanchefort, Pothon le Bourgongnon, Pierre Regnault & autres capitaines. Et depuis se bouta Pothon de sainte Treille, Jean d'Estouteville, Robiner son frere, le seigneur de Monstreul-Bellay & plusieurs autres nobles seigneurs & chefs de guerre. Et aussi pareillement y vint vn capitaine de communes, lequel se nommoit le Kirennier à tout bien quatre mille payfans du pays de Normandie, qui l'allia avecques les dessusdits François: & feit serment au Marechal dessus nommé de guerroyer hardiement & faire forte guerre aux deuant-dits Anglois. Et quand toutes ces compagnies furent assemblées ensemble, ils se meirent par bonne ordonnance sur les champs, & la veille de Noël allerent tous ensemble deuant la ville de Fescan: laquelle par le moyen du seigneur de Malleuille fut rendue audit Marechal, moyennant qu'ils demouroient paisibles. Et y fut commis capitaine ledit Jean d'Estouteville, & le lendemain de Noël allerent deuant Monstier Villiers, qui se rendit pareillement, & en fut cause vn Gascon qui se nommoit Jean du Puys, lequel y estoit de par les Anglois. Si commist ledit Marechal de Rieux vn nommé Courbenton. Et alors venoient & approchoient les François de tous costez. Et avecques ce feirent serment audit Marechal plusieurs nobles hommes du pays de Normandie. Si allerent tous ensemble deuant Harfleur & l'assailirent moult vaillamment, mais par force furent reboutez arriere de ceux de dedans: & y perdirent quarante hommes de leurs gens, qui y furent morts. Desquels furent les principaulx ledit seigneur de Monstreuil-Bellay & le bastart de Langle. Si conclurent de rechies les assaillir: mais ceux de la ville feirēt traité d'eux rendre par tel si, que bien quatre cens Anglois qui estoient dedans s'en iroient sauvement à tout leurs biens. Si en estoit leur capitaine vn nommé Guillaume Minors, qui se departirent à tout leurs biens, & ceux de ladicte ville feirent le serment. Et en ce mesme temps se rendirent de la partie du Roy les villes ensuiuans: c'est à sçauoir le Bec Crespin, Tancarville, Gomusculle, les Loges, Valemont, Grasuille, Longueuille, Neufuille, Lambreuille & plusieurs autres fortes au tres petit dommage d'iceux François. Et depuis vint avec eux Artus Comte de Richemont Connestable de France. Auquel depuis sa venue se rendirent Charles-Maisnil, Aumarle, S. Germain sur Cailly, Fontaines le Bourg, Preaux, Blainville & aucunes autres places, esquelles par tout on mettoit garnison. Si fut ceste saison la plus grand partie du pays de Caulx conquis. Mais par faute de viures il conuint que les François se séparassent l'un de l'autre. Et pource, comme dit est, meirent leurs garnisons sur les frontieres, & se retrahirent les principaux capitaines hors du pays. Et furent à ces conquestes dessusdictes ledit Charles des Marets & Richarville, qui se partirent de Dieppe & se meirent aux champs: si trouuerent le dessusdit Marechal, le seigneur de Torfy, Pothon Bourgongnon, Broussart, Blanchefort, Jean d'Estouteville & plusieurs autres capitaines hommes de grand façon, & droictes gens de guerre. Avecques lesquels & en icelles conquestes faisans, fallia le dessusdit Kirennier à tout six mille combattans gens de communes, pour acheuer les dessusdictes besognes.

Comment les Anglois se commencerent à doubter des Bourgongnois, qui menoïes guerre avec eux contre le Roy de France, & ne voulurent plus conuerſer en leur compagnie. Et autres matieres en brieſ.



Pres ce que les Anglois furent du tout acettenez & asseurez du traité fait entre le Roy Charles de France, & le Duc Philippe de Bourgongne, comme dessus est dit, ils se commencerent à garder & garnir, & aussi eux fortifier contre les gens du Duc de Bourgongne, & pareillement comme par auant ils faisoient des François. Et nonobstant que avecques eux eussent eu plusieurs communications, amitez & compagnies d'armes, si n'eurent ils de là en auant plus fiance ne repaire l'un avecques l'autre: jaçoit-ce que presentement ne senteseissent point de guerre ouuerte: toutefois iceux deux parties d'Angleterre, & de Bourgongne commencerent sectetement à aduiser voyes & manieres de prendre aduantage l'un sur l'autre. Et mesmement iceux Anglois tenans les frontieres de Calais, se meirent en peine de prendre la ville d'Arde d'emblée. Et d'autre part ceux de la partie de Bourgongne vers Ponthieu, seirent le cas pareil sur la forteresse du Crottoy que tenoient les dessusdits Anglois: mais chacun se gardoit de pres l'un de l'autre. Pour lesquelles entreprinſes ainsi faictes couuertement, les dessusdictes parties furent tresmal contentes l'une de l'autre: & seirent chacun d'eux leurs apprestes pour greuer & faire guerre l'un à l'autre. Et poutant la Hire qui se tenoit à Gerberoy, assembla avecques Pothon de sainte Treille & messire Regnault de Fontaines iusques à six cens combattans ou enuiron: lesquels ils menerent iusques assez pres de Rouën, en intention d'entrer en icelle ville par certains moyens qu'ils y auoient, lesquels ne peurent venir à chief de leur entreprinſe. Et poutant iceux capitaines & leurs gens qui estoient moult trauaillees, s'en retournerent pour eux rafraeschir en vn grand village nommé Roys. Auquel lieu messire Thomas Kiriell & autres plusieurs capitaines Anglois accompaignez de mille combattans, sçachans que les dessusdits François se rafraeschissoient audit village de Roys, s'en vindrent frapper sur eux auant que de ce fait ils peussent du tout estre aduertiz ne monter à cheual pour eux deffendre & garantir, parquoy ils furent prestement mis en desroy. Si contendirent à eux sauuer vers les parties, dont ils estoient venus, sinon aucuns des capitaines en petit nombre, qui cuidoient rallier leurs gens pour cuider resister à l'encontre de leurs ennemis: mais en ce faisant ils furent vaincus par les dessusdits Anglois. Et y furent prins les seigneurs de Fontaines, Alain Geron, Alardin de Moussay, Iean de Bordes, Gamarde & plusieurs autres iusques au nombre de soixante ou plus. Si en furent motts sur la place tant seulement huit ou dix, & les autres se sauuerent. Toutesfois la Hire fut nauré & si perdit toute sa monture. Et aussi gaagnerent lesdits Anglois la plus grand partie des cheuaux d'iceux François, poutce que les bois estoient pres, & se sauuetent plusieurs à pied dedans iceux bois. Item en ce temps furent enuoyez de la partie du Roy Henry d'Angleterre certains ambassadeurs deuers l'Empereur d'Allemagne, lesquels en passant parmy le païs de Brabant, furent prins & arrestez par les gens du Duc de Bourgongne. Mais depuis comme ie fuz informé & aduertey,

furent mis à deliurance, pource qu'iceluy Roy d'Angleterre & ledit Duc de Bourgongne n'auoient point encores enuoyé l'un à l'autre leurs desiances. Item en ces mesmes tēps par la diligence & entreprinse de messire Jean de Vergy, & avecques luy aucuns capitaines François furent deboutez les Anglois hors de deux fortes villes, qu'ils tenoient au païs de Champaigne sur les marches de Barrois, c'est à sçauoir Nogent le Roy & Montigny. Et pareillement ceux de Ponthoïse rendirent leur ville és mains de môseigneur de l'Isle Adam, laquelle part auant tenoient les Anglois. Et nonobstant que ledit seigneur de l'Isle Adam nagueres eut fait guerre pour les dessusdits Anglois, & eut esté Marechal de France pour le Roy Henry: neantmoins dedés brief temps apres leur fait forte guerre. Et d'autre part furent les Anglois deboutez du Bois de Vincennes & d'aucunes autres places, qu'ils tenoient vers l'Isle de France. Et adonc se commencerent à apparcevoir les Anglois, qui moult auoient perdu en ce que le Duc de Bourgongne estoit d'eux desioinct & rallié avecques les François. Si l'en commencerent à auoir en grand haine luy & les siens, & en plus grande indignation que leurs anciens ennemis.

Comment le Roy Henry d'Angleterre enuoya ses lettres à ceux du païs de Hollande pour les attraire de sa partie: & la coppie desdictes lettres.

EN cest an Henry de l'Enclastre Roy d'Angleterre enuoya des lettres seellées de son seel aux bourgeois, maistres & escheuins, conseilliers & communautéz de la ville de Cerisée, afin d'iceux attraire & entretenir de sa partie contre le Duc de Bourgongne: desquelles la teneur ensuit. Henry par la grace de Dieu Roy d'Angleterre seigneur d'Irlande: A noz treschiers & grans amis les Bourg maistres & escheuins, conseilliers & communautéz de la ville de Cerizée: Salut & continuation de vraye amour & affection. Treschiers & grans amis quantes (comme dictes) & quel repos apporte le fruct de naturel amour aux Royaumes, seigneuries & personnes qui par longue continuation sont cōfederées & alliées ensemble, leurs faits & leurs besongnes le demonstrent assez, comme bien en auez eu l'experience. Et nous rememorans en nostre pensée les doulces amitez, & confederations qui de grand ancienneté ont esté continuées entre noz nobles progeniteurs, les Royaumes & païs, & les Princes qui au temps passé ont eu seigneurie en Hollande, Zellande & Frize. Moyennant laquelle amitié, bonne paix & vnion, tranquillité, seurte, de marchandise, amoureuse continuation, prouffitabile conseruation de loiauté & de foy ont esté gardées d'un costé & d'autre au reboutement de toutes diuisions, haines, débats & enuies, qui sont tousiours occasion de perturber & peruertir toute bonne police & seurte humaine, desirant pour ce de tout nostre cueur icelles estre continuées. Et ensuiuant les traces de noz predecesseurs, qui tant par lignaigne & affinité de sang comme par loyale confederation & alliance qu'ils ont eu avecques les dessusdits Princes du païs de Zelande, ont esté continuées en si grand amour les vns avecques les autres: comme de prendre & porter par les dessusdits Princes nostre honorable ordre de la lartereries avecques Empereurs, Roys & autres Princes & seigneurs iceluy portans ordre pour nostre amour. Auons prins iuste occasion de

VOUS

vous escrire presentement l'affection que nous auons d'entretenir, & continuer lesdictes confederations & amitez qui pieça ont eu commencement, comme dit est. A quoy de nostre part auons & sommes bien enclins & disposez, estmans que quelconque nouvelle confederation n'est à preferer à ancienneté, cōme chose plus honorable & profitable à entretenir. Mais toutesfois pour ce que franchement sous vmbre de couleut de terme de paix, aucunes nouuellerez & mutations ont esté faictes en nostre Royaume de France au grand prejudice de nous & de nostre estat, honneur & seigneurie: en enfreignant la paix generale de noz deux Royaumes tant fidellement faicte, promise & iurée par feuz de tresnoble memoire noz trespasseez seigneurs pere & ayeul les Roys Henry & Charles dernièrement trespasseez, auxquels Dieu pardoint: & les plus grans de leur sang & lignaige & estats desdits Royaumes, comme tenons vous auoir en memoire. En laquelle cause plusieurs rumeurs & nouuelles courent en diuers lieux, comme on dit qu'aucuns pays se disposent en romptures de confederations & alliances que nous auons eues avec eux: desquelles n'entendons que cause n'auons d'entendre n'imaginer que soient. Neatmoins pour vostre consolation & aduertissement, nous voudrions bien sçauoir en ceste matiere vostre bonne volenté, pareillement que vous faisons sçauoir la nostre. Et pource nous vous prions tresaffectueusement & de cuer, vous faisons sçauoir nostre inclination & desir pour l'entretenement de bonne amitié d'entre noz subiects & vous: semblablement nous vucillez de vostre intention sur ces choses plainement & entierement rendre certaines responces par le porteur de cestes, qu'enuoyons par deuers vous pour ceste cause: ou par autres de voz messagiers si les voulez enuoyer par deuers nous, en nous certifiāt au surplus de toutes choses honorables & agreables à vous, & nous y ferons entendre tresvolentiers & de bon cuer. Trespasseez & grans amis le S. Esprit vous ait en sa sainte garde. Donnē sous nostre seel priuē en nostre Palais de Vvestmonstier le quatorziesme iour de Decembre, l'an de grace mille quatre cens trente cinq. Et de nostre regne le quatorziesme: & la subscription estoit. A noz trespasseez & grans amis les Bourg-maistres, escheuins, conseilliers & communautē de la ville de Cerisee. Lesquelles lettres receues par les dessusdits, sans faire responce au messagier qui les apporta, sinon qu'ils se conseileroient sur le contenu d'icelles, les enuoyerent deuers le Duc de Bourgongne & son conseil. Lequel fut tresmal content des manieres qu'iceux Anglois tenoient vers luy & ses pays, tāt en ce comme en autres besongnes.

Comment apres la paix d'Arras le Duc de Bourgongne conclud de faire & mener guerre aux Anglois.

Durant le temps que les besongnes dessusdictes se commencerent fort à enclōner & animer entre les deux parties d'Angleterre & de Bourgongne, comme dit est: fut aduise par ledit Duc & aucuns de ses feables conseilliers, qu'il seroit bon de trouuer maniere secrette qu'icelles deux parties ne feissent point de guerre l'un contre l'autre: & que leurs gens, pays, amis & alliez demourassent paisibles & comme neutres. Et afin de à ce pourueoir, fut mandē deuers le Duc dessusdit messire Jean de

Luxembourg Comte de Leigny, qui point encores n'auoit fait de serment au Roy Charles de France. Lequel à la requeste d'iceluy Duc se chargea d'en escrire à l'Archeuesque de Rouen son frere: lequel estoit vn des principaux conseillers du Roy Henry d'Angleterre, & son Chancelier sur la marche de France: & adonques fut icelle besongne mise en conseil. Et qui plus est, iceluy Archeuesque enuoya en Angleterre deuers le Roy Henry & les siens. Si fut aduisé pour mieux faire que laisser, qu'il seroit bon qu'icelles deux parties demourassent en bonne vnion l'vn avec l'autre quant au fait de la guerre. Et pourtant la responce ouïe fut escript audit messire lean de Luxembourg par son frere, que sa requeste seroit mise à effect: & que bonne seureté se bailleroit de la partie des Anglois de non faire quelque entreprinse sur le dessusdit Duc de Bourgogne, ses pays & subiects, moyennant qu'il seroit pareillement à la partie dudit Roy Henry d'Angleterre. Et lors brief ensuiuant, que ledit Comte de Leigny eut receu par escript icelle responce, il l'enuoya deuers iceluy Duc de Bourgogne, en faisant sçauoir à luy par iceux s'il seroit content de proceder outre: lequel feit faire responce par la bouche de l'Euesque de Tournay, que non: car n'agueres & de nouuel les dessusdits Anglois auoient fait contre luy & ses subiects de trop grandes derisions, en diffamant en plusieurs lieux sa personne & son honneur: auoient aussi rué ius de quatre à cinq cens combattans de ses gens sur les marches de Flandres. Et aussi d'autre part, comme dit est ailleurs, auoient voulu prendre d'emblée la ville d'Arde. Et ceste chose auoient cogneu & confessé quatre de leur party, qui pour celle cause en icelle ville d'Arde auoient eu les halteres au coupperz. Et si auoient fait plusieurs autres entreprinse, lesquelles ils ne peurent bonnement passer sous dissimulation. Apres laquelle responce en ceste maniere faicte par ledit Euesque de Tournay aux gens dudit messire lean de Luxembourg Comte de Leigny, requirent audit Duc de Bourgogne qu'il luy pleust sur ce escrire ses lettres à leur seigneur & maistre, lequel leur accorda & signa de sa main: depuis lesquelles lettres enuoyées par la maniere deuantdicte, ledit Duc de Bourgogne fut fort & par plusieurs fois instruit & enhorté par aucuns de son cōseil à luy preparer & faire ses apprestes à mener guerre contre lesdits Anglois pour garder son honneur. Et tant que assez brief ensuiuant il feit escrire & enuoya ses lettres au Royaume d'Angleterre deuers le Roy Henry: en luy signifiant & recitant les entreprinse, qui auoient esté faictes de sa partie depuis la paix d'Arras à l'encontre de luy, de ses gens & subiects: lesquelles sembloient estre à luy & aux siens tant estranges, griefues & preiudiciables que pour son honneur & luy mettre en deuoir, ne deuoient plus estre teuës ne dissimulées. Disant en outre que s'il en estoit fait aucune chose de sa part, nul n'en deuroit auoir merueilles ne donner charge à luy ne aux siens: car assez & trop luy en estoit donnée occasion & cause raisonnable, dont moult luy desplaisoit.

ADONCVES les dessusdictes lettres du Duc de Bourgogne receües & leües par le dessusdit Roy d'Angleterre & son conseil, ils furent tous acertenez d'attendre & auoir la guerre au dessusdit Duc de Bourgogne. Et sur ce furent garnies & fournies toutes les forteresses de Boulonnois, du Crotoy & autres lieux à l'enuiron à l'encontre de ses pays prestes pour attendre toutes auantures qui

qui pourroient aduenir. Et pareillement feit le dessusdit Duc de Bourgongne garnir les siennes. Et adonques le Roy d'Angleterre enuoya ses lettres es marches de France & en aucunes bonnes villes, afin qu'on sceust la verité de la querelle que le Duc de Bourgongne prenoit contre luy: lesquelles en substâce contenoient excusations des charges qu'iceluy Duc & les siens vouloient donner sur luy: & sur ses gens des entreprinſes dessusdictes. Entre lesquelles remonstrances recitoit les leures qu'il auoit escriptes en Hollande, non point pour induire les habitans à nul mal. Et aussi des alliances qu'il auoit voulu & vouloit faire avecques l'Empereur d'Allemagne, estoient en la franchise de ce faire; & du mandement secret qu'il faisoit en Angleterre pour greuer ledit Duc: comment il auoit escript, estoit si secret que par touté Angleterre estoit commune voix. Et ne le vouloit point celer, pource qu'il pourroit faire assembler gens pour employer où bon luy sembleroit. Disant outre par icelles, que lesdictes charges qu'on luy auoit voulu bailler, estoit sans cause: comme ils pouoient plainement apparoir, par les œuvres qu'auoient fait contre luy & ses subiects le dessusdit Duc de Bourgongne & ceux de sa partie. Laquelle charge au plaisir de Dieu retourneroit, dont elle estoit venue.

Comment le Duc de Bourgongne avec aucuns de ses priuex conseilliers se conclud d'aller assieger & conquerre la ville de Calais.



Tem assez brief ensuiuant, apres que le Duc de Bourgongne eut escript ses lettres (comme dit est dessus) au Roy d'Angleterre contenant les entreprinſes faictes contre luy & ses subiects par ledit Roy & les siens: voyant les besongnes en ce point, que pour venir luy & ses pays en guerre contre les Anglois, tint par plusieurs fois de grans conseils afin de ſçauoir comment & par quelle maniere il pourroit conduire son fait: lesquels furent plusieurs diuerſes opinions mises en auant. Et vouloient les aucuns que ledit Duc de Bourgongne commençast la guerre: & qu'il assemblast sa puissance de tous ses pays pour resister contre lesdits Anglois & conquerre la ville de Calais, qui estoit de son propre heritage. Les autres estoient d'autre opinion: car en iceluy cas pensoient & contrepoſoient moult le commencement, entretenement & fin d'icelle guerre: disant que les Anglois estoient moult pres de plusieurs des pays du dessusdit Duc, & y pourroient bien entrer à leur auantage quand bon leur sembleroit. Et ne ſçauoit quelle ayde il pourroit trouuer au Roy Charles son seigneur, & en ses Princes à qui il s'estoit r'allié ſaucune mauuaise fortune luy aduenoit. Toutesfois quand tout eut esté debatru par plusieurs iournées, la conclusion fut prinſe que le dessusdit Duc feroit guerre & requerroit en ayde ceux de ses pays de Flandres, de Hollande & d'autres lieux pour luy ayder à conquerre la dessusdicté ville de Calais, & la Comté de Guyennes. Si estoient les principaux de ladicte conclusion de faire guerre, maistre Iean Cheurot Euesque de Tournay, le seigneur de Croÿ, maistre Iean de Croÿ, son frere, messire Iean de Homes qui estoit Seneschal de Brabant, le seigneur de Chargny, le seigneur de Creuecueur, Iean de Brimeu Baillif d'Amiens & autres plusieurs. Ausquels conseils ne furent point appelez plusieurs autres grans seigneurs, qui continuellement auoient seruy & soubstenu grand partie de la guer-

re avecques ledit Duc de durant son regne contre rous ses aduersaires. C'est à sçauoir messire Jean de Luxembourg, le seigneur d'Antioing, le Vidame d'Amiens, le Bastard de saint Pol, le seigneur de Saueuses, Hues de Launoy, le seigneur de Mailly & moult d'autres nobles & puissans hommes tant des pays de Picardie comme d'autres estans en la puissance dudit Duc : pourquoy il leur sembloit qu'ils n'estoient point tant tenus d'eux & leur puissance employer au fait de ladicte guerre, comme s'ils eussent esté appellez. Néanmoins apres la conclusion dessusdicte ledit Duc alla en la ville de Gand. Auquel lieu il feit assembler en la chambre des collationales Escheuins & les Doyens des mestiers d'icelle ville. Ausquels luy estant present il feit remonstrer par maistre Goussenin le sauage vn de ses conseilliers de son chastel de Gand, comment la ville de Calais appartenoit jadis à ses predecesseurs : & qu'elle estoit de son droit domaine & heritage à cause de sa Comté d'Arthois, jaçoit ce que les Anglois l'auoient de long temps occupée par force & contre son droit : comme de cè ils pouoient assez veritablement estre informez, tant par ce qu'autresfois leur auoit fait remonstrer par messire Collart de Communes souverain Baillif de Flādrès, comme par autres ses conseilliers & seruiteurs. Et aussi auoient lesdits Anglois depuis la paix Arras fait plusieurs entreprinſes contre luy, & ses pays & subiects, dont il estoit moult desplaisant : & mesmement auoient en diuers lieux escript & proclamé de tresgrans iniures & diffames contre sa personne : pourquoy il auoit cause bonnement sauué son honneur, de non plus souffrir ne dissimuler contre iceux Anglois. Et pource leur faisoit requeste & prie reſtintamment, qu'ils luy voulussent ayder à reconquerre icelle ville de Calais : laquelle (comme disoit ledit maistre Goussenin) estoit moult preiudiciable à toute la Comté de Flandres : pource que les laines, estaing, plomb, formaiges & autres marchandises que ceux de Flandres y acheptoient, on ne pouoit payer de quelque monnoye tant fur de bon aloi à leur plaisir : & leur conuenoit bailler or ou argent fondu & affiné, ce que point ne faisoient les autres pays, & ce relaterent estre vray lesdits doyens des mestiers. Apres lesquelles remonstrances faictes bien au long, grand partie desdits escheuins & doyens de ladicte ville de Gand sans prendre deliberation de conseil ne iour d'aduis pour parler aux autres membres de Flandres, se consentirent à la guerre : & ne pouoient estre ouïs aucuns seigneurs & gens sages & anciens qui estoient de contraire opinion. Et qui plus est quand les nouvelles en furent espandues par les autres villes & pays de Flandres, furent tous volentariex à celle besongne : & tardoit moult à la plus grand partie que on y procedoit si lentement : & estoient trop mallement desirans de monſtrer comment ils estoient bien armez & pourueuz d'engins, & autres habillemens de guetre. Si procederent en ce arrogamment & pompeusement, & pour vray il leur sembloit que ladicte ville de Calais n'auroit point de durée contre eux. Et depuis ce iour en auant commēcerent à eux pourueoir de toutes besongnes seruans à la guerre. Et pareillement feit ledit Duc de Bourgongne faire requeste aux autres membres & chastellenies de sa Comté de Flandres, d'auoir ayde & secours : lesquels luy accorderent liberallement. Et d'autre parr iceluy Duc sen alla en Hollande & feit requeste à ceux du pays que aussi ils luy feissent ayde de gens & de nauires, pour aller audit lieu de Calais : Lesquels luy accorderent

rent grand partie desdictes requestes. Et apres s'en retourna & feit par tous ses pays faire grandes preparacions de guerre contre lesdits Anglois, en intention de reconquerre ladicte ville de Calais. Item apres ce que les besongnes dessusdictes eurent esté longuement demenees, comme dit est, entre les Anglois & Bourgongnons: & que chacun d'icelles parties se gardoit l'un de l'autre, & desia auoient fait de chacune partie aucunes entreprinse: lors le Duc de Bourgogne enuoya de ses pays de Picardie le seigneur de Ternant, messire Simon de Laing & autres de ses capitaines à tout six cens combattans à Ponrhoise à l'ayde du seigneur de l'Isle-Adam, pour luy ayder à garder la frontiere contre lesdits Anglois: lesquels menoient forte guerre à icelle ville de Ponrhoise, pourtant que le seigneur de l'Isle-Adam l'auoit n'aguetes prinse fut eux. Avec lesquels se assembloient tressouuent les François & contendoient tressort à reconquerre la ville de Paris pour la partie desdits François. Durant lequel temps la femme du Roy Charles accoucha d'un fils, lequel le dessusdit Roy feit leuer au nom du Duc de Bourgogne & fut nommé Philippe. Si le tint sur les fons pour ledit Duc Charles de Bourbon, & avecques luy Charles d'Anjou frere de la Roynie. Et apres qu'il fut baptizé enuoya le Roy ses lettres par un poursuivant deuers ledit Duc, par lesquelles il luy signifioit ce que dessus est declairé: en luy requerrant que ce qu'il en auoit fait il le voulsist auoir pour agreable: lequel Duc fut d'icelles nouuelles tresioyeux & donna audit poursuivant de tresriches dons comme Prince. Et entre-temps ledit Duc faisoit par tous ses pays de grans requestes à ses subiects pour auoir ayde de gens & de finance contre les Anglois.

De l'an mille cccc. xxxvj.

Comment la ville de Paris fut reduite en l'obeissance du Roy Charles de France.



V commencement de cest an l'assemblerent le Comte de Richemot Connestable de France, le Bastard d'Orleans, les seigneurs de la Roche, de l'Isle-Adam, de Ternant & avec eux messire Simo de Laing & Sausse son frere, & plusieurs autres capitaines François & Bourgongnons accompagnez de cinq à six mille combattans ou enuiron: lesquels eux partans de Ponrhoise vindrent deuers Paris, esperans d'y entrer par subtils moyens, que y auoit le seigneur de l'Isle-Adam & autres fauorisans la partie de Bourgogne. Si furent illec de quarre à cinq heures. Et apres voyans qu'ils ne pouoient venir à leur intention, se logerent à Hauberuilliers, Montmartre & autres lieux à l'enuiron. Et le lendemain assaillirent la ville de S. Denys, où il y auoit de quatre à cinq cens Anglois qui furent prins de force: & en y eut de morts enuiron deux cens, & les autres se retrahirent en l'Abbaye à l'entour du Velin: lesquels Anglois furent assiegez, mais ils se rendirent sauue leurs vies, reservez aucuns du pays qui demourerent à volenté. Et le lendemain qu'il estoit ieudy messire Thomas de Beaumont, lequel nouuellement estoit venu à Paris à tout six cens Anglois qu'il auoit amenez de Normandie, alla dudit lieu de Paris à iceux vers ladicte ville de S. Denys pour scauoir & enquerre de l'estat des François desquels il fut apperceu: & saillirent hors à grand puissance contre luy. Si furent assez tost mis à grand meschef & tournez à desconfiture. Et en demourra de motts en la place bien trois cens & quatre vingts prisonniers: des-

quels fut l'un ledit messire Thomas, & les autres se sauuerent en fuyant à Paris, & furent chassés iusques aux portes de la ville. Et adonc les Parisiens qui estoient moult favorables au Duc de Bourgogne: c'est à sçauoir le quartier des Halles, aucuns de l'vniuersité, Michault Lailier & plusieurs autres notables bourgeois de Paris, eux voyans la perte qu'auoient faicte les Anglois & la puissance qu'auoient les François & Bourgongnons auprès d'eux, se mirent ensemble par diuerses compagnies, & conclurent l'un avec l'autre de bouter les Anglois hors de leur ville & y mettre les François & Bourgongnons dessusdits. Si le firent sçauoir au seigneur de l'Isle-Adam, affin qu'il y menast les autres. Lequel nonça ces nouvelles au Connestable de France, & aux autres seigneurs: lesquels tous ensemble se conclurent d'y aller, & se partirent de S. Denys en belle ordonnance le vendredy trefmatin. Et entre-temps Loys de Luxembourg Euesque de Theroüenne, les Euesques de Lisieux & de Meaux, le seigneur de Villeby & plusieurs autres tenans le party des Anglois, doubans ce qui leur aduint: c'est à sçauoir que le commun ne se tournast contre eux, firent loger leurs gens en la rue S. Anthoine auprès de la Bastille. Et firent ladicte Bastille bien garnir de viures & de plusieurs habillemens de guerre. Et avec ce se tindrent leurs gens armés & sur leur garde pour eux y retraire se besoing leur en estoit. Et les dessusdits François & Bourgongnons venus deuant ladicte ville de Paris vers la porte sainte laques outre l'eau vers Montlehery, enuoyerent le seigneur de l'Isle-Adam parlerement à ceux des murs: lequel leur monstra vne abolition generale de par le Roy Charles de France, scellée de son grand scel, en les admonestant trespasamment qu'ils se voulsissent reduire en l'obeissance du dessusdit Roy Charles à l'instance & faueur du Duc de Bourgogne, qui s'estoit reconcilié avec luy: duquel ils auoient si bien tenu le party, & encores demourroient sous son gouvernement: lesquels Parisiens oyans les douces parolles & offres que leur faisoit ledit seigneur de l'Isle-Adam & autres de sa partie, s'enclinèrent & conclurent assez brief ensuiuant l'un avecques l'autre de mettre les dessusdits seigneurs en leur ville.

ALORS sans delay furent dressées eschelles contre la muraille: par lesquelles iceluy seigneur de l'Isle-Adam monta & entra en ladicte ville, & avec luy le bastard d'Orleans & grand foison de leurs gens. Avecques lesquels s'assemblerent tantost grand foison de Bourgongnons & grand foison du commun d'icelle cité: qui tantost commencerent à crier parmy ladicte ville: *la paix: viue le Roy & le Duc de Bourgogne*. Et tantost apres firent ouurir les portes, par lesquelles entrerent dedans ledit Connestable & autres seigneurs à tout leurs gens d'armes, qui se retrahirent vers la Bastille saint Anthoine, où estoient les Anglois: c'est à sçauoir les dessusdits Euesques & seigneurs, qui desia se retrayoiēt dedans ladicte Bastille: & cuidoiēt aucunement resister, mais ce fut peine perdue: car leurs aduersaires estoient trop puissans au regard d'eux: parquoy ils furent assez tost reboutez en icelle, & en y eut de morts & prins en petit nombre. Et apres furent faictes barrières au deuant de la porte de la Bastille de cartiers de bois. Et se logerent gens d'armes aux Tournelles & autres logis au plus pres, affin qu'ils Anglois ne peussent saillir dehors. Et lors tous leurs biens qu'ils auoient laissez, furent prins & partis, & aussi plusieurs des principaux qui auoient tenu leur

leur party, furent mis prisonniers & leurs biens confisquez. Et avecques ce de par le Roy Charles y furent fais nouveaux officiers. En apres l'Euesque de Theouënnne, le seigneur de Villeby & leurs complices, estans en ladicte Bastille, eurent parlement avec les François: lequel parlement par le moyen du seigneur de Ternant & de messire Simon de Lalaing, vint à conclusion par tel si qu'en rendant ladicte Bastille, ils s'en iroient sauf leurs corps & leurs biens. Si eurent sauf-conduit du Connestable de France, sous lequel ils s'en allerent à Rouën par eaüe & par terre. Et à leur departement firent lesdits Parisiens grand huée en criant, *à la queue*. Et par ainsi demoura ladicte ville de Paris en l'obeissance du Roy Charles. Et islirent iceux Anglois par la porte des champs, & allerent par autour monter sur l'eaüe derriere le Louure. Si perdit ledit Euesque de Theouënnne sa chappelle qui estoit moult riche, & grand partie de ses ioyaux, & autres bonnes bagues qui demourentent audit Connestable. Toutesfois il fut aucunement fauorisé dudit seigneur de Ternant & de messire Simon de Lalaing; & luy fut secrettement tendue aucune partie de ses biens, qui estoient aual la ville, à l'entrée de laquelle fut desployée la banniere du Duc de Bourgongne & son estandart, pour à voulerent lesdits Parisiens à eux toutner de ce party. Et si y furent faits cheualiers nouveaux de par le Connestable dessus nommé des marches de Picardie, Saussé de Lalaing, & Robert de Neufuille avecques aucuns autres de la pattie des François. Apres laquelle entrée demourentent dedans icelle ville grand espace de temps ledit Connestable, & avec luy ledit seigneur de Ternant qui lors fut fait Pteuoist de Paris. Et le dessusdit messire Saussé de Lalaing & les autres cōme le Bastard d'Orleans, & les autres Picards retourment es lieux dont ils estoient venus.

Comment Artus Comte de Richemont Connestable de France feit guerre au Damoiseau de Commercy.



N cest an le Comte de Richemont Connestable de France à tout grand compagnie de gens d'armes, vint au païs de Champaigne & es marches d'environ pour guerroyer le Damoiseau de Commercy, & les autres qui estoient desobeissans au Roy Charles de France & moult trauailloient ses païs. Et à sa premiere venue prînt Laonnois à quatre lieüs pres de Reims, & de là alla deuant Btaine appartenant au seigneur de Commercy: mais pource qu'elle estoit trop forte & bien garnie & qu'ils ne vouloient point obeïr, il passa outre & s'en alla à saint Menchoult que tenoit Henry de la Tour, lequel il en debouta par certains traictés faits entre les parties: auquel lieu vint deuers le Connestable le Damoiseau Euetard de la Marche, qui avec luy feit appointement pour auoir ses gens & mettre le siege deuant Chauensy: si bailla ledit Connestable plusieurs de ses capitaines avec leurs gens audit Damoiseau Euetard, qui allerent assieger ladicte ville de Chauensy environ huit iours apres Pasques. Et là firent vne grande & forte Bastille, où se logerent environ quatre cens combattans avec grand nombre de cōmunes de bonnes villes & du plat païs, qui alloient & venoient. Entre lesquels y estoit le lieutenant du Connestable qu'on nommoit Iean de Malartait, & messire Iean Geoffroy de Conutant, & le Preuoist des Marechaux Tristan l'Hermitte. Et si y estoit

Pierre d'Orgy, Yuon du Puy, l'Arragon, Estienne, le grand Pierre & plusieurs autres notables hommes, qui là furent bien quatre mois ou plus, faisant moult forte guerre aux assiegez : lesquels aussi se deffendirent tresprudement. Durant lequel temps vne partie des assiegeans se tindrent aux champs, sur intention de faire dommage en autre maniere au dessuudit Damoiseau de Commercy, lequel se tenoit tousiours sur sa garde & bien garny de gens d'armes. Et sceut par ses espies, que ses aduersaires estoient logez au pays de Champagne en vne ville nommée Rommaigne. Et auant qu'ils s'en aperceussent aucunement, les assaillit environ huiet heures au matin, & ains qu'ils s'en donnaissent garde les rua ius & destoussa du tout. Si y furent morts environ soixante hommes : entre lesquels le furent Alain Geron Baillif de Senlis, Geoffroy de Morillon, Pierre d'Orgy, Alain de la Roche, Oliuier de la Iouste, le Bastard de ville Blanche & plusieurs autres Gentils-hômes. Et si en furent prins prisonniers bien six vingts, dont en estoit vn Blanchelaine : apres laquelle destrouffe ledit Damoiseau de Commercy se tetrabit. Et apres quand les nouuelles en furent portées au siege de Chauensy, ils en furent fort esmerueillez. Neantmoins ledit Euerard de la Marche se rallia de rechef avec le Comte de Vernembourg, qui en personne & deux de ses fils avecques luy & de quatre à cinq cens combattans alla audit siege. Et y mena messire Hugues Tauxte, messire Herault de Gourginés gouverneurs Dainuiller, les enfans de Broussel & plusieurs autres grans seigneurs, qui au siege se tindrent iusques à la nuict de saint Iean Baptiste, que les assiegez liurerent vne moult forte escatmouche & bouterent le feu aux logis des assiegeans : parquoy les meirent en destroy, & en occirent de deux à trois cens : entre lesquels y furent morts Estienne Diest & l'Arragon : & à l'autre des escarmouches y fut mort l'un des fils du Comte de Vernembourg : & pareillement le feu fut bouté par fusées dedans la grand Bastille. Parquoy leuids assiegeans à grand perte & dommage se deslogerent du tout apres que leurs logis furent du tout ars & btuys, comme dessus est dit. Et estoient dedans Chauensy durant le siege deuantdit de par ledit seigneur de Commercy, Angillebert de Dolle & Girard de Marefcoup à tout environ deux cens combattans. Si auoit ce temps pendant le dessuudit Connestable de France mis en l'obeissance du Roy Charles Nantueil en la montaigne de Reims, Han en Champagne, Bourg & aucunes autres forteresses de la venue.

Comment l'Euesque du Liege & ses Liegeois destroufferent Bouffeneure & plusieurs autres forteresses, qui leur faisoient guerre.



L'issue du mois d'Auil se meit sus à moult grand puissance l'Euesque de Liege, pour allet combattre & mettre en son obeissance plusieurs forteresses sur la Marche d'Ardaine : lesquelles estoient garnies d'aucuns sacquemens, qui tressouuent alloient courre au pays de Liege & y faisoient moult de dommage : desquels estoient les principaux conducteurs & qui les soustenoient Iean de Beautain, Philippot de Setgins, le seigneur d'Orchemont & aucuns autres qui se retrayoient communement au chastel de Bouffenoeh au hault chastellet, à Villers deuant Mousson, à Aubigny, à Orchemont, à Beurain & en plusieurs autres forteresses à l'environ : & se renomoient tressouuent

souuent les aucuns du Roy, & les autres du Duc de Bourgongne, & la plus grand partie de messire Iean de Luxembourg Comte de Leigny. Et les dessusdits: c'est à sçauoir Iean de Beaurain, & Philippot de Sanguin faisoient guerre en leur nom pour aucuns interests, qu'ils disoient auoir au service desdits Liegeois. Si assembla ledit Euesque de deux à trois mille chevaux par l'ayde des nobles de ses pays, & bien douze ou seize mille hommes de ses communes tresbien habillez & embastonnez chacun selon son estat, avecques de trois à quatre mille que chariots que charrettes chargées d'engins, artilleries, viures & autres habillemens de guerre: lesquels partans de la cité de Liege les conduisit à Dignant, & de là les mena passer la riuere de meuze. Et puis parmy les bois qui duroient bien cinq lieues, allerent à Rigniues, où ils seiournerent par l'espace de deux iours, pource que ledit Charroy cheminoit à grand peine & pesamment pour les chemins qui estoient effondrez. Auquel lieu de Rigniues à son partement deuisa son ost, & fit mettre en quatre batailles. C'est à sçauoir deux batailles à pied & deux à cheual: & alla ledit Euesque tout au long desdictes batailles les admonnestant de chascun bien faire son deuoir. Si fit partir vne partie de ses gens à cheual, qui allerent loger deuât ledit chastel de Boussenoche: & il les suiuit à tour ceux de pied, & les fit assieger rout entour & afuster ses bôbardes, & dresser ses engins contre la porte & muraille du dessusdit fort: dedans lequel furent enuiron vingt saquemens qui moult furent esbahis de veoir si grâd puissance deuant leurs yeux. Et adonques les dessusdits Liegeois meirent la main à l'œuure & vuidèrent grand partie de l'eau des fosses par tranchiz qu'ils feirent. Et les autres apporterent vne grand môtioye de fagots, pour icelles fosses remplir: puis commencerent à assaillir terriblement & par grand vigueur, & tant feirent qu'ils prindrent le boulleuert de ladicte forteresse d'assault. Et les deffendâs se retrahirent en vne grosse tour qui estoit là, & se deffendirent vne grâd espace de temps: mais ce rien ne valut: car ils furent tâtost oppressez de feu & de traict, tant qu'ils se rendirent à la voulété dudit Euesque: lequel les fit tous pédre par les hastereaux aux arbres eslâs pres ladicte forteresse par vn prestre, qui estoit avecques eux comme leur capitaine: lequel prestre apres qu'il eut pendu ses cōpagnons fut lié à vn arbre & bruslé, & ladicte forteresse fut demolie & rasée. Et se partit de là iceluy Euesque. Et mena ses gens vers le hault chastellet, desquels il y auoit grand partie de ses gens, qui vouloient aller deuant Hyreçon & autres forteresses de messire Iean de Luxembourg: pourtant qu'ils disoient qu'il soustenoit en sesdictes forteresses leurs ennemis qui leur faisoient guerre. Mais ce propre iour vint deuers ledit Euesque sur les champs le Bastard de Coucy, qui leur dit & rapporta que ledit messire Iean de Luxembourg l'auoit là enuoyé pour luy certifier, qu'il ne vouloit à luy ne à ses pays fors bon voisinage, requerrant qu'il ne leur souffrist faire quelque dommage: & si aucun tort auoit esté fait à luy & à ses pays par gens qui se fussent renommmez de luy: luy ouï en ses deffences, s'en vouloit rapporter au dict des amis d'un costé & d'autre. Et d'autre part vindrent lettres de par le Duc de Bourgongne au dessusdit Euesque, par lesquelles luy requeroit qu'il ne fait nul dommage audit messire Iean de Luxembourg, ne aussi au seigneur d'Orchimont, & par ainsi fut ce propos rompu & mis en delay. Et s'en allerent l'Euesque dessus nommé & vne partie de ses gens

loger à Aubigny, où il trouua que ceux de la garnison s'en estoient fuiz de paour qu'ils auoient eüe : & pourtant feit ardoir la forteresse. Et puis s'en alla au hault Chastellet, où il y auoit vne partie de ses gens qui estoient dedans, & l'auoient abandonné ceux qui le renoient, & fut abbatu comme les autres. Et lors auoit l'Euesque intention d'aller à Villiers. Et quand ce fur venu à la cognoissance de iceluy & de ceux de Mousson & d'Luoy, doutans le dommage qu'ils pouoient auoir au pays pour le grand nombre desdits Liegeois, eux mesmes abbatirent ledit fort de Villiers. Et quand ce fur venu à la cognoissance dudit Euesque, il print son chemin pour aller au Beaurain : laquelle forteresse Iean de Beaurain qui en estoit seigneur auoit fait fort reparer, & y edifier quatre tours: dont l'une estoit nommée Hainault, la seconde Namur, la tierce Brabant & la quarte Reters: qui estoient les quatre pays, où il auoit prins la finance dont il les auoit fait fonder : toutesfois quand il sceut la venue des dessusdits Liegeois, il ne les osa attendre. Si s'en alla avecques ses gens & y feit bouter le feu dedans : mais pourtant ne demoura mie, que ledit Euesque de Liege ne fait abbatre de fons en comble & du tout demolir. Et de là sans plus auant besongner ramena ses Liegeois en leur pays, & s'en retourna en la cité de Liege.

EN ce temps se rendit au seigneur d'Aussi & à messire Florimont de Brimeu Seneschal de Ponthieu la ville de Gamaches en Vimeu, qui moult long temps auoit tenu le party des Anglois par certains moyens qu'ils auoient dedans : en laquelle ville furent mis par ledit Seneschal gens d'armes de la partie du Duc de Bourgogne. Et pareillement furent lesdits Anglois deboutez d'Aumarle, & fut mise en la main d'un gentil-homme nommé Dauid de Reume, qui renoir le party du Roy Charles. Duran lequel temps le Comte de Richemont Connestable de France feit assieger le Creil, que tenoient les Anglois. Et fur fait vne bastille au bout du pont d'icelle ville vers Beauuois, où ils furent longue espace: mais en fin ils s'en departirent assez honteusement, dont ils eurent grand dueil au cueur: & perdirent de leurs gens, & aussi de leurs habillemens de guerre bien largement.

Comment les villes & forteresses d'Orchimont furent destruiſtes & demollies par le Damoisel Euerard de la Marche.

Tem durant ce temps Bernard de Bourset qui tenoit la forteresse d'Orchimont sur la marche d'Ardenne, enuoya enuiron cinquante saquemens qu'il auoit pour courre sur les pays de Liege, ainsi que plusieurs fois par auant auoient fait : lesquels furent apperceuz du dessusdit pays de Liege, & mis à chasser par l'ayde & entreprinse du Pteuost de Rebongne. Et de fait leur fut rompu le passage par où ils s'en cuidoient retourner: & s'en fuirent par empres Dinan, & se bourerent en Bouuines pour eux cuidoier sauuer: mais ils y furent detenuz prisonniers. Et depuis nonobstant que lesdits officiers du pays de Liege feissent plusieurs requestes à ceux de Bouuines qu'ils feissent iustice des dessusdits coureurs, si les deliurerent ils: car icelles deux seigneuries ne saymoient point bien l'un l'autre. Et entte-temps qu'iceux furent ainsi empeschez, Euerard de la Marche qui estoit allié avecques l'Euesque de Liege, & avecques iceux dessusdits coureurs auoient plusieurs dommages & desplai-

& desplaiſances, aſſembla haſtiuement ce qu'il peut auoir de gens: & ſe meirent avecques luy iceux de Dinan & ceux du païs, à tout leſquels il ſ'en alla deuant Orchimont & gaigna la ville d'aſſault. Et lors le deſſusdit Bernard qui adonc auoit trefpeu de gens de guerre avec luy, ſe retrahit en la fortereſſe où il fut approuché deſdits Liegeois trefſierement: tant que par viue force au bout de quatre iours il fut contraint par telle maniere qu'il ſe rendit, & ſeit traicté avecques le deſſusdit Euerard de la Marche. Apres lequel traicté icelle ville d'Orchimôr, & le chaſtel enſemble furent demoliz & razez iuſques à terre: dont tout le peuple de toute la marche & des païs à l'environ furent trefſioeux, pourtant que de treflong temps parauant eſtoient tenus dedans icelles aucunes gens de trefmauuiſe raiſon, & qui moult auoient greué & oppreſſé leurs païs voiſins.

Comment les Anglois de Calais coururent vers Boulogne & Grauelines, & deſconſeirent les Flamans. Et de là Hire qui gaigna Giſors & tantost le perdit.



N ce temps apres que les beſongnes deſſusdictes furent ainſi approchées de guerre, comme dit eſt cy deſſus, entre les Anglois & Bourgonnons, & que chacune des parties eſtoit ſur ſa garde: iceux Anglois vindrent courre deuant Boulogne, & cuiderent prendre la Baſſe Boulogne: mais elle leur fut fort deſſendue. Si ardirent partie du nauire qui eſtoit au haur, & apres ſe retrahirent à tout ce qu'ils peurent auoir en leur fortereſſe ſans perte. Et aſſez brief enſuiuant ſe remeirent enſemble de cinq à ſix cens combattans, & allerent fourrager les païs vers les Grauelines: mais les Flamens de la marche à l'environ du païs ſ'aſſemblersent, & coururent ſus aux deſſusdits Anglois outre la voulenté des gentils-hommes qui les conduiſoient, c'eſt à ſçauoir Georges de Vbes & Chery Hazebrouch. Si furent toſt vaincus & mis à deſroy: & en y eut de trois à quatre cés morts, & bien ſix vingts priſonniers: leſquels par leſdits Anglois avecques grand proyes furent menez dedans la ville de Calais, & és autres fortereſſes de leur obeiſſance, & les autres ſe ſauuerent par les hayes & buiſſons, où ils peurent pour le mieux. Auquel temps auſſi la Hire qui ſe tenoit à Beauuais & à Gerberoy, pour certains moyens qu'il auoit en la ville de Giſors entra dedans à puiſſance, & gaigna ladiſte ville. Mais aucuns de la garniſon eſtans leans ſe retrahirent en la fortereſſe, & enuoyerent querir ſecours de leurs gens à Rouën & ailleurs de leur obeiſſance. Lequel ſecours dedans le tiers iour fut enuoyé ſi fort qu'ils reconquirent la ville, & ſ'en partirent la Hire & les ſiens pluſtoſt que le pas, reſerué de vingt à trente qui demourerent en icelle ville que morts que prins avecques grand quantité des habitans, deſquels par iceux Anglois fut faicte grand deſtruction, pourtant qu'ils eſtoient demourez avecques leurs ennemis.

Comment les Gantois & ceux du païs de Flandres firent grand appareil de guerre, pour aller deuant la ville de Calais.



Vrant le temps dessusdit, les Gantois pour sçauoir leur puissance, mandement par tout leurs chastellenies & es pays à eux subiects que tous ceux qui estoient leurs bourgeois de quelque estat qu'ils fussent (reueruë ceux qui estoient à leur Prince) veinssent dedans trois iours eux monstrer deuant les Escheuins de Gand, & faire escrire leurs noms & leurs surnoms sur peine de perdre la franchise de leur bourgeoisie. Et avec ce qu'ils se pourueussent d'armes & de habillemens necessaires à guerre. Aussi firent publier que ceux qui estoient condamnez pour leurs malefices par lesdits Escheuins, ou autres arbitres à faire pelerinages, fussent tenus pour excusés iusques au retour d'iceluy voyage & quatorze iours apres. Et que ceux qui auoient guerre ou dissension l'un à l'autre, demourroient en la sauuegarde de la loy ledit voyage durant, & qui l'enfraindroit il seroit puny selon la coustume de ladicte ville. Item en outre fut despendu que nul du pays de quelque estat qu'il fut, ne menast ou fait mener hors d'iceluy pays aucunes armes ou habillemens de guerre, sur peine d'estre banny de dix ans. Apres lequel mandement dessusdit firent en icelle ville de Gand & en leur chastellenie moult grand appareil de guerre. Et sçauoient toutes les villes fermées & les villages combien ils deuoient deliurer de gens pour accomplir le nombre de dixsept mille hommes, que ceux de ladicte ville de Gand auoient promis à deliurer à leur Prince en ceste presente année. Et pareillement sçauoient bien combien chacun mesnage deuoit payer de taille des assiettes, qui se faisoient pour la despense d'icelle guerre. Et apres manderent par toute leur obeissance, qu'on leur fait finance pour leurs deniers de chars & de charrettes le tiers plus qu'on n'en auoit liuré jadis pour le voyage de Ham sur Somme. Et furent leurs mandemens publiez par toutes leurs chastellenies par les officiers des lieux. Et pourtant que bonne expedition ne fut mie de ce faict du tout à leur plaisir, ils enuoyerent de rechef autre nouuel mandement ausdits officiers. Par lequel ils leurs signifioient si de trois iours ensuiuans n'auoient enuoyé monstrer en ladicte ville de Gand deuant leurs commis, leurs chars & charrettes dessusdits en nombre qu'ils les demandoient & requeroient: ils enuoyeroient le Doyen des Blancs Chapperons & ses gens esdictes villes, pour prendre iceux chars & les charrettes sur les plus apparans sans riens espargner aux despens de ceux qui auront esté refusans de les bailler. Lequel second mandement veu pour la doubte des dessusdits Blancs-Chapperons, les deuantdits payzans firent si bonne diligence que ceux de Gand furent bien contents d'eux. Si ordonnerent & conclurent affin que chacun d'eux fussent embastonnez, que chacun se pourueust de cours maillets de plomb ou de fer à poinctes & de lances, & que deux maillets vaudroyent vne lance, & qu'autrement ne seroient point passez à monstre, & si en seroient punis ceux qui en seroient defaillans. Et d'autre part ceux de Bruges & les autres membres firent chacun selon leur estat, & puissance tresgrans appareils & ordonnance, pour aller en icelle armée. Et fut bien par l'espace de deux mois ou enuiron, que la plus grand partie de tous ceux qui estoient ordonnez pour aller en iceluy voyage ne faisoient aucunement leurs mestiers ne leur labeur. Ainçois la plus grand partie du temps s'occuperent d'aller despendre le leur par grandes compagnies es tauerne & cabarets.

rets. Et souuent s'esmouuoient de grans debats & rumeurs les vns contre les autres: par le moyen desquels en y auoit souuent de morts & de naurez. Et entre-temps le Duc de Bourgogne preparoit ses besongnes à toute diligence pour fournir iceluy voyage de Calais. Durant lequel temps en y auoit vn nommé Hannequin Lyon natif de Duncquelque, lequel pour ses desmerites auoit esté banny de la ville de Gand & s'estoit rendu fugitif du pays. Si deuint escumeur de mer, & par son engin & diligence multiplia tellement en cheuance, qu'il auoit à la fois huict ou dix nefz bien armées & aduitaillées toutes à son commandement. Et faisoit guerre mortelle à toutes gens de quelque estat qu'ils fussent. Si estoit moult crainct & cremu sur la mer des marches de Flandres & de Hollande: & se disoit amy de Dieu & ennemy de tout le monde: mais à la fin il en eut pour son salaire tel ou pareil, qu'ont sount gens de tel estat qu'il estoit: car quand il fut au plus hault de la rouë de fortune, elle le meit tout au plus bas & fut noyé en mer par tempeste & orage de temps.

Comment messire Jean de Croÿ Baillif de Hainault à tout plusieurs autres capitaines assaillit les Anglois, dont il fut vaincu.

EN ce mesme temps messire Jean de Croÿ Baillif de la Comté de Hainault, assembla des marches de Picardie & de Boulenois iusques au nombre de quinze cens combattans ou environ: desquels estoient les principaux le seigneur de Vvaurin, messire Baudo de Noyelle, messire Loÿs de Thieubronne, Robert de Sauueses, Richard de Thieubronne, le seigneur Deulez, le Bastard de Roucy & moult d'autres experts & notables hommes de guerre en intention de les mener courre deuant Calais, & autres fortresses tenans le patty des Anglois. Et se feit ceste assemblée en vn village nommé le Vvast à deux lieües pres de saint Omer: au loing duquel lieu cheuauchèrent de nuit vers le pays de leurs aduersaires: lesquels aduersaires & ennemis en icelle propre nuit estoient issus de leurs garnisons bien deux mille ou environ, pour aller fourrager le pays de Boulenois & es marches de là environ. Et ne sçauoient point icelles deux compagnies la venue l'un de l'autre. Et ne venoient point tout vn chemin pour eux entrer encontrer. Mais le dessusdit messire Jean de Croÿ & ceux de sa partie approchans les marches des dessusdits Anglois, enuoya aucuns experts hommes d'armes cognoissans le pays deuant pour enquerre & sçauoir des nouvelles: lesquels trouuerent le train des Anglois leurs aduersaires & ennemis vers le pont de Milay environ le point du iour. Et cogneurent & apperceurent bien qu'ils estoient moult grand nombre. Si le feirent sçauoir à leurs capitaines & qu'ils tiroient vers la Fosse de Boulenois. Lesquels s'assemblerent l'un avecques l'autre pour auoir aduis que sur ce leur estoit à faire. Si conclurent de les poursuiuir & assaillir en tant qu'ils fourrageroient les villages, se ainsi on les pouoit surtrouuer: & sinon, ils les combattoient en quelque estat qu'ils fussent r'attains. Et fut lors ordonné que messire Jean de Croÿ dessus nommé accompagné d'aucuns hommes d'armes experts, meneroit la plus grand partie des archiers deuant, & tous les autres de la compagnie suiuroient d'assez pres sous l'estandart de messire Loÿs de Thieubronne. Si furent de rechef mis coureurs deuant, qui cheua-

cherent trefgrand espace de chemin tant qu'ils veirent les feux, qu'auoient bou-
tez en icelles villes & citez les dessusdits Anglois. Lesquels estoient desia ad-
uertiz que leurs aduersaires & ennemis estoient sur les champs par aucuns
hommes du païs, qu'ils auoient prins. Si rassemblerent leurs gens ensemble
sur vne petite montaigne entre Graueligne & Champaigne. Si pouoit estre
enuiron dix heures du iout: mais la plus grand compaignie des Anglois es-
toient plus bas, & ne les pouoit on bonnement veoir. Et adonques ceux
de la partie de Bourgongne voyans leurs aduersaires & ennemis deuant leurs
yeux, furent moult fort desirans d'assembler à eux, pource en y eut fort grand
nombte de ceux de deuant, qui allerent frapper dedans: & en y eut grande-
ment de tuez, à leur nombre de soixante ou quatre vingts: & grand partie des
autres se meirent à la fuite, mais les assaillans n'estoient point ensemble, &
cheuauchoient à loing train: puis voyans au dessous de ladicte montaigne
vne si grosse compaignie de leurs aduersaires & ennemis, qui se rallioient l'un
auecques l'autre qu'ils doubterent d'entrer entre eux, & attendirent leurs au-
tres compaignons enhardiant l'un contre l'autre. Et entre-temps lesdits An-
glois reprindrent cueur voyans, qu'iceux les assailloient doutablement: si vin-
drent par bonne ordonnance eux courre sus & ferir en iceux vigoureusement.
Et lors les dessusdits de la partie de Bourgongne sans faire grand resistance, se
meirent en desroy, retournerent hastiement en fuyant vers les forteresses
de leur obeissance. Et les dessusdits Anglois qui auoient esté comme demy
vaincu de premiere venue, coururent apres à resne laschée & les chasser-
ent iusques aux bailes d'Ardre, & dedans les barrieres. Si en prindrent & oc-
cirent bien cent ou plus: desquels en fut l'un Robert de Bournouille surnom-
mé le Roux: Et des prisonniers furent Jean d'Estreues, Bournouille, Galiot
du Champ, Maide, Houlefort, Barnamont & plusieurs autres notables hom-
mes. Et mesmement iceux Anglois chasserent si auant, qu'ils tuerent & occi-
rent enuiron cinq ou six Bourgongnons au plus pres des fosses de ladicte vil-
le d'Ardre, desquels en y auoit vn de grand parage. En laquelle ville se retra-
hirēt le seigneur de Vvarin, messire Baudo de Noyelle, messire Loys de Thieu-
bronne, Robert de Saucuses, qui auoit esté fait chevalier nouuel à ceste be-
songne & aucuns autres. Et mesmement le dessusdits messire Jean de Croÿ,
qui auoit esté blessé de trait à l'assemblée & y fut son cheual mort: & retour-
na auecques luy le seigneur d'Eule en l'abbaye de l'Isle moult troublé & en-
nuyé de ceste malle aduenture. Et les autres s'en retournerent en plusieurs au-
tres villes & forteresses du païs. En outre apres que les Anglois eurent ainsi
reboutez leurs aduersaires & ennemis, ils se rassemblerent & se bouterent en
Calais & autres lieux de leur obeissance à tout leurs prisonniers: au deuant des-
quels vint hors d'icelle ville de Calais le Côte de Mortaigne qui leur feit moult
ioyeuse reception, & blasma moult fort ceux qui s'en estoient fous & les auoiet
laissez en ce dangier.

*Comment les Flamens allerent assieger la ville de Calais. Et comment ils s'en par-
tirent.*

A l'entrée



L'entrée du mois de Iuing le Duc Philippe de Bourgogne, qui par auant auoit fait toutes ses preparacions tant de gens comme d'habillemens de guerre pour aller deuers Calais, s'en alla à tout simple estat en la ville de Gand, affin de faire partir les Gantois & autres d'iceluy païs de Flandres: lesquels en la presence dudit Duc de Bourgogne, feirent leurs monstres le samedy apres le iour du Sacrement dedans icelle ville de Gand au marché des vendredis: & estoient là venus pour aller avecques eux ceux de leur chastellenie: C'est à sçauoir des villes de Grandmont, d'Alloz, de Termonde & de Mene (avecques ceux des cinq membres de la Comté d'Alloz, qui contiennent soixante & douze villes champestres & seigneuries) de Boulers, Sotengien, Tournay, Gaures & de Rides, avecques ceux de Regnais & des Regalles de Flandres, situez entre Grandmont & Tournay. Auquel marché dessusdit ils furent en estat depuis huiët heures de matin, iusques apres nonne qu'ils issirent de leur ville allans le chemin vers Calais. Et les cōuoya iceluy Duc de Bourgogne iusques aux champs, où il print congé d'eux, & s'en alla pour mettre à chemin ceux de la ville de Bruges. Si faisoit ce iour moult grand chault & ferueur de soleil, dequoy il en mourut d'icelle ville de Gand deux capitaines. Dont l'un estoit nommé Iean des Degrez, & fut Doyen des Nauieurs: & l'autre Gautier de Vvase-Reman capitaine de Vvesmonstre, avecques aucuns autres de petit estat. Si estoient capitaines generaulx d'icelle armée des Flamés: c'est à sçauoir desdits Gantois, le seigneur de Communes: de Bruges, le seigneur de Fienhuse: de Courtray, messire Girard de Chastelles: de ceux du Franc, le seigneur de Merqueüe: & de ceux d'Ippre Iean de Cōmunes. Et se logea l'ost pour celle premiere nuit à Deuise & à Petangien, qui sont assis à lieüe & demie pres de la susdicte ville de Gand ou enuiron. Et le lendemain seiournerent là pour attendre leurs habillemens. Et apres le lundy ensuiuant se partirent de ce lieu, & s'en allerent par plusieurs iournées loger dehors de la ville d'Armentieres sur les praeries: & se meirēt avecques en chemin ceux de Courtray, & d'Audenarde qui sont de leur chastellenie. Et les conduisoit tousiours comme chief & capitaine le seigneur d'Antoing, à cause de ce qu'il estoit Vicomte heritablement de la terre de Flandres. Auquel lieu d'Armentieres furent prins vingt & vn homme & liez aux arbres deuant la tente de Gand, pource qu'ils auoient desrobbe aucuns du païs. Et de là s'en allerēt lesdits Gantois parmy le païs de Laleu à Hazebrouch, où ils abbatirent le moulin Chery de Hazebrouch: lequel comme ils disoient, auoit mal conduict les Flamens deuant Grauelignes, qui nagueres auoient esté desconfits par les Anglois: mais il s'en excusoit, disant que ils ne l'auoient point voulu croire n'y ser de son conseil. Et de là s'en allerent deuers Drincam: auquel lieu vint deuers eux ledit Duc de Bourgogne leur Prince & seigneur, & le Comte de Richemont Connestable de France, qui estoit venu en ces parties deuers ledit Duc de Bourgogne: & allerent visiter les Gantois de lieu à autre, & prindrent la collation de vin en la tente de Gand, & de là passerent parmy Bourbourg, & allerent loger empres Grauelignes, & abbatirēt le moulin Georges de Vvez, pour le pareil cas qu'ils auoient fait celuy dudit Chery de Hazebrouch. Auquel lieu vindrent ceux de Bruges, d'Ippre & du Franc, & d'autres lieux de celuy païs de Flandres: & s'assemblerent tous aupres

l'un de l'autre, & meirent leurs tentes par belle ordonnance selon les villes & estats dont ils estoient: si estoit vne moult grand beauté à les veoir, car à les veoir de loing se sembloient bônes grans villes. Et quant est aux chariots & aux charrettes, il y en auoit par milliers, qui portoient lesdictes tentes & plusieurs autres habillemens de guerre: & sur chacun chariot auoit vn coq pour châter les heures de la nuit & du iour: & si auoit grand nombre de ribauldekins portans canons, couleurines, arbalestres & plusieurs autres gros engins: & si estoient iceux Flamens ou la plus grand partie armez de plain harnois, selon la guise du pays. Et à leur departement de là se meirent tous ensemble en armes, & feirent monstres en la presence dudit Duc de Bourgogne & du dessusdit Conestable de France, qui les regarda moult voulentiers. Et ce mesme iour se feist en l'ost de Bruges vn loup, pour lequel il y eut tresgrad effroy & fut crié à l'arme par tout. Parquoy tous les osts se meirent aux champs, & pouoient bien estre trente mille ou au dessus de testes armées. Et adoncques passerent la riuere de Grauelignes, & se logerent deuers Tournehem. Si feist en celuy iour vn terrible temps de pluye & de vens: pourquoy ils ne peurent tendre leurs tentes, & les conuint gelir sur les prez. Et la furent prins trois Picards que les Gantois feirent pendre, pource qu'ils auoient desrobbe les marchans de viures en l'hostel. Durant lequel temps le Comte d'Estampes & tous les gens d'armes du dessusdit Duc de Bourgogne qui estoient ordonnez pour ce mesme voyage, se tirerent vers les parties où estoient les dessusdits Flamens: si allerent par vn vendredy tous les osts de Flâdres, & aussi les gens d'armes loger aupres du dessusdit chastel d'Oye que tenoient les Anglois: lequel chastel & forteresse d'Oye fut rendu & deliuré en assez brief terme, & se meirent en la volenté du dessusdit Duc de Bourgogne & de ceux de la ville de Gand: laquelle volenté fut telle qu'on en pendit deuant ledit chastel le mesme iour vingt & neuf, & depuis en furent penduz encores vingt & cinq: & si en y eut trois ou quatre qui furent repitez à la requeste dudit Duc Philippe de Bourgogne. Apres laquelle redditiõ iceluy chastel fut ars & bruslé, & du tout demolly. Et quand est au regard des Picards & Bourgognons là estans, nonobstant qu'ils soient assez aspres au pillage: neantmoins ils n'y pouoient auoir lieu pour riens conquerre n'auoir, car Hannequin, Vvnequin, Pierre, Liéuin & autres ne l'eussent iamais souffert ne laissé passer. Et qui pis est, qu'ad ils s'entrebouttoient avec eux, & prenoient aucune chose sur leurs aduersaires & ennemis, il aduenoit souuent qu'avec ce leur propre leur estoit osté: & s'ils en parloient aucunement, ils auoient souuent des durs horions. Si les conuenoit taire & souffrir pour la grand puissance qu'auoient les dessusdits Flamens, mais ce n'estoit point patiemment. Et sembloit à iceux des communes de Flandres, que toutes besongnes on ne pourroit venir à bon chief, se par eux n'estoit. Et mesmement estoient si presumptueux la plus grand partie, qu'ils auoient grand doubte que ceux de la ville de Calais abandonnassent leur ville, & qu'ils s'en souissent en Angleterre: & disoient aucuns de leurs gens aux Picards, aufquels ils deuisoient souuentes fois. Nous sçauons bien puis que les Anglois sçauront que messeigneurs de Gand sont armez & à puissance pour venir contre eux, qu'ils ne les attendront mie: & a esté tresgrande negligence, que le nauire qui doit venir par mer n'a esté assis auant qu'on les approchast, affin qu'ils

ne s'en peussent fouÿr. Toutesfois ils ne deuoient point de ce estre en soucy. Car les dessusdits Anglois auoient bonne volenté d'eux deffendre contre eux : & pour verité le Roy Henry d'Angleterre, ceux de son conseil & tous les trois estats d'iceluy Royaume d'Angleterre, eussent auant laissé perdre toute la conqueste qu'ils auoient faicte au Royaume de France depuis trente ans par auant, que ladicte ville de Calais, comme on fut depuis veritablement acertené & informé : & aussi ils en monstrent assez bien les manietes & le semblant brief apres ensuiuant. En apres ledit chastel d'Oye ainsi demolly (comme dit est) tout l'ost & les gens d'armes se deslogerēt, & allerent loger entre le chastel de Marcq & icelle dicte ville de Calais. Auquel iour le dessusdit Duc Philippe de Bourgongne avecques ses gens d'armes, s'en allerent courre deuant la ville de Calais, & issirent & faillirent les Anglois hors contre eux depied & de cheual, & y eut fort grande escatmouche : mais en fin lesdits Anglois furent reboutez, & gaignerent sur eux les Picards & Flamens, vaches, theuaux, brebis, moutons, & plusieurs autres choses de la ville. Si se tint ledit Duc de Bourgongne avec ses gens grand espace de temps deuant ladicte ville, tant que les oïts fussent logez, & puis retourna ledit Duc en son logis vers le chastel de Marcq : deuant laquelle forteresse allerent les Picards dessusdits liuer vne moult grande escarmouche. Et fut depuis le bouleuert conquis, dont ceux de dedans se commencerent moult fort à esbahir de ce : & bouterent & meïrent la banniere de monseigneur S. George dehors vers la dessusdicte ville de Calais, & si commencerent à faire sonner leurs campanes & cloches, & feirent leans moult grans & horribles cris. Er pource doubtans qu'ils ne s'en fouÿssent pat nuiet, on meit grand guet tout à l'environ : & le lendemain furent assis plusieurs gros engins contre la muraille, desquels ils furent fort rompus. Si furent vn iour assailiz des Picards & Flamens : mais ils se deffendirent moult vaillamment de pierres en iectant à val & de trair, tant qu'ils blefferent & naurerent plusieurs de ceux de dehors, & les feirent retraire. Puis requirent ceux de dedans d'auoir trefues pour parlementer, lesquelles leur furent accordées. Et lors s'offrirent d'eux mettre en la volenté du Duc de Bourgongne moyennant qu'ils ne fussent point penduz : mais on feroit son plaisir en autre maniere, à quoy il furent receuz : & fut deffendu sur peine de la hart, que nul n'entraist au chastel s'il n'y estoit commis. Et adoncques furent ceux de dedans amenez par les quatre membres de Flandres en la tente de Gand : & fut ordonné qu'ils feroient changes pour rauoir aucuns Flamens, qui estoient prisonniers dedans ladicte ville de Calais. Si furent amenez hors de ladicte forteresse cent & quatre Anglois : lesquels furent menez en prison en la ville de Gand par le Baillif dudit lieu. Et lors grand partie du commun allerent dedans ledit chastel, & prindrent ce qu'ils peurent trouuer. Mais aucuns de ceux de la bourgeoisie de Gand se meïrent à l'entrée d'iceluy chastel, & tollurent & osterent aux dessusdits quād ils en issirent tout ce qu'ils auoient prins, & le meïrent tout en vn mont, & disoient que ce faisoient ils par l'ordonnance des Escheuins de la ville de Gand : mais quand la nuiet fut venue, ils le chargerent tout sur les chars & charrettes, & le menerent où bon leur sembla. Si en furent de ce accusez deuers les dessusdits Escheuins, dont ils furent bannis cinquāte ans hors du paÿs & la Comté de Flandres. Pour lequel bannissement s'esmeut grād mur-

mure entre eux, & furent en grand peril d'auoir l'un contre l'autre grand dissention. Et le lendemain ensuiuant furent decapitez sept hommes qui auoient esté prins avecques les dessusdits Anglois, dont les six estoient Flamens & le septiesme Hollandois: & apres ce fut la forteresse demollie & du tout abbattue. Si se partirent de là, & s'en allerent loger les Flamens au propre lieu où on dit que Iaqués d'Arteuelles auoit iadis mis ses tentes, quand Calais fut conquis de par le Roy Henry d'Angleterre apres la grand bataille de Cressly: & le Duc Philippe de Bourgongne à tout sa cheualerie & ses gés d'armes, se logerent assez pres en tirant vers Calais. Et y eut ce iour tresgrand assault contre ceux de dedans, & en y eut de morts & de naurez de chacune partie, entre lesquels la Hire fut nature à la jambe d'un trait, lequel estoit venu veoir ledit Duc de Bourgongne. Si furent assis plusieurs engins pour iecter dedans icelle ville de Calais. Et pareillement ceux de dedans en assusterent plusieurs contre ceux de l'ost, dont leurs aduersaires furent moult fort ttavaillez, & conuint qu'ils se trahissent plus arriere. Si se logea ledit Duc de Bourgongne plus pres des Dunes contre les montaignes de Sablon. Et ainsi qu'iceluy Duc cheuauchoit à petite cōpaigñie pour aduiser la ville, vint vne grosse pierre de canon au plus pres de luy: laquelle occist vne trompette & trois chevaux, dont celuy du seigneur de Saueuses estoit l'un. En outre lesdits Anglois sailloient tressouuent dehors de pied & de cheual: & en y eut moult de fois de tres dures escarmouches entre les deux parties: lesquelles ne se pourroient raconter chacunes à par-elles, ne nommer ceux qui y besongnerent le pis ou le mieux: mais entre les autres i'ay ouï relater à aucuns notables & dignes de foy, que les seigneurs de Habourdin, de Cresquy & de Vvaurin furent bien veulz & loüez en au cunes d'icelles escarmouches, & moult d'autres notables & vaillans hommes des pays de Picardie. Toutesfoies les dessusdits Anglois emportoient aucunesfoies la renommée pour la iournée. Et d'autre part les Picards les rebouttoient trop souuent iusques dedans leurs barrieres assez confusiblement. Et quant est aux Flamens, ils estoient assez peu cremeuz d'iceux Anglois, & leur sembloit que s'ils n'eussent eu que trois Flamens contre l'un d'eux, qu'ils en fussent venuz bien à chief. Si estoient avecques le Duc Philippe de Bourgongne en ceste exercite son nepueu de Cleues, le Comte d'Estampes, le seigneur d'Antoing qui gouernoit lors les Flamens, le seigneur de Croÿ, les seigneurs de Crequy, de Fosseux, de Vvaurin, de Saueuses, de Habourdin, de Humieres, d'Inchy, de Brimeu, de Launoy, de Huchin & les freres de Hastines & de Fremessen, avecques plusieurs autres seigneurs gentils hommes tant de son hostel & famille comme de ses pays de Bourgongne, de Flandres, de Brabant, de Hainault, d'Arthois & des autres lieux: toutesfoies le dessusdit Duc de Bourgongne n'auoit point assemblé la moitié de sa puissance, quant au regard de ses gens d'armes des pays de Picardie. Et en auoit esté renuoyez grand partie des les monstres: dont moult de gens qui bien aymoient son honneur, estoient moult fort esmerueillez, & leur sembloit qu'à tous besoings il se fut mieux aydé d'eux que du double de ses communes. En outre messire Iean de Croÿ qui conduisoit la plus grand partie des gens de guerre de Boulenois, avecques aucuns autres qu'il auoit amenez, fut enuoyé loger à l'autre costé plus pres de Calais en tirant deuers le pont d'Amillan: deuant lequel logis y eut grand parlement

parlement entre ses gens & ceux de la ville. Mais assez brief ensuiuant fut remandé par ledit Duc de Bourgongne & enuoyé deuant Guisnes, où il se logea luy & les gens assez pres des pottes & mutailles: deuant lesquelles furent dressées & assis plusieurs gros engins qui fort les adommagerent. Auecques luy estoient le Galois de Rancy cheualier, Robert de Sauueses & plusieurs autres notables hommes, qui en grand diligēce approchetent de leurs aduersaires & ennemis: & les meirent en moult grand doubte & necessité d'estre prins de force, & tant qu'ils abandonnerent leur ville & se ttrahirent dedans le chastel où ils furent de rechief ttesfort approchez, assailliz & combattus desdits assiegeans. Et par auant leur venue audit lieu de Guisnes, s'estoit réduit audit messire Iean de Croÿ la forteresse de Vauchingnen: & luy auoient deliurée les Anglois moyennant qu'ils s'en iroient saufs leurs vies, & aucunes petite partie de leurs biens. Et pareillement rendirent lesdits Anglois le chastel de Sangathe à messire Robert de Sauueses: lequel y alla deuant entre-temps qu'il estoit au siege de Guisnes, lequel chastel il gaut de ses gens. Durant lequel temps le dessusdit Duc de Bourgongne estoit logé deuant la forte ville de Calais (comme dit est) auoit grand merueille de son nauire, qui deuoit venir par mer & demourroit tant: & d'autre part les Flamens en estoient tresmal contens & murmuroient tresfort à l'encōtte du conseil d'iceluy Duc de Bourgongne, & de ceux qui auoient la charge de les conduire & mener, c'est à sçauoir messire Iean de Hornes Seneschal de Brabant, & le Commandeur de la Morée: mais iceluy Duc les rappaisoit & cōtentoit par douces parolles, disant qu'ils viendroient bien brief comme ils luy auoient fait sçauoir par leurs lettres, & n'auoient point eu vent propice iusques à ptesent: parquoy ils eussent peu venir plus tost. Si venoit chacun iour des nauires d'Angleterre dedās Calais à la plaine veüe de leurs aduersaires, vne fois plus, l'autre fois moins qui leur amenoient & appottoient des viures, nouuelles gēs, habillemens de guerte & autres choses necessaires. Aussi n'estoit il pas si ptes approchez de leurs ennemis, q̄ chacun iour ne meissent grād partie de leur bestail dehors leur ville en pasture, qui faisoit moult grand mal à veoir à ceux de dehors, & en y auoit souuent de grandes escarmouches à cause & à l'occasion d'iceluy bestail, pour cuidoier en gaignet. Et mesmement vn certain iour les seigneurs & bourgeois de Gand, qui plusieurs fois en auoient veu & veioient souuent tamen par les Picards, s'apperceurent en eux mesmes qu'ils estoient grans & forts & bien armez, & qu'il pouoient aussi bien cōquetter & auoir leur part dudit bestail. Si se meirent à chemin bien deux cens, & allerent le plus couuettement qu'ils peurent es marests aupres d'icelle ville pour prendre & amener la proye: mais ils furent tantost apperceuz des Anglois: qui ne furent mie patiens quand ils veirent les dessusdits venir si ptes d'eux, pour leur oster ce dōt ils deuoient viure, & les recogneurent bien à leurs habillemens. Si se ferirent en eux vigoureusement & en occirent bien vingt & deux, & en prindrent trente trois qu'ils emmenèrent prisonniers: & les autres retournerent à grand cours en leur logis: disant qu'ils y auoient grand perte & faisant grand effroy, & leur sembloit qu'ils estoient bien eschappez. Et y auoit souuent en l'ost d'iceux Flamens de grans alarmes: car pour peu de chose ils s'esmouuoient tous, & se mettoient en armes, dont ledit Duc de Bourgongne leur seigneur estoit desplaisant.

mais il n'en pouoit auoir autre chose. Et conuenoit que toutes besongnes se cōduisissent en la plus grand partie à leur plaisir. Auquel temps vint deuers ledit Duc vn herault d'Angleterre nommé Kemibruich: Lequel le salua moult reuerremment: & luy dit, que Humfroy Duc de Clocestre son seigneur & maistre luy faisoit sçauoir par luy qu'au plaisir de Dieu le combatteroient avec toute sa puissance bien brief, s'il le vouloit attendre. Et s'il se partoioit de ce lieu, il le querroit en aucuns de ses païs: mais il ne luy faisoit point sçauoir le iour, pourtant que la mer & le vent ne sont point stables, & ne sçauoit s'il pourroit passer à son plaisir. A quoy fut respondu par ledit Duc de Bourgogne qu'il ne seroit point besoing qu'il lequist en nul de ses païs, & qu'il le trouueroit là se Dieu ne luy enuoyoit aucune fortune: apres lesquelles parolles ledit herault fut grandement festoyé: & luy fut donné aucuns dons, à tout lesquels il s'en retourna en la ville de Calais: & le lendemain ledit Duc de Bourgogne s'en alla en la tente de Gād, où il feit assembler tous capitaines & nobles cheualiers des Flamens: & là feit remonstrer par maistre Gilles de la Voustine son conseillicr en la chambre de ladicte ville de Gand, comment le Duc de Clocestre luy auoit mandé par vn sien herault qu'il le combatteroient, & les responces qu'il luy auoit données. Parquoy il requeroit tresinstamment comme à ses humbles amis, qu'ils voulussent demourer avec luy, & luy ayder à garder son honneur. Laquelle requeste ils luy accorderent & promeirent parfourrir liberallement: & pareillement feirent les Brugelins & autres membres de Flandres. Adonc fut aduisé par ledit Duc de Bourgogne & ceux de son conseil, qu'on feroit vne bastille sur vne montaigne, qui estoit assez pres de la ville de Calais: par laquelle on verroit le gouvernement de leurs ennemis. Laquelle bastille fut commencée de chesnes & autres bois: & y furent assis aucuns canons pour iecter dedans la ville, & y furent mis & ordonnez homes de bonne garde pour faire le guet: de laquelle bastille lesdits Anglois eurent desplaisance, doubtons que par icelle leurs faillies ne feussent rompues & empeschées, dont pour obuier prestement, vindrent en grand nombre & l'assaillirent moult asprement: mais elle leur fut bien gardée & puissamment deffendue des Flamens, qui la gardoient par le moyen & cōseil d'aucuns nobles hommes de guerre, qui s'estoient retraicts: desquels estoit l'un le bon de Saueuses. Et pourtāt qu'en faisant ledit assaut ceux de l'ost de ce aduertiz, allerent au secours en grand nombre: se retrahirent les Anglois en leur ville sans riens gagner, & en y eut plusieurs de naurez. Et le lendemain y eut grand paletis & plusieurs iournées ensuiuans: dont à l'une desquelles fut prins vn sot saige nommé le seigneur de Plateaux: lequel, nonobstāt sa folie, estoit assez roide & vigoureux homes d'armes. En apres le ieudy ensuiuant qui fut le xxv. iour de luillet on cōmença à veoir venir le nauire de deuers Orient, lequel on auoit tant desiré & de long temps attendu. Si monta le Duc de Bourgogne à cheual acompaigné d'aucuns seigneurs & autres gens de guerre, & alla sur la riuē de la mer. Et lors s'aduança vne barge le plus pres qu'elle peut de laquelle saillit hors vn homme, qui en mōtant vint deuers ledit Duc, & luy compta que c'estoit son nauire qui venoit: pour lesquelles nouuelles en feit grand ioye par tout l'ost, & coururent plusieurs sur les d'Vnes de la mer pour le veoir: mais les capitaines en feirent retraire ce qu'ils peurent. Et le soir ensuiuant à la venue de la mer, vindrent

drent aucuns dudit navire qui estoient à ce commis, & effondrerent au haure de Calais quatre nefz qui estoient plaines de pierres bien maïsonnées & ancrées de plomb: afin de rompre, demollir & desoler le passage que ceux d'Angleterre n'y peussent plus venir n'aller à tout leur navire. Et alors ceux de dedans ieïtoient continuellement de leurs engins vers le port, pour adomager les vaisseaux & en effondrer vn. Et encores le lendemain par les dessusdits furent effondrez deux vaisseaux en iceluy Haure, qui estoient maïsonnez comme les autres. Mais à brief dire tous les dessusdits vaisseaux qui y furent mis par ledit Duc de Bourgogne furent tellement assis, que quand la mer fut retraïcte, ils demourerent en la plus grand partie sur le sablon à petite profondeur d'eau. Et pourtant les Anglois de ladicte ville tant femmes comme hommes y coururent à grand effort, si les despiecerent & ardirent à grâd exploict par telle maniere qu'il en demoura assez petit: & firent charier & emmener grand partie du bois en ladicte ville. Nonobstant qu'on tiroit asprement de canons apres eux, dont le dessusdit Duc & les siens eurent grand merueille, & ceux qui les auoient amenez: c'est à sçauoir messire Jean de Hornes, le commâdeur de la Morée & plusieurs autres seigneurs de Hollande se departirent le lendemain si loing, qu'on perdit la veüe d'eux, & se retrahirent vers la marche, dõt ils estoient venus: car bonnement ne pouoient demourer sur les marches d'entre Calais & Angleterre, pourcelq souuent la mer y est tresperilleuse, & plus qu'en autres lieux comme dient les marinieres. Et avec ce ils estoient assez aduertiz, que l'armée d'Angleterre estoit preste pour passer: contre laquelle ils n'auoient point puissance de resister: pour lequel departement des dessusdits, les Flamens furent fort troublez. Si commencerent de là en auât à murmurer l'un contre l'autre en disant, qu'ils estoient trahis par les gouverneurs de leur Prince, & qu'on leur auoit promis à leur departement de Flandres que la ville de Calais seroit aussi tost assiégée par mer que par terre. Si auoient leurs gouverneurs & capitaines assez à faire à les rappaiser & entretenir. Et entre temps le Duc de Bourgogne qui par tous ses pays auoit mandez ses nobles gens de guerre, pour en estre accompagné à la descendeue des Anglois. Laquelle il attendoit chacun iour, il feit aduiser par aucuns de ses cheualiers seables & en ce cognoissans vn champ & place la plus aduantageuse que faire se pouoit, pour luy & les siens mettre en bataille contre ses aduersaires quand ils viendroient: & afin d'auoir aduis sur toutes ses besongnes & affaires, le xxvij. iour de Iuillet assembla grand partie de ceux de son conseil, avecques eux plusieurs de ses capitaines & gouverneurs des communes: ausquels il remonstra & feit remontrer l'intention & vouldenté qu'il auoit contre ses aduersaires: de laquelle les dessusdits estoient assez contents: mais le propos desdictes cōmunautéz fut assez tost mué: par ce en partie, qu'en ce mesme iour ceux de la ville de Calais faillirent hors de leur ville en moult grand nombre tant de pied comme de cheual, & vindrent soubdainement: c'est à sçauoir ceux de pied à la bastille, dont dessus est faicte mention: & ceux de cheual allerent courre entre l'ost & ladicte bastille, pour empescher qu'icelle ne peust si hastiement auoir secours ne ayde. En laquelle bastille estoient de trois à quatre cens Flamens. Et adonques fut crié à l'arme par tout l'ost, & y eut moult grand effroy. Si faillirent gens de toutes parts en moult grand multitude & abondance, pour

aller au secours des dessusdits : & mesmement ledit Duc de Bourgongne y alla en sa propre personne tout de pied . Mais les dessusdits Anglois assaillirent si tresfierement & asprement iceux Flamens de la bastille : & pourtant qu'ils les trouuerent de meschante & pauvre desfence, icelle bastille ne leur dura gueres : mais fut briefuement conquis & gaignée auant qu'on y peust venir. Si y furent tuez enuiron huict vingts Flamens , & vne grand partie des autres prins & meenez prisonniers: desquels quād ils furent aupres des portes de Calais, ils en meirent à mort la moitié largement : pource que lesdits Anglois sceurent que les Flamens auoient mis à mort vn de leurs cheualier, qui auoit esté prins par les Picards, qui estoient de cheual à ceste escarmouche, pour laquelle prinse & occision, le Duc eut moult grand desplaisance. Et d'autre part les Flamens qui estoient mis en la bastille, se retrahirent moult troublez & ennuieux pour leurs gens qu'ils veirent ainsi estre occis & tuez . Et fasssembler en ce propre iour diuers troupeaux disant l'un à l'autre, qu'ils estoient trahis, & que riens ne leur estoit entretenu de chose qu'on leur eut promis : & aussi qu'ils perdoient chacū iour leurs gens, & n'y mettoient les nobles nulle provision : & finalement ils langagerent tant ensemble qu'en fin (nonobstant les remonstrances qui leur furent faictes) ils cōclurent d'eux desloger & retourner en leur pays. Et avecques ce en y auoit aucuns qui estoient en grand voulété d'occire aucuns des gouuerneurs de leurdit Duc: le quel quand il fut aduertty qu'ils auoient pourparlées les choses dessusdictes, fut moult troublé & desplaisant, considerant la charge & deshonneur qu'il pouoit auoir s'il luy conuenoit partir de là, attendu le mandement de Humfroy Duc de Clocestre son aduersaire, qui luy auoit esté noncé par le herault Anglois, & la responce que ledit Duc luy auoit baillée . Si alla en la tente de Gand, où il feit assembler grād nombre des dessusdits, ausquels il requist le plus qu'il peut qu'ils voulsissent demourer avecques luy & attendre la venue des Anglois: de laquelle ils estoient assez acertenez, qu'ils arriuerioient dedans briebs iours ensuiuans : disans outre que s'ils se partoient sans attendre ses ennemis & les combattre, ils feroient à luy & à eux le plus grand deshonneur qui oncques fut fait à Prince : ainsi alors & plusieurs autres fois furent par ledit Duc & son conseil faictes plusieurs remonstrances raisonnables à icelles communes, mais finalement ce fut peine perdue : car ils estoient du tout affermez & obstinez l'un avec l'autre d'eux partir . Et pource à tout celles remonstrances faisoient comme la sourde oreille, sinon aucuns des principaux qui respondoient courtoisement en eux excusant . Pour lesquels ceux qui estoient dessous eux au besoing eussent fait assez petit : & adoncques le dessusdit Duc de Bourgongne voyant le dangier où il felloit bouté sous l'ombre & instance des dessusdictes communes : considerant aussi le blasme qu'il luy conuenoit receuoir à cause de son partement, il ne fait point à demāder s'il auoit au cuer grand desplaisance : car iusques à ce toutes les entreprinſes luy estoient venues assez à son plaisir, & icelle qui estoit là plus grande de toutes les autres de son regne luy venoit au contraire . Toutesfois luy conuint souffrir la rudesse & grand forie de ses Flamens : car il n'y pouoit pourueoir, jaçoit-ce que par plusieurs fois se meit en peine d'eux retenir aucuns peu de iours . Neantmoins voyant qu'il perdoit son temps de les plus auant requerre, il se conclud avecques

ques les seigneurs de son conseil de desloger avecques eux: & leur feit dire que puis qu'ils ne vouloient plus demourer, ils l'attendissent iusques au lendemain: & qu'ils se partissent par bonne ordonnance à tout leurs habillemens, qu'ils chargeroient: & que leurs aduersaires ne leur portassent nul dommage, & il les reconduiroit à tout ses gens iusques outre l'eauë de Grauelignes. A quoy les aucuns respondirent qu'ainsi le feroient ils: & la plus grand partie disoient que ils estoient assez puissans pour eux en retourner sans auoir conduicte. Et en y auoit grand partie qui à toutes fins vouloient aller au logis du Duc de Bourgogne tuer le seigneur de Croÿ, messire Baudo de Noyelle, Iean de Brimeu pour lors baillif d'Amiens, & aucuns autres de son conseil, disans que par leurs exhortations auoit ce voyage esté entrepris: lequel n'estoit point bien possible de l'acheuer comme ils disoient, veu le gouuernement & les manieres qu'on y tenoit. Lesquels trois seigneurs dessus nommez scachans la mutation d'iceux Flamens ainsi estre faicte contre eux, se departirent de l'ost à priuée mesnie, & se retrahirent au logis de messire Iean de Croÿ deuant Guisnes. Et iceux Flamens entre le samedi & le dimanche commencerent à d'estendre par leur ost tentes & pavillons, & charger leur bagues pour eux en aller. Et estoient les Gantois les principaux faiseurs ceste mutation. A l'exemple desquels tous les gens de guerre & marchans là estans, troussèrent tout ce qu'ils pouoient auoir de leursdictes bagues: mais pour le soudain partement y demoura des vins, viures & autres biens treflargemēt: & conuint effondrer plusieurs queuës de vins & autres bruuaiges à la perte & dommaige desdits marchans. Et aussi furent laissez plusieurs gros engins & autres habillemens de guerre, qui estoient audit Duc de Bourgogne: pource qu'on ne pouoit trouver de chars ne de cheuaux pour les emmener. Et pareillement y demoura grand quantiré des biens & habillemēs, que y auoient amenez les Flamens. Si se commencerent à desloger en faisant trefgrand bruit, crians tous à vne voix en trefgrand multitude gaubbe gaubbenous sommes tous trahis. Qui vault autant à dire, allons, allons en noz pay's. Auquel partement bouterent les feux en leurs logis. Et commencerent à tirer vers Grauelignes sans tenir ordonnance. Et lors ledit Duc de Bourgogne qui auoit au cuer trefgrand tristesse à tout ses nobles hommes & gens de guerre, se meit en bataille par bonne ordonnance vers ladicte ville iusques à tāt qu'iceux Flamens fussent esloignez pour les garder, affin que les Anglois de Calais ne faillissent dehors pour ferir sur eux. Et apres par bonne ordonnance mettant ses meilleurs gens d'armes derriere par maniere d'arriegarde, suiuit son ost qui estoient desia vers le chastel de Mare. Si se meirent lesdits Flamens illec vn petit en ordonnance, & s'en allerent loger empres ladicte ville de Grauelignes au mesme lieu, où ils auoient logé au passer: toutesfois les Brugelins estoient trefmal contens de leur honteux departement. Et pourtant qu'à ce iour n'auoient point leurs cheuaux pour ramener leurs gros engins qu'ils auoient là amenez, en chargerent aucuns sur leurs chars & à force & puissance de gens les ramenerent iusques audit lieu de Grauelignes au mesme lieu, où ils auoient logé au passer. Auquel iour ledit Duc de Bourgogne manda à messire Iean de Croÿ qui estoit deuant ladicte ville de Guisnes, qu'il se deslogeast à tout ses gens d'armes & s'en vint deuers luy sans delay. Lequel oyant le mandement

de son seigneur, & sçachant quel ost estoit delogé, feit apprester ses gens & se tira en bonne ordonnance enuers sondit seigneur le Duc : mais aucuns gros engins demourerent là, par ce qu'on ne les pouoit charger sur les chars avec grand quantité d'autres biens : pour lequel departement ceux dudit chastel de Guisnes eurent moult grand ioye & liesse : car ils estoient fort contrains & en grand necessité, comme pour eux rendre : & dedans briebs iours ensuyuans sailirent dehors, en faisant tresgrand huée apres leurs ennemis. Et pareillement quād ceux de Calais veirent & sceurēt le partement de l'ost, ils en furent moult ioyeux : si issirent hors en grand nombre pour recueillir les biens qui estoient demourez, desquels y auoit treslargement. Et lors enuoyerent plusieurs messages en Angleterre nonser ceste aduventure. Et ledit Duc de Bourgogne qui estoit logé à Grauelignes tant desplaisant & ennuyeux (comme dit est) print cōseil avec les seigneurs & nobles hommes qui là l'estoient retraits avec luy sur ses affaires, en luy complaignant de la honte que luy faisoient ses communes de Flandres : lesquels les aucuns luy remonstrenterent amiablement qu'il print en gré & patiemment ceste aduventure, & que c'estoit des fortunes du monde : & puis luy dirent & cōseillerent qu'il se pourueut au surplus par la meilleure forme & maniere que faire se pourroit : c'est à sçauoir qu'il fournist ses villes & fortresses sur les frontieres de gens d'armes, de viures & habillemens de guerre pour resister contre ses aduersaires, qu'on attendoit chacū iour, lesquels comme on pouoit supposer s'efforçoient de greuer luy & les siens par diuerses manieres, attendu les entreprinſes qui auoient esté faictes contre eux. Et luy de sa personne se retrahit plus auant en l'vne de ses villes. Et manda par tous ses pays gens de guerre pour ayder & secourir ceux qui en auroient besoing. Apres laquelle conclusion iceluy Duc requist à plusieurs seigneurs & nobles hommes là estant moult instamment, qu'ils voulussent demourer en icelle ville de Grauelignes : laquelle pouoit estre moult preiudiciable à tout le pays, si elle n'estoit bien gardée : & leur promettant sur son hōneur, que s'ils auoient aucun besoing, & ils feussent assiegez, il les secourroit sans point de faute quelque peril ou dommage qu'il y deust auoir : lesquels luy accorderent & demourerent là le seigneur de Cresquy, le seigneur de Saueules, sire Symon de Lalain, Saussē son frere, Philebert de Vauldray, & plusieurs autres notables vaillans & experts hommes de guerre. Et d'autre part furent enuoyez à Ardre messire Loys de Thieubronne & Guichart son frere, & aucuns autres de deuers la marche de Boulenois : & és autres lieux furent mis gens d'armes selon les estats des villes & fortesses pour la garde d'icelles. Si estoient là presens plusieurs seigneurs de son conseil, par le moyen desquels icelle entreprinſe auoit esté mise sus, qui de ceste malle aduventure estoient desplaisans. Si ne le pouoient auoir autre, & leur conuenoit souffrir & ouïr les parolles du monde. En outre apres ce que ledit Duc eut (comme dit est) tenu son conseil avec ses gens & conclud les choses dessusdictes, il feit requerre aux Flamens qu'ils demourassent encores avec luy vn peu de iours pour attendre la venue de leurs ennemis. Laquelle requeste ne voulurent accorder, pour les perils dont ils se doubtoient : & allerent deuers luy plusieurs des capitaines le mardy dernier iour de Iuillet, requerrir audit Duc qu'il leur donnast congé de retourner en leurs propres lieux. Lequel voyant

voyant qu'il ne les pouoit retenir en nulle maniere du monde leur accorda & leur dōna congé d'eux en aller: car il apperceuoit bien qu'ils n'y feroient ja beau faict, puis qu'ils n'auoient à ce courage. Si se partirent & s'en allerent par plusieurs iournées iusques en leurs villes: mais ceux de Gand ne vouloient point rentrer dedans leur ville s'ils n'auoient chacun vne robbe aux despens de leurdicte ville, ainsi qu'anciennement estoit accoustumé de leur bailler quand ils reuenoient d'aucune armée: laquelle chose on leur refusa, pource qu'il sembloit aux gouuerneurs d'icelle ville de Gand qu'ils s'estoient tresmal portez. Et quād ils eurent responce, ils rentrerent dedans tout murmurant & mal contents des dessusdits seigneurs & gouuerneurs. Si auoient esté au departir de deuant Calais & au desloger, mises en feu & desolées les forteresses de Balinghem & de Sangathe. En apres le Duc de Bourgongne partāt de Grauelignes, s'en alla à l'Isle, & feit publier par tous ses pays que toutes gens de guerre qui estoient accoustumez d'eux armer, feussent prests pour aller deuers luy pour aller où il les enuoyeroit, pour resister à l'encontre de l'armée des Anglois ses aduersaires: laquelle, comme dit est, on sçauoit assez qu'elle estoit prestte pour venir descendre au Haure de Calais: & mesmement apres ce que ledit Duc de Bourgongne & son ost furent deslogez de deuant Calais, arriua ledit Duc de Cloestre avecques son armée d'Anglois.

Comment messire Florimēt de Brimeu Seneschal de Ponthieu, cōquist la ville du Crotoy.

Durant le temps que le Duc de Bourgongne estoit au voyage de Calais, messire Florimont de Brimeu Seneschal de Ponthieu, Richard de Richaumes capitaine de Rue, Robert du Quesnoy capitaine de S. Vallery & autres des frontieres vers Crotoy, s'assemblerent vn certain iour à tout le nombre de quatre cens combattans ou enuiron: & allerent de nuit eux mettre en embusche sur les greues vers la ville & forteresse du Crotoy, & enuoyerent le dessusdit Robert du Quesnoy à tout trente combattans ou enuiron au matin, passer par vn bastel deuant ladicte ville & forteresse pour faire faillir les Anglois de leans apres eux ce qu'ils feirent: & quand ils apperceurent que lesdits Anglois les pouoient bien veoir, ils feirent semblant que ledit bastel fut feru en terre, & qu'ils ne peussent passer de là ne eux de là partir: & mesmement dix ou douze de leurs gens sortirent en l'eauē, qui faisoient semblāt de vouloir bouter iceluy bastel par force du lieu où il estoit assis. Si faisoiet moult fort les embesongnez: & lors Henry, Jean, Richard & Thomas voyans de leurs murailles l'esbatemēt d'iceux galans & la maniere qu'ils tenoient, desirans de les aller ayder & secourir: mais nō pas au plaisir d'iceux trauaillās, mais pour vouloir conquerre proye, faillirent hors sans delay: & coururent vers iceluy bastel pour le prendre: mais ils furent tantost forcloz par ceux de ladicte embusche. Lesquels les assaillirent fierement, & en occirent sur la place mieus de soixante quatre, & si en y eut de prins de trente à quarante: & par ainsi demoura icelle ville & forteresse du Crotoy fort desgarnie de gens, & en y eut plusieurs naurez de la partie dudit Seneschal. Lequel Seneschal & ceux qui estoient avec luy, sçachas par lesdits prisonniers que dedans la ville & forteresse dudit Crotoy auoit demouré peu de gens de deffence, rassemblerent de

rechef, plusieurs hommes de guerre sur la marche à l'enuiron, & les mena loger deuant ladicte ville: & au bout de quatre ou cinq iours ensuiuans, les feit assaillir, laquelle fut prinse d'assault à petit dommage de ses gens, & ceux qui estoient dedans la ville, se retrahirent dedans le chastel, deuant lequel se logerent les dessusdits. Et feirent dresser aucuns engins contre iceluy qui petit ou neant le domagerent, car il estoit excellentement fort. Et apres qu'iceluy Seneschal eur là esté certaine espace de temps, voyant qu'il estoit mal possible d'icelle forerelle conqueste se deslogea, & feit abbatre & demolir la fortification de ladicte ville. Si se retrahit avec les siens és lieux dont ils estoient venus, & emporterent les biens qu'ils auoient conquis en ladicte ville. En apres iceux Anglois du Crotoy auoient deux basteaux nommez Gabannes: par le moyen desquels ils trauaillioient souuent ceux d'Abbeuille, & par especial les pescheurs: si enuoyerent les dessusdits d'Abbeuille de nuit aucuns de leurs gens à tout vn batel assez ptes du Crotoy. Et en y eut aucuns qui en nageant, allerent atracher a-grappes de fer par dedans l'eäue aux basteaux dessusdits: ausquelles agrappes y auoit de bien longues cordelles, par lesquelles cordelles iceux nauires furent tirez dehors & anenez audit lieu d'Abbeuille, dont les Anglois furent mallement troublez.

Comment Humfroy Duc de Clocestre arriua à Calais à tout grand nombre de gens d'armes, & entra en Flandres & en Artois & és autres país du Duc de Bourgogne où il feit moult de dommages.



Pres que le Duc de Bourgogne & les Flamens se furent deslogés de deuant Calais, sicomme dit est ailleurs, arriua dedans brieis iours apres ensuiuans le Duc de Clocestre au haure de la dessusdicte ville de Calais à tout dix mille combattans Anglois ou enuiron: & venoient en intention de combattre ledit Duc de Bourgogne & toute sa puissance, s'ils l'eussent trouué: & pourtant qu'il estoit party, se mit à chemin pour aller vers Grauelines. Et de là se tira en Flandres, & passa par plusieurs gros villages comme Poperniche, Bailleul & plusieurs autres: lesquels il desola par feu & plusieurs faulxbourgs de villes, dont par tout ne trouuoit gueres de deffence: mais tout le monde sen fuyoit deuant luy, & nuls Flamens ou peu ne l'osoient attendre, & enuoya grand proye de bestail & d'autres biens: si y feirent de moult grands dommages, sans perdre de leurs gens ou bien peu: mais ils endurerent grand faim par faute de pain. Si passerent le Neuf-chastel & ardirent Rimesture & Valon-chappelle. Et puis entrèrent en Artois, & allerent à Arques & Blandesques, là où ils feirent des escarmouches: mais ils bouterent les feux par tous les lieux où ils peurent aduenir. Et passerent par emptes la iustice de S. Omer, & par tout en les villages à l'enuiron ils feirent moult de dommages, & descendirent autour de Tournchin, Esprelecques & Bredenarde, là où ils feirent escarmouches des capitaines des chasteaux à l'enuiron. Et Cavvart & autres compagnons de l'Angle y furent blecez, qui par force en rebouterent hors de leurs villages & d'autres de leurs chasteaux: dont ils furent en icelles marches & autout d'Ardre plus reboutez: & y eut plus de gens blecez que par tout Flandres, où ils auoient esté. Et se retrahirent vers Guisnes & Calais, pource que plusieurs de
leurs

leurs gens prindrent maladies par necessité de pain : dont ils n'auoient point à leur plaisir : dont aucunes bonnes femmes qui leur en donnoient sauuerēt leurs maisons : & aussi gaignerent en d'aucuns lieux de bon bestail en grand nombre, qu'ils amenoient de Flandres dont les conduiseurs n'en pouoient point bien venir à chief de les conduire , pource qu'en aucuns lieux ne trouuoient point d'eäue pour les abruuer, dont elles s'espartoient : & ceux qui pensoient à les retourner , estoient surprins souuentefois de leurs aduersaires quand ils s'eslonoient trop de l'auantgarde & de la bataille . Et en ce temps messire Thomas Kiriol & le seigneur de Faulquemberge assemblerēt au Neuf-chastel d'Incourt environ mille combattans, lesquels ils menerent passer la riuiera de Somme à la Blanche-tache, & allerent loger à Forest-Monstier : & de là alla à Broye sur la riuiera d'Authie, où ils furent quatre iours : & prindrent le chastel d'assault, qui n'estoit point gramment fort ne de grand valleur, & appartenoit au Vidame de Amiens . Si y furent morts vne partie des deffendeurs & cinq ou six des assaillans : pour la prinse duquel le pays fut en grand effroy, doubtant que les Anglois ne se voulussent là loger : car pour ce temps y auoit bien petite provision quant à la garde du pays , mais les Anglois auoient trouué en icelle ville & en plusieurs autres qu'ils auoient courues & prins des biens treslargement & grād foison de prisonniers , à tout lesquels ils s'en retournerent audit passage de là Blanche-tache par où ils estoient venuz . Et de là en leurs garnisons sans faire perte de leurs gens qui face à escrire . Et feirent pour iceluy voyage de grans dommages ou pays de leurs ennemis & aduersaires.

Comment les Flamens se remeirent en armes depuis qu'ils furent retournez de Calais en leurs villes .



Pres que les communes de Flandres furent rentrées dedans leurs villes , comme dit est dessus , leur vindrent dedans brieifs iours ensuiuans nouuelles, qu'une grand foison de nauires d'Angleterre estoient arriüées deuers Septentrion sur la marche de Flandres entour Bielinghe, ayans intention d'entrer ou pays : & pource de rechef les bonnes villes remanderent toutes leurs gens de plat pays , & se remeirent en armes à toute puissance, & allerent hastiuement sans grand charroy deuers Breuelier, & se logerent sur la mer à l'encontre dudit nauire d'Angleterre qui estoit là environ . Et estoit ce nauire là pour occuper & donner empeschement à ceux du pays, affin qu'ils ne se retrahissent deuers l'ost du Duc de Clocestre, qui estoit en la marche de Poperinche, & Bailleul : lequel nauire l'auoit là mené & n'y estoit pour lors dedans que les mariniers, & aucun peu de gens pour le garder : pourquoy ils n'auoient mie volenté de prendre port pour entrer oudit pays . Si se departirent en assez brieifs iours ensuiuans, & retournerent à Calais . Apres laquelle retraicte & departement lesdits Flamens se retrahirent chacune compagnie en leurs places . Mais les Gantois qui bien sçauoient, qu'on leur bailloit là plus grand charge du departement de Calais qu'à tous les autres, dont ils estoiet tres malcontens, ne vouloient mettre ius leurs armes . Si contendoient à faire de grans nouuelletez , & estoient en moult grand discord l'un contre l'autre : parquoy il conuint que leur Prince y allast : lequel là venu luy feirent bailler plu-

seurs articles de remonstrances : desquelles en y auoit aucunes qui vouloient scauoir pourquoy le siege n'auoit esté mis par mer deuât Calais come par terre, sicomme il auoit esté conclud. Et aussi pour qu'elle raison le nauire d'Angleterre n'auoit esté ars comme on auoit ordonné. A quoy on leur feit responce de par le Duc de Bourgogne, qu'au siege par mer il leur estoit impossible, comme bien scauoient les mariniers à ce cognoissans que nauire y sceust arrester par fortune de mer, sans peril d'estre bouté forciblement par deuers la terre en diuers lieux en la subiection des ennemis. Et avecques ce les Hollandois qui luy auoient promis vne ayde & accordée pour fournir ledit nauire, luy auoient failly de promesse. Et au regard du nauire d'Angleterre qui n'auoit point esté bruslé, les gens & vaisseaux qui auoient à ce esté ordonnez à l'Escluse : & pource faire n'auoient nullement en vent propice pour y aller, mais leur auoit tousiours esté contraire. Et quant à plusieurs autres points qu'ils requeroient : c'est à scauoir d'auoir trois capitaines pour gouverner la ville de Gand, pour faire procession par le pays à main armée de garnir les forteresses des gens natifs du pays de Flâdres, d'appaier le discord d'entre ceux de Bruges & de l'Escluse, & de plusieurs autres besongnes requises par eux : leur fut par iceluy Duc faicte si bonne & raisonnable responce, qu'ils furent assez contens de luy & se retrahirent ceux qui estoient armez ou marché des vendredis en grand multitude en leurs maisons : & laisserent leurs armes, jaçoit ce qu'ils eussent esté fort esmeuz de premiere venue. Et auoient aux archiers de leur Prince fait mettre ius leurs bastons, qu'ils portoiert apres luy, disans qu'ils estoient fors assez pour le garder. En apres furent banniz de Gand messire Rollant de Haultekaerque, messire Colard de Cōmunes, messire Gilles de la Voustine, Enguerran Auvviel & Jean Daudain, pour ce qu'ils ne s'estoient remonstrez comme bourgeois ainsi comme les autres, quand il auoit esté publié : & escriuiert lesdits Gantois à ceux de leur chastellenie, que qui pourroit prendre l'un des dessusdits banniz & le mettre en leurs mains, il auroit pour son salaire trois cens liures tournois, avecques raisonnables despens. Et depuis furent faictes plusieurs ordonnances pour la garde & deffence du pays. Si furent commis plusieurs capitaines : desquels le seigneur d'Estrenhuse fut estably capitaine, le seigneur de Communes à Gand, messire Girard de Tournay à Audenatde, messire Girard de Gystelles à Courtray : & pareillement furent commis par toutes les autres villes aucuns nobles & gens de guerre selon l'estat d'icelles, tant selon les frontieres vers Calais comme sur la mer & ailleurs. En outre fut publié que nul ne se partit du pays pour cause de la guerre, & sur grande amende : & que chacun se pourueust & garnist d'armes selon son estat & puissance. Et aussi que toutes bonnes villes & forteresses fussent reparées & fournies de viures & habillemens de guerre. Et avecques ce que tous fosses & barrières fussent visitées & reedifiées es lieux & es places accoustumez, & tout aux despens du pays, & ceux dessous qui les reedifications se deuoit faire. En apres pour mieux faire que laisser, conuint que le Duc dessusdit dist de sa propre bouche aux Gantois qu'il estoit bien content d'eux pour la departie de deuant Calais, & qu'ils s'en estoient retournez par sa licence & ordonnance : car c'estoit tout leur desir & affection que d'en estre excusé, pource qu'ils scauoient & cognoissoient bien qu'ils s'en estoient partiz trop honteusement.

fement. Et quand toutes ces besongnes dessusdictes furent ainsi remises en règle, comme dit est, ledit Duc s'en retourna à l'Isle: & lors vindrent deuers luy le seigneur de Chargny & aucuns autres nobles & vaillans hommes, qui amenèrent des parties de Bourgongne enuiron quatre cens combattans qui furent mis en garnison sur les frontieres de Boulenois. Et puis apres brief ensuiuant vindrent & arriuerent les seigneurs d'Ansy & de Vvarembon à tout encores quatre cens combattans Sauoisiens: lesquels adommagerent moult les pays d'Artois, Cambresis vers Tournay. Et puis apres les mena le seigneur de Vvarembon en garnison à Ponthoïse, là où ils furent grande espace de temps. Si estoient lors par toutes les parties du Royaume de France les Eglises & le poure peuple oppressé & trauaillé, à l'occasion de la guetres & n'auoient comme nuls defendeurs. Et nonobstant la paix d'Arras faicte, les François & Bourgongnons vers les pays & marches de Beauuoisis, Vermendois, Santhois, Laonnois, Champaigne & Rethelois faisoient moult souuent de grandes entreprinſes les vns sur les autres, & prenoient querelles non raisonnables l'un contre l'autre. Pourquoy il aduenoit moult de fois que les pays dessusdits tant d'un costé comme d'autre estoient couruz & pilléz, & auoient autant ou plus à souffrir comme parauant là dessusdicté paix d'Arras. Si n'y pouoient les poutes laboureurs mettre autre prouision, sinon de crier miserablement à Dieu leur createur vengeance. Et qui pis estoit quand ils obtenoient aucun sauſconduit d'aucuns capitaines peu en estoit entretehu, mesmement tout d'un party. Et entre-temps que ces besongnes se faisoient messire Jean de Hornes Seneschal de Brabant, qui auoit eu la charge avecques le commandeur de la Morée de conduire le nauire par mer & aller deuant Calais quand le Duc de Bourgongne y estoit, fut rencontré par aucuns Flamens sur les dunes de la mer, ainsi qu'il alloit à ses affaires à petite compaignie: lesquels le meirent à mort dont ledit Duc de Bourgongne eut au cuer tresgrand desplaisance. Et d'autre part apres que ledit Duc eut rappaisez les Gantois, comme dit est cy dessus: & qu'il eut entendu que toutes les communes de la Comté fussent bien vnies: si s'esmeurent les Brugelins en tresgrand nombre pour aller assieger l'Escluse, & se tindrent en armes sur le marché par moult long temps. Et entre-temps meirent à mort l'Escontecte de la ville, qui estoit un des officiers du Prince nommé Vauſte d'Estembourg: & fut pource qu'il ne vouloit point aller en armes sur le marché avecques le commun, où ils furent bien six semaines, & estoient les capitaines Pietre de Bourgrane & Cristofle Mynere. Et y eut un nommé Georges Vaudeberques qui feit leuer la Duchesse & son fils de son chariot, pour querir ceux de dedans: laquelle Duchesse pout lors y estoit & l'arrestèrent. Et puis apres quand elle se departit luy ostèrent de son chariot la femme de messire Jean de Hornes, dont icelle Duchesse fut moult troublée: mais elle n'en peut auoir autre chose. Si estoient avecques elles messire Guillaume & messire Simon de Lalaing: toutesfoiſ par certains moyens qui depuis se feirent entre leur Prince & eux se retahirent en leurs hostels, & leur pardonna pour celle fois leurs offenses & malefices, pource qu'il auoit plusieurs grans affaires vers eux.

Comment la Hire print la ville & forteresse de Soissons & autres matieres.

EN ce mesme temps fur prinse d'emblée la ville & forteresse de Soissons: de laquelle estoit capitaine Guy de Roye pour messire Jean de Luxembourg, qui poinr n'auoir fait de serment au Roy Charles de France à la paix d'Arras, ainsi comme auoient fait les autres seigneurs & capitaines tenans le party du Duc de Bourgongne, comme dir est cy dessus. Et pourtant les François le tenoient pour leur ennemy, jaçoit ce qu'il eust obtenu du Roy mandement durant iusques à certain iour, pour auoir aduis de faire iceluy serment: lequel Roy deffendit à ses gens que dedans iceluy iour on ne leur fait point de guerre, moyennant aussi que luy & les siens n'en feroient à luy ne aux siens. Neanmoins quand il vint à la cognoissance dudit de Luxembourg qu'on auoit prins sur luy icelle ville & forteresse de Soissons, qui en la plus grand partie appartenoit hetitablement à sa belle fille Ieanne de Bar Comtesse de saint Pol, il le print tresmal en gré. Et pourueut & garnir aucunes de ses forteresses de gens de guerre pour resister à telles & pareilles entreprinſes. Et d'autre part le dessusdit Guy de Roye qui tenoit le chastel de Maicampre entre Chargny & Noyon, y meit grand garnison, & commença à mener forte guerre à la Hire & aux pays de Soissonnois, Laonnois & autres villes tenans le party du Roy Charles: & pareillement feit le Roy Charles par la Hire & ses alliez aux bien vueillans du dessus nommé messire Jean de Luxembourg. Et par ainsi rous les pays autour d'eux furent moult trauaillees & oppressees tant d'un costé comme d'autre. Apres que le Duc d'Orléans eut conquis la ville de Feschan, comme dit est, & que Jean d'Estouteuille l'eut rendue fut depuis reprinſe des François sur lesdits Anglois. Et en ce mesmes temps le Duc d'Orléans dessusdit cōquist par continuation de siege saint Germain sur Cailly. Si furent penduz les François leans estans iulques au nombre de douze ou enuiron. Et pareillement reconquist Fontaines, le Bourg, Blainuille, Preaux, l'Islebonne, Tancaruille & autres plusieurs fortes places & villes: dont la plus grand partie furent desolées & ruées ius par lesdits Anglois: durant lequel temps iceux Anglois continuoient à degaster les viures autour de Harfleur, sur intention de l'assiéger au plus tost qu'ils pourroient par aucune bonne maniere.

Comment la Duchesse de Bethfort seur au Comte de saint Pol se remaria de sa Franche voulenté. Et comment le Roy Charles de Cécille traita avec le Duc de Bourgongne à cause de sa deliurance. Et comment les Anglois reprindrent la ville de Ponthoise.

EN l'an dessusdit la Duchesse de Bethfort seur au Comte de S. Pol, se remaria de sa franche voulenté à un cheualier d'Angleterre nommé messire Richard d'Ondeuille, lequel estoit ieune homme moult bel & bien formé de sa personne: mais au regard de lignage, il n'estoit poinr pareil à son premier mary le Regent n'à elle. Si en fut Loys de Luxembourg Archeuesque de Roüen & autres ses prochains amis aucunement mal contents: mais ils n'en peurent oncques auoir autre chose. Et apres enuiron le mois de Novembre Iaqueline de Bauiere qui estoit espouse Franche de Borselle: apres que par long temps elle eut jeu en son liét de maladie langoureuse alla de vie à trespas. Si succeda le Duc de Bourgongne en toutes ses seigneuries.

En

En ce mesme temps vers la sainct Andrieu vindrent debers ledit Duc de Bourgongne à l'Isle en Flandres, où il tenoit son estat le Roy de Cecille Duc d'Anjou, le Duc de Bourbon, le Conneftable de France, le grand Châcellier de France & plusieurs autres grans seigneurs & notables Princes: lesquels il receut & festoya treshonorablement. Et apres furent les traictez ouuers d'entre le Roy Charles de Cecille dessus nommé, & le Duc de Bourgongne touchant la deliurance de sa prison dont en autre lieu est faicte mention: car encores n'estoit la foy acquitée pour la prinse: mais estoient aucuns de ses enfans demourez hostagiets pour luy au pays de Bourgongne, lesquels traictez vindrent en fin à conclusion: moyennant que presentement le dessusdit Duc de Bourgongne eut la possession de la terre & chastel appartenant à celuy Roy, laquelle estoit moult bône & profitable. Et avecques ce promet à payer certaine somme de deniers: pour la seureté de laquelle il bailla en hostage en ses Duchez de Bar & de Lorraine quatre bonnes villes & forteresses: c'est à sçauoir Neuf-chastel en Lorraine, & Cletmont en Argonne, & Princhy & Louy, que ledit Roy deuoit bailler quand requis en seroit. Esquelles villes & forteresses le dessusdit Duc de Bourgongne meit garnison & capitaines de par luy. Et par ainsi le Roy dessusdit fut acquitté de sa foy & r'eut ses enfans: car à present ne furent baillez en la main dudit Duc que les deux enfans premiers, & eut seureté par promesse d'auoir les deux autres se faute de payement y auoit. Et à ce faire pour les bailler s'obligerent avec ledit Roy messire Collard de Saussy & Jean de Chambly. Et apres toutes ces besongnes accomplies (comme dit est) ledit Conneftable de France traicta avec messire Jean de Luxembourg qui estoit audit lieu de l'Isle, que la guerre d'entre luy & la Hire pour la prinse de Soyssons cesseroit sur forme d'appointement: & si fut audit messire Jean de Luxembourg ralongé son iour de faire serment au Roy de France iusques au iour S. Jean Baptiste ensuyuant, ou de luy declairer parcial, par tel si qu'il promet non faire guerre durant le terme dessusdit: ce pendant Guillaume de Flauy qui par le Conneftable de France auoit esté debouté de la ville de Compiengne, trouua maniere de r'entrer dedans à tout grand foison de gens de guerre. Si le reprint sur ceux que ledit Conneftable de France y auoit commis. Et ce fait le tint long temps depuis & du consentement du Roy Charles. Nonobstant que iceluy Conneftable feit depuis de grans diligences de le r'auoir. Item en ce mesme temps reprindrent les Anglois la ville de Ponthoyse d'emblée à vn point du iour: dedans laquelle estoient en garnison les seigneurs de l'Isle-Adam & de Varembon, avecques eux environ quatre cens combattans: lesquels en la plus grand partie se sauuerent par fuite en delaisant leurs biens. Pour laquelle prinse l'Isle de France & le pays à l'environ furent de rechef fort troublez, car iceux Anglois y meirent vne tres grande & forte garnison de leurs gens, lesquels coururent tressouuent iusques aux portes de Paris.

Comment le Roy d'Escoce fut meurdry par nuict en sa chambre par le Comte d'Arles son oncle & autres matieres.



V mois dessusdit aduint vne tresgrande & merueilleuse cruauté ou royaume d'Escoce: car le Roy d'iceluy pays, lequel estoit à S. Iean seant sur la riuere de Thay au milieu de son royaume: & là seiournoit & tenoit son estat en vne abbaye de Iacobins au dehors d'icelle ville, & fut là espié par aucuns de ses hayneurs. Et estoit le chef & capitaine vn sien oncle nommé le Comte d'Athelles: si vint le second mercredi de Karesme qu'il estoit ieune des quatre temps, accompagné de trente hommes ou environ iusques à la chambre du Roy, qui de riens ne se doubtoit vne heure apres minuit. Si rompirent & despecerent l'huis de ladicte chambre, & entrerent dedans: & là meirent ledit Roy à mort cruellement, en luy faisant plusieurs playes iusques au nombre de trente ou au dessus, dont il en y auoit aucunes adressées droit à son cuer. Durant laquelle cruauté la Royne sa femme seur au Comte de Sommerset d'Angleterre, pour le cuidier rescourre & le preseruer de cest inconuenient, fut naurée en deux lieux moult villainement par aucuns d'iceux facteurs: & ce fait se partirent de là hastiuement pour eux mettre à garant & à sauueté. Et lors par le cry de la dessusdicte Royne comme par autres de ses gés, fut icelle besongne tantost diuulgée & prononcée, tant en l'hostel comme en ladicte ville. Si s'assemblerent en tresgrand nombre ceux de sondit hostel & de la ville: & vindrent en la chambre du Roy, où ils trouuerent ledit Roy meurdry trespiteusement, comme dit est dessus, & la Royne naurée: dont ils eurent au cuer tresgrand tristesse, & en feirent moult grans douleurs & lamentatiōs: & le lendemain fut mis en terre tressolemnellement aux Chartreux. Et tantost apres ensuiuant furent mandez les nobles & grans seigneurs du royaume d'Escoce: lesquels conclurent tous ensemble avecques ladicte Royne, qu'iceux homicides fussent poursuiuis en tresgrand diligence: laquelle conclusion fut mise à execution & en fin furent tous prins & mis à mort par diuers & merueilleux tourmens: c'est à sçauoir ledit Comte d'Athelles oncle du Roy d'Escoce qui estoit le principal, eut le ventre ouuert, & luy osta on les boyaux hors: & puis furent ars en vn feu en sa presence, & puis fut escartellé: & furent mis les quartiers au dehors des quatre plus puissantes villes d'iceluy royaume d'Escoce: vn nommé Robert Stecinuant qui estoit vn des principaux facteurs, fut pendu à vn gibet & apres escartellé: Robert de Greline fut mis sur vne charrette, où il y auoit vn gibet fait au dessus tout propice, auquel on auoit attaché l'vne de ses mains: c'est à sçauoir celle dont il auoit feru ledit Roy d'Escoce, & en cest estat fut mené par la ville en plusieurs ruës. Et environ luy auoit trois executeurs de Iustice, qui luy lanceoient les fers tous chaulx parmy les cuisses & autres parties de son corps, & apres fut escartellé. Et les autres chacun endroit soy furēt tourmentez treshorriblement. Et fut ceste iustice toute accomplie en dedans les quarante iours apres la mort du dessusdit Roy d'Escoce. Et la cause pourquoy ledit Comte feit ceste cruauté à sondit nepueu le Roy d'Escoce, fut pourcee que apres qu'iceluy Roy fut retourné d'Angleterre où il auoit esté long temps prisonnier, comme il est declairé en mon premier liure: & il fut retourné en son royaume d'Escoce, il feit de tresgrandes iustices de plusieurs grans seigneurs tant de son sang comme d'autres, qui auoient eu le gouuernement de son royaume durant ladicte prison: & n'auoient point fait leur deuoir selon son vouloir

loir de le deliurer de la dessusdictē prison. Entre lesquels en auoit fait executer d'aucuns qui estoient moult prochains audir Comte d'Athelles: & pourtant jaçoir ce que deuant le iour dudit homicide, il fut vn des plus prochains & plus feables dudit Roy: neantmoins luy auoit de long temps gardée ceste mauuaise pensée & voulenté. Laquelle en fin il meit à execution comme vous auez ouy cy dessus. Lequel Roy d'Escoce auoit vn sien fils aagé de douze ans ou enuiron, lequel par l'auctorité & du consentement des trois estats du païs fut prestemēt esleu & esleué à Roy d'Escoce. Et fut mis à gouuernement d'un moult notable cheualier nommé messire Guillaume Criston, lequel le gouuernoit des le uiuant du Roy son pere. Et auoit iceluy Roy nouuel la moirié du visaige droit à ligne vermeil, & l'autre blanc. Et puis apres certain temps ensuiuant ladicte Royne embla audit cheualier le Roy son fils au chastel de Haudebourg, & le meir en autre gouuernement: c'est à sçauoir de grans seigneurs du païs: lesquels depuis feirent mourir le Comte de Donglas & vn sien frere appellé David de Combrebant, pource qu'on disoit qu'il auoit fait conspiration contre le ieune Roy pour le deposer de sa seigneurie. Si auoit iceluy ieune Roy six seurs, dont l'aînée estoit mariée au Daulphin fils au Roy de France: & depuis eneur vne le Duc de Bretagne, & la tierce fut mariée au fils du Duc de Sauoye: la quarte au fils du seigneur de Verre en Hollande. Et apres la Royne d'Escoce mere aux enfans dessusdits se remaria à vn ieune cheualier nommé Iaques Stouart & en eut plusieurs enfans.

OR est ainsy que depuis cest article escript, ie sceuz par approbatiō que ledit Comte d'Athelles principal facteur de la mort du Roy d'Escoce, fut desuestu tout nud en pur ses brayes en la ville de Edimbourg, & fut tiré par plusieurs fois à vne polie encontremont tout hault, & puis on le laissoit cheoir embas à deux pieds de terre. Et apres fut mis sur vn pillier & couronné d'une couronne de fer ardent, en signifiant qu'il estoit le Roy des trahistres. Et le lendemain fut mis sur vne claye tout nud & trainé de rue en rue, & apres fut mis sur vne table, & luy ouurit on le ventre. Et puis furent tous ses boyaux & entrailles rirez hors & iettez en vn feu & ars en sa presence durant sa vie. Et depuis fut son cueur ietté au feu, & apres fut decapité & escartelé: & les quartiers mis aux quatre meilleures & bonnes villes d'iceluy royaume d'Escoce, comme dit est cy dessus. Et avecques ce que lesdits facteurs moururent par diuers martyres & tormens, furent aussi executez plusieurs de leurs plus prochains amis, qui point n'en estoient coupables. Et n'est point memoire qu'onques on veit faire aux Chrestiens plus aspre iustice. Item en ce propre tēps le Duc de Bourgongne tint plusieurs estroits conseils, avecques les trois estats de son païs pour auoir aduis pour resister contre la descendue & puissance des Anglois ses ennemis, lesquels il attendoit chacun iour. Et fut sur ce conclud de mettre garnisons par toutes les frontieres, tant sur là mer comme ailleurs. Et aussi fut ordonné à tous les nobles de ses païs & autres qui s'auoient accoustumé armer, qu'ils fussent prests toutes les fois qu'on les manderoit pour aller avecques les capitaines, qui estoient commis pour la garde & deffence des païs: c'est à sçauoir en chef Jean de Bourgongne Comte d'Estampes. Et d'autre part durant le temps dessusdit plusieurs citoyens de la ville de Lyon sur le Rosne, se rebellerent

contre les officiers du Roy de France pour & à cause de ce qu'ils estoient trop trauaillees de gabelles & subides qu'on leuoit sur eux : mais pour ceste cause en furent plusieurs executez & les autres emprisonnez par lesdits officiers royaux . Et pareillement aucuns Parisiens furent accusez de vouloir relier la ville de Paris aux Anglois : entre lesquels en furent decapitez maistre Iaques Ioussel & maistre Mille des Faulx aduocats en Parlement, & avecques eux vn poursuuant, desquels les biens furent confisquees au Roy. En l'an dessusdit se meirent les Gantois en armes & en tresgrand nombre, & occirent vn nommé Gillebert Pactetent souuerain Doyen des mestiers, & luy imposèrent qu'il auoit empesché qu'on n'assailist pas la ville de Calais, quand on fut deuant, & que les engins ietterent peu durant le siege, & disoient que trahison y auoit couru . Si tequeroient entre les autres choses, qu'on ordonnast & publiast que dorenavant on ne brassast plus nulles seruoises, & qu'on ne feit nuls autres mestiers à trois lieues pres de Gand : mais pource que les Escheuins & autres officiers de la ville se meirent à tout la banniere de France amiablement avecques eux sur le marché des vendredis, & leur dirent courtoisement qu'ils en auroient aduis & conseil, & feroient tant qu'ils y pouruoyeroient en telle maniere, qu'ils s'en deuroient bien tenir pour contens, par raison ils furent tantost r'appaiez : & tantost se departirent d'illec & meirent ius leurs armeures paisiblement. Et apres plusieurs conseils tenuz par les Escheuins & les Doyens des mestiers d'icelle ville sur le fait de ladicte requeste, icelle fut declairée estre inutile & defraisonnable . Et finalement fut conclud & déterminé, qu'on laisseroit le pays en l'estat où il auoit esté moult longuement, sans faire aucune irraisonnable nouuelleté.

Comment la Hire, Pothon & plusieurs autres capitaines du Roy de France cuiderent auoir la cité de Roüen . Et comment ils furent assailliz & desconfits des Anglois, lesquels les surprindrent en leurs logis.



N cest an s'assemblerent plusieurs des capitaines du Roy Charles sur les frontieres de Normandie : c'est à sçauoir la Hire, Pothon de sainte Treille, le seigneur de Fontaines, Lauagan, Philippe de la Tour & aucuns autres, qui tous ensemble pouoient estre de huit cens à mille combattans. Et se tirèrent tous vers la cité de Roüen, sur intention d'entrer dedans icelle par le moyen d'aucuns des habitans, qui secrettement leur auoient promis d'eux faite ouuerture : mais ceste entreprinse fut rompue, par ce que nouuellement les Anglois y estoient venus en grand nôbre. Et pource que les dessusdits capitaines François à tout leurs gens, qui desia estoient assez pres dudit lieu de Roüen, sçachans qu'ils ne pouoient acheuer ce pourquoy ils estoient partis pour eux rafraeschir se logerent en vn gros village nommé Ris à quatre lieues dudit Roüen . Et ainsi qu'ils estoient là, les seigneurs d'Escalles, de Thalebot, messire Thomas Kiriell & aucuns autres capitaines Anglois à tout mille combattans ou enuiron, qui desia estoient aduertis de leur venue, les poursuuiurent roidement . Et de fait auant qu'ils s'en donnassent garde sinon assez peu, vindrent ferir par diuers lieux és logis desdits François : lesquels furent si tressurprins, qu'ils ne se peurent oncques deffendre ne mettre ensemble.

ensemble. Et furent en assez brief terme du tout tournez à desconfiture & mis à desroy. Toutesfois la Hire monta sur vn cheual qui appartenoit à l'un de ses hommes d'armes, & cuida rassembler les gens: mais ce fut peine perdue. Si se meit à chemin, & fut chassé & poursuivy assez longue espace de temps, & fut moult grandement nauré & bleisé en plusieurs lieux: neantmoins il eschappa par la bonne ayde d'aucuns de ses gens: si y furent prins par ledit seigneur de Fontaines, Allain Geron, Loys de Basle, Allardin de Mensay, Jean de Lon & plusieurs autres nobles hommes & le surplus se sauuerent, & la plus grand partie dedans les bois. Et perdirent la plus grand partie de leurs cheuaux & autres bagues: & quand est au regard des morts, n'en y eut que huit ou dix.

De l'an mille cccc. xxxviij.

Comment ceux de Bruges se mesmeurent contre leur Prince & ses officiers. Et y eut grand debat & grand occision.

A commencement de cest an se mesmeurent ceux de Bruges contre les officiers du Prince, & occirent assez soubdainement Maurice de Versenaire. Et estoient bourgeois, maistres & Escheuins luy & Jaques son frere: lequel aussi ils occirent, pource qu'ils estoient allez à Arras deuers le Duc de Bourgogne leur Prince. Er furent allez querre par le Conuerseur des maisons, où ils festoient allez mussier, quand ils sceurent qu'on les queroit pour eux occire: desquels les plus notables furent tous en grand doubte. Et ainsi le Duc de Bourgogne quand ce fut venu à sa cognoissance, en fut tresmal content. Et pour plusieurs fois feit grand deliberation avecques ceux de son conseil, pour scauoir comment on les pourroit punir, Si sur aduisé qu'on enuoyeroit secrettement aucunes personnes feables dedans ladicte ville parler à ceux, qu'on pensoit estre de la partie dudit Duc, pour scauoir comment on pourroit punir & corriger ceux qui faisoient les lamentations dessusdictes: & ce fait grand partie des plus notables escriuirent secrettement deuers ledit Duc de Bourgogne, en eux excusans des rigueurs dessusdictes: & luy feirent scauoir que volentiers ayderoient à punir les dessusdits meutemacres. Et adonc sur intention de faire icelle publier, le dessusdit Duc de Bourgogne qui auoit volenté d'aller en Hollande pour aucunes besognes & affaires, comme on disoit, & passer par Bruges & veoir comment & en quelle maniere on pourroit le mieux besongner sur ceste matiere. Si feit assembler grand nombre de gens d'armes de ses Picards de Picardie soubz plusieurs capitaines, au nombre de quatorze cens combatrans ou enuiron. Et apres partant de l'Isle à tout iceux & plusieurs notables seigneurs, sen alla au giste en la ville de Roulers, & le lendemain enuoya ses fourriers deuant en la ville de Bruges: avec lesquels allerent plusieurs des gens d'armes dessusdits, pour prendre les logis, comme il est de coustume. Si entrerent dedans, & se logerent dedans chacun en droit soy où ils pouoient le mieux. Et ledit Duc les suiuit tantost apres à tout ses gens, & auoit d'heure en heure nouuelles de ceux de la ville. Et pour vray la plus grand partie des plus puissans eussent esté bien ioyeux si ceux qui auoient fait les offences (dont dessus est faicte mention) eussent esté

punis car c'estoient gens de petit estat, qui ne desiroient autre chose que de fort entroubler les besongnes pour eux augmenter, & auoir majesté sur les plus riches : & pource quand ils sceurent la venue dudit Duc de Bourgongne, furent en grand doute, & pensoient que ceste assemblée se faisoit pour eux, ce qui estoit verité. Et pourrant se commencerent à assembler par compagnies & en diuers lieux, & en y eut aucuns qui donnerent à entendre que ledit Duc & les Picards venoient là pour les destruire & pour piller la ville. Et adonques les autres entendans & oyans ces parolles, furent plus que deuant en grand effroy, & s'armerent communement & en tresgrand multitude. Et de fait à tout beaux Ribauldekins de guerre se meirent sur le marché, & enuoyerent grand partie de leurs gens à la porte vers Roulers, par où leur Prince deuoit entrer. Et estoit le mercredy des festes de la Penthecousté : & quand ledit Duc fut venu qu'il cuida entrer dedans, il trouua les barrières fermées & les Brugelins armez & embastonnez : lesquels ne furent point contens de luy laisser entrer sinon à petite compaignie & à simple estat, ce que point ne leur vouloit accorder : ains luy feirent responce que point n'y entreroit si toutes ses gens n'estoient avecques luy. Durant lequel temps y eut plusieurs parlemens par maniere de moyés entre icelles parties. Et estoient lors avecques ledit Duc messire Roland de Huetequerque, & messire Colard de Commines, que les dessusdits Brugelins auoient trespas en grace. Et aussi estoient avecques ledit Duc plusieurs autres seigneurs & notables hommes de guerre & de grand auctorité c'est à sçauoir le Comte d'Estampes, le seigneur de l'Isle-Adam, le seigneur de Teruane, le seigneur de Humieres, le seigneur de Haubourdin, le seigneur de Sauueses, le seigneur de Creueueur, Jaques Kiriel, le seigneur de Linternelle, Pierre de Roubaix & plusieurs autres, qui auoient grand merueilles de veoir les manieres que tenoient iceux Brugelins contre leur Prince. Et y eut d'aucuns qui furent d'opinion qu'on print vne partie de ceux qui estoient venus pour traicter & parler au dehors d'icelles barrières, & qu'on couppast les haltereaux à ceux qui seroient trouuez coupables des commotions deuantdictes : mais ce propos fut delaisé pour doute qu'ils ne feissent le pareil à ceux qui estoient dedans entrez pour prendre leurs logis : neantmoins apres que lesdictes parties eurent parlementé assez longuement, les vns avec les autres de deux à trois heures fut conclud que ledit Duc y entreroit. Deuant laquelle entrée il garnit la porte & y meir de ses gens. C'est à sçauoir Charles de Rochefort, messire Jean Bastard de Dampierre, Meliades Breton accompagné d'aucuns gentils-hommes, & partie de ses archiers.

Ainsi entra dedans ledit Duc en moult belle ordonnance accompagné de plusieurs seigneurs & autres gens de guerre. Et se commença à mettre bien auant en la ville pour aller descendre à son hostel. Et quand ce vint qu'il y eut dedans de quatre à cinq cens de ses gens, ceux de la ville, qui, comme dit est, estoient à la porte en tresgrand nombre armez & embastonnez, refermerent icelle bartiere, & puis la porte & enfermerent les autres dehors. Laquelle chose fur noncée audit Duc qui en fut tresdesplaisant, & feis dire à d'aucuns desdits gouuerneurs que puis qu'on ne luy vouloit laisser ses gens entrer avecques luy, qu'on le remit dehors, à quoy ils s'excuserent aucunement. Et entre-temps le

Duc

Duc feit mettre en ordonnance vne partie de ses gens ou vieil marché : durant lequel temps s'esmeut debat entre les parties, & commencèrent à tirer & à combattre l'un contre l'autre en plusieurs lieux . Et adonc fut conseillé iceluy Duc qu'il se retrahist vers icelle porte pour la reconquerre affin qu'il peut auoir ses gens auecques luy, & retourner dehors si besoing luy en estoit . Laquelle chose il feit, & enuoya par vne rue vne partie de ses gens sur les fossez, pour enuoyer ceux qui estoient deuant ladicte porte au trauers, & luy en sa personne alla par la grand rue . Si esclerierent leurs ennemis tous à vne voix, & les enuahirent en moult grand bruit : mais sans delay ces Brugelins si se departirent & laisserent celle porte, si furent aucunement poursuivis & les aucuns mis à mort . Et adoncques le seigneur de l'Isle-Adam qui s'estoit mis à pied auecques aucuns archiers qui point ne faisoient bien leur deuoir à son plaisir, se bouta si auant pour rebouter les dessusdits, pensant que les autres le suiussent de pres, qui riens n'en faisoient si non assez doubtablement . Si fut incontinent enuahy de plusieurs Brugelins:lequel auant qu'il peust auoir aucun secours fut mis à mort, & luy arracherent l'ordre de la toison qu'il portoit . Pour la mort duquel ledit Duc & generallement tous ceux qui estoient auecques luy, auoient au cueur trefgrand tristesse : mais ils n'en peurent auoir autre chose . Et n'y auoir celuy qui ne fut en trefgrande doute de sa vie, pource qu'ils sentoient icelles communes estre en trefgrand multitude tous en armes, prests pour les enuahir de toutes parts,& n'estoient qu'un petit de gens au regard d'iceux.Neantmoins ledit Duc de sa personne fut tousiours assez reconforté.Etauoit grand regret qu'il ne pouoit auoir les gens qui estoient dehors pour combattre lesdits Brugelins, lesquels il veoit ainsi esmeuz:& d'autre part les gens de dedans estoient en grād doute, & ceux qui estoient dehors auoient trefgrand desplaisance : car ils scauoient par leurs gens,qui estoient sur ladicte porie le melchef & tribulation où estoit leur Prince & leurs compagnons . Et auecques ce veirent iusques à huiet ou dix d'iceux leurs compagnons, lesquels furent achassez sur les fossez par les Brugelins,qui eux cuidoier sauuer faillirent és fossez & furent noyez.

Si dura ceste mortelle tempeste moult cruelle dedans icelle ville de Bruges, par l'espace d'heure & demie ou enuiron : & apres pource que ledit Duc fut aduertty qu'ils s'apprestoient tous aual la ville à grand puissance pour là venir à eux combattre à tout grand nombre de ribaudekins, artilleries & autres habillemens de guerre, à quoy nullement n'eust sceu resister : luy fut conseillé de rechercher qu'il le meit en tous perils & en peine de reconquerre la porte deuantdicte, où ses ennemis estoient assemblez . Et lors vint vers eux pour les combattre à tout ce que pour lors pouoit auoir de gens, mais ils se departirent hastiuement comme ils auoient fait . Si furent prins les marteaux qui estoient dedans la maison d'un mareschal assez pres de ladicte porte : si leur bailla iceluy mareschal,& en furent tantost rompus les verroux d'icelle porte & les serrures. Et quand elle fut ouuerte auecques les barrieres,lors issirent ses gens de grand vouloir:mais ledit Duc qui estoit monté sur un moult bon coursier durant toutes ces tribulations dessusdictes, & auoit moult fort esté approché de ses ennemis, demoura sur le derriere en guise de bō pasteur,& se meit à chemin pour retourner en la ville de Roullers, dont il s'estoit party ce propre iour trefennuyeux de

cueur, de ce qu'il veoit les besongnes ainsi tourner sur luy : & par especial de la mort du seigneur de l'Isle Adam dessus nommé & de ses autres gens. Si estoient la plus grand partie de ses autres gens d'armes là estans si effroyez, qu'à grand peine leur pouoit on faire tenir ordonnance au retour dessusdit. Et n'estoient point entrez en icelle ville avec ledit Duc messire Roland de Haultekerque, ne messire Colart de Communes: si furent morts en icelle iournée des gés du Duc iusques à cēt ou plus, qui tous surēt enterrez en vne fosse au cymetiere del'hospital, teleruē le seigneur de l'Isle Adam qui fut enterrē à par luy: & depuis à grād solennité fut remis en l'Eglise de S. Donast de Bruges. Et si en demoura deux cens prisonniers des gens dudit Prince: desquels le vendredy ensuiuant en y eut trente & deux decapitez, & le surplus eurent leurs vies sauues par les prieres des bonnes gens d'Eglise & des marchans d'estrange païs, qui en feirent treshumble requestes. Et au bout de huit iours ensuiuans, deliurerent à tout leurs bagues tous les familiers dudit Duc de Bourgongne: mais ils feirent escarteller le dessusdit Marechal dont dessus est faicte mention, qui auoit liuré les marteaux pour ouuir la porte, & se nommoit Iacob Van Ardoyen. Et quant aux Brugelins combattans au Prince, n'en y eut de morts que douze ou enuiron. Et entre lesdits Picards qui furent morts y eut peu de gens de renom, sinon le deuantdit seigneur de l'Isle Adam & vn huissier de salle du Duc de Bourgongne nommé Herman. Et quant est au gouuernement d'iceux Brugelins, ils estoient nuit & iour en armes en tresgrand nombre, tant sur les marches qu'ailleurs. Et brief apres ensuiuant allerent abbatre la maison d'un bourgeois nommé Gerard Reubs. Et quant au regard du Duc de Bourgongne, il s'en alla à Roulers: & de là en la ville de l'Isle où il tint plusieurs cōseils, pour sçauoir par quelle maniere il pourroit mettre en obeissance iceux Brugelins. Et fut aduisé pour les mieux cōtraindre, qu'on feroit crier par toutes les villes & païs entour d'eux, que nuls ne leur portassent viures sur quanques on doit estre ennemis du Prince. Et ainsi en fut fait dont ils furent fort esmerueillez & en grand doubte: mais pourtant ne laisserent ils point de continuer en ce qu'ils auoient commencé.

Comment le Bourg de la Hire courut, & feist moult de maulx es marches de Peronne, Roye & Montdidier.



N ce mesme temps le Bourg de la Hire qui se tenoit au chasteau de Clermont en Beauuoisis, à tout enuiron de soixante à quatre vingts combattans, dont il traualloit mallement le païs enuiron, & par especial les chastellenies de Peronne, Roye & Montdidier appartenās au Duc de Bourgongne: & y coutoit tressouuent, & en ramenoient à leurs garnisons de grans proyes, tant prisonniers, bestail comme autres biens: nonobstant la paix d'Arras faicte entre le Roy de France & le Duc de Bourgongne, comme dit est dessus. Et entre les autres vint vn certain iour courre deuant la ville de Roye. Si print & leua le bestail & aucuns biens qu'il peut atteindre, à tout lesquels s'en retourna pour s'en aller deuers le dessusdit lieu de Clermont. Si auoit avec luy gens de plusieurs garnisons, tant de Mortemer appartenās à Guillaume de Flauay, comme d'autres forteresses: de laquelle ville de Roye estoit capitaine de par ledit Duc vn tresvaillant homme d'armes & noble homme nommé

mé Aubert de Folleuille: lequel sçachant l'entreprinse dessusdicté, assembla incontinent tout ce qu'il peut auoir de gens de guerre. Et sans delay poursuivit les dessusdits sur intention de rescourre la proye qu'ils emmenoiēt: si les attaignit vers vn village nommé Boulongne la Grasse, & leur courut sus de grand voulēté: mais par auant sa venue auoient mis de leurs gēs en embusche, qui tantost saillirent sur ledit Aubert & les siens. Et finalement pource qu'ils estoient en trefgrand nombre au regard de luy, il fut tantost tourné à desconforture, & de fait luy coupperent prestemēt la gorge: & avecques luy furent morts plusieurs tant gentils-hommes comme autres: c'est à sçauoir son nepueu Souldan de la Bretonnerie, Hue de Bazincourt, le Bastard d'Elue, Collard de Picellen, Jaques de la Bruyere, Jean Bazin, Symon le Maire & aucuns autres: & les autres se sauuerent par les bons cheuaux qu'ils auoient. Pour laquelle destrouffe, & aussi pour plusieurs autres & assez pareilles entreprinſes, le Duc de Bourgongne en estoit trefmal content: & afin d'y resister furent mises esdictes villes de Roie, Peronne & Montdidier plusieurs gens de guerre par le Comte d'Estampes.

Comment plusieurs capitaines Francois au commandement du Roy Charles de France, allerent reconquerir plusieurs villes & forteresses que les Anglois tenoient. Et comment ledit Roy propre en sa personne alla deuant la ville de Monstreau saut-Tonne, laquelle il reconquist.



N ces iours Charles Roy de France conuocqua de plusieurs parties de son Royaume trefgrand nombre de nobles hommes, & des gens de guerre à venir deuers luy à Gien sur Loyre, en intention de recouurer aucunes villes & forteresses que tenoient les Anglois ses aduersaires vers Montargis & sur les marches de Gastinois. Lesquels venus audit lieu de Gien deu le Roy, avec lequel estoient le Conestable de France, messire Jaques d'Anjou, le Comte de Perdiac, le Comte de Vendosme, le Bastard d'Orleans & autres plusieurs. Si fut conclud par le conseil Royal, que ledit Conestable & le Comte de Perdiac iroient à tout leurs gens d'armes mettre le siege deuant chasteau Landon, que lors tenoient lesdits Anglois. Et comme il fut deliberé, en fut fait: & en brief vindrent deuant & l'environnerent de toutes parts, dont les Anglois furent moult esbahis: car ils estoient bien auant au païs, & auoient petite esperance d'auoir secours & si n'estoient mie fort pourueuz de viures: neantmoins ils monstrent semblant d'auoir bonne esperance d'eux tenir & deffendre: & jaçoit-ee que par ledit Conestable furent sommez d'eux rendre sauf leurs vies, ils feirent responce qu'à ce n'estoient point conseillez de ce faire, & dirent qu'il cousteroit cherement auant que ce feissent. Toutesfois au troisieme iour furent si fierement & asprement assaillis par lesdits François, qu'ils furent prins de force: si y eut la plus grand partie d'eux pendus, & par especial ceux qui furent narifs du Royaume de France, & les autres furēt deliurez en payant finance. Et apres les seigneurs dessusdits partās dudit lieu de chasteau Landon, allerent mettre le siege deuant Nemours, lequel se tint environ douze iours: au bout duquel temps ceux de dedans se rendirent sauf leurs vies & leurs biens, & s'en allerent à Monstreau. Et entre-temps messire Gascon de Logus Baillif de Bourges en Berry, & autres capitaines allerent assieger la ville & cha-

steau de Ternyque tenoient les dessusdits Anglois : lesquels dedans briebs iours entuiuans se rendirent moyennant qu'ils s'en iroient sauueement à tout leurs biens. Et quand ils se partirent de là à tout leur sauconduit, le dessusdit messire Gascon qui estoit monté sur vn bon courfier les conuoia vn petit: mais en le ferant de l'esperon & tournant iceluy courfier cheut dangereusement & se tua ledit cheualier tout mort. Au lieu duquel Poton de S. Treille fut de par le Roy constitué Baillif de Bourges.

TANTOST apres le Roy à tout sa compaignie vint à Gien, à Sens en Bourgogne, & de là à Bray sur Seine: duquel lieu il enuoya deuant Monstreau faut-Yonne, le seigneur de Gaucourt, messire Denys de Saily, Pothon de S. Treille & Boussac, le Bastard de Beau-manoir & aucuns autres capitaines à tout enuiron seize cens combattans, lesquels se logerent sur vne montaigne vers le chastel sur la Brie. Et deuant iceluy chastel feirent faire vne grosse bastille & puissante, où ils se logerent & fortifierent en grand diligence. Et de l'autre costé vers Galtinois vindrent ledit Connestable, le Comte de Perdiac, le Bastard d'Orleâs, messire Jaques de Chabânes & leurs gens dont dessus est faicte mention, lesquels se logerēt assez pres de la ville. En apres vindrent le seigneur de Valoignes, messire Anselin de la Tour Baillif de Vitry, Regnault Guillaume Baillif de Montargis, lesquels se logerēt dedans l'Isle entre les deux riuieres: & par ainsi ladicte ville & le chastel de Monstreau faut Yonne furent enuironnez de tous costez par les gens du Roy de Frâce, lesquels feirēt asseoir en plusieurs lieux plusieurs gros engins, dont la muraille fut en assez brief terme tresfort endomagée. Dedans laquelle ville & chasteau estoit de par le Roy d'Angleterte capitaine general vn nommé Thomas Gerard, & avecques luy Mondo de Monferrant, Mondo de Laufay & plusieurs autres compaignons de guerre iusques au nombre de trois ou quatre cens combattans, lesquels feirent tresgrand resistance contre leurs aduersaires & ennemis selon qu'il leur estoit possible: & auoient grand esperance d'auoir secours par les capitaines qui gouuernoient de par le Roy d'Angleterte au pays de Normandie, car ainsi leur auoit esté promis: en apres vint le Roy de France dessusdit tresgrandement accompagné de Bray sur Seine audit lieu de Monstreau, & se logea dedans la forte bastille dessusdicte. Si auoit bien avecques luy de six à sept mille combattans, gens de bonne estoffe & tresbien habillez. Et depuis la venue faitte de moult grans diligences tant d'approcher ladicte ville comme de faire iecter ses gros engins, & luy mesmes de sa personne y print moult grand trauail. Et en fin au bout de six sepmaines ou enuiron apres iceluy siege mis, fut finalement par le Roy & ses gens ladicte ville prinse d'assault à petite perte des assaillans. Et au regard des assiegez en furent morts de vingt à trente ou enuiron, & autant de prins, desquels la plus grand partie furent penduz. Si entra iceluy Roy assez tost apres dedans. Et pour vray il deffendit qu'on ne mesfeist riens aux bonnes gens de la ville tât aux hommes comme aux femmes, qui s'estoient retraits en l'Eglise quand à leurs personnes. Mais quand au regard de leurs biens tout fut prins & pillé comme ville conquise: auquel assaut furent faits plusieurs cheualiers: cest à sçauoir le ieune Comte de Tancarville fils de messire Jaques de Harecourt, Robert de Bethune seigneur de Moreul en brief & aucuns autres. En outre le Roy & grand partie de ses Princes se logerent dedans

dans ladicte ville. Et enuiron quinze iours ensuiuans ceux dudit chasteil se rendirent au Roy, par tel si qu'ils s'en iroient sauf leurs vies & leurs biens. Apres laquelle reddition fut constitué capitaine le Bastard d'Orleans, qui le regarnit de ses gens. Et toutes ses besongnes escheuées le dessusdit Roy Charles avecques luy son fils & autres grans & nobles Princes, s'en alla à Meleun, & les gens d'armes par compaignies se tirerent en diuers lieux : mais la plus grand partie allerent vers Paris.

Comment ceux de Bruges islirent par plusieurs fois hors de leur ville & allerent fourrager le plat pays.



R conuient retourner à parler de ceux de Bruges, lesquels continuerent tousiours en leur mauuaise & folle opinion à l'encontre de leur Prince : & allerent tressouuent par grandes compaignies hors de leur ville fourrager le plat pays, & abbatre les mailons de ceux qu'ils hayoient & tenoient pour leurs ennemis : & entre les autres prirent le chasteil de Coquelaira, que tenoit le Bastard de Bailleul, & y feirent de grans desfois. Et d'autre part quand ils estoient retournez dedans leur ville, ils faisoient souuent de cruelles iustices sur ceux qu'ils scauoient non estre du tout de leur alliance : & entre les autres feirent decoller de Doyen des Feures, & luy meirent sus qu'il vouloit liurer la ville aux Gantois. Et quand aux puisans & plus notables de la ville, grand partie s'en estoient partis, & allerēt en diuers lieux pour doubte des dessusdits. Et apres se meirent sus de trois à quatre mille à tout charroy, engins & habillemens de guerre, & allerent assieger la ville de l'Escluse qu'ils auoient en moult grand hayne : dedans laquelle estoit de par ledit Duc de Bourgongne messire Symon de Lalain avecques certain nombre de combattans. Si y furent par l'espace de vingt & trois iours. Durant lequel temps liurerent plusieurs assaulx à aucunes des portes & barrieres d'icelle ville de l'Escluse : & y furent entre les parties faictes plusieurs escarmouches, ausquelles en y eut grād nombre de morts & de naurē, & par especial desdits Brugelins. Et entre-temps le dessusdit Duc de Bourgongne feit grand assemblée de nobles, & gens de guerre du pays de Picardie & autres lieux de ses seigneuries autour de saint Omer, sur intention d'y aller pour eux combattre. Mais durant le temps dessusdit tant par le moyen des Gantois, qui s'en entremeirent comme pour la doubte de l'assemblée que faisoit ledit Duc, les dessusdits Brugelins se retrahirent en leur ville.

Comment les Anglois reconquirent la ville de Fescamp en Normandie.



Tem en ces iours les Anglois meirent le siege deuant la ville de Fescamp en Normandie, & y furēt enuiron trois mois : en la fin desquels ceux de dedās se rendirent, moyennāt que de là se departiroient sauf leurs corps & leurs biens. Mais tost en assez briebs iours ensuiuans fut reconquise par les François. Si y auoit pour lors tresgrand guētre par toute la Normandie, & se faisoient tressouuent de diuerses rencontres entre les parties : & entre les autres en y eut vne dont il faut faire mention : C'est à scauoir que la Hire, Pothon de sainte Treille, le seigneur de Fontaines, l'Auagan & autres capitaines se meirent ensemble vn certain iour, & allerent enuiron à tout

six cens combattans courre deuers Roüen, sur intention de faire aucune bonne besongne fut iceux Anglois de Normandie leurs aduersaires: Mais ils faillirent, de ce qu'ils auoient entrepris. Et pourtant se prindrent à retourner vers Beauuais. Et pource qu'eux & leurs cheuaux estoient fort trauaillees, se logerent à vn village nommé Ris pour eux repaistre & rafraeschir: auquel logis vint assez tost après messire Thomas Kiriel & aucuns autres capitaines Anglois: lesquels vigoureusement leur coururent sus, deuant qu'ils peussent estre assemblez, & en fin les desconseient en peu de dommage de leurs gens. Et y fut prins ledit seigneur de Fontaines, Alardin de Moullay & plusieurs autres. Et la Hire par le bon cheual qu'il auoit se sauua à grand peine, & fut nauré en plusieurs & diuers lieux. Et pareillement se sauua Pothon de sainte Treille & aucuns autres avecques eux: & par especial perdirent la plus grand partie de leurs cheuaux & harnois. Après laquelle destrouille les Anglois s'en retournerent à Roüen tresioyeux de leur bonne fortune: Mais ce nonobstant ils reperdirent tantost ladicte ville de Felcamp, comme cy deuant est declairé.

Comment le seigneur d'Offemont print la Hire prisonnier, où il ioüoit à la paulme en la cité de Beauuais.

DVrant les besongnes dessusdictes le seigneur d'Offemont, qui point encorres n'auoit oublié la mauuaise compagnie que la Hire luy auoit fait: le quel l'auoit prins & rançonné à Clermôt en Beauuoisis, comme en autre lieu est plus à plain declairé, assemblea enuiron six vingts combattans: desquels estoit le seigneur de Moÿ son beau frere, le Bastard de Chauny & plusieurs autres capitaines: lesquels il mena par moyen dudit seigneur de Moÿ dedans la cité de Beauuais, dont la Hire estoit capitaine, & à ceste heure ioüoit à la paulme en la court d'une hostellerie, où estoit l'enseigne S. Martin. Ledit seigneur d'Offemont à tout ses gens y alla tout droit, car bien le scauoit par ses espies estre à iceluy ieu. Mais la Hire qui en fut aduertý aucunement s'en alla mussier sous vne mangeoire de cheuaux, où en fin fut trouué & prins par les gens dudit seigneur d'Offemont, avecques luy vn nommé Perret de Salle-noire. Si furent prestement môtés à cheval derriere deux hommes, & leur fut dit que s'ils faisoient semblant de crier ne d'esmouuoir quelque noise pour les rescourre, on les mettroit incontinent à mort. Et lors sans arrester furent amenez à trauers de la ville hors de la porte. Mais aucuns de ses gens & de la communauté s'assemblerent & poursuivirent pour eux cuider deliurer, & y eut fait aucunes escarmouches de traict entre icelles parties. Neantmoins ils furent emmenez iusques au chastel de Moÿ, & de là à Meulan, où ils furent aucune espace de temps: & depuis furent amenez au chastel d'Ancre qui estoit au dessusdit seigneur d'Offemont, & là furent certaine espace de temps prisonniers. Pour laquelle assemblée & entreprinse le Roy de France & plusieurs de ses capitaines n'estoient mie bien contens, pourtant qu'on l'estoit ainsi allé querir es pays du Roy: mais la plus grand partie de ses nobles hommes & seigneurs dessusdits, disoient auoir fait à iceluy seigneur ce service à cause de lignage & appartenance. Et depuis le Roy en rescriuit bien destoicement au Duc de Bourgogne en faueur de la Hire, afin qu'il meit moyen à sa deliurance, & aussi qu'on

qu'on ne luy feist aucune griefueté de sa personne. Et en fin y fut tant besongné que ledit Duc de Bourgogne en partie par contraincte, trouua moyens qu'iceluy & sa partie se subsmeirent de leur discord sur luy & son conseil chacun d'eux ouï en ses raisons. Et se tindrent plusieurs iournées en icelle ville de Douay present ledit Duc: lequel Duc en conclusion tant pour complaire au Roy, qui moult acortes luy en auoit escript (comme dir est) comme pourtāt qu'il fut trouué que la prinse n'estoit belle ne bonne ne honneste: mais du tout desraisonnable, les meit d'accord & eut ledit seigneur d'Offemont aucunes recompensations pour ses interets, non mie à comparer à la finance qu'il auoit payée, & si luy rendit le chastel de Cleremont, & ledit Perret paya mille escus pour sa rançon. Et par ainsi furent icelles parties rappaisées & accordées de toutes les questions qu'ils auoient eu ensemble. Esquels iours furent accordez la Hire avecques messire Jean de Luxembourg, lequel le hayoit mortellemēt, tant pour la prinse de Soissons comme pour autres griefs & dommages qu'il luy auoit faits en ses seigneuries. Et demourerent bons amis l'un avec l'autre, comme ils monstrerent les semblans: & tantost apres ladicte Hire retourna deuers le Roy de France, auquel il se loia grandement de l'honneur & de l'amour que le dessusdit Duc de Bourgogne luy auoit fait en faueur de luy, dont le Roy fut trescontent & luy feist tresbonne chere. Et luy assigna incontinent la plus grād partie de ses fraits & interets, qu'il auoit eu és besongnes dessusdictes. Et pource que ses gens furent aduertis qu'il les conuenoit departir du chastel de Clermōt, allerent reparer vne vieille forteresse nommée Thoys appartenant au seigneur de Creuecœur. Si s'y bouterent en garnison, & cōmencerent de rechief à moult fort traualier le pays deuers Amiens & Picuegny, & par especial les terres & seigneuries qui auoient aydē à aller querir la Hire leur capitaine, dont dessus est faicte mention. Si estoit l'un des chiefs de ceux qui ledit chastel auoient reparé, & faisant toutes les besongnes dessusdictes vn qui s'appelloit Philippe de la Tour.

*Comment Charles Roy de France feist sa premiere entrée en la ville de Paris depuis quel-
le fut reduicte en son obeissance, & des preparations qu'on y feist.*

LE mardy douziesme iour de Novembre de cest an, le Roy Charles de France se logea en sa ville de S. Denys. Si estoient en sa compaignie son fils le Daulphin de Viennois, le Cōestable de France, messire Charles d'Anjou, les Comtes de Perdiac & de Vendosme, & le ieune Comte de Tancarville, messire Christofle de Harecourt, le Bastard d'Orleans & autres en tresgrand nombre nobles & grans seigneurs cheualiers & escuyers: & si y estoit la Hire en tresbel & noble appareil. Et de là sen alla ledit Roy en la cité de Paris, où il n'auoit esté depuis le temps qu'il en auoit esté debouté, quād elle fut prinse du seigneur de l'Isle Adam qui fut en l'an mille quatre cens dixhuiet. Et vindrent au deuāt de luy iusques à la Chappelle le Preuost des Marchans, Escheuins & bourgeois en tresgrand nombre, accompagnez des arbalestriers & archiers de la ville tous vestus de robes pareilles de pers & de vermeil. Et quand ils furent venuz deuant le Roy, ledit Preuost des Marchans luy presenta les clefs de la ville de Paris: & le Roy les bailla en garde au Conne-

stable de France. Si meirent iceux Preuosts & escheuins vn ciel bleu couuert de fleurs de lis d'or, & le porterēt tousiours aptes par dessus le chief du Roy. Apres vint le Preuost de Paris accompagné de ses sergens de pied, qui auoient chacū vn chapperon party de vert & de vermeil. Et ensuiuans iceux sergens vindrent les notaires, procureurs, aduocats & commissaires du chastellet. En apres vindrent les personnages des sept pechez mortels, & des sept vertus montez à cheual. Et estoient tous habillez selon leurs proprietiez. Lesquels personnages suiuiōt les seigneurs de Parlement & des requestes. Apres suiuiōient les presidens, & y auoit tresgrand multitude de peuple. Et ainsi alla le Roy trefauctentiquement & tresnoblement accompagné entter par la porte sainct Denys en la ville & cité de Paris. Sur laquelle porte estoit vn escu de France que trois Anglois tenoient esleué: & au dessus dudit escu estoient Anglois châtans. Et au dessous y auoit escript.

*Trefexcellent Roy & seigneur
Les manans de vostre cité
Vous recoyuent en tout honneur
Et en tresgrande humilité.*

Item au Poncelet auoit vne fontaine, en laquelle y auoit vn pot où estoit vne fleur de lys, qui iectoit bon ypcras, vin & eaüe. Et dedans ladicte fontaine estoient deux Dauphins, & au dessous auoit vne terrasse voultee de fleurs de lys, & dessus ladicte terrasse estoit vn personnage de sainct Iean Baptiste, qui monstroït l'*Agnus Dei*, & y auoit anges chantans moult melodieusement. Item deuant la Trinité estoit la passion. C'est à sçauoir comment nostre seigneur fut prins, battu, mis en croix & Iudas qui s'estoit pendu. Et ne parloient riens ceux qui ce faisoient, mais le monstrerent par ieu de mystere. Et furent les manieres bonnes & biens iouées, & viuement compassionnées & moult piteuses. Item à la seconde porte estoient S. Thomas, S. Denys & S. Mautice, S. Loys de France & S. Geneuiefue au meillieu. Item au Sepulchre estoit cōment nostre seigneur ressuscita, & comment il apparut à Marie Magdaleine. Item à S. Katherine en la rue S. Denys estoit le S. Elprit, qui descendoit sur les Apostres. Item deuant le chastellet estoit l'Annonciation, faicte par l'ange aux pastours aux chantans, *Gloria in excelsis Deo*. Et au dessous de la porte estoit le liēt de iustice, la loy diuine, la loy de nature, & la loy humaine. Et à l'autre costé contte la boucherie estoient le iugement, paradis & enfer: & au meillieu estoit sainct Michel l'Ange, qui pesoit les ames. Item au pied du grand pont dertiete ledit chastellet, estoit le baptisment de nostre Seigneur. Et y estoit sainte Matguerite contrefaicte issant d'un dragon.

Item fen vint le Roy au portail de nostre Dame de Paris, où il descendit & veit deuant luy l'Vniuersité qui proposa en brief, & audit portail estoient les Prelats: c'est à sçauoir les Archeuesques de Thoulouze & de Sens, & les Euesques de Paris, de Clermont & de sainct Mangon lez Montpellier, les Abbez & ministres de sainct Denys, de sainct Mor, de S. Germain lez Paris, & aussi pareillement de sainct Magloire, & de sainte Geneuiefue. Et là feit le Roy le sermēt à l'Euesque de Paris, & puis entra en l'Eglise de nostre Dame: en laquelle estoïēt trois arches comme à Amiens la nuit de l'an, bien plaines de chandelles & de cire.

cire. Et de là s'en alla le Roy apres qu'il eut faicte son oraison au palais, où il coucha pour celle nuit. Et à son entrée estoient environ huit cens archiers bien habillez, & en moult belle ordonnance: lesquels le Comte d'Angoulesme conduisoit. Er estoient le Roy & le Daulphin armez de plain harnois, reserué leurs chief. Et sur le harnois du Roy estoit vne tourmole couuerte d'orfauerie. Er sur son cheual estoit vn pers veloux tout tissus de grand fleurs de lys d'or moult riche, & battoit iusques à terre. Et auoit vn chanffrain d'acier, sur lequel auoit vn tresbel plumail. Er deuant luy alloit tout au plus pres de sa personne Pothon de sainte Treille, lequel portoit le heaume du Roy sur vn baston appuyé contre la cuisse: lequel heaume estoit couronné d'vne moult riche couronne: & sur le meillieu de ladicte couronne auoit vne double fleur de lys. Et menoit son cheual tout à pied vn gentil-homme nommé Jean d'Olon. Et tousiours portoit on le ciel dessusdit par dessus luy. Et apres luy suiuiot les pages qui estoient tresrichement & noblemēt habillez & ouurez d'orfauerie, & leurs cheuaux pareillement. Er vn petit deuant ledit Pothon alloient le Connestable, les Comres de Vendosme, & de Tancarville & plusieurs autres grans & notables seigneurs moult noblement montez & habillez. Et vn petit ensuiuit le Roy cheuauchoit & ledit Daulphin tout couuert d'orfauerie, luy & son coursier moult noblement, & semblablement ses pages & leurs coursiers. Et estoit accompagné de messire Charles d'Anjou son oncle, & des Comres de Perdiac & de la Marche. Et tout derriere suiuiot le Bastard d'Orleans armé de plain harnois tout couuert d'orfauerie luy & son cheual. Er auoir vne moult riche escharpe d'or, qui alloir par derriere iusques sur le dos de son cheual: & menoit la baraille du Roy où il y pouoit auoir environ mille lances fleur de gens d'armes, & habillez eux & leurs cheuaux. Et quant aux autres cheualiers & escuyers & gentils-hommes, en y auoit en grand nombre qui estoient eux & leurs cheuaux tous chargez d'orfauerie. Desquels entre les autres apres les Princes messire Jaques de Chabannes, & le seigneur de Restelant en eurent le bruit pour iceluy iour d'auoir esté eux & leurs gens & leurs cheuaux les plus richemēt parez & aornez. Er quant est au peuple d'icelle ville de Paris, il en y auoit si grande multitude qu'à grand peine pouoit on aller parmy les rues. Lesquels en diuers lieux crioiet à haute voix tant comme ils pouoient erier Noël, pour la ioyeuse venue de leur Roy & naturel seigneur, & de son fils le Daulphin. Si en y auoit plusieurs qui ploroient de la ioye & de la pitié qu'ils auoient, de ce qu'ils le reuenoient dedās leur ville. Et apres toutes ces choses faictes & accomplies & le Roy venu au Palais en la maniere, comme dit est, se logea là: & avecques luy le Daulphin son fils. Et tous les autres seigneurs tant cheualiers & escuyers cōme gens de guerre, s'en allerēt loger parmy la ville en plusieurs & diuers lieux. Et fut crié de par le Roy à son de trompe sur la hart, que homme nul de quelque estat qu'il fut ne meffist riens aux Parisiens ne en corps ne en biens. Et le lendemain le Roy monstra au peuple à la sainte Chappelle la vraye Croix nostre seigneur, le fer de lance dont nostre seigneur Iesus Christ fut feru au costé en la croix. Et tātost apres monterent à cheual, & alla le Roy loger à l'hostel neuf pres de la bastille, & le Daulphin se logea aux Tournelles. Si demourerent certaine espace de temps audit lieu de Paris. Et furent faictes plusieurs nouuelles ordonnances sur le re-

gime du Royaume. Et par especial dedans icelle ville de Paris furent adóc faits aucuns nouueaux officiers, tant en la court de Parlement comme ailleurs. En outre apres ce que le Roy eut fait son entrée à Paris, comme dit est, les Comtes de la Matche & de Perdiac enfans de Bernard Comte d'Armignac iadis Conestable de France, mis à mort par la communauté de Paris tresgrandement accompaignez de plusieurs seigneurs tant d'eglise comme seculiers, seirent desterrer leur feu pere & mettre en vn sercueil de plomb. Et apres le seirent porter en l'Eglise saint Martin des Champs, où luy fut fait vn seruice tressolennel. Auquel furent toute la plus grand partie des colleges de Paris: & le lendemain fut mis sur vn chariot couuert de noir & conuoyé à grand solennité hors de la ville, & apres mené à grand compaignie des gens de ses deux fils dessusdits, en la Comté d'Armignac.

Comment les Brugelins se commencerent à moderer, & enuoyerent leurs ambassadeurs deuers le Duc de Bourgogne pour auoir paix.

EN ce temps les Brugelins qui se sentoient grandement auoir offensé vers le Duc de Bourgogne leur seigneur: & aussi considerans que les autres bonnes villes de Flandres ne les vouloient aucunement conforter ne ayder par quelque maniere que ce fut, se commencerent à esmayer & auoir doubte, qu'à long aller ne peussent resister ne eux deffendre contre le dessusdit Duc de Bourgogne: car avecques ce ils sçauoiēt assez qu'ils n'estoient point bien en la grace des Gantois, & leur venoient chacun iour des nouuelles que le deuantdit Duc de Bourgogne venoit à tresgrand puissance de gens d'armes pour les subiuguer: & iceux Gantois seroient en son ayde pour à eux faire guerre. Et pour à toutes ces choses dessusdictes obuier, trouuerent aucune maniere d'enuoyer leurs ambassadeurs deuers iceluy Duc, qui se tenoit à Arras: & fut la besongne assez longuement demenée entre icelles parties. Et entre-temps iceux Brugelins se commencerent à abstenir de faire leurs courses & rudesses en iceluy pay's, comme par auant auoient fait.

Comment le seigneur d'Offy & messire Florimont de Brimeu Seneschal de Ponthieu & d'Abbeuille allerent assieger le Crotoy.

AV temps dessusdit qui fut enuiron le mois d'Octobre audit an, le seigneur d'Auxy capitaine general des frontieres de Ponthieu & d'Abbeuille, avecques luy messire Florimont de Brimeu Seneschal dudit Ponthieu, & vn cheualier de Rhodes preux & hardy aux armes qui estoit nommé messire Iean de Foy, assemblerent certain nombre de combatrans: lesquels conducteurs conduisirent & menerent deuant le chasteil du Crotoy que pour lors tenoient les Anglois, esperans iceluy reconquerre & mettre en l'obeissance du Duc de Bourgogne dedàs brief terme ensuiuant, par ce qu'un pay'sant qui n'agueres auoit esté audit chasteil: & comme il disoit, auoit espouldré tous les bleds de leans, leur donna à entendre qu'il estoit impossible qu'ils peussent viure ne eux entretenir plus hault d'un mois. Sur lequel rapport qui point n'estoit veritable, comme depuis fut apparent, s'en allerēt logger avec leurs gens deuant ledit chasteil en la vieille fermeté de la ville. Et manderent ayde de
gens

gens à plusieurs seigneurs, qui leur enuoyerent aucuns hommes de guerre. Et avec ce furent fort aydez & soubstenez de viures & d'argent par ceux d'Abbeuille, qui auoient moult grâd desir qu'iceluy Crotoy fut subiugué, pource qu'il leur faisoit souuent de grans dommages. Si enuoyerent les cheualiers dessusdits nonçer ces nouuelles au Duc de Bourgongne, en luy requerât son ayde: le quel leur enuoya aucuns de son hostel pour sçauoir que de ce pouoit estre. Lesquels luy feirent responce & rapport que son pouoit garder qu'ils ne fussent regarnis de viures par la mer, il estoit possible de les assaillir & de les contraindre de eux rendre par famine. Et sur ce fut escrit par le dessusdit Duc de Bourgongne à ceux de Dieppe, de saint Vallery & de la marine à l'environ, qu'ils s'apprestassent à tout ce qu'ils pourroient finer de nauires, pour garder le dessusdit passage de la mer. Si se tira ledit Duc au chastel de Hesdin & manda à venir deuers luy messire Iean de Croÿ Baillif de Hainault: auquel il auoit autresfois doné la capitainerie d'iceluy chastel du Crotoy, s'il pouoit estre conquis. Et luy ordonna d'aller en iceluy logis deuantdit à tout certain nombre de cōbattans & de gens de guerre, pour en estre le principal chief & gouuerneur. Et depuis y alla ledit Duc en sa personne à priuée mesnie, pour veoir & sçauoir plus au vray l'estat d'iceluy logis & n'y seiourna mie grand temps. Et afin que les gens y fussent plus seurement pour la doubte du secours qui pourroit venir d'Angleterte par mer & par terre à ceux dudit Crotoy: il ordonna à faire & ordonner vne grand bastille, pour eux loger plus seurement. Et fut faicte moult forte & bien enuironnée de grans fossiez: & en estoit l'edifieur & deuiseur aux ouuriers vn cheualier nommé messire Baudo de Noyelle. Apres l'accomplissement de laquelle bastille, furent faits plusieurs logis. Et avecques ce fut pourueüe de toute artillerie & de toutes besongnes necessaires à guerre: durât lequel temps furent faictes plusieurs escarmouches entre les parties. Entre lesquelles fut prins le lieutenant du capitaine de la forteresse dessusdicte par le seigneur d'Auxi. Desquelles preparatiōs ainsi faictes par la partie dudit Duc de Bourgongne, fut aduertie le Roy Henry d'Angleterre & son conseil, dont ils ne furent point bien ioyeux: pource qu'il leur sembloit qu'icelle forteresse leur estoit moult cōuenable, pour auoir entrée és païs & matches de Picardie. Si fut conclud entre luy & les seigneurs de son conseil qu'on y pouruoyeroit de remede. Et pour iceluy mettre à execution, fut escrit de par le dessusdit Roy Henry d'Angleterre à ceux de son conseil, qui se tenoient à Roüen, qu'incontinent & sans delay ils assemblassent le plus de gens de guerre qu'ils pourroient finer sur les marches de Normandie, pour le secours dessusdit: laquelle chose ils feirent diligemment publier en leur obeissance. Si se meirent ensemble iusques au nombre de quatre mille combattans ou environ tant de cheual comme de pied: desquels furent les cōducteurs le seigneur de Thallebot, le seigneur de Fauquemberge, messire Thomas Kiriell & aucuns autres qui adresserent à venir vers le chastel d'Incourt par plusieurs iournées. Et de là par aucuns peu de iours vindrent loger à l'abbaye de S. Vallery tous ensemble, portans avec eux leurs viures & pouruoyances. Et entre-temps que ceste assemblée se faisoit, le Duc de Bourgongne qui estoit assez acertené de leur venue, auoit par auant assemblé de toutes les marches de Picardie & de ses autres païs la plus grâd partie de tous les nobles hommes avec luy, & autres

gens de guerre. Et tant qu'ils pouoient dedans estre de huiët cens à mille combattans, lesquels estoient partis de Hesdin & venus à Abbeuille le iour deuant, que les dessusdits Anglois veinssent à la dessusdictë abbaye de S. Vallery. Si estoient en la compaignie d'iceluy Duc le Comte d'Estampes, son nepueu de Cleues, le Comte de saint Pol & plusieurs autres nobles & grâs seigneurs. Si estoit venu audit lieu de Hesdin vers luy & à son mädement messire lean de Luxembourg Comte de Ligney: mais il s'excusa deuers ledit Duc de luy armer: disant qu'il auoit encores à renuoyer le serment qu'il auoit fait aux Anglois, & que bonnement ne se pouoit armer contre eux: de laquelle excusation (sicomme ie fuz informé) ledit Duc de Bourgongne ne fut point bien content. Et luy remonstra comment il auoit serment à luy, & estoit son homme lige portant son ordre, & auoit tousiours tenu son party. Pourquoy bonnement à son honneur ne se pouoit ou deuoit excuser de luy seruir, attendu qu'il alloit pour rebouter ses ennemis, qui luy venoient courre sus en son pays. Neantmoins ledit de Luxembourg s'en retourna par le congé dudit Duc, & obtint de luy mandement de ladicte excusation. Et apres que le dessusdit Duc fut venu audit lieu de Abbeuille, & qu'il eut certaine nouuelle de la venue de ses ennemis, il feit de rechief hastiuement pourueoir ladicte ville de viures, artillerie, habillemens & gens de guerre. Et tant qu'ils pouoient dedans estre de huiët cens à mille combattans gens experts & renommez en armes. Et quand il leur fut demandé par ledit Duc de Bourgongne, s'il leur sembloit qu'ils peussent bien tenir ceste bastille contre leurs aduersaires, ils feirent responce que ouÿ, & qu'il n'en fut en nulle doubte. Toutesfois ledit Duc auoit conclud qu'il ne combatteroit point iceux Anglois à iour nommé ne assigné: mais feroit garder les passages de la riuere contre eux, & les feroit affamer & harrer en leur logis: ou il les feroit prédre en aucuns autres destroits aduantageusement s'il pouoit: lequel propos ne fut point bien mis à execution. Et les dessusdits Anglois tantost qu'ils furent logez en l'abbaye denandictë, passerent la riuere à gué deux ou trois cens au dessus de ceux dudit Crotoy, & allerent courre au pays par deuant la bastille iusques empres Rue. Et prindrent aucuns hommes d'armes avec leurs cheuaux, & antres bagues: à tout lesquels sans aucun empeschement retournerët tres matin & se meirent à chemin tous ensemble, & vindrent en bonne ordonnance passer la riuere. Et pouoient estre enuiron deux mille de pied, qui entroient en l'eäue iusques aux reins. Si fallerent mettre en bataille aux plains champs sur le hault au dessus de la ville, en la veüe de ceux de ladicte bastille: lesquels cuidoiët qu'ils les deussent venir assaillir. Si se preparerent diligemment pour eux defendre. Et adonc dedäs icelle bastille furent faits plusieurs nouueaux cheualiers: c'est à scauoir Jaques de Craon seigneur de Dômart en Ponthieu, Aymôd de Moucy seigneur de Maffy, Eustache d'Inchy, le gräd Bastard de Renty, Anthoine d'Ardéttin seigneur de Bouchanes, Harpin de Richames, Gilles de Fay & aucüs autres. Les Anglois qui en riens n'auoient esté empeschez audit passage, s'en allerët logger tous ensemble au monastere de Forest-Monstier à deux lieües de là. Et le second iour se meirent aux champs, & s'en allerent logger à vn gros village sur l'eäue d'Authie nommé la Broye: lequel estoit fourny de viures tres abondamment, & y furent quatre ou cinq iours, & alloient tressouuent battre, vanner & recueillir

recueillir des viures cent ou six vingts au coup en aucuns villages à demie lieüe de leurs logis. Et mesinement en ce temps qu'ils furent en iceluy logis, allerent quatre ou cinq ardoir vn gros village nommé Angien aupres de Hefdin, jacoit ce que le Duc eut renuoyé pour la garde de Hefdin & du païs à grand nombre de gens d'armes, qui à brief comprendre leur feirent vne mole guerre: car ils ne les adommagerent sinon assez petit. Et apres que les Anglois eurent esté audit lieu de la Broye quatre ou cinq iours, ils l'embrazerēt en feu & en flambe, & s'en allerent loger à Auxi où ils furent par l'espace de trois iours. Et coururent par petites compagnies en plusieurs & diuers lieux, pour fourrager le païs. Et ne furent de leurs ennemis aucunement empeschez, dont il soit besoing faire mention. Et quant est au gouuernemēt dudit Duc de Bourgongne, il se tenoit tousiours à Abbeuille. Et s'estoient departis de luy grand partie de ses gens par son congé, pour aller garder les bonnes villes & forteresses du païs. Si enuoya vn certain iour le seigneur de Croÿ & Jean de Brimeu Baillif d'Amiens, pour visiter la bastille dessusdicte: & sçauoir se ceux de dedans estoient encores en ferme propos d'eux là tenir, lesquels venus illec apperceurent assez bien à leur façon, qu'il en y auoit vne grand partie qui bien eussent voulu estre dehors à leur honneur. Si auoit esté conclud rant du dessusdir Duc comme de ceux de son conseil que pour pis escheuer, on rechargeroit toutes les artilleries & puis se retrairoient les gens d'armes à Rue apres ce qu'ils auroient bouté le feu dedans icelle bastille: mais ils n'attendirent point à eux retraire si hōnorablement qu'il auoit esté ordonné. Car sans ce qu'ils feussent aduertis de cause raisonnable, ne aussi pareillement qu'ils veissent venir leurs ennemis sur eux, grad partie d'iceux s'esmeurent soudainement par maniere de commorion, & saillirent à qui mieux hors d'icelle bastille en grand desfroy sans tenir aucune ordonnance: delaisant dedans icelle toure leur artillerie & grand partie de leurs harnois, & plusieurs autres bagues. Si commencerent à cheminer ensemble pour aller deuers Rue en la maniere, comme dit est dessus. Mais aucuns des principaux chiefs d'iceux se meirent en peine de les retenir & ramener en icelle, ce que faire ne peurent. Et aussi le feu auoir esté bouté és logis secrettement, parquoy ladicte bastille fut assez tost esprinse. Si saillirent auant aucuns Anglois de la forteresse qui crierent & huerent fort apres eux, comme on fait apres merdaille. Et brief ensuiuant les capitaines qui estoient (comme on peut supposer) la plus grand partie des plus vaillans gens & plus experts hommes de guerre de la compagnie du Duc de Bourgongne, se departirent ainsi honteusement comme vous auez ouï: & retournerent à Rue, & de là en plusieurs autres lieux de leur dicte obeïssance: desquels estoient les principaux messire Jean de Croÿ Baillif de Hainault, messire Florimont de Brimeu, messire Jaques de Brimeu & messire Baudo de Noyelle, tous quatre portans la Toïson & l'ordre du Duc de Bourgongne. Et avecques eux estoient Valeran de Moreul, le seigneur d'Aussy, le Galois de Renty cheualiers, le seigneur de Fremesfen, Robert de Sauueses, messire Jaques de Craon, Jean d'Arly & tous les nouveaux cheualiers dessusdits avecques grand nombre de cheualiers & escuyers de Picardie, qui grandement furent blâmez pour celle departie. Si s'excuserent les grans en donnant la charge aux petits archiers, disant

qu'ils ne les auoient peu retenir. Et en ce propre iour les Anglois qui, comme dit est, estoient logez sceurent le departement des dessusdits, dont ils se resiouyrent grandement. Si conclurent tous ensemble de r'appasser la riuere pour retourner vers leur païs & és lieux & places, dont ils estoient venus: & à leur departement bouterent les feux en la ville d'Aussy, qui estoit vn moult bel & grand village. Et reprindrent leur chemin deuers le Crotoy, & allerent loger au Nonnion. Et le lendemain r'appasserent la riuere de Somme par le lieu où ils estoient venus, & s'en allerent loger à l'abbaye de saint Vvalery comme ils auoient fait deuant: & delà se retrahirent à Roüen, & és autres lieux de leur obeissance: & emmenerent plusieurs hommes prisonniers cheuaux & autres bestes, qu'ils auoient prins & rapiné au païs. Et avec ce auoient fait grans dommages des feux qu'ils auoient boutez en sept ou en huit villes: & si n'auoient eu nul empeschement de leurs aduersaires, sinon de trente ou quarante fourragiers qu'ils auoient penduz. Et apres toutes ces besongnes, se retrahit ledit Duc de Bourgongne à Hesdin, & donna congé à tous ses gens d'armes reserué ceux qui demourerent sur les frontieres.

Comment plusieurs capitaines Francois à tout grand nombre de gens de guerre qu'on appella escorcheurs, vindrent au païs de Hainault.

A Pres ce que le Roy Charles de France eut, comme dit est ailleurs, se-iourné par aucun temps dedans la cité de Paris, il s'en departit & retourna à Tours en Touraine. Et lors apres sondit departement plusieurs de ses capitaines se departirent des frontieres de Normandie, pourtant qu'ils n'auoient viures fors à grand peine pour eux y entretenir: c'est à sçauoir Anthoine de Chabannes, Blanchefort, Gaultier de Bron, Floquet, Pierre, Regnault-Chapelle, Mathelin d'Escouet & aucuns autres. Si se meirent à chemin tous ensemble & estoient enuiron deux mille cheuaux: & parmy le païs de Vimeu s'en allerent passer la riuere de Somme à la Blanche-tache, & se logerent au païs de Ponthieu: & de ce lieu là s'en allerent deuers Dourlens & logerent à Oruille, & és villages d'entour appartenans au Comte de saint Pol. Et puis apres se tirerent vers Bray, & repasserent l'eauë à Cappy, & s'en allerent loger à Lihons en Sennois. Et tousiours faisoient de tresgrans maux par tout le païs, où ils passoient. Et ne se tenoient point contens de prendre viures, mais rançonnerent tous ceux qu'ils pouoient ataindre tant de païsans comme de bestial & autres biens. Et mesmemét assaillirent le chastel dudit lieu de Lihons: mais il leur fut bien deffendu par Valeran de Moreul & ses gens qui estoient dedans. Et apres ce qu'ils eurent là esté par plusieurs iournées, & y fait de tresgrans & sumptueux dommages, se tirerent au païs de Cambresis aupres des terres de messire Jean de Luxembourg Comte de Ligny, qui encorès n'auoit point fait serment au Roy Charles: neantmoins ils ne luy meffirent riens sur ses terres, pource qu'il estoit tousiours bien pourueu de gens de guerre: mais luy baillerent leurs scelez, & luy à eux de riens entreprendre l'un sur l'autre. Si firent iceux François plusieurs maux audit païs de Cambresis, & apres s'en allerent loger à Solames vers le païs de Hainault. Et adoncques messire Jean de Croÿ Baillif de Hainault assambla les nobles du païs de Hainault, & manda aussi aucunes

cunes des bonnes villes pour deffendre ledit paÿs contre les dessusdits, lesquels on nommoit en commun langage les escorcheurs. Et la cause pourquoy ils auoient ce nom, si estoit pourtant que toutes gens qui estoient rencontrez d'eux tant de leur party comme d'autre, estoient deuestuz de leurs habillemens tout au net iusques à la chemise: & pource quand iceux retournoient ainsi nuds & deuestuz en leurs lieux, on leur disoit qu'ils auoient esté entre les mains des escorcheurs en les gabant de leur male aduventure. Si dura ledit nom par aucune espace de tēps: & par ainsi ne fut plus nouuelle des Armignacs ne de leur nom, qui longuement auoit duré. Toutesfois quand iceux capitaines furent logez à Solames, comme dit est dessus, & és villages à l'enuiron, il en y eut vne partie qui vn iour certain se tirerent au paÿs de Hainault outre le Quesnoy, pour trouuer aucun gaignage. Si rencontrèrent d'aduventure le Baillif de Leschines nommé Collard de Sennieres à tout detrois à quatre hommes, qu'il auoit assemblez en son village: à tout lesquels il venoit au Quesnoy le Comte au mandement de la Comtesse de Hainault douairiere, & du dessusdit Baillif de Hainault qui là faisoit son amast de gens d'armes, & estoit tres matin. Et incontinent qu'iceux François les apperceurent, ils leur couturent sus vigoureuement & de hardy courage. Si furent icelles communes toutes esmerueillées, & nonobstant que les aucuns se meissent tresuaillamment en deffence: neantmoins ils furent en brief mis à grand meschef & tournez à desconfiture, & là plus grād partie prins & mis à mort trespireusement. Et mesmement ledit Collard y demoura mort sur la place, & auecques luy enuiron huit vingts de ses gens. Et les autres ils emmenerent prisonniers, & les rançonnerent comme leurs ennemis. Sinon aucuns en trespetit nombre, qui eschapperent par bien souyr. Pour laquelle destrouffe les nobles hommes des bonnes villes d'iceluy paÿs de Hainault furent durement troublez. Si enuoya ledit Baillif de Hainault vers le Duc de Bourgongne luy noncer ceste mauuaise besongne, en luy requerant qu'il luy voulsist enuoyer ayde de gens de guerre: lequel Duc luy en enuoya largement. Si feit de rechef iceluy Baillif vne tresgrande assemblée audit lieu du Quesnoy, tant de gens de guerre comme de ceux de Vallenciennes & autres bonnes villes pour combattre les dessusdits. Mais entre-temps ils se departirent dudit paÿs, & se retirerent vers la tette de Guyse, & delà au paÿs de Champaigne en faisant tousiours de grans dommages. Mais auant leur departement dudit paÿs de Hainault, rendirent aucuns des prisonniers dessusdits sans payer aucune finance à la requeste dudit de Bourgongne, qui leur en escriuit. Et pour ceste cause y enuoya vn gentil-homme de son hostel nommé Meliades, lequel estoit Breton & bien aymé d'iceux capitaines de France.

Comment grandes pestilences & famines furent en cest an.



Tem en cest an mille quatre cens trente sept furent les bleds & autres grains si chers par toutes les parties du royaume de France, & en autres & diuers lieux & paÿs de Chrestienté, que ce qu'on auoit aucunes fois donné pour quatre soubz monnoye de France, on le vendoit quarante ou au dessus. A laquelle cherté fut si grand famine vniuerselle, que grand multitude de pources gens moururent par indigence. Et estoit moult

douloureuse & piteuse chose à les veoir és bonnes villes mourir de faim, gésir sur les fumiers par grandes compagnies. Si y eut aucunes villes qui les debouterent de leur seigneurie. Et si en y eut aussi des autres qui les receurent & administrerent assez longuement selon leur puissance en accomplissant les œuvres de miséricorde: entre lesquelles de celles qui les receurent & administrerent, en fut l'une la cité de Cambrai. Si dura ceste pestilence iusques en l'an trenteneuf. Et furent faits à ceste cause plusieurs edits par les seigneurs tant Princes comme autres: & aussi par ceux des bonnes villes, en dessendant que nuls bleds & autres grains ne fussent portez hors sur grosses peines. Et mesmement en la ville de Gand fut crié qu'on s'abstint de brasser ceruoises ne autres pareils bruuages, & que toutes autres pources gens feissent tuer leurs chiens. Et que nul ne gouernast chienne s'elle n'estoit chastrée. Telles & pareilles ordonnances furent faictes en moult de païs, afin de pourueoir à la commune de poureté du menu peuple & des mandians.

Comment les Gantois firent nouuelle mutation, & se remeirent en armes, dont les Feures furent les principaux.



N ce temps dessusdit les Gantois se meirent en armes de nouuel en tresgrand nombre par le moyen des Feures d'icelle ville. Et fut la cause de ceste assemblée: pource qu'ils disoient que ceux de la garnison de l'escluse auoient pillé sur ceux du plat païs, dont les plaintes en estoient venues en ladicte ville de Gand, si requeroiét iceux Feures qu'on punist iceux pillars. Item & qu'on allast en armes sur ceux de Bruges, sçauoir s'ils voudroient se departir de ceux du Franc, & les laisser estre vn des quatre membres. Item & que pareillement on allast sur ceux de l'escluse, pour oster lesdits pilliers fischez en l'eäue de la Lieue, afin que la marchandise peust venir & enrre au païs. Item qu'on iroit par toute la Comré de Flandres visiter & aduiser ceux qui estoient leurs amis ou non: & qui leur vouldoient ayder à faire & entretenir paix au païs, & que les gens y peussent auoir à ouuter & gagner par les villes. Et si en ce les Escheuins & habitans de Gand ne vouloient faire assistance, qu'entre eux Feures le feroient d'eux mesmes, moyennât l'ayde de ceux de leur alliance. Et autrement ne se vouloient departir de leurs armes: si estoit Feure le Doyen des mestiers pour le temps de lors, lequel estoit appellé Pierre Hemubloc: lesquelles choses les Escheuins remonstrerent aux bourgeois & aux Doyens des Tisserans, & des autres mestiers de Gand en la place à ce ordonnée en l'hostel de la ville, afin que sur ce ils eussent aduis chacun avec ceux de son mestier: & ce qu'ils trouueroient en conseil, ils l'apportassent le lendemain à la loy: & adonc chacun mestier fut sur ce en congregation és lieux accoustumez en tel cas. Si reuindrent les dessusdits Doyens faire leurs rapports à la loy le neufiesme iour d'Octobre. Et apres plusieurs interrogations concorderent aux Feures leursdictes requestes, pource qu'il leur conuenoit ainsi faire par l'importunité d'eux & de leurs alliez: dont toutesfois grand murmure fut des plus notables, pource qu'en ce tēps ceux de la ville de Bruges traictoient de paix en la ville de l'Isle aux deputez du Duc de Bourgogne leur seigneur, là où ceux de Gand mesmes auoient enuoyez certains ambassadeurs. Si doubtoient

toient plusieurs que les menues gens ne voulsissent appliquer à eux les biés des riches. Tantost les Feures à tout leur banniere allerent sur le marché au blé : & tantost & incontinent vindrent avec eux les Parmentiers, les vendeurs de vieilles robbes, & bien tost apres tous les autres mestiers. Apres y vindrent les vingt & sept bannieres des Tisferrans, & puis le Baillif avec la loy & la banniere de Flandres & de la ville, & avec eux la bourgeoisie. Et tant qu'il y eut en nombre quatre vingts deux bannieres. Tantost apres se departirent ceux de la loy, & apres eux toutes les autres bannieres par la maniere accoustumée & l'ordonnance coustumiere. Si s'en allerent au marché des vendredis deuant l'hostel des remonstrances, où ils demourerent tour icelle nuit iusques au lendemain, que les dessusdits Feures & les autres de leur opinion vouloient aller aux champs. Mais la bourgeoisie & la plus saine partie des Tisferrans desirant de laisser icelle armée, pource qu'ils n'auoient point volenté de guerroyer : mais estoient d'opinion contraire. Si estoient en chance d'eux discorder & entrebattre. Lors les Feures se retrahirent de l'autre costé du marché & se separerent des autres disant, que ceux venissent qui suiur les voudroient. Dont plusieurs se meirent avec eux de leur costé. Et apres tous les autres se departirent par bonne ordonnance, & allerent à Merenquerque qui est le chemin de Bruges loger en tentes & en pavillons. Si estoient en ce temps plusieurs esmeuz & rioteux, tant pour la perte de la monnoye nouuelle de l'an trente trois & de l'abaissement des vieilles monnoyes, comme pource qu'ils auoient moult frayé en tailles au voyage de Calais, & aussi ils n'auoient point de laines d'Angleterre. Parquoy plusieurs ne scauoient à quoy employer leur temps pour gaigner leur pource vie. Et en especial ceux d'Ippre, qui estoient accoustumez de drapper de ces laines d'Angleterre & plusieurs autres. Et d'autre part le froment & tous autres blez estoient moult chers. Et si n'y vsoit on, ne ne trouuoit marchandises en Flandres pour la cause de la guerre de ceux de Bruges. Parquoy les biens cessoient à venir audit pays de Flandres : car ceux de l'Escluse auoient fisché pilliers au fleue de la Lieue, si que les marchandises ne pouoient entrer au pays. Et les riches gardoient le mieux qu'ils pouoient ce qu'ils auoient de cheuance, pource qu'ils veoient qu'ils gens de labeur se vouloient maintenir d'eux armer & apprendre à viure de rappine : & que aucuns ne se pouoient remettre à leurs labeurs. Et les riches ne vouloient riens mettre dehors, pource qu'ils se doubtoient de guerre auoir tous les iours tant d'un costé que d'autre. Apres ce les dessusdits Gantois manderent ceux des villes & villages de leur chastellenie, qu'ils venissent incontinent deuers eux en armes en tel nombre qu'ils estoient, quand ils furent au voyage de Calais. Lequel mandement les Escheuins monstrerent au commun & habitans pour eux sur ce conseiller ensemble. Et pource qu'ils ne le faisoient mie volentiers, allerent aucuns deuers les Escheuins de Gand pour auoir delay, & qu'ils peussent passer à moins de nombre : mais adonc leur commanderent les Escheuins de Gand qu'ils obeissent. Ce temps pendant lesdits Gantois esleurent vn capitaine aagé d'environ trente ans nommé Rasse Rouuen bourgeois de Gand : Auquel ordonnerent douze Conseilliers qui oncques n'auoient esté en la Loy de ladicte ville. Et de ces douze en y eut quatre de la bourgeoisie, quatre des Tisferrans, & quatre des mestiers : lequel capitaine ainsi esleu ne vou-

loit point entreprendre ledit office. Item le neufiesme iour d'Octobre auoir esté publié en l'hostel des Escheuins, que tous les bourgeois forains veinssent en ladicte ville de Gand sur peine de corps & de biens dedans trois iours, tellemēt habillez en armes comme ils voudroient garder leurs corps, dont en cedit terme plusieurs y comparurent. Et aucuns aures s'enuoyerent excuser, disant que ils auoient loyalle ensoine parquoy ils ne pouoient venir. Et feirent traicté que ils payeroient aucune pecune pour estre excuséz. Et pource qu'on ne donnast charge n'a besongner à ceux qui y estoient venuz, quād ils eurent seiourné trois iours ou enuiron en la ville, ils s'en partirent allans en leurs besongnes. Parquoy le xxvij. iour dudit mois d'Octobre furent mandez sur peine de perdre leur bourgeoisie, & de payer issue: cedit iour furent prins huit hommes souldoyers de l'Escluse, lesquels sous vmbre de guerroyer ceux de Bruges desroboient le païs. Et les prindrent ceux de saint Laurens au Bloc, car il auoit esté crié & publié que chacun print & menast deuers la iustice tous desrobeurs, qu'on pourroit trouuer si on les prenoit vifs, & si on ne les pouoit prendre, qu'on les tuaist & meit à mort. Lesquels les desarmerent & retindrent icelles armeures avec leurs vestemens: si les emmenerēt en leurs pourpoints à Merenquerque en l'ost de Gand, où le lendemain par le iugement des Escheuins eurent les hastereaux coupeez. Et à là priere du souverain Doyen furent leurs corps donnez aux Augustins, qui les enseuelirent. Depuis furent quatre hommes boutez hors de l'ost de Gand pour cause de pillage par eux fait sur ceux des villages. Ledit Rasse qui fut esleu capitaine alla deuers le Duc de Bourgogne à Arras, pour querir sa commission si son plaisir estoit qu'il fut capitaine. Et laissa trois lieutenans à Gand de trois membres de la ville. Vn de la bourgeoisie nommé Iean l'Estauble, des mestiers vn nommé Iean Cacielle, & vn des Tifferrans nommé Iean de Sterque. Le lundy quatriesme iour du mois de Novembre reuint Rasse dessusdit à tout la commission d'iceluy Duc de Bourgogne d'estre capitaine desdits Gantois. Et comme il en eut fait le serment en la ville de l'Isle deuant les seigneurs du conseil. Semblablement iura en l'ost deuant le Baillif & Escheuins de Gand d'estre bon & loyal au Prince à garder ses droitz & seigneuries, & les priuileges de la ville: mettre paix en droit & iustice, & tenir le peuple en paix & vnion, & pareillement iurerent les douze Conseilliers. Le cinquesme iour dudit mois de Novembre Rasse le capitaine à tout deux personnes de chacune banniere avecques ceux de la Loy, vint de Merenquerque à Gand à la requeste de ceux qui auoient pource prins armes. Si print plusieurs personnes qui auoient esté des principaux gouuerneurs de ladicte ville de Gand. C'est à sçauoir Loÿs de Holle qui auoit esté premier Escheuin, Lieuin le Iagre qui plusieurs fois auoit esté Etcheuin & tresorier, Gilles le Clerc aduocat, Iean l'Apporicaire qui auoit esté tresorier & Escheuin de Gand, qui auoit esté Escheuin, & Iaqués la Ischere qui auoit esté souverain Doyen des mestiers. Et furent ensemble prisonniers en la maison du Prince, & encores en eussent ils prins des autres: mais ils s'estoient absentez. Et les appelloit on mangeurs de foye. Si feit ledit capitaine publier, que tous ceux qui auoient esté en Loy en la ville de Gand depuis dix ans, qu'ils venissent en l'ost: lors estoit grandement acueu l'ost de Gand lez Merenquerque: car ceux de leur chastellenie estoient venuz estofément, excepté ceux

ceux du Courtray: & sembloit vne grande bonne ville de leurs tentes & pail-
lons qu'on y veoit. Si prindrent leurs armes de rechef le sixiesme iour de No-
uembre: & vouloient aller à Gand querir les prisonniers de la ville, pour iceux
estre en leur compaignie: mais le capitaine les refraignist, & dit qu'il auoit esté
ordonné qu'on les laisseroit en prison iusques à ce que l'ost seroit retourné en
la ville, & que lors on feroit droit & loy selon ce qu'on trouueroit par vne ge-
neralle inquisition par toute la Comté de Flandres. Si eust volentiers veu ice-
luy capitaine, que ledit ost se fut appetisté: disant qu'il mettroit bien la paix en
droit & en iustice à tout la quarre pattie d'iceluy ost. Mais ceux de l'ost ne se
vouloient nullement departir l'un de l'autre, ains vouloient demourer ense-
mble en fraternele amour. Et vouloiēt aller loger entre les villes de Bruges, & de
l'Escluse, & se partiroient du Franc selon la sentence du Prince. Et si se soubmet-
toient de leurs meffaits & outrages en l'ordonnance du Prince & des autres
trois membres d'iceluy pays de Flandres, sauué leurs vies & leurs preuillages: &
si ceux de Bruges le vouloiēt ainsi faire, ou qu'ils suppliassent au Prince qu'il luy
pleust sur ce eux auoir en grace: & en outre determiner du debat d'entte ces
deux villes de Bruges & de l'Escluse, affin que les marchans peussent paisible-
ment frequēter le pays. Que si ceux de Bruges le refusoient, on feroit tant qu'on
les mettroit en obeissance en la volenté du Prince. Or auoient ceux de Bruges
enuoyé de chacun mestier de leurs deputez: lesquels traicterent tant à Meren-
querque en l'ost, qu'aptes plusieurs parolles furent d'accord. Si estoient iceux
deputez en nombre de quarante deux personnes: lesquels apres ledit accord en-
semble, presenterent & accorderent à bailler lettres selon vne minute faicte par
eux le xij. iour de Nouembre, dont la teneur s'ensuit.

Nous Bourg, maistres, Escheuins, conseil, Cheuerins de la bourgeoisie,
Doyens, iurez des maistres & toute communauté de la ville de Bruges: faisons
sçauoir à tous ceux qui ces presentes lettres verront, que nous à l'honneur de no-
stre tresredoubté seigneur & Prince le Duc de Bourgongne Comte de Flandres
&c. A la priere des trois membres de la bonne ville de Gand, & de toutes les
Franches villes de la chastellenie de Gand: auons consenty & cōsentons par ces
presentes par nous & noz successeurs, à tenir ferme & estable tel dit & sentence
donnée, & ordonnée de nostredit seigneur & son conseil en ladicte bonne ville
de Gand le xj. iour de Feurier, l'an mille cccc. xxxvj. de ceux du Franc comme le
quart membre du pays comme par auant eut esté sans fraude, & selon le conte-
nu d'icelle sentence. En tesmoing de verité auons ces lettres sceillées du seal des
promesses de ladicte ville: lequel accord ainsi par les deputez de Bruges rappor-
té en la ville apres grand conseil, ceux de la Loy feirent demande aux habitans
de Bruges assemblez deuant l'hostel des Escheuins, s'ils vouloient accorder ce-
dit traité: lesquels là estans iusques au nombre de vingt mille ou plus, apres vn
pou de silence respondirēt comme tous ouy. Lors sauança vn nommé Coppin
de Mesinaere pieça banny de Gand pour ses demerites qui dit, Tout va mal:
comment estes vous si cquars que vous craignez les Gantois? certes vous estes
dignes d'auoir à souffrir à cause de vostre folie & inconstance. Er apres ce le
Doyen des Feutes, vn cousturier & plusieurs autres commencerent fort à mur-
murer, & à contrarier ledit accord: & especiallemēt contredisoient moult d'en

faire lettre : & tant firent que tout ledit accord & traité fut aneanty par le tumulte d'iceux. Parquoy depuis par le iugement de la Loy de Bruges, eurent les hastereaux coupez ledit Coppin, le Doyen des Feures, le cousturier & vn autre : & en furent bannis de leurs complices iusques à dixsept d'iceux. Toutesfoies icelle vnié & paix entre ceux de Bruges & ceux de Gand, fut toute despecée quoy q̄ lesdits deputez & ceux de Bruges en eussent baillé xvij. hostages à ceux de Gand : lesquels ceux de Gand deliurerent depuis & les renuoyerent sous vmbre qu'iceux deputez leur disoient, qu'ils auoient fait leur deuoir & leur pouoir à faire enteriner ledit traité & accord : avecques lequel traité auoit aussi esté ordonné & accordé, que ceux du Franc pourroient prendre la franchise de Bourgeoisie à Gand où à Bruges, ou mieux plairoit à chacun. Et sur ce deuoié lesdits Gantois & ceux d'Ippe enuoyer deuers le Duc de Bourgogne leurs ambassadeurs, prier qu'il luy pleust oster les souldoyers estrangers de l'Escluse, & les pilliers de la riuere de la Lieue, affin que les marchandises peussent venir au pays, ou sinon qu'eux mesmes le peussent oster. Apres ce s'en alla l'ost de Gand loger à Ardembourg : & pource que ceux de Bruges apres contreditians cedit accord, & qu'ils ne vouloient partir du Franc : fut publié à Gand & en la chastellenie le mandement du Prince fait en l'esté dernier passé, qu'on ne menast ne souffrist mener aucuns viures à Bruges. Item que leurs biens & debtes fussent prins & deliurez en iustice. Et apres fut publié que se ceux de Bruges vouloient faire aucunes courses ou enuahyes sur ceux de la chastellenie, qu'on sonnast les cloches aux Eglises & les bassins pour soy assembler & resister à l'encontre d'eux. Apres ce eut le hastereau couppé Clarus Boye natif d'Axelle : & aussi furent decolléz Guillaume le Boquelaire Patinier natif du pays de Vualst, & vn homme de Courtray pource qu'ils auoient esté à Courtray pour l'instigation des Feures & cousturiers de Gand. Et auoient dit illec, que ceux de Gand desiroient moult que ceux de Bruges veinssent aux champs en armes avecques eux, pour le bien du commun pays de Flandres & l'vnion d'iceluy, & pour corriger ceux de l'Escluse. Le xvj. iour de Nouembre ceux de l'ost eurent conseil, qu'ils enuoyeroient certains deputez à Gand & és villes de la chastellenie, pour sçauoir qu'on feroit & en quelle maniere on procederoit. En outre que s'ils estoient de l'opinion, qu'on allast sur ceux de Bruges, qu'on leur enuoyast encores autant de gens qu'ils estoient. Mais ceux de Gand, eurent autre aduis, pource que les viures estoient chiers & que l'hyuer estoit prest : avecques ce aussi qu'il leur ennuioyt bailler l'argent des souldées, parquoy on retourna & delaisa on l'armée : car aussi la greigneur partie estoient adoncques contraires contre icelle, & queroient occasion de le despeschier. Et adoncques l'ost des Gantois se departit de Ardembourg retournans iusques à Hecqueloc. Et illec vn de la chastellenie portant vne partie d'une souche de bois, & closture d'un champ pour faire feu & eschauffer viandes : pource qu'aucuns de Gand luy vouloient oster par force se deffendit & cria à la chastellenie. Et les Gantois crierent Gand, si que tous s'esmeurent : à ceste cause les Gantois d'une part, & la chastellenie d'autre part. Et y eust eu grand bataille se n'eust esté vn nommé Pierre Simon Escheuin de Gand, qui par belles parolles departit l'Escarmie par grand vaillance. Et y fut villainement bledé des coups qu'il receut de se bouter entre eux : mais il ne pouoit estre fort

fort nauré pour ses bonnes armeures. Et en y eut plusieurs naurez, dont les aucuns en moururent depuis: & par especial les Gantois, dont il en mourut en la place vn nauieur de Gand vigoureux homme. Et depuis furent bannis de Gand deux hommes, qui auoient feru sur le premier Escheuin dessusdit. Et la vigille saint Andrieu retournerent chacun en son lieu lesdits Gantois, qui s'estoient mis en armes à petite deliberation, & repairerent en leur ville à pou de consolation. Et ceux de leur chastellenie qui y estoient allez bien enuis, retoutnerent bien volentiers chaeun en son hostel. Peu de temps apres ensuiuant fut deposé de sa capitainerie ledit Rase Ouuren. Et les dessusdits six prisonniers furent deliurez, pource qu'ils promeirent de ester à droit & à Loy de ce qu'on leur imposeroit ou demanderoit dedans trois iours, apres qu'ils en seroient semons. En Decembre le mois ensuiuant furent publiées lettres du Prince par villes & chastellenies de Gand, contenant qu'on n'obeyst plus au capitaine Rase Ouuren, car ledit Prince l'auoit demis. La vigille de Noël fut ordonné par ceux de Gand en plaine eolation, que messire Roland de Hutequerque, messire Colard de Communes, Iean de la Damme, Gilles de la Vouline, Girard de Maldigen, Iean de Papegen, Pierre Gugebur, Pierre Btis, Iosse de Beys, Martin de Sinimes & Iean de Crique: lesquels auoient esté bannis de Gand, qu'ils pourroient reuenir en ladicte ville de Gand & au pays de Flandres. En outre vn nommé Coppin Coppon, qui à passé cinq ans s'estoit absenté de ladicte ville, & auoit desrobé plusieurs personnes en la Comté de Flandres, tant que plusieurs allans par le chemin se doubtoient moult fort de luy. Si fut pour lors retourné à Gand euidant que tout ce fut oublié: mais il fut prins & condamné, parquoy il eut le hasterel coupé avec deux autres, qui auoient desrobé deux hommes empres la ville de Tendre-monde.

Comment le traité se feit entre le Duc de Bourgogne & ceux de la Ville de Bruges.

ITem entre-temps que toutes les besongnes dessusdictes se faisoient, les deuantdits Brugelins qui bien veoient (comme dit est ailleurs cy deuant) que à demourer longuement en l'indignation de leur Prince, estoit totalement la destruction d'eux & de leur ville. Si commencerent fort à continuer de querir les moyens à auoir traité avec luy: lequel traité en fin ils trouuerent, & se soubsmirent du tout à leur Prince dessusdit avec ceux de son conseil, par certaines conditions declairées entre icelles parties: duquel traité au moins aucuns des principaux points prononcez à Arras le quatriesme iour de Mars, present le dessusdit Duc & son conseil & tresgrand nombre d'autres gens, dont la teneur s'ensuit.

PREMIER fut ordonné qu'à la premiere fois que le Duc iroit à Bruges, viendroient au deuant de luy vingt personnes avecques ceux de la Loy, sans chapperons, nuds pieds & deschaussez vne lieüe hors ladicte ville. Et eux venuz en sa presence fe mettroient à genoux, en luy requerât pardon, & luy prier qu'il luy pleust venir en icelle ville. Item que la porte de la bouuerie seroit conuertie en vne chappelle, où on celebreroit chacun iour les sept heures canoniaux. Item que dorelnauant à tousiours quand mondit seigneur & ses successeurs Comtes & Comtesses de Flandres viendroient à Bruges, iceux de Bruges vien-

droient hors de ladicte ville portant les clefs de toutes les portes en perpetuelle memoire d'obeissance. Item que chacun an le iour de leurs mesdis, ils feront en l'Eglise de saint Donnast chanter vne messe solempnelle à Diacre & à sous-diacre, cù ils seront estre vingt & quatre personnes chacun tenant vne torche ardant, tant que la messe durera d'vne liure de cire chacune torche & à chacun quatre gros. Item qu'au bout de la Lieüe on fera vne belle croix. Item que les biens des bastards ne seront plus affranchiz à la mort: mais seront confisqueés au Prince. Ité que ceux de Bruges quitteront & rachepteront à mondit seigneur les rentes viageres, en quoy ces demaines sont tenuz obligéz. Item que ceux de Bruges n'auront plus de cognoissance sur ceux de l'Escluse. C'est à sçauoir que ceux de Bruges ne seront leur chef lieu, & ne les suiuront plus ceux de l'Escluse en l'ost ne autrement: & n'auront à faire avec eux, fors seullement en ce que touche la marchandise. Item que aux mestiers qu'on fait à l'Escluse dont longuement a esté question entre les deux villes, iceux de Bruges n'en auront plus nulle cognoissance. Item que ceux de Bruges ne pourront faire nulle armée sur la forfaiture de corps & de biens. Item quiconques seroit cesser les mestiers, & quand armes & dissensions se naistroient, encourroit moult grieues peines contenues en la principale sentence. Item sont reseruees à mondit seigneur aucunes personnes à estre en sa voulenté de ceux de Bruges, & de ceux qui y sont deuenuz bourgeois durant la dissention. Item donneront & payeront ceux de Bruges à mondit seigneur deux cens mille Riddes d'or. Item ceux de la Loy & autres denomez de Bruges iroint dedans huit iours hors de la ville à l'encontre d'aucuns deputez qui y seront enuoyez de par ledit Duc, & les receueront en grand obediencie. Item que nul ne sera plus bourgeois forain d'icelle ville s'il n'y demeure par trois fois quarante iours. Item fut ordonné que le fils du seigneur de l'Isle-Adam auroit pour la mort de son pere dix mille escus, avec aucunes amendes honorables. Et pareillement amenderoient la mort du Feure, à sa femme & à ses amis: lequel Feure auoit esté escartellé, pource qu'il auoit baillé les marteaux pour ouuir la porte. Avec lesquelles amendises en y auoit de plusieurs autres mises par escript au principal traicté. Desquelles pour cause de briefueté ie me tais d'en faire recitation ne mention: à laquelle sentence prononcer & ouyr, estoient presens à genoux deuant leur Prince en son hostel dedans Arras plusieurs notables personnes, & iusques au nombre de vingt & quatre à ce commis & deputez de par la ville de Bruges: lesquels furent moult troublez, pour la lecture & longueur d'icelle sentence. Et tant qu'en fin le Duc ce voyant par pitié ordôna qu'on les feit seoir pour estre plus à leur aise. Et toutes ces besongnes patfaictes & accomplies, & que les dessusdits deputez furent retournez en la ville de Bruges, assemblerent le peuple en tresgrand nombre & multitude, & monstrerent la coppie de la sentence: laquelle pour le grand desir qu'ils auoient pour retourner à la grace du Prince leur naturel seigneur, fut à la plus grand partie assez agreable. Et aucuns autres gens de petit estat qui auoient eu gouuernement durant les tribulations, ne fut point plaissant. Et eussent volentiers de rechef par leurs parolles seditieuses esmeu le peuple contre les puissans, ce que faire ne pouoient: car ils doubtoient grandement apres icelle paix, estre punis de leurs outrages

& deme-

& demerites, & comme ils doubtoient leut aduint. Et dedans brief temps ensuiuant furent prins iusques au nombre de douze ou enuiron des principaux, qui auoient soubstenu & entretenu toutes les rigueurs dont dessus est faicte mention, lesquels eurent les hasteteaux coupez. Et si en y eut plusieurs banis, qui se rendirent fugitifs. Et fut faicte ceste iustice à la venue du Damoyseau de Cleues nepueu du Duc de Bourgogne, qui de par luy avec aucuns de son conseil fut commis d'allet receuoir leuidictes amendises, selon le contenu du taitcé fait & passé à Arras. Et par auant auoient esté enuoyez deuers ledit Duc en la ville d'Arras soixante trois hommes: lesquels auoient esté prins en la ville de Bruges, quand ledit Duc en fut debouté, & à leur departement de Bruges leur fut deliuré à chacun vne robbe de vett aux despens de la dessusdicté ville.

Comment la guerre se resmeut entre la Duché de Bar & la Comté de Vandemont.

EN l'an dessusdit se r'esmeut la guerte d'entre la Duché de Bar & la Comté de Vaudemont, pource principalement que messire Jean de Hossouille Seneschal heritable de la Duché de Lorraine voulut prendre la ville de Vaudemont, sur aucune querelle qu'il se disoit y auoit. Et depuis qu'il eut failly de son entreprinse, feit guerre ouuerte en boutant les feux en plusieurs lieux par ladicte Comté: laquelle besongne venue à la cognoissance du Comte de Vaudemont qui estoit agenoüillé, monta à cheual hastiuement, & avec luy Fotte Espice à tout enuiron cent combattans: & poursuuiuit ses ennemis tellement, qu'il les attingnit à l'issue de son pays. Si les assaillit tresuaillamment & vigoureusement: & en conclusion les meit en desroy, jaçoit ce qu'ils feussent bien trois cens. Si en furent morts enuiron quarante & autant de prisonniers, & les autres se sauuerent en fuyant: & fut leur estandart gaigné sur eux porté en l'Eglise de Vezelise. Et tantost apres fut la guetre plainement ouuerte entre icelles patties: & allerent les gens dudit Comte courre sur leurs ennemis, lesquels furent rencontréz de messire Girard du Chastellier & ruez ius, & menez prisonniers à Mitencourt qui est vne bonne ville appartenant au Duc de Lorraine. Et depuis le dessusdit Comte de Vaudemont print ladicte ville de Mirencourt par l'ayde de Floquet & de Fotte-Espice, si en rescouist de ses gens: & en laissa ledit Floquet capitaine, lequel brief ensuiuant la rendit aux Lorrains, & se retourna contre ledit Comte à la requeste de la Hire. En outre Blanchefort, Anthoine de Chabannes, Chappelle, Gautier le Breton, Mathelin & aucuns autres capitaines à tout leurs gens menoient guerre aux Lorrains & aux Bartois pour ledit Comte de Vaudemont: lequel leur auoit baillé en garde Vezelise & aucunes autres de ses places. Mais apres qu'ils eurent tout degasté le pays, ils s'en retournerent & trouuerent maniere d'auoir mandement contenant qu'ils se partissent de là, & seruissent leuids Lorrains & Bartois contre iceluy Comte: lequel mandement ils monstreterent à messire Hector de Flauy, qui estoit gouuerneur de la dessusdicté Comté de Vaudemont. Et tantost apres les capitaines dessusdits deliurerent la dessusdicté ville de Vezelise à iceux Lorrains, lesquels la desoletent. Et tantost apres quand ils eurent gasté grand partie des pays tant d'un costé comme d'autre, se departirent iceux François qu'on nommoit escotcheurs en commun langage, & se tirerent vers

les Allemaignes. Auquel departement ils eurent tresgrand finances desdictes Duchez de Bar & de Lorraine. Et avec ce emmenerent hostages avec eux pour estre payez du surplus : desquels hostages en estoit l'un le fils de messire Girard du Chastellier : durant lequel temps le Roy de Cecile enuoya son fils le Marquis du-Pont aagé de neuf ans, pour entretenir le pays. Et gouvernoient pour luy l'Eueque de Thoul & ledit messire Girard. Et un petit par auant un nommé Vatin Tieliier menoit guerre au Comte de Vaudemont, & auoit sa retraicte en un moult fort chasteil, qui estoit à son beau pere : c'est à sçauoir le seigneur de Haruel, lequel le soustenoit : & auoit fait plusieurs dommages par feu & par espée en ladicte Comté de Vaudemont. Pour lesquels contre-venger, ledit Comte de Vaudemont accompagné de son nepueu le Comte de Blamont, le seigneur de Commeris & Forte-Espice, avecques le nombre de quatre cens combattans ou enuiron, alla deuant ladicte forteresse : & la print par force d'assault, & ledit cheualier dedans : mais incontinent lesdits Lorrains vindrent à grand puissance, pour bailler secours & ayde à iceluy cheualier : lesquels voyans que sa place estoit prinse & leurs aduersaires dedans, se retrahirent, & firent de rechef moult grand assemblée de gens pour mettre le siege deuant Monstier sur Saux. Et pource que messire Hector de Flauy auoit fait ardoir la ville, où ils se cuidoient bouter & loger s'en retournerent en leurs marches. Ainsi & par ceste maniere se destruisoient icelles deux parties.

De l'an mille cccc.xxxviij.

Comment la famine, la guerre & la pestillence fut grande & merueilleuse en plusieurs pais.



V commencement de cest an en continuant de mal en pis, la famine vniuerselle dont en autre lieu est faicte mention, commença de rechef estre si tresgrande & si destroicte, que c'estoit piteuse chose a veoir les pources gens mourir en grand multitude par le moyen d'icelle famine. Et avec ce fut tresgrande mortalité en diuerses parties du royaume de France. Et par especial en la Comté de Flandres, & plus en la ville de Bruges que ailleurs, & pareillement dedans la cité de Paris : & d'autre part la guerre estoit tresaspre & dure merueilleusement en plusieurs diuers lieux & pays. Pour lesquels trois inconueniens plusieurs nobles hommes, & generallement tout le peuple dudit royaume & des pays à l'environ furent en moult grande & douloureuse perplexité & moult amatis. Et entre-temps les François qu'on nommoit en commun langage les escorcheurs, se tenoient en grand nombre sur les marches de Bourgongne, où ils faisoient de tresgrans & innumerables dommages : tant de ptendre forteresses, prisonniers comme de tuer & rair hommes & femmes tant nobles comme autres, en toute & pareille maniere comme eussent peu faire les ennemis & aduersaires du pays : lesquelles entreprises venues à la cognoissance du Duc Philippe de Bourgongne, en eut au cuer grand desplaisance : tant pour l'amour du temps de la famine, comme pour les mortallitez qui estoient en plusieurs lieux de ses pays.

Comment le seigneur de Thalebos, messire Thomas Kiriell & aucuns autres capitaines Anglois conquirent Longueuille, & plusieurs autres forteresses sur les François.

Tem en cest an le seigneur de Thalebos, messire Thomas Kiriell & aucuns autres capitaines Anglois, se meirent sur les champs enuiron le mois de May, avec eux le nombre de huiet cens combattans ou enuiron, & allerent loger deuant le chastel de Longueuille que tenoient les gens de la Hire: duquel chastel & de la seigneurie iceluy la Hire se disoit seigneur par le don du Roy Charles, ainsi & par la maniere que l'auoit eu jadis ce tresuailant & excellent combattant Bertran de Clesquin Breton Connestable de France: lesquels assiegez voyans leurs aduersaires en assez brief terme, rendirent la forteresse aux Anglois, par tel si qu'ils s'en departiroient sans leurs corps & leurs biens. Si s'en retournerēt à Beauuais: lesquels Anglois apres qu'ils eurent vn bonne & suffisante garnison s'en allerent deuant Charles-Mesnil, qui estoit vn moult bel chastel seant au plus pres de Dieppe, appartenant au seigneur de Torfi, lequel fut rendu. Et pareillement conquirent Guellemecourt & aucunes autres places, que tenoient les François ou pays de Caux. Et la cause pourquoy ils furent si tost mis en obeissance, si fut pource qu'ils estoient malpouueuz de viures & d'artilleries.

Comment le traité du mariage fut fait entre l'aîné fils du Roy de Nauarre, & la damoiselle de Cleues niece au Duc de Bourgogne.

AV temps dessusdit vindrent deuers le Duc de Bourgogne en la ville de Douay enuiron vingt & quatre hommes de cheual ambassadeurs, enuoyez de par le Roy de Nauarre pour traiter le mariage de la damoiselle de Cleues niece dudit Duc de Bourgogne, avecques le fils heritier du Roy de Nauarre. Entre lesquels estoit le Prieur de Rainchevaux, & vn certain chevalier & aucuns autres gentils-hommes & le Roy d'armes dudit royaume de Nauarre: lesquels traictez furent conduits & demenez assez longuement, mais en la fin vint la besongne à conclusion, & fut octroyée par ledit Duc. Et depuis fut ladicte Dame enuoyée tres honorablement accompagnée en la conduicte de son frere aîné audit Roy de Nauarre.

Comment les villes & chasteaux de Montargis & Cheureuse furent mis en l'obeissance du Roy Charles de France.

DVrant le temps dessusdit furent remises en l'obeissance du Roy Charles de France les villes & forteresses de Montargis & Cheureuses, que tenoient les Anglois. Et d'autre part les garnisons de Meaux en Brye, de Creil, Ponthoife & Gisors travailloient moult fort le pays d'iceluy Roy Charles. Et par especial es pays de Sennois, Vermandois, Amiennois, Beauuoisis & autres seigneuries. Et pareillement les garnisons qui estoient assises contre les Anglois, faisoient moult grand domages aux pays dessus nommez: dont le poure peuple en plusieurs manieres estoit moult travailé & lésé. Et quant au regard de messire Jean de Luxembourg, il se tenoit comme neutre:

& pour iceluy temps auoit peu de hantise avecques nulles de ses parties. Si faisoit tres fort fournir & garnir ses villes & chasteaux de viures & d'artilleries sur esperance de luy deffendre contre ceux, qui nuire ou greuer le voudroient. Et jaçoit-ce que par plusieurs fois il eut esté requis & admonnesté de faire sermēt au Roy Charles de France, neanrmoins oncques ne l'y voulut cōsentir. Et estoit tout resconforté d'attendre les aduentures, qui aduenir luy pourroient: car il auoit les sceelles du Roy d'Angleterre, du Duc d'Orth & de plusieurs autres seigneurs Anglois: par lesquels ils luy promettoient sur leur foy & honneur, que s'il aduenoit que les François approchassent en aucune maniere pour luy faire guerre, ils le viendroient secourir à si grand puissance, qu'ils le deliureroient de tous ses ennemis quelque autre besongne qu'ils eussent à faire: & sur ce ledit de Luxembourg se fioit tresgrandement.

Comment il y auoit grand discord entre le Pape Eugene, & le concile de Basle, & autres matieres.



N cest an furent enuoyez deuers le Roy de France le Duc de Bourgongne, & autres nobles Princes du sang Royal les ambassadeurs de nostre sainct pere le Pape Eugene. Et pareillement ceux du Concile de Basle, lesquels estoient en grand discord l'un contre l'autre: car en proposant devant les dessusdits Princes ils diffamoient assez vituperablement chacun son aduerser parrie: Et dura ceste dissention assez longuement. Toutefois pour ce temps le Roy estoit plus enclin à la partie du Concile, qu'à la partie d'iceluy Pape. Et le Duc de Bourgongne se tenoit plainement pour le Pape Eugene. Et pareillemēt faisoit le Roy d'Angleterre: esquels iours le Duc de Bourgongne enuoya deuers nostredit sainct Pere le Pape vne solennelle ambassade: C'est à sçauoir maistre Quentin Mayart Preuost de S. Omer, le Prieur de Lihos en Santhois, messire Symon de Lalaing, Guillaume le Jeune frere du Cardinal de Theroüanne & plusieurs autres norables personnes: lesquels du dessusdit sainct Pere furent receuz tres agreablement: & obtindrent en la plus grād partie tout ce pourquoy ils estoient venus. Esquels iours le seigneur de Creuecueur qui estoit moult saige & prudent, fut enuoyé de par le Duc de Bourgongne deuers le Roy de France pour plusieurs besongnes. Et entre les autres pour traiter le mariage de la seconde fille du Roy & du Comte de Charrolois seul fils dudit Duc de Bourgongne. Auquel seigneur fut faicte tresioyeuse reception tant de par le Roy comme de par la Roynes: & pourtant que la fille pourquoy il alloit, estoit nouuellement trespassée, luy fut remandé par ledit Duc qu'il demandast la mainfnee ce qu'il feit & luy fut accordée & promise, & se nommoit dame Karherine. Et apres deuant ledit retour du seigneur de Creuecueur, fut accordé enuers le Roy le discord des Euesques de Tournay: c'est à sçauoir de maistre Iean de Harcourt & maistre Iean Cheuot: Lequel cheuot demoura à Tournay, & ledit de Harcourt demoura Archeuesque de Narbonne. Et toutes ces besongnes & aucunes autres accomplies par les manieres dessusdictes, sen retourna ledit seigneur de Creuecueur deuers son seigneur le Duc de Bourgongne, qui le receut moult ioyeusement & moult honnorablement. Item en ce mesme temps vn gentil homme cheualier, qui estoit de l'hostel du Duc de Bourgongne

gongne, prenant son chemin pour retourner en Sauoye dont il estoit natif par la licence dudit Duc: en son chemin alla en la ville de Guyse vœir messire Jean de Luxembourg, duquel il estoit tres bien en grace & le festoya moult grandement en son hoïtel: mais apres qu'il fut departy de là & qu'il eut prins son chemin pour aller en son païs, comme dit est, il fut rencontré d'aucuns saque-mans, lesquels se disoient estre audir de Luxembourg, entre lesquels y estoit vn nommé Garmonier. Si le prindrent & le menerent à Neaux en Brie deuers les Anglois: & depuis fut mené à Roüen, où il fut detenu prisonnier par certaine espace de temps: & en fin il mourut de maladie, qui le pria comme aucuns dirent par desplaisance & par courroux. A cause de la prinse duquel le Duc de Bourgongne fut tresmal content, & en rescriuit aucunement audir de Luxembourg avec autres besongnes: de laquelle prinse ledit de Luxembourg s'excusa grandement, car il est à supposer que d'icelle prinse n'estoit en riens coul-pable: car depuis feit executer aucuns d'iceux qui l'auoient prins & detenu. Et aussi feit moult grand diligence de faire deliurer ledit chevalier nommé messire Philebert de la main desdits Anglois, par le moyen du Cardinal de Roüen son frere,

Comment le Comte d'Eu qui estoit prisonnier en Angleterre retourna en France & des armées qu'il feit.



N l'an dessusdit retourna de la prison du Roy d'Angleterre le Comte d'Eu, où il auoit esté detenu depuis l'an mille quatre cens & quinze. Si retourna en France & auoit esté prins en la bataille de Hazin-court, & fut deliuré par le Côte de Sombreffet, que le Duc de Bourbon frere audit Comte d'Eu tenoit prisonnier: & l'auoit acheté, où au moins la Duchesse de Bourbon sa mere de ceux qui iadis l'auoient prins à la bataille de Blangy, où le Duc de Clarence mourut comme en autre lieu est plus à plain declairé: pour le retour duquel ledit Comte d'Eu, plusieurs Princes de France, & autres nobles hommes furent bien ioyeux, & par especial le Roy Charles & le Duc de Bourbon son frere. Et rantoist apres sa venue fut par ledit Roy de France constitué capitaine de Normandie depuis la riuere de Seine iusques à Abbeuille, & à la riuere de Somme. Si assembla certain nombre de gens d'armes, & alla prendre la possession de la ville de Harfieu. Si fut receu d'aucuns qui en auoient le gouuernement par le seigneur de Rieux Marechal de France, mais aucuns autres ne luy voulurent point obeïr. Ains se retrahirent en vne porte & en aucunes tours, & là se tindrent par certaine espace de temps, dont ledit Comte d'Eu fut tresmal content. Si les feit assaillir tres roïdement & asprenient, & tellement qu'une partie d'iceux se rendirent à luy. Et les autres qui estoient es tours du Haur, enuoyerent à Roüen deuers les Anglois pour auoir ayde & secours: mais depuis s'accorderent secrettement deuers ledit Comte d'Eu. Et tellement s'appoincterent ensemble, que quand iceux Anglois vindrent aux tours dessusdictes, pour bailler ayde & secours à ceux qui les auoient mandez, ils furent vehementement trompez: car il en y eut de prins & retenus enuiron trente, & les autres qui s'apperceurent d'iceluy mal engin, s'en retournerent tous courroucez audir lieu de Roüen. Et apres que ledit Comte eut du tour l'obeïssance d'icelle ville de Harfieu & d'aucunes autres ou païs de Caulx, il y meit gés

de par luy. Et apres luy partant de ce pays, s'en alla à Bruxelles en Brabant deuers le Duc de Bourgongne son beau frere, qui le festoya grandement, & luy donna aucuns dons moult riches. Et apres luy partant de là, s'en reuint par plusieurs iournees à Noyon, où il fut moult conjoÿ des habitâs d'icelle ville. Si luy firent grand plaincte des pillards, qui se tenoient en aucunes forteresses assez pres de là, lesquels de iour en iour leur portoient de grans dommages, & couroient souuent iusques à leurs portes, en rauissant & en emportant tout ce qu'ils pouoient atteindre: mesmes ceux qui se disoient estre au Roy de France, & autres qui se disoient estre à messire Jean de Luxembourg. Et entre les autres, en y auoit vn qui se nommoit Jean de l'Isle, avecques luy vn sien frere: lesquels auoient avecques eux ensemble iusques à trente compaignons ou environ, qui festoient boutez dedans vne vieille forteresse nommée Bretigny, laquelle ils auoient aucunement repaïee & reedifiée sur intention de faire guerre & grand bataille à ceux du pays, & en y auoit vne partie qui portoient la rouge croix, & contrefaisoient les Anglois. Si en fut iceluy Comte d'Eu aduertÿ & admonesté, & pour y pourueoir assembla aucune quantité de gens de guerre par tout où il les peut auoir, & luy enuoya son nepueu le Comte d'Estampes vne partie de ses gens. Et tantost apres alla deuant ledit chastel de Bretigny, qui estoit moult foible & aussi estoit pauurement pourueu & garny de viures & d'artilleries. Et pourtant ceux qui estoient dedans furent moult tost contrains d'eux rendre à la voulenté dudit Comte d'Eu: laquelle voulenté fut telle qu'il feit prestement couper le hasterel audit Jean de l'Isle & à son frere en la cité de Noyon, & en feit pendre iusques au nombre de vingt. Pour laquelle prinse & mort d'iceux, Jean de Luxembourg conceut grand haine & mal-vueillance cōtre ledit Comte d'Eu, & ceux qui auoient esté à celle entreprinse: & tant qu'un peu de iours apres ledit Comte estant à Chargny sur Oyse, fut ordonné par ledit messire Jean de Luxembourg, à mettre vne embusche de ses gens aupres du chemin par où il deuoit retourner à Noyon pour luy & ses gens tuer ius: mais ledit Comte en fut aucunement aduertÿ. Si print autre chemin, & ne sortit point la besongne à son effect: toutesfoi à ceste cause demourerent en grand haine & dissentio l'un contre l'autre.

*Comment la Hire, Blanchefort & plusieurs autres capitaines du Roy Charles coururent
és Allemaignes.*

Tem en ces mesmes iours & au propre temps plusieurs capitaines du Roy Charles, entre lesquels estoient la Hire, Blanchefort, Boussac, Anthoine de Chabannes, Chappelle, Pierre Regnault & autres. Si se tirerent bien six mille chevaux par les marches de Barrois & de Lorraine au pays d'Allemaigne, & coururent iusques deuant la ville de Basle, où se tenoit encores le Concile: & donnoient à entendre à aucuns que c'estoit par l'enuoy & cōsentement du Pape Eugene pour dessendre sa guerre, & domagerent fort le pays par feu & par espée. Et apres fetirerent ou pays d'Aussois enuers Francquefort. Si prindrent & rançonnerent plusieurs melchantes forteresses & forts monstiers, mais entre-temps qu'ils gastoïent ledit pays d'Allemaigne, & qu'ils y faisoient tant de maux, les Allemans s'assemblerent en tresgrand nombre

nombre pour les rebouter. Si feirent retraire les viures & les payſans dedans les fortoreſſes & és bonnes villes. Et apres leur cōmencerent à faire forte guerre, & les prenoient à leur aduantage quād ils alloient fourrager à petite compaignie. Si en occirent & meirēt à mort ctuelle pluſieurs par ceſte maniere: & ne ſe vouloient point aſſembler en bataille contre eux à iour nommē, jaçoit-ce que pluſieurs fois par eux en fuſſent requis: leſquels voyans la perte de leurs gēs & ainſi ctoistre la force des Allemans, ſe titerent hors du payſ apres ce qu'ils y eurent fait de grans cruauz & dommages, & ſ'en allerent en Bourgongne, où ils feirent tout pareillement: & de là ſe titerent vers le Niuetnois. Et apres touſiours continuant en degaſtant payſ & en faiſant mauix innumerables, ſ'en allerent au payſ d'Auuergne. Si multiplioient chacun iour la compaignie des mauuais: car ſous meſchans gens ſe boutoient avec eux qui n'auoient point de conſcience, & tant qu'ils ſe trouuerent bien telle fois en nombre de dix mille. Si ne deporttoiee perſonne de, quelque eſtar qu'il fut ſeigneur ou autre, meſmemēt les propres villes & payſ du Roy & de ſes Prince degaſtoient comme les autres. Et n'y ſçauoir on comment y pourueoir ne remedier, pource qu'ils eſtoient en ſi trefgrand nombre. Et par tous payſ où ils alloient (ſicomme autresfois vous ay dit) on les nommoit les eſcorcheurs. Et apres ceſte peſtillence eurent les gens du payſ moult à ſouffrir és places & és lieux où ils alloient.

Comment le Comte d'Eſtampes reprint la forterreſſe du Raouillet ſur les gens du ſeigneur de Moüy & autres matieres.

LTem & auſſi deuant ceſte dute peſtillence, les gens du ſeigneur de Moüy en Beauuoſis auoient prins la forterreſſe du Raouillet à deux lieües pres de Montdidier ſur les gens de Guy de Roye, qui l'auoiēt en garde, & faiſoiēt guerre à la ville de Montdidier & ou payſ à l'enuiro. Et pource qu'icelle ville & le payſ eſtoient en la garde du Comte d'Eſtampes & en ſon gouuernement, il enuoya deuant ladicte forterreſſe certain nombre de gens de guerre ſous la conduicte d'aucuns de ſes capitaines: c'eſt à ſçauoir Valeran de Moreul, & Guy de Roye & aucuns autres. Leſquels les aſſaillirent & meirent à tel meſchief, qu'ils ſe rendirent en la volenté dudit Comte d'Eſtampes: deſquels il feit pendre de vingt à trente, & ladicte forterreſſe fut remiſe en la main du deſſusdit Guy de Roye. Pour laquelle execution ledit ſeigneur de Moy qui eſtoit capitaine de Cleremont, feit dedans brief temps enſuiuant plus forte guerre que par auant à la ville de Montdidier: pourquoy il conuint mettre en pluſieurs lieux gens d'armes en garniſon, tant en villes comme en fortetereſſes contre ledit ſeigneur de Moüy. Et par ainſi toutes les marches à l'enuiro d'un coſté & d'autre furent exillées & gaſtées, & eurent plus à ſouffrir que deuant & durant plaine guerre. Et d'autre part les Anglois prindrent en ces propres iours les forterreſſes de S. Germain en Laye, & de Gerberoy non mie de force, mais d'emblée: ſi y meirent trefgrans garniſons dont les Parisiens eurent moult à ſouffrir. En ce meſme temps aduint vne trefgrande cruelle & merueilleuſe choſe en vn village pres d'Abbeuille: car vne femme y fut prinſe & accuſée d'auoir meurdry pluſieurs petits enfans, leſquels elle auoit deſmembrez & ſalez ſecretement en ſa maiſon. Si fut celle grāde cruauté accuſée par le moyen

d'aucuns Brigans, qui par nuit vindrent en sa maison & en trouuerent des piéces: & pour ceste cause fut prinse. Et apres qu'elle eut cogneu sa malice, fur arse & executée par la iustice dudit lieu d'Abbeuille en Ponthieu. Ou temps desusdit ceux de Bruxelles eurent grand discord & dissensions cōtre ceux de Louuains, Malignes & autres bonnes villes de Brabant, pource qu'ils contraignirēt par tout le territoire d'Amiens porter les bleds en leur ville au grand preiudice des bourgeois d'icelles bonnes villes, ausquels les bleds estoient. Et pour ceste cause s'elmeut tresgrand guerre & dissention entre ceux de Malignes & eux, car lesdits de Malignes tendirent leurs chaines sur la riuere: parquoy riens ne pouoit aller à Bruxelles, & assez tost apres coururent en armes l'un contre l'autre; & en y eut plusieurs mis à mort entre icelles parties. Neantmoins depuis le Duc de Bourgogne & son conseil y meirent moyen & les appaiserent de leur dissention.

Comment vne assemblée se feit entre Calais & Grauelignes du Cardinal d'Angleterre & de la Duchesse de Bourgogne, pour trouuer maniere d'auoir paix finale entre les parties de France & d'Angleterre.



Nuiron le mois de Ianuier de cest an s'assemblerent entre Calais & Grauelignes en vn lieu deuisé par les parties, où furent tendues aucunes tentes pour tenir cōuention: c'est à sçauoir le Cardinal de Vincestre d'une part & la Duchesse de Bourgogne d'autre part, chacun d'eux grandement accompaignez de nobles personnes tāt ecclesiastiques que seculiers: avec lesquels y estoient de par le Roy de France comme ambassadeurs vn sien maistre d'hostel, nommé messire Regnault Girard cheualier seigneur de Bazoches, & maistre Robert Mallien conseiller & maistre des comptes: afin d'auoir rous ensemble aduis, conseil & deliberation sur la paix finale entre les deux Royaumes: Et aussi par la deliurance & rançon de Charles Duc d'Orleans. Si furent plusieurs ouuertes mises auant & par plusieurs iournées: & en la fin ne peurent autrement conclure sinon de prendre iour par l'aduis & conclusion des deux Roys & de leurs conseils, chacun pourtant que toucher luy pouoit à l'an ensuiuant pour tenir nouuelle conuention: lequel iour & lieu on deuoit faire sçauoir à la dessusdicte Duchesse de Bourgogne, pour en aduertir & faire sçauoir à chacune desdictes parties: laquelle iournée nouuellement reprinse, deuoit estre amené en personne ledit Duc d'Orleans: c'est à sçauoir à Chierbourg ou à Calais, auquel des deux il seroit aduisé en dedans ledit iour: & apres que les besongnes desusdictes furent ainsi conclues entre icelles parties, se departirent de là, & retournerent es lieux dont ils estoient venus. Item en cest an le Duc de Bourgogne assembla enuiron seize cens combattans, lesquels furent menez & conduits vers Calais, pour garder contre les Anglois tresgrand nombre de pionniers, de charpentiers & autres manouvriers, qui y furent menez & conduits pour rompre & demolir vne dicque de mer, afin de noyer & destruire ceux de la ville de Calais & le pays enuiron. Et auoit on donné à entendre audit Duc de Bourgogne, qu'il estoit trespossible de le faire, & que par ces moyens icelle ville seroit du tour mise à destruction: mais quād ce vint que les pionniers desusdicts eurent ouuré certaine espace de temps, on apperceut as-

sez bien que ce n'estoit point vne chose qui se peust bonnement acheuer. Si fut l'entreprinse delaissee, & fait on rompre le pont de Millay & aucunes autres petites dicques, qui peu firent de dommages ausdits Anglois.

Comment le Roy de France contraignit Rodigue de Villandras, lequel gastoit & travailloit son pais à aller guerroyer sur les Anglois.

EN cest an vint à la cognoissance de Charles Roy de France, commēt ses pays en diuers lieux estoient degastez & oppressez par aucuns capitaines tenans son party: lesquels auoient grand nombre de gens d'armes sur les champs: enire lesquels estoit vn des principaux Rodigue de Villandras, lequel auoit en sa compaignie mieus de six cens cheuaux. Si luy furent enuoyez de par le Roy certains messages, lesquels luy dirent & commanderent de par luy qu'il voidast ses pays ou allast en frontiere contre les Anglois, à quoy il ne voulut obeïr. Et poutāt le Roy qui estoit à Bourges en Berry, assembla gens & alla en personne pour le ruer ius, mais ledit Rodigue en fut adueriy. Si se tira vers Thoulouze, & alla au pays de Guyenne: auquel lieu avec aucuns du pays il assembla de rechief tresgrand nombre de gens d'armes. Si cōmença à faire tresforte guerre aux Anglois, & tant en ce continua, qu'il leur feit tresgrand dommage & print plusieurs villes & forteresses, où il meit de ses gēs. Si entra en l'isle de Medoch iusques à Soulach: lequel pays ils destruisirent & y trouuerent des biens treslargement, & en tresgrand abondance: & pareillemēt conquerirent le pays de Banquefort. Et outre allerent deuant vn fort nommé Chastel Neuf, lequel ils prindrēt d'assault & estoit au capitaine de Beusd. Et tantost apres vint le seigneur d'Albreth à tout tresgrand puissance de gens d'armes, & les mena deuers Bordeaux où ils prindrent l'eglise de S. Seuerin, qui est à vn traict d'arbalestre pres de la cité. Si se logerent illec tresgrand nombre de gens de guerre. Et depuis par nuit en meirent es vignes aups de la ville vne tresgrosse embusche de leurs gens: lesquelles vignes estoient hautes comme treilles, & le lendemain firent semblant d'eux desloger. Et adonc ceux de Bordeaux cōmencerent à faillir dehors sur eux, & en issi bien deux mille largement. Contre lesquels se meirent ceux de ladicte embusche, & y eut entre eux vne tresgrād besongne & merueilleuse escarmouche: car ils se cōbattirent felonēusement par moult grand espace de temps, & se tindrent tresvaillamment l'vn contre l'autre. Si en demoura de morts sur la place bien enuiron huit cens, dont la plus grand partie furent Anglois: lesquels Anglois il cōuint retraire dedans la ville de Bordeaux, pour la force & grand puissance des François. Et adōc furent mises grosses & puissantes garnisons de gens d'armes au iour de ladicte ville de Bordeaux en plusieurs lieux, lesquels contraignirent & destruisirent moult le pays, qui estoit moult grand & plātueux, & auoit esté long temps sans estre si fort approché de gens de guerre qu'il fut pour lors. Pour lesquelles entreprinſes, vaillances & diligences que feit iceluy Rodigue de Villandras au pays de Bordeaux, le Roy de France luy pardonna toutes les offences & malſais qu'il auoit faits contre luy. Toutesſois dedans vn an apres ensuiuant lesdits Anglois reconquirent la plus grand partie de ce, qu'iceux François auoient gaigné sur eux.

De l'an mille cccc. xxxix.

Comment le Pape Eugene enuoya ses lettres en plusieurs lieux de la Chrestienté, & la teneur d'icelles.



Au commencement de cest an furent enuoyées vnes bulles par nostre saint Pere le Pape Eugene, contre ceux tenans le Concile de Basse, dont la teneur ensuit.

EUGENE Euesque serf des serfs de Dieu. Tous exemples tant du nouuel comme du vieil testament nous admonnestent les crimes & deffauts, especiallement grieus qui sont & attendent à l'esclandre & diuision de la chose publique & du peuple à nous commis & baillé: que nous ne les laissons passer sous silence, ne que nullement ne les laissons impunis. Et si les fautes par lesquelles Dieu est grandement offensé, nous differons à poursuivre & véger, certainement nous prouquerions la diuine sapience à se courroucer: car il est plusieurs deffauts, esquelles grandement pechent ceux qui relaschent & different de vengeance quand ils les doiuent punir: iuste chose est & à raison conlonâtes selon la raison des Saints Peres, que ceux qui contemnent les diuins mandemens & desobeissans aux paternelles ordonnances selon saintes institutions: soient corrigés de plus cruelles vengeance, affin que les autres ayent honre de mettre les crimes & toutes concorde fraternele se resiouisse, & que tous prennent exéple de cremeur & de honnesteté: car sil estoit ainsi que ja ne loit, que la vigueur & sollicitude de l'Eglise fut par nous delaissee negligemment, la discipline de l'Eglise periroit par nostre paresse: ce seroit chose moult nuisant aux ames des bons & loyaux Chrestiens: dont à retrencher la mauuaise chair de la bone, & la brebis rōgeuse du troupeau à ce que toute la maison & les bestes ne perissent ne soient corrompuz n'infectez: car comme dit le glorieux Docteur S. Hierosime, Arien fut à Alexandrie vne estincelle de feu, mais pource qu'elle ne fut pas assez tost estaincte & oppressée, la flābe s'y depopula & alluma tout le monde: & pour ceste cause à l'Euesque de Romme furent de nostre sauueur données les clefs de lier & deslier, affin que ceux qui se desuoient & vont insensiblement hors du chemin de verité & de iustice, soient abstraincts & contraincts des liés de correction & obligation. Disons donc de l'auctorité Apostolicque, ceux qui eurent & qui mettent & menent les autres en erreur, par les censures de l'Eglise estre baillez à Sathan à ce que leurs esprits soient sauuez: & à ce que tant eux cōme les autres desaprennent de blasphemer. Et comme dit le benoist Pape Sixte: Nous ayons memoire de presider sous le nom d'icelle Eglise, de laquelle la confession est de nostre tresdoulx sauueur Iesus glorifier. De laquelle la foy ne nourrist iamais heresie: mais toutes les destruit. Et pource nous entendons à nous non estre autrement licite, que de mettre toute nostre force & puissance à ce à quoy le fait de l'vniuerselle Eglise soit arresté. Verité est que és iours prochains nous presidens à la congregation du Concile general de ceste sainte sacree Eglise, nostre bien aymé fils maistre Hutin de la Plante Docteur en Loix, & nostre bien aymé fils maistre Jean de Plato Docteur en Loix Promoteur d'iceluy sacré Concile, & maistre Venture du Chastel ordonné Procureur de la chābre Apostolicque & licencié és Loix, nous ont exposé vne lamentable querelle

relle sous ces parolles en disant. Treissaint & reueréd Pere en ce sacré & œcumenique Concile general legiimement assemblé, jaoir-ce qu'une soit la sainte catholique & apostolique Eglise Romaine, que le benoist saint Esprit en la personne de nostre seigneur au liure des Cantiques le demonstre, en disant : Ma coulombe est une parfaicte, une est aussi sa mere, qui la porte enfante. Et le vaisfel d'election monseigneur saint Pol demonstre l'vnité d'icelle Eglise & le sacrement de ceste vnité en disant, un corps & un esprit, une esperance de nostre vocation, un seigneur & une foy en baptesme un Dieu. Et (comme dit le benoist Cyprien) elle est un chief, une naissance & une mere plantureuse de toute fecondité, & ne peut adulerer l'espouse incorrompue de Iesus Christ nette & pure, elle cognoist une maison, elle garde par chasteté, netreté, & sainteté une seule couche. Et en un autre lieu iceluy mesme Cyprien dir, il n'a point l'ecclésiastique ordonnance, qui ne tient l'vnité de l'Eglise. Et comme Pelage Pape afferme des parolles du benoist saint Augustin tres noble Docteur d'icelle Eglise : pource qu'il ne peut estre qu'il ne soit Eglise & faut qu'icelle le soit : laquelle est un siege Apostolicque radiallement constitué par la succession des Euesques. Neantmoins dès le commencement d'icelle Eglise, la libidinofité & ouirage effrené d'aucuns hommes à tousiours attendu de desceirer & de destrencher l'vnité d'icelle. A l'encontre desquels la diuine vengeance premierement, & apres l'auctorité des saints Peres se sont esleuez. Quiconques doncques par hardiesse, sacrilege, & diabolique persuasion, presumera d'entamer ceste sainteté & sans nulle macule vnité de l'Eglise : cestuy sacré Canon le demonstre & enseigne ennemy de l'Eglise : & ne peut auoir Dieu à pere fil ne tient l'vnité de l'Eglise vniuerselle. Et ne peut celui ne nul en riens conuenir qui ne conuient avecques le corps de l'Eglise & l'vniuerselle fraternité : car comme Iesus Christ soit mort pour l'Eglise, & l'Eglise soit le corps Iesus Christ, il n'est point de doute que qui diuise l'Eglise, qu'il est conuaincu de diuiser & deschirer le corps de Iesus Christ. Et à ceste cause par la voulenté de Dieu en ses schismaticques Dathan & Abiron, qui contre l'honneur de Dieu faisoient schisme & diuision, telle vengeance vint que la terre s'ouurit & les engloutit tous vifs : & les autres qui leur adheroient furent consummez par feu qui descendit du ciel. En apres combien soit inseparable le sacrement de l'vnité de l'Eglise, & combien l'acquierent grand perdition par l'indignation de Dieu : ceux font schisme en l'Eglise, & qui delaisent le vray espoux de l'Eglise, & un autre faulx Euesque se constituent on le veoit es liures des Roys ou l'escriture diuine declaire : que quand de la ligne de Iuda & de Benjamin les dix autres lignes se furent séparées : & qu'ils eurent laissé leur droit Roy, & en eurent constitué un autre, nostre seigneur fut indigné contre toute la semence d'Israël, & les donna en derision & diuision : & aussi qu'il delecta de sa face. Et dit ceste escriture, nostre seigneur auoir esté indigné & iceux auoit donné en perdition qui festoient separez & dispiiez d'vnité & se auoient autre Roy constitué. Et à tousiours est si grande de Dieu l'indignation contre ceux qui ont fait schisme & diuision, qu'aussi qu'ad l'homme de Dieu fut enuoyé à Hieroboam qui luy reprochoit & blasmoit ses pechez, & luy predisoit la vengeance que Dieu en vouloit prendre. Dieu luy auoit desfendu qu'il

ne mangeast de pain ne beust eäüe avecques iceluy Hieroboam. Laquelle cho-
il trespallä contre le commandement de Dieu: & tantost apres par la diuine
sentence il fut tellement persecuté, qu'ainsi qu'il venoit dudit Hieroboam, il
luy vint vn lion trespimpetueusement qui l'occist. Desquelles choses comme S.
Hierosme affirme, nul ne doit auoir doubte que le crime de schisme ne soit &
ayt esté de Dieu griefuement puny. Comme doncques ja pieça en vn saint sa-
cré Concile general de Constance, ce pernicious schisme à trauaillé & doné af-
fliction à l'Eglise de Dieu, & à la religion Chrestienne (à tresgrand perdition d'a-
mes & non mie tant seulement d'hommes, mais aussi de citez & prouinces) par
persecution cruelle & lögue. Et depuis par l'ineffable misericorde de Dieu tout
puissant: & aussi par les grans labeurs, angoisses & despelles choses comme S.
Princes tât ecclesiastiques comme seculiers: & aussi de moult d'vniuersitez & d'au-
tres loyaux Chrestiens, eut esté appaisé. Et croyoit on l'Eglise parfaictement
(comme chacun le desiroit) en ioye de parfaicte paix, tant par l'election de bien
aymée memoire le Pape Martin: comme aussi apres son trespas par l'indubita-
ble vnique & canonicque assumption de vous à la haultesse de l'Appostolat.
Mais maintenant voicy de nous sommes contraincts de dire comme Hieremie
le Prophete. Nous auons attendu paix, mais voicy tribulation. Et de rechief a-
uecques Isäye. Nous auons attëdu lumiere, & voicy tenebres: car plusieurs en-
fans de perdition & iniquité, peu en nombre & legiers d'auctorité à Basle, apres
la translation du Concile (lequel auoit là eu vigueur par vne espace par vostre
authorité: laquelle translation a esté faicte par iustes, euidentes, contraignans &
necessaites causes, canonicquemēt pour la tressaincte & à tout le peuple Chre-
stien tres desirée vnion des Grecs & de toute l'Eglise Orientalle) de toutes leurs
forces, de toutes leurs douleurs, cautelles se sont efforcez de l'empescher. Car
quand les deuantdits appellez estandards qui estoient demourez à Basle eurent
failly aux Grecs de leur promesse, & qu'ils apperceurent par les Orateurs des
Grecs & de l'Eglise Orientalle, que tres noble Prince messire Iean Paleologue
Empereur des Rommains: & aussi Ioseph de bonne memoire Patriarche de
Constantinoble, avecques plusieurs autres Prelats & autres hommes de l'Egli-
se Orientalle, deuoient venir au lieu esleu pour celebrer le Concile œcumeni-
que: & que vostre sainteté estoit là venue avecques plusieurs Prelats, Orateurs,
& autres innombrables à tresgrand despens & fraiz. Pour destourber la venue
du dessusdit Empereur, ont esté discerné vn monitoire detestable contre vo-
stre sainteté & contre mes trefreuerends seigneurs mes seigneurs les Cardin-
aux de l'Eglise de Romme. Et quand ils apperceurent les deuantdits Empe-
reur & Patriarches de l'Eglise Orientalle venir, ils allerent de faict proposer cō-
tre nostre sainteté vne sacrilege sentence de suspension & administration de
Papalité, nonobstans lesquels enforcemens iniques & sacrileges, par vostre di-
ligence, cure & sollicitude, avecques le conseil & par moult de labeurs & de
diuetes disputations: en fin la diuine misericorde à concedé que le schisme des
deuantdits Grecs & Orientalle Eglise: lequel à la grande destruction du peu-
ple de Chrestienté, auoit duré pres de cinq cens ans, si fut osté du meillieu de
l'Eglise: & que la tresdesirée vniō de l'Orientalle Eglise & Occidentalle, laquel-
le on croyoit à grand peine pouoir faire, par tressouueraine cōcorde s'en ensui-
uit.

uit. Et eux qui de veoir tant de saintes œures & sacré Concile, se deuoient trefhautement esmerueller : & par souueraines loüenges & exaltations (comme toute la religion Chrestienne auoit fait) deuoient venerer & rendre grace au treshautain de tant merueilleux dons, sont faits plus cruels & plus obstinez, en voulant à la tresmauuaise cruauté ministrer enflamment, à la destruction de la chose publique & ruine chrestienne, & sont faits persecuteurs de leur propre honneur par presumption prestifere, sestans efforcez tant qu'ils ont peu de trencher l'vnité de la sainte Rommaine & vniuerselle Eglise & inconsutile, créée de nostre seigneur, & diuertir d'icelle pitieuse & sainte mere Eglise, par leurs morceaux maufades & serpentieux ce trefdeloyal Sathan Amadeus iadis Duc de Sauoye, lequel ja pieça a ces choses premeditées en son courage : & a esté acertené de plusieurs faulces pronostications & forceries par plusieurs execrables & maudits hommes & femmes : lesquels ont delaisié leur sauueur derriere, & se sont conuertis apres Sathan, seduits par illusion de diables : lesquels en commun lāgaige sont nommées Sorcieres, Frangules, Straganes ou Vaudoyes desquels on dit en auoir grand foison en son païs. Et par telles gens ja passé aucuns ans a esté seduit tellement, qu'affin qu'il peust estre esleué pour chief môstrueux & difforme en l'Eglise de Dieu, il print habit d'hermite aux Auichoix d'un tresfaulx hypocrite : affin q̄ sous la peau de brebis ou aignel il couurit sa cruauté lupine : à ce qu'en la fin en procez de temps, luy qui estoit confident à ceux de Basse, en fraude par dons, par promesses & par menaces vne grand partie de ceux de Basse : laquelle estoit subiecté à son commandement ou tyrannie (idolle de Belzebuth d'iceux nouueaux diables ses Princes) ils le constituassent à l'encontre de vostre sainteté, laquelle est tres vray vicaire de Dieu & successeur de saint Pierre indubitablement, & prophanasent & pollussent l'Eglise de Dieu. Et a induit ce tresiniuste reueux Amadée homme d'execrable & ignominieuse conuoitise, & lequel tousiours fanathematise ceste diuision, laquelle selon l'Apostole est seruitude des diables autrement appellée blasphemouse synagogue d'hommes perdus & de toute Chrestienté la honteuse & confusable sentine puante : à laquelle a député pour electeurs Auichoix & proclamateurs certains hommes ou diables sous figures & especes d'hommes mussiez, qui en la fin en Idoles (comme iadis la statue de Nabuchodonosor) au temple & en l'Eglise de Dieu s'esleuassent. Et aussi luy mesme esleue par ses furieux vices, descendant à l'exemple de Lucifer, qui dist : ie mettray mon siege en Aquilon & seray semblable au treshautain pour de la deuantdicté election : mais plus vray prophanation faicte de luy (laquelle luy propre à grans fraiz & anxieté de courage auoit pourchassée par trefgrande & detestable auidité & desir) il embrassa, & n'a point eu d'horreur de vestir les vestemens Papaulx & les signes, de foy tenir porter & exercer pour le souuerain & Rommain Euesque, & de plusieurs comme tel se faire honorer & reuerer. Et outre plus il n'a point eu de honte ne cremeur d'enuoyer en plusieurs & diuerses parties du môde ses lettres plombées & bullées, en la forme des Euesques Rommains, esquelles il se nomme & appelle Fœlix : comme il soit ainsi, que de tous les hommes du môde il soit le plus mal-heureux, & par lesquelles il s'efforce de mettre & espandre les diuers yénins de ses pestillences.

O tressainct pere & tressainct sacré conseil, que quiers-ie premierement cy ou que demande-ie, ou par quelle force de voix ou par quelle gravité de pesanteur de parolles, par quelle douleur de courage, par quel gémissement de courage ou par quelle abondance de larmes puis-ie plorer tant horrible forfaiture. Quelle occasion sera-ce qui pourra deplorer, exprimer par nulle effluencieuse largesse ou abondance de larmes dignement ce terrible & enorme péché & crime? Certainement ceste chose ne se peult veritablement exprimer ne racompter, pour l'indicible grandeur de sa crudelité: car la grandeur de si grande offence si vainc la force de la langue. Mais tressainct & trefreuerend Pere, comme ie cognois mainienant est le temps de remede plus que de querelle & de plaincte: car voicy nostre mere sainte Eglise, laquelle en la personne de la sainteté qui en son vray & seur espoux par bone & vraye paix se resiouissoit par cy deuant, maintenant est contraincte de crier en grans louspirs sangloutissemens, & defferrer toutes les fontainées des larmes à toy qui es son vray espoux à vous mes trefreuereds peres, qui estes maintenant en partie de sollicitude & à ce sacré & œcumenique euoqué, en disant: ayez mercy de moy singulierement vous qui estes mes amis: car mes entrailles sont toutes remplies d'ameurume, & les lions destruisent la vigne de Dieu Sabaoth, & la robbe de Iesus Christ inconsuille & entiere, qui est l'Eglise, les trefmauuais si deschirerent. Maintenant donc se lieue Dieu, & tous ses ennemis soient dissipez & destruis. Et toy tressainct Pere, comme il soit ainsi que toutes les choses dessusdictes soient manifestes, publiques, & si notoires, que par nulle couuerture elles ne se peuuent celer, deffendre n'excuser: en la vertu du treshautain avecques ce sacré Concile lieue toy, & resmeuz & iuge la cause de ton espouse, & aye la memoire de l'opprobre de tes enfans. O trespuissant ceins t'espée & la mets sur la cuisse, entens prospere & regne. Et dits avec le Psalmiste: ie persecueray mes ennemis, & ne m'en retourneray iusques à ce que ie les contomme & desfrompe, à ce que plus ne s'eslieuent ne cheent, ne trefbuent sous mes pieds: ne il n'appartient point si desraisonnable offence ne si abominable sans passer sous dissimulation, afin que par aduenture, presumption de malice impunie ne treuve vn successeur: mais par le contraire la transgression & deffaute punie, soit aux autres exēplaires d'eux retraire d'offencer. Et à l'exemple de Moÿse, l'amy & seruiteur de Dieu doit estre dicté par vraye sainteté à tout le peuple Chrestien: departez trestous des tabernacles & villes des mauuais. Et aussi à l'exemple du benoist saint ton predecesseur, lequel selon le conseil general de l'Eglise, à Ephese, osta & renuoya Dioscorus & ses faulx & ensuiuans en la Calcedoine il condamna. Aussi à l'exemple des souverains Euesques tes predecesseurs, lesquels ont tousiours exterminé & expulsez de l'Eglise de Dieu, de la communauté des loyaux Chrestiens & du sacré corps de Dieu & affligez & punis d'autres condignes & iustes peines, selon que iustice le requiert tous ceux qui se sont esleuez contre l'Eglise de Dieu par heresies, divisions & schismes: venge donc ceste nouvelle rage qui en l'iniure de toy & de l'Eglise de Romme ton espouse, & aussi en l'esclandre de tout le peuple Chrestien vengne, deslie à l'ayde & approbation de ce saint sacré & œcumenique Concile, excommunie, oste, & separe perpetuellement des portes de l'Eglise, par l'autorité

l'auctorité de Dieu tout puissant, de saint Pierre & de saint Pol & de la trinité, tous les mauuais deuantdits monstres & difformes acteurs de telle offence, avec leur heresiarque pere de heresie le trespelilétieux Amadée & nouuel Antechrist en l'Eglise de Dieu: avec aussi tous les seruiteurs adherans & ensuiuans, & singulierement de ces peruers Electeurs ou plus vrayement trophanateurs. Soient donc deiectez luy & tous les deuantdits comme Antechrist destructeur & inuadeur de toute la Chrestienté, ne iamais à luy ne aux deuantdits sur ceste matiere, ne soit donné nulle audience. Soient eux & leurs succeffeurs priez de tous degrez & dignitez ecclesiastiques & mondaines, sans nulle reuocation: & que tous soient de perpetuelle anathematifation & excommunication codamnez. Et qu'au iugement ils soient avecques les mauuais, & qu'ils sentent la fureur des benoists saints apostoles S. Pierre & S. Pol, desquels ils presument l'Eglise confondre. Soit leur habitation sainte deserte, & ne soient nuls qui habitent en leurs tabernacles: leurs enfans soient orphelins, & leurs femmes veufues. Tout le monde se combatte contre eux, & tous les elemens leur soient contraires. Et qu'en telle maniere ils soient deiectez, exterminiez & abhominiez de tous, à ce qu'eux pourrisfent en perpetuelle necessité & misere, iustement la mort leur soit soulas & vie leur soit tourment. Et les merites de tous les saints si les cōfondent, & que sur eux demonstrent publique vengeance. Et avecques Choré Dathan & Abiron qui furent tous vifs engloutis de la terre, ils recoiuent leur portion. Et finalement fils ne se retournent & de cuer se conuertissent & facent dignes fruiets de penitence, & satisfont à ta sainteté & l'vniuerselle Eglise pour la cruauté de tant de crimes & d'offences, avecques les mauuais es tenebres infernales soient mussez en perpetuel tourment, & là condamnez par le digne iugement de Dieu. Et nous & tous bons Chrestiens qui auons en abomination les heresiarches Princes d'heresie, & leur tresabominable idole Antechrist & blasphemés execrables reprouons: & toy vicaire & lieutenant de Iesus Christ & tresdigne espoux de l'Eglise (comme nous confessons & par deuote reuerence & obediēce reuerons) la grace de Dieu tout puissant garde & deffende par l'intercession des benoists apostoles saint Pierre & saint Pol, & en la fin par sa pitié inenarrable aux eternalles ioyes nous meine. Amē. Nous donc & par la relation des gens dignes de foy, ayans apperceu si trespas grand impiété auoir esté commise: auons esté & sommes afflictionnez de grand douleur & tristesses, comme il appartenoit tant pour le si grand esclandre maintenant venu, comme pour la mort & perdition des ames de ceux qui commettoient & ont perpetré telles choses. Et par especial de celuy Amadée Antipape, lequel nous auons embrassé es entrailles de charité, duquel nous auons eu tousiours cure d'exaucer ses prieres & requestes tant que nous auons peu avec Dieu. Et comme ja pieça à l'encontre de ceste abomination nous ayons eu desir en nostre courage d'y pourueoir de salutaires remedes, selon le droit de nostre office de pasteur. Et maintenant si publicquement en la face de l'Eglise soyons requis de resister, obuier contre le cruel crime, pour la deffence de l'Eglise le plus instamment & hastiuement que nous pourrons, de peur que ceste chose tant enorme & execrable soit vn fourgeō & naissance. Moyenant l'ayde de Dieu, de qui en la besongne radicallemēt extirper avec nous ensemble ce saint sacré cō-

seil present, nous auons intention d'y mettre remede sans quelque dilation selon les saintes ordonnances & canonicques de l'Eglise. Voyans donc & entendans la requeste du Procureur & du Promoteur de ce sacré Concile, & de nostre chambre Apostolicque estre iuste & consonante en droit diuin & humain. Nonobstant que les deuantdictes deffaultes soient si publiques & si notoires, qu'elles ne se peussent par nulle maniere couvrir ne celer, & qu'il ne seroit nulle necessité de faire autre information: toutesfois pour plus grande certification, & cautelle des choses premises par l'approbation de ce sacré Concile: nous auons commis à plusieurs hommes vaillans & nobles d'un chacun estat du Concile diligemment examiner, & ce qu'ils trouueroient par information iustement & sans faueur ils rapportassent à nous & à iceluy sacré Concile. Et par les commissaires eüe tresdiligente inquisition en tant qu'il appartient de ce schisme & diuision & à nous, & audit Concile assemblez en congregation Sinodale, les choses qu'ils auroient trouuées par l'examen de gens dignes de foy, ont loyaument rapportées & combien que par ces tant publiques, manifestes, & notoires deffaultes nous eussions peu sans quelque dilatio les dessusdits scandaliseurs & flagicieux hommes anathematiser, & condamner selon les saintes ordonnances: neâtmoins nous à ce sacré sinode en ensuiuant la clemence de Dieu tout puissant, qui ne veult point la mort du pecheur: mais veult qu'il se conuerrisse & viue: auons decreté & ordonné de faire toute la douceur que nous pourrons, affin que par le proposer de la voye de douceur, ils se retournaissent, & reculent des deuantdits outrages & excez: affin qu'eux retournant à la congregation de l'Eglise comme le fils prodigue benignement nous le receuons, & par paternelle charité nous l'embrassons. Iceluy donc Amadée & Antipape, ses adherans & le receuans, ou par quelque maniere fauorisans, par les entrailles de la misericorde de nostre Dieu: & par l'effusion & asperision du precieux sang de nostre seigneur Iesus christ: auquel & par lequel la redemption de l'humain lignage & l'edification de l'Eglise est faicte, de tout nostre cuer nous enhortons, prios & obsecrons que l'vnité d'icelle Eglise (pour laquelle iceluy sauueur tant instamment pria son pere) dorefnauant ils delaisent & desistent à violer, & que la fraternelle dilection, amour & paix (laquelle tant de fois & si curieusement quand il deust aller de ce monde à son pere par mort, il recommanda à ses disciples: & sans laquelle n'oraisons, ieufnes n'aumosmes ne sont acceptées à Dieu) ils ne detrenchent & deschirent, ains se repentent & hayent honre. Et que des deuantdits & excez tant scandaleux & tant pernicieux, le plus tost qu'ils pourront ils se desistent. Et ils se trouueront veritablement enuers nous & enuers ce sacré Concile (si affectueusement ils y vueillent comparoir comme ils doiuent & sont tenus) receuz par paternelle charité. Et affin que si d'auenture l'amour de iustice & de vertu ne les retrayoit de peché, la rigueur de discipline, & les peines contraignent les deuantdits Amadée Antipape, electeurs & prophanateurs croyās, adherans, & receuans, & par quelque maniere, approuuans par approbation de ce conseil: nous les requerons & admonestons sur la reuerence & obeissance qu'il doiuent à sainte Eglise, & sur la peine d'anathematification crimes d'heresie & schisme & de quelconques autres peines: & leur mandons en commandant tresdestroictement que dedans cinquante iours depuis ensuiuans immediatement

diatement apres ceste admonition & sentence, iceluy Amadée Antipape, pour le Pape de Romme doresnauant il desiste & delaisse à foy tenir & nommer, & que par autres tant qu'il le pourra il ne se laisse nommer : & que doresnauant il ne presume à vser des signes & autres choses appartenans au Pape de Romme en quelque maniere que ce soit. Et les deuantdits electeurs & prophanateurs, adherans & receuans faulseurs deormais au crime de ce schisme, ne facent assistance, ne croyent ne adherent ou fauorisent en quelque maniere que ce soit par eux ou par autres directement ou indirectement ne par quelque maniere, question ou couleur: mais tant iceluy Amadée Antipape comme les deuantdits electeurs, crediteurs, adherans, recepteurs & faulseurs nous ayent, recognoissent & reuerent comme Euesque de Romme vicaire de Dieu & de saint Pierre & de saint Pol legitime successeur. Et qu'à nous comme pere & pasteur de leurs armes ils entendent, comparent & estudient dedàs le terme prefix nous & ce conseil certifier & acertener des choses deuantdictes. Et autrement ficeluy Amadée, electeurs, croyans, adherans, receptateurs & faulseurs deuantdits font le contraire, que ja ne soit, & que toutes les choses & singulieres deuantdictes ils n'accomplissent par effect dedans le terme assigné, dont maintenant & pour adonc nous voulons qu'ils encourent toutes les peines deuantdictes. Et neantmoins voulons que les deuantdits, fils font le contraire, precisement le quinzieme iour prochain ensuiuant apres ledit terme, mais qu'il ne soit feste, & si est feste au prochain iour ensuiuant sans feste, comparent personnellement deuant nous & le deuantdit Concile où nous serons, pour veoir & ouyr eux & chacun d'eux, lesquels nous citons par telle maniere, pour les declairer audit iour dignes d'estre punis comme hereticques & coupables de erime de leze majesté, & auoir encouru & desleruy les censures & peines deuantdictes. Et outre ordonner selon ce que iustice requerra & sera veu bon & profitable, en certifiant iceux ensemble & chacun à part quel qu'il soit comparent ou non, ou qu'il se demonstre auoir comparu nous procederons à la declaration des peines moyennant & selon iustice. Nonobstant que leur contumace ou presence n'y soit mie requise, procederons en outre à leur aggrauement & reaggrauement selon que la rigueur de iustice le requerra & leurs merites l'auront desleruy. Et affin que nostre monition & citation faicte en ceste maniere, soit, demeure & vienne à la cognoissance de ceux qui sont citez & à qu'il appartient, nous ferons attacher les chartres & lettres ceste citation contenans aux portes de l'Eglise de nostre Dame la nouuelle de Florence: lesquelles lettres & chartres ainsi comme par leur son & publique monstrence, annoncerent publicquement & demonstreront comme messages, à celle fin que les admonnestez n'ignorent & ne puissent monstrent ne pretendre nulle ignorance ne excusation: comme il ne peut estre vray semblable que telle chose leur peult demourer incogneüe ou celée, laquelle sera cy patemment declairée. Nous voulons aussi & ordonnons par l'auctorité apostolique, que nostredicte monition mise ausdictes portes, vaille & obtienne plaine vertu & fermeté de contraindre lesdits admonnestez: nonobstant quelconque constitution au contraire comme se ladicte monition auoit esté à chacun des admonnestez personnellement, & presentialement insinuée & intimée. A celle fin toutesfois que les admonnestez & citez à ladicte

excusation n'alleguent iceluy Concile & court Rommaine commune à chacun & le pays & le lieu estre moins seur pour eux, & que pour ces causes & autres deussent estre en peril tant en allant comme en venant & seiournant nous les asseurons par la teneur de ces presentes tous & singuliers Patriarches, Archeuesques, Euesques & autres Prelats & Clercs d'Eglises & de monasteres & personnes ecclesiastiques : & aussi Ducs, Comtes, Princes & cheualiers & escuyers & autres officiers de quelque estat ou condition qu'ils soient, avecques leurs lieutenans : & apres routes communalez comme villes, chasteaux & autres lieux nous, requerons par ces presentes & exhortons : & à iceux Patriarches, Archeuesques, Euesques & autres Prelats estroitement nous mandons, qu'à tous les deuantdiis admonestez ou chacun d'eux en venant à ce conseil ou à ceste dicte Court Rommaine, en demourant & seiournant en icelle pour l'occasion deuantdicte & en retournant à leurs personnes biens & autres choses, ne facent ne fessent faire ranc qu'ils le puissent amender, nul ennuy & offence à nuls hommes. Et ne soit licite comment qu'il soit ceste page de nostre citation, monition, volenté, requeste, exhortation, proces & commandement enfreindre ou par presumptueuse hardiesse aller à l'encontre. Et si est aucun qui presume attemper, l'indignation de Dieu rout puissant & des benoists apostres saint Pierre & saint Pol se cognoissent auoir encouru. Donné à Florence en nostre publicque session sinodale solemnnellement en l'Eglise la nefue : en laquelle ville de present nous sommes residens, l'an de l'incarnation dominicale mille cccc. xxxix. le dixiesme iour d'Auril & de nostre pontificat le dixiesme.

Comment mesure Jean de Luxembourg enuoya ses lettres aux cheualiers de la toison, à cause de ce qu'il se sentoit en l'indignation du Duc de Bourgogne.

Durant les besongnes dessusdictes, furent portées plusieurs nouvelles deuers le Duc de Bourgogne contraires & preiudiciables à mesure Jean de Luxembourg Comte de Ligny, & pour lesquelles ledit Duc ne fut point trop bien content de luy. Et pource principalement qu'il soubstenoit en ses villes & forteresses plusieurs gens de guerre, qui faisoient moult de rigueurs & de rudesses contre les gens & pays d'iceluy Duc. Si en fut ledit de Luxembourg aucunement aduertey. Et pource affin de luy excuser, escriuit certaines lettres aux cheualiers de l'ordre de la royson d'or de l'hostel du dessusdit Duc, desquelles lettres mot apres autre la reueur s'en suit.

TRESCHERS freres & compagnons, depuis peu de temps en ça aucuns mes bons amis m'ont aduertey, que mon tresredoubté seigneur le Duc de Bourgogne estoit indigné pour aucuns rapports lesquels luy ont esté fais à l'encontre de moy. Pour laquelle raison iay enuoyé deuers luy Jean Taillemonde & Huet mon clerc, par lesquels luy ay escript luy suppliant humblement, que de sa grace il ne luy plaist soy enfeonner contre moy, ne me tenir en son indignation sans moy ouyr en mes excusations raisonnables : lequel m'a par les dessus nommez escript vnes lettres de credence, & à iceux en sa presence fait faire responce de bouche, en declairant les poinrs dont il estoit informé & malcontent de moy. Lesquels pource qu'ils leur sembloient de grand poix, les ont requis d'auoir par escript : mais ils n'en ont peu finer, d'ot ie suis bien esmerueillé. Toutesfois

tesfois ils les m'ont declairez au mieux qu'ils ont peu, & sur iceux ie rescripts à mondit seigneur pour mes excusations. Et combien que i'esperoye les aucuns de vous auoir esté presens à leur declairer lesdits points, neantmoins afin de les vous raffreschir & vous informer de mes responces, sur ce ie vous escripts pareillement. Et premierement pour respondre au point de ladiçte credence que i'ay plus au cuer, & qui plus touche mon honneur: par lequel leur à esté declairé, que mondit seigneur à sceu de la part des Anglois que certain temps apres le traité d'Arras ils escriuirent à monseigneur de Rouën mon frere, que s'il plaisoit à mondit seigneur tenir paisible eux leurs seigneurs, païs, amis & allies, ils feroient enuers mondit seigneur & les siens les semblables, & que mondit seigneur & frere m'en aduertist pour en toucher à mondit seigneur a trouuer moyen pour a ce paruenir, dont combien qu'il m'en aye escript ie l'ay celé: parquoy s'en sont ensuis de grans maux & inconueniens, qui ne fussent pas se ie n'en fusse acquitté. Pour moy excuser de ce, sauue la reuerence de mondit seigneur le Duc desdits maux & inconueniens, ne sont point aduenus par moy n'à ma deffaulte ou negligence ne la guerre commencée ne conseillée. Et sçay de vray se mondit seigneur eust esté memoratif des devoirs & diligences que i'ay sur ce faictes, on ne m'en eust point donné charge. Car veritablement le lendemain que i'euz les lettres que mondit seigneur & frere m'enuoya touchant ceste matiere, qui furent escriptes à Rouën le xxix. iour de Ianuier l'an mille quatre cens trente & cinq: & lesquelles il receut le huietieme iour de Feurier ensuiuant, i'enuoyay pour ceste cause à mondit seigneur en la ville de Bruxelles aucuns de mes gens, qui y arriuerent le dixiesme iour de Feurier ensuiuant à tout mes lettres de credence: par lesquelles ie leur chargeay là declarer le contenu des lettres de mondit seigneur & frere, ainsi que par eux le rapport en fut fait. Surquoy leur fut faicte responce de par mondit seigneur par la bouche de l'Euesque de Tournay, que pour certaines causes qui leur declaira lors, que mondit seigneur n'auoit encores lors deliberé d'entendre au contenu desdites lettres de mondit seigneur & frere, qu'ils luy auoient esté exposées en substance. Et me donnay grand merueille de ce que ledit Euesque a dignité & honneur en l'Eglise, mesmement qu'il est réputé de si tresgrand prudence & l'un des chiefs du conseil de mondit Seigneur, qui de par luy feit la responce à mesdites gens, ne l'en aduertit pour s'en acquitter enuers luy, & aussi pour ma descharge: car si ainsi l'eut fait ie sçay certainement qu'on ne m'en eust point imposé ladiçte charge. Toutesfois si ce ne souffisoit pour ladiçte descharge, ie feray bien apparoir par lettres signées de la main de mondit seigneur, que ie l'en ay fait aduertir deuëment selon que mondit seigneur & frere le m'auoit escript: & que par les lettres de mondit seigneur & aussi pour les causes cy declairées, il m'escriuit qu'il n'estoit point deliberé d'y entendre. Et par ce pouez entendre se ie me suis acquitté & se telle charge m'en doit estre donnée. Et de cy en auant ay intention, au plaisir de Dieu le createur, de m'en excuser par tout où il appartiendra, tellement que chacun pourra cognoistre que la faute n'est point venue de moy. A l'autre point pour lequel m'est imposé, que i'ay enuoyé de mes gens deuers les Anglois à Calais depuis la conuenance & assemblée d'Arras sans le sceu de mondit seigneur & de ma trefredoubtée dame madame la Duchesse, & de ceux

du conseil : il est verité que lors que ie sceuz que madiete dame la Duchesse estoit à Grauelines, i'y enuoyay pour aucuns affaires cuidant que mondit seigneur le Cardinal y fut, comme on disoit qu'il y estoit : & baillay charge de parler à luy de certaine matiere dont autresfois ay parlé à mondit seigneur, & pour laquelle il m'a accordé enuoyer en Angletetre. Non point que ie voulusse estre fait receleement & estre incogneu à nulle personne quelconques : mais en appert, & generallyment au veu & sceu de tout le monde : & mesmement deuant madiete Dame & le conseil se le cas aduenoit. Et pource que mon tressouuerain seigneur le Cardinal dessus nommé n'y estoit point, & ne deuoit venir grand temps apres comme on disoit : celuy que i'y auoye enuoyé voyant que plusieurs alloient audit lieu de Calais, s'enhardit d'y aller pour aucuns de ses affaires. Mais il print congé de ce faire au lieutenant du capitaine de Grauelines qui ce luy accorda. Et pource s'auança d'y aller comme les autres, non cuidant riens mesprendre comme il m'a dit. Et vous certiffie que ie n'ay chargé, signifié ne fait dire ausdits Anglois chose qui puisse preiudicier le royaume, mondit seigneur ne ses pays, ne retarde les choses encommencées de par delà : & me semble qu'en ce on ne doit imaginer sur moy quelque suspicion de mal. Car se ie vouloye pretendre à telles fins dont Dieu me vueille garder, pouez assez considerer que ie l'eusse peu ou pourroye faire par autre maniere ou par gens incogneuz, marchans ou autres gens qui iournellement y repairent : mais ja à Dieu ne plaise que i'aye courage ne voulenté de ce faire, car oncques enuers mondit seigneur ne feis ne vueil, n'ay intention de faire chose que cheualier d'honneur ne puisse & doive faite. Touchant les lettres de garde qu'on dit que i'ay baillées & qu'auoye esté acertené estre à l'assemblée des trois estats pieça faite en la ville d'Arras. A laquelle auoit esté remonstré que mondit seigneur estoit puissant & plus, la mercy Dieu, que oncques ses predecesseurs Comtes d'Arthois n'auoient esté : parquoy il sembloit que audit pays ne deuoit auoir autre que luy. Et pource que autres choses auoient esté conclues, que plus nulles desdictes gardes ne seroient baillées sinon à mondit seigneur, ie n'ay point de souuenance que i'aye esté à quelque assemblée avecques iceux trois estats en ladicte ville d'Arras, où il y ayt ainsi esté conclud sur le fait desdictes gardes. Mais i'ay bien memoire qu'à l'ille en la maison du seigneur de Rombaix, où pour lors mondit seigneur tenoit son hostel en la presence de plusieurs de son conseil, fut conclud que nul ne bailleroit plus lesdictes gardes, & en fuz d'opinion comme les autres, & dis que ie n'en bailleroie nulles se les autres ne les bailloient. Et à ceste cause me departis, mais aucuns temps apres plusieurs recommencerent à en bailler. Et grand espace depuis quand ie veis ce, i'en baillay pateillement : mais ie n'entendoye point que mondit seigneur en deust estre mal content, ne qu'on me voulust tenir en plus grand seruitude que les autres. Mesmement que pour aucunes desdictes gardes par moy baillées, mondit seigneur m'en escriuit plusieurs lettres closes signées de sa main : si à fait madiete dame la Duchesse moy mandant que ie les voulusse bailler. Et par ce me semble que mondit seigneur n'en doit point estre mal content. Au regard de Risart de Neuville qu'on dit auoir esté tué à cause desdictes gardes, & le seigneur des Bosquets qui en sa maison fut chassé pour le Villenner. Combien que pour aucuns desplaisirs qui par eux

eux m'ont esté faits, ie n'ay pas esté bien content d'eux : neantmoins mondit seigneur bien informé de la verité, i'ay esperance que les rappotts qui luy ont esté fais ne seroient pas trouuez veritables : mais tout à l'opposite ils seroient trouuez menteurs & faulxaires. Quant à la desobeïssance qu'on veult dire, que font mes officiers & commis au Baillif d'Amyens, aux officiers du Roy & à ceux de mondit seigneur le dessufdit Duc de Bourgogne, qu'ils ne veulent souffrir y exploïcter. Et dient & veulent soubstenir par leurs raisons que ie n'ay nul serment fors tant seulement au Roy d'Angleterre. Je n'en ouys oncques faire mention iusques à present, & sans sçauoir les tors particuliers. Pourquoy n'à quelques gens ce ayt esté ne sçauroye bonnement que respondre. Et me semble que le Baillif d'Amyens que ie tenoye pour mon especial amy, m'en deust auoir aduetty : car s'il l'eust fait, ie luy eusse rendu peine d'y auoir pourueu à mon pouoir, tellement que i'esperoye que mondit seigneur en eust esté bien content du Preuost de Peronne qu'on dit auoir aguetté & chassé en la ville de Cambray pour le villenner, battre & tuer, i'en ay fait parler à mesdits archiers. Lesquels dient que eux estans allez esbatre au vingtiesme lieue de Cambray, il leur fut dit que ledit Preuost s'estoit vanté que s'il pouoit estre maistre d'eux il les prendroit & feroit pendre par les hatereaux : pourquoy soubdainement s'esmeurent & chaudement le poursuiuirent pour sçauoir s'il leur vouloit mal. Et assez tost apres sceurent qu'il n'auoit point ainsi parlé d'eux, & pource se departirent. Et quant aux menaces qu'on dit par eux auoir esté faictes à l'abbé dudit saint Aubert de Cambray, ils s'en excusent. Quant au receueur de Peronne qui se plaint, disant qu'il ne peult exercer son office ne les peageurs de Bapammes à Peronne, pour les enpescchemens que y mettent mes officiers, mondit seigneur sinformerà & m'en fera escrire plus au luy : Et quand il plaira à mondit seigneur m'en faire aduertir, i'ay esperance d'y faire telle & si bonne responce que par raison il n'en deura point estre mal content. Et au regard de maistre Ador Caperel qui a informé mondit seigneur, que ie l'ay fait aguetter pour le villenner : ie vous certifie qu'il ne sera point ainsi trouué pour verité, & requiers que sur ce soit faicte bonne & vraye information. Et s'il appert deuëment que ie l'aye fait aguetter moy-ouy, ie suis content d'en receuoir telle punition que de raison il appartiendra : mais s'il est trouué le contraire, ie vous prie que vous vueillez tenir la main vers mondit seigneur à ce que ledit Caperel & autres qui ont fait tels faux mauuais & mensongiers rappotts, soient punis tellement que tous autres y en prennent exemple. Et que apperceiue que mondit seigneur ne nuls de ceux de son conseil ne veuillent souffrir de tels rappotts estre faits contre moy, ne autres ses seruiteurs. Et pource treschiers freres & compaignons que ie vous sens de grand prudence & discretion ay mains loyauté, honneur & grand noblesse, & que vous ne voudrez vn de voz freres estre chargé sans cause. Et en ce moy confiant, & pour plainement vous informer & aduertir desdictes charges & de mesdictes excusations : ie vous escrips par la maniere dessus declairée, vous priant fraternellement & tant à certe comme ie puis, que vous vueillez tenir la main enuets mondit seigneur à ce que de sa grace il luy plaïse oster de moy son indignation, & estre content de mes excusations & responce cy dessus contenues : & aussi qu'il ne luy plaïse de croire rappotts qui luy ont

esté ou pourroient estre faits à l'encôtre de personne, sans le moy signifier pour y respondre & estre ouy en mes excusations raisonnables, ainsi que vous sçauiez que de raison à vn chacun faire se doit. Et veritablement se par vous ne suis en ceste matiere assisté, & qu'on vueille proceder enuers moy en telle maniere & sinistres rapports sans estre ouy comme dessus est dit, ie ne m'en sçauroye enuers qui me retraire, & n'auroye plus d'esperance d'estre entretenu en termes de raison: pourquoy i'auroye cause de m'en douloir comme ces choses pouez assez cōsiderer, lesquelles ledit Thallemonde & Huet ou l'un d'eux vous en pourroient dire plus à plain. Treschiers freres & compaignons se chose vous plaise: que faire ie puisse signifiez le moy, & ie le feray de tresbon cueur, comme sçait nostre seigneur qui vous ayt en sa benoïste grace. Escript en mon hostel de Bohain le iour de la Chandeleur.

AINSI escript messire Jean de Luxembourg aux cheualiers de l'ordre de la toison: desquels grand partie auoient grand affection d'eux employer deuers ledit Duc de Bourgogne, à ce que messire Jean de Luxembourg demourast tousiours en sa grace. Et luy remonstroient tressouuent plusieurs causes raisonnables, parquoy il estoit tenu de souffrir de luy: mais de iour en iour s'ourdoyent nouuelles besongnes entre eux, & faisoit on diuers rapports au dessusdit Duc de Bourgogne de luy. Et encores de rechef aduint en ce mesmes temps, qu'en la preuosté de Peronne on meit sus vne grand ayde de certaine somme de pecune à leuer & recueillir sur iceluy. Et entre les autres furent taxez pour le payer aucuns villages des seigneuries, de Ham & Neelle, lequel pour ce temps possiedoit ledit messire Jean de Luxembourg: lequel ne fut point bien content que lesdits aydes se leuaissent sur nuls de ses subiects: mais de fait feit & entreiecta vne appellation contre les officiers dudit Duc de Bourgogne, qui l'auoyent assiste & le vouloyent cueillir. Lequel Duc non content de ce enuoya aucuns de ses archiers avecques les sergens, qui auoient charge de faire ladicte execution de l'ayde dessusdicte. Et quand ils furent venus en icelles seigneuries, ils commencerent à prendre & leuer des biens desdits subiects assez rigoureusement. Et tant que iceux subiects s'en allerent plaindre en ladicte ville de Ham à Iacotin de Bethune, qui là estoit en garnison. Si feit tantost les gens monter à cheual en tresgrand nombre pour aller veoir que ce vouloit estre. Et luy mesmes en personne y monta pour aller apres. Si s'en allerent où estoient les archiers & officiers dudit Duc de Bourgogne dessus nommez: lesquels de premiere venue sans enquerir à qui ils estoient, furent tresbien battus. Et y feut vn sergent de Mondidier fort nauré en plusieurs lieux: mais quand ledit Iacotin qui venoit apperceut que c'estoit les archiers du Duc de Bourgogne, il feit cesser les gens & l'excusa aucunement à eux, en disant qu'il entendoit que ce feussent les escorcheurs, c'est à sçauoir les gens du Roy Charles. Neantmoins ils furent tresdurement villannez & retournerent brief ensuiuant deuers leur seigneur & maistre ledit Duc de Bourgogne, auquel ils firent grand plainte de la besongne dessusdicte, dont ledit Duc fut tresmalcontent & moult fort indigné contre ledit messire Jean de Luxembourg & ses gens: tant qu'il luy en vouloit faire faire amende quoy qu'il en fut ne deust aduenir. Si escriuit brief ensuiuant audit de Luxembourg qu'il luy enuoyast ledit Iacotin de Bethune

thune & ses autres gens, qui auoient fait ceste offence: ce que ledit de Luxembourg luy refusa en luy excusant, comme dit est cy dessus, disant qu'ils ne cuideroient point adresser sur ses gens: & par ainsi multiplia la hayne entre eux. Et d'autre part assez brief ensuiuant iceluy Jacotin rua ius des postes qu'il auoit en la garde, aucunes gens qui estoient aux Comtes de Neuers & d'Estampes: & de fait y fut occis vn gentil-homme nommé Jean de la Perriere, qui estoit capitaine des autres & encores aucuns autres, dont les seigneurs dessusdits furent malement troublez & le prindrent trefmal en gré. Toutesfois ledit de Luxembourg estoit fort doubte, pource qu'il auoit de moult puissantes places: c'est à sçauoir Couffy, Beaulieu, Han sur Somme, Neelle, la Ferté, saint Goubain, Marle, Arsy, Montagu, Guise, Herison, Bouchain, Beaufort, Honnecourt, Oisy & autres forteresses qui estoient garnies de gens puissamment. Et si n'estoit point encores delié des Anglois, comme dit est ailleurs: mais s'y fioit moult grandement, pourquoy tous ceux qui auoient grand voullenté d'entreprendre contre luy, auoient doubte qu'au cas qu'on luy courust sus & feroit on guerre de quelc costé que ce feust, qu'il ne boutast leldits Anglois en ses forteresses & en ses villes, qui eust esté la destruction de plusieurs villes & pays. Et pour icelle doubte principalement se dissimuloient tous ceux qui l'auoient en hayne: lequel temps durant il entretenoit en ses places plusieurs gens de guerre en intention de resister & luy deffendre contre ceux qui nuyre ou greuer le vou droient, tant François, Bourgongnons comme autres: desquelles gens de guerre plusieurs pays estoient fort trauaillez, & par especial le pays de Cambresis. Et mesmement sous ombre de ses gens venoient tressouuent les Anglois de Creil & autres garnisons, qui prenoient plusieurs hommes prisonniers & autres bagues pillotent, & emmenaient és autres forteresses de leur party & de leur obeissance. Et aussi plusieurs gés dudit messire Jean de Luxembourg auoient grand hantise & communication avec leldits Anglois. Auquel temps y auoit vn nommé Perrinet Quatre-yeux, qui estoit de deuers Beauuais en Cambresis: lequel estoit guidé d'eux, & les auoit amenez plusieurs fois en iceluy pays où ils auoient prins & rançonné aucuns riches hommes: mais il aduint que pour continuer en son mauuais propos, il estoit venu en vne censle assez pres d'Oisy nommée Gourgouche. Auquel lieu le sceut ledit de Luxembourg, qui estoit en la forteresse d'Oisy. Et incontinct y enuoya ses archiers qui sans delay le meirent à mort, & furent enterrez en vne fosse: pour laquelle besongne & execution, il acquist grand louenge de tous ceux du pays.

Comment le Comte de Richemont Connestable de France print la ville de Meaux en Brie sur les Anglois.



N apres durant toutes ces tribulations Artus de Bretagne Comte de Richemont Connestable de France, assembla iusques au nombre de quatre mille combattans de gens de guerre: avec lequel estoit la Hire, Floquet, le seigneur de Torfy, messire Gilles de S. Symon & plusieurs autres capitaines François, tant de gens de Champaigne François comme autres, à tour lesquels il se tira à l'entrée du mois de Iuillet deuant la ville de Meaux en Brie, que pour lors tenoient les Anglois. Et tout de premie-

re venue se logea à Champ-Commun, qui est vn bien gros village. Et brief apres ensuiuant feit assieger vne bastille deuant icelle ville de Meaux deuant la porte de sainct Remy: & apres feit loger ses gens en l'abbaye de sainct Pharon, aux Cordeliers, & en autres diuers lieux de ladicte ville. Et rantoist apres fut mise vne bastille en l'Isle vers la tour de Constances, & si en fut faicte vne encores par messire Denys de Chailly à la porte de Cormillon vers la Brie. Et depuis en furent faictes cinq en deux isles vers la court de Supletes contre le marché, qui toutes furent fournies de gens de guerre. En outre furent dressez plusieurs gros engins contre les portes & murailles de la dessusdicte ville, qui tresfort la dommagerent. Et tant en ce fait continuerent qu'en la fin de trois sepmaines, le dessusdit Connestable de France & ses capitaines conclurent l'vn avec l'autre de faire assaillir icelle ville par leurs gens d'armes, qui en estoient en moult grand volenté: duquel assaut elle fut prinse & conquisse à peu de perte de leurs gens. Et fut prins dedans icelle le bastard de Thian, lequel rantoist apres eut le haterel couppé, & avecques luy vn gentil-homme nommé Carbonnel de Haule, avec aucuns autres. Et si furent morts des dessusdits assiegez tant en deffendant leurs gardes comme eux retrayant au marché enuiron le nombre de soixante hommes, & de quarante à cinquante prisonniers parmy les deux dessusdits. Apres laquelle prinse le dessusdit Connestable & la plus grand partie de sesdictes gens, se logea dedans ladicte ville: toutesfoies demourerent gramment de gens en aucunes desdictes bastilles. Si estoient dedans le marché de Meaux pour chief: de la part des Anglois messire Guillaume Chambellan, messire Iean Rippelay & aucuns autres enuiron cinq cens combattans. Et par auant deuant la venue d'iceluy siege, auoient enuoyé certains messages de leurs gens à Roüen, pour signifier la venue desdits François leurs aduersaires, en requérant aux commis du Roy Henry d'Angleterre qu'ils fussent secouruz au plus brief que bonnement faire se pourroit. Pour lequel secours bailler, le Comre de Cambreslech qui lors auoit la charge de par icelluy Roy d'Angleterre de la garde & gouuernement de la Duché de Normandie: & avec luy messire Iean de Talebot, le seigneur de Fauquemberge, messire Richart d'Andeuille, & aucuns autres capitaines Anglois accompagnez de quatre mille combattans ou enuiron, se meirent à chemin sur intention de leuer ledit siege. Et cheuaucherent rant qu'ils vindrent dedans la ville de Meaux: dedans laquelle le dessusdit Connestable sçachant icelle venue, auoit fait retirer ses gens & ses habillemens de guerre qui tresbien leur vint à point: car pour vray s'ils eussent esté trouuez aux champs, il y eust eu grand melchief d'vn costé & d'autre. Et vous dy que les Anglois ne desiroient autre chose que de trouuer lesdits François pour les combattre. Et de ce feirent plusieurs requestes par leurs officiers d'armes audit Connestable, qui ne leur vouloit accorder. Et entre-temps furent faictes aucunes escatmouches entre les parties: à l'vne desquelles lesdits Anglois gaignerent sur les François bien vingt bateaux de viures & d'autres biens. Et d'autre part fut abandonné vne bastille que tenoit le seigneur de Moÿ. En apres assaillirent iceux Anglois & prindrent de fait vne autre bastille qui estoit en l'Isle aupres du marché dedans laquelle furent morts de cent à six vingts hommes du party des François, & les autres furent prisonniers. Durant lequel temps les dessusdits Anglois

glois voyans que les François n'auoient point voulenté de les combattre, & aussi qu'il leur estoit impossible de les greuer dedans leur fort, se disposerent de retourner en Normandie, apres qu'ils eurent rafeſchy leurs gens qui estoient audit marché de Meaux. Si se departirent de Meaux & par la mesme marche dont ils estoient venus, s'en retournerent audit païs de Normâdie. Apres lequel departement ledit Conneſtable & ses gens s'efforcèrent de rechef moult fort de guerroyer & combattre ceux du deſſuſdit marché par diuers engins : & tant en ce continuerent que enuiron trois ſepmaines apres enſuiuant ledit ſite Guillaume ſeit traité avec ledit Conneſtable pour luy & pour ſes gens : par telle condition qu'ils ſ'en iroient ſauues leurs vies & leurs biens : lequel traité conclud & finy, leur fut donné bon & leur ſauſconduit, & ſ'en r'allèrent à Roüen : où ledit capitaine fut fort reproché de ceux qui auoient le gouuernement : & de fait fut mis priſonnier au chaſtel de Roüen, pourtant qu'il auoit ſi toſt rendu iceluy marché de Meaux, qui estoit bien garny de viures & aussi d'abillemens de guerre, & ſi estoit aussi vne des fortes places du royaume de France. Neantmoins depuis il trouua maniere de luy excuſer vers les ſeigneurs de ſon party, par lesquels il fut mis à plain deliurance. Ou temps deſſuſdit fut decapité & eſcartellé vn gentil-homme nommé Jean de la Fange, qui estoit au Conneſtable de France, pource qu'il fut trouué coupable d'auoir pourparlé avecques les Anglois ſur aucunes beſongnes, qui estoient preiudiciables au Roy de France & à ſa ſeigneurie. Si fut pour lors aussi eſcartellé avecques ledit Jean de la Fange vn ſergent du Chaſtellet de Paris.

Comment meſſire Jean de Luxembourg enuoya lettres d'excusations deuers le grand conseil du Duc de Bourgogne & la teneur d'icelles.

EN apres meſſire Jean de Luxembourg Comte de Ligny & de Guise, lequel de iour en iour ſçauoit par les rapports qui ſaĩts luy estoient, comment le Duc de Bourgogne estoit mal content de luy. Et ce principalement pour l'offence qui auoit eſté faiſte encontre ſes archiers par Iacotin de Bethune & ſes gens, cōme en autre lieu cy deſſus eſt plus à plain declaré. Et afin que ſurce ſe peuſt excuſer. Et aussi ledit Iacotin eſcriuit lettres à ceux du grand conseil dudit Duc de Bourgogne, duquel la teneur ſ'enſuit.

TRESREVERENDS Petes en Dieu treſchiers & treſamez couſins, & treſeſpeciaux amis : ie croy qu'il ſoit aſſez venu à voſtre cognoiſſance certain debat, & ſoubdainement & par meſchef adueni, entre aucuns archiers de mon treſredoubté ſeigneur le Duc de Bourgogne & les gens de Iacotin de Bethune en ma ville de Ham. Par lequel mon treſredoubté ſeigneur a conceu indignation contre moy, dont i'ay eſté & ſuis tant deſplaiſant que plus ne puis. Et pour vous donner à cognoiſtre le cas, & les deuoirs où me ſuis mis enuers mondit ſeigneur le Duc : en vous faiſant aſſauoir que ſe i'auoye fait aucune choſe vers luy, pourquoy il ait cauſe de ce faire : pour ma deſcharge ie vous en eſcripts ledit cas, qui eſt tel. C'eſt à ſçauoir que parauant ledit debat les officiars de mondit treſredoubté ſeigneur impoſerent ſur les champs vne taille, ſans à ce euoquer les trois eſtats d'iceluy, au moins au nombre competent : laquelle taille ils vouloient eſleuer ſur mes terres. Dont aucuns officiars appellerent, & demou-

Ee

ra la chose en ce point. Et pendant ce aucuns, qu'on nommoit escorcheurs, ceux de Valois & autres gens d'armes se demostroient moy vouloit faire guerre. Pourquoy me conuint mettre gens en mes places & forteresses. Entre lesquels ie adiournay en ladicte ville de Ham ledit Iacotin & cetera. Certain tēps apres vindrent aucuns compaignons de cheual en plusieurs de mes villaiges d'enuiron ladicte ville de Ham, coutans par les champs & prenans cheuaux, vaches & autres biens. Parquoy vindrent audit lieu de Ham plusieurs femmes, criant qu'on emmenoit ainsi leurs biens. Lots ledit Iacotin, cuidant certainement que ce fussent lesdits escorcheurs, enuoya ses gens sur eux, & y eut aucune voye de fait d'un costé & d'autre. Mais tout incontinent que ledit Iacotin, qui suiuoit les autres gens, sceut que les desusdits compaignons se disoient archiers de mondit trefredoubté seigneur, il feit cesser ses gens: & estoit tant desplaisant dudit cas, que plus ne pouoit. Car il n'eust iamais cuidé de prime face, qu'ils eussent esté à mon trefredoubté seigneur, attendu ledit appel. Et aussi les grans derisions qu'ils faisoient enuiron la ville de Ham. Et mesmement que ils auoient dit par auant, qu'ils n'auoient point de charge de exploict sur mes terres. Poutquoy appert ledit debat estre aduenü par meschief soubdainement. Ce nonobstant mon trefredoubté seigneur m'a à ceste cause fait sommet de luy deliurer le desusdit Iacotin de Beihune, & ses gens. Pour laquelle cause, j'ay de iceluy cas fait faire information par gens de iustice present tabellion royal: & fait remonstret à mon trefredoubté Seigneur, l'effect d'icelle: par laquelle appert ledit Iacotin & ses gens non estre coupables en la maniere que mondit trefredoubté seigneur, monseigneur le Duc en estoit informé. Mais que ledit cas estoit aduenü par la coulpe desdits archiers, & exploits par eux faits contre les tetmes de iustice. En luy priant que ce considéré, il luy plaist estre content de moy, & que la chose fut traictée par voye de iustice: & qu'il luy en pleust faire information par ses gens, tels qu'il luy plairoit, pour en estre fait ainsi que de par raison appartiendroit: en offrant que sil estoit trouué que luy eusse aucune chose mesfait, moy ouy en mes excusations, de luy amendet, & de luy en tequerir padon. Et encores pour plus moy humilier, & affin d'ostet de luy toutes imaginations qu'il poutroit auoir conceües à l'encontre de moy, de ce que onques ne luy mesfeiz, par franchise ie luy ay voulu crier mercy: desquelles offres il n'a voulu estre content, mais a fait saisir & mettre en ses mains les tettes que moy & ma femme auons en ce païs de Brabant & Flandres: laquelle chose m'a esté & est bien dute: considéré que en tiens ie n'y suis coupable dudit cas: & que ie me suis offert en toute iustice & raison, selon ce que dit est, & posé qu'on me voulüst dire estre coupable, ce qui ne sera point trouué, il n'y a lieu de confiscation ne cause raisonnable d'empescher le mien: mesmement selon les droits, loix, & coustumes desdits païs toutes lesquelles choses, pour plus auant me mettre en mes deuoirs, j'ay bien au long declairé au seigneur de Santhois: qui de sa courtoisie est venu deuers moy, & que j'ay prié trefinistamment qu'icelle voulüst remonstret à mon trefredoubté seigneur, & luy supplier que de sa bonne grace, il luy pleust moy ouutir la voye de iustice. Et i'estoye prest moy ouy en mes excusations, d'estre en droit par deuant mondit seigneur le Duc de Boutgongne, mes seigneurs de son ordre, & au-

tres personnes de son conseil. Ou par deuant les trois estats de seldits pays de Brabant & de Flandres ou par deuant les iuges, & loix dont sont mouuans mesdits tenemens. Suppliant en outre qu'il pleust à mon trefredoubté seigneur à ce moy receuoir, & faire leuer la main de mesdites terres. En quoy n'est point que ie vueille fuir mondit seigneur, ne sa iustice, ne querir à iuges nuls autres princes que luy & ses gens, comme dessus est dit. Et semble que selon Dieu, noblesse & bonne iustice on ne me deuroit ce reffuser: car ie ne croy point que ie me puisse plus mettre & faire mon deuoir, que de requerir estre traité par iustice par monditz seigneur, qui est Prince tant renommé, par messeigneurs de son ordre, qui sont ses parens, ses freres, & ses amis, & gens d'ellite & bonne preud hommie: par son conseil, & par les trois estats & iuges desdits pays subiects à luy, où il ya tant de notables & saiges personnaiges. Et en outre de presenter, d'amender, de crier mercy à monditz seigneur monseigneur le Duc: mesmement de ce qu'onques ne luy meffiz, ainsi comme dessus est dit & declairé. Et neantmoins j'ay sceu depuis par aucuns qui pour ceste cause sont venus deuers moy, que monditz trefredoubté seigneur ne veult point estre content, se ie ne luy liure leditz iacotin de Bethune: laquelle chose m'est & seroit impossible de faire, car il n'est point en ma puissance. Et si n'est pas vray, ce semble, que nul qui se sentir en l'indignation d'un tel Prince, si hault & si puissant comme mon tres redoubté seigneur, se voulüst laisser apprehender, pour estre liuré à martyre: Et pour ce treschiers & especiaux amis que les choses dessusdictes seroient trouuées veritables: ie les desire donner à cognoistre pour ma descharge à vous qui estes notables, cognoissans que c'est de raison: & les vous signifie, vous priant tant humblement que ie puis, que icelles vueillez remonstrer à monditz trefredoubté seigneur, & tenir la main à ce qu'il luy plaise estre content de moy, & faire leuer la main de mesdites terres. Et au surplus ouuir la voye de iustice en moy y employant par toutes voyes & manieres que pourrez, ayans consideration comment des le temps de ma ieunesse j'ay loyaument seruy feu monseigneur le Duc Iean, à qui Dieu pardoint. Et monditz trefredoubté seigneur qui est à present, comme chacun sçait: & à mon loyal pouoir ay aydé à garder leurs pays. Et se ainsi estoit qu'à tort on detint mesdites terres sans moy vouloir demonstrier iustice: laquelle on ne doit reffuser à nul qui la requiert, pourtant qu'il vueille estre à droit, ie vous prie que ayez memoire & souuenance des offres & deuoirs en quoy ie me suis mis: lesquels sont cy dessus plus amplement declairez. Reuerends Peres en Dieu, treschiers & tresaymez cousins, & tresespeciaux amis: se chose voulez que ie puisse faire, signifiez le moy, & ie le feray de trefbon cuer, comme sçait le benoist fils de Dieu, qui vous ayt en sa sainte garde. Escript en mon chastel de Vendoul le treiziesme iour d'Auil. La superscription estoit: A mes treschiers & tresamez cousins & especiaux amis, les gens du grand conseil de mon trefredoubté seigneur, mon seigneur le Duc de Bourgogne.

QVAND les dessusdits seigneurs eurent receuës & venës les lettres, ils se meirent ensemble pour auoir aduis, qu'il en estoit bon de faire sur ceste matiere: & par especial ceux de l'ordre de la roison d'or: duquel orare leditz messire Iean de Luxembourg estoit, seirent plusieurs diligences pour trouuer

maniere qu'il fut reconcilié avecques ledit Duc: car moult doubtoient que s'il aduenoit qu'il conuint qu'on procedast par voye de fait à l'encôtre de luy, qu'il en aduendroient grans inconueniens aux pays d'iceluy Duc: pource principalement, comme en autre lieu est declairé, qu'ils le sentoient estre homme de haute entreprinse de sa personne, bien pourueu de puissantes villes & fortresses pour faire forte guerre se besoing luy en estoit. Si estoit avecques ce encores allié aux Anglois, qui luy auoient promis de bailler assistance & secours, & aussi luy liurer gens toutes & quantes fois que besoing en auroit. Auoient regard aussi aux grans seruices qu'il auoit faits au dessusdit Duc de Bourgongne & à ses pays par plusieurs fois & de moult long temps. Et d'autre part veoient que les François de iour en iour entreprenoient en diuers lieux sur les terres & pays du deuantdit Duc: & selon leur aduis entretenoient tres mal les poinctz & les articles du traité d'Arras dernièrement fait. Pourquoy tout considéré il leur sembla par plusieurs raisons, qu'il valloit mieux que ledit de Luxembourg fut receu en faisant les satisfactions qu'il offroit à faire qu'autrement. Et pourtant apres que ladicte matiere eut entre eux esté par plusieurs fois debattue, conclurēt tous ensemble d'eux essayer enuers ledit Duc de Bourgongne leur seigneur, pour sçauoir s'ils y pourroient mettre aucuns bons moyens. Et de fait, luy en toucherent bien au long, en luy remontrant toutes les besongnes dessusdictes par diuerses fois. Et entre les autres y continua treslouuent messire Hue de Launay seigneur de Santhois, qui auoit la chose moult fort à cuer, & aussi auoient aucuns des autres. Neantmoins de prime face trouuerent ledit Duc en assez froide maniere & responce: car entre autres choses estoit tresfort indigné pour l'offence qui auoit esté faicte & commise contre ses archiers, plus que de toutes les autres. Et aussi les Comtes de Neuers & d'Estampes qui auoient euz leurs gens morts & destrouffez par ledit Iacotin de Bethune, comme dessus est dit: dont plus auoient la besongne à cuer & leur en desplaisoit moult grandement, & non point sans cause. Toutesfois les dessusdits seigneurs par longue continuation en ce pourparlerent tant pour les besongnes dessusdictes, qu'il se commença à condescendre d'ouyr iceux, & les offres qu'ils faisoient pour le dessusdit messire Iean de Luxembourg. Et finalement tant feirent les dessusdits, & tant furent pourmenées lesdictes besongnes & tant approchées, qu'on print iournée pour estre les deux parties ensemble en la cité de Cambray. Duquel lieu y furent de par ledit Duc l'Euesque de Tournay, maistre Nicole Raoulin seigneur d'Authun son Chancelier, messire Hue de Launay, le seigneur de Saueuses & plusieurs autres notables personnages. Et pareillement fut messire Iean de Luxembourg accompagné aussi de plusieurs notables personnages tant chevaliers & escuyers comme gens de conseil, & mesmement y estoit le dessusdit Iacotin de Bethune: & eux venus ensemble, certains iours ensuiuans furent les matieres ouuertes & mises auant sur tous les troubles qu'on disoit auoir esté faits contre le Duc de Bourgongne & ceux de ses pays, par iceluy messire Iean de Luxembourg & ceux de sa partie. Ausquelles ouuertures ledit messire Iean de Luxembourg feit respondre sur tout en luy excusant de la plus grand partie, offrant du surplus, tant par luy comme par ses gens, faire si auant qu'il appar tiendroit. Et apres que tout eut esté pourparlé bien & au long en la maniere dicte,

Et, on meir par'escrit les traictez tels qu'il sembloit qu'ils feussent raisonnables pour vne partie & pour l'autre pour venir à paix. Si furent monstrez audit messire Jean de Luxembourg, qui aucunement y feist corriger aucuns poincts lesquels n'estoient point à son plaisir. Et depuis furent rapportez deuers le Chancelier & autres du conseil, qui de rechief y feirent aucunes correctiōs. Et pourtant quand autresfois on les apporta audit de Luxembourg, quand il les eut veuës & ouïes ils ne luy furent agreables. Si se troubla assez soubdainement & les descira par despir. Er dir rout hault que l'Euesque de Tournay & le Chancelier ne l'auoient poinr à leur plaisir. Et brief ensuiuant par le moyen des seigneurs & gens du conseil tant d'un costé comme d'autre, tout se rappaisa. Et en fin de conclusion furent assez bien d'accord, en retenant tant seullemēt sur ce l'aduis & bon plaisir dudit Duc, auquel ils le deuoient apporter par escrire. Er entre autres choses ledit laconin de Bethune se deuoit aller rendre aux prisons dudit Duc pour estre en sa mercy: mais les seigneurs luy promeirent, c'est à sçauoir ceux de la partie dudit Duc estans audit lieu de Cambrai, qu'ils s'emploiroient de tout leur bon pouoir enuers luy, afin qu'il le receut en sa bōne grace & misericorde. Et ainsi toutes ces besongnes traictées, fournies & accomplies par la maniere dessusdictē, feirent les dessusdits seigneurs du conseil tous ensemble tresioyeuse chiere l'un avec l'autre en l'hostel dudit messire Jean de Luxembourg. Pour lequel traicté & pacifement, plusieurs pays & contrées, & auec les habitans d'iceux tant nobles comme gens d'Eglise & autres en eurent tresgrand lieffe, quand ils sceurent iceux traictez estre acheuez. Er brief ensuiuār se departirent les deux parties de la dessusdictē cité de Canibray, & retournerent les gens du Duc de Bourgongne deuers luy, & monstrèrent ce qu'ils auoient besongné, dont il fut assez bien content: & certain temps apres ledit laconin de Bethune alla deuers luy en sa ville de Hesdin, & se rendit en sa mercy en luy requerant que s'il auoit aucune indignation à l'encontre de luy, il luy pleust le recevoir en sa grace, lequel Duc l'enuoya prisonnier. Et peu de temps apres par les rreshumbles requestes & prieres d'aucuns seigneurs notables & de grand auctorité & ceux de son conseil, il le feir deliurer sur aucunes conditions qui lors prestement luy furent declairées.

Comment le Roy Charles de France enuoya dame Katherine sa fille deuers le Duc de Bourgongne, pour l'accomplissement de la promesse du mariage d'icelle Dame, & du Comte de Charrolois fils audit Duc.

Ncest an enuiron le mois de Iuing le Roy Charles de France feist departir dame Karherine sa fille hors de son hostel, icelle moulr haultement & honorablement accompagnée des Archeuesques de Reims & de Narbonne, des Cōntes de Vendosme, de Tonnerre & de Dunois, du ieune fils du Duc de Bourbon nommé le seigneur de Beau-jeu, du seigneur de Dampierre & autres plusieurs grāis & notables seigneurs chevaliers & escuyers accompagnez de trois cens cheuaucheurs ou enuiron, pour la mener & conduire deuers le Duc de Bourgongne. Auquel, comme dit est ailleurs par cy deuant, il auoit accordé pour son fils le Comre de Chatrolois auoir en mariage. Avec laquelle dame estoient pour le conduite la dame de Roche-

fort & plusieurs autres nobles dames, & damoiselles en tresnoble & bel estat. Et tant cheminerent par plusieurs iournées, qu'ils vindrent en la cité de Cambray où ils seiournerent par l'espace de trois iours. Et y furent grandement receuz & festoyez de ceux de ladicte ville, tant de gens d'Eglise comme des gouuerneurs & habitans d'icelle. Auquel lieu de Cambray par le dessusdit Duc de Bourgongne pour receuoir ladicte dame, les Comtes de Neuers & d'Estampes, le Chancelier de Bourgongne & autres en moult grād nombre de gens & notables seigneurs, cheualiers & escuyers: avec lesquels estoient la Comtesse de Namur, la dame de Creuecueur, la dame de Hautbourdin & plusieurs autres femmes d'estat. Si firent ces seigneurs en icelle ville de Cambray de moult grans honneurs & chieres ioyeuses, avec grans receptions l'un avec l'autre: & portoit on la dessusdicte dame aagée de dix ans ou enuiri sur vne litiere moult richement parée & appointée. Et à toutes bonnes villes où elle passoit, tant es bonnes villes du Royaume comme dudit Duc de Bourgongne, on luy faisoit tres grand honneur & reuerence. Et à l'entrée d'icelles bonnes villes descendoient communément dix ou douze gentils-hommes à l'entrée de la porte, qui tenoient la main à ladicte litiere tant qu'elle fut descendue à son hostel. Et partant de Cambray allerent par aucuns iours en la ville de S. Omer, où ledit Duc de Bourgongne estoit & tenoit son estat: lequel grandement accompagné de cheualiers & escuyers issit hors d'icelle ville, & vint aux champs: & luy venu au deuant de ladicte dame Katherine de France la conioiūt & festoya moult reueramment, & luy feit moult grand honneur & ioyeuse reception, & tous ceux qui estoient avec luy: & les mena dedans ladicte ville de S. Omer, où le mariage fut parconserrmé. Si y furent faictes grandes & melodieuſes festes & esbatemens par plusieurs iournées tant en iouſtes comme autrement, tout aux despens dudit Duc de Bourgongne. Et estoit lors l'entrepreneur d'icelles iouſtes pour la partie d'iceluy Duc, le seigneur de Crequy contre les autres defendans. Si demourerent les dessusdits seigneurs assez longuement au dessusdit lieu de S. Omer, pour estre à vn parlement qui se deuoit faire d'entre les deux Roys de France & d'Angleterre entre Grauelignes & Calais, duquel assez tost ie feray mention.

Comment le Bastard de Bourbon print la ville de la Mothe en Lorraine.



N cest an le Bastard de Bourbon se partit de Iargueaux à tout quatre cens combattans ou enuiron: lesquels il conduisit & mena par plusieurs iournées iusques à la Mothe en Lorraine, laquelle il print assez soubdainement d'emblee. Et tous les biens qui estoient dedans: c'est à sçauoir les biens portatifs furent par les gens prins & rauiz. Et fut dedans icelle enuiron vn mois: durant lequel temps il courut & pilla le pays en plusieurs & diuers lieux. Et mesmement courut sur la ville de saint Nicolas de Varengeville, qui de treslong temps par auant n'auoit esté adommagée ne courüe par nulles gens de guerre quels qu'il feussent. Et adóc les seigneurs & gouuerneurs dudit pays de Lorraine voyans la destruction totale d'iceluy par le moyen d'icelle garnison, traicterent avec iceluy Bastard de Bourbon, par condition qu'il auroit certaine grand somme d'argent, & il leur rendroit icelle ville de la Mothe.

the. Lesquels traictéz concluds & du tout confermez, ledit Bastard sen departit d'illec à tout ses gens pour retourner dont il estoit venu: mais ainsi qu'il passoit assez pres de Langres fut poursuiuy, & attain par messire Iean de Vergy, Anthoine de Gelet, Philippot de Sainginis & aucuns autres: lesquels le ruerent ius & le destrousserent. Et si en demoura morts sur la place bié six vingts ou mieux, & les autres en la plus grand partie furent prisonniers. Et par ainsi ceux qui furent destrobbez, furent d'iceux pillarts aucunement vengez: mais pourtant ne rauoient point leurs biens. Et au regard dudit Bastard il n'y fut mort ne print.

Comment plusieurs notables ambassadeurs s'assemblerent entre Grauelignes & Calais sur le fait du parlement, qui se deuoit tenir & faire entre les Roys de France & d'Angleterre.



Tem en ce temps furent assemblez plusieurs notables ambassadeurs entre Grauelignes & Calais au lieu, où l'an precedent auoient esté ordonnez tant de par les Roys de France & d'Angleterre, comme par le Duc de Bourgogne. Entre lesquels y estoient de par le Roy de France l'Archeuesque de Reims grand Chancelier, l'Archeuesque de Narbonne & l'Euesque de Chaallons, les Comtes de Vandosme & de Dunois, le seigneur de Dampierre, messire Regnault Girard capitaine de la Rochelle, maistre Robert Mailliere & Andry le Beuf. Et de la partie dudit Duc de Bourgogne, la Duchesse sa femme, l'Euesque de Tournay, maistre Nicolas Raoulin Chancelier dudit Duc, le seigneur de Creuecueur, le seigneur de Santhois, maistre Pierre Bourdin, messire Philippe de Nanterre & plusieurs autres. Et du costé du Roy d'Angleterre le Cardinal de Vincestre, l'Euesque d'Iorth, l'Euesque de Noruich, l'Euesque de saint David, l'Euesque de Lisieux, le Doyen de Salsbery, le Duc de Nortfort, le Comte de Scafort & son frere, le seigneur de Bresure, le Comte d'Onthonfort, messire Thomas Kiriel & plusieurs autres notables hommes: lesquels tous ensemble eurent conseil par plusieurs tournées, pour scauoir s'ils pourtoient aucune chose besongner sur la paix generale d'entre les deux Royaumes, & aussi pour la delurance du Duc d'Orleans. Mais finalement ne peurent venir à aucune conclusion qui fut de valeur, car les Anglois pour nulle riens ne vouloient condescendre à faire nul traicté avecques le Roy de France, sinon que la Duché de Normandie avec leurs autres conquestes leur demourassent franchement, sans les tenir dudit Roy France. Si fut reprins autre iournée au prochain an ensuiuant, & se departirent d'illec sans autre chose besongner. Et quant est aux Anglois ils y estoient venuz en grand pōpe & bombant, & moult richement habillez. Et par le dessudit Cardinal de Vincestre y auoit fait venir de moult riches tentes & pauillons bien parez & aornez de tout ce qui y failloit, tant de vaisselle d'or & d'argent comme d'autres besongnes necessaires & duifables. Et feit à ladiete Duchesse sa belle niepce moult ioyeuse chiere & reception, & la festoya treshonorablement. Et apres sen retournerent chacun d'eux és lieux & places dont ils estoient venus, sans pouoir autre chose besongner.

Comment les Anglois vindrent au païs de Santhois où ils prindrent le chastel de Folleuille, & y firent moult d'autres maux & cruautez.

A Tem en cest an enuiron l'entrée de Karesme le Comte de Sombrefset, avec luy le seigneur de Thallebot & aucuns autres capitaines, assemblerent iusques au nombre de deux mille combattans ou enuiron tant de pied comme de cheual sur les marches de Normandie vers Rouën : à tout lesquels & à tout charroy portans leurs habillemens de guerre, viures & autres besongnes necessaires, pour venir au païs de Santhois : & passa l'eäue de Somme parmy la ville de Monterueil, & s'en alla loger deuant la forteresse de Folleuille, qui pour lors estoit au gouuernement du bon de Saueufes à cause de la dame douägiere qu'il auoit espousée. Et pour ce que ceux qui estoient dedans ledit chastel, saillirent dehors & occirent l'un des gens dudit Comte de Sombrefset, lequel il ayroit moult bien, si iura gräd serment que de là ne se partiroit iusques à ce qu'il auroit conquis iceluy chastel, & ceux de dedans à sa voulenté. Si feit prestement apprestier vne petite bombarde qu'il auoit amenée avecques luy, laquelle estoit excellentement bonne & roide avec autres engins : lesquels engins bombardes & canons à l'une des fois occirent le capitaine de leans, quand elles furent iectées. Et depuis continuerent tant que tout le surplus desdits assiegez furent contens d'eux rendre, en delaisant ladicte forteresse & tous leurs biens avec ce, payant vne grand somme d'argent, en rachepant leurs vies enuers les dessusdits Anglois. Si feit ledit Comte reparer ledit chastel, & y laissa garnisons de ses gens, qui depuis firent moult de maux & de dommages à tous les païs à l'enuiron. Et le lendemain de ladicte reddition, se departirent d'iceluy lieu ledit Comte & ses gens, & suivirent ledit seigneur de Thallebot, qui desia festoit boutté bien auant audit païs de Santhois : & tous ensemble s'en allerent loger à Lyhons en Santhois, où ils trouuerent des biens largement & abondamment, & aussi par tout le païs : car on ne se doubait de leur venue, parquoy ceux dudit lieu n'auoient point retraicts leurs biens. Auquel lieu de Lyhons auoit vne petite forteresse & la grande eglise, où le peuple & les habitans d'icelle ville festoient retraicts hastiuement, quand ils sceurent que c'estoient Anglois. Si feit ledit Comte signifier à ceux qui estoient en ladicte Eglise, qu'ils se rendissent à sa voulenté ou il les feroit assaillir, ce que point ne voulurent faire. Et pource le lendemain feit faire ledit assaut tresciel & merueilleux : lequel fut tant continué, que pourtant que les Anglois ne les pouoient autrement auoir, bouterent le feu dedans : & fut l'eglise toute arse & demolie avec tous les biens d'icelle, & ceux qui festoient retraicts si y furēt morts & bruslez trespiteusement bien trois cens personnages ou plus tant hommes ; femmes comme enfans : & peu en eschappa de ceux qui estoient en ladicte Eglise. Pour lesquelles cruautez de la forteresse dessusdicte voyans la male-aduerture de leurs pauvres voisins & amis, se composerēt audit Comte de Sombrefset ou à ses commis pour rachepier leurs vies & parties de leurs biens, avec le feu par les maisons d'icelle ville, & en donnerent vn grand somme d'argent. Pour laquelle bailler & payer bailleterent plusieurs hostages tant hommes comme femmes, qui depuis furent long temps prisonniers à Rouën & ailleurs pour la finance

finance deffusdicte. Desquels hostages en fut l'un vn gentil homme nommé Noifeux de Saily, lequel mourut en ladicte prison. Et iceux Anglois qui estoient audit lieu de Lyhons feirent plusieurs courtes sur les pays à l'environ, desquels ramenerent des biens largement à leurs logis. Et si prindrēt la forteresse de Herbonneres & le seigneur dedans: lequel pour rachepier luy & ses subiects & ladicte forteresse de non estre desolée comme les autres auoient esté, l'accorda & composa à mille salus d'or. Et entre-temps que toutes ces besongnes se faisoient, le Comte d'Estampes qui estoit lors venu à Peronne, manda tous les seigneurs de Picardie, de Hainault & des marches de l'environ qu'ils venissent hastiue-ment deuers luy à tout le plus de gens de guerre qu'ils pourroient finer, lesquels vindrent en grand nombre, c'est à sçauoir le seigneur de Croÿ, le seigneur de Humieres, le seigneur de Sauces & ses freres, Valerian de Morcul, Iean de Brimeu lors Baillif d'Amiens, messire Iean de Croÿ Baillif de Hainault, le seigneur de Hautbourdin, le seigneur de Barbençon, messire Simon de Lalain & plusieurs autres des pays deffusdits en grand nombre: lesquels venus audit lieu de Peronne & es villes au plus pres pouuoient bien estre en nombre de trois mille combattans de tresbonne estoife. Si tindrent iceux seigneurs conseil sur ce qu'il estoit de faire. Et vouloient les aucuns qu'on combattit les Anglois, & autres en y auoit de contraire opinion: & disoient plusieurs raisons pourquoy on ne les deuoit combattre. Et en fin conclurent d'eux mettre aux champs de nuit, & d'eux mettre en embusche aupres de Santhois: & il y auoit aucuns capitaines ordonnez pour enuahir leurs logis, & bouter le feu en aucunes maisons pour veoir leur gouuernement & conduicte, & sur ce faire selon ce qu'on verroit estre plus expedient. Apres laquelle conclusion fut ordonné que toutes gens feussent prests pour monter à cheual incontinent apres minuit, & ainsi fut fait comme ils le deuierent. Et issit ledit Comte d'Estampes & tous les autres hors de Peronne, pour faire ladicte entreprinse: mais quand ils eurent cheminé vne demie lieue ou environ hors de ladicte ville de Peronne, il feit si trefnoir qu'à moult grand peine pouuoient tenir chemin. Et adonc se commencerent à pourmener iusques à ce qu'il feit vn peu plus cler iour, que toutes gens se retournoient en leur ville: & par ainsi fut ladicte entreprinse rompue: & en ce mesme iour vers l'heure de midy vindrent certaines nouuelles au deffusdit Cōte d'Estampes, & aux autres seigneurs qu'iceux Anglois festoient deslogez de ladicte ville de Lyhons, & s'en retournoient le chemin dont ils estoient venus ou assez pres pour retourner en Normandie, ce qui estoit veritable: car apres qu'ils eurent esté en ladicte ville de Lyhons bien l'espace de dix iours ou environ, & fait de bien grans dommages au pays, comme dit est deffus: ils se parterent de là, & s'en allerent en Normandie sans ce qu'ils eussent aucuns empeschemens ne destourbier qui facē à escrire: & emmenerent plusieurs prisonniers & grand foison de biens avec les hostages deffusdits: & au rappasser audit lieu de Folleuille le renforcèrent, & y laisserent forte garnison de leurs gens. Et en tant qu'ils furent en iceluy pays & audit logis de Lyhons les gens de messire Iean de Luxembourg alloient & venoient de iour en iour paisiblement avec iceux Anglois, & auoient grand communication ensemble: dont ledit Comte d'Estampes & plusieurs autres grans seigneurs qui estoient avec luy, n'estoient point

bien contens, mais pour lors on ne le pouoit auoir autre. Apres lequel departement & deslogement desdits Anglois qui ainsi s'en retournoient, toutes les gens de guerre qui estoient venus au mandement du dessusdit Comte d'Estampes, se commencerent à retraire és lieux dont ils estoient venus.

De l'an mille cccc. et xl.

Comment le Daulphin, le Duc de Bourbon & plusieurs autres seigneurs se departirent du Roy Charles de France.



V commencement de cest an Charles Roy de France feit grand assemblee de nobles hommes & autres gens de guerre, pour aller ou pays de Bourbonnois destruire & subiuguer monseigneur le Duc de Bourbon & ses pays: lequel à sa grã desplaisance auoit seduict & emmené son fils le Daulphin, qui par auant estoit logé à Loches en Touraine au chastel. Et estoit pour ce temps au gouuernement du Comte de la Marche, qui estoit à ceste heure en la ville, & point ne se doubtoit que ledit Daulphin se voulsist partir sans parler à luy. Neatmoins le Bastard de Bourbon, Anthoine de Chabannes & autres capitaines à tout foison de gens d'armes vindrēt deuers luy audit chastel de Loches, & de son consentement le menerēt ou pays de Bourbonnois en la ville de Moulins. Ouquel lieu s'en allerent avec ledit Duc de Bourbon, le Duc d'Allençon & le Comte de Vendosme, les seigneurs de la Trimoille, de Chaumont & de Prie avecques plusieurs autres nobles hommes & grans seigneurs: si estoit leur intention, que le dessusdit Daulphin auoir seul le gouuernement & pouoir du Royaume de France, & que le Roy Charles son pere seroit mis comme en tutelle & gouuerné par eux. Et afin d'auoir ayde & faueur pout accomplir leur intention, manderent en diuers lieux les Barons, grans seigneurs & gentils-hommes de plusieurs pays: ausquels ils declairerent leur intention, en requerant qu'ils voulsissent faire serment audit Daulphin, & le seruir contre tous ceux qui greuer ou nuire luy voudroient. Entre lesquels y vindrent les seigneurs d'Auuergne: lesquels ceste requeste ouÿe feirent responce par la bouche du seigneur de Dampierre, que tres volentiers le seruiroient en tous ses affaires reserué contre le Roy son pere: disoient outre que ou cas que le Roy viendroit à puissiance ou pays, & il les requist d'auoir leur ayde & aussi d'entrer en leurs villes & forteresses, ils ne luy oseroient ne voudroient nullement refuser, & qu'iceux requerans point à ce ne s'attendissent autrement. Laquelle responce ne fut pas bien agreable audit Daulphin ne aux autres seigneurs, & se commencerent tresfort à doubter que de leurdictē entreprinse ne leur vint grand mal. Et avec ce estoient desia aduertis qu'iceluy Roy venoit courre eux à moult grand puissiance, comme dessus est dit, laquelle chose estoit veritable: car le Roy entra oudit pays de Bourbonnois, & commença à faire tresforte guerre aux villes & forteresses du deuantdit Duc de Bourbon, & de ceux tenans son party: si en meit plusieurs en son obeissance. Et entre-temps ledit Daulphin & ceux de son conseil enuoyerēt deuers le Duc de Bourgogne, pour scauoir fil vouldroit en ses pays recevoir luy & les siens & luy bailler ayde en tous ses affaires: lequel Duc apres qu'il eut eu deliberation de conseil, sur ce feit responce, que tous ses pays avec ses biens estoient bien au cōmandement du

du Daulphin quand il luy plairoit y venir : mais pour nulle riens ne luy donneroit faueur ne ayde, pour faire guerre au Roy son pere : mais estoit prest pour routes les manieres qu'il pourroit de luy ayder à rentrer & estre en sa grace. Disoit outre qu'il luy conseileroit qu'ainsi le feit, & que trop grand deshonneur & dommage en pourroit aduenir ou Royaume, si ceste guerre se continuoit. Et pour y obuier & trouuer maniere & moyens, enuoya le Duc de Bourgogne ses ambassadeurs deuers iceluy Roy, qui s'entremesirerent entre icelles parries. Si fut fait le traicté par cōdition qu'iceluy Daulphin, le dessufdit Duc de Bourbon & autres qui auoient offensé, iroient par deuers le Roy en grand humilité requerrir pardon desdictes offenses : toutesfois auant que ceste chose peut estre acheuée, grand partie des païs du Duc de Bourbon & de ses fauorisans furent tresfort destruits par les gens de guerre dudit Roy de France, qui sur eux estoient venus en tresgrand nombre. En apres le dixneuuesme iour de Iuillet le Roy estant à Cusset, vindrent deuers luy le Daulphin & le Duc de Bourbon accompagnez desdits seigneurs de la Trimoille, & de Chaumont, & de Prie : mais quand ils furent à demie lieüe pres dudit lieu de Cusset, vn messagier vint deuers eux : lequel dir ausdits trois seigneurs que le Roy ne les asseuroit point, & qu'il ne vouloit point qu'ils venissent deuers luy. Et lors quand ledit Daulphin ouyrt & entendre ce, il dit au Duc de Bourbon. Beau compere vous n'auiez talent de dire comment la chose estoit faicte, & que le Roy n'eust point pardonné à ceux de mon hostel. Et adonques iura vn grand serment, qu'il s'en retourneroit & n'iroit point deuers le Roy son pere. Et lors ledit Duc de Bourbon luy dir : Mōseigneur tout ce fera bien, n'en soyez en quelque doubte, vous ne pouez retourner : car l'auangarde du Roy est en vostre chemin. Toutesfois se n'eust esté le Comte d'Eu & aucuns autres seigneurs qui estoient venus au deuant de luy : lesquels luy remonstrent qu'il feroit grand mal de retourner s'il s'en fut rallé. Si s'en rallèrent lesdits trois seigneurs audit lieu de Moulins, & lesdits Daulphin & Duc de Bourbon entrèrent en la ville de Cusset, & allerent descendre à l'hostel du Roy. Et eux venus en la chambre où il estoit, s'agenouillèrent par trois fois deuant qu'ils venissent à luy. Et à la tierce fois luy prièrent en grand humilité, qu'il luy pleust à eux pardonner son indignation. A quoy le Roy respondit en adressant les parolles à son fils, disant : Loys vous soyez le bien venu, vous auez moult longuement demouré : allez vous en reposer en vostre hostel pour au iourd'huy, & demain nous parlerons à vous. En apres parla au dessufdit Duc de Bourbon assez longuement, sagement & prudemment, & luy dist : Beau cousin il nous desplaist de la faute que maintenant & autresfois auez faicte cōtre nostre majesté par cinq fois : & luy declaira les propres lieux, où ce auoit esté, disant. Se ne fut pour l'honneur & amour d'aucuns, lesquels nous ne voulons point nommer, nous vous eussions monsté le desplaisir que vous nous auez fait : Si vous gardez dorefnauant de plus y rencheoir. Apres lesquelles parolles & plusieurs autres les dessufdits Daulphin & Duc de Bourbon se departirent de là, & s'en allerent à leurs hostels iusques au lendemain apres la messe du Roy qu'ils retournerent vers luy. Et de rechief presens tous ceux de son conseil requirrent treshumblement, qu'il luy pleust leur pardonner leur maltalent : & aux dessufdits trois seigneurs, de la Trimoille, & de Chaumont, & de Prie. Et le Roy ref-

pondit qu'il n'en feroit riens, mais il estoit assez bien content qu'ils s'en retour-
nassent chacun en leurs maisons & domiciles. Et adonques dit le Daulphin
au Roy: Monseigneur dont faut il que ie m'en reuoise, car ainsi leur ay promis:
& lors le Roy non content de ceste parolle respondit à ce, & luy dit: Loys les
portes sont ouuertes, & si elles ne vous sont assez grandes, ie vous en feray ab-
batre seize ou vingt toises du mur pour passer ou mieux vous semblera. Vous
estes mon fils, & ne vous pouez obliger à quelque personne sans mon congé &
consentement. Mais sil vous plaist en aller si vous en allez, car au plaisir de
Dieu nous trouuerons aucuns de nostre sang qui nous ayderont mieux à main-
tenir & entretenir nostre honneur & seigneurie qu'encores n'auiez fait iusques à
cy. Apres lesquelles patolles le Roy le laissa & alla parler audit Duc de Bour-
bon, qui prestement luy feit serment de le seruir & obeir à tousioursmais. Et
d'autre part osta & destitua tous les officiets & gouverneurs dudit Daulphin,
refermé son confesseur & son cuisinier. Et au regard du traité dudit Duc de
Bourbon, il promeit de rendre & restituer dedans la main du Roy en briefts
iours apres ensuiuans Corbeil, le Bois de Vincennes, Sanxerre & le chastel de
Loches, lesquelles places il tenoit en sa main. Et ne voulut point le Roy nulle-
ment consentir que ses gens d'armes se departissent du pays de Bourbonnois
& d'Auuergne, iusques à ce qu'il fut asseur d'auoir & possedet en sa main tou-
tes les places dessusdictes. Et pareillement pardonna le Roy audit Duc d'Ale-
çon ou Comte de Vendosme, & plusieurs autres grans seigneurs & nobles
Princes qui auoient accompagné le Daulphin és besongnes dessusdictes. Et
quand tout ce fut fait & accompli en la maniere dessusdicté, & que le Daul-
phin fut content de demourer avecques le Roy son pere, on cria la paix dont
la teneur l'ensuit.

ON vous fait à sçauoir de par le Roy, que monseigneur le Daulphin & mô-
seigneur le Duc de Bourbon sont venus deuers luy en tresgrand humilité & o-
beissance: & les a le Roy receuz tresamiablemēt en sa bonne grace & tout par-
doné. Et par ce veut & ordōne, q̄ toutes guerres & voyes de fait cessent: & que
on ne prene nuls prisonniers, laboureurs & autres gens quelscōques ne bestail
ne autres biens, & que nuls ne facent nulles extortions l'un contre l'autre, soit
en prenant places ou autrement: & que toutes gens puissent aller & venir seu-
rement faisant leurs besongnes, sans ce qu'on leur mefface aucunement: & aus-
si que nulles places ne soient abbatues ne demolies és pays de mondit seigneur
de Bourbon ne ailleurs. Donné à Cusset le vingt quatriesme iour de Iuillet l'an
mille quatre cens & quarante. Et estoit escript dessous: de par le Roy & son
grand conseil, ainsi signé d'Iugon. En outre dedans assez briefts iours apres en-
suiuans, le Roy bailla à son dit fils le Daulphin le gouuernemēt du Daulphiné.
Si feit assez tost apres departir les gens d'armes des pays du Duc de Bourbon, &
leur donna congé de tirer vers Orleans & deuers Paris.

*Comment les Francois coururent en la terre de Neelle appartenant à messire Jean de
Luxembourg.*

En

E Niceluy mesme temps enuiron le mois de Iuillet, messire Iean de Luxembourg Comte de Ligny estant à Neelle en Vernadois, vindrent les garnisons de Crespy en Valois, de Ver & d'autres lieux passer l'eäue de la riuere d'Oyle au pont sainte Maxence iusques au nombre de cent combattans ou enuiron, soubz la conduicte d'un nommé Gilbert de la Roche son compaignon d'armes. Si se tirerent en ladicte terre de Neelle appartenant audit Comte de Ligny. Et en icelle prindrent & leuerent tresgrand nombre de païsans, cheuaux, bestial & autres biens: à tout lesquels quand ils eurent fait leursdictes courses, ils sen retournerent pour eux en aller es lieux dont ils estoient venus. Si vindrent à la cognoissance dudit Comte ces nouuelles, dont il fut moult indigné contre eux, pource que plusieurs fois luy auoient fait de telles enuahies. Si feit incontinent assembler de ses villes & forteresses iusques au nombre de cent combattans ou enuiron, lesquels il enuoya sans delay apres les dessusdits. Et estoient les principaux messire Dauid de Poix gouuerneur de Guyse, Guyot de Bethune, Anthoine de la Banierie gouuerneur de Ham, Anthoine de Belloy & aucuns autres gentils-hommes: lesquels cheuaucherent vigoureusement apres iceux, & tant qu'ils les r'acconsiuerent & rataignirent au dessoubz de Compiengne contre Royaulieu, où desia auoient fait passer leurs proyes & partie de leurs cheuaux outre la riuere par vn bastel qu'ils auoient trouué, & desia en y auoit bien vingt entrez dedans le bastel pour passer outre, quand ils apperceurent venir leurs aduersaires contre eux, qui enuahirent & assaillirent baudement & vigoureusement ceux qu'ils trouuerent audit passage. Et adonc ceux dudit bastel voyans leurs compaignons assaillir (comme dit est) cuiderent retourner pour les ayder & secourir, mais ce fut pour neant: car tantost qu'ils approcheret pres de la terre, les autres eux voyans estre ainsi surprins & enuahis, saillirent audit bastel & en y entra tant & si largement, qu'ils l'effrondrerent & noyerent plusieurs de leurs biens. Et les autres sans delay furent tournez à descōfiture, & vne partie mis à mort. Entre lesquels y furent morts ledit Gilbert de la Roche & iceluy Rassillé se sauua à grand peine avec huiet ou dix de ses gens tant seullement. Apres laquelle besongne ceux qui les auoient ruez ius, passerent l'eäue & r'allèrent querre les proyes dessusdictes. Et apres par autres chemin passerent l'eäue, & retournerent franchement audit lieu de Neelle deuers le dessusdit de Luxembourg leur seigneur, qui fut tresioyeux de leur bonne fortune. Et si auoient amené aussi cinq prisonniers, desquels il feit pendre la plus grand partie.

Comment le Comte de Sombresset à tout grand puissance d'Anglois, assiegea la ville de Harsleu.

E Tem enuiron l'issue d'Auril de cest an, se meirent sus en la ville de Roüen & au païs à l'entour iusques à six mille combattans Anglois. Avec lesquels soubz la conduicte & gouvernement des Comtes de Sombresset, Doursec & de Fauquemberge estoient les seigneurs de Thallebot, messire François Arragonnois, Matago, Iacquemin vacquier, Thomas Heniton, le Baillif de Roüen, & aucuns autres capitaines qui tous ensemble allerent mettre le siege tout à l'entour de Harsleu tant par terre comme par

mer. Dedans laquelle ville estoit capitaine pour le Roy de France Iean d'Estouteuille, & avecques luy Robert son frere & autres iusques au nombre de quatre cens combattans ou enuiron, avec ceux de la ville & de la marine qui grandement & vaillamment se meirent à deffence contre leurs aduersaires. Et fortifierent nuit & iour en grand diligence les gardes de ladicte ville, & feirent aucunes faillies contre les assiegeans : ausquelles ils prindrent & occirent aucuns de leurs ennemis. Lesquels assiegeans d'autre partie se fortifierent en leurdir siege de grans fossez tout autour de leur ost. Et laisserent en aucuns lieux conuenables issues & entrées. Et avecques ce feirent sur leldits fossez fortes hayes, afin que de leurs ennemis ne peussent estre par nul costé enuahiz & prins. Et outre assieirent contre la porte & muraille d'icelle ville plusieurs bombardes & autres habillemens de guerre, desquels ils trauaillerent moult les assiegez. Si continuerent par treslongue espace en cest euure, & tant que ceux de dedans furent moult oppressez & trauailleiz. Et par especial auoient moult grand disette & necessité de viures & autres choses. Si enuoyerent plusieurs messages deuers le Roy Charles, luy requerant qu'il leur voullist enuoyer secours ce qu'il promet de faire : mais pour les grans affaires & occupations qu'il auoit, ne le peut enuoyer si brief qu'ils auoient requis. Neantmoins au bout de quatre mois ou enuiron que ledit siege eut duré, & que la Comtesse de Sombreffet & autres dames & damoiseselles du Royaume d'Angleterre y furent venues : lesquelles y demourerent iusques en la fin dudit siege, fut baillé la charge pour faire ledit secours aux assiegez, au Comte d'Eu : & avecques luy le Comte de Dunois Bastard d'Orleans, le Bastard de Bourbon, le seigneur de Gaucourt, la Hyre, messire Gilles de Saint Symon, le seigneur de Pennesach, Pietre de Broussac, & aucuns autres chiefs de guerre & capitaines, qui auoient avecques eux quatre mille combattans ou enuiron. Et dedans ladicte ville de Harfieu avecques ledit Iean d'Estouteuille cheualier & capitaine auoit enuiron quatre cens combattans : dont les chiefs estoient messire Iean de Bressay, messire Jaques de Hincourt, Hector de Fol, Guillot de Las, & Iean Gentil. Si estoient iceux secourans toutes gens d'armes à l'esslite : lesquels passans les marches de Paris se tirent assez soubdainement iusques à Amiens & Corbie, où ils passerent la riuere de Somme : & de là parmy Ponthieu allerent à Abbeuille, où ils feirent leur assemblée & tindrent conseil pour prendre conclusion pour poursuivre leur entreprinse. Si se meirent avec eux, des marches de Picardie à tout leurs gens les seigneurs d'Auxi & de Humieres, Iean d'Ailly seigneur d'Araignes, Guillaume le Jeune seigneur de Cousay & plusieurs autres gentils hommes. Et apres que tous ensemble eurent delibéré ce qu'ils auoient à faire ; ils feirent charger pour mener avec eux trente chariots d'artillerie ou enuiron ; & des viures & autres engins & habillemens de guerre. Et puis, eux partans d'Abbeuille en tresbelle & bonne ordonnance allerent à Eu. Et faisoient l'auantgarde le Bastard de Bourbon & la Hyre : de laquelle ville d'Eu allerent loger en un village nommé le Bourg de Dun, la plus grand partie : & ledit Comte se logea à saint Aubin en Caux. Mais en ce mesme jour sur les vespres le seigneur de Gaucourt qui estoit demouré derriere, fut prins d'enuiró dixhuiet Anglois qui suiuoient leur trace : lesquels l'emmenèrent prisonnier au Neuf-chastel de Hincourt

court: & depuis fut deliuré en payant grand somme d'argent. Auquel lieu de S. Aubin ledit Comte d'Eu ouýt nouvelles qu'un nommé maistre Jean de la Mothe auoit esté prins des Anglois, par lequel il enuoyoit noncer à ceux de Harfieu le secours qui leur venoit: & là mesmement renuoyerent les Anglois par un de leurs poursuiuans nouvelles & lettres, qu'ils viendroient combattre les François deuant ce qu'ils venissent à eux, ce que point ne firent. Pourquoy les François se tirèrent tous ensemble à Fauculle en Caulx à deux lieues pres de leurs aduersaires. Et le lendemain se departirent des le point du iour, & allerent à Monstier-Villier qui estoit de leur obeïssance, & là eurent certaines nouvelles que lesdits Anglois ne festoient point partis de leur siege. Et en ce iour ledit Comte d'Eu les alla aduïser à tout cent cōbattans gens d'élite monter sur fleur de cheuaux, & y eut entre icelles parties tresgrandes escarmouches. Et luy retourné print conclusion avecques ceux de sa compagnie: c'est à sçauoir les plus experts & cognoissans de ce qu'il estoit de faire: toutesfois tous generallyment estoient tresdeplaisans de la prinse dudit seigneur de Gaucourt, pource qu'il estoit moult saige & bien vñté en telles ou pareilles besōngnes. Auquel conseil fut ordonné, que ledit Comte d'Eu monteroit sur mer avecques certain nōbre & quātité de combattans au chief de Caulx. Et le Bastard d'Orleans à tout vne autre partie de gens d'armes d'un autre costé, & les Picards d'aure qui iroient de pied & porteroient des ponts à mettre par dessus les fossez, qu'auoient faits les dessusdits Anglois autour de leur logis. Et d'un cōmun accord assauldroient leursdits aduersaires par diuers lieux. Et la Hire & autres capitaines & leurs gēs demoureroient à cheual pour donner secours & ayde à ceux qui en auroient besōing, & aussi necessité. Apres lesquelles ordonnances en telle maniere faites, le lendemain se preparerent pour faire chacun d'eux ce qui auoit esté ordonné & commandé. Et fut commencé ledit assaut par ceux qui estoient de pied, & du costé vers le logis de Thallebot: lequel assaut fut tresdur & aspre, & dura par l'espace de demie heure ou plus: mais lesdits assaillans jaoit ce qu'ils se portassent tresvaillamment: toutesfois pour la tresgrande resistance d'iceux Anglois leurs aduersaires, & aussi pource que leurs ponts estoient trop courts ne pouuoient venir à chief de leurdicte entreprinse: & d'autre part iceux Anglois estoient hault & aduantageusement assis: pourquoy leurs archiers, dont ils auoient moult grand nombre, tirerent moult merueilleusement & par grand vigueur sur iceux assaillans, & tant qu'ils en naurerent & blesserent tresgrand nombre: entre lesquels y furent morts deux vaillans cheualiers qui là estoient, c'est à sçauoir messire Jean de Chailly seigneur de Chambois, & messire Harpin de Richannes capitaine de Rue avecques aucuns autres. Auquel assaut furent faits nouveaux cheualiers des François Jean d'Arly, & Guillaume le Jeune & autres. Durant lequel temps saillirent hors de leurs logis enuiron cinq cens Anglois pour courir sur iceux François de pied: mais ils furent tantost reboutez par ceux de cheual & en y eut de quarante à cinquante de morts. Et pareillement ceux de la ville saillirent sur le guet, qui estoit contre eux & en prindrent & occirent enuiron trente. Et de l'autre costé sur la mer se bōurerent auāt ledit Côte d'Eu & ceux de sa compagnie, qui estoient cōmis avec luy pour assaillir ledit siege de la marine, mais ce fut peine perdue: car iceux Au-

glois s'estoient garnis & fortifiez par telle maniere, qu'on ne leur pouoit mal faire. Et pourtāt apres qu'ils eurent perduz aucuns de leurs vaisseaux qui estoient demourez par le grauier, ils se retrahirent à Monstieruillier. Et aussi feirēt ceux de pied, voyant que riens ne pouoient besongner qui leur fut prouffitable. Auquel lieu de Monstieruillier ils furent bien huit iours entiers en tresgrand poureté de viures pour eux & pour leurs cheuaux, attendans s'ils ne pourroient riens faire de secours ausdits assiegez: durant lequel temps il y eut aucunes escarmouches entre eux. Et aussi le dessusdit Comte d'Eu feit sçauoir audit Comte de Sombresset, que s'il vouloit combattre puissance contre autre il les fourniroit, ou cent contre autre cent, ou de sa personne contre luy: mais riens ne luy fut accordé. Et la cause si fut, que ledit Comte de Sombresset & ceux de sa partie sçauoient, que ceux de la ville estoient si fort abstraits que bonnement ne pouoient longuement durer qu'ils ne les eussent à leur plaisir. Et auoient regard au grand trauail & aux miseres qu'ils auoient eu moult longuement, & que chèrement auoit cousté à leur Roy qu'ils ne vouloient poinr mettre à l'aduanture sur la requeste de leurs aduersaires. Et finalement les François dessusdits considerans la grand poureté, où ils estoient & que lesdits Anglois estoient en plus grand nombre qu'ils n'estoient, parquoy bonnement ne pouoient secourir ne subuenir à leurs gens. Si conclurent tous ensemble d'un commun accord & opinion, qu'ils s'en retourneroient dont ils estoient venus sans plus là arrester: car force leur estoit pour les necessitez des viures, dont ils ne pouoient finer ne recouurer: mais auant leur departement feirent requerre un saufconduit ausdits Anglois pour le seigneur de Rambures, lequel saufconduit si luy fut accordé. Puis apres s'en alla ledit de Rambures deuers eux traicter pour la reddition de la ville. Et entre-temps tous les François & Picards s'en retournerent par aucuns briebs iours ensuiuans à Abbeuille. Si trouuerent en leur chemin certains messagers de par le Duc de Bourgogne: lesquels leur signifient de par luy, qu'ils ne rentrassent point en son pays pour les grans dommages qu'ils y auoient faits au passer: disant que s'ils y entroient, il les feroit rebouter dehors à puissance de gens. Si promeirent de non y entrer: neantmoins les aucuns faillirent de leur promesse. Si entrerent au pays de Ponthieu en tirant vers Amyens, faisant de moult grans dommages: mais les Comtes d'Estampes & de saint Pol qui estoient mis sus avec tresgrand nombre de gens d'armes, allerent au deuant d'eux pour les rebouter & combattre. Si y furent faictes aucunes entreprises d'un costé & d'autre. Et en fin par certains moyens promeirent d'eux en r'aller, & se tirerent au pays de Santhois, & de là vers les terres de messire lean de Luxembourg, qui moult fort le menassoient de luy faire grand guerre & dommage: mais il s'estoit tresbien pourueu de gens de guerre, pour resister contre eux: parquoy ils furent tous ioyeux de passer paisiblement aupres de ses seigneuries, car avec ce ledit Comte de saint Pol les poursuiuoit tresroidement & à grand puissance de gens d'armes, pour estre en l'ayde & secours de son oncle si besoing luy en eust esté. Si se tirerent es champaignes, faisant tousiours de grans villenies & dommages au poure peuple, par rout où ils pouoient auoir sur eux puissance. Et au regard du seigneur de Rambures il traicta avec ledit Comte de Sombresset, & avec les autres capitaines Anglois par tel si, que la ville de Har-

Heu leur fut rendue : & se departoient ceux de dedans chacun vn baston au poing : Et pareillement leur fut rendu Mōstieruillier, qui par necessité de viures ne se pouoit plus tenir.

Comment vn tresgrand seigneur du pais de Bretagne nommé le seigneur de Raix fut accusé d'heresie.

EN l'an dessusdit aduint en la Duché de Bretagne vne grand diuerse & merueilleuse aduventure. Car le seigneur de Raix qui pour lors estoit grand Marechal de France, & estoit moult noble homme & tresgrand terrien & yssu de tresgrand & trefnoble generation, fut accusé & conuaincu d'heresie, laquelle il auoit par long temps maintenuz : c'est à sçauoir par la sedition & enhottement principalement du dyable d'enfer, & aussi d'aucuns ses complices & seruiteurs, comme il confessa auoir fait mourir plusieurs enfans sous aage, & femmes enceintes sur intention de paruenir à aucunes haultesses & cheuances & aussi honneurs desordonnez : desquels enfans & autres créatures apres ce qu'il les auoit fait mourir, violement faisoit prendre aucune partie de leur sang : duquel on escriuoit liures où il y auoit coniuurations diabolicques & autres termes contre nostre foy catholique : pour lequel cas dessusdit apres qu'il eut esté prins & diligemment examiné, & aussi qu'il eut cogneu rout son fait, d'en auoir fait mourir par ceste mauuaise maniere iusques au nombre de huiet vingt, ou plus : il fut en la presence par saiges & notables iuges condamné à estre pendu & estranglé, tant qu'il fut mort : & apres son corps ars en vn feu. Si y estoient presens avec ledit Duc grand nombre de grans seigneurs & autres notables hommes tant seculiers comme cleres. Si fut faicte ceste condamnation, & aussi l'exécution en la ville de Nantes en Bretagne : toutesfoi apres ladicte execution premiere accomplie, & qu'il fut mis au feu & en partie bruslé, il y eut aucunes dames & damoiselles de son lignaige, qui requirerent au dessusdir Duc de Bretagne de auoir le corps pour le mettre en terre sainte : lequel Duc leur accorda & y fut mis. Et jasoit ce qu'il eust eu ceste faulx & inhumaine volenté : neantmoins si eut il a la fin trefbelle & deuote cognoissance & repentance, en requerant moult humblement à son createur mercy & misericorde de ses grans pechez & offenses : pour la mort duquel seigneur de Raix grand partie des nobles dudit païs de Bretagne & especiallemēt ceux de son lignage en eurent au cuer tresgrand douleur & tristesse. Et aussi auant que ceste aduventure luy aduint, il estoit moult renommé d'estre trefuailant cheualier en armes.

Comment Pierre Regnault frere Bastard de la Hire alla fourrager es païs d'entour Abbeuille.

APres en ce mesme temps Pierre Regnault frere Bastard de la Hire, qui lors se tenoit au chastel de Milly assez pres de Beauuais : lequel parauant il auoit reparé, se partit vn certain iour de là a tout huiet vingts combattans ou enuiron tant de cheual comme de pied, & vint pour fourrager & courre le païs d'entour Abbeuille. Si print le chastel d'Yancourt & le seigneur dedans : lequel chastel il pillā tout nettement, c'est à sçauoir de

tous les biens qui estoient portatifs. Si furent tantost les nouvelles espandues jusques en la ville d'Abbeuille, où lors estoient les seigneurs d'Auxi Guillaume de Thiemberonne, Philippe de Vaucourt, Guy Gourle & plusieurs autres gentils-hommes : lesquels tanrost apres qu'ils eurent ouy les nouvelles, s'armerent & meirent sus tant de cheual comme de pied, & saillirent dehors de leur ville bien trois cens ou plus, sur intention de rebouter les dessusdits & rescourre les bñens qu'ils auoient prins audit chastel: laquelle assemblée vint à la cognoissance du dessusdit Pierre Regnault & de ses gens : lesquels enuoyerent deuers le dessusdit seigneur d'Auxi & ceux de sa partie pour eux excuser aucunement, disant qu'ils ne vouloient que viures : mais pourtant ne furent mie iceux contents. Si seismeurent encontre icelles parties tresgrans discords, tellement que ledit Pierre Regnault voyant que la plus grand partie d'iceux qui estoient sailliz hors d'Abbeuille contre luy n'estoient que communes, se ferit avec ses gens tout au trauers & sans y trouuer grand deffence, les tourna assez briueuement à grand meschef, & en fin à desconfiture. Si furent morts en la place bien vingt ou trente, & si en y eut bien neuf noyez qui se cuiderent sauuer & passer la riuiere de Somme, entre lesquels fut l'un d'iceux ledit Guy de Gourle. Et avec ce en y eut de prisonniers bien soixante ou environ. Desquels furent les principaux messire Jean de Fay cheualier de Rhodes, & le dessusdit cheualier de Vaucourt, & Guillaume de Thiemberonne. Apres laquelle destrouffe ledit Pierre Regnault & ses gens s'en retournerent franchement à tout leurs prisonniers, & autres proyes & biens prins audit chastel de Milly: lesquels prisonniers dessusdits ledit Pierre Regnault rançonna & meit à finance, comme s'ils eussent esté Anglois. Et feir en outre pour cest an plusieurs assemblées assez semblables en diuers lieux & païs de l'obeissance du Duc de Bourgogne : pour lesquelles iceluy Duc n'estoit point bien content dudit Pierre Regnault, ne des autres. Et pour ceste cause enuoya deuers le Roy Charles luy noncer & faire sçauoir comment de iour en iour ceux qui tenoient son party, roboient & pillioient son païs, prenoient ses gens & subiects & mettoient à grosse finance & rançons: faisoient en outre plusieurs autres grans maux & excez qui moult luy estoient desplaisans & durs à porter, attendu la paix qu'ils auoient l'un avec l'autre. Desquelles entreprises le Roy s'excusa par moult de fois en disant qu'il luy en desplaisoit moult grandement, & qu'il y pouruoyeroit en tout ce qu'il luy seroit possible. Et mesmement estoit content au cas, que ledit Duc de Bourgogne pourroit attaindre par luy ou par ses gens ceux qui en ses païs faisoient telles assemblées, besongnes & entreprises, qu'on les ruast ius ou destrouffast. Neantmoins au grand preiudice desdits païs & grans dommages du poure peuple, lesdites courtes & pilleries se continuerent par long temps. Auquel temps d'autre part, les gens de la Hire qui se tenoient au chastel de la Bonne emprès Laon, commencerent à courir en plusieurs païs: c'est à sçauoir au païs de Hainault, Cambresis & autres lieux es terres du seigneur de saint Pol: lequel non content de ce & pour y resister, meit grosse garnison en la ville de Marle: laquelle garnison alla vn iour semblablement courre vers Reims: & pour auoir le passage de l'eauë, prindrent le fort du Bac-à-Bery, qui n'estoit point de trop grand valeur, lequel tenoient les gens de la Hire. Si laisserent dedans environ trente combartans

tans pour le garder, & y demoura vn capitaine d'iceux: mais dedans briefs iours enſuiuans vindrent deuant les gens de la Hire deſſusdit, & avec eux aucuns des garniſons de Valois, qui n'agueres par auant auoient eſté ruez ius des gens meſſire lean de Luxembourg au plus pres de la ville de Compiengne, comme en autre lieu eſt à plain declairé: & pouoient eſtre en tout enuiron le nombre de trois cens combattans: leſquels incontinent & de grand voulenté aſſaillirent le fort deſſusdit, deſquels aſſez toſt enſuiuant fut prius, & generallement tous ceux de dedans mis a l'eſpée & ruez en la riuiera. Apres laquelle beſongne iceux François de rechef laiſſerent de leurs gens dedans iceluy fort en garniſon. Et enuiron ſeize iours apres ſe meirent enſemble les gens d'iceluy Comte de ſainct Pol & de ſon oncle meſſire lean de Luxembourg Comte de Ligney, pour aller r'aſſaillir illec la garniſon dudit Bac-à-Bery: mais ceux de dedans ſcachans celle aſſemblée ſ'en departirent, & abandonnerent celle place deuant la venue d'iceux. Si fut icelle place du tout demolie & abbatue: & ainſi & par ceſte maniere eſtoient les pays vers Reims, Laonnois & pluſieurs autres marches és pays à l'environ fort trauaillees & oppreſſez par les deſſusdictes courſes & aſſemblées d'icelles deux parties: & ſe faiſoit tout ce comme lors en eſtoit commune renommée & voix à l'occaſion, de ce que meſſire lean de Luxebourg ne uoloit point faire ſerment au Roy Charles, & entretenoit tousiours garniſons de gens de guerre en ſes places pour l'entretenement d'icelles.

Comment les ambassadeurs de France, d'Angleterre & de Bourgogne vindrent à Calais pour traiter la paix finale.

EN ces iours furent enuoyez de par le Roy Charles pluſieurs notables ambassadeurs à ſainct Omer, pour traicter la paix avec les Anglois qui lors deuoient venir en icelle ville, comme promis l'auoient l'an precedent. Deſquels eſtoient les principaux les Archeueſques de Reims & de Nerbonne, le Comte de Dunois baſtard d'Orleans: leſquels là venuz furent notablement receuz & feſtoyez par le Duc de Bourgogne, & brief enſuiuant ouyrent les nouuelles comme le Duc d'Orleans eſtoit arriué à Calais, & que leſdits Anglois le y auoient amené. Si enuoyerent deuers eux pour ſçauoir en quel lieu ils ſe voudroient aſſembler, pour tenir leur conuention. Leſquels Anglois leur feirent ſçauoir qu'ils ne ſe partiroyent point de Calais à tout le Duc d'Orleans: mais eſtoient preſts de l'embefongner ſil y uoloit venir. Apres laquelle reſponce ouye y allerent par ſauſconduit ledit Archeueſque de Reims, le Comte de Dunois & aucuns autres avec les ambassadeurs dudit Duc de Bourgogne: c'eſt à ſçauoir le ſeigneur de Creuecueur, & aucuns autres: leſquels là venuz ledit Comte de Dunois fut mené deuers ledit Duc d'Orleans ſon frere, qui grandement fut ioyeux de le veoir & le receut trefcourtoisement & honnorablement, en luy remerciant de la bonne diligence qu'il auoit faiſte d'entretenir ſes pays durant ſa priſon. Apres laquelle reception icelles parties conuindrent enſemble par pluſieurs fois, & de rechef furent faiſtes aucunes ouuertures ſur la deliurance dudit Duc d'Orleans, & auſſi ſur les traiſtez autresfois commencez entre les deux royaumes: toutesſois encores ne pouoient eſtre d'accord: mais reprindrent autre iournée pour r'aſſembler: en dedans la-

quelle chacun deuoit r'apporter à sa partie les moyens,qu'ils auoient commenez. Et ce fait s'en retournerent les dessusdit audit lieu de saint Omer. Et ledit Duc d'Orleans fut tantost apres remené en Angleterre.

Comment les Barrois & Lorrains coururent en la Comté de Vaudemont, où ils firent moult de maux & de grans desfois.



Pres durant le temps dessusdit se meirent sus à grand puissance les Barrois & les Lorrains : avec lesquels estoient aucuns François, qui trestous ensemble se tirerent en la Comté de Vaudemont, & icelle par feu & par espée meirent à grand destruction, violerent plusieurs Eglises, & y firent maux inestimables. Pour lesquels contreuenger le Comte de Vaudemont, pource qu'il n'auoit point assez puissance pour resister contre eux, enuoya hastiuement deuers le Duc de Bourgogne, & aussi à son beau fils le seigneur de Croÿ eux requerrir instamment qu'ils luy voulussent enuoyer secours & ayde de gens de guerre. Laquelle requeste luy fut accordée: & y furent enuoyez en chef messire Jean de Croÿ & avec luy messire Symon de Lalaing, les seigneurs de Launay & de Maingoual nepueux dudit seigneur de Croÿ, messire Jean bastard de Reuly, messire Anthoine de Vvissoch & aucuns autres nobles de mille combattans ou enuiron bien empoins: & firent leur assemblée autour d'Aubenton. Et de là se tirerent vers la Duché de Bar. Car desja les dessusdits Barrois s'estoient retraits hors de ladicte Comté de Vaudemont. Et tant cheuaucherent, que tous ensemble vindrent deuant ladicte ville de Bar-le-Duc, où estoit le Marquis du Pont fils au Roy de Cecille Duc de Bar & autres plusieurs seigneurs du pays. Si se meirent en ordonnance de bataille deuant la ville de Bar. Et enuoyerent sommer ledit Marquis, fil vouloit venir dehors à tout sa puissance ou prendre iour de les combatre, ils estoient tous prests de les receuoir & fournir. A laquelle requeste leur fut faicte responce par le conseil du dessusdit Duc de Bar, que point ne les combatteroit à leur requeste n'à leur plaisir: mais auoit intention de le faire en temps & en lieu, quand bon luy sembleroit: laquelle responce ouye lesdits Bourgongnons se departirent de là, & allerét tous ensemble loger à vn gros village nommé Longueuille. Et de là vint contre eux ledit Comte de Vaudemont à tout ce qu'il auoit peu assembler de gens de guerre: & le lendemain se tirerent plus auant en la marche, & commencerent à bouter feux au trauers de la Duché de Bar. Et de là se tirerent en la Duché de Lorraine en destruyant tout ce qu'ils pouoiét ataindre, & trouuer hors des fortresses: & qui plus est prindrent par force plusieurs Eglises, esquelles ils firent moult de violences: & pour vray le Comte de Vaudemont estoit si enclin & obstiné de tout destruire, que nonobstant que les dessusdits seigneurs qui estoient avec luy, n'estoient point bien contens de faire si tres cruel desroy & indicibles derritions: neantmoins ne le pouoient garder ne pareillement ses gens: & apres qu'ils eurent continué en icelles besongnes par l'espace de xxvj. iours ou enuiron sans trouuer aucunes gens de guerre qui s'apparussent contre eux pour eux combatre, s'en retournerent par autre chemin qu'ils n'estoient allez: toutesfoi en faisant iceluy voyage, ils souffrirét & eurent eux & leurs gens de moult grans peines & trauaux, & moult grand deffault de viures. Ainsi & par ceste

ceste maniere se faisoit la guerre entre icelles parties : c'est à sçauoir iceux deux seigneurs & leurs seigneuries au preiudice, dommage & grand destruction du pource & menu peuple.

Comment le Duc d'Orleans fut deliuré de la prison d'Angleterre par le moyen du Duc de Bourgongne, & espousa la damoiselle de Cleues niece au Duc de Bourgongne.

Vous auez cy dessus bien entendu & ouy racompter, comment par plusieurs fois en diuerses ambassades tant de par le Roy comme du Duc de Bourgongne auoient esté enuoyées par deuers les gens du Roy d'Angleterre, sur intention de traicter paix entre les deux royaumes. Et aussi pour la deliurance de Charles Duc d'Orleans, lesquelles ambassades y auoient assez peu besongné: car lesdits Anglois ne bailloient response n'esperance de venir à aucun traicté, se n'estoit que ce fut au grand preiudice & dommage du Roy de France & de sa seigneurie. Et ne vouloient les dessusdits Anglois venir ne condescendre à nul appoinctement, si toutes les conquestes qu'ils auoient faictes en France, & en especial les Duchez de Guyenne, & de Normâdie ne leur demouroient franchement, sans les tenir du Roy de France en quelque souveraineté ou ressort. Et à ce festoient du tout fermez. Laquelle chose iceluy Roy de France ne ceux de son conseil n'eussent iamais accordée. Et au regard du Duc d'Orleans, lesdits Anglois n'estoient point trop desirans de le deliurer, pource que chacun an auoient trespassement de pecune pour bien largement payer les despens. Et cela fut vne des choses en partie, pourquoy ils le tindrent si longuement prisonnier selon la relation qu'en faisoient aucuns Anglois, qui bien sçauoient des secrets du Roy d'Angleterre. Et pour vray si le Roy de France & ceux qui auoient le gouvernement des besongnes touchant les seigneuries du dessusdit Duc, eussent long temps par auant conclud de ne luy point enuoyer lesdictes finances, il est à supposer que sa deliurance eust plus tost esté trouuée qu'elle ne fut. Neantmoins ie croy que tout ce qui s'en faisoit estoit en bonne intention & pour entretenir honneur. Lesquels traictés durans & depuis ledit Duc de Bourgongne, qui auoir assez grand desir & volenté à ayder à deliurer ledit Duc d'Orleans, tant pour la prochaineté de sang dont ils attenoient l'un à l'autre, comme aussi afin que s'il reuenoit en France qu'ils peussent demourer bons & loyaux amis l'un avecques l'autre. Et que toutes guerres & rigueurs qui auoient esté au temps passé, à cause & par le moyen de leurs peres desfunctz, fussent mises en oubly & du tout adnüllées sans iamais riens en releuer, fait par plusieurs & diuerses fois parler & ouurir ceste matiere par aucuns de ses gens audit Duc d'Orleans, & à ceux qui auoient puissance de luy ayder à auoir sadieste deliurance enuers le Roy d'Angleterre, & ceux qui le gouvernoient pour sentir comment ne par quelle maniere ceste besongne pourroit prendre fin. Et en outre fait parler audit Duc d'Orleans, pour sçauoir s'il voudroit prendre à mariage vne sienne niece fille de sa seur Duchesse de Cleues, laquelle estoit en son hostel. Et avecques ce au cas qu'on pourroit traicter de sa deliurance, s'il seroit content du tout luy allier & accorder avec ledit Duc de Bourgongne, sans iamais faire aucune poursuite cõtre luy ne les siens par quelle maniere que ce fut pour les querelles du temps passé dessusdit, sauf en tout

le Roy de France & son fils le Daulphin : lequel Duc d'Orleans considerant la grand seruitude où il auoit esté long temps, & le grand dangier qu'il auoit eu & pouoit encores auoir s'enclina à y entendre. Et de fait promeit en parolle de Prince que si ainsi estoit, que ledit Duc de Bourgongne le peust & voullist ayder à deliurer d'icelle seruitude, il seroit content de prendre sadicte niepce à espouse : & avec ce du surplus tant faire à luy sur toutes ses requestes, que de raison il deueroit estre content. Apres lesquelles promesses on commença de rechef à traicter diligemment avec ledit Roy d'Angleterre & ceux de son conseil. Si fut tant en ce temps continué entre les deux parties que finablement furent d'accord moyennant & par tel si, que le Duc de Bourgongne bailla son seel au Roy d'Angleterre pour la somme qui entre eux fut dictée & deuisée.

APRES ces traictez faits & accordez par la maniere cy dessus declairée, le dessusdit Duc d'Orleans fut du tout mis à plaine deliurance. Et apres qu'il eut promis solemnellement de luy employer en tout ce qui luy seroit possible à la paix finale d'entre les deux Roys & leurs royaumes. Et avec ce quand il eut prins congé au Roy d'Angleterre & aux autres seigneurs, se partit de Londres en Angleterre, & par aucuns peu de iours vint en la ville de Calais garny de bon saufconduit, & delà fut amené à Grauelines. Et estoient avec luy pour le conduire le seigneur de Cornaillie, messire Robert de Roix & autres gentils-hommes d'Angleterre. Auquel lieu de Grauelines alla deuers luy la Duchesse de Bourgongne, accompagnée de plusieurs grans seigneurs & autres gentils-hommes. Si s'entreferirent grand ioye, & monstrerent semblant d'auoir toute liesse, quand ils s'entreueirent ensemble : c'est à sçauoir ledit Duc d'Orleans pour sa deliurance, & ladicte Duchesse pour sa venue. Et peu de iours ensuiuans y alla ledit Duc de Bourgongne pour le veoir. Et y fut fait comme deuant tresgrand plaisir & ioye à tous ceux qui là estoient pour icelle assemblée. Et pour la grand amour qu'ils veoient ces deux Princes auoir l'un avecques l'autre. Et est à sçauoir qu'ils s'entreacollerent & embrasserent par plusieurs fois. Et pour la grand ioye qu'ils auoient de veoir l'un l'autre, ils furent moult longue espace qu'ils ne disoient riens l'un à l'autre. Et premierement parla le Duc d'Orleans & dit : par ma foy beau frere & beau cousin, ie vous doys aymer par dessus tous les autres Princes de ce royaume, & ma belle cousine vostre femme : car si vous & elle ne fussiez, ie feusse demouré à tousiours au dangier de mes aduersaires & n'ay trouué meilleur amy que vous. A quoy ledit Duc de Bourgongne respondit que moult luy pesoit, que plus tost n'y auoit peu pourueoir : & que long temps par auant auoit eu grand desir de foy employer pour sa redemption. Telles & semblables parolles furent dictes par moult de fois entre iceux deux Princes. Pour lesquelles plusieurs nobles hommes & autres gens d'auctorité qui là estoient des deux parties, estoient bien ioyeux, & par especial pour la reuenue dudit Duc d'Orleans : lequel par si long temps auoit esté prisonnier es mains de ses aduersaires les Anglois : c'est à sçauoir depuis le vendredy prochain deuant la Toussaincts de l'an de grace mille quatre cens & quinze, iusques au mois de Novembre mille quatre cens quarante. Si estoient là ptesens les ambassadeurs du Roy de France, desquels estoient les principaux l'Archeuesque de Reims grand Chancelier de France, & l'Archeuesque de Narbonne, le Comte de Du-

nois bastard d'Orleans & aucuns autres : ausquels chacun à son tour ledit Duc d'Orleans feit ioyeuse reception, & par especial à son frere. Et delà s'en vindrent à saint Omer par eaüe, & se logerent en l'Abbaye de saint Bertin, où les appareils auoient esté faits moult solempnels pour receuoir ledit Duc d'Orleans, & avec luy y vindrent les Anglois. Si fut là receu moult honnorablement dudit Duc de Bourgongne, & des seigneurs de son hostel : & luy furent faits de par la ville grans presens, & chacun iour venoient gens des marches de France comme des païs de Picardie pour le veoir. Et entre les autres plus ceux de ses païs que d'autres lieux, & estoient moult ioyeux de son retour. Et apres aucuns iours ensuiuans fut iceluy Duc d'Orleans requis de la partie du Duc de Bourgongne, qui luy pleust iurer la paix d'Arras & prendre en mariage la damoiselle de Cleues niepce audit Duc de Bourgongne, ainsi comme il auoit esté traité : lequel Duc d'Orleans feit responce que tout ce qu'il auoit dit & accordé luy estant prisonnier, il vouloit entretenir. Et adonc ces besongnes ainsi conclues se meirent les Ducs & leurs gens dedans le cueur de l'Eglise dudit saint Bertin : auquel lieu fut apporté ledit traité par escript en Latin & en François : & là fut leu hault & entendiblement, premier en Latin, & puis en François par maistre Jacques Trançon Archediacre de Bruxelles en Brabant, present les deux Ducs dessusdits, les Archeuesques & Euesques : là assistens avec grand nombre de cheualiers & escuyers gens d'Eglise, Bourgeois & autres officiers des deux parties. En là fin duquel le Duc d'Orleans promet & iura sur le liure & representation de nostre createur, que tenoit en ses mains ledit Archediacre de Reims de bien entretenir iceluy traité en tous ses points, generalmente sauf que l'article qui parloit de la mort du Duc Jean de Bourgongne, & dit qu'il n'estoit point tenu de luy excuser d'icelle mort : & que par son ame il n'en auoit esté consentant, & si n'en auoit riens feue : mais en auoit esté tresdesplaisant quand icelle fut venue à sa cognoissance : voyant & considerant que par le moyen de ladicte mort, le royaume de France estoit en plus grand dangier que deuant. Et ce fait fut appellé le Comte de Dunois Bastard d'Orleans, pour faire le serment dessusdit : lequel delaya vn petit : mais incontinent par le commandement dudit Duc d'Orleans, son frere il le feit. Et ce fait & accomply le Duc dessusdit promet à espouser la dessusdicte damoiselle de Cleues, & de fait fiancerent l'un l'autre en la main de l'Archeuesque de Narbonne. Si commencerent leans de toutes parts à mener grand ioye, & faire moult grans festes & esbatemens : & fut enuoyé par les gens dudit Duc en plusieurs & diuers lieux de ses païs, pour auoir provisions à fournir les festes d'icelles nopces. Et avec ce aussi la feste de saint Andrieu qu'il n'auoit de pieça tenue. Et soubstenoit ledit Duc de Bourgongne tous les despens dudit Duc d'Orleans & de ses gens. Et en apres le samedi deuant la sainte Andrieu, espousa le dessusdit Duc d'Orleans ladicte damoiselle de Cleues : & le lendemain qui estoit dimenche fut faite la feste treshonorable, & estoit grand noblesse à veoir les seigneurs & les dames mener à l'Eglise. Et menoit ledit Duc de Bourgongne sa niepce en la tenant par le fenestre bras. Et au droit costé estoit sur le derriere messire Jean bastard de saint Pol, le seigneur de Haulibourdin, qui portoit la manche de ladicte Duchesse d'Orleans. Et vne dame portoit la robbe par derriere qui moult estoit riche : & apres vn

petit plus derriere suiuiot le Duc d'Orleans, qui menoit la Duchesse de Bourgongne accompagnée des plus grans seigneurs : comme des Comtes d'Eu, de Neuers, d'Estampes, de saint Pol, de Dunois : & si y auoir tresgrand nombre de grans seigneurs cheualiers & escuyers, dames & damoiselles, qui tous suiuiot le dit Archeuesque de Narbonne, lequel chanta messe pour iceluy iour. Et avec luy estoient tresgrand quantiré de gens d'Eglise, qui firent la procession autour du cueur : & quand aux Roys d'armes, heraulx & poursuiuans, trompettes, menestriers & autres iouans de diuers instrumens de musique, il y en auoit largement. Et estoient lesdits officiers d'armes vestuz de leurs cottes d'armes, où estoient les blasons des seigneurs à qui ils estoient : entre lesquels y estoit le Roy d'armes de la Iartiere d'Angleterre. A tous lesquels hōneurs estoient aussi le dit seigneur de Cornouaille, messire Robert de Roix avec eux plusieurs de leurs gens. Aufquels on faisoit & fait on durant ces besongnes tresgrans honneurs & ioyeuse reception : & par especial le dit Duc de Bourgongne à iceluy seigneur de Cornouaille. Et alloiēt à leur plaisir par toute la ville sans ce qu'on leur baillast empeschement. Et la Messe finée on alla disner : & fut la Duchesse d'Orleans assise en la grand salle ou meillieu de la table, & au droir lez estoit le dit Archeuesque qui auoit celebré la messe, & de l'autre costé au lez fenestre estoit la Duchesse de Bourgongne, si estoient aussi les Comtesses d'Estampes & de Namur. Et aux autres tables estoient assises les autres dames & damoiselles chacune selon son degré & noblesse. Et quand aux deux Ducs les deux seigneurs Anglois, & les Comtes dessus nommez & autre grande cheualerie dīnerent l'un avec l'autre, comme en brigade, & furent tant les vns comme les autres seruius tresabondamment de plusieurs riches & diuers mets. Apres lequel disner ils allerent veoir les ioustes, qui se faisoient sur le marché & là estoient les dames aux fenestres en tresgrand nombre : desquelles ioustes pour iceluy iour emporta le bruit le seigneur de Vaurin. Et de rechef furent faictes autres ioustes apres soupper en la grand salle de saint Bertin pour haulr, sur petis cheuaux de six heaulmes feullement. Et y eust moult grand foison de lances rompues & les faisoit moult bel veoir. Et le lendemain qui fut le lundy fut faicte moult belle & ioyeuse feste, tant en ioustes comme en autres esbatemens : desquelles ioustes le Comte de saint Pol emporta le pris des dames. Esquels iours furent donnez moult grans dons à tous les officiers d'armes par les Princes dessusdits. Pour lesquels ils crierent à haulte voix & par plusieurs fois largesse, en denommant ceux qui ces biens leur auoient faits. Et le mardy ensuiuant qui fut la nuit de saint Andrieu, le Duc de Bourgongne commença sa feste de la toison d'or : & alla ouyr vespres au cueur de l'Eglise de saint Bertin, accompagné de ses freres de l'ordre vestus & habitez de leurs manteaux, chapperons & habillemens autres fois accoustumez de porter. Auquel cueur estoient mis & attachez par dessus lesdits cheualiers contre leur siege, vn tableau auquel estoient painctes les armes, & en y auoir vne grand partie qui point n'estoient presens. Et en failloit cinq qui estoient morts depuis le temps qu'on auoit octroyé ladicte feste : & le lendemain qui fut le iour saint Andrieu vindrent en l'Eglise en moult noble appareil, où fut fait le service tressolemnellement. Et faisoit moult bel-veoir les riches paremens tant de l'autel comme du cueur. Et pour vray les François & Anglois

Anglois là estans, estoient tous esmerueillez de veoir le grand estat & les richesses dudit Duc de Bourgogne. Apres lequel seruire ledit Duc s'assit à table en la grand salle, au milieu desdits chevaliers de l'ordre: lesquels se seioient tous d'un lez & par belle ordonnance en la maniere autresfois accoustumée, & furent seruis tresrichement: & en allant & retournant alloient deux à deux, & les plus anciens derriere: c'est à sçauoir en cheualerie. Le iedy enterrent en leur chapitre, où ils furent treslonguement pour eslire les cheualiers qui tiendroient les lieux & les colliers de ceux qui estoient trespassez. Auquel chapitre se consentirent tout d'un commun accord d'en presenter vn au Duc d'Orléans. Et pour sçauoir si ce seroit son plaisir de le recevoir, on enuoya deuers luy l'Euesque de Tournay & maistre Nicolas Roullin Chancelier de Bourgogne: lesquels luy declairerent la voulenté du Duc de Bourgogne & des cheualiers de l'ordre. A quoy il feit responce que voulentiers les receueroit pour l'honneur de son beau frere & cousin & le Duc de Bourgogne dessusdir, & briefuement apres vint en la grand salle: auquel lieu vindrent le dessusdit Duc de Bourgogne, & tous les cheualiers dudit ordre qui estoient leans venans de leur chapitre, & les officiers d'armes deuant eux. Et portoit le Roy d'armes de la roison vn mantel & chapperon de ladicte ordre sur son bras, & eux approchans ledit Duc d'Orléans messire Hue de Launay qui de ce estoit chargé, porta la parolle, & en adressant à luy dit: mon tresexcellent, trespuissant & tresredoubté seigneur monseigneur le Duc d'Orléans, veez cy en vostre présence mon tresredoubté seigneur monseigneur le Duc de Bourgogne & messeigneurs ses freres de l'ordre de la toyson d'or, qui ont aduisé & conclud tous ensemble en leur chapitre que pour la treshaute renommée, vaillance & preud'homme, qui est en vostre tresnoble personne, ils vous presentent vn collier de ladicte ordre: en vous priant tres humblement qu'il vous plaise à recevoir & porter, afin que la tresfraternelle amour qui est entre vous & mon tresredoubté seigneur, se puisse mieux entretenir & perseuerer, lequel Duc respondit qu'il le feroit voulentiers. Et adoncques ledit Duc de Bourgogne auoit vn desdits colliers tout prest, luy presenta & le meir au col dudit Duc d'Orléans au nom du pere & du fils & du saint esprit & puis le baïsa. Et là presentement le Duc d'Orléans requist aussi au Duc de Bourgogne, qui luy pleust porter son ordre ce qui luy accorda. Et tantost ledit Duc d'Orléans tira de sa manche vn des colliers de son ordre, & le meit autour du col dudit Duc de Bourgogne. Et apres ledit Duc d'Orléans fut là affubé d'un mantel & chapperon de l'ordre: & puis fut mené au chapitre pour faire les sermens accoustumez en ce cas, & pour ayder à eslire quatre cheualiers qui failloient encor, lesquels ne furent point denommez si hastiuement. Et ne sceut nul adoncques fors eux mesmes, à qui ils seroient donnez. Pour lesquelles ordres dessusdictes ainsi baillées & receuës par iceux deux Princes, la plus grand partie des nobles & d'autres gens d'auctorité là estans, furent tres ioyeux de les veoir en si tres grand amour & concorde l'un avecques l'autre. Et certain temps apres ensuiuant retournerent en leurdit chapitre tous ensemble, & là se concorderent de lenuoyer & presenter au Duc de Bretagne & d'Alençon à chacun d'eux vn des colliers dessusdit: pour lequel messaige faire y fut commis ledit Roy de la Toison, & porta lettres desdits Duc d'Orléans & de Bour-

gongne & des cheualiers de l'ordre. Si feit son messaige bien & à point, & tant qu'iceux seigneurs receurent bien agreablement les deux colliers dessusdits: & luy donnerent pour sa peine aucuns riches dons, desquels il fut content. En outre les besongnes dessusdictes accomplies, & que la feste de saint Andrieu fut passée: le seigneur de Cornoaille se partit de S. Omer, & par Calais s'en retourna en Angleterre à tout ses gens, excepté la compagnie dudit messire Robert de Roix, qui demoura avec le Duc d'Orleans sur intention d'aller avec luy deuers le Roy de France, où il estoit enuoyé en ambassade de par le Roy d'Angleterre: durant lequel temps aucuns notables hommes de la ville de Bruges vindrent au lieu de S. Omer, pource qu'ils desitoient moult que le Duc de Bourgogne leur seigneur, duquel ils n'estoient point encores bien en grace, retournast en leur ville: car nonobstant qu'ils fussent reconciliez avec luy, si auoit il dit que iamais n'y entreroit si plus grand seigneur que luy ne luy menoit. Si requirrent lesdits Brugelins treshumblement audit Duc d'Orleans, que de sa grace il luy pleust faire ceste requeste au Duc de Bourgogne, & qu'il luy pleust le y mener: laquelle requeste il feit & luy fut par ledit Duc accordée. Si se prepererent, & tous ensemble se partirent de S. Omer: & par aucuns iours s'en allerent à Bruges ainsi qu'il auoit esté ordonné, où ils furent receuz tresioyeusement. Et feirent ceux de Bruges de grans appareils pour honnorer & recevoir iceux deux Ducs & les Duchesses leurs femmes, avec toutes leurs gens plus sans comparaison qu'ils n'auoient fait passé long temps par auant: desquels appareils & preparations aucunes choses seront cy declairées en brief.

PREMIEREMENT quand les Brugelins sceurent que lesdits deux Ducs approchoient leur ville, tous ceux de la Loy avecques tous les officiers & seruiteurs issirent dehors. Et pareillement les Doyens & Conneftables en nombre competent, selon ce qui leur auoit esté ordonné. Et pouoient bien estre sur tout quatorze cens, qui allerent au dehors de ladicte ville de Bruges & hors les mettes d'icelle, & iusques à vn hostel nommé les trois Roys. Et là se meirent en vne grand place attendant la venue de leur seigneur: lesquels le voyant venir & approcher d'eux au costé du Duc d'Orleans, se meirent trestous en ordonnance à nuds pieds sans chapperons & tous descoints. Et en eux approchans se meirent tous à genoux les mains ioinctes: & present toute la seigneurie, qui y estoit en tresgrand nombte & les Duchesses d'Orleans & de Bourgogne, luy supplierēt treshumblement qu'il leur voulsist pardonner leurs offences du temps passé, selon la teneur de la paix. Lequel Duc delaya vn petit: mais incontinēt par la priere dudit Duc d'Orleans, leur octroya leur requeste. Et ce fait ceux de ladicte loy baillerent audit Duc de Bourgogne toutes les clefs des portes de la ville. Et adonc tous les dessusdits Brugelins se leuerēt, & s'en allerēt chauffer & habiller. Et puis partans de là, vindrent tantost toutes les processions des Eglises de ladicte ville iant des quatre ordres des mendiants, des religieux, des religieuses & beguines, & les parroisses à tout leurs reliques & meilleures chappes. Si estoient en tresgrand nombre, & commencerent tous à chanter. *Te Deum laudamus* à haulie voix & clete, quand ils ouyrent que leur naturel seigneur estoit content d'eux. Si le conuoyerent là plus grand partie iusques à son hostel. Et quand au regard des marchans de toutes nations qui lors se tenoient en ladicte ville de

Bruges,

Bruges, ils s'en allerent chacun d'eux en droit foy en moulr belle ordonnance, & tresrichement habillez de diuers habillemens tous à cheual au deuant dudit Duc de Bourgogne: d'autre part estoient fais en plusieurs lieux, par où ledit Duc deuoit passer grans eschauffaux: sur lesquels y auoit personnaiges, qui iouoient de moult de manieres de ieux. Aussi estoient les rues à vn costé & à l'autre tendues de riches draps. Et quant aux trompettes d'argent, clerons & autres instrumens de musique, il y en auoit par si grant nombre que tout en retenissoit par ladicte ville. Si y auoit en outre en plusieurs & diuers lieux manieres d'instrumens tant en semblance de personnaiges que autres, qui ietroient vin & autres bruuages & en prenoient tous ceux qui en vouloient & aduenir y pouoient. Finablement il n'est point de memoire, que lesdits Brugelins feissent onques pour nuls de leurs seigneurs predecesseurs dudit Duc tant de ioyeuferez ne de riches paremens, qu'ils feirent ceste fois, comme dessus est dit. Et quand il fut descendu à son hostel, ceux de là Loy allerent deuers luy pour le bien viengnier. Et apres ce qu'il les eu receuz assez ioyeusement, il leur feit par le souverain de Flandres rendre les clefs des portes qu'ils luy auoient presentées & baillées au dehors de ladicte ville, disant qu'il auoit bonne fiance en eux, dont ils furent moult ioyeux, & là commencerent tous à crier Noël. Et aussi l'auoient desia crié en plusieurs lieux par la ville à sa venue. Et quand ce vint à la nuit par route la dessusdicte ville, furent fais moult de beaux feux sur haults eschauffaux, & tant que tout resplendissoit. Et quand ce vint le lendemain, furent faictes vnes ioustes sur le marché, ausquelles iousterent plusieurs nobles hommes & bourgeois. Si emporta le pris de ceux de dehors le seigneur de Vvaurin, & ceux de dedans la Damoiseau de Cleues: lequel fut seruy de lances par son oncle le Duc de Bourgogne. Apres lesquelles ioustes, & que le souper fut fait: on commença à dancer en grand triumphe, & y furent mandées les damoiselles de ladicte ville de Bruges. Et le mardy ensuiuant furent faictes encores vnes ioustes sur ledit marché. Et soupperent rous lesdits seigneurs, dames & damoiselles en la maison des Escheuins, où ils furent seruiz tresabondamment aux despens de ladicte ville. Et le samedi vindrent de Charrolois le Comte dudit lieu & fils dudit Duc de Bourgogne, & la Comtesse sa femme fille du Roy de France: à l'encontre desquels allerent le Duc d'Orleans & plusieurs nobles hommes, & ceux de la Loy de ladicte ville accompagnez de grand nombre de notables bourgeois. Et furent conuoyez iusques à la court d'iceluy Duc: & le dimanche en perseuerant furent faictes ioustes, dances & plusieurs autres esbaremens, qui trop long seroient à racompter chacun par luy: mais pour vray les Brugelins, feirent es iours dessusdits toutes les ioyeufetes qu'ils pouoient imaginer, tant pour l'amour de leurdit seigneur & Prince comme pour complaire audit Duc d'Orleans, & à ceux qui estoient avec luy: & aussi luy feirēt aucuns presens, desquels il se tint assez content. Et le lundy ensuiuant se departit d'icelle ville de Bruges sa femme la Duchesse & sa compagnie. Auquel deparremēt y eut maintes larmes plorées des dames & damoiselles de l'hostel dudit Duc de Bourgogne, au prendre congé à iceluy Duc. Et par especial pour la cause du departemēt d'iceluy Duc d'Orleans, & s'en allerent à Gand: iusques auquel lieu les cōuoya le deuādit Duc de Bourgogne, où ils furēt semblablement receuz honorablement.

duquel lieu de Gand peu de iours ensuiuans se departit le dessusdit Duc d'Orleans, la Duchesse sa femme avec luy. Et les conuoya le Duc de Bourgogne iusques au dehors de la ville. Si prindrent congé l'un à l'autre, & s'entre-offrirent de faire dorenavant ce que possible leur seroit l'un pour l'autre. Et de là s'en alla par aucuns iours en la cité de Tournay, où on luy feit treshonorable & solennelle reception. En outre depuis qu'iceluy Duc fut retourné des pays d'Angleterre à Grauelines, & de là venu à S. Omer & és autres lieux dessus nommez iusques au partemēt de luy & dudit Duc de Bourgogne, vindrent deuers luy des marches de France tāt de seigneurs cōme d'ailleurs plusieurs gens pour le veoir & biē viengner, & luy offrir leur seruice, desquels il en retint partie. Et d'autre part des pays mesmes du dessusdit Duc de Bourgogne, en y eut tresgrād nōbre, qui par diuers moyens feirent tāt qu'ils furēt retenuz à luy & de son hostel, tant gentils. hōmes comme damoïselles & autres de diuers estats. Aussi luy furent presentez par plusieurs cheualiers & escuyers bien huiēt ou dix de leurs enfans pour estre ses pages. Et avec ce luy furent baillez enuiron vingt & quatre compaignons des marches de Boulenois bien empoïnctz, montez & habillez pour estre ses archiers & gardes de son corps, lesquels furēt tous retenus de son hostel. Et tant se multiplierent les seruireurs dessusdits, q̄ quād il vint audir lieu de Tournay, il auoit enuiron bien trois cens chevaux de la retenue. Et quand à son ordre elle fut par luy oſtroyée à porter à grand nombre de cheualiers & escuyers & autres de moyens estats, qui luy en faisoient requerir pour l'auoir: ils en faisoient peu ou neant de reffuz, & fut pour ce temps assez commun és pays de Picardie. Si estoient moult de gens desirans de le seruir & estre à luy, sur intention & esperāce qu'ils auoient principalement que luy venu enuers le Roy, il auoit vn tresgrand gouuernement au Royaume de France: pourquoy par ses moyens ils poutroierēt estre moult auancez en diuerses manieres, & luy mesmes l'entendoit ainſi. Toutesfois y auoit aucuns saiges qui doubtoient le contraire & qu'il n'en aduint ainſi qu'il feït. Et bien disoient en leur secret, que plus tost eussent conseillē audit Duc d'aller deuers le Roy plus hastiuemēt, & à plus priuée mesgnie qu'il ne feït. Et d'autre part leur sembloit que ceux qui gouuernoient le Roy & auoient gouuernē long temps par auant durant le temps de ses aduersitez, ne souffriroient point tant qu'ils peussent qu'autre qu'eux eust le gouuernement: jaçoit que celuy Duc luy fut plus prochain que tous les autres, & qu'il eut moult fort à souffrir pour la couronne de France. Neantmoins il a esté veu de treslong temps qu'entre si grans seigneuries, a tousiours eu de grans enuies & dissensions, & que les grans seigneurs ont souuent baillé l'un à l'autre des trauers. Et apres ledit Duc d'Orleans partant de Tournay, alla à Vallenciennes & de Vallenciennes au Quesnoy le Comte veoir sa belle cousine la Comtesse Marguerite douāgiere de Hainault, qui le festoya tresioyeusement. Et apres qu'elle luy eut donné aucuns dons s'en vint en la cité de Cambray, où on luy feit plusieurs presents: & entre les autres luy donnerent ceux de la ville cinq cens escus d'or de France: duquel lieu de Cambray il auoit intention d'aller à S. Quenrin, mais aucuns de ses gens luy donnerent à entendre qu'il y auoit grād peril pour luy & sa compaignie d'aller ce chemin, pource qu'il faillloit passer par aucuns destroits pres des fortteresses messire Iean de Luxembourg, qui

encor

encor n'auoit point fait le serment de la paix d'Arras . Et pour ceste cause & afin d'aller plus seurement, manda aucuns gentils-hômes de la marche de Cambresis, & leurs gens pour ayder à conuoyer leurs bagues . Duquel messire Iean de Luxembourg si ledit Duc d'Orleans eut sceu les affaires, il n'en deust point estre en doute pour deux raisons. La premiere si est qu'il estoit du tout reconseilli avecques ledit Duc de Bourgongne : & mesmement auoit esté à Bruges au temps que ledit Duc d'Orleans y estoit, & auoit eu avecques luy assez grande communication & plusieurs parlemens sur aucuns de leurs affaires, tant de la seigneurie de Coucy comme d'autres besongnes qui leur touchoient . Et avecques ce ledit messire Iean de Luxembourg estoit par bonne amour party de luy de la ville de Bruges, & luy auoit offert de le seruir & luy faire plaisir en tout ce qui luy seroit possible. Parquoy estoit à supposer que iamais n'eust consenty luy porter aucun dommage ou contrarieté . La seconde raison si estoit qu'en tant qu'iceluy Duc d'Orleans estoit à Cambray, le dessusdit messire Iean de Luxembourg gisoit en son hostel de Guise moult aggraué de maladie, de laquelle il alla de vie à trespas. Et furēt apportées les nouuelles de sa mort au dessusdit Duc d'Orleans en la ville de Cambray . Pour lesquelles il demoura deux iours plus qu'il n'auoit intention . Et feit requeste aux gouuerneurs de ladicte ville de Cambray, qu'ils le voulussent eslire à gardien de leurdicte villē ou lieu dudit de Luxembourg qui par auant l'estoit, & il se feroit consermer de par le Roy de France comme il estoit accoustumé. De laquelle requeste ils l'excuserēt au mieux qu'ils peurent, disans qu'ils ne l'oseroient faire sans le consentement de leur Euesque. En apres ledit Duc s'en alla de Cambray à S. Quentin, & de là à Noyon, à Compiengne, à Senlis & puis à Paris, où il seiourna aucuns iours . Et par tout où il passoit & seiournoit, on luy faisoit aussi grand honneur & reuerence cōme on eut fait à la personne du Roy de France, où à son fils le Dauphin : Et auoient les gens moult grand confidence & esperance que par son retour & desprisonnement, viendroient grand consolation au Royaume de France . Et par especial la plus grand partie du peuple y estoient moult fort affectez, & desiroient long temps par auant à le veoir en sa franchise comme lors le veoient. Si estoit l'intention dudit Duc d'aller deuers le Roy au plus tost que faire se pourroit. Mais il ouyt nouuelles, pour lesquelles il se delaya grande espace de temps, c'est à sçauoir bien vn an ou plus. Et la cause si fut pource que le Roy fut aduertey de toutes les manieres qu'iceluy Duc auoit tenues depuis qu'il estoit retourné du paÿs d'Angleterre, & des alliāces & sermens qu'il auoit fait avec le dessusdit Duc de Bourgongne, & aussi de son ordre qu'il auoit prinse: & mesmement que desia estoit accompagné & auoit de son hostel grand nombre de gens des paÿs dudit Duc de Bourgongne, qui auoient autresfois mené guerre au Roy de France & à ses paÿs. Et luy fut dit en outre que ses alliances se faisoient contre luy & ceux qui le gouernoient . Et qu'avecques iceux deux Ducs estoient alliez plusieurs grans seigneurs, comme les Ducs de Bretaigne, d'Allençon & autres : lesquels auoient ja proposé de luy bailler nouuel gouuernement, & que doreinauant son Royaume seroit gouuerné par eux & autres tels qu'ils y voudroient commettre: & auroit tant seullement honnestement son estat, sans pouoir faire aucune chose qu'il ne fut par le consentement

& cōgé d'iceux seigneurs. Lequel Roy qui tousiours estoit assez enclin de croire conseil, pource que durant son regne on luy auoit fait & machiné par plusieurs fois de grâs trauerses & assez semblables, creut legierement tout ce qu'on luy dit des besongnes dessusdictes estre veritables. Et par especial quand il sceut que lesdits deux Ducs de Bretagne & d'Alençon auoient receu l'ordre dudit Duc de Bourgogne, il en fut en plus grand doubte que par auant. Et avec ce de iour en iour ceux qui estoient avecques luy, luy disoient & rapportoient que ainsi estoit qu'on le disoit: pour lesquelles nouuelles il estoit tresmal content. Et pource nonobstant qu'il eut ordonné dudit Duc d'Orleans venir deuers luy, en disant à ses gens qu'ils luy auoient apporté les nouuelles de son retour, que moult le desiroit à veoir: neantmoins pour les choses dessusdictes ne fut point content qu'il y allast s'il n'estoit à priuée mesgnie sans y mener aucuns des dessusdits de son seruice: c'est à sçauoir ceux du dessusdit païs du Duc de Bourgogne. Et pourtant ledit Duc d'Orleans sçachant les choses estre en l'estat dessusdit, se tira de Paris à Orleans, & puis à Blois, & sur ses autres seigneuries où il fut encores plus qu'ailleurs tresnotablement receu de tous ses vassaulx & subiects: & luy furent faits plusieurs & notables dons & riches presens en sedites seigneuries.

OR conuient retourner à parler vn peu de messire Jean de Luxembourg Comte de Ligney: lequel (comme dit est) par auant trespassa dedans le chastel de Guise. Si fut son corps emporté sur vn chariot accompagné de ses gens treshonorablement en l'Eglise nostre Dame de Câbray, où il fut mis sur deux estaulx dedans le cuer. Et la premiere nuit on dit vigilles & commandasses, & fut veillé iusques au lendemain, qu'on dit la messe des morts moult solennellement. Et y auoit tresgrand nôbre de torches allumées autour dudit corps, que tenoient les gens. Et icelle messe finée fut mis en terre au dehors dudit Cueur, assez pres d'un de ses predecesseurs nommé messire Vvalleran de Luxembourg seigneur de Ligney & de Beaurevoir: & comme en autre lieu est plus à plain declairé. Ledit messire Jean de Luxembourg alla de vie à trespas sans auoir fait deuers le Roy de France ne autres ses deputez le serment de la paix d'Arras, jaçoit-ce qu'à ce faire eust esté plusieurs fois incité. Et depuis l'an trente cinq qu'icelle paix auoit esté confermée, iusques enuiron la nuit des Roys mille quatre cens & quarante qu'il trespassa (comme dit est) auoit entre-tenu ses villes, forteresses & païs sans ce que nulles des trois parties: c'est à sçauoir de France, d'Angleterre & de Bourgogne y eussent fait aucunes entreprinse, sinon assez peu. Car quant ausdits Anglois ils estoient tous desirans de luy complaire & faire plaisir, pource qu'il n'estoit point encores deslié d'eux & n'auoit rendu son serment: & auoient moult grand fiance d'auoir son ayde & assistance, si besoing leur en eut esté, & pareillement il se tenoit tout feur d'auoir ayde cōtre tous ceux qui l'eussent voulu nuire ou greuer. Et au regard des Bourgongnōs peu en y auoit qui ne feussent enclins de luy faire plaisir en tous ses affaires. Et nonobstant que le Duc de Bourgogne fut par vn temps aucunement indigné contre luy, par les rapports qu'on luy faisoit souuent: neantmoins la besongne ne sortit point à effect si auant, que pour venir à l'eure de fait: ains estoit du tout retourné en la bonne grace & bien vueillance dudit Duc Philippe

Philippe de Bourgongne . Et d'autre part les dessusdits François & par especial les capitaines qui menoiert & entretenoiert les gens de guerre le doubtoient fort, pource qu'ils le sentoient moult vaillant de sa personne & que tousiours il estoit pourueu de gens de guerre pour resister contre eux, fils luy faisoient aucun domage. Et scauoient bien que s'il les trouuoit sur aucunes de ses seigneuries à son aduantage, il les feroit destruire sans en auoir aucune misericorde . Et pour ces raisons quand ils approchoient desdictes seigneuries, ils estoient tous ioyeux de bailler leurs scelez, promettant de non luy faire aucun dommage ne quelque grief ou desplaisir à luy ne aux siens. Et ainsi le feirent plusieurs fois, & aussi il estoit content de les laisser paisibles sur icelles conditions . Toutesfois peu de temps deuant sa mort le Roy Charles de France auoit cōclūd avecques son conseil, de non luy plus bailler aucuns iours de respit : & avec ce estoit du tout delibéré de venir à grand puissiance contre luy, pour le subiuguer & mettre en son obeissance, ou au moins le contraindre de luy faire le serment d'Arras dessusdit . Mais Dieu le createur de toutes choses y pourueut auant qu'on peut scauoir à quelle fin icelles besongnes pourroient venir . Ainsi & par ceste maniere fina sa vie le dessusdit messire Iean de Luxembourg, qui de sa mesme personne auoit esté trescheualeureux & moult doubté en tous lieux où on auoit de luy cognoissance . Et pouoit bien auoir enuiron cinquante ans d'aage . Et assez brief temps apres son trespas, vn nommé Leurin de Moucy à qui il auoit baillé le chastel de Coucy en garde le rendit és mains du dessusdit Duc d'Orleans, moyennāt certaine grand somme d'argent qu'il en receut . Et ne fut point content de mettre és mains du Comte de saint Pol nepueu & successeur dudit messire Iean de Luxembourg . Et aussi ceux de Neelle & de Beaulieu en Vermandois debouterent Lionnel de Vvandonne, qui estoit leur gouverneur, & tous les autres qui estoient en icelles places de par le dessusdit messire Iean de Luxembourg, & meirent dedans les gens de monseigneur de Mongaignier . Et toutes les autres villes, citez, chasteaux & forteresses furent mises & deliurées en l'obeissance dudit Comte de S. Pol, par ceux qui les tenoient & en auoient eu le gouvernement.

Comment le Roy de France alla à Troyes en Champaigne . Et comment plusieurs villes & forteresses se meirent en son obeissance, & autres matieres.

DVrant le temps dessusdit Charles Roy de France feit moult grand assemblee de gens de guerre de plusieurs de ses païs . Et avecques ce remanda les capitaines des compagnies, dont dessus est faicte mention, qu'ils veinssent deuers luy à tout leurs gens . Et quand tout fut assemblé deuers la riuier de Loire, il se partit de Bourges en Berry son fils le Dauphin en sa compagnie, le Cōestable de France, messire Charles d'Anjou, & autres grans seigneurs en tresgrand nōbre . A tout lesquels il se tira à Troyes en Champaigne, & là seiourna enuiron trois sepmaines: & estoient ses gens logez par les villes sur le plat païs, dont cestuy païs estoit moult fort traouillé: & si en y auoit grand partie és parties d'Auxerre & de Tōnerre, & sur les marches de Bourgongne . Auquel temps plusieurs villes & fortesses se meirent en son obeissance, lesquelles par auāt luy auoient fait forte guerre à ses païs, & aussi ap-

païsa la guerre des Battois & Lorrains, & du Côte de Vaudemôt. Et si se pacifia avec luy, le Damoiseau de Cōmercis & plusieurs autres seigneurs des marches de Bougongne, qui par auât estoïent en son indignatiō. Et ces besongnes faictes & accōplies s'en vint ledit Roy en la ville de Bar sur-Aube, auquel lieu vint deuers luy le Bastard de Bourbon, qui auoit soubz luy à son cōmandemēt vne tref grosse cōpaigñie de gens d'armes, qu'il auoit long tēps entretenu sur les chāps : mais quand il fut venu audit lieu de Bar, il fut accusé d'aucuns crimes deuers le Roy. Et apres que sur iceux eut esté diligēment examiné, & son proces fait, fut condāpné à estre tué & iecté dedās vn sac à la riuiera tāt qu'il fut noyé, & tant q mortfut accōplie : & ainsi fut fait. Et depuis qu'il fut mort fut tiré dehors de ladicte riuiera & mis en terre saincte. Si fut lors assez commun qu'on luy auoit ce fait, pource q durant la guerre d'entre le Roy & son fils le Daulphin, y estoit à grand puissāces avecques sondit frere le dessusdit Duc de Bourbon : & auoit esté cause principalement de desloger iceluy Daulphin du Roy son pere. Et d'autre part au retour du voyage de Harfleur où il auoit esté avecques le Comte d'Eu (comme dit est ailleurs) il s'estoit tiré à sainct Omer deuers le Duc de Bourgongne : auquel il auoit promis de le seruir si aucuns affaires luy suruenoient, en la faueur du dessusdit Duc de Bourbon beau frere au Duc de Bourgongne dessusdit. Pour laquelle execution ainsi faicte sur iceluy Bastard de Bourbon aucuns des autres capitaines, qui par long temps auoient tenu les champs soubz vmbre des armées du Roy, furent en trefgrand doubte, & cremeur que pareillement ils ne feussent punis de leurs anciennes mauuaises eutes.

Comment les Anglois qui se tenoient au chastel de Folleuille, faisoient moult de maulx en Amiennois & es pais d'environ : & desconfirent aucuns seigneurs Picards, & leurs gens qui les assaillirent.



Tem en iceluy temps les Anglois qui se tenoient au chastel de Folleuille feirent moult de maulx au païs d'Amiennois, de Corbie, & de Santhois : & aussi à la ville de Montdidier & es autres lieux à l'environ : & estoient environ cent compaignons de guerre, qui feirent moult de grans maulx : & tellement contrainquirent iceux païs, que la plus grad partie des villes estoient toutes appaizées à eux & rançonnées à certaine somme d'argent, & de fromens pour chacun mois, dont le pauvre peuple estoit moult fort oppressé & trauaillé. Et mesmement allerent vn iour coudre la ville de Dours sur la riuiera de Somme. Si estoit dedans la forteresse d'icelle ville le seigneur d'icelle, lequel pource qu'il n'estoit point assez puissant pour resister à l'encontre desdits Anglois, monta hastiuement à cheual, & s'en alla en la ville d'Amiens pour auoir ayde & secours. Si trouua le seigneur de Saueufes capitaine de ladicte ville d'Amiens & plusieurs autres gentils-hommes & autres gens de guerre : lesquels avec aucuns du commun se meirent à voye tant de cheual comme de pied, & poursuiuirent iceux Anglois, lesquels ils trouuerent assez pres dudit lieu de Folleuille, où ils se retrahirent en moult belle ordonnance, menans avec eux grand foison de bagaiges qu'ils auoient conquis. Si fut ordonné que le seigneur de Saueufes conduiroit ceux de pied. Et le seigneur de Dours dessus

dessus nommé, le seigneur de Contay, le seigneur de Tilloye, Guichart de Siennes, & aucuns autres gentils-hommes meneroient ceux de cheval: lesquels approcherent & escrierent iceux Anglois pour les combattre tous ensemble de cheual & de pied, laquelle ordonnance ne fut point bien tenue: car les dessusdits de cheual qui estoient moult desirans d'assembler avecques leurs aduersaires, ferirent dedans sans attendre iceux de pied, dont il leur mesaduint tresgrandement: car les dessusdits Anglois qui veirent leurs aduersaires eux approcher, & qui estoient en plus grand nombre, les deux parts se meirent en bonne ordonnance, leurs cheuaux derriere eux, affin qu'on ne les peût enuahir par derriere: & se deffendoient tresvaillamment, & tant que grand partie de leurs aduersaires & ennemis y furent morts: entre lesquels le furēt le seigneur de Dours, Guichart de Siennes, Jean de Beaulieu & aucuns autres nobles gentils-hommes. Et des prisonniers fut le principal messire Martel d'Antoch seigneur de Tilloye, & les autres passerent outre par force de bons cheuaux qu'ils auoient: desquels les aucuns furent moult fort naurez & blessez, & les autres eurent leurs cheuaux effondrez. Et ledit seigneur de Sauces voyāt la besongne estre ainsi mal tournée, entretint au mieux qu'il peut ceux de pied: lesquels il auoit en son gouuernement: & avecques ceux de cheual qui estoient eschappez de la besongne dessusdicte, les reconduir audit lieu d'Amiens moult tuitte & desplaisant de ceste malle aduventure: & depuis par traité fait avec iceux Anglois, furent les morts apportez tous desnuiez pour enterrer chacun en leurs lieux. Si furent aucuns des amis & prochains de ceux qui y auoient esté morts, qui en voulurent donner aucune charge audit seigneur de Sauces, disans qu'il ne festoit point aduancé comme il deust pour ayder & secourir les gens quand besoing leur en estoit. A quoy selon son pouoir sen excusoit, disant que bonnement ne se pouoit plus fort haster. Pource qu'il auoit en son gouuernement (comme dit est cy dessus) les gens de pied: lesquels luy auoient esté baillez à conduire par le consentement de tous les nobles là estans presens.

Comment les gens du Comte de S. Pol destrousserent aucuns des seruiteurs du Roy de France, qui ramenoient des habilliens de guerre tant de la cité de Tournay comme d'ailleurs: & l'amende que ledit Comte de S. Pol en feit.



Tem entre-temps que le Roy de France estoit à tout son armée au pays de Champaigne, comme vous auez ouï dessus, il auoit ordonné aucuns de ses plus feaulx seruiteurs pour aller en sa ville de Tournay, & es marches de Flandres pour achepter certain nombre d'artillerie & autres habillemens de guerre, pour mener en sa ville de Paris, affin de luy ayder quand il en auroit besoing. Lesquels, c'est à sçauoir ceux qui y estoient commis, en feirent tresbonne diligence, & tant que des besongnes dessusdites chargerent plusieurs chars & chariots, & les conduirent seurement parmy les pays du Duc de Bourgongne depuis la cité de Tournay sans trouuer aucun qui leur baillast ou feit empeschement, iusques à tant qu'ils vindrēt en vne ville nommée Ripemont, où ils furent récontrez des gens du Comte de saint Pol, qui estoient en garnison en icelle ville. Entre lesquels estoient Jean seigneur de Thorant, Guyot de Bethune, Hoste de Neufuille & plusieurs autres tant hommes

d'armes comme archiers : lesquels destrousserent du tout lesdits gens & seruiteurs du Roy. Et prindrent & emmenerent lesdits harnois & artilleries à tout les chariots & autres habillemens, & les bouterent en ladicte ville de Rippemont: auquel lieu ils en butinerent & dissipèrent grand partie: toutesfois ce ne fut point du sceu & consentement ne ordonnance dudit Comte de saint Pol: ains en fut trefcourroucé & desplaisant: laquelle destrousse venue à la cognoissance du Roy, en fut trefindigné & mal content: & iura qu'il seroit amendé, & qu'il seroit guerre à iceluy Comte de saint Pol, si l'en n'en faisoit du tout restitution & deliurance, & si l'en ne luy faisoit hommage & feauté des terres & seigneuries qu'il tenoit de luy en son Royaume. Et lors luy estant en la ville de Bar sur-Aube (comme dit est dessus) venoiet de iour en iour gens de guerre des luy pour le servir: & quand il eut illec seiourné vne espace, il s'en vint par Chaalons & Reims en la cité de Laon. Et par tout où il venoit estoit receu par les bonnes villes à luy obeissantes treshonorablement, ainsi & par la maniere qu'il est accoustumé de faire à son Roy & souuerain seigneur. Duquel lieu de Laon & de la marche à l'environ se departirent grand partie de ses capitaines à tout leurs gens d'armes: c'est à sçauoir la Hire, Anthoine de Chabannes, loachin Rohault & aucuns autres pour venir & approcher les villes & forteresses que tenoient les gens dudit Comte de saint Pol, & pour eux faire guerre: lequel Comte de S. Pol, qui estoit assez aduertý d'icelle venue, les auoit fait garnir de ses gens du mieux qu'il auoit peu: & se tenoit de sa personne à Guyse en Tierree pour ayder & subuenir à ceux qui en auoient besoing & necessité. Mais il aduint que ceux de ladicte garnison & les dessus nomez qui se tenoient à Rippemont de par ledit Comte de S. Pol, comme dit est, quand ils ouýrent & sceurent que le Roy & sa puissance les approchoit de si pres, eurent si grand doubte & si grand paour qu'auant que les François veinssent, se departirent soubdainemét: & en grand desroy sans attendre l'un l'autre, & abandonnerent la ville & chasteau dudit Rippemont, en les laissant ou gouuernemét du cõmun peuple. Lesquels demourerent moult desolez pour la departie des dessusdits, & se retrahirent vers leur maistre & seigneur ledit Comte de S. Pol audit lieu de Guyse, & en autres villes & forteresses appartenans audit Comte, qui d'eux fut tresmal content: & par especial de ceux qui en auoient eu le gouuernement, & ausquels il en auoit baillé la charge. Et ce mesme iour ou le lendemain vindrent deuant ladicte ville de Rippemont les François, ausquels au nom du Roy Charles fut baillé plaine obeissance, & les meit on dedans ladicte ville: dedans laquelle ils trouverent des biens treflargement, & en partie en prindrent à leur plaisir. Et entre les autres y entra comme chief ledit loachin Rohault. Et brief iours ensuiuans la plus grand partie de l'armée du Roy se tirerent deuant la ville de Marle, & l'environnerent & l'assiégerent à grand puissance. Dedans laquelle ville estoit de par le Comte de saint Pol vn gentil-homme assez expert & diligent en fait de guerre, nommé Georges de Croix, qui auoit avecques luy enuiron soixante combattans avecques ceux de la ville. Si fut suffisamment sommé de par le Roy de rendre la ville. Mais il feit responces toutes les fois qu'il en fut requis, que sans le sceu & consentement de son seigneur & maistre le Comte de S. Pol point ne la rendroit. Pour lequel refus, les dessusdits assiegeans mande-

rent

rent en grand diligence les gros engins & artilleries du Roy : & de fait les firent asseoir & affuster en tresgrand nombre deuant les portes & murailles de la dessusdicte ville. Si commencerent à iecter & adommager ladicte muraille en aucuns lieux : & estoit leur intention & voulemēt de l'assaillir brief ensuiuant. Mais entre-temps que les besongnes dessusdictes se faisoient, ledit Comte de S. Pol considerant qu'au long aller ce luy estoit chose impossible, de tenir seules places contre le Roy & sa puissance : attendu que desia estoit assez aduertiy, que poin n'auroit secours dudit Duc de Bourgogne, se commença aucunement à dissimuler : car avec ce les principaux qui estoient avec luy, luy conseillerent qu'il trouuast ses moyens d'auoir traitē & de demourer paisible luy & ses seigneuries. Lesquels moyens tant par la Comtesse sa mere douagiere, qui par auant auoit esté deuers le Roy & encores estoit à Laon comme par autres ses bons amis, se commencerent à traicter & ouir. Et finalement ledit Comte de saint Pol alla à Laon deuers le Roy, duquel & du Daulphin il fut receu assez courtoisement, & aussi des autres seigneurs qui là estoient. Et certains briefs iours ensuiuant impetra & obtint enuers ledit Roy, que ceux qui estoient deuant ladicte ville de Marle & ses gens, qui estoient dedās ne feissent point de guerre l'un à l'autre, iusques à certain iour : pendant lequel temps on traicteroit du surplus. Lesquels traictēz finalement apres que sur ce le Roy & son grand conseil eut tenu plusieurs iournées, & que le dessusdit Comte de S. Pol eut esté ouy sur ce qu'il vouloit dire & requerre : fut ordonné qu'iceluy Comte de S. Pol demourroit en la bonne grace du Roy, moyennant qu'il luy feroit hōmaige & serment de fidelité des terres & seigneuries qu'il tenoit en son Royaume, tant de par luy comme de par la Comtesse de Maile & de Soissons sa femme : ainsi & par la maniere que luy auoient fait & faisoient iournellement ses autres vassaulx. Et avec ce qu'il feroit mettre ladicte ville de Marle en l'obeissance du Roy & ses commis, & en vuyder ceux qui dedans estoient. Et outre-plus luy bailleroit certaines lettres signées & seellées de son scel, cōtenās certains points declairez en icelle, dont la coppie sera cy apres mise & escrete. Apres lesquels traictēz faits & accordez par icelles parties, on enuoya tantost de par le Roy audit lieu de Marle certains commis pour prendre l'obeissance de la ville comme dit est. Lesquels cōmis porterent vn saufconduit du Roy au dessusdit Georges de Croix, pour luy & pour ses gens, à tout lequel il se partit & alla à la Feste sur Oyse par l'ordonnance dudit Comte de S. Pol. Et tost apres entrerent iceux commis dedans la dessusdicte ville de Marle, & feirent ce qui leur estoit cōmandé & ordonné de par le Roy, en prenant ladicte obeissance selon le dessusdit traictē : mais brief ensuiuant ladicte ville fut remise & rendue par le consentement du Roy & par son octroy en la main dudit Comte comme deuāt auoit esté. Et adonc se dellogerent de là toutes gens de guerre, & se tirerent plus auāt es marches de Vermandois, de Hainault & de Cambresis : & par tout où ils alloient faisoient de grans oppressions au pauvre peuple. Le Comte de S. Pol depuis qu'il eut sondit traictē, commença à estre tresbien en la grace du Roy & de tous les autres grans seigneurs, & par especial du Daulphin. Et luy promeit de le seruir doresnauant en toutes ses besongnes & affaires contre les Anglois sil luy plaist le mander, & fut en ladicte ville de Laon bone espace de temps.

Et auant son departement bailla les lettres, dont dessus est faicte mention contenant la forme maniere qui cy apres s'en suit.

L O Y s de Luxembourg Comte de S. Pol & de Ligney, de Conuersan, de Braine & de Guise, seigneur d'Angien, & de Beureuoit, & Chastellain de l'Isle. A tous ceux qui ces presentes lettres verront & orront salut: Sçauoir faisons que i'ay promis & par ces presentes promets par foy & serment de mon corps & sous l'obligation de tous mes biens faire, & faire faire plaine & entiere obeissance au Roy nostre sire & à ses officiers tant en iustice comme aux faits & conseruations des droits royaux de ses finances, aydes, greniers, tailles, haults, passaiages: & autres touchans son domaine, & autrement de faire cesser gardes & appaictis mises sus, en ce qui est de ma puissance depuis vingt ans en ça. Et avec ce promets restituer au Roy & par tant où il appartiendra ce qu'il reste, & restituer de l'artillerie du Roy & marchandises princes par ceux de Rippemont, & ce qui reste de cheuaux & chariots du Roy prins par ceux de Marle. Et avec ce ay promis & promets de respondre en la Court de Parlement à tout ce que le Roy ou son procureur voudra maintenir, requerre ou demander touchant la succession de feu monseigneur le Comte de Ligney mon oncle à qui Dieu pardoint, tant au regard des heritages comme des biens meubles que tenoit & possedoit mōdit feu oncle au iour de son trespas, pourtant que toucher m'en peut & pour les Comtez de Ligney, & de Guyse, cōme pour autres terres & seigneuries venues à mondit feu oncle. Et de tenir, obeir & accomplir en tant qu'à moy est tout ce que par ladicte Court me sera sur ce dit iugé & prononcé. Pourquoy i'ay prins & accepté iour, & me suis tenu & tiens pour adiourné en ladicte Court de Parlement, pour respōdre au procureur du Roy au quinziesme iour de Juillet prochain venant, pour y proceder ainsi qu'il appartiendra. Et generallyment promets faire enuers le Roy mon souuerain seigneur, tout ce que bon & loyal subiect doit, & est tenu de faire enuers son Roy naturel & souuerain seigneur. Ne ne souffriray ne tiendray en nulles de mes places gēs pour faire guerre, mal, ne dommage sur le païs, & subiects du Roy. Et avec ce promets rendre & deliurer toutes les terres d'autrui que i'ay en ma main à cause de la guerre, & au regard de Montagu faire mon plain pouoir d'icelle rēdre. Toutes lesquelles choses ie promets de tenir de point en point, ainsi que dessus est dit sans enfreindre. En tesmoing de ce i'ay signé ces presentes de ma main, & scellées du seel de mes armes le xx. iour d'Auril l'an mille quatre cens xli.

Comment la Duchesse de Bourgogne vint à Laon deuers le Roy, pour faire aucunes requestes & autres matieres.



V mois dessusdit la Duchesse de Bourgogne femme au Duc Philippe & fille au Roy de Portugal, alla deuers le Roy Charles en la cité de Laon treshonorablement accompagnée de cheualiers & escuyers comme de gens de conseil, & aussi de dames & de damoiselles. Et pource qu'elle n'estoit point bien haicte, se faisoit porter sur vne liechiere. Si vint au deuant d'elle bien vne lieüe le Cōnestable, qui auoit espousé la sœur dudit Duc de Bourgogne, comme dit est ailleurs: lequel Connestable la mena & cōduict iusques en ladicte ville, & aussi deuers le Roy qui la receut assez courtoisement

toisement, & aussi feit son fils le Daulphin & autres plusieurs nobles & grâs seigneurs. Apres laquelle reception elle se retrahit en l'abbaye de S. Martin, où elle fut logée. Et depuis fut par plusieurs fois deuers le Roy pour luy faire aucunes requestes, dont elle estoit chargée de par ledit Duc de Bourgongne son seigneur & mary, tât sur la paix generale d'entre les Royaumes de Frace & d'Angleterre, comme pour le fait du Duc d'Orleans. Et avec ce pour la fortresse de Montagu appartenant au seigneur de Commercy, que tenoit encores Villemet de Hainault, & autres des gēs de feu messire Iean de Luxembourg. Et se vantoient ceux qui la tenoient de la non rendre à ceux qui desia les auoient requis de par le Roy, sans le congé & licence du Duc de Bourgongne. Pour lequel reffuz y estoient allez grand cōpaignie des gēs du Roy, sur intention d'y mettre le siege. Si fut aucunement atargé de luy mettre, sur esperance qu'on trouueroit aucun bon traicté deuât le partement d'icelle Duchesse: laquelle feit en outre plusieurs requestes au Roy: mais peu luy furent accordées: neantmoins elle feit ses Pasques audit lieu de Laon & y tint tresnoble & bel estar. Si fut assez visitée des grâs seigneurs & plusieurs autres notables gens de l'hostel d'iceluy Roy. Et pareillement alla deuers le Roy à Laon Iean de Bethune, Cōtesse de Ligney & Vicomtesse de Meaulx: lequel Roy fut cōtent de sa venue, & la receut tresaggreablement & ioyeusement: & releua icelle Comtesse du Roy toutes les seigneuries qu'elle tenoit de luy. Et avecques ce feit certain traicté avec ses commis pour & en tant que toucher luy peut des biens meubles, que sondit feu mary luy auoit laissez: lesquels on disoit estre confisquees, pource qu'il estoit allé de vie à trespas estant aduersaire du Roy, & en paya certaine somme d'argēt. Et par ainsi au regard de ce demoura paisible, & en obtint lettres royales. Et icelle seiournant alors en ladicte ville de Laon, fut instamment requise de prendre à mary le Comte d'Eu, mais elle s'en excusa aucunement. Et brief iours apres ensuiuans quand elle eut fait & accomply ce qu'elle peut, elle s'en retourna ou chateau de Beurevoir, & de là à Cambray: durant lequel temps venoient de iour en iour plusieurs gens deuers le Roy pour luy faire hommage & le seruir: lesquels il retenoit & leur promettoit à eux faire du bien largement, car il auoit volenté de faire l'Esté ensuiuant vne tresgrosse armée à l'encontre des Anglois ses anciens aduersaires. Item en cest an fut accusé deuers le Duc d'Orleans vn sien escuyer de l'escuyerie nommé Dunot, de l'auoir voulu empoisonner à la requeste & instance (comme on disoit) d'aucuns grans seigneurs de l'hostel du Roy de France: si fut pour ceste cause tresdurement gehainé, questionné & examiné, & apres noyé par nuit en l'eau de Loyre: mais du surplus fut peu de nouuelle que la besongne vint à clarté contre ceux qui estoient suspicionnez. Durant aussi le tēps dessusdit, se faduancerent enuiron huiet vingts saquemens de l'hostel du Roy Charles, & allerent ou païs de Hainault en vne ville nommée Hausffy: en laquelle auoit bel chastel. Et se logerent là, & sy tindrent deux ou trois iours. Si composerent plusieurs villes & villages tant de Hainault comme de Cambresis à grand finance: durât lequel temps messire Iean de Croÿ Baillif de Hainault assembla aucune puissance de gens d'armes au Quesnoy le Côte, & s'en vint pour les destrousser: mais vne partie se retrahirent audit chastel, lesquels furent tantost assailliz: auquel assault fut mort vn moult notable gentil-homme assez an-

cien nommé Lordenois d'Osterne. Et depuis fut fait traicté dudit Baillif avec iceux par tel li, qu'ils se departiroient en delaisant ce qu'ils auoient prins : & avec ce luy donnerent vne lomme d'argent, afin qu'il les laissast partir. Et en y auoit eu plusieurs morts & destroulez, qui auoient esté trouuez en ladicte ville de Haully. Si se partirent tous ensemble pour eux tirer vers la ville de Laon : mais ils furent rencontrez des gens du Comte de S. Pol vers le pont au Nouuion, & du tout destroulez : & la plus grand partie y demourerent morts en la place.

De l'an mille cccc.xli.

Comment la Duchesse de Bourgogne se partit du Roy Charles estât à Laon, & retourna au Quesnoy, où alors estoit ledit Duc de Bourgogne son mary.



V cōmencement de cest an Charles Roy de Frâce estant à Laon, où il auoit solennisé le iour de la resurrectiō nostre Seigneur en l'hostel episcopal de l'Euesque d'icelle cité de Laon, tenans plusieurs grans cōseils sur les requestes que luy auoit faictes la Duchesses de Bourgogne & ceux de son conseil. En la fin desquels conseils finablement, comme i'ay declairé, luy en furent pou accordées dont elle ne fut point bien cōtente. Et aperceut assez clerement, & aussi feirent ceux qui y estoient avecques elle que les gouuerneurs d'iceluy Roy n'auoient mie agreable le Duc de Bourgogne ne ses besongnes. Et pourtant elle voyant que sa demeure illecques ne luy estoit mie grâdemēt profitable, print congé au dessuldit Roy, & le remercia de l'honneur & bonne reception qui luy auoit esté faicte : & apres luy dit. Monseigneur de toutes les requestes que ie vous ay faictes ne m'en auez nulles octroyées ne accordées, jaçoit-ce selon mō aduis qu'elles feussent assez raisonnables. A quoy le Roy luy respondit assez courtoisement, en disant : Belle sœur ce poise nous qu'autrement ne se peut faire : car selon ce que nous trouuons en nostre conseil, à qui en auons parlé bien au long, icelles requestes nous seroient moult preiudiciables à accorder. Apres lesquelles parolles elle print congé (comme dit est) au Roy & à son fils le Daulpin. Puis se partit de là, & s'en vint au giste à S. Quentin avec elle toutes ses gens. Et là reconduit le Conestable & aucuns autres grand espace : duquel lieu de saint Quentin elle s'en vint le lendemain disner au chastel de Cambresis, & à ceste heure estoient allez aucunes gens dudit Roy fourrager ou pays de Hainault & és marches à l'enuiron, & emmenoiēt moult grosses proyes : c'est à sçauoir cheuaux, vaches & autres biens & bestail. Si y furent tost & roidement plusieurs des gens de ladicte Duchesse : Lesquels en occirent trois ou quatre en la place, & les autres se sauuerent par force de bien fuir, reserué deux qui furent ratains & prins, & menez au Quesnoy le Comte, où ils eurent les hastereaux coupeez. Auquel lieu du Quesnoy alla au giste icelle Duchesse de Bourgogne où estoit le Duc son mary, à qui elle racōpta tout ce qu'elle auoit trouué enuers le Roy de France & ceux qui le gouuernoient : & pour vray la plus grand partie des nobles qui auoient esté avec elle en iceluy voyage, n'estoient point si François à leur retour qu'ils estoient quand ils allerent deuers le Roy, pour aucunes parolles qu'ils auoient ouyes & veues en iceux de ce party : pour lesquels rapports le dessuldit Duc de Bourgogne se pensa de luy

luy mesmes, & s'en deuila avecques aucuns de son plus priué conseil, que grand besoing luy estoit de luy ses païs tenir seurs & bien garnis de gens: considerans qu'à peu d'occasion on seroit tost enclin de luy faire grief ou dommage. Neantmoins si auoit il tousiours de vaillans, discrets, prudens & saiges hommes, qui moult desiroient & contendoient de les tenir en paix & bonne vnaion. Et par especial de la partie du Roy si employèrent l'Archeuesque de Reims grand Chancelier de Frâce. Et jaçoit-ce que la dessusdicté Duchesse de Bourgongne se fut departie de deuers le Roy, comme vous auez ouï cy deuât: Si y auoit il de iour en iour aucuns hommes de bien allans & venans de partie à autre, pour entretenir & concorder ce qui seroit à faire entre eux.

Comment la forteresse de Montagu appartenant au Damoiseau de Commercy, fut abbatue & desolée par le commandement du Duc de Bourgongne.



Noutre messire Robert de Salebrusse seigneur de Commercy poursuioit tresfort le Roy & ceux de son cōseil, pour l'auoir la forteresse de Montagu: lequel seigneur de Commercy n'estoit point en la grace du Duc de Bourgongne, mais l'auoit en tresgrand indignation & haïne pour plusieurs iniures qu'il auoit faictes en ses païs, & aussi les gens & subiects. Et pourtant ne voulut cōsentir pour nulle riens qu'icelle forteresse luy fut rendue, ains vouloit qu'elle fut demolie & abbatue. Et pareillement le desiroient plusieurs bonnes villes comme Reims, Laon, saint Quentin, & autres, pource que de tres long temps, gens s'estoient accoustumez d'eux y tenir: lesquels moult fort auoient trauaillé & oppressé par leurs courtes & pillaignes ceux dessusdictes villes, & du plat païs à l'environ. Et finalement la conclusion fut telle que ceux qui estoient dedans, baillerent seurté de le rendre au Roy à l'entrée du mois de luing prochain ensuiuant en tel estat qu'il plairoit audit Duc de Bourgongne: c'est à sçauoir entiere ou desolée, & de ce fut le Roy content. Pendant lequel iour ledit Duc de Bourgongne feit mettre ouuriers en euvre en grand nombre pour icelle forteresse abbatre & demolir, & ainsi en fut fait: mais durât le temps dessusdit iceluy Damoiseau de Commercy cuida trouver aucuns moyes secrettement de la r'auoir en sa main pour argent d'aucuns de ceux qui l'auoient en garde. Lesquels furent de ce accusez, & pour ceste cause prins: & en y eut quatre qui eurent les hastereaux coupeez, desquels en estoit l'un le Preuost de la ville dudit Montagu. Ainsi & par icelle iniure fut desolée icelle forteresse. Laquelle estoit située & assise hault sur vne montaigne en moult fort lieu, à l'occasion de laquelle le païs auoit eu à souffrir comme dit est cy dessus.

Comment le Roy de France alla mettre le siege deuant la ville de Creil laquelle il conquist.



Tem apres que le Roy de France eut seiourné par l'espace d'un mois ou environ dedans la cité de Laon, il se partit de là & par Soissons & Noyon s'en alla à Compiengne, où il seiourna par aucuns iours en attendant son armée, qui se preparoit pour aller deuât la ville de Creil. Et nonobstant que Guillaume de Flauy capitaine d'icelle ville de Compiengne eut son pardō & remissiō du Roy pour la mort du seigneur de Rieux Marechal de

France, qui estoit mort en ses prisons : toutesfois n'alla il point deuers le Roy, mais par auant sa venue pour la doubte des amis dudit Marechal sen alla avecques ledit seigneur d'Offemont, pour estre plus seur de sa personne. Et lors venoient gens de plusieurs parties du royaume de France deuers le Roy, qui par auant auoient esté mandez. Et peu de iours ensuiuans le Roy se partit de ladicte ville de Compiengne, & sen alla à Senlis où il seiourna vn petit de temps : & puis se mit à chemin avec son exercite pour aller vers la ville de Creil, que tenoient les Anglois. Si se logea assez pres d'icelle ville au costé deuers Paris, & le Connestable & autres capitaines se logerent à l'autre costé deuant le pont : deuant laquelle ville de premiere venue furent faictes escarmouches. Et tost apres furent assis les gros engins du Roy contre les portes & murailles, dont tresfort les adommagerent : & tant que les assiegez commencerent à auoir doubte d'estre prins d'assault : parquoy au bout de douze iours ou enuiron apres ledit siege mis, requirent de traicter avecques iceluy Roy ou ses commis : si leur fut octroyé. Et en la fin d'iceluy traicté furent contens de rendre ladicte ville & le chasteil, avec tous les biens par tel si qu'ils pouoient tant seulement emporter leurs robbes & ce qu'ils auoient d'argent. Et ce fait sen allerent sous bon saufconduit tout à pied par la porte du Pont, en tirant vers la ville de Beauuais : & y estoit en chef d'iceux Anglois messire Guillaume Chamberlan. Apres lequel departement des dessusdits Anglois le Roy entra dedans le Chasteil. Et les autres seigneurs & capitaines se logerent en plusieurs lieux deuant la ville, à laquelle garnison il commeit Yuon du Puys.

Comment le Roy de France alla assieger la ville & forteresse de Ponthoise : laquelle en fin il conquist d'assault.



Pres que le Roy de France eut seiourné aucun peu de iours en la ville de Creil, il tira vers la ville de Ponthoise à tout son armée, & y vint enuiron la my May : si se logea à l'abbaye de Maubuisson, où il ya vne notable Eglise de Dames & de moult beaux edifices. Et avec luy se logerent tous ceux de son hostel avec aucuns autres, & le Connestable & les Marechaux de France : c'est à sçauoir les seigneurs de Soloingnes & de Lohiac, & plusieurs autres capitaines se logerent en aucuns autres diuers lieux. Et brief ensuiuant furent assis & assustez les grans engins deuant vn bouleuert, qui estoit au bout du pont au costé de deuers ledit lieu de Maubuisson : lequel fut tantost si adommagé qu'il se rendit, & fut prins d'assault. Si y furent morts quatorze ou seize des gens du Roy, & plusieurs blecez, & pareillement furent aucuns Anglois : lequel Bouleuert le Roy feit fortifier, & ordonna pour la garde d'iceluy messire Denys de Chailly & Michault Durât à tout leurs gens. Et d'autre part l'en feit faire vn pont par dessus la riuere d'Oise contre l'abbaye de saint Martin, lequel fut clos de petite muraille & fut fortifié tout à l'environ tant de fossez comme de petits bouleuers, ainsi qu'il est accoustumé de fortifier bastilles. Et là se logea messire Charles d'Anjou, le seigneur de Cotuiy Admiral de France, avecques luy trois ou quatre mille combattans. Et si fut fait à l'entrée du pont au dehors de ladicte riuere d'Oyse vne assez forte bastille, pour la garde d'iceluy Pont. Par le moyen desquelles fortifications pouoient passer

passer seurement à leur aise, sans le danger des Anglois leurs aduersaires, auquel costé qu'il leur plaisoit de ladicte riuere. Et entre-temps que les approches desdits se faisoient, vindrent deuers le Roy grand nòbre de gens tant seigneurs & nobles hommes, comme ceux des bonnes villes qui par auant auoient esté mandez. Entre lesquels y vindrent de ceux de la cité de Tournay iusques au nombre de six vingts combattans, ou au dessus en tresbon conuenant, gens d'escu & tresbien habillez, dont en la plus grand partie estoient arbalestriers. Et les conduisoient trois notables hommes d'icelle cité: dont le premier estoit nommé Symon de saint Genois, l'autre Robert le Boucher, & le tiers Iean de Courcelle: si furent receuz du Roy tresioyeusement. Et aussi y vindrent ceux de la cité de Paris en moult grand quantité & en tresbel estat, & avec ce d'autres bonnes villes. Et sic comme ils venoient, ils estoient receuz & logez par les gens du Roy comme il appartenoit. En oultre Loys de Luxembourg Comte de saint Pol & de Ligney, qui par auant auoit fait son amas de gens d'armes en ses seigneuries, y arriua enuiron huit iours apres la saint Iean à tout six cens combattans ou enuiron tresbien en point, & faisoit moult chault. Si meit ses gens en bataille assez pres du logis du Roy: lequel avecques aucuns de ses Princes & capitaines les alla veoir bien à loisir, & toutes ses gens. Et fut moult ioieux de sa venue. Si le festoya & mercia moult grandement de ce qu'il estoit venu seruir à si belle compagnie. Avec lequel Comte de saint Pol estoient le seigneur de Vervins, messire Collard de Mailly, Loys d'Angien, messire Ferry de Mailly, Iean d'Angiers, messire Dauod de Poix, Iacotin de Bethune & ses freres, Georges de Croix & plusieurs autres gentils-hommes: si furent ce iour vne grand partie moult travaillez de la chaleur desdits: & tant qu'à cause d'icelle mourut vn gentil-homme nommé Robert de Frisomen. Et quand le Roy les eut veuz (comme dit est) s'en allerent loger en vn village au plus pres de là, & brief ensuiuant se logerent avec les autres audit siege. Et aussi vint le Comte de Vaudemont, accompagné de cent ou six vingts combattans: de laquelle venue le Roy fut trescontent & ioieux. Et pour vray à ceste assemblée furent moult de grans seigneurs au seruice du dessusdit Roy de France: c'est à sçauoir son fils le Dauphin, le Comte de Richemont Connestable de France, & les deux Marechaux dessus nommez & l'Admiral, messire Charles d'Anjou, les Comtes d'Eu, de la Marche, de saint Pol, de Vaudemont, d'Albreth, de Tancarville, de Ioyn-gny, le Vidame de Chartres, le seigneur de Chastillon, le seigneur de Moreul en Brie, le seigneur de Bueil, la Hire, Potho de sainte Treille, le seigneur de Hem, messire Heincelin de la Tour, le seigneur de Mouy, Claude d'Angest, Regnault de Logueual, le seigneur de Moyencourt, le seigneur de la Suze, messire Theolde de Valperche, Anthoine de Chabannes, Charles de Flauy, messire Gilles de saint Symon, Hue de Mailly, Oliuier de Cotiuy, le seigneur de Pennesach, Blanchefort, Floquet, Broufach, Ioachin Rohault, Pierre Regnault, le seigneur de Grauille, messire Iean de Gapondes, Geoffroy la Hire, le bastart de Harecourt & moult d'autres nobles gens de grand auctorité: & tant que selon l'estimation de ceux en ce cognoissans, le Roy pouoit bien auoir en tout de dix à douze mille combattans & fleur de gens de guerre: lesquels chacun en droit soy estoient moult desirans de conquerre la ville de Ponthoise: durant lequel temps

le Duc d'Yorth, le seigneur de Thalebot & aucuns autres chefs de la partie des Anglois, qui se tenoient à Roüen, commencerent à aduifer & à imaginer comment ils pourroient mieux secourir leurs gens, qui estoient dedans icelle ville de Ponthoïse. Et en fin cōclurent que pour la premiere fois le seigneur de Thalebot la iroit rautailier, pour aduifer la maniere & conduicte des François. Si se meit sus ledit Thalebot à tout quatre mille combatans ou enuiron, tant de pied comme de cheval à tout chars, charettes & bestial. Et alla par aucuns iours tant qu'il vint loger iusques à vne ville nommée Cheurin, assez pres dudit lieu de Ponthoïse, & là geut deux nuits. Et entre-temps bouta des viures dedans ladicte ville sans auoir aucun empeschement: car le Roy & ceux de son conseil estoient deliberez de non combattre iceux Anglois, sinon qu'ils les trouuaissent grandement à leur auantage. Apres lequel rautaillement, messire Iean de Thalebot s'en retourna à Mante, & se logerent les gens en vn village au dehors de la ville: & de là s'en retournerent en Normandie. Et entretemps les engins du Roy de France, qui estoient assis contre ladicte ville de Ponthoïse, tant en la grande bastille de saint Martin, comme ailleurs iettoient continuellement cōtre les tours & murailles d'icelle, & les derompoient en plusieurs lieux: mais les dessusdits assiegez les refaisoient de nuit & de iour de queuues & de bois au mieux qu'ils pouoient. Et auecques ce faisoient aucunes fois des saillies contre lesdits François: ausquelles tant d'une part comme d'autre en y auoit tressouuēt de morts ou de naurez. Durant lequel temps le Roy & ceux de sa partie enloyrent icelle ville par siege tout à l'enuiron: mais bonnement ne pouoyent encores veoir, que ce se peust faire sans trop grand peril, par ce que lesdits sieges ne pouoyent aller ou secours l'un à l'autre, se besoing en eust esté. Et se sentoient, que les Anglois dessusdits estoient bien puissans, & assez prests pour venir brief ensuiuant eux combattre pour leuer le siege. Et pour ces causes delayerent lesdits François de enuironner icelle ville. Et fut ordonné qu'on feroit encore vne grande bastille en la forest de Compiengne pour amener par eaüe, & icelle assieoir sur aucun des costez, où on verroit qu'il seroit plus expedient. A laquelle pour la faire expedier fut commis Guillaume de Flauy. Et certain temps apres ledit messire Iean de Thalebot retourna pour la seconde fois, & rautaila de rechef ladicte ville & lesdits assiegez de foison de viures & d'aucuns engins & habillemens de guerre. Et à chacune fois y laissoit vne partie de ses gens, & ramenoit auecques ceux qui estoient naurez ou malades: & comme par auant apres le dessusdit rautaillement, s'en retourna sans auoir aucun empeschement ou destourbier. Toutesfois le Roy voyant les manieres que tenoient lesdits aduersaires, ayant consideration que celuy siege pourroit estre long par le moyen des viures qu'on amenoit en ladicte ville de Ponthoïse de iour en iour, en estoit moult melencolieux & desplaisant. Neantmoins il de sa personne faisoit trefgrand diligence tant de faire fortifier ses bastilles, comme de les pourueoir de viures & autres besongnes necessaires pour eux deffendre, se ainsi aduenoit que on les assaillist.

Comment le Duc d'Yorth souverain gouverneur de Normandie pour le Roy d'Angleterre, vint vers la ville de Ponthoïse pour eniuer leuer le siege du Roy de France.

Ou



V temps dessusdit le Duc d'Yorch qui estoit chef pour la guerre, & Lieutenant general pour le Roy Henry d'Angleterre quant és marches de France, & de Normandie: auoit assemblez de six à sept mille combattans, entre lesquels estoient les seigneurs d'Escalles, & de Thalebot, messire Richard Dondeuille, qui auoit espousé la Duchesse de Bethfort seur à Loÿs de Luxembourg Comte de sainct Pol, & aucuns autres capitaines de Roüen, dont plus auant ne me suis informé des noms. Et auoient avecques eux tresgrand nombre de chars, charrettes & cheuaux chargez de viures & artilleries, & si y auoit tresgrand nombre de bestail. Si se meirent en chemin en moult belle ordonnance entour la my iuillet. Et de Roüen par aucunes iournées vindrent deuers Ponthoïse ledit Duc d'Yorth & ses gens: & faisoit l'auantgarde à tout trois mille combattans messire Jean de Thalebot. Si se logea ledit Duc à Ceuery à demie lieüe pres de ladicte ville de Ponthoïse: & l'auantgarde se logea en vne ville nommée Hetonuille: auquel logis y furent par trois iours, & rauitaillerent ladicte ville tresabondamment de plusieurs manieres de viures. Et adonques seirent sçauoit au Roy qu'ils estoient venus pour le combattre & toute sa puissance, s'il se vouloit mettre aux champs contre eux. Mais le Roy n'eust point conseil de ce faire, ains luy fut dit & remonstré comme autresfois par ceux de son grand conseil, qu'il seroit trop mal conseillé d'aduaturer sa personne, & toute son armée contre gens de si petit estat. Au regard de luy disant oultre que autresfois luy auoit trop cher cousté en aucunes batailles, qui auoient esté faictes contre eux par ses gens durant son regne: & que mieux valloit de leur laisser faire leur enuahie pour ceste fois, & garder les passages de la riuieres car bonnement ne pourroient lesdits Anglois faire long sejour à si grand gent, pource qu'ils n'auoient viures sinon à grand danger, & fut ceste conclusion tenue. Si furent plusieurs capitaines enuoyez par ordonnance avecques leurs gens au bout de la riuiere d'Oize, depuis Ponthoïse iusques à Beaumont & encores oultre. Et le Roy & ceux des baillies demourerent en leurs logis. Et adonques les Anglois voyans que point ne seroient combatus, prindrent conseil & conclurent l'un avecques l'autre de passer la riuiere d'Oyze s'ils pouoient, pour aller en l'Isle de France, & mesmement au logis du Roy. Si se deslogerent dont ils estoient logez au quatriesme iour, & tous ensemble s'en allerent loger à Chanville-hault-Vengier. Et pource qu'ils estoient assez aduertiz & informez qu'on gardoit les passages contre eux, veirent bien qu'ils ne pouoient mieux faire ne acheuer leur entreprinse que par nuit. Et auoient de petis bastiaux de cuir & de bois, cordes & autres habillemens tous propices à faire pons, qu'ils auoient chargez sur chariots. Si ordonnerent que la greigneur partie de leurs gens seroient semblant de vouloir passer par force d'assault au port de Beaumont, en y faisant vn tresgrand cry & haulte noyse, affin que toutes gens de leurs aduerses parties l'aisassent leurs gardes pour y venir: & les autres à tout leurs habillemens iroient tout coyement espier sur la riuiere, quand ils verroient qu'il seroit heure de besongner. Laquelle chose ils trouuerent selon leur intention, c'est à sçauoir adresserent contre l'abbaye de Beaumont où lors n'y auoit point de gues: car desia toutes gens de guerre estoient allez deuers ledit lieu de Beaumont, où le dessusdit bruit & cry estoit encommencé, sicomme entre eux An-

glois auoient proposé & diuisé. Et faisoient grand semblant de vouloir illec passer la riuiere ce qui estoit mal possible, pourtant qu'on leur voullist descendre. Et adonques les dessusdits Anglois bouterent vn bastel en l'eau, & passerent bien doubtablement oultre trois ou quatre pour la premiere fois: lesquels attacherent vne forte corde d'un bort à l'autre à tour petits poinçons, qu'ils auoient lyé par le meillieu: par le moyen de laquelle ils passerent tantost de quarante à cinquante, lesquels se fortifierent de pieux aguisez aux deux bouts, ainsi qu'ils ont accoustumé & estably de faire. Or considerez le grand peril où les premiers passans se mettoient, pour vray s'il y eust eu tant seulement dix combattans de la partie des François, ils eussent bien gardé ledit passage contre ledit Duc d'Yorik. Si est moult bel exemple pour ceux, qui ont telle besongne à conduire d'y commettre gens qui soient seurs, & doubtent à perdre leur hôneur, pour ce que par mauuaise diligence aduient souuent de grandes mes-aduentures. Et tost apres aucuns des gens de Floquet qui auoient la charge de ce costé en retournant deuers Beaumont, où ils estoient allez au cry dessusditz apperceurent lesdits Anglois qui passoient. Si y allerent tantost, & crierent à l'arme tout du long de ladicte riuiere iusques audit lieu de Beaumont où estoient grand partie des capitaines, qui monterent tantost à cheual. Et allerent les aucuns audit passage sur intention de les rebouer, mais ce fut peine perdue: car ils estoient en tres-grand nombre pour y resister: jaçoit ce qu'il y eust escarmouche entre icelles deux parties. A laquelle escarmouche fut mort vn tresuillant homme, nommé Guillaume du Chastel nepueu de messire Taneguy: & avec luy furent morts deux ou trois autres. Et auoient fait lesdits Anglois vn pont de cordes, par lequel ils passerent tout leur charroy & autres bagues & habillemens de guerre. Et lors les François voyans qu'ils ne pouoient mettre remede, se tirerent hastiuement grand partie vers Ponthoife, & noncerent au Roy de France ces nouvelles: lequel en fut moult grandement desplaisant. Et apperceut bien aucunement qu'il estoit en grand peril de receuoir grand honte, dommage & destourbier. Si feit sans delay porter grand nombre de son artillerie dedans la grand bastille de saint Martin, & se prepara diligemment de desloger de là & toute son atinée se besoing luy en eust esté. Et lors iceux Anglois quand ils furent passez tout à leur aise, coucherent la premiere nuit au pont dudit passage, & feirent ce jour aucuns nouveaux cheualiers. Entre lesquels le furent faits les deux freres du Comte d'Estaffort, dont l'un se disoit Comte d'Eu. Et le lendemain se deslogerent assez matin & cheuauerent en moult belle ordonnance en tirant vers Ponthoife, & se logerent en deux villages. Et adonques eut le Roy conseil de laisser son logis de Maubuisson: & s'en alla à Poissy, & avecques luy tous ceux de son ost reserué ceux de la bastille saint Martin. En laquelle demourerent de deux à trois mille combattans ou enuiron: desquels estoit souverain capitaine le seigneur de Cotiuu Admiral de France. Et avecques luy la Hire, loachin Rohault, Jean d'Estouteuille & Robinet son frere, messire Robert de Bethune seigneur de Moreul en Brie, le Seigneur de Chastillon, le seigneur de Moyencourt, Regnault de Longueval, le seigneur de la Roche-Guyon, le seigneur de Moÿ en Beauuoisis & moult d'autres nobles & grans seigneurs & vaillans hommes de guerre: & aussi y demourerent ceux de la cité de Tournay dont

dont dessus est faicte mention. Et y auoit on retraict des viures de l'ost en tres-grand abondance, & au partement d'iceluy Roy leur fut promis de les secourir & ayder en tout ce qui leur seroit possible. Et quand au boulleuert du bout du pont que tenoient lesdits François, ils le delaisierent & abandonnerent. Et en apres le dessusdit Duc d'Yorth se tira vers Maubuiffon dont le Roy de France l'estoit patty. Et y trouua encores des viures & moult d'autres biens, que les marchans n'auoient peu emmener, & là se logea. Et thallebot s'en alla logger vne lieüe plus auant en vne ville sur la riuere entre Ponthoise & Conflans, lesquels logis ils tindrent trois iours. Et alloient en la ville par leur pont que ceux de dedans auoient reedifié, avecques leur boulleuert tout à leur bon plaisir. Et pareillement ceux de dedans issoient quand bon leur sembloit, sans auoir empeschement ou destoutbier de leursdits aduersaires. Si esperoient ceux de ladicte Bastille este assailliz chacun iour, & estoient en voulenté d'eux tresbien desfendre: de laquelle chose au regard d'assault, ils n'auoient garde: car iceux Anglois n'eussent iamais bouté leurs gens en ce danger, attendu les affaires qui leur suruenoient dont ils ne pouoient encores veoir la fin. Mais nonobstant ce leur disoient qu'ils les assauldroient, & qu'ils se departissent à tout vne partie de leurs bagues, & qu'ils feroient en gens de grand sens: attendu & veu que le Roy les auoit abandonnez & laissez en ce danger: mais ils n'en auoient voulenté. Ains respondirent qu'ils n'en feroient riens, & que point ne les doubtoient. Entre lesquelles parolles furent faictes aucunes escarmouches entre eux & plus de traict que par aucune maniere. Et au quatriesme iour ledit Duc d'Yorth se deslogea dudit lieu de Maubuiffon, & alla au logis de Thallebot qui auoit fait faire vn boulleuert de cordes, clayes & autres besongnes, par lequel ils r'appassèrent l'eau d'Oize, & pouoient bien auoir cinquante chars que chartettes. Et ce propre iour Pothon de sainte Treille s'estoit party de Poissy à tout grand quantité de gens de guerre, pour mener viures à la deuantdicte bastille. Et allerent apres luy le Connestable de France, le Comte de saint Pol, & aucuns autres capitaines pour le secourir, s'il en eust eu besoing: mais ils furent aduettiz du rapassage desdits Anglois, parquoy ils enuoyerent deuets ledit Pothon dire qu'il se hastast de retourner. Et il leur remanda qu'ils s'en allassent passer par Meulan, par où ils s'en retourneroient audit lieu de Poissy par l'autre costé de la riuere: laquelle chose ils feirēt, & apres que le Duc d'Yorth & ses Anglois furent r'appassez, comme dit est, s'en allerent mettre en bataille deuant Poissy, où estoient le Roy & le Dauphin avec grand partie des seigneurs & des capitaines. Et y eut vne moult grande escarmouche: à laquelle furent prins deux des archiers du Connestable de France, & vn archier du Comte de saint Pol. Et de là s'en allerent logger en vne ville nommée Tourtie sur Seine. Et le lendemain retournerent à Mante: & le Roy s'en alla à Poissy & à Conflans à tout vne partie de ses gens. Et ledit Connestable, le Comte de saint Pol & plusieurs autres allerent passer à saint Clou & de là à Paris, où ils furent deux iours & puis retournerent toutes gens de guerre en l'isle de France, où leur furent deliurées villes pour eux logger chacun selon son estat. Et depuis le Roy à tout les seigneurs qui estoient entour luy, allerent à saint Denys en France, où ils furent iusques à la my Aoust. Et delà retoutna le Roy encores à Conflans, où il fait faire vn pont pour

passer vne isle sur la riuere de Seine. Avec ce feit faire vn autre pont pour passer la dessusdicte riuere tout oultre : au bout duquel il feit vn boulleuert & grans fossez entour, dedans lequel se logerent grand nombre de gens de guerre : durant lequel temps Thalebote vint piller la ville & l'abbaye de Poissy, & les biens des Dames, & puis s'en retourna à Mante. Et brief ensuiuant fut la ville de Ponthoise r'aitaillée pour la quatriesme fois : & y demourerent les gens du Duc d'Yorth au lieu de ceux qui y estoient de par ledit Thalebote, dont le Roy fut moult trauaillé, voyant qu'il estoit petit apparant que son entreprinse veinst à bonne fin. Et conclusion il pensa en luy mesmes, que s'il se departoit de là sans auoir l'obedience d'icelle ville de Ponthoise, qui tant luy auoit cousté, & deuant laquelle il auoit ja esté si longue espace de temps, celuy seroit vn trefgrand deboutement & deshonneur de s'en partir sans la subiuguer & crierait le peuple contre luy & ses gouuerneurs, & par especial les Parisiens qui tant auoient mis du leur. Et avec ce estoit du tout aduertty comment les Princes de son royaume, & mesmement de son sang n'estoient point bien contens de son gouuernement : & luy auoit esté dit qu'ils se deuoient assembler ensemble, & que ce n'estoit point pour son bien, & par ainsi n'estoit point merueille s'il auoit bien à penser. Neantmoins il se disposa & conclud avec les plus seables de son conseil, de retourner & loger audit lieu de Maubuisson & de poursuyuir sadicte entreprinse, & y reuint au bout de douze iours apres qu'il en fut party. Si feit reloger ses gens en plusieurs lieux ainsi comme ils estoient parauant son partement. Et vn autre iour se leua vne moult grande escarmouche au Connestable entre Maubuisson & ladicte ville, à laquelle fut mort Claude de Hangest seigneur d'Ardillieres du traict d'un canon. Et d'autre part durant le temps dessusdit, furent faictes plusieurs cheuauchées & escarmouches entre les François & les Anglois : lesquelles à rachapter chacun à par luy seroient trop longues & ennuyeuses, dont à l'une fut blecé Charles d'Anjou d'une fiesche. Et au regard des grosses besongnes & rencontres, s'en feirent peu qui facent à escrire. En apres le Comte de saint Pol qui auoit ses gens, lesquels estoient moult trauailliez & auoient despendu largement du leur, & moult desiroient de retourner en leur pays : luy prierent qu'il les voulsist ramener, print congé du Roy & de monseigneur le Daulphin, & s'en retourna deuers son pays : lesquels luy donnerent de beaux dons en le remerciant des bons seruices qu'il leur auoit faits. Si se partit de là, & puis emmena ses gens pour passer la riuere d'Oize au Pont-saincte-Maxence. A l'entrée duquel Pont le capitaine d'icelle issit hors pour parler au Comte de saint Pol. Si s'esmeurent entre eux parolles rigoureuses : & tant, qu'iceluy Comte de saint Pol cuida faire prendre ledit capitaine : mais il faillit vistement dedans son fort. Et incontinent feit tirer de canons & d'arballestres sur ledit Comte de saint Pol & ses gens : desquels coups de canon fut tué le cheual messire Ferry de Mailly, & vn autre homme d'armes eut le bras rompu. Pour lequel debat ledit Comte & ses gens se retrahirent atriere de là, & s'en allerent passer à Compiengne, & delà se tira ledit Comte en son pays. Et ceux dudit Pont allerent apres aucuns de ses gens, qui estoient passez & allerent vers Montdidier. Si les battirent & destrouillerent. Et en ces mesmes iours se partit pareillement le Comte de Vaudemont à tout ses gens, & aussi feirent autres grans seigneurs :

& laissent le Roy en l'estat que vous auez ouy, dont il n'estoit gueres ioyeux quelque semblant qu'il monstroit: mais il ne pouuoit adonc auoir autre, & luy conuenoit attendre routes les aduentures qui plaisoit à Dieu luy enuoyer. Si faisoit de iour en iour tresdiligemment continuer de faire ietter ses gros engins contre les tours & murailles de la ville, & avec ce contre l'Eglise de nostre Dame estant au dehors d'icelle ville: laquelle les Anglois tenoient & auoient tenu tousiours passé long temps. Lesquels murs de ladicte Eglise furent moult demoliz & abatus, & tant que le seiziesme iour de Septembre ensuiuant le Roy eut conseil de faire assaillir icelle Eglise, & fut par vn samedy. Si fut assez tost prinse d'assault & ceux de dedans morts & prins: laquelle Eglise estoit moult haulte & assez pres de ladicte ville. Parquoy on pouoit de là veoir grand partie du gouuernement desdits Anglois & avec ce les en pouoient moult travailler de petits canons & couleuines, & aussi d'arbalestres & autres habillemens de guerre. Par le moyen de laquelle prinse de ladicte Eglise, fur de rechef conclud le mardy ensuiuant qu'on liureroit plusieurs assaulx à icelle ville, pour veoir & essayer se on la pourroit bien conquerre. Et comme il auoit esté conclud fut fait: car le mardy dessusdit le Roy & tous les autres seigneurs & capitaines firent armer & habiller leurs gens, & les enhorterent tous eux criâs à haulte voix saint Denys, ville gaignée. Si se trouuerent tantost dedans en tresgrand nombre, qui tresuailamment enuahirent les dessendans, lesquels commencerent à tourner le doz & fuyr pour eux retraire par les Eglises & autres fors lieux. Tous estois y eut tantost & plus prestement plus de cinq cens Anglois mis à l'espée, & le surplus furêt prisonniers qui pouoient estre selon iuste estimation le nombre de quatre cens ou enuiron. Et entre les autres de ceux qui y furent morts, le fut vn cheualier Anglois nommé messire Nicolle Bourdet, & si fut prins le capitaine de ladicte ville. Et de la partie du Roy y furent morts tant à assaillir la ville & au prendre comme ceux qui moururent apres par bleceures, quarante ou enuiron. Si furent aussi faits plusieurs nouueaulx cheualiers, entre lesquels le furent Jean & Robinet d'Estouteuille freres, Regnault de Longueual, le Bon Reuly & plusieurs autres. Et quant au regard de celuy qui monta premier sur la tour du Frice, il fut moult auçtorisé de tous les seigneurs pour sa grand vaillance. Si le ennoblit le Roy & ses successeurs, & avec ce luy donna aucuns riches dons pour soy entretenir luy & son estat. Si entra ledit Roy en ladicte ville avec ceux de son assault. Et assez tost apres que les gens l'eurent gaignée, feit defendre incontinent qu'on ne fait nulle force aux habitans d'icelle ville qui s'estoient retraits esdictes Eglises, sinon à ceux qui estoient armez. Et luy venu, sa baniere au plus pres de luy deuant la grand Eglise vn Anglois saillit hors d'icelle, qui se rendit à luy. Si le receut à mercy depuis & le deliura sans payer aucune finance, & luy donna aucuns beaulx dons. Et tantost entra dedans icelle Eglise, & feit son oraison moult deuotement & humblement deuant le grand autel, en regrant Dieu son createur de la belle & bonne fortune qu'il luy auoit enuoyée. En apres tout le iour & la nuit ensuiuant iceux François cherchoient les Anglois, lesquels s'estoient muez en plusieurs lieux & diuers. Et ainsi qu'ils les trouuoient les mettoient à l'espée, ou les prenoient prisonniers. Ainsi & par ceste maniere reconquist Charles Roy de France septiesme de ce

nom : la dessusdicte ville de Ponthoise par force d'assault à son tres grand honneur:deuant laquelle ville il auoit eu plusieurs grans affaires , comme dessus est declairé. Et au regard des nobles tant cheualiers comme escuyers & autres gens de guerre qui furent à iceluy assault, il en y eut trefgrand nombre, qui sy portoient preud'hommeement moult vaillamment . Entre lesquels me fut dit que messire Charles de Bosqueaulx y auoit esté bien veu.

Comment le Duc d'Orleans retourna de France deuers le Duc de Bourgogne.

EN l'an dessusdit Charles Duc d'Orleans retourna du païs de France deuers le Duc de Bourgogne, qui se tenoit pour lors en la ville de Hesdin: lequel Duc de Bourgogne quand il sceut sa venue, alla au deuant de luy & s'entreferirent grand chere,& tous ensemble s'en alerent audit lieu de Hesdin, où le dessusdit Duc d'Orleans fut par l'espace de huit iours,& y solemnisa la feste de Toussaincts. Pendant lequel temps tindrent l'un avec l'autre plusieurs grans & estroits conseils sur leurs affaires & besongnes : & conclurent d'eux assembler assez brief ensuiuant en ladicte ville de Neuers, avecques plusieurs autres grans Princes & seigneurs du royaume de France. Lesquels iours passez ledit Duc d'Orleãs se departit d'illec,& par saint Pol s'en alla en la ville d'Arras, où il fut moult haultement & honnorablement receu & festoyé de tous les estats de ladicte ville, & luy furent donnez aucuns beaulx & riches dons. Et puis partant de là, s'en alla à Paris, & de Paris à Blois. Apres lequel temps le Duc de Bourgogne feit assembler certain nombre de gens de guerre, lesquels il conduysit & mena au païs de Bourgogne. Au deuât duquel Duc vindrent de deuers Troyes en Champaigne grãd partie des nobles dudit païs de Bourgogne pour le accompagner. Si r'enuoya les Picards qu'il auoit là amenez & leur feit deffendre moult destroictemēt qu'ils ne seiournassent ne meffissent riens au païs ne aux subiects du Roy de France . Si fut en ce voyage pour la secōde fois abatue la forteresse du seigneur de Commercy,c'est à sçauoir la forteresse de Montagu,laquelle ledit seigneur auoit fait reedifier.

S'ensuit la coppie des instrumens enuoyés au Roy Charles de France par les seigneurs, qui sestoient assemblez à Neuers: & les responces faictes à icelles par ceux de son grand conseil & les requestes faictes par les dessusdits.

PRemierement reciterent quatre articles autresfois proposez par les ambassadeurs du Roy, par luy enuoyez à Neuers deuers lesdits seigneurs, avec les responces seruans à vn chacun article.

ITEM remontrèrent au Roy la necessité de la paix generale du royaume de France,& en ensuiuant ce que par luy auoit esté accordé: il deuoit (pour euitier charge) faire entretenir la iournée de la paix au lieu accoustumé sans soy arrester à la difficulté du lieu, où on ne veoit point d'interest suffisant pour empescher ladicte iournée de paix:& aussi que la iournée de Tartas & celle de ladicte paix se peussent bien estre entretenues.

Responce faicte par le Roy ausdits articles.

Quant



Vant est au premier point il ne sy fault point arrester: car il n'a point esté recité de responcez faictes à Neuers par les seigneurs à monseigneur le Chancelier de France, à messire Loys de Beaumont, & aucuns autres enuoyez audit lieu de Neuers de par le Roy.

AVDIT second article touchant les remonstrances de la paix: le Roy a eu & a tousiours bon vouloir d'y entendre & proceder par effect par tous moyens licites & raisonnables, comme il sçait bien, & peut sçauoir que lesdits seigneurs ainsi l'entendent. Et veuz les grans deuoirs qu'il a faits en ceste matiere, il s'en tient estre bien acquitté enuets Dieu & le monde. Car comme il est notoire quand le traité fut fait d'entre le Roy & monseigneur le Duc de Bourgogne en la ville d'Arras, le Roy feit par l'aduis de monseigneur de Bourgogne, qui desiroit le bien & vnion desdits royaumes, offres bien grandes & plus qu'il ne deuoit aux Anglois, qui pour lors estoient enuoyez par le Roy d'Angleterre, pour traicter la paix deldits deux royaumes: lesquelles offres furent par eux refusées. Et pource & autres choses sembla aux Cardinaux, & autres illec enuoyez pour ladicte matiere par nostre saint Pere le Pape & le saint Concille de Basle. Aussi aux parens & seigneurs de mondit seigneur de Bourgogne qu'auoit assemblez de tous ses pays en bien grand nombre, que veüe la desraison qui estoit en la partie d'Angleterre refusant telles offres ledit seigneur de Bourgogne, ne se deuoit plus tenir a eux par loyauté: mais tant que pour autres causes s'en pouoit escōduire & faire paix avec le Roy son naturel & souuerain seigneur.

ITEM & depuis, le Roy à la requeste de monseigneur le Duc d'Orleans & le Duc de Bretagne, & du consentement de mondit seigneur de Bourgogne, sans lequel iamais à ladicte paix d'Arras n'a voulu entendre ne proceder à nuls moyens de paix avec lesdits Anglois: jaoit ce que de leur part aucunes ouuerures leur en ayent esté faictes: mais pour tousiours soy mettre en son deuoir, enuoya deuers mōdit seigneur de Bretagne ses ambassadeurs solempnels à tout pouoir suffisant, pour prendre lieu de conuention où les ambassadeurs solempnels de la part du Roy de France & d'Angleterre, peussent aller & mondit seigneur le Duc d'Orleans, qui deuoit estre amené à Chierbourg y peust estre: laquelle chose pout lors ne print aucun effect.

ITEM depuis la requeste de monseigneur d'Orleans & de madame la Duchesse de Bourgogne, le Roy consentit tenir iournée entre Grauelines & Calais, pour le fait de ladicte paix à certain iour. Auquel lieu & temps il enuoya ses ambassadeurs à pouoir suffisant: nonobstant que ledit lieu de Grauelines & Calais estoit bien loingtain, & en l'obeissance de ses ennemis: mais ce luy feit accorder & consentir la faueur de mondit seigneur le Duc d'Orleans, qui pour celle cause deuoit estre amené au dessusdit lieu de Calais: car le Roy vouloit & desiroit qu'il fut present ou aupres du lieu, où ladicte cause seroit demenée, pour y auoir son aduis ainsi que bien raison estoit veu la proximité de lignage, à quoy iceluy Duc d'Orleans actient au Roy: & aussi pour paruenir à aucuns moyens de la deliurance. Et si ne feut pour les causes dessusdictes, le Roy n'eust point accepté le lieu de Grauelines dessusdit. A laquelle conuention fut faicte vne cedula par mondit seigneur d'Orleans & ladicte dame la Duchesse de Bourgogne, contenant plusieurs poincts touchant ladicte paix. Laquelle ce-

dulle fut enuoyée deuers le Roy Charles, où il auoit lors ses trois estats pour la diuersité des opinions: aussi pour la faulte de mondier seigneur le Dauphin, auquel (comme chacun sçet) touche plus qu'à nul autre apres le Roy. Et aussi que point n'y estoient les seigneurs & gens des païs de Languedoch, de Vienne & d'autre païs, fut prinse vne autre iournée à Bourges en Berry au mois de Feurier ensuiuant. Auquel iour & lieu le Roy auoit intètion d'estre: mais n'obstât certaines diuisions qui lors suruindrent ne peurent venir à ladicte iournée.

ITEM & neantmoins en entretenant l'appoinctement de la iournée prinse par mondier seigneur d'Orleans & madiete dame la Duchesse de Bourgongne, enuoya à la iournée entreprinse au premier iour de May solemnelle ambassade avec pouoir suffisant, pour besongner au fait de ladicte paix. Er y furent & demourerent lesdits ambassadeurs par l'espace de sept ou de huit mois sans riens besongner. Et tant seulement fut emprinse vne autre iournée au premier iour de May ensuiuant, l'an mille quatre cens quarante deux. Auquel iour de rechef le Roy enuoya de moult notables ambassadeurs, ayans pouoir suffisant comme dessus. Et n'y fut riens besongné pour la deffaulte des Anglois, qui n'y auoient enuoyé qu'un simple clerc, qui n'estoit point personne suffisante pour traicter de telle & si haulte matiere.

ITEM & lors de rechef fut fort pourparlé par mondier seigneur le Chancellier avec madiete dame la Duchesse de Bourgongne, d'entreprendre vne autre iournée au premier iour de ce present mois de May és marches de Beauuais, de Senlis ou de Chartres: laquelle iournée madiete dame de Bourgongne fait sçauoir au Roy d'Angleterre. Et luy fut fait responce par vnes lettres, lesquelles elles enuoya au Roy de France: & en effect contenoit qu'en autre lieu ne tiendroient ne feroient tenir ladicte conuention, que audit lieu de Grauelines, auquel lieu le Roy n'a deliberé de tenir ladicte iournée. Et mesmement veu que par trois fois le Roy auoit enuoyé en l'obeissance desdits Anglois, ne deuoient iceux Anglois resfuser lieu en l'obeissance du Roy de France, où ils pouoient seurement & conuenablement assembler. Et ce que le Roy consentit tant de fois assembler audit lieu de Grauelines, a esté en faueur de la deliurance de mondier seigneur le Duc d'Orleans.

ITEM & neantmoins le Roy pour tousiours de plus en plus monstrier & donner à cognoistre son bon propos & volenté, en continuant ce que par monseigneur le Chancellier auoit fait sçauoir à madiete dame la Duchesse de Bourgongne, est content de tenir iournée avec lesdits aduersaires les Anglois pour le bien de paix au xxv. iour du mois d'Octobre prochain ensuiuant, és marches cy dessus declairées: c'est à sçauoir entre Ponthoife & Mante, entre Chartres & Vernueil, entre Sablé & le Mans iusques à la place moyene deuisee & prinse par les ambassadeurs, comis d'une part & d'autre. Et ne peut le Roy plus tost prendre iournée que audit xxv. iour pour deux causes tresraisonnables. La premiere si est qu'il vouloit estre retourné de la iournée de Tartas au tēps dessusdit, & estre pres du lieu où ladicte conuention se tiendrait accōpagné de messeigneurs de son sang, qui estre y voudroient ou de leurs gēs aussi de prelatz, Barōs & grans seigneurs & autres notables hōmes de son royaume: mesmement ceux de la nation de Normādie, sans lesquels avec les autres dessusdits il n'a intention de

de proceder ne besongner en ladicte cause & matiere de paix, ainsi q̄ raison est, veu qu'ils ont bien acquitté leur loyauté enuers le Roy son pere & luy. Et tant y ont souffert qu'ils ont bié desseruy d'y estre appelez, & d'en auoir l'opiniõ d'eux & leur conseil. Et aussi pource que la chose leur rouché plus qu'à nuls autres. L'autre cause si est pour les anciènes alliances qui sont entre les nations d'Espaigne & de Frâce, & de celles d'Escoce: lesquelles iusques à l'heure presente se sont bien entretenues: le Roy enuoyeta iceluy temps pendant deuers lesdits Roys d'Espaigne & d'Escoce & les autres alliez, pour eux signifier la cause de ladicte conuention, affin d'auoir leur aduis, conseil & consentement: car par les anciennes alliances qu'ils ont ensemble, ils ne peuuent ne doiuent faire paix finale ou prendre longues trefues ausdits Anglois, sans le consentemēt les vns des autres: car tousiours depuis lesdictes alliāces faictes entre les dessusdits Roys de Frâce, d'Espaigne & d'Escoce & autres, elles ont esté bien gardées & entretenues & de par le Roy, qui à l'heure presente les a cõformées ne pour riens ne les voudroit enfreindre n'aller au cõtraire: & bien à cause de ce faire: car il a trouué lesdictes alliances entre eux bõnes & seures & les gens de leur paÿs. Et ont fait leurs subiects de grans seruices à la maison de Frâce. Et pource que le Roy doit desirer & desirer, que les deuoirs en quoy il s'est mis & veut mettre (lesquels cõme luy semble deuoiēt estre tenus de toutes gens tres licites & raisonnables) soient cognuz par tout, maintenant & pour le tēps aduenir, & q̄ ce soir son acquit & descharge enuers Dieu & le mōde, il a intention de signifier les deuoirs dessusdits, en quoy il s'est mis & l'offre, que de present il fait de tenir cõuētion avec lesdits aduersaires pour le bien de paix és lieux dessusdits: qui auant où plus sont à seureté de partie aduersē, cõme du Roy, à nostre S. Pere le Pape, ausdit Roys d'Espaigne & d'Escoce, & autres seign̄s ses alliez. En outre le Roy fera sçauoir à la partie d'Angleterre affin qu'ils y enuoyē. Et requiert le Roy à mōseigneur le Duc d'Orléans, à messeigneurs les Ducs de Bourgogne & de Bretagne, & madame la Duchesse de Bourgogne, qui en ceste maniere se sont employez, que deuers ladicte partie d'Angleterre ils veulēt enuoyer aucuns de leurs gēs pour exploicter, induyre & mouuoir à réuoyer leurs ambassades solēnels avec bõ & suffisāt pouoir au iour, & l'un des dessusdits pour illec besongner au bié de la matiere de paix. Auq̄l tēps n'y aura point de faute q̄ le Roy n'y enuoye gens notables ayās pouoir suffisant.

ITEM le Roy veult des maintenant ouurir & descouurir sa voulenté à messeigneurs: cõme à ceux de qui il doit estre seur & certain, qu'ils veulent l'hōneur de luy & de sa couronne, ainsi cõme raison est: cõme ceux qui en sont descēdus & prochains touchās certaines parolles, qui furēt dictes dõt le Roy est informé, qui seruēt beaucoup à la maniere de paix. Lesquelles sont qu'à la premiere assēblée qui fut tenue entre Grauelines & Calais, present madame la Duchesse de Bourgogne & le Cardinal d'Angleterre, sur pronōcé par la bouche de l'Archeuesque d'Yorth *q̄ vsque in ultimo flatu*, toute la natiõ d'Angleterre ne souffriroit pas ne cõsentiroit, que leur Roy tint riens en hōmage, ressort ne souueraineté de nul autre Roy ou Prince q̄ de luy mesmes, qui estoit chose mal cõcordable pour paruenir à q̄lcōqs traité de paix, & n'est point chose qui se puisse, & doie faire. Et pource le Roy est deliberé & arresté, que pour riēs il ne bailleta ne delaissera aucūe chose ausdits Anglois, q̄ ce ne soit en son hōmage, souuetaineté & ressort

comme les autres vassaulx de son Royaume & ses subiects : car il ne veut pas que ce que ces predecesseurs ont augmenté & accru par vaillance & bon gouuernement d'eux & l'ayde de ses subiects, soit ainsi perdue : & ne pourroit croire le Roy que pour riens nuls de messeigneurs de son sang ne les vaillans & notables hommes de ce Royaume, s'y peussent consentir, ne encores se faire le vouloit le souffrir, considéré la hauteſſe & excellence de la couronne de ladicte maison de France.

ITEM qu'affin que chacun cognoisse les deuoirs que le Roy à faits iusques à present, pour entêdre à auoir ladicte paix, & que pour le temps aduenir, charge ne luy en peust estre imputée, il fera pour estre en memoire entregistren en sa chambre des comptes ceste presente responce.

ITEM au regard de ce qu'ils ont tequis prouision conuenable deuant l'allée du Roy à Tartas, aux nouuelles entreprinſes des Anglois au païs Chartrain & de Beauſſe. Le Roy y donne remede & y enuoye le Bastard d'Orleans, que lesdits Princes ont & auront bien aggreable avec puissance de gens de guerre, pour resister ausdictes entreprinſes.

ITEM que pource que lesdits seigneurs se doiuent prochainement assembler à Neuers, ont lesdits ambassadeurs requis au Roy : qu'en entretenant tousiours ce que par ses ambassadeurs auoit fait ſçauoir aux deſſusdits seigneurs, qu'il estoit content que monſeigneur le Duc de Bretagne s'assemblast avec eux audit lieu de Neuers: il plaise au Roy eſcrire de rechief & mander qu'il s'assemble audit lieu de Neuers avec lesdits seigneurs, en luy enuoyant son ſaufcôduit & ſeurté ſi beſoing en eſt.

LE ROY ſeit ſçauoir par monſeigneur le Chancelier & meſſire Loÿs de Beaumont, qu'il estoit content de leur aſſemblée eſpetans les veoir en ſa ville de Bourges: ou quelque lieu qu'ils euſſent venus, & leur eut fait bonne chiere & veu volentiers comme ſes plus prochains parés, & communiqué avecques eux ſur les affaires de ſon Royaume. Et quant à la venue de môſeigneur de Bretagne à Neuers, le Roy ſeſmerueille de ce qu'ils n'en font mention ne plaincte: car le Roy estoit en bonne intention, que ſil fut venu par terre, que ſon plaisir estoit qu'il paſſast par Tours, pour l'accompagner audit lieu de Bourges à la venue deſdits seigneurs ſe bonnement & à l'ayſe de ſa perſonne ſe pouoit faire. Autrement euſt peu ſembler audit Duc de Bretagne, que le Roy ſe fut voulu eſtranger de luy: & neantmoins le Roy enuoya le ſire de Gaucourt avec lettres patêtes: leſquelles il a deuers luy pour ſçauoir ſil vouloit aller par eau par Blois & Orleâs, pour luy compaigner & luy faire ouuerture comme à ſa propre perſonne. Et de rechief reſcrire au deſſusdit Duc de Bretagne de rassembler à Neuers, ne ſemble point au Roy que ce ſoit choſe raiſonnable ou conuenable, que lesdits seigneurs facêſſent aſſemblée, pour traicter des faits de ce Royaume en l'abſence du Roy ou ſans ſon commandement: mais le Roy à ſon retour de Tartas a bien intention de les requerir de leur ayde, conſeil & ſecours: & mettre armée ſus la plus grande qu'il pourra pour entrer en Normandie, à ce qu'il ait meilleur traicté de paix ou qu'il puiſſe à l'ayde de Dieu & d'eux, recourir ſa ſeigneurie.

ITEM au regard de iuſtice, ont requis au Roy que tant en Parlement que
autres

autres offices de iustice de ce Royaume, il luy plaist commettre personnes sages & experimentez au fait de iustice : & pourueoir aux offices & nō point aux personnes.

LE Roy à son pouoir a tousiours mis, elleu & constitué en son Parlement, les meilleurs & les plus sages & plus idoines clerks qu'il a peu trouuer ne finer. Et encores y font des plus sages & des plus notables pour le present commis clerks juristes & experimentez de ce Royaume. Et en faueur & requeste de monseigneur le Duc de Bourgongne, le Roy a mis douze tels que mondit seigneur de Bourgongne luy a voulu nommer ; d'autres seigneurs quand ils ont requis pour personnes qui le vaillent és autres offices de la iustice du Royaume, le Roy y a mis gens notables & suffisans pour excercer bien & deuēment lesdictes offices, tant par eux comme par leurs lieutenans : qui sont gens de iustices & clerks & notables hommes en tel cas eux cognoissans, pour faire & administrer iustice.

ITEM qu'il plaist au Roy faire abregier les proces & administrer iustice aux parties, & tant aux subiects desdits seigneurs comme aux subiects du Roy sans moyen en faisant constitution : & par effect l'entretenant à ce, que sans auoir regard aux partialitez du temps passé bonne iustice y soit mise & administrée.

LE Roy n'a iamais eu planté de doléance desdictes choses, & desire de tout son pouoir l'administration de iustice & l'abreuiation des proces, sans auoir regard ausdictes partialitez : ains voudroit punir tous ceux qui feroient le contraire. Et l'intention du Roy est escrire à sa Court de Parlement, & à ses autres officiers de iustice : que dorelnauāt ils abregent encores plus qu'ils n'ont accoustumé lesdits proces, & facent bon & brief droit ausdictes parties, sans auoir regard ausdictes partialitez.

ITEM ont remonstré au Roy l'horreur des roberies, outrages & derisions que font plusieurs gens de guerre, qui se dient au Roy tant sur les subiects desdits seigneurs que sur les siens : requerant sur ce prouision non par lettres ou parolles, mais par effect. Et aussi ont remonstré qu'il seroit conuenable, que seulement aucuns capitaines notables qui bien & loyaumēt ont seruy le Roy, eussent la charge des gens d'armes & de guerre.

ITEM que les gens de guerre feussent payez & souldoyez & logez és frōtieres, & sans punition on ne leur souffrist tenir les champs ou viure sur le peuple. Et avec ce que le Roy retienne seulement pour luy seruir gens experimenter de la guerre, & non soy arrester à la multitude : Mais contraigne les gens de bas estat, oiseux, noisieux & non saichans de la guerre d'eux retourner à leurs labours & leurs mestiers.

LES DICTES pilleries ont tousiours despleu au Roy, & desplaisent de tout son cuer. Et s'est essayé plusieurs fois de vuidier toutes gens faisans pilleries. Et quant aux logis sur frontieres : luy estant dernièrement à Angiers l'auoit fait & ordonné, & les auoit establis & souldoyez : mais lors & depuis on luy a leuez lesdits gens d'armes, qui a esté cause de remettre les pilleries sur les pays. Et ont esté faictes plusieurs traueses, parquoy on n'a point peu executer ne donner prouision ausdictes pilleries, ainsi qu'il auoit proposé & intention de faire. Et

est le Roy du tout delibéré en ensuiuant le conseil desdits seigneurs d'y pourueoir si conuenablement, que lesdictes pilleries cesseront & de casser toutes gés inuillies pour la guerre. Si requiert ausdits seigneurs qu'ils ne vueillent accueillir aucuns, qui feroient contre ladicte ordonnance.

I T E M ont remonstré au Roy la pauureté du commun peuple & excessiues tailles, aydes, impositions, gabelles : dont les dessusdits subiects sont insupportablement soulez, requerans qu'il plaist au Roy d'y pourueoir conuenablement & modérément.

L E Roy est tresdeplaisant de la pauureté de son peuple, en quoy il a tresgrād interests & dommages. Et a intention selon son pouoir de les releuer & supporter le plus fort qu'on pourra. Et pour eux oster de la pillerie luy a conuenu aller l'an passé és pays de Champaigne, où il a esté & fait cesser ladicte pillerie. Semblablement le fera és autres lieux de son Royaume, & ne cessera iusques à ce qu'il ait fait. Et mesmement comme dessus est dit touchant les gens d'armes qui demeurerent esdictes frontieres, en leur faisant payement & ordonnance de viures: en quoy il est delibéré d'entendre & vacquer, auirement cognoist la depopulation & destruction de tout son Royaume & de ses subiects. Et au regard des tailles, aydes & gabelles excessiues dont les subiects desdits seigneurs sont insupportablement greuez & soulez. Le Roy a plus supporté les subiects desdits seigneurs que les liens propres. Et sera trouué que quand en l'année sur lesdits subiects du Roy auront esté leuées deux tailles, sur les pays & subiects desdits seigneurs n'en aura esté leuée qu'une, que lesdits seigneurs mesmes ont prinse, leuée & empeschée ou la plus grand partie. Pourquoy appert que besoing a esté au Roy auoir autre ayde que des pays desdits seigneurs, pour conduire le fait de la guerre & de ses autres grans affaires.

I T E M ont remonstré au Roy, comment telles tailles & impositions se doiuent mettre sus & imposer & appeller les seigneuries & les estats du Royaume.

L E S aydes ont esté mises sur les seigneurs & de leur consentement. Et quant aux tailles le Roy quand il a esté en lieu, les a appellez ou fait sçauoir combien que de son auctorité royal veu les grans affaires de son Royaume si vrgens, cōme chacun sçet: & mesmement ses ennemis en occupant vne grand partie & destruisant le surplus le peut mettre sus, ce qu'autre que luy ne peut faire sans son congé. Et n'est ja nul besoing d'assembler les trois estats pour mettre sus lesdictes tailles, car ce n'est que charge & despence au pauvre peuple, qui a à payer les fraits de ceux qui y viennent: & ont requis plusieurs notables seigneurs dudui pays, qu'on cessast de telle conuocation faire. Et pour ceste cause sont contents qu'on enuoye la commission aux eueuz selon le bon plaisir du Roy.

I T E M qu'aux grans affaires de ce Royaume, le Roy deuroit appeller les Princes de son sang plus que nuls autres: & qu'ainsi se doit faire raisonnablement veu leur grand interest. Et ainsi est accoustumé de faire par les treschrestiens Roys de France les progeniteurs.

I T E M ont requis au Roy qu'il luy plaist entretenir lesdits seigneurs en leurs prerogatiues & auctoritez, lesquelles ils ont tāt à cause des parries & autres seigneuries qu'ils ont au Royaume.

L E Roy n'a traité d'aucune matiere haute sans le sceu desdits seigneurs, ou
de la

de la plus grand partie d'iceux : & encore son intention n'est point d'autrement faire. Et son plaisir & sa volenté de les enttetenir en leurs prerogatiues & autoritez, & n'a riens fait au contraire. Ainsi luy facent les seigneurs & facêt faire à leurs subiects en leurs terres & seigneuries, ainsi qu'ils sont tenus de faire.

I T E M qu'il luy plaïse eslire en son grand conseil gens notables cremans Dieu, & non extremes ou passionnez és diuisions passées.

I T E M qu'il plaïse au Roy eslire lesdits Conseillers en nombre competent, & non plus commeitre la somme ou conduict des grans affaires de ce Royaume à deux ou trois, comme il a esté fait par cy deuant.

L E Roy de son pouoir à tousiours quis & esleu en son conseil des plus notables de son Royaume. Ne le Roy n'a eu regard aux diuisions passées, il les a & tient pour oubliées. Et a tousiours le Roy eu bõ nombre de conseilliers: par lesquels il a conduict & deliberé les matieres ainsi que le cas & le temps l'ont requis.

I T E M qu'il plaïse au Roy prendre en bien ces remonstrances veües les quatre causes remonstrées au Roy, qui ont meu lesdits seigneurs de ce faire.

I T E M ont remonstré au Roy le fait de monseigneur le Duc d'Alençon, en luy requérant qu'il luy pleust restituer la place de Nyort, ou luy faire promptement deliurer son argent ou payement: & aussi le restablr à sa lieutenance & pension, & luy faire restituer la place de sainte Sufane, & vn sien prisonnier Anglois ou luy administrer bonne & briefue iustice.

Q V A N D le Roy a esté en son pays de Poictou pour y donner prouision, & faire cesser les pilleries qui sy faisoient & mettre en sa main plusieurs places: par lesquelles se faisoient lesdictes pilleries, doubtant le Roy que durant le tēps de son voyage de Tartas & en son absence, que par les villes & chasteaux de Nyort fut porté dommage au Roy & à son pays de Poictou, ainsi qu'aucunefois & autresfois a esté, le Roy le reprint en sa main en intention de payer & cōtēter ce en quoy il estoit tenu: jaçoit-ce que toute la debte ne fut point de prest, & desia à fait bailler à mondit seigneur d'Alençon six mille escus. Et le surplus à son payement fera faire & bailler aux termes, & ainsi que le Roy l'a escript à mondit seigneur d'Alençon & n'y aura point de faute. Sans ce que le Roy ait regard aux rentes & reuenues dudit lieu de Nyort, que mondit seigneur d'Alençon a leuées le temps qu'il l'a tenue. Touchant le restablissement de sa lieutenance & pension, quand mondit seigneur d'Alençon se conduira & gouvernera enuers le Roy ainsi qu'il doit: le Roy traitera comme son parēt & subiect: en ayant memoire de la prochaineté de lignage & aux seruices, que luy & les siens ont fait au Roy & au Royaume. Et tousiours l'a fait iusques à ce que la faute soit venue par luy. Touchant la place de sainte Sufane le Roy ne l'a point baillée au seigneur de Bueil, ne de par luy il ne la detient. Et toutesfois que mondit seigneur d'Alençon requerra au Roy iustice, il luy administrera & fera administrer tres volentiers. Et ledit seigneur de Bueil a bien dequoy respondre s'il tient de tort à mondit sieur le Duc d'Alençon. Semblablement du prisonnier qu'il demande luy sera administrée raison & iustice.

I T E M ont parlé du fait de monseigneur de Bourbon, demandant que sa pension luy fut entretenue, laquelle n'est point excessiue.

LE Roy a tellement fait continuer, que rien ne luy en est deu: & sur quatorze mille & quatre cens francs que monte ladicte pension sur ceste presente année, le Roy auoit ordonné luy estre baillé neuf mille francs, que ses gens ne vouloient accepter à Bressure en Ianuier dernier passé. Et felsemerueille le Roy comment à present il en fait mention.

ITEM ont parlé du fait de monseigneur de Vendosme, en suppliant au Roy qui luy pleust luy faire auoir les pensions & biens qu'il a euz par cy deuant, d'ot il est li en mestier audit seigneur & n'a point besoing qu'elles luy soient cassées. Et aussi qu'il plaise au Roy qu'il peust venir exercer son office de grand maistre d'hôtel, comme il auoit de coustume de faire.

LE Roy ne l'a point mis hors de son hôtel, luy mesmes s'en est mis hors. Et quand mondit seigneur de Vendosme se gouuérnera enuers le Roy ainsi qu'il doit, le Roy fera ce qu'il appartiendra.

ITEM & au regard de monseigneur de Neuers considéré la prochaineté de lignage dont il attient au Roy. Et que monseigneur son pere mourut en son seruice. Et les seruices que môseigneur de Neuers peut faire au Roy, il luy plaist faire à faire oster & cesser les empeschemens à luy mis au garnier à sel d'Arcy sur Aube, & luy faire auoir les descharges en la maniere accoustumée pour le payement de sa pension dessusdicte.

LE Roy en contemplation de mondit seigneur de Neuers, & en faueur de luy (nonobstant les grans charges & affaires que le Roy a à supporter pour le fait de sa guerre) est tresbien content que mondit seigneur de Neuers ait sa dessusdicte pension: dont il prendra en payement sa composition des Rethelois, pour autant qu'elle vaut. Et au surplus le Roy luy bailla de ses tailles & aydes, en faisant & donnant obeissance au Roy: ses lettres, mandemens & officiers es terres de mondit seigneur de Neuers, autres que iusques à maintenant n'a esté fait: & n'est point le Roy content que mondit seigneur de Neuers sceuffre par toute ladicte Comté de Rethelois, ses pays de Champagne & autres pays voisins estre foulez, couruz, mangez ne destruits tant par les gens comme par autres qui y passent, & se retrayēt en ladicte Comté de Rethelois, & pour y pourueoir tellement que le Roy ait cause d'en estre content. Et au regard dudit grenier d'Arcy sur Aube, le Roy veut qu'on enuoye en sa chambre des cōptes, sçauoir si mondit seigneur de Neuers doit prendre & auoir ledit garnier d'Arcy. Et ce qui luy en sera certiffié par ladicte chambre, le Roy y donnera prouision.

ITEM ont parlé du faict de monseigneur le Duc de Bourgogne, sans vouloir faire de present aucune poursuite ainsi & par la maniere qu'il l'a proposé. C'est à sçauoir pour donner à cognoistre au Roy, que le traicté de la paix entre le Roy & luy n'est point encore accōply en plusieurs articles de la part du Roy. Et aussi qu'il y a tresgrand nombre d'articles, où on a attempé directement & encore fait on de iour en iour contre ledit traicté de paix au grand preiudice de mondit seigneur de Bourgogne.

LE Roy a tousiours desiré & voulu auoir paix, amour & bon accord avec mondit seigneur de Bourgogne & pour l'auoir n'y a riens esparné. Et iusques à present a tousiours entretenu ladicte paix & accord: & a voulēté de l'ainsi faire sans riens interrompre. Et pour le mieux fermer & entretenir, a le Roy bien voulu

voulu le mariage de sa fille aller avec son fils monseigneur de Charrolois. Et quant à ce qui reste à accomplir du traité de la paix d'Arras fait entre le Roy & mondit seigneur de Bourgogne: Mondit seigneur à veu les grans affaires que le Roy iusques à present a eu & soufferts: pourquoy ne les a peu accomplir ainsi qu'il eut voulu, mais il a intention & bon vouloir de les accôplir au mieux & le plus brief qu'il pourra. Et tant que mondit seigneur le Duc de Bourgogne en deura estre content. Et quant à ce qu'audit article est faicte mention, que en plusieurs points & articles de ladiçte paix a esté achempté directement de la part du Roy, & fait on de iour en iour: le Roy ne scet, ne croit & ne voudroit, que riens de sa part eut esté achempté, ne fait au contraire. Mais bien auroit le Roy sur ce dequoy soy douloir, dont il se passe de present.

ITEM apres que les ambassadeurs dont dessus est faicte mention, eurent esté & vacqué par plusieurs iournées en l'hostel du Roy, où ils furēt receuz assez honnorablement: & qu'ils eurent bien au long remonstré l'estat & les articles, pourquoy ils estoient là enuoyez de par les seigneurs dessusdits. Et ainsi que les responses sur iceux articles tant de bouche comme par escrit, leur eurent esté baillez de par le Roy, prindrent congé & s'en retournerent deuers les dessusdits seigneurs. Toutesfois le Roy n'estoit pas bien cōtent ne ioyeux des assemblées, que les dessusdits seigneurs faisoient en son absence: car de iour en iour y auoit des plus grans de tout son hostel & de ceux de son priué conseil: qui luy disoiēt & rapportoiēt, que lesdictes assemblées n'estoient point pour son bien, & que iceux seigneurs efforçoient d'attirer de leur party les nobles hommes de son Royaume avec les gens d'Eglise & le commun peuple, pour faire tous ensemble nouuelles ordonnances, & bailler gouuernement en iceluy Royaume de par les trois estats, ce qui seroit & pourroit estre à son grand preiudice: par ce que si ainsi estoit (comme ils disoient) il n'auoit nulle auctorité sinon par les mains de ceux qui auoient ledit gouuernement. A quoy le Roy dessusdit respondit, qu'il ne pourroit nullement croire qu'iceux dessusdits seigneurs voulussent ce faire contre luy ne sa majesté Royale. Et par especial que le Duc de Bourgogne se voulüst entremettre ne consentir d'aucune chose estre faicte à son preiudice, considéré la paix & reunion que n'aguères ils auoient faicte l'un contre l'autre. Et disoit outre que s'il pouoit estre certainement aduert, qu'ils voulussent traicter ou faire aucune chose contre luy ne sadiçte majesté, il laisseroit toutes autres besongnes pour leur cōtre sus.

De l'an millecccc.xliij.

Comment le Roy Charles de France feit grand assemblée des gens d'armes, avecques lesquels alla tenir la iournée de Tartas, à laquelle iournée les Anglois ne comparurent point.

AV commencement de cest an le Roy de France feit vn tresgrand mandement par toutes les parties & par rous les païs où il estoit obeÿ, pour continuer son entreprinse qu'il auoit encommencée & assembler gens de guerre, sur intention d'aller tenir la iournée de Tartas: de laquelle en autre lieu est faicte mention: car il auoit entrepris & voulûté d'y auoir la plus grosse armée qu'onques il eut eu, pour nuls de ses au-

tres affaires durant son regne. Et aussi la besongne luy touchoit moult grandement: car sil eut delaisié icelle journée sans y bailler secours, il estoit en peril & en aduerture de perdre les pays de Guyenne & de Gascongne & tresgrand partie des seigneurs à luy obeïllans, & avec ce les nobles d'iceux pays. Lesquelles gens de guerre avec plusieurs autres grans seigneurs se commencerent fort à mettre sus trefdilignement, & en tresgrande multitude. Et fasssemblerent en plusieurs & diuers pays de grosses compaignies, lesquelles par la deliberation de son conseil il feit tirer deuers la cité de Thoulouze par diuers chemins. Et entre-temps la journée qu'il auoit prinse au premier iour de May, fut ralongée à la requeste des capitaines Anglois qui auoient faicte ladicte composition de Tartas, iusques au iour de S. Iean Baptiste prochain ensuiuant: lequel temps durant, le Roy feit ses preparations. Et en fin se partit en trefnoble & puïssant appareil, pour aller audit lieu de Thoulouze où toute sa dessusdicte assemblée se faisoit, comme dit est cy dessus. Et pout vray quand le Roy de France fut illec venu, & que les grans seigneurs & capitaines qu'il auoit mandez furent assemblez ensemble, fut trouué qu'il pouoit bien auoir le nombre de quatre vingt mille cheuaux avec tresgrand nombre de chariots & charrettes, menans artilleries, viures & autres engins & habillemens de guetre. Et quant aux seigneurs & capitaines il en y auoit moult largement: entre lesquels y estoient le Dauphin premier fils du Roy, le Comte de Richemont Cōestable de France, messire Charles d'Anjou, le Comte d'Eu, le Comte de Foix, le Vicomte de Helman fils du Comte d'Armignac, le sire d'Allebret, le Comte de Comminges, les deux Marechaux de France qui avec le dessusdit Cōestable faisoient l'auantgarde: c'est à sçauoir le seigneur de Loheac & de Valoignes, le seigneur de Cotuiy Admiral de France, le seigneur de Vilars, le seigneur de Mongascon, le seigneur de saint Priath, le seigneur de Chalenton, le seigneur de S. Valier, le seigneur de Videmont & plusieurs autres grans seigneurs & capitaines & routiers de guerre, fleur de droïctes gens d'armes, qui par treslong temps auoient suiuy la guerre, comme la Hire, Pothon de sainte Treille, Anthoine de Chabânes, Oliuier de Cotuiy, le seigneur de Blainuille & son frere messire Robert Blanchefort, Pennesach, Floquet, Ioachin Rohault, Pierre Rohault, Mathelin de l'Escouain, Dimenche de Court & moult d'autres nobles hommes de grād renom. Et lors le Roy venu audit lieu de Thoulouze, fut aduertty par plusieurs seigneurs du pays & des marches de Gascongne, que les Anglois n'estoient point puïssans assez pour cōparoit à ladicte journée contre luy. Et pource apres qu'il eut eu conseil avec les plus saiges de sa compaignie, se disposa d'aller audit lieu de Tartas à tout vne partie de ses gens, affin qu'il peust estre pourueu & fourny de viures plus abondamment. Si se partit dudit lieu de Thoulouze à tout enuiron seize mille cheuaux, desquels estoient la plus grand partie des seigneurs & capitaines dessus nōmez. Et alla loger à deux lieües pres de Tartas, en vne petite ville nommée Mylien qui estoit au seigneur d'Allebret, laquelle tenoit le Comte de Foix: & ses gens se logerent assez pres tout à l'enuiron d'icelle ville. Et le lendemain qui estoit le iour prins entre les deux parties, alla le Roy luy mettre en bataille deuât ladicte ville de Tartas, & y fut depuis le matin iusques entre dix & vnze heures deuât nonne. A laquelle heure vindrent deuers luy, les

dessusdits

dessusdits seigneurs de Coignac & Enguerrot de saint Per, lesquels auoient icelle ville en gaid, comme dessus est declairé. Et emmenerent avec eux le Cadet Charles d'Allebret, qui estoit demouré en hostage. Si apporrioint les clefs de la ville, lesquelles ils rendirent & meirent es mains du Roy. Et avec ce fait ledit seigneur de Coignac serment au Roy. Et le dessusdit Enguerrot s'en alla en la cité d'Acques. Et adonc le dessusdit seigneur d'Allebret entra dedans la ville de Tartas. Et le Roy s'en alla au giste à Coignac, qui est vne petite bonne ville assise assez pres enuiron deux lieues dudit lieu de Tartas. Et là seiourna le iour de la S. Jean & le lendemain.

Comment le Roy de France apres la iournée de Tartas s'en alla loger deuant sainte Seuerre chief du pais de Gascongne. Et conquist ladicte ville & chastel & autres plusieurs places audit pais.

EN apres le mercredy ensuiuant de la iournée de Tartas (dont cy dessus est faite mention) le Roy & son armée s'en allerent deuant sainte Seuerre, où tout le pays festoit retraict & y auoit cinq fermetez, car c'estoit vne ville forte à merueilles. Desquelles fermetez les gens de monseigneur le Daulphin prindrent deux de premiere venue sans faire long proces, & le logerent dedans. Et peu de iour ensuiuant les gens du Roy prindrent la tierce fermeté. Et depuis fut commandé de par le Roy qu'on assaillist la quarte, à laquelle les Anglois feirent grand resistance: mais petit durerent, & furent reboutez & poursuiz tresvigoureuement iusques à la porte du maistre chastel. Lequel sans commandement ne ordonnance du Roy ne de ses capitaines, fut assaillie tresvaillamment par les François. Et dura ledit detnier assaut enuiron quatre heures moult merueilleux: mais en fin les Anglois qui estoient dedans, furent prins & conquis par force & mis à l'espee: & en y eut prestement sans remede mis à mort bien de huit cens à mille Anglois. Et n'y moururent à iceluy assaut qu'environ de vingt à trente des gens du Roy, entre lesquels en fut l'un le petit Blanchefort. Si fut prinse la ville par le costé que faisoit assaillir le Connestable de France. Et là fut prins du costé desdits Anglois messire Thomas de Rampston, & aucuns autres en petit nombre. Apres laquelle prinse & que le Roy y eut seiourné enuiron l'espace de douze iours, il s'en alla mettre le siege deuant la cité d'Acques en Gascongne, où fut bien cinq semaines: & y auoit moult fort bouleuers deuant l'une des portes. Et apres que les gros engins du Roy eurent traict & icet par plusieurs iours & demoly la muraille de ladicte ville & le dessusdit bouleuert, on assaillit iceluy bouleuert. Et dura ledit assaut bien l'espace de cinq grosses heures tresrueil & merueilleux. Et en fin fut conquise & prins de force enuiron le iour faillant. Si y furent morts dix ou douze Anglois, & des François en y eut plusieurs naurez. Apres laquelle prinse on feit traire toutes gens de par le Roy, reserué ceux qui furent commis à garder ledit bouleuert. Et le lendemain ceux de ladicte ville d'Acques, doubtons qu'on y fait nouuel assaut & qu'on recommenceast de plus fort se rendirent tous à la voulenté du Roy, excepté le seigneur de Montferrant, qui estoit capitaine pour le Roy d'Angleterre & le dessusdit Enguerrot de saint Per: lesquels se rendirent sauf leurs corps seulement, & s'en allerent le baston au poing. Et

avec ce permeit ledit seigneur de Montferrant de rendre en la main du Roy deux forteresses, qu'il auoit empres la cité de Bordeaux : & pour la leurté de ce bailla son fils en hostage, lequel demoura prisonnier par long temps, par ce que ledit seigneur de Montferrant ne voulut point rendre les forteresses dessusdictes, ainsi que promis l'auoit. Et gouvernoient lors en iceluy pays le Capital de Buch, ledit seigneur de Montferrant & messire Thomas de Rampston Seneschal de Bordeaux. Durant lequel temps les Anglois reprindrent la ville & chasteil, avecques tous les forts de sainte Seure : mais brief ensuiuant le Roy de France y retourna à tout son armée. Si fut reconquise de force, & y eut moult grand nombre d'Anglois mis à mort. Auquel temps se rendit François, & feit sermēt au Roy en luy baillāt obeissance en ses villes & forteresses le seigneur de Rochetaillade. En apres alla le Roy deuers Mermande, laquelle se rendit à luy : & de là se tira deuers la Reolle, qui fut assiegée trespuissamment par lesdits François : & depuis fut prinse icelle ville d'assault, mais le chasteil se tint enuiron l'espace de six sepmaines : au bout duquel terme se rendirent ceux de dedans sauf leurs vies. Et y commeit le Roy Oliuier de Cotuiy pour en auoir le gouvernement avecques aucunes autres places, qui auoient esté conquises durant ledit voyage : de laquelle ville de la Reolle estoit capitaine pour le Roy d'Angleterre le Baron d'Acques, lequel depuis se rendit François. Et entre-temps que les conquestes dessusdictes se faisoient, y eut aucune destrouille par lesdits Anglois sur les François, & par especial les payzans du pays leur faisoient forte guerre. Pourquoy tant pour la grande multitude de gens qu'y auoit le Roy, comme pour les rebouttemps que leur faisoient les dessusdits, furent par plusieurs fois moult oppressez de famine. Et moururent la plus grande partie de leurs cheuaux, dont les routiers & autres qui ont accoustumé de tenir les champs long temps, furent moult troublez : & en y eut tresgrand nombre qui se tirerent plus auant es pays pour eux raffreschir : & mesmement allerent iusques assez pres du pays de Nauarre, en faisant de tresgrans dommages au pauvre commun peuple. Et d'autre part pendant le temps dessusdit, les Anglois s'assemblerent vn certain iour & par moyens qu'ils auoient, reprindrent la cité d'Acques en Gascongne sur les François : de laquelle estoit capitaine Regnault Guillaume le Bourgongnon, lequel fut prins prisonnier & tresgrand partie de ses gens mis à mort : duquel le Roy de France fut tresmal content, pource qu'il auoit perdu si en haste & par mauvais soing icelle cité, qui assez largement auoit cousté à conquerre. Apres lesquelles besongnes, & que le Roy eut esté au pays de Gascongne enuiron de sept à huit mois : & feit en iceluy plusieurs belles conquestes (comme dit est cy dessus) considerant le grand traual qui de iour en iour auoient eu les gens pour la deffaute des viures, dont ils auoient à tresgrand dangier. Si conclud & delibera de tourner à Montauban, où il fut enuiron deux mois : & là feit ses ordonnances pour la garde du pays, & par diuerses iournées s'en retourna à Poictiers. Et pou de tēps apres la Hire qui moult auoit esté traouillé en iceluy voyage : & qui desia estoit homme assez aagé, alla de vie à trespass au chasteil de Montauban. Pour la mort duquel le Roy fut tresdeplaisant, quand ce fut venu à sa cognoissance. Et ordōna que sa femme possedaſt d'aucunes terres & seigneuries, qu'il auoit données audit la Hire durant sa vie.

Comment

Comment Pierre Regnault fut par force debouté de la forteresse de Milly.

Mous auez ouï bien raconter au long comment Pierre Regnault estoit logé au chastel de Milly, estant à deux lieues ou enuiron pres de Beauuais: lequel lieu de Milly il auoit fait reparer & fortifier. Et auoit bien avec luy le nombre de deux cens combattans, tous fors facquemens roides & vigoureux: à tout lesquels il couroit souuent en diuers lieux, & tout ce qu'il pouoit ataindre & attraper au dehors des chasteaux & fermetez, tant sur les pays du Roy comme ailleurs estoit prins, rauy & emmené en leur forteresse & garnison. Et par especial auoit couru & couroit continuellement de iour en iour sur les villes & pays de l'obeissance & seigneurie du Duc de Bourgongne, du Comte d'Estampes & de plusieurs autres grans seigneurs de ce party: & mesmement tressouuent passoient l'eauë & la riuere de Somme en tirât vers les marches d'Arthois, où il y auoit de douze à seize lieues de leurdicté garnison. Et pareillement faisoient és chastellenies de Peronne, Montdidier & Roye, où ils prenoient de bons prisonniers: lesquels ils mettoient à grosses finances, ainsi & par la maniere qu'eussent peu faire leurs aduersaires du temps de la guerre, avec tous autres biens quelconques dont lesdits pays estoient moult oppressez & trauallez: si en furent par plusieurs fois faictes grandes plainctes de doléances aux seigneurs dessusdits, dont ils estoient tresmal cōtens. Et pour ceste cause enuoya ledit Duc de Bourgongne deuers le Roy luy remonstrant la destruction d'eux, ses pays en luy requerant d'y auoir prouision. A quoy le Roy feit responce comme autresfois auoit fait pour pareil cas: C'estoit qu'il luy en desplaisoit moult & qu'il estoit trescontent que ledit Duc de Bourgongne le feit ruer ius & destrousser s'il le pouoit trouuer en ses pays, ou qu'il le feit assieger & debouter par ses gens d'icelle forteresse de Milly: & il manderoit & feroit faire deffence à tous ses capitaines des marches à l'enuiron, qu'ils ne luy baillassent ayde, secours ne faueur nulle contre les gens du Duc de Bourgongne, sur autant qu'ils doubtoient à encourir son indignation. De laquelle responce iceluy fut assez content, & se pourpença qu'il pouruoiroit au plus brief que bonnement faire se pourroit: si trouua maniere de faire traité avec aucuns capitaines Anglois sur la marche de Normandie, & qu'ils bailleroient seurté de non faire guerre à ses gens. Et quand le Duc de Bourgongne fut assez acertené des deux parties, qu'ils ne luy porteroient nul grief ne dommage à ses gens à la cause dessusdicté: luy qui pour lors estoit en son pays de Bourgongne, feit assauoir au Comte d'Estampes qui auoit le gouvernement de ses pays de Picardie, qu'il assemblast le plus de gens de guerre qu'il pourroit finer, & les menast deuant ledit chastel de Milly: surquoy ledit Comte feit grand diligence: & meit ensemble en brief terme bien le nombre de douze cens combattans, tant chevaliers comme escuyers & autres gés de guerre des plus experts d'iceluy pays de Picardie & de la marche à l'enuiron. Entre lesquels estoient Valleran de Moreul, Guy de Roye, Iean d'Ange, le seigneur de Saucuses, Symón de Lalain, Iean de Haplaincourt, Charles de Rochefort, messire Colart de Melly & moult d'autres grans seigneurs & gentils-hommes. Er fut faicte icelle assemblée en la ville d'Amiens: duquel lieu à tout chartois fort chargez de vi-

ures & habillemens de guerre, s'en allerent en moult belle ordonnance par aucuns iours iusques à Beauuais, où ils furent receuz honnorablement: & ses gens se logerent és villages enuiron: & de là ledit Comte se tira deuant le chastel de Milly. Si feit loger ses gens au plus pres de la porte, qui derompirent fort les defences de ladicte forteresse: & par especial de la basse court, qu'ils auoiēt fort réparée de queües & d'autre gros bois. Si commencerent ceux de dedans à defendre tresvigoureuſement tant de canons, que d'autres attilleries & engins de guerre: desquels ils occirent & nauèrent aucuns des gens du Comte d'Estampes. Entre lesquels y fut mort messire Matthieu de Humietes: & auoient les gēs du petit Comte laissé leurs cheuaux ou la plus grand partie en la ville de Beauuais: de laquelle & aussi de la cité d'Orleans venoient viures de iour en iour audit siege. Durant lequel siege apres que les engins dessusdits eurent fort adommagé les fortifications de la basse court dessusdicte, il fut liuré par les assiegeés vn tresdur & fort assault, auquel tant d'un costé comme d'autre furent faictes plusieurs vaillances & proësses: desquelles entre les autres le seigneur de Sauueses avec ses gens emporta le bruit. Neantmoins ceux de dedans se deffendirent trespuissamment, & tant que lesdits assaillans voyant que bonnement ne pouoient conquerre sans auoir trop grand perte & dommage de leurs gens, se retrahirent & furent morts des assaillās enuiron de huiēt à dix, & des deffendeurs y eut aucuns naurez. Et apres iceux deffendans considerans qu'ils ne se pouoient longuement tenir, & aussi qu'ils n'auoient point grand esperance d'auoir aucun secours, feirent traité avec les commis dudit Comte d'Estampes, moyennant & par tel si qu'ils se departiroient de là en emportant trestous leurs biens avec eux. Si rendirent ladicte forteresse, dedans laquelle on bouta le feu & la feit on du tout demolir & desoler. Et ce fait ledit Comte & ses gens s'en retournerent enuiron la sepmaine peneuse és lieux dont ils estoient venus. Et auoit iceluy Comte esté deuant ladicte place & tenu siege enuiron trois sepmaines ou plus audit lieu de Milly. Pour lequel voyage & deboutement des dessusdits coureurs tous les pays qui auoient accoustumé estre couruz & pilléz, furent tresioyeux quand ils furent acertenez, qu'on les auoit ainsi deslogeé & chasséz hors de ladicte place.

De l'an mille cccc. xliij.

Comment le Roy de France feit grand assemblée de gens d'armes pour aller en Normandie: & d'aucunes courses & conquestes que ledit Comte de Sombresses feit au païs d'Aniou, & ailleurs sur les Francois.



V commencement de cest an le Roy de France feit grād assemblée de gens d'armes, sur intention d'entrer en Normandie l'Esté ensuiuant: & aussi pour bailler secours à ceux de Dieppe, qui estoient fort cōtraints & trauaillez par le moyen de la tresforte bastille, que tenoient les Anglois deuant icelle ville de Dieppe: lequel secours le Roy leur enuoya, c'est à sçauoir pour r'auitailler ladite ville. Et y fut mené grād foison de bestial & autres viures, à tout grād quantité de gens d'armes, qui les bouterēt dedans à grand force: & y eut entre les deux parties de tresgros esescarmouches, ausquelles

ausquelles en y eut de morts & de naurez tant d'un costé cōme d'autre. Auquel temps le Comte de Sombresset assembla insques au nombre de six mille combattans ou enuiron; à tout lesquels il entra au païs d'Anjou, où il feit de tresgrans dommages par feu & par espée. Apres se tira vers Bretaigne, & print d'assault la Gerche appartenant au Duc d'Alençon: laquelle ville fut du tout pillée & robée. Et puis s'en alla à Ponzay, où il fut bien deux mois. Si courroient de iour en iour ses gens par diuerses compaignies le dessusdit païs d'Anjou, de Traounois & de Chatragonnois, esquels païs furent plusieurs fois destrouffez par les païsans. Et d'autre part le Marechal de Loheac eut la charge avec les gens du Duc d'Alençon de par le Roy de France, pour resister aux entreprinſes dessusdites. Si conclurent d'aller ferir de nuit sur les Anglois & sur leurs logis, c'est à ſçauoir sur ledit Comte de Sombresset: mais il en fut à tant aduertý, & alla au deuant d'eux, & les vint rencontrer qu'ils ne s'en donnoient de garde. Et pource furent iceux François mis en desroy, & en y eut de vingt à trēte que morts que prins, & les autres se sauuerent au mieux qu'ils peurent par force de fuir. Et de ceux qui furent prins, en furent le seigneur d'Auligny, Loys de Bueil & plusieurs autres gētils-hommes. Apres lesquelles besongnes, iceluy Comte de Sombresset se deslogea de deuant Ponzay, & alla prēdre le chasteau de Beaumont le Vicomte. Et puis apres qu'il eut assis ses garnisons par tout les frontieres, il s'en retourna à Rouen.

Comment aucuns cheualiers & gentils-hommes de la court du Duc de Bourgongne, entreprirent un fait d'armes par la maniere cy apres declairée.

Tem en ce mesme tēps le Duc de Bourgongne estant en sondit païs de Bourgongne, y eut plusieurs gentils-hommes de son hostel & de ses païs, qui pour son plaisir & sa licence feirent annōcer & publier par plusieurs marches & diuers lieux du païs de Bourgongne, que s'ils estoient aucuns notables hommes qui voulussent faire armes & acquerir honneur & pris, ils seroient receuz par iceux & parfournis en certaines armes qu'ils auoient entreprinſes: desquels gentils-hommes leurs noms serōt cy apres declairez, & aussi la maniere des chapitres qui pour ceste cause furent enuoyez es païs dessusdits par messire Pierre de Bauffremont seigneur de Charny, qui estoit chief de ladicte entreprinſe.

Comment du mandement dessusdit les armes furent faictes, & les noms de ceux qui deuoient faire lesdictes armes.

EN l'honneur de nostre seigneur & de sa tresglorieuse mere, de ma Dame sainte Anne & de monseigneur saint George. Le Pierre de Bauffremont seigneur de Charny, de Monliet & de Montfort, cheualier, Conseiller & Chambellan de treshault, trespuissant & excellēt Prince mon tresredoubté & souuerain seigneur mōseigneur le Duc de Bourgongne: fais ſçauoir à tous Princes, Barons, cheualiers & escuyers sans reproche, cest excepté ceux du royaume de Frāce & des païs alliez & subiects de mōdit souuerain seignr, q̄ pour augmenter & accroistre le trefnoble mestier, &

exercice des armes, ma voullenté & intèrion est avec douze cheualiers, escuyers & gentils-hommes de quatre costez, desquels les noms cy apres s'ensuiuent. C'est à sçauoir Thibault seigneur de Rougemont & Mussy, messire Guillaume de Bresremont seigneur de Sees & de Sonnegnon, Guillaume de Brene seigneur de Mombis & Gilly, Iean seigneur de Valengon, Iean seigneur de Rap & de Tirrecourt, Guillaume de Champ-Diuers seigneur de Cheuigny, Iean de Chiron seigneur de Rancheineres, Anthoine de Vauldray seigneur de l'Aille, Guillaume de Vauldray seigneur de Collaon, Iaqués de Challant seigneur d'Aineuille, messire Amé seigneur d'Espirey, & Iean de Chauigny garder & deffendre vn pas, seant sur le grand chemin venant de Dijon à Exonne au bout de la chaucée partant de ladicte ville, & vn gros arbre appellé l'arbre des hermites tout par la forme & maniere qui cy apres s'ensuyt.

PREMIER y a deux escuz, dont l'vn est noir semé de larmes d'or, & l'autre violet semé de larmes noires: lesquels escus pendront audit arbre des hermites, & seront de telle condition, que rous ceux qui seront toucher par le Roy d'armes Herault ou poursuivant l'escu noir aux larmes d'or, seront tenus à faire armes à cheual avecques moy, ou avecques vn de mesdits cheualiers ou escuyers, iusques au nombre de douze courses de lances à fer esmoulu.

ITEM en faisant lesdictes armes se l'vn est porté à terre de coup de lance & droicte achainée sur les harnois: celui qui sera ainsi porté à terre, donnera au cōpagnon qui ainsi l'aura porté ius vn dyamant tel qu'il luy plaira.

ITEM sera armé de tel harnois que bon luy semblera double ou sengl acoustumé à faire armes, & sans mal engin: c'est à sçauoir que l'arrest n'ait nul aduantage fors ainsi qu'on le porte en la guerre.

ITEM que chacun portera ses garnisons de lances & de fers, excepté que la tondelle qui gist sur les mains, ne sera que de quatre dois de large & non plus.

ITEM les lances seront d'vne mesme mesure depuis la poincte de fer iusques à l'arrest, desquelles lances bailleray la longueur.

ITEM pour faire & accomplir lesdictes armes à cheual, fourniray lances à tous & toutes prestes dedans les lices telles & semblables de celles de mes desusdits compagnons & des myennes.

ITEM & se feront lesdictes armes à cheual à la toille, laquelle sera de six pieds de haulteur.

S'ensuiuent les articles sur le faict des armes de pied.

EN apres iceux Princes, Barons, Cheualiers & escuyers de la condition dessusdicte, qui auroient plus leur plaisir de faire armes de pied: seront tenus comme dessus de faire toucher l'escu violet aux armes noires, & de combattre de lances ou d'espées duquel mieux, leur plairoit iusques à quinze coups.

ITEM qu'en faisant lesdictes armes se l'vn met les mains ou les genoux à terre, celui qui ainsi y aura touché, sera tenu de donner à l'autre vn ruby de telle valeur que bon luy semblera.

ITEM que chacun soit armé de harnois accoustumé de combattre en lices.

Item

ITEM & se l'un estoit deffourny de hache ou d'espée, ie l'en fourniray assez & de semblables à celles de mes compagnons & des myennes. Et en icelles haches ou espées n'y aura chose qui ne doive estre par raison ou sans croces ou outre mal engin.

ITEM celui qui aura son adresse de faire armes & de combattre avec moy de pied, & l'un de nous deux porte à terre de tout le corps, il sera tenu de luy aller rendre prisonnier, où l'hostellant luy ordonnera.

ITEM celui qui ainsi sera prisonnier pour sa droicte rançon & deliurance, sera tenu de donner à celui ou celle que ledit hostellant voudra ordonner à eslire au dessus de cinq cens escus.

ITEM ceux desdits estrangers ne requierent moy ne mesdits cōpagnons car ils trouueront à toutes les heures ordonnées & limitées en ce present traité qu'il les fournira.

ITEM ne pourront les dessusdits estrangers faire avec moy ne mesdits compagnons qu'une fois armes : c'est à sçauoir l'une à cheual à l'autre de pied. Et plus auant ne pourront requerre mes dessusdits compagnons ne moy durant le temps de ces presentes armes.

ITEM se feront les dessusdictes armes à cheual & de pied par la maniere qui ensuit : c'est à sçauoir icelles de cheual le lundy, le mardy, & le mercredy : & celles de pied le iedy, le vendredy & le samedy.

ITEM & se commencera ledit pas le premier iour de Iuillet, qui sera l'an mille quatre cens quarante trois, & durera quarante iours entiers sans comprendre les festes ne les dimanches, ne les festes commandées en la ville de Romme.

ITEM aucuns desdits Princes, Barons, Cheualiers ou escuyers ne pourront ne ne seront tenus de passer par le pays n'à un quart de lieue pres, qu'ils ne fassent & accomplissent les armes dessusdictes ou qu'ils ne laissent gages : c'est à sçauoir son espée ou ses esperons, lequel qui mieux luy plaira.

ITEM & pour faire & accomplir lesdictes armes tant de pied comme de cheual par la maniere & ordonnance contenue cy dessus : j'ay humblement supplié & requis à mondit seigneur souverain, que de sa grace me donnast congé & licence d'icelles parfaire : lequel desirant l'accomplissement d'icelles le m'a benignement octroyé. Et pour ce faire me donne & a donné à iuge treshault & puissant Prince & mon tresredoubté seigneur le Comte de Nevers & de Reteil & en son absence monseigneur le mareschal Côte de Fribourg & de Neuf-Châstel. Et afin qu'il vous apparaisse que ces presens chapitres procedent de mon intention & voulenté, desirant iceux accomplir par la maniere dessusdictes, les ay fait sceller du seel de mes armes, & signées de ma main le huitiesme iour de Mars l'an mille quatre cens quarante & deux.

ITEM ie prie Princes, Barons, Cheualiers & escuyers qu'ils n'ayent aucune imagination de mal-vueillance : car ie ne le fais que pour accroistre le noble mestier & exercice des armes. Et aussi pour auoir accointance, par armes aux biens renommez & vaillans Princes & nobles dessusdits, qui venir y voudront.

ITEM auront les dessusdits nobles estrangers bon, seur & loyal fauconduit de mondit souverain seigneur, & en son absence de son Mareschal.

Comment le Duc de Bourgogne enuoya le Comte d'Estampes à tout grand puissance de gens d'armes en la Duché de Luxembourg.

A Tem en ceste mesme saison la Duchesse de Luxembourg, qui autrefois auoit eu espousé le Duc Anthoine de Brabant & Jean de Bauiers deffuncts, tous deux oncles, l'un de pere & l'autre de mere du Duc Philippe de Bourgogne, feit grand complaincte à iceluy Duc de Bourgogne de ce que ses hommes & subiects de ladiète Duché ne la vouloient obeyr ne payer de ses rentes & reuenues, & la plus grand partie d'iceluy pays. Et par especial d'iceluy fort de Luxembourg & de Thionuille, & autres lieux à l'environ. Et l'auoient deboutée desdictes villes en eux rendant du tout rebelles & inobediens contre elle. Si luy requeroit & prioit humblement que pour Dieu, & pitié & aussi pour l'honneur de ses deux oncles qu'elle auoit euz par mariage, & avecques lesquels elle s'estoit portée honnorablement, il la voulust secourir à ce grand besoing tant qu'elle peust estre remise en sa seigneurie: on autrement la conuiendroit viure dorefnauant en moult grand meschef & pouteré. A quoy ledit Duc feit responce trespourtoise, disant que de bon cueur luy bailloir secours & ayde contre les dessusdits de Luxembourg par toutes les voyes & moyens raisonables, que bonnement faire pourroit, dont elle mercia grandement. Et pour sur ce auoir aduis, que bon luy en seroit à faire, feit assembler son conseil pour veoir & debatre la matiere, afin de sçauoir qu'il en feroit bon de faire pour le mieux. Auquel conseil fut delibéré, que ledit Duc de Bourgogne enuoyeroit ses messagers solempnels deuers ceux de Luxembourg eux requerre & sommer, qu'ils feissent deuers icelle dame & ses officiers toute l'obeissance qu'il appartenoit, & comme ils estoient tenuz de faire: & si ainsi ne le faisoient iceluy Duc de Bourgogne l'ayderoit & conforteroit de toute sa puissance pour la remettre en sa seigneurie: ausquelles requestes & sommatiōs ceux de Luxembourg ne voulurent entendre n'obeyr nullement, jasoit ce que plusieurs requestes leur en furent faictes: mais pour eux entretenir se pourueurent dedans leurs villes de gens de guerre: c'est à sçauoir des gens du Duc Guillaume de Saxe, qui se disoit heritier de ladiète Duché de Luxembourg. Et enuoya vn sien parent nommé le Comte de Clicque à tout huit cens combattans des marches d'Allemagne: lesquels se bouterent en garnison en la dessusdicté ville de Luxembourg, de Thionuille & autres villes & forteresses à l'environ qui estoient fauorables. Et eux là venuz commencerent à courre & à faire grāde guerre à aucunes villes & forteresses, qui encores estoient demourées en l'obeissance de ladiète dame. Et par ainsi fut iceluy pays fort diuisé en grand tribulation. Et adonc le dessusdit Duc de Bourgogne sçachant que les dessusdits perseueroient de iour en iour en leur mauuais propos, se conclud & delibera du tout à eux faire forte guerre. Et pour ses causes escriuir ses lettres au Comte de Vernembourg, au Damoyseau de Saluce, à Henry de la Tour & aux autres nobles du pays & Duché de Luxembourg & de la Marche à l'environ: & dont la plus grand partie tenoit le party de la dessusdicté Duchesse, & qui se vouloient employer en l'ayde, faueur & secours d'elle qu'ils feissent guerre à tous ceux, qui luy estoient cōtraires & desobeissans. Et leur māda oultre que brief y enuoyeroit

enuoyeroit de ses gens, & puis iroit en personne pour conquerre ladiète Duché, & debouteroit ceux qui l'occupoient : à laquelle requeste dudit Duc de Bourgongne, ils furent trescontens d'entendre & obeyr. Et de fait depuis qu'ils eurent deslié les dessusdits leur firent guerre ouuerte, & coururent sur eux par plusieurs & diuerfes fois. Entre-temps le Duc de Bourgongne enuoya ledit Comte d'Estampes en Picardie, & luy feit sçauoir qu'il assemblast certain nombre de gens de guerre pour mener en Bourgongne deuers luy, ce qu'il feit.

Q V A N D son armée fut prestee il les feit tirer deuers saint Quentin en Vermandois, & luy mesmes y alla en sa personne. Si estoient avecques luy Valleran de Moreul, Guy de Roye, le seigneur de Humieres, le seigneur de Saueuses, messire Symon de Lalaing, le seigneur de Neufuille, Gauvain Quieret, messire Anthoine de Vvisoch, Jean de Haplaincourt & plusieurs autres notables cheualiers & escuyers : & pouoit auoir en tout le nombre de douze à treize cens combatrans. Si se tira audit lieu de saint Quentin deuers Laon, pour aller passer assez pres de la Comté de Rethers : mais quand il fut vers Montagu, sicomme il fut dit & rapporté que Dimenche de Court, le Roucin & aucuns autres capitaines des gens du Roy estoient logez à Montagu & audit lieu de Sisonne : lesquels n'agueres auoient esté au païs de Rethelois, où ils auoient fait de grans & merueilleux dommages. Pour lesquels ledit Comte d'Estampes estoit tresmal content d'eux : car avecques ce vn petit parauant, iceluy Dimenche de Court auoit esté destrouffé en Bourgongne, & auoit promis de non luy plus logger sur les païs de Bourgongne ne sur ceux du party. Si leur manda & feit sçauoir qu'ils se retrahissent hors de son chemin, & qu'il se vouloit aller logger audit lieu de Montagu, ce que point ne vouloient faire : pourquoy entre icelles parties s'esmeurent aucunes rigueurs. Et fut ordonné que ledit Comte d'Estampes & son conseil leur courroit sus, & ainsi en fut fait. Si furent la plus grand partie desdits François du tout destrouffez : & tous leurs biens tant cheuaux comme autres bagues prins & rauiz par les Picards dessusdits : & en y eut bien pou de morts & aussi de naurez : & depuis qu'ils eurent esté faits prisonniers, furent deliurez. Et avecques ce furent à aucuns rendues aucunes de leurs bagues, & par especial à iceluy de Court : si se tirerent arriere le plus brief que faire le peurent. Pour lesquelles destrouffes le Roy ne son fils ne furent point bien contents, de ce que ainsi on les auoit ruez ius en leurs païs : & aussi pourtant qu'ils aloient à vn mandement que faisoit ledit Daulphin, pour aller au secours de ceux de Dieppe, duquel cy apres sera faicte plus ample mention : neantmoins la besongne demoura ainsi faicte pour lors, mais depuis en vindrent de tresgrans remors. En apres le Comte d'Estampes & ses gens se tirerent iusques sur les marches de Bourgongne, & tindrent les gens les champs vers Langres & Monfaugon : durant lequel temps ledit Comte d'Estampes & les seigneurs, & la plus grand partie qui estoient avec luy, allerent à Dijon vers le Duc de Bourgogne, où ils furent ioyeusement receuz & festoyez : & se tindrent là certaine espace de temps, entre-temps que ledit Duc faisoit ses apprestes, pour aller à puiffance en la Duché de Luxembourg.

Comment le Duc de Bourgongne meit la Duché de Luxembourg en son obeïssance.

QR conuient parler dudit Duc de Bourgogne: lequel en ce temps faisoit grandes preparatiōs, pour aller en la Duché de Luxembourg, & auoit plusieurs moyens qui de iour alloient & venoient deuers luy, pour sçauoir si on pourroit trouuer aucuns bons moyens entre la Duchesse & ceux qui estoient enuers elle desobeissans, lesquels en fin ne se peurent trouuer. Et pour ceste cause le dessusdit Duc se disposa du tout d'eux liurer forte guerre, & les mettre en l'obeissance d'icelle Duchesse. Si enuoya premier audit païs messire Symon de Lalaing & de trois à quatre cens combattans avec luy, qui se ioignirent & assemblerent avec le Comte de Vernembourg & les autres nobles du païs de la Marche, qui estoient alliez audit Duc de Bourgogne. Et se logerent en Arlon & en aucunes autres villes qui tenoient le party de ladiète Duchesse, comme dit est cy dessus. Et eux venuz en iceluy païs cuiderent par moyens auoir l'obeissance de Thionuille, en quoy ils faillirent, pource que le Comte de Clicq & ceux de son party les auoient attraits de leur costé, & y meirent des gens de guerre pour les ayder à entretenir: & depuis assez brief ensuiuant vint iceluy Comte de Clicq à tout grand puissance, garny de charroy habillemens de guerre loger assez pres de la ville d'Arion qu'il entendoit assieger: & y eut entre les parties grandes escatmouches, où furent aucuns de ses gens morts & blecez: & depuis doubtant la grand puissance du Duc de Bourgogne, se retrahit à Luxebourg. Durant lequel tēps les dessusdits feirent plusieurs courtes l'un contre l'autre, & alloiēt les Picards aucunes fois courre iufques aux portes de Luxembourg. Et entre-tēps le dessusdit Duc de Bourgogne se partit dudit lieu de Dijon en tresbel arroy, grandemēt accompagné de cheualiers & escuyers, & s'en vint à Yuoy qui est de la Duché de Luxembourg, & là se logea & y fut receu des habitāz moult ioyeusement. Auquel lieu d'Yuoy il conclud de faire assieger vn chastel nommé Villy, qui estoit garny de plusieurs faquemens, qui long temps patauant auoient fait & faisoient de iour en iour de grans oppressiōs & tyrannies au poure peuple dudit païs, & estoit leur chef vn nommé Jaquemin de Beaumont. Si eurent la charge de les assieger Guy de Roye & le seigneur de Sauces, Hues de Hasues & aucuns autres chefs: lesquels y allerent à tout six cens combattans ou enuiron, & y feirent dresser plusieurs gros engins, qui les adommagerent: & se disoient les dessusdits estre au Damoisel de Commercy, qui auoit esté en la compagnie du Daulphin à prendre la bastille de Dieppe, comme dessus est dit. Si fut aduertie d'iceluy siege & pour le cuidier leuer, assembla enuiron mille combattans: entre lesquels estoient le Roucin, Pierre Robert & plusieurs autres routiers de guerre. Si se tirerent par plusieurs journées en approchant ceux du siege dessusdit, & tant qu'à vn matin ferirent dedans leurs logis, & de premiere venue se bouterent dedans sans y trouuer resistance sinon assez petit: neantmoins ceux qui auoient la charge dudit siege oyans l'effroy, s'assemblerent leurs gens bien en haste en belle & bonne ordonnance, & commencerent à marcher auant contre leurs ennemis: lesquels assez tost ils rebouterent hors de leursdits logis aux champs, & là de tous costez se commencerent de tresgrandes escatmouches: auxquelles se porta tres vaillamment messire Gauvain Quijerer, messire Hue de Longueual & plusieurs autres, avec les chefs dessus nommez: lequel messire Gauvain y estoit

venu

venu vn iour deuant, & les auoit aduertis de la venue dudit Damoiseau de Commercy.

FINABLEMENT iceluy Damoiseau & ceux de sa compagnie voyans qu'ils pouoient plus perdre que gagner à illec demourer longuement, se partirent assez hastiuement & s'en retournetent audit lieu de Commercy: & y furent morts huiët ou dix de ses gens & plusieurs naurez: & de la partie des assiegeans fut mort vn gentil-homme nommé Gaultier de Pauant, & pou d'autres avec luy: lequel de Commercy s'en alla avec ledit laquemin de Beaumont, & issit du Chastel par derriere, entre-temps que ladiëte escarmouche se faisoit en abandonnant ses gens: lesquels se rendirent en brief terme ensuiuant par tel si, qu'ils s'en iroient à tout leurs biens: & apres ledit Duc de Bourgongne feit loger ses gens vers Luxembourg, & alla le Comte d'Estampes à tout grand partie des capitaines & gens de guerre à Ez qui est vne grande ville, laquelle autresfois auoit esté fermée, & fut illec grand espace de temps. Si couroient ses gens bien souuent sur leurs aduersaires: desquels quand ils les rencontroient, en faisoient bien peu de compte. Et entre-temps que toutes ces besongnes se faisoient, le Duc de Bourgongne qui auoit avec luy (comme dit est dessus) plusieurs du pays assez subtils, eut plusieurs imaginations & conseils avec ses plus feables, & aucuns des dessusdits, pour sçauoir comment il viendroït à chef de ceste guerre. Si luy fut dit qu'il pourroit bien faire essayer, sçauoir si on trouueroit point maniere d'escheller & prendre de nuit ladiëte ville de Luxembourg. Et quand ledit Duc ouyt ce il y entendre voulentiers, & fut content que on y besongnast par tous les moyens qui pourroient estre possibles: & pour faire l'essay & aller aduifer le lieu, furent ordonnez deux gentils-hommes: c'est à sçauoir l'un du pays de Bourgongne nommé Guillaume le Gteuant, & le second Robert de Miramont natif de Picardie, & avec eux aucuns autres du pays qui les conduisoient. Si se meirent à chemin & allerent par plusieurs fois veoir, & espier cōment ils pourroient faire: & aussi comment ceux de dedans se gouernoient en fait de guet: & auoient avec eux aucuns excellens eschelleurs: si trouuerent & apperceurent qu'il y faisoit bon, & que ceux de dedans s'acquittoient assez peitement de faire le guet: & adonc en y eut qui par eschelles monterent amont & aduiferent bien à leur ayse tout l'estat de ladiëte ville. En apres se departirent & s'en retournerent le plus secrettement qu'ils peurent deuers le Duc de Bourgongne: auquel ils feirent leur rapport de ce qu'ils auoient veu & trouué. Sur lequel rapport ledit Duc se conclud de faire essayer de mener ceste entreprinse à fin, si le feit sçauoir au Comte d'Estampes & aux capitaines qui estoient avecques luy. En eux signifiant que c'estoit son plaisir, qu'ils feissent ladiëte entreprinse, & qu'il iroit en personne avecques eux pour les secourir & ayder se besoing leur en estoit: & estoit lors iceluy Duc à Aillon, & le dessusdit Comte d'Estampes à Ez, lequel Comte d'Estampes quand il eut ouy & entendu l'intention dudit Duc, assembla grand partie des plus nobles de sa compagnie, & leur remonstra toutes les besongnes dessusdites. Et avecques ce leur declaira l'intention dudit Duc, & leur requist que sur ce le voullissent conseiller. Et adonc fut la besongne aucunement debatue entre eux: & en y auoit aucuns qui doubtoient aucunement à faire & conseiller ladiëte

entreprinse, pour plusieurs raisons. Et en fin tout considéré se conclurent ensemble de le faire, puis que c'estoit le plaisir & ordonnance du dessusdit Duc de Bourgongne leur chef & souuerain seigneur. Et apres ceste conclusion fut aduisé à qui on bailleroit la charge de faire le premier eschellement. Si furent commis messire Gauvain Qujeret, le seigneur de Bosqueaux, Guillaume de Greuant & Robert de Miramont dessus nommié, avecques les eschelleurs & de soixante à quatre vingts compagnons. Si se meirent à chemin & auoient bonnes guides du païs qui les mendoient : & depuis les suyuit & r'attingnit le seigneur de Saucuses, jaçoit ce qu'il fut pour lors moult aggraué de maladie : pour la compagnie duquel ils furent bien ioyeux, & se tirerent le plus coyement qu'ils peurent iusques à demye lieüe de Luxembourg, où ils se meirent à pied & laisserent leurs cheualx. Et puis s'en allerent tout oultre iusques au lieu, qui estoit ordonné, & eux là venuz auoient commis ceux qui deuoient premier monter, & aussi ceux qui les suiueroyent de main en main par tres bonne maniere & belle ordonnance. Et quand tout fut prest, on commença à dreser les eschelles & à monter ainsi comme il auoit esté aduisé. Et fut requis au seigneur de Saueuses qu'il demourast au pied des eschelles pour faire tenir les ordonnances, & pour faire monter ceux qui à ce estoient commis, lequel le feit & à point : car audit lieu n'y auoit homme qui bien ne se voulsist conduire par son conseil. Et quand messire Gauvain Qujeret & les autres furent dedans & la plus grand partie, ils prindrent aucuns de ceux du lieu : ausquels ils firent semblant de les mettre à mort s'ils faisoient aucune noyse, & tost apres iceux allerent rompre vne poterne & ouurir pour ledit seigneur de Saueuses, & autres qui les auoient suiuz iusques à deux cens ou environ, qui y entrerent & commencerēt à crier à haulte voix, ville gaignée : duquel cry la ville fut estourdie & tout en haste crierent à l'arme en plusieurs lieux. Et entre-temps les dessusdits Bourgongnons se tirerent au marché : lequel ils gaignerent, nonobstant que ceux de dedans se fussent assemblez en petit nombre pour le garder. Si firent peu de resistance, à laquelle fut nauré ledit messire Gauvain & des dessusdits deffendeurs, en mourut deux tant seullement, & les autres se meirent de route & parts à fuyr vers le chastel & aussi vers le bas de la ville. En apres ledit Comte d'Estampes qui les dessusdits suiuoit de pres à puissance, fut aduertuy de celle prinse par plusieurs messages qu'iceux enuoyerent deuers luy, si se hastala plus tost qu'il peut d'y venir. Et quand il fut dedans, il fut ordonné qu'on enuoyeroit certain nombre de gens deuant le chastel, pour garder la faillie de ceux qui estoient dedans : mais desia ils auoient bouté le feu tout au trauers de la rue qui estoit deuant ledit chastel : par lequel furent arses moult de belles maisons, & la plus grand partie des cheualx des gens d'armes, qui là estoient logez : lesquels en grand nombre festoient retraits ou chastel dessusdit. Et avec ce quand le peuple, dont il y auoit grand multitude qui festoit retraits en la basse ville, veit & apperceut que la ville estoit ainsi prinse, & qu'il n'y auoit point de rescousse, ils s'en issir hors & s'en alla à Thionuille & autres lieux moult desconforté en abandonnant tous ses biens. En ce mesme iour vint audit lieu de Luxembourg ledit Duc de Bourgongne. Apres laquelle venue se commencerent ses gens à loger par ordonnance par ladicte ville : dedans laquelle

quelle furent trouuées de grandes richesses & des biens en grand abondance : lesquels tantost furent tous prins , rauiz & butinez par ceux qui auoient conquis ladicte ville. Et auoit esté ordonné à faire icelle entreprinse, que tous lesdits biens seroient partis & butinez egallement, & que chacun selon son estat en auroit sa portion sans y faire aucune fraude. Laquelle ordonnance ne fut point entretenue: mais en furent fraudez la plus grand partie des compagnons, par especial ceux du moyen & moindre estat: & y en eut peu qui y eurent profit, sinon aucuns des chefs de l'armée, & ceux qui auoient conduit la besongne. Et aussi autres qui furent commis à butiner, & qui eurent le gouuernement d'iceux biens. Pour laquelle fraude en y eut plusieurs qui se plainquirent l'un à l'autre, disant qu'on leur monstroient mauuais exemple d'eux vne autrefois aduenturer leur corps, pour gagner ce où ils n'auoient riens: neantmoins laquelle plainte qu'ils en feissent n'en peurent auoir autre chose. Ains furent contrains assez rigoureusement tant par serment comme autrement, d'apporter ou deliurer ce qu'ils auoient trouué en la main desdits butineurs. A laquelle assemblée ou besongne estoit le seigneur de Humieres, qui exerceoit l'office de Marechal. Auquel office il a esté commis de par le seigneur de Beaumont, le Marechal de Bourgongne. Aussi estoit avecques ledit Duc de Bourgongne des marches de Picardie, le Comte d'Estampes dessus nommé, le seigneur de Croÿ Comte Porcean, Vvaleran de Moreul, messire Symon de Lalaing, Guy de Roie, messire Robert de Saueuses son frere Hue de Hames, Hue de Longueval, le seigneur de Bosqueaulx, messire Anthoine de Vvisoch & moult d'autres nobles hommes. Et des marches de Bourgongne le seigneur de Ternant, messire Pierre de Bauffremont seigneur de Chagny, le seigneur de Brassy, Charles de Rochefort, Philebert de Vaudray, Jean de Vaudray, Philebert d'Aincourt & aucuns autres cheualiers & escuyers en grand nombre. Et quand est audit Comte du Clicq il se retrahit avecques ses gens dedans le chastel: mais depuis se desroba de nuit secrettement, & s'en alla tout de pied à Thionuille: lequel chastel de Luxembourg se detint depuis ladicte prinse enuiron trois semaines: durant lequel temps de dedans fut occis messire Jean bastart de Dampierre d'un trait, dont il fut frappé par la teste. Et ledit seigneur de Saueuse à vne faille que auoient faicte aucuns dudit chastel, fut nauré tresgrieusement d'un vireton en la poitrine, dont il fut en peril de mort. Mais par la diligence des cirurgiens dudit Duc de Bourgongne, tourna depuis à guarison. En la fin desquelles trois semaines le dessusdit Comte du Clicq feit traicté avec les commis du dessusdit Duc de Bourgongne, moyennant que ses gens qui estoient audit chastel de Luxembourg s'en iroient sauf leurs vies, & si n'emporteroient riens de leurs biens. Et avec ce rendit la ville de Thionuille, & se retourna en son pays d'Allemagne à grand perte, honte & confusion de luy & de ses gens. Et par ainsi iceluy Duc de Bourgongne eut pleine obeissance de ladicte Duché de Luxembourg en peu de temps, & à petite perte de ses gens. Auquel lieu alla la Duchesse sa femme, & avec elle la Duchesse de Luxembourg: laquelle auoit fait ou feit traicté avec ledit Duc par condition, qu'il iouyroit de ladicte Duché toute sa vie durant, & y auroit tout tel droit qu'elle y auoit: & il luy en rendroit par chacun an la somme de dix mille francs mon-

noye de France. Auquel temps ledit Duc de Bourgogne auoit fait publier luy estant en sa ville de Luxembourg, que nul de quelque estat qu'il fut ne print debat, ne ne fait aucune extorsion aux seigneurs du païs n'à leurs gens, qui estoient en sa compagnie des marches d'Allemagne & de ladiète Duché. Laquelle publication fut enfreinte par vn sien archier de corps nommé le petit Escosçois, qui print debat à messire Pierre Bernard, & de fait le ferit aucunement: pour lequel fait ledit Duc le fait pendre. Et nonobstant plusieurs prieres d'aucuns grans seigneurs de son hostel, & aussi dudit messire Bernard qui luy pria pour au dessusdit sauuer sa vie, le fait pendre ja fut que moult l'eust aymé par auant, & que bien fut content de son seruice. Mais il le fait principalement affin de bailler exemple à tous autres, qu'ils ne fussent si osez de rompre & enfreindre ses edits & ordonnances. Item en ce temps furent mis plusieurs ambassadeurs sus d'entre les deux Roys de France & d'Angleterre: lesquels tressouuent alloient d'un païs en autre, pour trouuer moyens de paix entre les deux Royaumes, ou du moins r'alonger les trefues. Et pour lors le Roy de France se tenoit à Tours en Touraine. Auquel lieu se tindrent plusieurs grans conseils & moult d'assemblées sur ceste matiere: ausquelles estoient mandez & euoquez tressouuent les trois estats de son Royaume. Toutesfois nonobstant lesdites assemblées se mouuoient continuellement les deux parties, & menioient grosses & fortes guerres les vns aux autres.

Comment aucuns des gens du Daulphin se tirerent vers le païs de Bourgogne: lesquels furent ruez ius par le Marechal de Bourgogne & les siens.



V commencement de cest an le Daulphin de Viennois premier fils du Roy retourna deuers son pere, qui estoit à Tours en Touraine. Et auoit ledit Daulphin esté moult grand espace de temps au païs de Languedoc, tant pour le fait du Comte d'Armignac comme pour autres affaires. Auquel retour moult de gens de son armée se tirerent sur les marches de Bourgogne, où ils feirent de grans desroys comme autresfois auoient fait. Si s'en allerent loger à vn gros village nommé Espoise, auquel lieu leur vint courre sus le seigneur de Beaumont Marechal de Bourgogne accompagné de plusieurs nobles du païs, & y eut dure rencontre entre eux: mais en fin par la diligence & vaillance dudit Marechal & d'aucuns autres seigneurs de sa compagnie, furent iceux François tournez à desconfiture & y eut grand nombre que morts que prins. Et brief ensuiuant en furent portées les nouvelles audit Daulphin, & luy fut dit comment ses gens auoient esté ruez ius ou païs de Bourgogne: lequel Daulphin iura lors vn grand serment qu'il s'en iroit lors ou païs pour les contreuenger. Et d'autre part le Duc de Bourgogne fut aduertey de ce que ledit Daulphin auoit dit & iuré. Si dit pareillement qu'il iroit ayder à garder son païs. Et par ainsi eut aucun commencement de rigueur entre ces deux Princes: mais allez brief apres par le moyen d'aucuns notables & sages personnes d'un costé & d'autre, furent les choses rappaisées, & ledit Daulphin refraignit son ire & son courroux.

Comment

Comment vnes trefues furent faictes & données entre les Roys de France & d'Angleterre, & tous leurs parens, amis & alliez & subiecls.

Tem durant le temps dessusdict se continuerent à Tours en Touraine les assemblées & traictiez d'entre les deux Royaumes de France & d'Angleterre : auquel lieu estoient plusieurs Princes & grans seigneurs du Royaume de France en personne, & ceux qui point n'y estoient, auoient enuoyé grans & notables ambassadeurs, ayant pouoir suffisant de par les seigneurs qui les auoient enuoyez. Entre lesquels y estoient de par le Duc de Bourgogne messire Jean de Croÿ Baillif de Hainault, le Prieur de Vergy, maistre Oudart Caperel & autres notables hommes : & aussi y estoient ceux des bonnes villes en tresgrand nombre. Et pareillement de la partie du Roy d'Angleterre y estoient à tout pouoir suffisant messire Guillaume de la Poulle Comte de Suffort, maistre Adam Melaine garde du priué seel du Roy d'Angleterre & Doyen de Salsbery, messire Robert de Roz & autres : lesquels tous ensemble par diuerses iournées s'assemblerent l'un avec l'autre, & furent faictes plusieurs ouuertures entre icelles parties pour venir & conclurre à paix generale : mais finalement pour les grans difficultez qui pour lors estoient entre les parties, ne pouoient venir ne eux accorder à ladicte paix generale : mais sur esperance d'y paruenir, prindrent vnes trefues & abstinance de guerre iusques à certain temps entre les dessusdictes parties : lesquelles s'entretindrent assez seurement dont du contenu la teneur s'ensuyt.

CHARLES Due d'Orleans & de Valois, Comte de Blois & de Beaumont, seigneur de Coucy & d'Oisy : Loÿs de Bourbon Comte de Vandomme & de Chartres souuerain maistre d'hostel de France, Pierre de Bresé seigneur de la Varenne & de Bresé Seneschal de Poitou & d'Auignon, Berthran de Beauua seigneur de Precigny cheualier conseiller & chambellan de tres excellent Prince le Roy de France nostre tresredoubté & souuerain seigneur. A tous ceux qui ces presentes lettres verront salut : comme nostre saint pere le Pape ait tressouuentefois prié, requis & exhorté par ses lettres & messages, & mesmemet dernièrement par reuerend pere en Dieu l'Euesque de Vise son ambassadeur & messagier : le Roy nostre tresredoubté & souuerain seigneur de condescendre & vouloir entendre par moyen de longue trefue ou autrement à bonne paix, vnion & concorde avecques treshault & trespouissant Prince son nepueu d'Angleterre : lequel pour ceste cause a depuis nagueres enuoyé & transmis à tout certain pouoir par deuers nostre tresredoubté & souuerain seigneur ses solempnelz ambassadeurs & messages : c'est à sçauoir Guillaume de la Poulle Comte de Suffort grand-maistre d'hostel d'iceluy treshault Prince, maistre Adam Melaine garde de son priué seel docteur en loix Doyen de Salsbery, messire Robert de Roz, messire Thomas Hors cheualier, Richard d'Andrene Secretaire dudit treshault Prince, & nepueu d'iceluy souuerain seigneur : de laquelle chose le Roy nostre tresredoubté seigneur pour reuerence de Dieu, pour la pitié qu'il a tousiours eüe & a des grans dommages & afflictions, que le poure peuple d'une partie & d'autre a eu longuement & a encores à souffrir & porter à

l'occasion de ladicte guerre, & pour euitier l'effusion du sang humain, s'est libe-
ralement condescendu pour besongner en ceste matiere avecques lesdits am-
bassadeurs de sondir nepueu : & sur tout communiquer, traicter & appoincter
avecques eux, luy ait pleu nous commettre & deposer de sa part & nous bailler
ses lettres des pouoir donr la teneur s'enfuit.

CHARLES Duc d'Orleans. &c. Sçauoir faisons qu'apres ce que pour
traicter de ladicte paix & trefues, nous sommes assemblé par plusieurs iour-
nées en ceste ville de Tours avec iceux ambassadeurs d'Angleterre : nous à leur
requeste, auons par vertu à nous donnée en esperance principale de paruenir
par traict de temps à bonne paix & accord final, entre nostre trefsedoubté &
souuerain seigneur & sondit nepueu & des Royaumes de France & d'Angle-
terre : octroyé, consenty, promis & accordé : & par ces presentes consentons,
octroyons, accordons & promettons, pour & ou nom de nostre trefsedoubté
& souuerain seigneur avec les dessusdits Comtes de Suffort & autres ambassa-
deurs d'Angleterre dessus nommez, & eux aussi avec nous par vertu de pouoir
à nous donné : duquel la teneur s'enfuit.

HENRICVS. &c. trefues generalles pour le Roy nostre souuerain sei-
gneur son Royaume tant par terre, par eaüe douce comme par mer ses vas-
saulx & subiects. Et mesmement pour trespuißans Princes les Roys de Castil-
le, des Rommains, de Lihons & Cecille Duc d'Anjou, de Bar & de Lorrain-
ne, le Roy d'Escoce, monseigneur le Daulphin de Viennois aussi fils de Fran-
ce : Nous Duc d'Orleans dessus nommé, les Ducs de Bourgongne, de Bre-
tagne, de Bourbon, & d'Alençon, le Comte du Maine & generalmente
pour tous les seigneurs du sang du Roy nostredit souuerain seigneur & ses au-
tres subiects, amis & alliez & adherans, & par tous leurs Royaume Daulphi-
né, de Viennois, Duchez, Comtes & par tous les autres pays, terres & sei-
gneuries qu'ils ont & tiennent tant en ce Royaume que dehors, & pour tous
leurs vassaulx & subiects : c'est à sçauoir au regard deldits amis & alliez &
adherans non suspects, se comprins y veulent : lesquels alliez, aydans & adhe-
rans qu'ils y voudront comprendre, si comprins y veulent estre, à non suspects
d'un costé ne d'autre : seront tenuz de promettre & iurer à garder ladicte tref-
ue & de reparer ce que par eux, où les leurs seroit fait au contraire. A com-
mencer lesdictes trefues par tout le Royaume de France, tant par terre com-
me par eaüe douce & és ports de mer. C'est à sçauoir en la Duché de Guyen-
ne & pays de Gasconne, & és ports de mer & és isles qui y sont, le quinzies-
me iour de May prochainement venant à soleil leuant & en tous les autres
pays & contrées d'iceluy Royaume. Et au regard de la mer le premier iour de
Iuillet apres ensuiuant ladicte heure de soleil leuant, par tous les Royaumes
d'Anglererre & seigneuries d'Irlande & de Galles. Et par toutes les autres sei-
gneuries & isles quelsconques dudit treshault & puißant Prince & nepueu de
nostredit seigneur, dudit iour de Iuillet prochainement venant à soleil leuant.
Et au regard de ladicte mer le premier iour de Iuillet prochainement venant
à soleil leuant. Et au regard deldits alliez d'un costé & d'autre, commenceront
icelles trefues apres ce qu'on aura signifié la declaration de leur voulenté d'une
part

part & d'autre. Et suffira pour la descharge & acquit du Roy nostredit & souuerain seigneur, qu'il face signifier ladicte declaration & vouldent desdits aliez à celuy qui aura la charge & gouvernement pour ledit treshault & puissant Prince son nepueu d'Angleterre deça la mer és parties de Normandie & de Guyenne. Et au regard d'iceluy trespouissant Prince & nepueu, il suffira qu'il face faire ladicte signification à la Court de Parlement à Paris. Et dureront lesdites trefues commençans comme dessus iusques au premier iour de Auril prochainement venant à ladicte heure de soleil leuant, l'an reuolu qu'on comptera selon l'vsage de ce Royaume, l'an mille quatre cens quarante cinq auant Pasques.

I T E M durant les trefues dessusdictes cessera & fera le Roy nostredit souuerain Seigneur cesser toute guerre & voye de fait, entre luy & ses Royaumes, pays & subiects, & aussi aliez, ainsi que dit est. Et ledit treshault & puissant Prince & nepueu de nostredit souuerain Seigneur, n'aydera ne souffrira aucuns de ses subiects du Roy nostredit Seigneur ne autre quelconque personne à l'encontre de luy, n'à son preiudice & dommage. Et pareillement ne fera le Roy nostredit trespoudré & souuerain Seigneur, au regard dudit treshault & puissant Prince son nepueu.

I T E M & pendant icelles trefues ne pourra l'une desdictes parties ne ses gens prendre au party & obeissance de l'autre aucunes citez, villes, places, forteresses ne autres lieux par force, par emblée ne par eschellements de iour ne de nuict pour vendition, tradition, seduction ne autrement en quelque maniere, ne sous quelque couleur ou moyen que ce soit : & cesseront & fera nostre trespoudré & souuerain Seigneur cesser toutes prinse de personnes quelsconques de quelque estat ou condition qu'ils soient & rançonnemens (excepté les rançons de ceux qui auoient esté prins par auant lesdites trefues) pilleries, roberies, & boutemens de feu & tout autre fait & exploit de guerre. Et ne pourront ne deuront les gens de l'une desdictes parties tenir compaignie de gens de guerre au party de l'autre, ne y porter aucun dommage.

I T E M sil aduenoit que les gens de l'une desdictes parties prissent aucune ville, cité, place, ou forteresse sur l'autre partie qui auroit fait ladicte prinse : audit cas sera tenu de rendre & remettre ladicte place és mains & obeissance de l'autre ainsi qu'elle auoit esté par auant icelle prinse, & tour reparer & restablir. Et au cas que sans force d'armes ceux, qui auroient ainsi fait ne voudroient obeyr ne rendre ladicte place : la partie à qui ils auroient esté par auant ladicte prinse ou au temps d'icelle, sera tenue de les faire à ses despens : & aussi sera tenue l'autre partie en ce, si elle en est requise. Et supposé que ladicte reparation ne peust estre faicte pendant lesdites trefues. Neantmoins la partie à laquelle seroient ou auroient esté par auant au temps d'icelle prinse, ceux qui auroient faicte ladicte prinse, seront renuz de la rendre & reparer tout entierement.

I T E M pendant lesdites trefues tous les subiects d'un costé & d'autre, pourront deormais aller, venir, demourer & marchander de toutes marchan-

difes (reſerué habillemens de guerre) ſeulement & paiſiblement : & faire toutes les autres œuvres & beſongnes licites les vns és païs des autres , ſans eſtre empeſchéz , arreſtez ou moleſtez en quelque maniere que ce ſoit pour marque , repreſaille , entreprinſe ne pour quelque debte , obligation ne autres choſes faiſtes ou aduenues par auant leſdictes trefues , en payant tous peages accouſtumez és lieux & païs par où ils paſſent : pourueu toutesfois que les ſubieſts, nobles ou gens de guerre de l'une deſdictes parties ne pourroient entrer és chasteaulx, villes fermées, & autres forts lieux, en l'obeiſſance l'un de l'autre, ſans demander licence ou congé aux ſeigneurs ou capitaines deſdits lieux ou de leuts lieutenans, & qu'ils ſoient deſarmez & en petit nombre. Et au regard des vrayſ pellerins ils pourront aller en compagnie grande moyenne ou petite, ainſi que pellerins ont accouſtumé de faire en tous lieux, où il y a pellerinages anciennement accouſtumez. Et au regard d'eux & des perſonnes comme marchans & autre menu peuple, il ſuffira qu'ils demandent & obtiennent congé & licence d'entrer eſdictes villes, chasteaulx & fortereſſes aux pottiers d'icelles.

I T E M pource que pluſieurs des ſubieſts du Roy noſtre dit trefredoubté & ſouuerain Seigneur, ont en l'obeiſſance de ſon dit nepueu d'Angleterre pluſieurs terres & ſeigneuries : deſquelles ils ont par cy deuant iouy en tout & en partie : par mains de fermiers ou autrement, ils en pourront iouyr durant leſdictes trefues, ainſi & par la forme & maniere qu'ils faiſoient par auant icelle.

I T E M & au regard des appaſtiz qui ont accouſtumé d'eſtre leuez d'un coſté & d'autre, il en ſera fait & ordonné par les conſeruateurs deſdictes trefues & par autres commiſſaires, qui y ſeront commis & deputez de par le Roy noſtre ſouuerain Seigneur de ſa part, & par leſdits ambassadeurs ou autres commis de par ſon deuant dit nepueu d'Angleterre.

I T E M & ſil aduenoit que aucuns attemptaz ſeuſſent faits à l'encontre deſdictes trefues, que Dieu ne vueille, elles ne ſeront pas pource corrompues, ne pour ce ne ſera faiſte guerre ne d'un coſté ne d'autre : mais demourront les deſſusdictes trefues en leur force & vertu, tout ainſi & par la forme & maniere que ſi aucune choſe en auoit eſté fait au contraire. Mais leſdits attemptaz ſeront repatez par leſdits malſaſteurs, & iceux punis par les conſeruateurs & commiſſaires, qui à ce ſeront commis & ordonnez & de par noſtre dit ſouuerain Seigneur pour ſa part, & de par ledit Prince ſon nepueu pour la ſienne.

I T E M & ſi durant leſdictes trefues aucune queſtion ou debat ſ'eſmouuoit par l'une des deſſusdictes parties à l'encontre d'aucuns des autres ſubieſts ou allies, de l'autre : icelle partie ne pourra pour ce ſoubſtenir ne ſoy al-
 lier avecques celui, contre lequel ledit debat ſeroit ainſi eſmeu & encom-
 mencé. Toutes leſquelles choſes deſſusdictes & chacune d'icelles : nous Duc
 d'Orleans, Comte de Vendosme & autres deſſus nommez commis & de-
 putez de par ledit trefredoubté & ſouuerain Seigneur le Roy de France : auons
 promis & iuré, promettons & iurons pour ou nom & en l'ame de noſtre dit
 ſouuerain Seigneur le Roy, par ſes preſentes faire auoir agreable à mondit
 trefredoubté

tresredoubté & souverain Seigneur. Et par ces patentes telle qu'il appartiendra, & que le cas le requiert la tenir & approuver, & ratifier, confermer & en bailler ses lettres en la ville de Rouën à celui, qui aura le gouvernement de sondit nepueu deça la mer dedans le quinziésime iour de Iuillet prochain venant. Pourueu que ainsi le face de la part du dessusdit treshault & puissant Prince le nepueu de nostredit souverain Seigneur, estant illec dedans ledit terme. En tesmoing de ce nous & chacun de nous en droit soy, auons signé de noz mains & fait sceller de noz seaulx seldictes presentes lettres. Données audit lieu de Tours le vingtiésime iour de May l'an de grace mille quatre cens quarante quatre. Et en traictant toutes les besongnes dessusdictes, furent faictes plusieurs ouuertures. Aussi pour traicter le mariage du dessusdit Roy Henry d'Angleterre avecques la fille du Roy René de Cecille Duc d'Anjou, de Bar & de Lorraine, lequel depuis fut parfait & confirmé comme cy apres sera decouvert en mon tiers liure.

Cy finist le second volume d'Enguerran de Monstrelet, Avecques les grandes Chroniques des Roys de France: des Papes regnans en leurs temps: & plusieurs autres nouvelles choses aduenues en Lombardie: & Itales & autres diuers païs, & temps du regne desdits Roys. Le tout fait & adiousté avecques la Chronique dudit de Monstrelet, acheué d'imprimer à Paris, par Iean le Blanc, l'an de grace mille cinq cens septante & un.







LA TABLE DES CHOSES PLUS NOTABLES DV SECOND VOLUME.



A duement du Roy Charles vi. à la couranne de France.	71 a.
Adventure au Roy Charles vi. pour la ruine d'une maison en la ville de la Rochelle, dont mourut Jean de Bourbon seigneur de Preaux.	1. b.
Adventure dangereuse au Duc de Bourgogne à Bourges.	140. a.
Alençon prisonnier entre les mains des Anglois sollicité par le Duc de Bedford de prendre leur party le refuse constamment.	25 a.
Alençon & ce qu'il fist contre le Chancelier de Bretagne.	77. a.
Amé Duc de Savoie se rend hermite à Rapaille, & sa maniere de vivre & de se vestir.	99. b.
Ambassade des Parisiens en Angleterre, pour avoir secours contre le Roy Charles.	2. a. & 45. b.
Amiens ville de Picardie affectonnée à la part de Bourgogne.	51. a.
Amiens cité murcinée contre les Bourguignons.	118.
Assure sur Chastellon & ce qui y aduint.	69. b.
Annuellement fait par le priné conseil du roy d'Angleterre du chap de duel entrepris entre les Ducs de Bourgogne & de Clarence par ce qu'il fut cronné qu'il n'y auroit point de myste cause de combat.	27. a.
Antoine prince fils du Duc Philippe meurt le premier, au de sa naissance.	67. a.
Anvers cité en Brabant mutinée contre le Duc Philippe, & l'occupation de ce.	102. a.
Armée françoise & Angloise en bataille l'une devant l'autre au mont Elshay prié Seul sans se mesler.	48. b.
Arauc & la grand assemblée des potentats de chrestienté pour composer les guerres de France.	104. b.
Assemblée notable de plusieurs Ducs & grands seigneurs à Amiens pour se liquer ensemble.	4. b.
Assemblée de Bourguignons & François à Mafcon pour composer les troubles.	18. b.
Assemblée des Princes de France à Nevers, pour auiser aux affaires du royaume de France & aux differents qu'ils auoient contre le Roy.	186. b.
Archevesc Comte puy pour la trahison qu'il auoit comise en la personne du Roy d'Escoffe.	157. b.
Auffremont gentilhomme priu prisonnier en trahison par la Hvre.	97. b.
Aumars Comte au service du Roy Charles vi.	2. b.
Auvergnas constants du service au Roy Charles vi. cōtre son fils.	167. b.

Bourgogne, & la responce qu'il fist.	66. b.
Bataille présentée par les Bourguignons au Duc de Bourbon.	96. b.
Baudencourt capitaine de l'auenteur, fut le premier qui adressa la Pucelle lehanne au Roy Charles vi.	41. b.
Bauffremont seigneur de Chazny tenait les iustices en Bourgogne au pais de l'arbre des Hermites.	144. a.
Beaurain ruiné par les Liegeois.	126. b.
Blanchefort capitaine François.	83.
Blanchefort ranage le pays d'Artois.	89 a.
Besqueaux gentilhomme Picard du parti Dauphinois pris dans le chasteau de Chusy par les Anglois & depuis escartelé à Paris.	1. b.
Bouquen Comte Escoiss au service du Roy Charles vi.	2. b.
Bouteiller capitaine Anglois chef de l'armée Angloise au siege du Crutoy.	7. a.
Bourguignons en guerre contre les Anglois.	123. a.
Bournouille capitaine François, pour la part Angloise namré à mort à l'assault de Creil.	10. a.
Bouzac Marechal de France sauté à surprendre le Chasteau de Raut sur les Anglois & ce qui en aduint.	77. b.
Boufach Marechal de France, leu. le siege de Clermont en Beauuais.	65. a.
Brabant Duché par quel moyen il vint en la maison de Bourgogne.	60. b.
Brimen Marechal du Duc de Bourgogne.	51. a.
Brimen capitaine Bourguignon pris par les François & sa trouppie deffaitte.	57. a.
Brugs en sedition contre le Duc Philippe.	136. a.
Bruges en reuolte contre le Duc de Bourgogne.	139. a.
Burgou parsie l'auel le Duc de Bourgogne.	144. b.
Burgou en France auuey le Duc de Bourgogne.	150. a.
Burgou font amande honorable au Duc de Bourgogne.	175. b.
Bueil & la Varenne deffont les Anglois assiegeans Beau-mant le Viconte.	97. b.
Bulle du Pape Eugene contre Amé Duc de Savoie.	155. b.

C

C alamitez par la France de peste famine & de guerre tout ensemble.	151. a.
Chambellan capitaine Anglois prisonnier, pour auoir rendu par composition le Marechal de Moxau.	163. a.
Chastellennuillain gentilhomme Bour. despoisbē de ses terres.	71. a.
Chartres cité estoit de la sabbion Bourgignonne & comme elle fut reprise par les François.	79. b.
Chauuy sur Oyse & la poursuance des habitants du lieu qui ruinerent le chasteau de leur ville pour demeurer en liberte.	79. a.

TABLE DV SECOND VOLUME

Claciffre Dne Anglois finto couleur de l'ilegitime mariage deluy & de la Duchefle Jacqueline accupee Hainault. 13.b.
 Claciffre refuffe au confeil du Roy d'Angleterre de fieurs & de gens & d'argent pour la guerre de Hainault & les rigoureux termes qui luy furent tenus. 13.b.
 Claciffre Dne Anglois avecq armee Angloisevent & ranage Plandres & Artois. 134.b.
 Combat en camp d'or, de Prin de faincte Treille contre l'ycient de Pandonne devant le Duc de Bourgogne. 5.b.
 Combat en duel entre un Efpagnol & un Bourguignon. 105.b.
 Comte de Damoufcan afifree pour neant la fiterrefe de Montreux en Champagne que les Bourguignons avoient fufcepte fur luy. 56.a.
 Comte de Ligny luy fupprent fa volle. 81.b.
 Confeille de Bafle & l'origine du fchifme que en aduint. 71.a.
 Comte de Damoufcan guerreye par le connestable de France par ce qu'il efploit de fubverfion au Roy. 135.a.
 Confeille de Bafle. 97.a.
 Concile de Bafle & ce qui y fut determiné contre le Pape Eugene. 152.b.
 Comte religieux Breton de l'ordre des Carmes profefse contre les hordes atours & abillemens pempoux d'hommes & femmes. 39.a.
 Comte predicateur declari heretique & condamné à efre arsi à Rome. 84.b.
 Confifiration des chevaliers de Fernandois contre la part Bourguignonne & Angloife. 134.
 Corbie afifree pour neant de la part Franceife. 49.b.
 Courfes des François en Cambrefis & Artois. 92.b.
 Courfes de François fur les Bourguignons. 105.
 Courfes d'Anglois fur les Bourguignons deffaille de Flemani. 117.a.
 Cremonen & Saucouffe parti d'ans pour Bourgogne. 55.b.
 Croy foygneur du Croy capitaine pour la part Bourguignonne. 3.b.

D

Deffaille du Marefchal de Bourgogne nommé Toulangeon par la Baffiere capitaine François. 8.b.
 Deffaille du Bourguignon par les Hollandays. 38.a.
 Deffaille d'Anglois & de Hollandays, venant au fecours de la Duchefle Jacqueline par le Duc Philippe de Bourgogne. 28.a.
 Deffaille de Bretons par les Anglois. 35.b.
 Deffaille de Bretons par les Anglois. 35.a.
 Deffaille de François pres Beaumont par les Anglois. 54.a.
 Deffaille de Bourguignons voulans lever le fief de Chappes pres Troyes. 57.b.
 Deffaille des communes de Reims par les Anglois, devant Champignenx. 60.b.
 Deffaille de Bourguignons. 62.a.
 Deffaille d'Anglois & Bourguignons pour l'otage de faincte Treille par Garmigny. 66.a.
 Deffaille de Bourguignons voulans prendre le fort faincte Vincent. 67.b.
 Deffaille de François, par le Comte de faincte Pol. 92.b.
 Deffaille d'Anglois à Beaumont le Vicent au Mont. 97.b.

Deffaille de François par Caran Anglois. 100.a.
 Deffaille des François par les Bourguignons. 104.a.
 Deffaille de François par les Anglois, dont efit chef Mr. sire Thomas Kirel. 121.
 Deffaille de Bourguignons par les Anglois pres de Ardre. 128.a.
 Deffaille de François voulans fupprendre Reims. 138.b.
 Deffaille de Bourguignons par le Bourg de la Hare. 141.a.
 Deffaille de pillars par l'eban de Luxembourg. 169.a.
 Deffaille de Pucars par les Anglois. 179.a.
 Delivrance du Roy de Cypre moyennant deux cents mil escuz de rançon payez au Souldan d'Egypte. 31.a.
 Delivrance du Duc de Lorraine, du Roy de Cecile, hors des mains du Duc de Bourgogne. 137.a.
 Duppe raitaillee par les François. 193.b.
 Dimanche de Court capitaine François, & fies trompes deffailles par les Bourguignons durant la paix, dont le Roy Charles viij. fut fery morty. 196.a.
 Diffention entre le Duc de Bedford & le Duc de Bourgogne. 87.b.
 Duifins en la court d'Angleterre entre le Cardinal de Foixefre & le Duc de Claciffre, pour le gouvernement de l'icune Roy. 27.b.
 Duel en court de Bourgogne, entre Maillotin de Bours & Heiler de Flangy. 68.a.

E

Empoifonnement pany, pour avoir voulu empoifonner le Duc Charles d'Orleans. 181.a.
 Entrée pompeufe du Roy Henry d'Angleterre en Paris comme Roy de France. 75.b.
 Entrée du Roy Charles feptiesme en Paris, la apres qu'elle fut reduite en fon obeiffance, appareil & magnificence de fa receptiion. 143.a.
 Entreprene des Ducs de Bourbon & Bourgogne. 52.a.
 Bourgogne & de Bourbon à Nemes le pourparle de paix qu'ils eurent pour la paix finale. 98.b.
 Entreprene des Ducs Charles d'Orleans, & Philippe de Bourgogne leur finale reconciliatiun. 173.b.
 Eftimours bandes Franceifes ainsi nommées, & ce qu'ils feroient. 153.b.
 Eftimours vont à Bafle. 114.b.
 Eftampes Comte ifu de la maifon de Bourgogne, lieutenant pour le Duc Philippe au pays de Picardie & ce qu'il feroit fur les François. 94.a.
 Eftampes de la Contee de Hainault hors la puiifance du Duc de Bourgogne. 27.a.
 Eugene Pape retenu par force en Rome par les Romains. 94.b.
 En Comte de retour de la prifon d'Angleterre. 153.a.

F

Famine en l'an 1437. 147.a.
 Fange gentilhomme de la maifon du Comte de Richemont, Connestable de France, decapité pour traifon avecq luy un fergent du Chaflet de Paris. 163.a.
 Fafat capitaine Anglois fuit à la bataille de Paray, & le reproche qu'il en rut. 45.b.
 Fefcamp en Normandye, & ce qui y aduint. 45.a.
 Flangy capitaine François, lieutenant pour le Roy Charles viij. en Campagne, lors qu'elle efit aliégie. 18.b.

D'ENG'VERRAN DE MONSTRELET.

*P*osseu chevalier pour la part Angloise, capitaine de Du-
mart en Pontieu. 3.b.
*F*oulques chevalier Anglois, & l'entreprise qu'il feist.
52.b.
*F*orte-escrte capitaine François dedens Anolon contre les
Bourguignons. 90.a.
*F*ranques d'Arras capitaine Bourguignon, & sa troupe
de trois cens hommes desfaillies par la pucelle Jehanne; le
supplice d'iceluy. 57.a.

G

*G*antroy en trouble. 73.a.
*G*antroy en armes avec le Duc Philipe assiegé Calais,
leur equipage & preparatifs. 117.b.
*G*antroy mutins. 138.b.
*G*antroy mutins. 148.a.
*G*ancourt gouverneur du Dauphiné. 62.a.
*G*ribanual capitaine Bourguignon occis par les communi-
es tant prisonnier. 67.b.
*G*uise Comté cedée & transportée par le Duc de Lorraine
au Comté de saint Pol. 86.a.

H

*H*arcourt capitaine Normand, pour la part Dauphi-
noise. 1.b.
*H*arcourt descend le Coty contre les Anglois. 7.a.
*H*arcourt occis coudant prendre le seigneur de Partenay
son beau-pere. 9.b.
*H*ainault & la Comtesse dudit pais reduit en la puissance
du Duc de Bourgogne. 23.b.
*H*enry Roy d'Angleterre, fils de la fille de Charles vi, en-
tre à Paris. 58.a.
*H*errest en Poisie. 4.a.
*H*elly capitaine Bourguignon à la desfaite de Garmigny.
66.a.
*H*eretiques huguets. 3.b.
*H*ire autrement dit Estienne de vignalles rend Villy en
Partay & autres lieux aux Bourguignons. 17.a.
*H*ire autrement nommé Estienne de vignalles prend & em-
blée la ville de Louiers en Normandie. 54.b.
*H*ire pris par Vismont, & le moyen de sa delivrance. 192.b.
*H*ollande, Zelande, & Friez & escheuz en la maison de Bour-
gogne, & par quel moyen. 84.b.
*H*ollande Comte Anglois au secours du Duc de Bour-
gogne devant Compiegne. 118.b.
*H*umieres & le Bastard de saint Pol, provoquent les An-
glois au combat sur la querelle du Duc de Brabant, contre
le Duc de Cleves. 15.a.
*H*umieres & le Bastard de saint Pol capitaines Bourgui-
gnons desfaillies & pris par les François. 83.b.

I

*I*ouisset en court de Bourgogne, à ser emolu, de cinq François
contre cinq Bourguignons. 55.b.
*I*ouisset en Bourgogne leués par Pierre de Bauffremont, lauz
& conditions d'icelles. 194.a.
*I*ort Duc Anglois chassé des fortresses d'autour de Rouen
par les François. 136.b.
*I*ouisset & Mille de Faulx advocats en Parlement à Paris,
chargez avecq autres d'avoir voulu trahir Paris aux
Anglois, & la punition qui en fut faicte. 138.b.
*I*se Adam capitaine renommé de la faction Bourguignan-
ne, delivré de prison en laquelle il estoit par commande-
ment du Roy Henry d'Angleterre, & restitué en ses
estats. 1.a.
*I*se Adam fait Mareschal de France par le Roy Henry
d'Angleterre. 77.a.
*I*se Adam occis à Bruges. 14.a.
*I*se chevalier Anglois renommé meurt au siege d'Orleans.
38.b.

K

*K*rich Anglois surprend Potben de sainte Treille.
142.b.

L

*L*a Poule capitaine Anglois, les courses qu'il feit en
Anjou, & sa desconfiture. 4.a.
*L*etres de desfaillance des Ducs de Bourgogne, & de Cleve-
sire l'un contre l'autre. 19.a.
*L*etres du Pape, sur le fait du mariage du Duc de Brabant
& de la Comtesse de Hainault. 25.a.
*L*etres de la Comtesse de Hainault au Duc Cleves. 14.a.
*L*etres de desfaillance du Duc de Bedford au Roy Charles vi.
47.b.
*L*etres du Roy Henry d'Angleterre, aux estats de Holando
pour les mutins contre le Duc Philippe leur seigneur.
111.b.
*L*etres de Messire Jehan de Luxembourg aux chevaliers de
la toison. 159.b.
*L*etres secondes de Messire Jehan de Luxembourg, Comte
de Ligny aux gens du grand conseil du Duc de Bour-
gogne. 173.b.
*L*iegeois en guerre contre le Duc Philippe. 40.b.
*L*iegeois en guerre contre les Bourguignons. 89.a.
*L*iegeois en armes contre les Bourguignons. 116.a.
*L*ion Cité mutinée contre le Roy Charles vi. 148.b.
*L*ongueville chassé en Caux, jadis donné à Bertrand Clef-
quin, & depuis à la Hire. 152.a.
*L*uxignen maison illustre regnant en Chypre. 81.b.
*L*uxembourg Duché conquis par le Duc de Bourgogne.
136.b.

M

TABLE DU SECOND VOLUME

Maurice de saint Eger, capitaine Bourguignon prisonnier par le commandement du Duc de Bourgogne.	6.b.
Marriage de Jehan de la Trimouille, seigneur de Senelle avec la sœur du seigneur d'Amboise.	13.a.
Marriage du Duc de Bourgogne avec la veuve du Comte de Neuchâton vint.	18.a.
Marriage du Comte de Clermont fils du Duc de Bourbon & de Agnes de Bourgogne sœur du Duc Philippe.	27.a.
Marriage du Duc Philippe avec la fille du Roy de Portugal.	54.a.
Marriage du fils de Jeanne à la fille du Roy de Chypre.	93.a.
Marriage de Jehanne de Bar, Comtesse de Marle & de Suffons avec le Comte de saint Pol.	104.a.
Marriage de la veuve du Duc de Bedford, sœur au Comte de saint Pol, avec Richard de Oudonville beau chancelier Anglois.	136.b.
Marche Dameseyan nommé Eucard.	135.a.
Mille des Faux admet à Paris voy l'assise.	138.b.
Milly en Beauvoisis ruiné par les Bourguignons.	192.b.
Mommerey & Mui l'assise la part Angloise, & font serment au Roy Charles vij.	50.b.
Mort du Roy Charles vij. admet l'an 1422.	51.b.
Mort du Pape Pierre de la Luce.	11.b.
Montegn fortresse en Lannou appartenant au Comte de Selbrouse Dameseyan de Commercy page & demeur.	18.a.
Montreuil Belley Capitaine Franquois occis devant Harfleur.	110.
Mort du Duc de Brabant, mary de la Comtesse de Haynault.	32.b.
Mort du Comte de Salbercy au siege d'Orleans par une Canonade.	38.a.
Mort du Comte de Namur diuquel le Duc Philippe reuencut la succession.	40.a.
Mort de Pierre de Luxembourg Comte de saint Pol.	90.b.
Mort du Duc Philippe de Brabant.	60.b.
Mort du Roy de Chypre nommé de Lusignan.	81.b.
Mortier preuist de Paris, lors que les Anglois le tenoient.	75.a.
Mort de Anne de Bourgogne femme au Duc de Bedford, oncle du Roy d'Angleterre, & sœur du Duc Philippe de Bourgogne.	84.b.
Mommerey rabaisist en Bourgogne.	86.a.
Mort de Jacques de Luxembourg Comte de Haynault, & de Hollande.	136.b.
Mort du Roy d'Escole par la trahison du Comte d'Artois.	137.b.
Mort du seigneur de l'Isle Adam à Bruges.	140.a.
Mort de Jehan de Luxembourg, Comte de Ligny.	177.b.
Mort de la Hire capitaine renommé à Montauban.	192.b.
Monsy capitaine Franquois rend Neule, & la Fere en Tardenois aux Anglois.	115.a.
Neuchâtel en Normandie, Chasteau appartenant au Comte d'An repren sur les Anglois.	82.b.

N.

N Assistance du Roy Louis xi.	10.b.
N Naples Royaume occupé par le Roy d'Arragon sur la Reine Jehanne qui avoit épousé Jacques de Bavière Comte de la Marche.	4.a.
Narbonne Puymerie au seigneur du Roy Charles vij.	1.b.
Nepes au Duc d'Orleans & de la Dameselle de Cle-	

nes.	174.a.
Normans en sedition contre les Anglois.	98.a.
Normans montent contre les Anglois.	100.a.

O.

O Bseques faictes au Comte d'Arminas iadis, Connestable de France me à Paris pour la sœur de Bourgogne.	144.b.
Officiant prend prisonnier la Hire.	142.b.
Orchemont destruit & rasé par le Dameseyan Eucard de la Marche.	117.a.
Ordre de la maison institué par le Duc Philippe, les noms des premiers chevaliers qui en furent.	95.a.
Orange Prince Bourguignon rompu avec dix huit cents Bourguignons, par le seigneur de Ganceurs gouverneur du Dauphiné.	62.a.
Orléans assiéger, offrent se mettre entre les mains du Duc de Bourgogne ce que les Anglois ne voulurent accepter.	42.a.
Orléans delivré du siege par la pucelle Jehanne.	43.d.
Orléans delivré de la prison d'Angleterre épouse la morte du Duc de Bourgogne fille du Duc de Clèves.	175.a.
Orléans en soupçon envers le Roy Charles, pour l'alliance qu'il avoit faicte avec le Duc de Bourgogne.	177.b.
Ormele pres Louviers en Paris où les Anglois traduis rent.	105.a.

P.

P Aix entre le Duc de Lorraine & le Comte de Flandre.	85.b.
Paris assaillie par l'armée du Roy Charles vij. dont elle fut repoussée.	50.b.
Parisiers assistés à la part de Bourgogne & Angloise.	51.a.
Pariceny Baron en Poitou pour la part Bourguignonne.	9.b.
Pentecost capitaine Franquois, & le droict qu'il feroit au fort saint Vincent.	67.b.
Pieul gentilhomme Cyprien pris par les Saracens, & faict cruellement mourir pour sa performance en sa foy Chrestienne.	16.b.
Philippe Duc de Bourgogne s'exerce & prepare au dard qu'il avoit offert contre le Duc Clotivie.	16.a.
Portugais contre les Maures.	37.b.
Porten de sainte Trille, decouvert & pris par Jehan de Luxembourg Comte de Ligny.	12.a.
Porten de sainte Trille de fait & pris par les Anglois.	68.a.
Porten de sainte Trille obtient victoire à Garmoy sur les Anglois & Bourguignons.	66.a.
Prageis heretiques en Boheme.	93.b.

Ensuivent les prises de villes disposées par ordre d'Alphabet.

Prise d'Arques sur les Anglois.	192.a.
Prise d'Arpe & Landouffe en Picardie sur les Franquois par le Comte de saint Pol.	8.b.
Prise d'Ammerle sur les Anglois par Longueval.	49.b.
Prise d'Ammerle sur les Franquois.	34.a.
Prise d'Amulens sur les Franquois.	90.b.

DENGVERRAN DE MONSTRELET.

Prise d'Auchel sur les Bourguignons par le Comte de Vendôme & sur occis Betune chevalier Bourguignon par les communes du pais.	67.b.	Prise de Longueville & autres au pais de Caux sur les Français par les Anglois.	152.a.
Prise de Beaunais & autres villes voisines sur les Anglois.	50.b.	Prise de Lanniers sur les Anglois.	54.b.
Prise de Beaumont en Argonne, & Maufon sur les Français par les Bourguignons.	36.a.	Prise du Maréchal de Meaux sur les Anglois.	163.a.
Prise de Bray Cômte Robert, & autres fortresses par les Anglois.	61.b.	Prise de la Male-maison pres Cambrai sur les Bourguignons par Jehan Blon de la part Française, & comme elle fut reprise par apres.	33.a.
Prise de Brethouil en Beauvaisis sur les Anglois.	98.a.	Prise du Mans sur les Français.	25.b.
Prise de Braine le Comte en Hainault, sur le Duc de Clouffre.	22.a.	Prise de Meulan sur les Anglois par Messire Jehan de Granville.	2.a.
Prise de la Charité sur les Français.	10.b.	Prise de Meulan sur les Anglois.	117.a.
Prise de Chartres sur les Anglois.	79.b.	Prise de Meulan sur les Anglois.	56.a.
Prise de Châteauneuf sur les Anglois.	148.a.	Prise de Montreuil-Fautonne sur les Anglois.	147.b.
Prise de Chappes sur les Bourguignons, par le Duc de Lorraine.	37.b.	Prise de Ham sur Somme par les Français, & la conduite de Pothon de sainte Trille.	104.
Prise de Chaumont en Charolais sur les Français, & le supplice de ceux qui y obtinrent.	94.b.	Prise de Meaux par assaut sur les Anglois, le Maréchal demeurât en leur puissance qui fut bien tost secouru.	162.b.
Prise de Chissey sur les Français par le Duc de Bourgogne.	86.b.	Prise de Montaignon en Champagne sur les Français.	6.b.
Prise de Compiègne sur les Anglois, & la reprise d'icelle par eux.	10.b. 11.a.	Prise de Moyennes en Champagne sur les Français.	31.b.
Prise de Compiègne sur les Anglois.	50.a.	Prise de Muls Euesque par les Français.	89.a.
Prise de Creil sur Oise par le Roy Charles vij. sur les Anglois.	182.b.	Prise de Naples par les Espagnols.	8.a.
Prise de Cresty en Vallois sur les Français.	90.a.	Prise de Nemours sur les Anglois.	141.a.
Prise du Cratoy par les Bourguignons sur les Anglois.	33.4.a.	Prise de Noelle-sur mer sur les Français.	6.b.
Prise du Cratoy en Picardie sur les Français les articles de la composition d'icelle.	8.b.	Prise d'Oisy en Tierce sur les Français.	11.b.
Prise de Dippes sur les Anglois, & de toutes les villes & Châteaux du pais de Caux.	120.	Prise de Pontorson sur les Bretons par les Anglois.	38.b.
Prise de Dommarcy en Ponten sur les Anglois.	3.b.	Prise de Pontoise sur les Anglois par le Roy Charles vij.	186.a.
Prise de Dommarcy en Ponten sur les Anglois.	78.b.	Prise de Prouis en Brie sur les Français.	98.b.
Prise de plusieurs Châteaux sur les Dauphinois au Comté de Guise.	2.b.	Prise de Rambures en Pieu sur les Anglois.	68.a.
Prise d'Estrepagny sur les Anglois, & de Chateau-Gailard pres Rouen, & autres places.	49.b.	Prise de Rue sur les Anglois.	100.b.
Prise de Fallenville en Santes, les courses & ravages de l'Anglois audit pais.	166.b.	Prise de saint Denys en France sur les Anglois.	102.b.
Prise de Gailon sur les Français.	13.a.	Prise de saint Denys en France sur les Français.	117.a.
Prise de Gamaches en Pieu sur les Anglois.	126.b.	Prise de sainte Lumes de Buceron par les Anglois sur les Bretons.	35.a.
Prise de Gisors sur les Anglois, la souldaine reprise par eux.	127.a.	Prise de sainte Lumes de Buceron sur les Anglois.	192.a.
Prise de Gournay sur Aronde par les Bourguignons sur les Français.	56.a.	Prise de saint Valery sur les Français.	1.b.
Prise de Guetron sur les Français la penderie de cent qui furent trouvez, aduicture de l'un d'eux qui sailloit à estre estranglé.	76.b.	Prise de saint Valery sur les Français.	90.b.
Prise de Guise par composition, avecq la reddition de plusieurs autres villes par la mesme composition.	16.a.	Prise de saint Valery sur les Anglois.	93.b.
Prise de Ham sur Somme sur les Français.	96.a.	Prise de saint Valery sur les Français.	95.b.
Prise de Haplains pres Peronne sur les Bourguignons la reprise d'icelle lieu.	91.b.	Prise de Sedan, ville au Comte de Fétroz, sur les Anglois.	13.a.
Prise de l'argence pres Orleans sur les Français & autres villes pres Orleans.	37.b.	Prise de Soissons sur Messire Jehan de Luxembourg par la Hire.	136.b.
		Prise de Torny sur les Anglois.	141.b.
		Prise de Torsy sur les Anglois.	153.b.
		Prise de Verceuil en Normandie sur les Anglois.	14.a.
		Prise de Voiege par Jehan de Luxembourg sur les Français.	11.a.

Rex l'un des Barons de Bretagne & Maréchal de France connaisseur de Marie, & bruslé à Nanger, par jugement du Parlement de Bretagne.

Rambures rend la place d'Estrepagny aux Anglois.

Reconsiliation du Roy Charles vij. avec ceux qui auoient se-

Regule premiere du Dauphin Lays, contre le Roy Charles
viij. fin perit les futurs d'icelle & ce qui en aduint. 167.b.
Richement fort du Duc de Bretagne Jussu Conneillable de
France. 10.b.
Richement Conneillable de France. 162.a.
Robertaillade baron de Gasconne serend au Roy Charles.
192.b.
Rodrigue de Villandraz capitaine pour la port Françoise, ga-
sille le pais de Bordeaux. 155.a.
Roupe des Roys d'Arragon & de Navarre deus Gasette
par les gens du Duc de Milan. 10.b.
Roupe des François & Eslois à Creuant. 8.a.
Roupe de Biscan à Fernandul. 14.b.
Roupe des François à Rignouray en Beauce appellee la iour-
nee de Hareu. 41.a.
Roupe des Cipriens & de la prise de leur Roy, & de la vil-
le de Nicose par les Sarrazins. 28.b.
Roupe notable des Lorrains & François par le Comte de
Vaudement aidé des Bourguignons & Anglois. 74.b.

T.

Sacre en couronnement du Roy Charles viij. à Poitiers.
1.b.
Sacre du Roy Charles viij. à Reims & le retour de sa for-
tune. 47.a.
Sacre du Roy Henry d'Angleterre, comme Roy de France
en l'Eglise nostre Dame de Paris. 76.a.
Saisie des terres que le Comte de Flandre avoit en Hal-
lault. 8.b.
S. Pol Comte guerroyé par le Roy Charles viij. & contrainct
de luy faire obissance. 179.b.
Sainte Croix Cardinal ennuyé par le Pape pour recueillir
le Duc aucc le Roy. 80.b.
Salisbury Comte Anglois descent en France avec nouvelle
armée. 37.a.
Sauloyse & le Bastard saint Pol cheualier de la port Bour-
guignons priu deuant Paris. 53.a.
Sauloyse, & Crevecoeur vaillans capitaines Bourguignons.
55.b.
Sauloyse capitaine Bourguignon, capitaine de Ménédiat. 91.a.
Secours du Duc Philippe à ses subiects au Duché & Com-
té de Bourgogne. 89.a.
Secours de Bourguignons au Duc de Savoie contre le Duc
de Milan. 34.a.
Secours des François à leurs gens assiégez en Compagne par
les Bourguignons & comme le siege sui leut. 63.a.
Secours des François à leurs gens assiégez deus Laguy sur
Merne. 82.b.
Sedition du peuple de Tournay. 15.b.
Sedition à Tournay. 26.a.
Sedition des habitans de Tournay. 37.a.
Sedition à Tournay pour raison des pretendus Euefché
n'indict lieu. 87.b.
Sedition des Romains contre le Pape. 94.b.
Sentence dissolutive du Pape sur le fait du mariage du Duc
de Clevesse & de la Comtesse de Hainault. 31.b.
Serment solennel du Duc Philippe de Bourgogne de iamais
ne ramentener la mort du Duc Jehan son pere. 118.a.
Siege du Crtoy par les Anglois. 74.
Siege de Creuant sur les Bourguignons. 74.
Siege de Berchem Fernandul sur les Bourguignons, &
comme il fut tue par les Anglois. 8.a.
Siege de Guise en Flandre appartenant au Duc de Bar sur
les François. 12.b.

Siege d'Orleans par les Anglois. 38.a.
Siege de Copogne par les Anglois & Bourguignons. 61.a.
Siege des Anglois deuant Montargu. 34.a.
Siege & assaut de Hermonford en Hollande par les Bour-
guignons sans effect. 34.a.
Siege de Calan par le Duc Philippe avec les Flamans. 129.
Siege du Crtoy sur les Anglois par les Bourguignons, fort
mal conduit. 144.b.
Siege de Flarfeur par les Anglois le secours qui y volent
denner les François. 169.a.
Siege memorable de Fumesse par le Roy Charles viij. 183.a.
Sombreset Anglois court Angou & Bretagne. 194.
Subsides royaux & les Anglois sur les eglises de Flandre. 37.b.
Suffert Comte Anglois, capitaine general du siege d'Orleans
apres la mort de Salisbury. 38.b.

T.

Traicté en France avecq nouvelles forces Angloises,
& ce qui y fust. 91.a.
Tartan ville de Gasconne, par le Roy Charles viij. tout iourne
assiégee contre les Anglois qui n'y comparurent. 191.b.
Taufin d'ore celebré par le Duc Philippe, presenté au Duc
d'Orleans & par luy accepté. 179.a.
Tournay est en sedition & division. 4.a.
Tournay en sedition. 10.b.
Trahisson pour surprendre le Chasteau sainte Angedeu-
nerre, le trahistre puny. 85.b.
Trahisson decouverte contre le Duc Philippe, & les trahis-
tres punis. 89.b.
Traicté & articles de la redit de Metu aux Anglois. 1.b.
Traicté d'accord entre le Duc de brabant, & le Duc de
Bourgogne d'une part, & le Duc de Clevesse & lac-
queline de Namur sa femme. 17.b.
Triblément de terre en Espagne, & en Languedoc. 34.b.
Traicté final entre le Duc de Bourgogne & la Comtesse de
Hainault par lequel les terres & seigneuries d'elle deuoit
appartenir apres sa mort au Duc come son heritier. 34.b.
Traicté de la paix d'Arras. 108.b.
Traicté de paix entre France, & Angleterre. 166.a.
Trefues entre les Bourguignons & François. 51.b.
Trefues pour six ans entre Bourgogne, & France qui fu-
rent sans effect. 80.b.
Trefues entre France, Angleterre, & Bourgogne, & les
articles d'icelle. 199.a.
Trimmule nauré & emprisonné par le seigneur du Bureul
& autres sei heyrnes, en la maison du Roy au Chasteau
de Chimon en Tournay. 91.a.

F.

Vaudement pour la saluie de Bourgogne. 71.b.
Vaudement Côte assaillie par le Duc de Lorraine. 72.b.
Vaudement ville assiegee par le Duc de Lorraine. 73.b.
Vaudement en guerre contre le seigneur de Osmelle, &
les Lorrains. 151.a.
Vaudement eueit le pais de Barrois & de Lorraine. 172.b.
Vergy, & Chasteau-villain gentils hommes Bourguignons
en guerre l'un contre l'autre. 85.a.
Villiers des François au Mont de saint Michel, contre les
Anglois. 39.a.
Villiers des François à Montargu cōtre les Anglois. 32.b.
Villiers des François sur les Anglois à Gerberoy. 101.a.
Villiers des François sur les Anglois à Patai en Beauce.
48.a.

F I N.

ANNOTATIONS ET CORRECTIONS

DU SECOND VOLUME D'ENGVERRAN

DE MONSTRELET.

Fucilles 2. Ligne 27. Page 1. se rendirent
subiects, lisez fugitifs.

f. 4. lig. 10. p. forte Brace & Tartaille, il y
auoit trois excellens & renommez capi-
taines en Italie de ce tēps là, Sforce, Bra-
che Monton, & Tartaille, on voit ceste
histoire autrement d'escrire par les Italiēns
mesmes par Olivier de la Marche, en co-
ter les diuersites & contrarietes ce seroit
œuvre prolixie & de peu d'estime.

f. 4. l. 4. p. 2. en doubtrāt, lisez en deboutant.

f. 5. l. 4. p. 2. Artus de Bourgongne, en lieu
de Bretagne.

f. 5. l. 4. p. 2. eust nul boir, pour, eust boir.

f. 8. l. 6. p. 1. le Comte de Bouguignon, la
plus part des histoires de celuy tēps l'ap-
pellent Bouquinghenaultes, lisent Buth-
guen ou Buthkan, Froissart nomme en-
tre les Princes Anglois un Côte de Bou-
guignan.

f. 8. l. 25. p. 1. Claidas le fort, faut remettre
Claidas assieger le fort Chastel, &c.

f. 10. l. 17. p. 2. ville de Champaigne, il faut
Compiengne & le mesme en la 6. lig. en-
suuante.

f. 11. l. 4. 4. p. 2. l'espace de treize iours, en lieu
de, treze ans.

f. 13. l. 28. p. 1. Neelle en Tardenois peult
estre faut faire veu ce qui suit apres.

f. 13. l. 39. p. 1. Bosquen cest le mesme Bou-
quinghen cy dessus mentionné corrigez le
semblable au quinziēme fuciller.

f. 18. l. 31. p. 1. hostel de Bourgongne, pour,
païs de Bourgongne.

f. 32. l. 38. p. 2. Leneure c'est peult estre Ge-
neoue ou Guenenne chasteau de plaisant

gomery, c'est vne race de gentils-hommes
Anglois issus de Normandie.

f. 89. l. 12. p. 1. Pronins, le pais dont il parle
faut penser qu'il faut Peronne.

f. 93. l. 35. p. 1. Bastard de Siennes ie doubte
s'il faut Fiennes maison illustre en Flan-
dres.

f. 99. l. 17. p. 2. Tonnon il faut peult estre
Turin & en lieu de Ripaille Riuelle.

f. 120. l. 39. p. 2. Broufart lisez Bousfac ce-
luy fut depuis, l'un des Mareschaux de
France.

f. 137. l. 11. p. 1. la terre & Chastel adion-
stey y Castel.

f. 139. l. 24. p. 2. l'internelle, le doubte est,
s'il faut Leidquerque par ce qu'il se trou-
ue ainsi ailleurs en pareille compai-
gnie.

f. 141. l. penult. p. 1. Gascon de Logux, li-
sez Gaston, & ainsi en la page suiuante.

f. 143. l. 11 & 12. p. 2. Anglois, mal en lieu
d'Ange.

f. 144. l. 34. p. 1. reuenoient, ostez la pre-
miere, n.

f. 144. l. 9. p. 2. Ossy pour Auxy.

f. 151. l. 10. p. 1. agenouillé, ie doubte s'il faut
à Genouillé.

f. 152. l. 26. p. 1. Raincheaux, pour Ron-
seaux.

f. 152. l. 34. p. 1. Montargis, ce mot de Che-
ureuses qui precede, me fait penser qu'on
doibt lire Marcoussis en lieu de Montar-
gis.

f. 154. l. 6. p. 2. Amiens, lisez Anuers: car
ceste faute d'Amiēs pour Anuers se trou-
ue en deux ou trois autres endroits. aussi

f.177. l.19. p.1. auicboix, ce sont peult estre
aduis & cōseils, toute ceste bulle est plei-
ne de fautes pour n'auoir eu le latin ne
autre exemplaire sur lequel on la peust
corriger.

f.179. l.3. & 34. p.1. Rippemont, c'est Ri-
blemont en Picardie comme on peult iu-
ger par le pais dont il fait mention.

f.181. l.17. p.1. Iean, il faut Ieanne.

f.183. l.37. p.1. Valperche, il se trouue cy
apres Valpergue c'estoit un capitaine

Italien qui fut fait Seneschal de Lyon
par le Roy Charles vij.

f.193. l.41. p.1. Iean d'Ange, peult estre faut
il Iean d'Angeſt, par ce qu'il en est fait
mention souuent en pareille compaignée.

f.194. l.7. p.1. Traonnois & de Chatra-
gonnois, le quartier, dōt il le me fait esti-
mer qu'il faut Touraine & Chartrain :
car ces mots de Traonnois & Chatra-
gonnois sont incogneuz mesmes à ceux
du pais que l'auteur y auoisine.